

in Sydenham Soc.

J. B. D. H. nat. 1624. mor. 1706. Sy. Soc. V. 57.
See, for A. 1693 v. p. 208.

N. 80th. G. 1.

REGIÆ SCIENTIARUM ACADEMIÆ HISTORIA,

IN QUA PRÆTER IPSIUS ACADEMIÆ
originem & progressus, variasque dissertationes & observa-
tiones per triginta annos factas, quàm plurima experimenta
& inventa, cum Physica, tum Mathematica in certum
ordinem digeruntur.

Autore JOANNE-BAPTISTA DU HAMEL *ejusdem Aca-*
demie Socio, & Exsecretario.



PARISIIS,

Apud STEPHANUM MICHALLET, Regis Architypogra-
phum, viâ Jacobcâ, ad Insigne Sancti Pauli.

M. DC. XCVIII.

CUM PRIVILEGIO REGIS.







P R Æ F A T I O.



Nus hic est septimus , cū perillustri Abbate Bignonio Autore hoc Operis sum aggressus. Jam ante viginti annos Illustrissimi Colberti jussu Regiæ Scientiarum Academia Historiam , initia & progressus Gallico Sermonē scribere occæperam , sed aliis districtis laboribus inchoatum Opus abrumpere coactus sum. Tum enim totus in Philosophiæ veteris & novæ elucubrationem incumbēbam: tametsi de illius editione, quæ postea annuente Illustriss. Archipræsule est consecuta, ne cogitabam quidem. Hæc variis experimentis in Academia factis , necnon multis dissertationibus illustrata publicam meruit Eruditorum approbationem. Quod quidem ut senili quadam jactantia dictum , sic accipiendum nolim ; sed ut palam profitear me quidquid in illo Opere ad communem asferre fructum , & in lucem aspectumque proferre visus sum, id totum Academia debuisse.

Et quidem complures Libri , iique eximii, cum Academia universæ , tum singulorum Academicorum nomine jam pene ab illius ortu prodierant in lucem ; ex quibus facile intelligitur quæ & quanta, ex quo hæc Eruditorum hominum Societas à Rege munificentissimo fuit instituta , liberalibus disciplinis facta fuerit accessio. Sed illud dissimulare non possum , quæ Typis Regiis excusa sunt

P R Æ F A T I O.

Volumina *De Animalium & stirpium Historia, de Rebus Astronomicis*; quæque ex posthumis Academicorum Opusculis sunt excerpta, figuris ad vivum expressis ornata, novis iisque præclaris inventis ditata, non, ut par erat, litteratorum manibus teri, quòd forte ad paucos majora illa Volumina pervenerint. Alii quoque Libri ab Academicis conscripti, quique variis in congressibus sunt è scripto recitati, nunc magna ex parte apud Bibliopolas desiderantur. Cujus generis sunt Physica tentamina à Viris eximiis D. Petrault, & D. Mariotte elaborata, ut alia privatorum Opuscula quàm plurima prætermittam.

Quamobrem hunc Librum nec inutilem, nec ingratum bonarum Artium studiosis futurum spero, si tot dissertationes cùm in Libris Academicorum, tum in Tabulariis Academiae sparsas, ex omni pene doctrinarum genere decerptas sic colligam & contraham, ut perspicuitati non obsit brevitatis, nec brevitati perspicuitas; simul tot præclara inventa & generi humano utilia in Physicis, Chymicis, in re herbaria, Anatomia, Geometria, Algebra, Mechanica, Hydrostatica, Dioptrica; tot observationes non minùs utiles quàm jucundas in Astronomia per 30 annos factas in unum veluti corpus sic adducam, ut delectûs, ordinis, & nitoris ratio potissimum habeatur.

Hic quidem labor ante aliquot annos mihi injunctus fuerat, sed multa quominus ad exitum perductus publici juris fieret, obstiteret. Atrox illud bellum, quo Europa pene tota his annis arsit, ætas admodum ingravescens, infirma valetudo, ut alia omittam plurima, hujus Operis Editionem retardarunt. Neque verò me hujus moræ valde pœnitet: siquidem ad annum tantummodo 1692 Academia acta prosequi statueram, quæ ad annum usque 1697. perduxi.

P R Æ F A T I O.

Neque id reprehendendum puto quòd Latine, non Gallice hæc scribere sim ingressus: Id quippe postulatum à me est, ut non ab eruditis modò Gallis, sed etiam ab exteris, qui Gallice non sciunt, legerentur. Quantumvis enim Latina lingua nunc temporis deteratur, & a multis contemptui habeatur, id tamen quod olim de Græca dixit Tullius, de Latina nobis usurpare licet: *Latina leguntur in omnibus fere gentibus, Gallica suis finibus, exiguis sane continentur.* Tametsi enim hæc non sunt ex omni parte vera, id tamen fatendum est linguam Gallicam non esse tam late fusam, quàm Latinam, quæ ubique gentium eadem est, neque tot mutationibus obnoxia, quot linguæ vulgares. Sed de his fatis.

Magna earum rerum, quæ hoc Opere continentur, varietas id procul dubio faciet, ut quod unicuique magis arridebit, id amplectatur. Alios Physicæ dissertationes, quæ & numero sunt complures, & rerum dignitate insignes, alios animalium Historia, multos Anatomia, nonnullos præclara & vitæ humanæ utilia Chymix arcana oblectabunt, ut taceam de Mathematicis disciplinis, quarum nulla pars est, quæ incredibilem animi voluptatem cum singulari utilitate conjunctam non habeat: præterquam quòd ex iis pleræque commune quoddam habent cum Physica vinculum, & quadam veluti cognatione inter se continentur, ut Mechanica, Hydrostatica, Optica & Astronomia imprimis, cujus præcipua in hoc opere habita ratio est; quoniam pulcherrimæ scientiæ, quæ navigationi adeo necessaria est & Ecclesiæ ipsi perutilis, promovendæ causâ Academia potissimum fuit constituta, & Observatorium Regia liberalitate constructum. Mitto de Geometria, Arithmetica & Algebra dicere. Multa sane & scitu digna circa hanc puriorem Mathesim inventa sunt,

P R Æ F A T I O.

quæ cùm magna ex parte edita fuerint, cum in Miscellaneis, tum in ipsis Academicorum elucubrationibus, nihil erat causæ cur tot rebus præclaris quidem, quæque à doctis plurimis ducuntur, sed minime necessariis hoc opus onerarem. Quocirca Geometriæ & Algebræ theoremata, aut problemata enuntiare contentus, horum demonstrationes ut in libris jam editis, aut edendis comprehensas, omnino omittendas judicavi, ne actum agerem, aut eos qui in his disciplinis minus sunt exercitati, ab hujus operis lectione deterrerem.

Nonnulla procul dubio occurrent quæ novitatis gratiam jam exuerunt: sed pleraque ex iis tum nova erant, cum fuerunt proposita; idque æquum videtur, ut eorum Autoribus suis habeatur honos, & diem ipsum, quo primum eorum facta est mentio, huic rerum in Academia gestarum narrationi, ac tempus adscribi oportuit, ut quantum illa naturalem Philosophiam, & Mathematicas disciplinas promoverit, palam omnibus fieret.

Quatuor in Libros hoc Operis dividitur. In primo quæ acta sunt ab exitu anni 1666 ad initium usque anni 1675, continentur: Secundus ad annum usque 1684: Tertius ad annum 1692 progreditur. Postremus in annum 1696 desinit.



INDEX CAPITULI.

REGIÆ SCIENTIARUM ACADEMIÆ

Liber primus.

SECTIO I. **D**E Academia Institutione, ac de iis quæ exente anno 1666 gesta sunt.

CAP. I. Quæ rationes moverint Regem Christianissimum ut Scientiarum Academiam institueret, pag. 1

CAP. II. De Primis hujus Academia exordiis, 4

CAP. III. Physicarum exercitationum primæ delineationes proponuntur, 9

SECTIO II. De Physicis laboribus anno 1677 susceptis, 12

CAP. I. De quibusdam experimentis, quæ ad Physicam generalem spectant, 16

CAP. II. De aliis experimentis Chymicis, 19

CAP. III. De quibusdam observationibus Anatomicis, 21

CAP. IV. De Aquis mineralibus universim, 24

CAP. V. De iisdem Aquis singillatim, 29

CAP. VI. Quædam circa calcis Preparationem observationes Physicæ, 38

SECTIO III. De Astronomicis observationibus, 38

CAP. I. De rebus Astronomicis, quæ anno 1667 discussæ fuerunt, ibid

CAP. II. De rebus Geometricis & Mechanicis, 39

CAP. III. De Lunari Eclipsi quæ contigit die 26 Maii anno 1668, ubi de scientia longitudinum, 41

CAP. IV. De Hydrostaticis, 44

CAP. V. Idem continuatur Argumentum, 47

CAP. VI. De rebus Algebraicis, Geometricis & Mechanicis, 50

SECTIO IV. De quibusdam observationibus Astronomicis anno 1669 factis, 53

SECTIO V. De rebus Physicis per biennium agitatæ,

CAP. I. de quibusdam experimentis Physicis, annis 1668 & 69 in Academia factis, 57

CAP. II. De Analyti Plantarum generatim, 60

CAP. III. De Botanica, seu de re herbaria, & de succi nutritii in plantis circuitu, 62

CAP. IV. De Historia animalium, 66

CAP. V. De Structura oculorum, 69

I N D E X

| | |
|--------------------------------------------------------------------------------------------------------|-------|
| SECTIO VI. <i>De Physicis experimentis,</i> | 93 |
| CAP. I. <i>De quorundam liquorum coagulatione,</i> | 74 |
| CAP. II. <i>Ejusdem argumenti continuatio,</i> | 76 |
| CAP. III. <i>De causis coagulationis,</i> | 78 |
| CAP. IV. <i>De rerum gravium descensu, & causis illius motûs,</i> | 80 |
| SECT. VII. <i>De Physicis Experimentis quæ annis 1670 & 1671 facta sunt,</i> | 87 |
| CAP. I. <i>De animalium & plantarum Anatome,</i> | 87 |
| CAP. II. <i>De quibusdam experimentis Physicis,</i> | 90 |
| CAP. III. <i>Alia experimenta circa vim frigoris,</i> | |
| SECT. VIII. <i>De iis quæ acta sunt annis 1670, 1671, & 1672, quæque ad Mathematicum spectant,</i> | 95 |
| CAP. I. <i>De rebus Astronomicis,</i> | ibid. |
| CAP. II. <i>De rebus Mechanicis,</i> | 97 |
| SECTIO IX. <i>De rebus Astronomicis, quæ annis 1671 & 72 discussæ fuerunt,</i> | 101 |
| CAP. I. <i>De Regio Observatorio,</i> | ibid. |
| CAP. II. <i>De Observationibus in Dania & Gallia factis,</i> | |
| CAP. III. <i>De Observationibus in America factis,</i> | 107 |
| SECTIO X. <i>De Physicis laboribus,</i> | 101 |
| CAP. I. <i>De Historiæ plantarum prodromo,</i> | 111 |
| CAP. II. <i>De Plantarum viribus indagandis,</i> | 113 |
| SECTIO XI. <i>De Historia Anatomica quorundam animalium,</i> | 115 |
| CAP. I. <i>De Historia animalium generatim,</i> | ibid |
| CAP. II. <i>Leonis, Leæne, & Chameleontis Anatome,</i> | 117 |
| CAP. III. <i>Cameli, Ursi, Capræ Lybica, & aliorum Historia Anatomica,</i> | 120 |
| CAP. IV. <i>Quarundam avium Historia Anatomica,</i> | 126 |
| CAP. V. <i>De Struthione, & de alia quadam ave Struthioni consimili,</i> | 130 |
| CAP. VI. <i>De Testudine,</i> | 134 |

LIBER SECUNDUS, 137.

| | |
|---------------------------------------------------------------------------|------|
| SECTIO I. <i>De rebus Physicis,</i> | 138 |
| CAP. I. <i>De rebus Anatomicis,</i> | ibid |
| CAP. II. <i>De Chymicis & Physicis laboribus,</i> | 140 |
| SECTIO II. <i>De rebus Mathematicis annis 1675 & 76 pertractatis,</i> | 143 |
| CAP. I. <i>De rebus Astronomicis,</i> | ibid |
| CAP. II. <i>De Libella usu, & Mechanicis,</i> | 146 |
| CAP. III. <i>Varia machinarum genera perstringuntur,</i> | 151 |
| SECTIO. III. | |

CAPITUM.

| | |
|----------------------------------------------------------------------------------------------|-------|
| SECTIO III. <i>De Chymicis, Physicis, & Anatomicis annis 1676 & 77 susceptis,</i> | 154 |
| CAP. I. <i>De re Herbaria,</i> | ibid |
| CAP. II. <i>De aliis observationibus Physicis,</i> | 156 |
| SECTIO IV. <i>De Mathematicis,</i> | 159 |
| CAP. I. <i>De Astronomicis observationibus,</i> | ibid |
| CAP. II. <i>De Mechanicis, & Geometricis,</i> | 162 |
| SECTIO V. <i>De Physicis experimentis anno 1678 factis,</i> | 165 |
| CAP. I. <i>De Botanicis & Chymicis,</i> | 166 |
| CAP. II. <i>De Physicis observationibus,</i> | |
| CAP. III. <i>De rebus Anatomicis.</i> | 168 |
| SECTIO VI. <i>De Mathematicis,</i> | 170 |
| CAP. I. <i>De Observationibus Astronomicis,</i> | |
| CAP. II. <i>De his quæ ad Geometriam, Mechanicam & Opticam spectant,</i> | 173 |
| SECT. VII. <i>De Actis anno 1679,</i> | 175 |
| CAP. I. <i>De Chymicis & Physicis experimentis,</i> | ibid |
| CAP. II. <i>De aliis rebus Physicis,</i> | 178 |
| CAP. III. <i>De rebus Anatomicis,</i> | 179 |
| SECT. VIII. <i>De Actis anno 1680,</i> | 181 |
| CAP. I. <i>De Observationibus Astronomicis,</i> | ibid |
| CAP. II. <i>Idem continuatur Argumentum,</i> | 185 |
| CAP. III. <i>De Geometricis & Arithmeticis demonstrationibus,</i> | 187 |
| SECTIO IX. <i>De Actis anno 1681,</i> | 190 |
| CAP. I. <i>De Anatomicis laboribus annis 1680 & 1681 susceptis,</i> | ibid. |
| CAP. II. <i>De Physicis Experimentis,</i> | 194 |
| CAP. III. <i>De iis quæ acta sunt, cum Ludovicus Magnus Academiam invisere dignatus est,</i> | 196 |
| CAP. IV. <i>De rebus Astronomicis,</i> | 197 |
| CAP. V. <i>De rebus Geographicis,</i> | 200 |
| SECTIO X. <i>De iis quæ acta sunt anno 1682,</i> | 203 |
| CAP. I. <i>De Physicis Experimentis,</i> | ibid |
| CAP. II. <i>De rebus Astronomicis,</i> | 204 |
| CAP. III. <i>De observationibus in Provincia factis,</i> | 206 |
| SECTIO XI. <i>De iis quæ acta sunt anno 1683,</i> | 201 |
| CAP. I. <i>De Chymicis laboribus,</i> | ibid |
| CAP. II. <i>De Historia animalium,</i> | 212 |
| CAP. III. <i>De rebus Physicis,</i> | 214 |

INDEX

| | | |
|----------|-------------------------------------|-----|
| CAP. IV. | De rebus Astronomicis, | 216 |
| CAP. V. | De iis quæ ad Geographiam spectant, | 219 |

LIBER TERTIUS,

| | | |
|-------------|----------------------------------------------------------------|------|
| | De iis quæ acta sunt ab anno 1684 ad annum 1692, | 223 |
| SECTIO I. | De iis quæ acta sunt anno 1684. | 224 |
| CAP. I. | De Physicis & Chymicis experimentis, | 224 |
| CAP. II. | De Historia animalium, | 227 |
| CAP. III. | Astronomica, | 229 |
| CAP. IV. | De Tabulis Geographicis, necnon de Algebra, & Geometria, | 233 |
| SECTIO II. | De Actis anno 1685, | 234 |
| CAP. I. | De Physicis observationibus, | ibid |
| CAP. II. | De rebus Astronomicis, | 236 |
| CAP. III. | De Mechanicis & Hydrostaticis, | 239 |
| SECTIO III. | De iis quæ anno 1686 acta sunt, | 241 |
| CAP. I. | De Physicis & Chymicis experimentis, ac de Historia animalium, | 241 |
| CAP. II. | De rebus Astronomicis & Mechanicis, | 244 |
| SECTIO IV. | De Actis Academicis, anno 1687, | 246 |
| CAP. I. | De Plantarum Analysis, & Chymicis laboribus, | ibid |
| CHP. II. | De rebus Anatomicis, & historia animalium, | 248 |
| CAP. III. | De rebus Physicis, | 249 |
| SECTIO V. | De iis quæ acta sunt anno 1688, | 251 |
| CAP. I. | De Chymica analysi, | ibid |
| CAP. II. | Anatomica, | 253 |
| CAP. III. | De rebus Physicis, | 255 |
| CAP. IV. | De rebus Mathematicis, | 256 |
| SECTIO VI. | De Actis anno 1689 | 258 |
| CAP. I. | De Physicis experimentis, | ibid |
| CAP. II. | De Historia animalium, | 259 |
| CAP. III. | De Mathematicis, | 262 |
| SECT. VII. | De Actis anno 1690, | 263 |
| CAP. I. | De rebus Physicis, & Historia animalium, | 263 |
| CAP. II. | De iis quæ ad Mathesim spectant, | 266 |
| SECT. VIII. | De iis quæ gesta sunt anno 1691, | 272 |
| CAP. I. | De Physicis observationibus, | ibid |
| CAP. II. | De iisque ad Anatomiam & Historiam animalium spectant, | 274 |
| CAP. III. | De Mechanicis, | 275 |

| | |
|------------------------------------------------------------------------------|------|
| SECTIO I. <i>De Aëlis anno 1692,</i> | 282 |
| CHAP. I. <i>De rebus Anatomicis,</i> | ibid |
| CAP. II. <i>De Physicis observationibus,</i> | 285 |
| CAP. III. <i>De Chymicis laboribus,</i> | 287 |
| CAP. IV. <i>De Astronomicis observationibus,</i> | 288 |
| CAP. V. <i>De Geometria, & Mechanica,</i> | 291 |
| SECTIO II. <i>De Aëlis Academicis anni 1693,</i> | 293 |
| CAP. I. <i>De Physicis observationibus,</i> | 294 |
| CAP. II. <i>De Botanicis & Chymicis,</i> | 297 |
| CAP. III. <i>De rebus Anatomicis,</i> | 301 |
| CAP. IV. <i>De rebus Mathematicis,</i> | 306 |
| SECTIO III. <i>De rebus Mathematicis anno 1694 pertractatis,</i> | 308 |
| CAP. I. <i>De Astronomicis,</i> | 309 |
| CAP. II. <i>De Geometricis,</i> | 310 |
| SECTIO IV. <i>De Physicis & Chymicis, & Anatomicis,</i> | |
| CAP. I. <i>De Physicis & Chymicis experimentis,</i> | 312 |
| CAP. II. <i>De rebus Anatomicis,</i> | 315 |
| CAP. III. <i>De variis visus affectionibus,</i> | 316 |
| CAP. IV. <i>Quædam visus Phenomena proponuntur,</i> | 322 |
| SECTIO V. <i>De Botanica,</i> | 326 |
| CAP. I. <i>De veris Botanica principiis generatim,</i> | ibid |
| CAP. II. <i>De plantarum in genera divisione,</i> | 329 |
| CAP. III. <i>De generibus in certa classes redactis,</i> | 331 |
| CAP. IV. <i>Idem continuatur Argumentum,</i> | 334 |
| CAP. V. <i>De stirpium natura & usu,</i> | 336 |
| SECTIO VI. <i>De Aëlis anno 1695,</i> | 350 |
| CAP. I. <i>De Physicis quibusdam observationibus,</i> | ibid |
| CAP. II. <i>De Plantarum analysi,</i> | 343 |
| CAP. III. <i>De Spiritu acido,</i> | 346 |
| CAP. IV. <i>De quibusdam aliis experimentis Chymicis,</i> | 348 |
| CAP. V. <i>De rebus ad Anatomem & historiam animalium pertinentibus,</i> | 350 |
| CAP. VI. <i>Rursum de rebus Anatomicis,</i> | 355 |
| CAP. VII. <i>De rebus Geometricis, Mechanicis & Hydrostaticis,</i> | 360 |
| CAP. VIII. <i>De rebus Astronomicis,</i> | 362 |
| CAP. IX. <i>De Dioptrica & Architectura,</i> | 366 |
| SECT. VII. <i>De Aëlis anno 1696,</i> | 390 |
| CAP. I. <i>De pondere aëris,</i> | 371 |

INDEX CAPITUM.

| | | |
|-------------|--------------------------------------------------------------------------------|------|
| CAP. II. | <i>De claterio aëris,</i> | 373 |
| CAP. III. | <i>De quibusdam flammæ Phenomenis, & aliquot observationibus Chymicis,</i> | 376 |
| CAP. IV. | <i>De Chymicis alijs laboribus,</i> | 380 |
| CAP. V. | <i>De sale Ammoniaco,</i> | 382 |
| CAP. VI. | <i>De quibusdam alijs Experimentis,</i> | 384 |
| CAP. VII. | <i>De Botanicis & Anatomicis,</i> | 386 |
| SECT. VIII. | <i>De rebus Mathematicis,</i> | 390 |
| CAP. I. | <i>De Astronomicis,</i> | ibid |
| CAP. II. | <i>De solstitio hiemali,</i> | 393 |
| CAP. III. | <i>De Geometricis,</i> | 396 |



Extrait du Privilege du Roy.

PAR Lettres patentes données à Versailles le 21 jour de Juin 1698, signées BOUCHER, & scellées : Il est permis à ESTIENNE MICHALLET Imprimeur ordinaire du Roy, d'imprimer ou faire imprimer un Livre intitulé, *Regia scientiarum Academia Historia*, pendant le temps de huit années consecutives : Avec deffenses à toutes personnes de quelque qualité & condition qu'elles soient, de l'imprimer ou faire imprimer, à peine de trois mil livres d'amende, confiscation des Exemplaires contrefaits, & autres peines portées par lesdites Lettres de Privilege.

Registré sur le Livre de la Communauté des Imprimeurs & Libraires de Paris. Signé, C. BALLARD, Syndic.

Achevé d'imprimer pour la premiere fois le 14 Aoust 1698.

Approbation de Messieurs de l'Academie.

L'Academie Royale des sciences a jugé à propos d'un commun consentement que l'on imprimast le Livre de Mr Du Hamel cy-devant Secrétaire de ladite Compagnie, intitulé *Regia Scientiarum Academia Historia*. Fait en l'Assemblée ce 2 Aoust 1698.

FONTENELLE Secrétaire de l'Academie Royale des Sciences.

ERRATA.

| <i>Pagina,</i> | <i>linea;</i> | <i>errores,</i> | <i>correcti.</i> |
|----------------|--------------------------------------------------------------|-----------------|-------------------------|
| 9 | 5 | Tornicellum, | Torricellum. |
| 9 | 18 | distinctus, | districtus. |
| 11 | 17 | dirigere, | digerere. |
| 15 | 6 | varios, | varias. |
| 17 | 2 | adjectam, | adductam. |
| 24 | 9 | donatur, | donatur |
| 53 | SECTIO IV. <i>De quibusdam observationibus Astronomicis.</i> | | |
| 36 | 34 | occurrit, | excurrit |
| 38 | 3 | aptati, | adde ope, |
| 53 | CAPUT. I. <i>delendum.</i> | | |
| 62 | 10 | qui, | quod |
| 63 | 2 & 27 | caulis, ut | caulis, aut |
| 73 | 23 | expressioni, | impressioni, |
| 79 | 32 | Autoti. ex | <i>delendum</i> punctum |
| 198 | 33 & 38 | & Lunam, | & terram |
| 125 | 6 | qui, comparati, | quæ, comparata |
| 164 | 33 | ad libram, | ad libellam, |
| 275 | 18 | mali aurei, | aureæ |
| 281 | 8 | erat, | esset |
| 294 | 4 | limbum | limbus |
| 313 | 37 | Armenia, | Arvernia |
| 369 | 5 | Architectura, | Architecturæ |
| <i>ibid.</i> | 39 | At cum, | <i>delendum</i> |
| 572 | <i>lin. ult.</i> | loco suo motæ | |
| 384 | 12 | præbere, | præbet. |



R E G I Æ
SCIENTIARUM ACADEMIÆ
HISTORIA.
LIBER PRIMUS.



NTE omnia de ipsius Academiæ Institutione dicendum nobis est, tum quæ unoquoque anno acta sunt, vel excogitata, singulatim & ex ordine persequemur.



SECTIO PRIMA.

*De Academiæ Institutione, ac de iis quæ exente anno
1666. gesta sunt.*

HOC loco quæ rationes Ludovicum Magnum impulerint, ut hunc
Eruditorum Cœtum aggregaret; deinde quæ fuerint prima hujus
Societatis exordia, tum quæ laborum & exercitationum fuerit forma pro-
posita, & quasi delineata, ac demum nascentis Academiæ primordia bre-
viter exponemus

CAPUT PRIMUM.

*Quæ rationes moverint Regem Christianissimum, ut Scientiarum
Academiæ institueret.*

I. Pax Galliam inter & Hispaniam anno 1659 constituta præter alios be-
nè multos hunc attulit fructum, ut bonatum Artium studia acriora
quàm usquam antea excitaret. Jam Eruditorum Cœtus frequentiores cele-
brari cœperunt, qui cogitata sua & inventa inter se conferrent: quo quidem
nihil utilius perficiendis artibus & promovendis disciplinis fieri potest.

ANN. 1666. Nostra quidem hac ætate in Gallia, Italia, Anglia & Germania complures prodierunt Academiae, non ex omnibus promissuè, sed ex cunctis & delectis viris constare, quæ humanioribus literis, & exquisitis disciplinis perpoliendis magno fuerunt adjumento. Sed hoc unum præcipue detuit, ut suprema auctoritate & Principum liberalitate munirentur.

Utrumque Scientiarum Academia Regis Invictissimi n. unificentiæ est consecuta. Nam sancito cum Hispania pacis tædere sibi glorioso & subditis perutili, Rex Christianissimus curas omnes & cogitationes suas ad regni administrationem, & populis suis felicitatem procurandam convertit; ac primum morbis omnibus quos grave diuturnumque bellum invexerat, mederi voluit, tum imperio suo tot victoriis aucto litterarum & scientiarum splendorem adjicere cogitavit.

Eam porro tutissimam præclaris artibus promovendis rationem fore judicavit, si Societatem ex doctis & selectis viris congregaret, qui collatis inter se studiis & inventis multò majores progressus facerent, quàm si in sua quisque arte aut scientia seorsum elaboraret.

Hanc Academiam non tantum eo nomine utilem fore existimavit, quod fructuosa & novis inventis ferax futura esset, sed vel ex eo maxime, quod ab aliis excogitata, quæque ex publico usu esse possunt, diligentius expendens, illud imprimis caveret, ne sumptus inutiles in probandis singulorum inventis infunderentur. Nam sæpe evenit ut ingeniosos homines inventionis calor decipiat, quæque incurrunt difficultates non intento satis animo perspiciant. Quin etiam cogitationes suas interdum ea veri specie sic obducunt, ut difficillimum sit verum à falso discernere, nisi acre & severum peritiorum judicium accesserit. Sed ubi quæ proposita sunt, accurato subiecta fuerint examini, tum de executione ipsa, & de eorum usu facilius poterit judicari; ac demum necessarij sumptus iis perficiendis tutius suppeditantur, qui non raro majores sunt quàm privatorum vires ferre possint. Atque hoc accuratum & diligens examen hoc utilius futurum est, quod Auctores ipsi privilegiis sibi concessis plerumque abutantur, dum alios subinde in societatem non sine magno utrorumque damno inducunt. Id quoque probe noverat Rex sapientissimus non aliam excogitari posse artibus & disciplinis promovendis rationem magis idoneam, quàm si veterum cogitata experimentis, & velut oculis ipsis subjicerentur, ac subinde novis & utilibus inventis, quæ sunt acriorum meditationum fructus, augerentur, quæ ratio nunquam hæcenus tentata est, ne ab iis quidem Principibus, qui bonas artes majori studio coluerunt. Hoc scilicet Ludovico Magno fuit propositum, cum de instituenta Scientiarum Academia excogitavit.

II. Placuit nimirum Christianissimo Regi ejus rei, quam mente conceperat, atque è publica utilitate futuram judicaverat, executionem ipsam illustrissimo viro D. Colbert demandare. Hunc ante aliquot annos inter præcipuos regni suis administratos selegerat, illiusque acerrimum judicium, fidem & diligentiam incredibilem in administratione Æarii, & in præclaris quibusque publicæ rei muneribus perspecta habebat & cognita. Magno is quoque Artium & scientiarum promovendarum studio ardebat, omnino persuasus eas inter præcipua regni ornamenta & publicæ felicitatis instrumenta cen-

feri; neque aliud esse majus & illustrius florentis imperii indicium, quam si litteris ut armis honos habeatur.

III. Huic igitur perillustri viro Rex maximus id muneris dedit, ut rem ipsam executioni mandaret. Is adco cum doctis & perspicacis ingenii viris intro consilio statuit eam Societatem ex viris qui in Phisicis & Mathematicis disciplinis essent versatissimi, cogi oportere: sic tamen ut singuli unam ex iis præter cæteras colerent, reliquas non omitterent. Id enim persuasum habebat Vir eximius eas disciplinas ita inter se esse connexas & confertas, ut difficillimum sit quemquam vel in una ex iis excellere, nisi alias quoque non leviter attigerit. Huic etiam nonnulli auctores fuerunt, ut Academia non ex Geometris modo & Phisicis, sed etiam ex iis constaret viris, qui à politioribus Litteris, & ab historia imprimis essent instructi. Quod utique vehementer approbavit; simul id constituit, ut Geometræ & Phisici Mercurii & Sabbati diebus, die quidem Mercurii separatim, die Sabbati unà convenirent eum in locum Regiæ Bibliothecæ ubi exstant Libri de his disciplinis conscripti,

Consimili ratione qui historiæ dabant operam, Lunæ & Jovis diebus eò se reciperent, ubi historici Libri continentur. Qui denique in politioribus Litteris, Grammaticis nimirum, Poëtica & eloquentia studium suum posuerant, hi diebus Martis & Veneris simul aggregarentur: ac demum ut die Jovis cujusque mensis primo omnes illæ societates unà cõfrent, ubi ab iis qui in unaquaque Academia designati fuerant, (Secretarios vocant,) ut res discussas & dijudicatas scriptis mandarent: relatione facta in generali illo congressu unicuique liceret quæ sibi difficiliora viderentur proponere ex tempore solvenda. Quod si majores essent difficultates quàm ut statim dissolvi possent, ac subinde metuendum foret, ne una vel altera objectio tempus omne congressus absorberet, tum quæ contra dicerentur scriptis proponenda & eorum rationes diluendæ: quod hæc sit ratio & brevior & tutior veri dijudicandi. Ubi iis esset abundè satisfactum, aut nihil occurreret, quod meritò opponi posset, tum quod propositum fuerat, ut totius conventus judicium haberetur.

I V. Hæc prima fuit Academiæ instituendæ forma designata, quæ in eo statu diù permanere non potuit. Nam in ortu suo statim ob certas rationes ea fuit extincta quæ historiæ illustrandæ gratia fuerat constituta. Cum enim historia & Ecclesiastica maximè cum Theologicis quæstionibus, iisque impertinis quæ ad publicum Ecclesiæ regimen spectant, arctissimè conjuncta videatur, atque ex iis quæ sunt facti, persæpe quæ juris sunt deducantur, periculum erat ne ille doctorum hominum congressus quos minimè opus erat, offenderet.

Nec diutius stetit eorum conventus qui politioribus litteris dabant operam, sed feliciorum tamen habuit exitum. Cum enim majori ex parte ii essent Franciæ Academiæ socii, Gallicæ linguæ peritissimi; cumque primus hujus Academiæ ardor temporum lapsu plurimum defebuisset, adeo ut jam pene deserta & interitui proxima videretur, nonnulli ex iis quos D. Colbert selegerat, suæ societatis amore ducti, quàm pene neglectam cernebant, auctores illi fuere, ut eandem benignitatem & curam in veterem

4
ANNO 1666. Academiam conferret, quam huic novæ societati tribuebat, neque id opus esse ut diversi cœtus iisdem de rebus cogereniur, præsertim cum iidem utramque Academiam componerent: nec dubitabant, quin illa Academia pristinum suum splendorem recuperaret, si Rex Maximus eam sua benevolentia suoque præsidio complecti dignaretur. Consilium illud homini prudentissimo non probari non potuit, qui ad restituendam & sustentandam illam Academiam animum adjunxit, ac paucis post annis cum illustrissimus Seguius Franciæ Cancellarius diem suum obiisset, Ludovicus Magnus hanc Societatem in suam clientelam accepit, quod illi quasi novum ortum dedit. Quin & D. Colbert in hujus corporis Societatem ascisci non recusavit, & interdum cœtibus adesse, ita ut nunquam majore in honore aut splendore fuerit illustris hæc Societas.

Vl. Atque hunc habuit exitum humaniorum litterarum Schola, ut vocant Græci, eaque cum Academia Francica confusa est; adeo ut Geometrarum & Physicorum Academia sola perstiterit, quæ primævam sui ortûs vim & robur semper retinuit, nec de pristino suo studio quicquam remisit.

Ac Mathematici quidem primi sex aut septem ad summum convenere mense Junio anni 1666. Hi porro erant D. D. Careavy, Hugens, De Roberval, Frenicle, Auzoult, Picard & Buor. Atque ea fuit prima hujus Academiæ institutio, quæ ex Geometris pene solis adhuc constabat.

C A P U T I I.

De primis hujus Academiæ exordiis.

I. **H**OC omnibus Academiis quæ nostra hac ætate in tota pene Europa sunt institutæ, propositum fuit, ut Physicam & disciplinas quæ ex ea fluxerunt, observationibus & experimentis non temerè & casu, sed certa ratione & consilio factis subnixam illustrarent. Nullos enim progressus faciet nobilis illa Scientia, quandiu ratio ab experientia divellitur, aut vagis quibusdam & confusis notionibus contenti circa verborum pugnas hærebunt; cum denique systemata ad libidinem efficta velut fundamenta huic scientiæ substernentur. Nam genuina Philosophiæ naturalis principia sunt observationes & experimenta. His utique, ut alio loco monuimus, si destituatur, vaga erit & incerta. Ratio quippe sine experientia & sibi uni relicta velut navis sine gubernatore fluctuat, ac vicissim experientia cui ratio non præluet, cæca est & inconsulta, nec quicquam fere utile procreat.

II. Ea quidem mente, eo consilio Ludovicus Magnus Academiam formare statuit ex viris nimirum fama & nomine jam cognitis, iisque non eruditis modo, sed quod majus est, expectis conflatam, qui multa legissent & vidissent, quique nulli sectæ velut jurati essent addicti, quos omne disciplinarum genus oblectaret quidem, sed unam tamen ex iis præcæteris coleret. Hos eligendi Domino Colbert cura, ut diximus, à Rege fuit demandata. In quo quidem idem judicium & eandem diligentiam,

qua in maximis rebus uti solebat, adhibuit. Ac præter eos qui à nobis sunt nominati, quique ad Mathesim imprimis animum adjunxerant, hos elegit qui physicis in rebus excellere magis videbantur, D. de la Chambre Medicum Regis ordinarium, D. Perrault in omni genere Scientiarum naturalium præstantem, D. D. Du Clos & Boudelin in Chimiæ laboribus valdè exercitatos, D. D. Pecquet & Gayen Anatomix petitos, D. Marchant in Botanicis imprimis versatum. Paucis ante mensibus eodem me honore affecterat, atque ut loquuntur, Secretarium Academiæ designaverat, ut quæ proponerentur, scriptis exciperem, & in Commentarios referrem: utriusque & Geometris & Physicis adjunxerat juvenes ingenio & scientia præstantes, D. D. Niquet, Couplet, Richer, Pivert, d'Avois & alios quosdam pereruditos, qui postea publicis operibus magna cum laude præfuerunt.

III. Die 22. Decembris anni 1666, duæ illæ Societates in unam coaluerunt, ac Geometræ simul & Physici in aulam Regiæ Bibliothecæ conveniunt, ubi D. de Carcavi quæ esset Regis voluntas exposuit, quo consilio eos convocasset, nempe ut omnes summo studio & cura in promovendis his disciplinis elaborarent, ob id maximè à D. Colbert delectos fuisse, ut aliquid ad publicam utilitatem & Regis gloriam spectabile efficerent.

In eo congressu deliberatum fuit utrum ex Physicis & Mathematicis una & eadem, an duplex Societas coalesceret, an utique unâ, aut separatim convenirent. Omnium pene ea fuit sententia ambas Societates, quæ sibi mutuas præstant operas, separari non oportere. Qui enim in Mathematicis disciplinis præcellunt, iidem fere à Philosophia naturali sunt instructi, ac Geometrarum accurata & solida concludendi ratio nusquam utilior videtur, quàm Eruditorum Societati, ubi facilè à proposito abduci, & conjecturis tanquam demonstrationibus vis & pondus addi solet. Ex prioribus Geometria probat insequentia, ex certis incerta. Apud eos illud est capitale in Paralogsimum incurrere; simplicior demum hæc est & severior docendæ veritatis ratio: nam ad veritatem nititur, non ad ostentationem.

2. Ea est inter Physicam & Mathesim cognatio, ut unam ab altera seungi non oporteat: nam motuum leges & gravium descensus, aëris & aliorum corporum vis elastica, luminis reflexio & refraction, quidquid demum ad visum pertinet, vel auditum, Mundi systema, corporum cælestium motus, atque id omne quod Staticam spectat, animalium organa ad leges mechanicas aptata, ne vix quidem possunt sine aliqua Matheoseos cognitione percipi. Nec fere alia ratio afferri potest cur Physica tot retro sæculis vel efficta & sterilis permanferit, ac nullos pene fecerit progressus, quàm quod Mathematicæ disciplinæ ab iis qui Physicam coluerunt, pene neglectæ fuerint. Ac nostri quidem ætate qui Physicæ majora attulerunt incrementa, iidem Mathesi imprimis exculti fuerunt, ut Galileus, Gassendus, Cabæus, Cartesius, Honoratus Fabry, ut alios pene innumerabiles omittam, tum eos qui vivere desierunt, tum etiam complures qui adhuc vivunt, & Philosophiam naturalem plurimùm auxerunt.

ANN. IV. Quamobrem id omnium consensu fuit constitutum, ut omnes cūm
 1666. Geometræ, tum Physici bis in unaquaque hebdomada unâ convenirent :
 sic tamen ut die Mercurii quæ ad Math sin, di. Sabbati quæ ad Physi-
 cam spectant, tractarentur. Illud eodem quoque die statutum, ut quæ in
 Academia gererentur, non vulgarentur, nisi hoc ipsi in faciendum ea ju-
 dicasset. Quod utique cūm per se æquum est, tum in omni sodalitatē &
 societate observandum. Cum autem vix illud consequi liceat, ut nemo
 unus ex multis qui unâ congregantur, nova & cognitione digna in cœtu
 ipso propolita amicis & familiaribus impartiri non amet, sæpe evenit ut
 quædam feliciter inventa & longiori silentio tecta ab aliis evulgata fue-
 rint; sive eadem excogitarint, quod non raro accidit hac potissimum æta-
 te, cum omnes eruditi in perficiendis artibus & disciplinis tanto studio
 elaborent; sive in eodem argumento feliciter versati ea sint mentis celeri-
 tate & ingenii solertia, ut leviter admoniti artificium omne alicujus ma-
 chinæ, aut quodvis aliud statim percipiant, & melius interdum exequan-
 tur, quàm ii ipsi qui eandem primi excogitarunt. Quod Galilæo evenisse
 in præclara Telescopii inventionē fugit neminem. Cum enim in familiari
 colloquio à viro nobili accepisset Batavum quemdam in Mathematicis ru-
 dem sic duo apte vitra, ut res objectas & majores & distinctiores cer-
 neret, ut erat perspicaci ingenio & in Dioptrica apprime versatus, quo
 id fieret modo, statim animo complexus, quod casu & temere ab alio in-
 ventum fuerat, ratione duce pene ad summum perduxit. Nam vitra sic ex-
 poliri jussit, idonea figura donari, ac tubo aptari, ut Jovis satellites, pha-
 ses Veneris & innumerabiles in via lactea stellulæ primus deprehenderit.

V. Non illud quidem permagni refert ad publicam utilitatem id nosse
 quis primus præclari alicujus inventi Auctor fuerit, dummodo magna hinc
 in publicum manent commoda: æquum tamen videtur ut quantum fieri
 potest, iis ipsis honos habeatur, qui res novas & utiles primi excogita-
 runt. Nobile illud novis inventis & operibus scientias ornandi studium,
 quo nostri hujus sæculi fervent ingenia, & laudabilis inter eruditos, imo
 & inter diversas nationes æmulatio, mirum quantum ad promovendas dis-
 ciplinas confert, dummodo intra eum consistat modum, quem ratio &
 honestas præscribunt: ac nescio an quicquam aliud eruditorum cœtus ma-
 gis commendet, & utiliores efficiat; hac enim sublata æmulatione Aca-
 demia magna ex parte languescunt, ac nihil fore utile preferunt.

Sed ea quam diximus adhibenda est moderatio, quæ si absit, cœtus il-
 li in vanas & molestas contentiones degenerant. Idque in publicis cœtibus,
 ad quos omnibus sine discrimine patet aditus, sæpe contingit: tum enim
 difficillimum est omnem vitare confusionem. Nam disputationis actu ab-
 reпти, non tam veritatis, quàm victoriæ studio tenemur: ira persæpe, pu-
 dor, deformis pertinacia nos transverfos agunt, ac tenebras effundunt ani-
 mis, non eos veritatis luce complent.

VI. Postremò hi conventus consumendi otii causa cum voluptate qua-
 dam magis instituti videntur, quàm ut aliquid generi humano utile repe-
 riatur; non enim iidem eruditi eo conveniunt, sed alii atque alii, ut libi-
 tum est. Unde difficillè est ullum ibi argumentum accuratè & diligenter per-

tractare. Hoc tamen commodi afferunt, ut multis subinde qui id sibi facile persuadent nihil utile, nihil homine dignum in rerum naturalium investigatione inesse, gustum quemdam, ut ita dicam, bonarum artium ingenerent. Quin & cam abstergunt rubiginem quæ in scholis interdum contrahitur, ubi vehemens animorum contentio parit molestem contradicendi libidinem, cumque circa quæstiones vagas aut voces barbaras occupantur, nunquam ad res ipsas & experimenta descendunt. Quanquam exercitationes illæ scholasticæ aut ad forum parant adolescentum ingenia, ut ad alias vitæ functiones, in quibus vita civilis versatur, quæ profundas Geometrarum speculationes, aut nimis retrusam mysteriorum naturæ cognitionem non possulant.

VII. Quocirca illud fateri bona fide cogimur, publicos congressus sua quidem utilitate non carere, sed eos nihil aut parum conficere posse ad ea quæ Rex invictissimus sibi proposuit, ut par est, exequenda, nempe ut promovantur artes & scientiæ naturales: aded ut non mediocres inde fructus in publicum deriventur. Non enim hoc loco agitur de ingenii sui aut eruditionis ostentatione, sed de iis inveniendis quæ publicæ utilitati serviunt. Quæ ab aliis fuerunt inventa, iusto & severo examini sunt subji-cienda, ut nova auctoritate muniantur crebræ & accuratæ observationes, experimenta demum facienda quæ certa ratione fieri debent, non temere aut inconsultò. Hoc enim non experiri, sed palpare est in tenebris atque in rebus parvi momenti tempus & operam consumere.

VIII. Ne illud quidem inficiamur publicos illos Eruditorum congressus qui primùm apud illustrissimum Monimortium libellorum supplicum Magistrum, tum apud D. Thevenot sunt celebrati, plurimùm momenti attulisse naturalibus disciplinis promovendis: eò conveniebant doctissimi quique, & si quid recens inventum fuisset, diligenter & accuratè expendi solebat. Complures viri qui postea & scriptis & præclaris inventis illustres fuere, & Galli & exteri eò frequentes veniebant. Atque ut alios omittam, Stenotum adhuc juvenis, postea Episcopus ibi industriam & eruditionem suam in rebus anatomicis primùm exhibuit; ac nescio an illorum cœtum occasione celeberrimæ Academiæ brevi post tempore in variis Europæ regionibus non fuerint profeminatæ.

IX. Nam ut rem ipsam ab altiori repetamus exordio, jam ante quinquaginta annos ingenio & doctrina præstantes viri, quique Mathesim & Physicam imprimis coluerant, non una & certis diebus, sed cum libitum erat, apud P. Mersenum conveniebant, & inter alios conspicui erant Gassendus, Cartesius, Hobbeseus, Robervallius, Paschalis uterque parens & filius, Blondellus & alii. Hos utique separatim rogabat Merse-nus ut propositum aliquod problema expenderent, aut experimenta quædam certo fine aut consilio facerent. Et quidem ea disciplinæ quæ ex Geometria & Physica permixtæ, quæque ad vitæ humanæ cultum sunt utiliores, & majori voluptate animum complent, nunquam alias magis excultæ videntur.

X. Ac merito dubitari potest an ulla alia ætas plures ingenio & eruditione præstantes extulerit viros, qui Physicam, Anatonem, Mathesim,

ANN. vel puriorem, vel Physicæ admistam majore studio & animi contentione
1666. coluerint, quàm ætas illa magnis ingeniis ferax. Tum enim in Italia adhuc in vivis erat insignis ille Mathematicus & Philosophus Galilæus Galilæi, qui brevi post tempore diem suum obiit; tum ejus Successor florebat Torricellus, ut taceam de Cavallerio, Cabeo, Scheinero, & aliis bene multis. In Gallia præter cos quos appellavi florebant Cartesius, Gassendus, Fermat Senator Tholosanus, Bachel, Desargues, & in Angliâ præter insignes Geometras, ut Baronem Neper qui Logarithmos primus invenit, eodem fere tempore Guillelmus Harvæus Regis Angliæ Archiater, qui sanguinis circuitum primus omnium, vel excogitavit, vel firmis & inconcussis rationibus sic demonstravit, ut qui consecuti sunt vix quicquam addiderint, tum eximium de animalium generatione libellum edidit in lucem. Tam præclara inventa peritiores ubique fere excitaverunt Medicos ut anatomen novis observationibus illustrarent. Brevi post tempore in Gallia D. Pecquet commune Chyli receptaculum & canalem Thoracicum feliciter detexit. In Dania Thomas Bartholinus vasa lymphatica, Vvarthonium Anglus quosdam ductus salivales, quos Steno adhuc juvenis innumeris aliis postea deprehensis accuratius exposuit. Omitto alia quamplurima, quæ clariss. Marcellus Malpighius qui nuper é vivis excessit, cum esset Summi Pontificis Innoc. XII. Archiater, in omento, corde, cerebro observavit quæque universam medendi artem non mediocriter auxerunt.

XI. Ex Anglis maximè qui præ cæteris in rebus anatomicis elaboraverunt, quod primi omnium sanguinis circulationem reperissent, quidam certas corporis partes accuratius examinandas susceperunt, ut Vvarthonium corporis glandulas, Glissonius jecur, Vvillis cerebrum & nervos, Lovver cor ipsum & illius motum, ac novis subinde inventis hanc scientiam sic locupletarunt, ut Anatomia ex qua medendi scientia pene universa pendet, majora tum ceperit incrementa, quàm unquam antea: adeo inter eruditos valet æmulatio, ut in provehendis artibus & disciplinis nulla res plus possit.

XII. Sub finem dominationis Olivarii Cromvelii complures viri nobiles quibus & hæ disciplinæ cordi erant, quique magna ex parte Galliam & Italiam peragraverant, atque Eruditorum cœtui apud D. D. Monmort & Thevenot interfuerant, Oxonii unà convenerunt, qui de rebus physicis inter se conferrent, & varia facerent experimenta. Præterquam enim earum disciplinarum quas in dies perpetuiri cernebant, studio tenebantur, illud quoque vel maximum accedebat, quod legitimo suo Regi addicti minus tutum iis videretur domi suæ quietos agere, quasi præsentis rerum status minus contenti opportunitatem tempus tyranni jugum excutiendi expectarent. Ea ratione minui posse periculosam Cromvelis de se suspensionem, si his studiis se dederent, quæ tranquillitatem animi ac securitatem postulant.

XIII. Hoc genere exercitationis delectati in eo permanferunt, ac Societas eorum paulatim aucta est, dum sub Carolo II. magnæ Britanniæ Rege, quem eorum disciplinarum studium imprimis oblectabat, in unum corpus Londini coierunt. Tunc enim regia Societas Anglicana Regis ipsius auctoritate fuit constituta, & suis privilegiis instructa.

Jam, ut diximus, in Italia plures erant Academiæ quæ ad politiores literas, & ad ea quæ sunt vitæ civilis officia, magis spectabant, quam ad disciplinarum augmentum. Excipienda tamen illustris Academia Florentina quæ serenissimi Magni Hetruriæ ducis autoritate fundata magnos extulit viros, ut Galilæum Torricellum, Borellum Redi, Bellinum &c. Neque alibi fere quam in Scholis publicis Philosophicæ & Mathematicæ disciplinæ docebantur. Qui in observationibus & experimentis faciendis studium suum & operam ponebant, sese invicem invitere contenti, aut per Epistolas quoddam inter se commercium inire, quæ occurrebant difficultates, aut solvenda problemata sibi mutuo proponere, aut si quid observatione dignum foret, alios subinde admonere, quid sibi iis de rebus videretur, quid animo cogitassent, ultro aperiebant. Quod liquet ex Epistolis Gassendi, Cartesii, Merfenni, ex vita Peireschii. Hi utique inter præcipuos nostri hujus sæculi viros numerantur, qui in Gallia experimentalem Philosophiam promoverunt, uti & iisdem temporibus Franciscus Baco Angliæ Cancellarius, qui formam instaurandæ scientiæ naturalis & certis observationibus confirmandæ primus delineavit, cumque, ut ipse ait, pene solus esset rotius regni negotiis distinctus, is tamen omnes Philosophiæ partes non mediocriter illustravit.

XIV. Quod si Ludovicus magnus Regiam Scientiarum Academiam eo tantum instituisset modo, quo Cardinalis Richelius Academiam Francicam, aut Carolus II. Anglicam Societatem, ac privilegiis quibusdam eam ornare, impendiis faciendis certum destinare fundum contentus, magna sane illi haberetur gratia. Sed is non modo hanc fundare voluit, aut necessarios experimentis & observationibus faciendis suppeditare sumptus, verum etiam placuit illi suæ liberalitatis ac benevolentiaë testimoniis eos cumulare, quos huic Societati certo judicio & delectu adjunxit, ut in eam cogitationes suas & curas omnes conferrent. Quodque mirandum magis est, bella quantumvis acerba nihil de regia munificentia detraxerunt, ne his quidem postremis annis cum tota pene Europa adversus Galliam conjurasset.

CAPUT III.

Physicarum exercitationum primæ delineationes proponuntur.

I. **N**unc ad ea veniamus in quibus Academia potissimum se exercuit, & etiamnum se exercet. Hoc enim præcipuum est hujus Historiæ argumentum, idque maxime à nobis expectari crediderim. Ac primum quidem vitandæ confusionis causa de Physicis & Mathematicis laboribus separatim sic dicendum est, ut rerum potius quam temporum seriem persequamur. Illud quoque admonendum, hoc nobis esse propositum, non ut integros de Anatomia, Arte Chimica, aut de aliis disciplinis libros conscribamus, sed tantum ut ea mandemus literis quæ ad Academiæ Historiam pertinent, quos illa progressus fecerit, quæ demum unoquoque anno fue-

ANN. rint designata, quæ perfecta exponamus. Neque in eo laborandum nobis
 1666. est ut omnes Commentarios aut Tabularia exhauriamus, quod longum esset, nec publici saporis: non enim his de rebus magna volumina ferre ætas nostra potest. Sed priusquam omnes Academiæ labores sigillatim & exercitationes explicentur, quid illi propositum maximè fuerit, quamque renuerit viam in unaquaque disciplina pertractanda, ante intueudum nobis est.

Atque ut à Physicis rebus ordiamur, vir cum viveret ingenio & omni genere eruditionis præstans D. Perrault, quæ ratione duæ illæ Philosophiæ naturalis partes, quæ eruditorum studia imprimis ad se convertunt, Anatomia & Botanica tractandæ sint, breviter exposuit, atque Anatomes promovendæ eam velut formam delineavit. Anatomicas observationes duplicis esse generis primùm admonuit: aliæ enim ad organorum structuram & conformationem referuntur, aliæ in usu organorum & eorum functionibus exquirendis versantur: ex organorum fabrica usus persæpe & actiones, ac vicissim ex usu & functionibus organa ipsa deteguntur.

II. Quocirca eo omnis Anatomica indagatio spectat, ut ex organis jam notis usus incogniti, & ex perspectis functionibus instrumenta his aptata innotescant. Multis in hanc rem prolatis exemplis tum organorum, quorum usus adhuc sunt in occulto, ut lienis, pancreatis, glandularum, quæ atrabiliares, aut renes succenturiati dici solent; tum actionum, quæ cum sint manifestæ, ex organis nondum satis bene perspectis oriuntur: cujus generis fortè est lactis generatio, & sanguinis ipsius confectio: tandem id concludit, hinc amplam exercitationibus Academicis materiem subterni, atque ea insistendum methodo, quæ in rerum pene omnium investigatione utimur, sensu nimirum vel ratione, ac sæpius utrumque esse adhibendum. Quamvis enim corporis humani notitia ex accurata omnium partium separatione, & ex aspectu ipso pendeat, non soli tamen oculi iudices sunt ea in re satis idonei, nisi rationis accedat iudicium: secus vix de usu partium quæ detectæ fuerunt quicquam certi decerni potest, ac frustra sæpe nova indagantur organa, quæ ratio ipsa minimè necessaria iudicat. Itaque rationem simul & sensum una conjungere optimum fuerit. Interdum conjecturis utendum, cum demonstrationes sensibiles desunt: conjecturas probabiles suppeditare solent ligaturæ, liquorum injectiones quibus vasa fiunt apertiora, aut humores coagulantur, & alia ejusmodi de quibus idoneis locis dicemus.

III. Quæ de re Botanica disseruit, ad hæc duo capita revocantur, eas exercitationes duplicis esse generis: nam vel sunt mere Botaniciæ, vel Philosophiciæ: priores quidem ad plantarum historiam pertinent, quæ multiplici ratione illustrari & locupletari potest, ut suo loco dicendum erit; sed stirpium ortus, causas & naturas exquirere diligentius, hoc Philosophi munus videtur, qui plantarum ortus & vegetationes potest expendere; si, exempli gratia earum semina, antequam terræ mandentur intentioniori animo Microscopii ope intueatur, tum iis sæpius è terra erutis, quæ iis accidant mutationes, in magnitudine, in figura partium, in succis, in coloribus animadvertat, quæ in germine magnorum præcipue seminum pau-


latim fiant incrementa, quæ caudicis, aut trunci, aut ramorum distinctio *Bota-* appareat. Atque ejus generis experimenta variari, iterari, expendi, trans- *nica.* ferri, applicari possunt, ut judicium fiat quoddam universale, aut propositio generalis & constans, ex qua rursus nova prodeant experimenta, quibus hæc naturalis Philosophiæ pars non mediocriter augeri & illustrari potest.

Quæ enim auctores magni nominis, cum veteres, tum recentiores de plantis scripsere, ex iis confirmari possunt aut rejici. An succi v. gr. quarumdam plantarum, aut sales ipsi è cineribus extracti easdem proferre possint, an terræ è regionibus distitis allatæ iisdem plantis procreandis sint idoneæ, an quædam sponte nascantur è terra altius desossa?

IV. Circa plantarum nutritionem illud ut observatione & accuratiore indagatione dignum proposuit, utrum id commune habeant cum animalium nutritione & augmento, ut pars quædam sit præcipua, quæ alias regat & moderetur, qualis fortè est radix ipsa, quæ prima succum è terra exsugens eum parat & coquit, atque in plantam universam distribuit. Cum autem radix tam parvo temporis spatio succum, ut par est, dirigere non valeat: (nam is continenter attrahitur & fluit, quæ est viventium omnium conditio) hinc fit, ut repetitis vicibus illum præparatum & subactum oporteat; quod alendis partibus nondum satis idoneus ad radicem ipsam circuitu quodam redeat, quo perfectionem suam consequatur. Qui quidem circuitus fibrarum ope efficitur: nam fortè ita sunt aptatæ, ut quædam succi alimentitii ascensum, aliæ descensum juvent, atque eo fere munere funguntur, quo valvulæ in venis animalium sanguinis circulationi serviunt. Hoc quippe viventium omnium natura postulat, quæ ut continuum substantiæ dispendium refarciat, continua quoque præparatione & coctione indiget. Illa enim perditæ substantiæ reparatio succum exigit ritè præparatum. Hic verò statim perfici nequit, isque in perenni motu versatur. Nam videmus plantas avulsas brevi exsiccati & tabescere. Quare id videtur necessarium ut ad eas partes quæ huic muneri destinantur, identidem redeat, quasi recoquendus. Utrum verò res ita se habeat, ut ex fibris plantarum aliæ ita sint aptatæ, ut succus per eas ascendat, aliæ facilem huic succo descensum præbeant, hoc utique ex iis plantis quæ crassiore succo, ut lacte donantur, conjici poterit. Verùm de his postea redibit sermo; nam interjecto aliquo tempore D. Mariotte qui paucis post mensibus in Academiam ascitus est, suas in eandem rem conjecturas & observationes proposuit.

V. Sub idem fere tempus D. Du Clos qui multum operæ & temporis in Chimia excolenda impenderat; quid in eo genere laborum faciendum judicaret, paulo fusiùs exposuit. Illud ante omnia accuratiore examini subijciendum existimabat, quæ sint genuina mixtorum corporum principia. Duplici id via tentari posse, aut partium ex quibus mixtum quodvis componitur, separatione, aut ex ipsis observationibus quæ circa ejus generationem, & præcipuas affectiones fieri possunt. Negabar ille, Chimicis adeò jactata principia, salem, sulphur, & Mercurium eo nomine donari posse, cum in alia simpliciora resolvantur. Multa in eandem sententiam adjecit,

ANN. quæ non sunt hujus loci aut temporis. Horum enim principiorum nume-
1666. rum quisque ut libitum est, augere potest, aut minuere.



SECTIO SECUNDA.

De Physicis laboribus anno 1697. susceptis.

De Physicis experimentis dicturi ab iis quæ sunt faciliora, quæque latius patent, capiemus exordium.

CAPUT PRIMUM.

De quibusdam experimentis quæ ad Physicam generalem spectant.

ANN.
1667.

I. **E**T si Academia hoc sibi imprimis agendum proposuit, ut in rebus Physicis quæ ad corporis humani cognitionem, historiam plantarum & animalium, ac chymicas resolutiones pertinent, potissimum elaboraret, ea tamen quæ Physicæ generali lucem aliquam afferre possunt, censuit negligi non oportere. Nec illa tantum quæ rara sunt & insolita contemplari, sui muneris esse existimavit: sed ea maximè quæ sunt ante oculos posita, ut calorem, frigus, motum ipsum & illius leges, gravitatem quoque corporum, & alia bene multa, quibus neglectis non sit majoribus locus. Experimenta complura faciendâ judicavit, non fructuosa solum, qualia mechanici artifices potissimum querunt, sed etiam lucida, quæ ad causas rerum inveniendas plurimum conferunt, dummodo non fiant temerè & casu, sed certo consilio & ordine digerantur. Tum enim experimenta ad commune quoddam principium rectâ nos ducunt, ex quo plures conclusiones eruuntur.

Exemplum in hanc rem satis idoneum hujus anni 1667. hyems acrior supeditavit, ut quanta esset vis frigoris in aqua dilatanda innotesceret. Illud enim palam est, omnia pene corpora frigore contrahi, ut caloris vi dilatantur: sed aquam solam frigus distendit. Hinc glacies aquæ innatat, quòd pro mole sua sit levior: contra oleum frigore concretum sit gravius, & in liquidum oleum descendit. Vini spiritus in thermometro multum contrahitur: sed aqua congelata tubos & vasa quibus concluditur, confingit, dum illa expanditur. Quanta autem sit aquæ dilatatæ vis, experiri voluit D. Hugen die octava Januarii, anno 1667. cum sæviret hiems acerrima, tubum ferreum Sclopeti in duas partes secari, atque unius extremum ferruminari jussit: tubi aqua repleti alterum extremum cochleæ ope vi adactæ oclusit, ac ne aëri ullus pateret aditus, liquefactum plumbum supersudis, ad fenestram sui cubiculi gelido aëri tubum noctu exposuit, qui circa horam septimam matutinam crepuit magno cum strepitu, ac fractus est in ea

parte quæ minus firma erat & crassa. Rima quatuor in longitudinem pol. *Physi-*
licum visa est, per quam glacies variis bullulis in sui medio distincta *ca.*
erupit.

Experimentum in parte altera tubi iteravit, qui eodem fere modò disruptus est. Tanta nimirum est vis frigoris, quod aquæ partes sic distendit, ut lento quidem, sed continuato & juncto omnium particularum nisu solidiora quæque frangat corpora.

Quæ sit hujus dilatationis causa non est hujus loci curiosius investigare. Utrum aquæ particulæ, dum vis frigoris riger, fiant immobiles, nec tam aptè aliæ aliis incumbant, quàm ubi motu ingenito cientur; tum enim facilius flectuntur, ac pressioni aëris, aut aliarum aquæ partium cedunt. An potiùs aër poris aquæ conclusus in varias bullulas distenditur, quales in glacie per rimam Sclopeti exeunte visæ sunt, quòd à circumfuso aëre minus premanantur, aliis excutiendum relinquimus: quamquam illud ipsum dijudicari potest experimentis quæ D. Homberg anno 1692. in sua machina pneumatica nobis coram exhibuit, de quibus suo loco dicemus.

II. In his omnibus illud cavendum imprimis puto ne citius quàm par sit ex variis experimentis axiomata quædam generalia colligamus; nam imperfectæ inductiones sæpe nos in errorem inducunt, dum ad ea quæ excipi possunt, non satis attendimus.

Exemplo esse potest illud ipsum quod mox attulimus de frigore, quod arctare & contrahere quæque corpora vulgò creditur, cum tamen aquosa omnia distendat.

Sic vulgo persuasum est, corporibus majus pondus non accedere, nisi sensibilis alicujus materiæ fiat accessio. Et tamen eodem fere tempore D. Du Clos variis experimentis ostendit antimonium & alia mineralia calcinata augeri pondere, idque etiam cum radiis solaribus exposita multum emisere fumum. Libram unam reguli antimonii in marmore triti, atque in tenuissimum pulverem comminuti, vasi fictili & plumbato impositam, radiis solaribus exposuit, atque ope speculi ustorii hanc materiem incendit: adeo ut fumus densior & albicans plurimus erumperet. Pulvis antimonii velut in cineres redactus post horam integram decima pristini ponderis parte auctus est. Experimentum illud iteratum fuit, quo pulvis tenuior erat, hoc citiùs incendebatur, & gravior apparebat; Ubi in mortario tantum contritum fuit antimonium, in ea solum parte ignem concepit, in quam luminis solaris focus incidebat. Fors est ut accurata contritio partes combustibiles & incombustibiles simul permistas, ad faciliorem separationem disponat.

III. Eadem experimenta ad ignem ipsum facta in variis mineralibus quæ pondere aucta sunt. Sic regulus antimonii cochleari ferreo impositus, octava sui ponderis parte factus est gravior. Limaturæ cupri rubri uncias octo, limaturæ ferri quatuor, tantundem auri pigmenti crucibulo imposuit; duas tartari in pulverem redacti uncias superfudit; alio crucibulo & inverso prius operuit, per octo horas in furnulo quem camentationis vocant, aucto per gradus igne, tartarum die crastina nigrum & calcinatum apparuit. Eo sublato hæc mineralia quatuor unciiis graviora reperta sunt: adeo ut

ANN. auri pigmentum quod ignis calore pondere minui solet, tartari ope fixum 1667. evaserit; & per tres horæ quadrantes igni admotum, quinta fere sui ponderis parte increverit.

Hoc ponderis augmentum novarum partium additione quas aër vel ignis suppeditat, fieri non abnuerim. Nam calor ignis novum aëra ad se continenter trahit. Hinc regulo antimonii, dum radiis solaribus inflammabatur, corpuscula fibrosa & cinerei coloris adhærescere visa sunt, quæ sulphurea esse hinc colligitur, quod spiritus vini antimonio calcinato affusus, post aliquam digestionem rubram tincturam ex eo decerpat, cumque antimonium remaneat ejusdem prorsus ponderis, atque erat ante calcinationem.

Illud quoque est verissimile, mineralibus sulphureis majus pondus accedere, ubi in calcem rediguntur. Sic stannum multo sulphure abundat: nam una cum sale petræ fulminat, idque calcinatum fit multo gravius quam antea. Eadem est plumbi ratio quod in folia tenuissima diductum inflammatur. Qui vasa fictilia & candida conficiunt, idem testantur, 100 plumbi libras, & 50 stanni una fusi post calcinationem 12 saltem libris graviores fieri. Quin & lateres ipsi coctione fiunt graviores. Hæc tamen acriore egent examine, num pondus his mineralibus accedat è vase ipso ferreo aut cupreo, quod adjecti sales excedunt. Nam D. Bouleduc nuper in Academia testatus est antimonium crudum in vase fictili calcinatum pondere imminutum fuisse. Qua de re alius fortasse occurrerit dicendi locus.

IV. Etuditorum scripta quæ publici juris fiunt, quæque promovenda huic scientiæ servantur, diligentius exponere, quæque fiunt experimenta interdum repetere, idque in rebus Chymicis non inutile fore judicatum fuit. Nulla enim ars est novis inventis feracior, dummodo à veris tractetur Philosophis, quemadmodum in Gallia, Italia, Anglia, Belgio, Germania, Dania jam à multis annis fieri novimus.

Cum paucis ante mensibus eruditus Medicus D. Givre, & in arte Chymica versatus librum vulgasset de aquis mineralibus quæ Provinciæ v. Provins reperiuntur, easque alumine & ferri vena imprægnatas putaret; dissertationem ea de re conscripsit D. Du Clos, in qua nihil concedebat Autori non atramentum, seu vitriolum, non ferrum ipsum, sed venam ferri molliorem, seu ens primum ferri, ut loquuntur Chymici, eam aciditatem aquis ferrugineis impartiri; sed negabat prorsus ea in re quemadmodum D. Givre existimabat ulla esse aluminis partes: non enim alumen in iis aquis ullum invenitur, neque id gustu aut ullo satis idoneo argumento se prodit. Vitrioli aciditas pungens longè diversa est ab ea aciditate quæ in Spadanis & aliis aquis percipitur, qualem in vena ferri quamdiu in terra delitescit observavit Autor laudatus. Eundem enim in his aquis saporem inesse ait, quem in aquis fibrorum, ubi ferrum extinctum est, experimur; ac diversis in glebis varios coctionis gradus animadvertit, cum alibi flavæ, alibi rubræ, interdum nigrae appareant. Hanc ferri venam cum per bideum soli exposuisset, mollis instar argillæ aqua dilutæ permansit: sed exsiccata ad ignem ferrum redolebat; fusa velut scotiam ferri exhibuit: cum ea ferri vena mollior est, & aqua diluitur, tum speciem præ se fert amurcæ aut

fecis olei. Ubi aëri diutius exponitur, durior evadit, & in grana concre- *Chimi-*
cit, quæ nullam vini aquis tribuunt. Quare primum illud ens ferri aquis aci- *ca.*
ditarem præbere potest, neque necesse est ad vitriolum vel alumen confu-
gere. Mineralia porro & ferri venæ imprimis aquis communicare possunt,
vel spiritus quosdam volatiles, qui olfactu percipiuntur, aut succos coagu-
labiles, qui sapore dignosci possunt, & in crystallos varios formantur; vel
terrenas particulas, quæ calcinatione & reductione ad flammam lampadis
se produnt.

Ista quidem paulo fusius à nobis sunt exposita, quòd ea non sint inuti-
lia iis intelligendis quæ postea de aquarum mineralium examine in Acade-
mia non indiligenter factò postea dicturi sumus.

V. Prodiert nuper in publicum nobilis Angli D. Boyle, de his disci-
plinis optimè meriti tractatus de formarum origine, in quo multa de sale
quodam, quem vocat anomalum, edisserit. Hic utique ex aliis salibus com-
ponitur, sapore tam dulci, ut nullo is sale, vel acido, vel sulphureo im-
mutetur, aut destruat; violarum syrupo nec rubrum colorem, ut acidi
sales, nec viridem confert, uti sales alkali, aut sulphurei: vis tamen il-
lius in dissolvendo maxima est. Quis vero ille sit, & qua ratione præpa-
retur, aliis divinandum relinquit. Hoc utique anigma solvendum suscepit
D. Du Clos ipsissimum salern esse suspicatus, quem ex Quercetano refert
Schroderus tomo 2. Quercetani redivivi p. 693. salis nimirum communis
cristallos dulces quæ ope aceti ex melle facti præparantur. Hujus salis mi-
ras virtutes in curandis morbis, imò si ei credimus, in auro dissolvendo
extollit, atque iis dotibus quas D. Boyle suo sali anomalo tribuit, omni-
no præditus videtur. Ex iis constat quæ falsa admodum sunt & acida, cum
is nec falsus sit nec acidus, nec acer. Hoc utrisque commune est, ut fun-
di facile possint, & in aëre instar salis tartari resolvi: sublimati Mercu-
rii solutionem non præcipitant; in spiritu vini facile dissolvuntur, inter sa-
les sulphureos & acidos medio sunt loco constituti.

Alios esse sales eosque dulces qui ex rebus acrioribus eliciuntur, in eadem
dissertatione admonet D. Du Clos. Ex aqua forti plumbo minerali affusa
sal dulcis extrahi solet, quo animalium carnes incorruptæ conservantur.

Alia quoque experimenta à D. Boyle proposita in eadem dissertatione ex-
pendit quæ longum esset referre, & ab instituto alienum, cum ad rem
metallicam spectent. Quocirca ad faciliora experimenta pergamus.

Illud primum occurrit quod D. Du Clos in aqua insipida exhi-
buit. Ea quidem lento calore extillata fuit ex quadam mucilagine quam
quidam florem terræ, alii florem cæli appellant. Hæc in terris in-
cultis circa æquinoctia post pluviam manè colligitur inter herbas &
muscum; interdum exsiccat, ac supersunt tantum membranulæ quas
ventus huc illuc disjicit. Aqua leni admodum calore in balneo ex ea mu-
cilagine distillata, gustus judicio omninò est insipida: ea tamen sublimatum
mercurium in aqua limpida exsolutum sic præcipitavit, ut solutio lacteum
colorem indueret: quod soli spiritus aut sales sulphurei aut volatiles præ-
stare solent, unde eam aquam hujus generis sale imprægnari constat. Hanc
Paracelsus L. 2. tractatus Philosophici barbara voce *Nosfoch* appellat, eaque

ANN. si nonnullis Chymicis fides habebatur, magnis dotibus prædita est: dolores lenit, cancerotum & ulcerum acrimoniam mitigat. Quod experiri non est difficile; sed iis fides non temerè est adhibenda.

CAPUT II.

De aliis quibusdam experimentis Chymicis.

HIs in universum de ratione experimenta faciendi atque ab aliis facta excutiendi breviter delibatis, placuit à Chymicis initium ducere, quod hæc ars novis inventis sit feracior.

I. Non ea solum quæ ad naturalem historiam, aut ad consuetum naturæ ordinem pertinent, diligentius observanda existimavit Academia, sed illa quoque quæ ad artes spectant mechanicas, & eas maximè quæ ex Chymia pendent. Nam ut pulchrè Angliæ Cancellarius Franciscus Baco, quemadmodum cujusque ingenium meliùs in adversis, aut in perturbatione aliqua insolita se prodit, quàm ubi omnia ex animo fluunt: sic naturæ arcana longè faciliùs deprehendimus, cum per ignem aut alia artis adminicula variè torquetur, quàm ubi itinere quodam suo progreditur. Neque in una re aliqua experimenta consumi debent: nullius enim rei natura perspecta nobis erit & cognita, nisi cum aliis comparetur, quæque in re una interdum se occultat, in alia se manifestam facit. Quod quidem exemplis apertius quàm longa oratione fiet.

II. Nullum fere exemplum afferri potest, quod latius pateat, aut majoris sit usus quàm sal marinus. Hunc ex sulphureo & acido constare verissimum videtur: nam sapor illius ex acri & acido temperatus & palato gratus idipsum confirmat. Sed tamen eum magis sulphureum esse quàm acidum hinc colligi potest, quod auro, stanno, antimonio & aliis mineralibus quæ sulphure abundans, dissolvendis adhibeatur; mercurium verò & argentum in aquis Stygiis dissoluta præcipitet. In eo tamen sal quidam mercurialis inest acidus & à vitriolo non abhorrens. Quod utique D. Du Clos ea ratione comprobavit. Salis marini in aqua exsoluti, & per chartam bibulam trajecti novem libras leni ignis calori admovit: qui ex aqua paulatim concresecbat, salem collegit, donec in fundo una tantum aquæ libra superesset, quæ nullum amplius salem præbuit, donec igne vehementiore omnis aqua exhalasset. Tum verò sal quidam stipticus & acerbus apparuit. Hic in aqua dissolutus oleum seu salem tartari in album coagulum convertit. Quod sal ante extractus non fecit: is enim oleum tartari sibi cognatum non præcipitavit.

III. Idipsum in aqua marina jam expertus fuerat; postquam enim salem nostro non dissimilem moderato calore præbuisse, alium dedit salem qui agrè concresecbat, & acerbam stipticitatem vitriolo non absimilem præ se ferebat. Hic oleum seu salem tartari deliquio, in aëre humido exsolutum turbavit & coagulavit, ut sales quique acidi: cum tamen ex communi sale & oleo tartari liquor quidam, ut dictum est, fiat pellucidus. Rem verò ita

se habere tum primum hinc suspicatus fuerat, quod cum æstate aquam è *Phyſ.*
 ſalinis paludibus prope Rupellam adjectam unâ cum ſale tartari adhibuiſſet, *ca.*
 ut hydrargyrum in ſpiritu nitrî diſſolutum præcipitem ageret, ſtatim uter-
 que hic liquor aquæ marinæ & ſalis tartari in coagulum & craſſum liqua-
 men abiit, præcipitando hydrargyro proſus ineptum; cui præcipitationi ef-
 ficiendæ ſalem communem in aqua exſolutum cum ſale tartari permiscuit,
 & ex utroque prodiit liquor limpidus qui præcipitationem mercurii effecit
 qualem optaverat. Cum igitur hoc discriminis inter ſalem communem, &
 eum qui ejuſmodi aquæ ineſt, animadverteret, aquâ ignis calore exhala-
 tâ, ex qua ſal calore ſolis jam eductus fuerat, illam ſalis concretionem æ-
 grè fieri, neque ea facilitate qua ſolet in ſale aqua exſoluto comperit, eum-
 que citiùs aëri expoſitum liqueſcere, acriùs linguam pungere cum acerba
 ſtipſicitate.

Unde cum ſalem acidum eſſe intellexit: præterquam cum ſale tartari
 permiſtus illam effecit coagulationem quam ſales acidi aut mercuriales ſo-
 lent efficere; quod ſal communis non præſtat, cum is magis ſulphureus ſit
 & acer, quàm acidus.

IV. Illuſtre aliud experimentum, cujus alio loco meminimus, nonni-
 hil lucis afferre poteſt mineralium imo & metallorum generationi expli-
 candæ. In tetra argilloſa prope Luteriam & aliis paſſim in locis, duræ &
 ferruginæ Marcaſitæ oblongæ & leves occurrunt, quæ contuſæ, & ſub
 tecto aëri expoſitæ præ aëris humiditate in pulverem comminuuntur, &
 quosdam velut flores aut filamenta emittunt muco non diſſimilia, ſubalbi
 coloris, ſtipſici ſeu adſtringentis ſaporis. Aqua his ſuperfuſa poſt aliquot
 dies magnam ſalis copiam eduxit, tametiſi lapides ante eſſent proſus in-
 ſipidi. Poſtquam aqua hoc ſale imbuta & igni admota eo uſque ebullit,
 dum pellicula appareat, duo ſalium genera prodeunt quæ ſapore & colore
 differunt; prior ſal frigore congelatur, ac purum eſt vitriolum vitide &
 ferrugineum. Ubi aqua ſuperſtitis pars magna exhalavit, aliud ſalis genus
 ſubalbi coloris & craſſius vi frigoris concreſcit, ſubrubri coloris quod aci-
 dius videtur, & de metalli natura plurimùm refert: cum ſal ante concre-
 tus ſit magis ſulphureus. Quæ ſuperest aqua ſubrubra & lutulenta inſtar
 olei ex lini ſemine expreſſi acerrima eſt, eaque exhalata velut amurcæ fe-
 ces reſtant: quæ ſi diutius igni admoveantur, inſtar argillæ pinguis, in
 aëre tamen exſolubiles concreſcunt: adeo ut ex ea minerales aquas effici
 poſſe exiſtimaret vir eruditus. Terra Marcaſitarum nigra & ſuo ſale exu-
 ta iterum aëri ſic expoſita fuit, ut à pluvia tuta eſſet, tum mulum ſalis
 dedit, eaque pondere nonnihil aucta eſt.

V. Argilla ex qua prodeunt Marcaſitæ, antequam aëri exponatur, mol-
 lis eſt & viſcoſa, odoris omnis & ſaporis expers: poſtquam aëri ſub te-
 cto per aliquot anenſes fuit expoſita, in fruſtula fatiſcit, quæ in nigrum
 abeunt pulverem, eaque odorem ſpargunt acidum, tumque ex iis vitrio-
 lum elici poteſt. Interjecto aliquot annorum ſpatio hoc argillæ genus odo-
 rem ſpirat ſulphureum, & in Marcaſitas cujuſvis magnitudinis abit: cum
 Marcaſitæ quæ in argilla molli priuſquam aëri exponatur, occurrunt, vix qua-
 tuor pollicum longitudinem exaquent rotundæ, nigra, & ſubnigra.

ANN. VI. Hoc ipsum confirmari potest ex iis quæ D. Boyle in Tractatu de
 1667. latentibus quibusdam qualitatibus fuisse conscripsit. Id utique jam est per-
 vulgatum, glebas nitro suo exutas novum nitri proventum adipisci, cum
 aëri exponuntur; hoc quoque in alumine contingere testatur Agricola; in
 vitriolo calcinato, in fecibus aquatum fortium idem evenit: plerique existi-
 mant novis eas salibus imprægnari, & post aliquot menses ex iis fecibus
 aquam Stygiam, per retortam extillari. Neque id vacat expendere an qua-
 dam sit in aëre substantia volatilis & salina, quæ aliorum corporum na-
 turam faciliè induat, idque maximè si in iis corporibus sal, ut vocant,
 Alkale instar materiæ cujusdam communis abundet, quem acidus aut ni-
 tri aut victioli spiritus in suam convertit naturam; sive quædam sit in iis
 mineralibus vis analogæ feminibus quæ beneficio aëris suam maturitatem
 assequantur; seu denique in aëre fluctuent omnium pene mineralium gene-
 ra, quæ cum sibi cognatis & similibus consocientur.

VII. Hujus experimenti occasione, cum de lapidum concretionem agere-
 tur, aliud olim à se factum subjecit experimentum, ac licet casu quodam
 incurrerit, nonnihil tamen lucis lapidum generationi asferre potest. Satis tar-
 tari bene purgati & vitreæ cucurbitæ impositi libræ uni duas aceti distilla-
 ti paulatim superfudit; tum aptato alembici capitello & excipulo, distilla-
 tionem facta, phlegma tantummodo aceti exire visum est. Nam salem illius
 volatilem sal tartari fixus retinere solet. Alius subinde aceti spiritus sali tar-
 tari itidem affusus est, & extillatus, idque sæpius est iteratum, donec
 spiritus aceti eadem qua antea præditus aciditate prodierit. Tum exicca-
 tus sal tartari in spiritu vini puro est dissolutus: quæ dissolutio facta non
 fuisset, nisi sal tartari antè fuisset aceti sale volatili imprægnatus; feces sub-
 nigrae & leves per chartam bibulam separavit, liquor rubeus apparuit qui
 vini speciem præ se ferebat. Hic ignis calore extillatus iterum sali tartari
 affusus, tum secretus fuit, idque quater repetitum donec sal tartari colorem
 penæ album indueret: liquorem quemdam volatilem ex sale tartari effice-
 re tum moliebatur. Hunc cum dupla Stampensis arenulæ portione permis-
 cuit, ne ignis ardoribus fusus diffunderet; misturam retortæ ferreæ & candenti
 partitis vicibus imposuit, sed perparum phlegmatis extillari dedit quod are-
 na spiritus omnes velut captivos retinisset. Materiæ in Massam concretæ,
 ex qua salem aquæ fervidæ affusione elicere voluit, decem ferme aquæ li-
 bras superfudit quæ filtrata per chartam bibulam perparum acriedinis habe-
 re visa est. Hanc ut inutilem vasi fictili & amplo imposuit; sed die crassi-
 na eam instar crassæ mucilaginis coagulata invenit; arenæ imposita ig-
 nis calore magis densata apparuit, ac tandem in lapidem concrevit. Hinc
 conjiciebat salem tartari aceti volatili sale exaltatum cum sabulo Stampensi
 intimè conjunctum aquæ ipsi lapidis soliditatem præbuisse, quæque natura
 paulatim præstare solet ex succo lapidifico, id potuit ars magna caloris
 vi efficere. Lapidem enim non subito, sed lento calore ex variis arenulæ
 granis, quam cernimus duritiem acquirunt. Succus lapidificus qualem in va-
 riis cryptis experimur, forte non aliud quiddam est quàm aqua saxeis ra-
 mentis prægnans, quæ ligni aut aliorum corporum subit meatus. Principia
 quoque Chymica, sal imprimis aut nitrosus ut in calce, aut acidus ut in

Marcasitis, aut utriusque temperatio plurimum forsitan ad eam coagulationem conferunt. Verum hoc loco non tam rationes ipsas quam facta persequimur.

CAPUT III.

De quibusdam Observationibus Anatomicis.

I. **C**UM iis temporibus novum de transfusione sanguinis commentum Eruditorum ingenia exerceret, ac subinde plures viri non indocti in eam spem venissent, fore ut non Physicæ modò lucem aliquam, sed & medendi arti magnam afferret utilitatem, placuit Academiæ illud ipsum qualecumque esset, accurato examini subicere. Itaque die 22. Januarii, tum aliis consequentibus facta est ex unius canis arteria carotide in venam jugularem alterius transfusio sanguinis. Cum autem uberior ex arteria sanguis in venam manaret, brevi extinctus fuit qui sanguinem exceperat. In aliis major est adhibita cautio, ut minor sanguinis quantitas efflueret: neque adeo uberior sanguis mortem attulit cani in quem is transmissus fuit, sed coagulatus tamen apparuit, ac subinde multum fuit debilitatus & dejectus, cum alter esset vegetior. Anatomica

Mense Martio sic repetita est transfusio, ut tantum sanguinis ex unius vena educeretur, quantum ab alterius arteria efflueret, idque bilancis ope fuit exploratum. Tum alia est excogitata ratio, qua duplicis syphonis beneficio sanguis ex unius crurali arteria in venam alterius cruralem, ac simul ex hujus vena jugulari in carotidem alterius commearet. Verum hoc ipsum executioni mandatum non fuit.

II. D. Perrault peculiari dissertatione ostendit quàm inutilis, imo quàm exiriosa esset illa sanguinis mutua transmissio; primum enim præceps ille & subitus sanguinis ac spirituum motus vix à natura ferri potest, quæ humorum alterationi sic præst, ut ab eo quem præscribit ordine, recedi ægrè patiatur: cordis pulsus & propria cujusque organi structura, aut temperies naturæ jussa religiosè exequuntur. Hinc naturali humorum perturbata motione affectus violenti in vitæ discrimen interdum adducunt; atque ut mors ipsa, ita & morbi ex illa confusione oriuntur. Quæ enim bene constituta, vitam & sanitatem tuentur, eadem morbos & mortem afferunt cum ordo ille pervertitur.

III. Hoc ipsum ex iis quæ facta sunt experimentis confirmabat: nunquam enim facta est transfusio, quin animalia extincta aut suffocata fuerint, aut certè multum debilitata ex novi sanguinis coagulatione. Illud sit verosimile animal omni sanguine tam cito fraudari non posse, & alienum excipere, citra ullum virium aut sanitatis dispendium.

IV. Ac nescio an quisquam sibi hoc in animum inducat, animalia post eam transfusionis operationem æquè vegeta videri, nisi fortè quæ uberiore abundabant sanguine, aut ejus perparum admiseret. Ac subinde fieri potuit ut sanguis in syphone ipso concretus alterius venam non subierit, cum ex

ANN. operandi ratione quam vulgaverunt transfusionis patroni judicari non potuit
 1667. quantum sanguinis ex uno animali in aliud commearit. Ex suffocatione quidem multum sanguinis ex unius arteria in venam alterius transmissum fuisse faciliè conjicimus: sed ubi parum effluxit, cum massa sanguinis confundi potuit, adeo ut nihil aut parum nocementi animali intulerit.

V. Qui contra sentiebant, multa opponebant: primum magno naturam debilitatam onere levari, si primæ & secundæ coctioni vacare non cogatur, dum calor & spiritus alia obcunt munera vitæ necessaria, neque in coctione alimentorum absumuntur; hoc saltem habere commodi eam sanguinis transfusionem ut effæto & pene corrupto sanguini alius & purus, & bene elaboratus substituat. Neque natura ipsa, quæ semper ad perfectionem contendit, tam opportunum præsidium aspernabitur, quemadmodum in arboris insitionibus cernimus agrestem & acerbum succum in surculo inserto domari & perfici: quidni in animalibus idem fieri poterit? Quod utique confirmari potest variis experimentis quæ in Italia facta referuntur, cum parti corporis mutilatæ alia recens excisa & adhuc viva inserta est, quæ tamen cum illa coaluit. Addamne in Anglia & aliis in locis sanguinem tanta copia è caneeductum, & in alium transfusum cui proprius cruor pene omnis ademptus fuerat; ut priore extincto posterior & vegetior, & robustior visus fuerit.

VI. His & aliis reponcbat magno vir ingenio, ex insitione & vegetatione plantarum nihil posse concludi in gratiam transfusionis, cum animalium nutritio à vegetatione plantarum tantum distet, quantum organorum apparatus & structura inter se differunt. Vegetatio quidem aut nutritio universim spectata utrique communis est, sed modus ipse quo ea fit, est plane dissimilis; non eandem adhibet natura curam & diligentiam in plantis nutriendis, quam in animalibus. In his eadem semper & optima progreditur via; una est enim operandi ratio, cum est optima. Non eadem est in plantis ratio, in quibus radix quæ oris aut ventriculi, aut cordis fortè munus obit, non est structuræ adeo exquisitæ, ut partes aliæ v. gr. cortex, truncus, aut rami eodem munere fungi non possint. Nam cortex rore madens plantam alit, & interdum radices emittit, ut cum ramus vasi terra oppleto concluditur.

VII. Longè alia est ratio animalium, quorum nutritio non perficitur, nisi adsint omnia quæ natura solet adhibere: adeo ut primæ coctiones, si fortè defecerint, quæ sequuntur, illarum defectum sarcire non valeant, ac primæ digestionis error ad reliquas permanet. Atque ut palatii substructio ex lapidibus aptè dispositis & quadratis fieri debet, cum rugurium aut casa ex obviis quibusve lapidibus, aut ex alterius domunculæ ruderibus struatur. Sic partes animalis quarum structura est admodum exquisita, ex sanguine tantummodo in propriis organis elaborato ali possunt, aut formari. Nec canis v. gr. caro, vulpis, imo nec alterius canis sanguine reparari potest: quemadmodum saxum sic excisum ut fornici aptetur, nec muri substructioni, nec alteri fornici est accommodatum.

Atque in hoc ipso posita est omnis naturæ ratio & æconomia qua vitam animalium fovet & tuctur, ut partes omnes licet dissimiles inter se con-

sentiant : adeo ut quod ab una cœptum est, ab alia perfici queat. Cor, v. gr. chylo ab aliis organis præparato formam sanguinis imprimit ; sanguis verò qui in corde unius animalis (quidquid sit de exempli veritate,) confectus, alteri nutriendo, cujus & calor & spiritus sunt dissimiles, minus erit idoneus, quod diversa planè sit utriusque dispositio.

VIII. Quod si illa præparatio in partium insensibilium configuratione & meatuum aptatione consistit, ne illam quidem coaptationem particularum & pororum eandem in duobus animantibus reperiiri hinc licet conjicere, quòd sanguis unius semper coagulatus apparuit : magno quidem indicio materiam ipsam cum parte in qua excipitur, non convenire, neque hunc esse proprium illius locum, cum sanguis sit ejusmodi, ut extra suum locum statim concreseat, aut nativam amittat partium texturam.

Quod autem interdum evenisse ajunt, ut animal ex quo sanguis arteriosus in venam alterius transfusus est, extingueretur, cum hoc sanum esset ac vegetum, hoc utique unius debilitati, & alterius robori tribuendum est; ac nescio an ulla ratione certâ constare potuerit quantum sanguinis ex uno in alterum commearit.

IX. Verum in iis longiores sumus quàm necesse est, cum illud commentum jam inter ineptias evanuerit, neque ex eo quicquam ad vitæ humanæ usum erui possit. Et quidem memini cùm anno 1669. Londini unà essemus ego & D. Blondel, fortè occurrit nobis vir robusto & athletico corpore, in quo tentata fuerat sanguinis transfusio, si forè ejus remedii vi ad saniores mentem rediret, (unde & semartyrem Regiæ Societatis jactitabat ;) sed nequicquam id tentatum est ; neque enim minùs insaniebat quàm antea, & omnia omnibus minabatur. Quamobrem Senatùs Parisiensis auctoritate prudentissimè cautum fuit, ne hoc remedii genere inusitato & planè inutili quissquam deinceps uteretur.

CAPUT IV.

De Aquis mineralibus in universum.

I. **E**xplosa itaque sanguinis transfusione ut inutiles & noxias, ad ea quæ sunt magis ex usu vitæ humanæ se convertit Academia. Hujus generis sunt Aquæ minerales, quarum vires experientia magis & effectis, quàm rationibus sunt exploratæ. Quare id operæ pretium se facturos existimarunt qui in Physicis & Chymicis studium suum & operam ponebant, si Aquæ minerales quæ passim in Gallia occurrunt, accuratiori examini subicerentur,

II. Ac primum quidem cum Thermæ seu fontes calidi in Borbonio tractu & aliis in locis valde celebrentur, ac multis medeantur morbis, primum quæsitum fuit quæ esset causa caloris quo aquæ illæ fervent. Negabat D. Du Clos, ac meritò, ut nobis videtur, calorem illum ab igne subterraneo proficisci. Vix enim tandiu subterranei ignes perstarent terra conclusi, ubi nullus fere est aëri locus, & intra subterraneas specus coerceri

ANN. non possunt, quin seipsos aliquo indicio prodant. Sunt quidem multis in
1667. locis montes ardentes, sed ignis ille non est perpetuus, neque in Gallia
& ulli sunt hujus generis montes, tametsi quamplurimæ thermæ occurrunt.

1668. III. Ne illud quidem concedebat thermarum calorem ex bitumine, sulphure, aut nitro manare, cum hæc mineralia calorem aquæ imprimere non possint, nisi inflammantur, tumque non minores ederent strages quàm pulvis Pyrius accensus in cuniculis. Multis in locis è terra erumpunt bitumina, sed ea nec calida sunt, nec vicinis fontibus calorem ullum impertiunt.

Sulphur quidem minerale interdum multum caloris concipit citra flammam, ut cum aquæ regali imponitur, tantum caloris procreat, ut vas manibus vix contrectari possit. Idem cernimus in mediis quibusdam mineralibus, cum in aqua forti sibi cognata exsolvuntur. Sed utrum ejusmodi aquæ Stygiæ sint in terræ visceribus, valde ambigimus nec thermæ in suis fontibus eam præ se ferunt acrimoniam. Quin etiam aquæ simplicis admixtio vim illam dissolventem simul & calorem plurimum minueret.

IV. Neque id negamus quædam esse corpora quæ tactu calida apparent citra ullum incendium. Quasdam commemorat Agricola metallicas venas, quæ cum sint frigidæ, tamen aëri expositæ incalescunt; verum aquæ thermarum in terræ sinu antequam aëri pateat aditus, jam calidæ sunt, atque ubi ex fonte exierunt, calore suo in patente aëre exuuntur.

V. Alia quidem sunt corpora, quæ aquæ interventu calent, ut calx viva, chalybis limatura, Stannum purum cum sublimate mercurio in aqua permixtum communi. Sic & oleum vitrioli cui aqua affunditur, multum incalescit: sed hujus generis corpora in terræ abditis non occurrunt. Et quidem cum thermarum calor jam à multis retro sæculis constans & idem permaneat ex perenni causa, quæcumque illa sit, omnino dimanat, eaque in corporibus incensis reperiri nequit, cum igne citò absumantur, sed neque in iis rebus inest, quæ mutua in se invicem actione retusa continenter immutantur, quarum adeo vires eadem & continuæ esse non possunt. Causa igitur perennis illius caloris non alibi posita videtur, quàm in fumis aut vaporibus qui in profundioribus terræ antris sunt copiosi, ut ii experiuntur, qui in fodinis Hungariæ metalla effodiunt. Quæ rupium cavernas & terræ meatus pervadit aqua iis vaporibus fœta, cum calorem retinet.

VI. Rem ita esse multis rationibus suadebat; primum enim thermarum aqua igni admota non citius ebullit, quàm aqua communis & frigida, quod calor ille queni in terræ abditis concepit aqua, non ab igne subterraneo, sed à permixtis oriatur vaporibus qui ignis vi statim difflantur. Liquoris particulæ quo sunt mobiliiores, hoc citius ebulliunt. Sic oleum citius quam lac, spiritum vini facilius quam ejus phlegma, & aquas salibus terrestribus imprægnatas tardius quam puras ebullire cernimus. Sic aquæ minerales salibus terrenis fœtæ, quæque ob vaporum admixtionem incalescunt, non citius effervescent ignis calore quam aqua pura & frigida, quod earum partes non æquè sint ad motum expeditæ.

Rem ita esse, & thermarum calorem ex vaporum permissione duci aliis quoque indicis suaderi potest. Nam & linguam non sic adurunt, atque

aqua communis, quæ ex igne eundem caloris gradum nacta est: siquidem vapor ille tenuis non tam altè imprimitur in tactûs organo, atque aqua, cuius partes sunt crassiores & ignis spiculis armata. Sic teneriores herbas ut acetosam non coquunt eadem celeritate atque aqua communis cui idem caloris gradus inest. Hinc sæpe aquæ minerales calidiores sunt noctu quàm de die, quòd ii vapores externo aëris frigore coërceantur; ii porro aëri expositi diutius calorem suum tumentur.

VII. Ex quibus concludebat prodesse interdum calorem aquæ epotæ his qui humidiori & frigido sunt temperamento, non item biliosis, aut iis qui pulmonum tabe, aut aliorum viscerum calida intemperie laborant. Unde veteres olim balneo tantum aut perfusione & lotione theymarum uti solebant quo lentos & frigidos humores resolverent.

VIII. Thermarum vires experientia magis, quam ratione, si sola sit, dignoscimus, neque omnium una & eadem est natura & origo. Cum anno 1668. Aquisgranî agerem in comitatu Illustr. Legati & Plenipotentiarii D. Caroli Colbert, postea Regi à secretioribus mandatis, experiri volui an ova in puteis vicinis coquerentur: hæc intra pauca horæ momenta indurescere comperi, quod in aquis Borboniis negant evenire. Ac fieri potest ut fumi è sulphureis mineralibus sublati hunc aquis calorem impertiant. Nam prope Aquisgranum ubi plerique fontes & putei calidi occurrunt, ex quibus aqua continenter ebullit, sulphuris, vitrioli, & lapidis calaminaris complures occurrunt venæ.

IX. Qua porro ratione examinandæ sint aquæ minerales fusius exposuit D. Du Clos. Eo quidem nomine donantur quæ ex admistione mineralium insignem aliquam habent qualitatem hominis sanitati utilem aut noxiam, eamque ex terra quam alluerunt, aut in qua diutius restagnantur, contrahere. Quæ impressio ex succi alicujus, aut vaporum, ut diximus, mistura, aut denique ex simplici infusione, citra illius corporis sensibilis additionem dimanat. Vaporum admistio non facile dignoscitur, cum citò exhalent; vitrioli spiritu sæta hoc indicio se produnt, cum recentes in vasis ritè occlusis gallæ infusione colorem ex rubro in atrum degenerantem induunt.

Succi aut salis particulæ in aquis exsolutæ, tum præcipitatione quæ spiritus salis ammoniaci, aut spiritus urinæ affusione perficitur, tum aquarum distillatione aut exhalatione se produnt. Impressio qualitatis citra sensibilis materiæ admistionem ex effectis potissimum innoscitur. Interdum tamen ex sapore ut aqua quæ in vase æneo aut ferreo stagnavit. Mineralia in terræ antris profundioribus contenta, aut terræ sunt, aut succi, aut sales, aut lapides, aut marcasitæ, aut metalla, cumque horum omnium incredibilis quædam sit varietas, vix species earum impressionum definire licet; cum innumeris pene modis misceri possint. Aqua quæ instar communis materiæ omnibus mixtis substernitur, facile excipit tum elementorum, tum fossilium tincturas & qualitates; quorumdam vaporibus imbuatur, aliorum succos diluit, & particulas exsolvit, quorum spirituales, ut loquuntur Chymici, tincturas delibat. Quæ omnia ex accurato aquarum examine conjecturis assequi licet, vix perspecta haberi possunt.

ANN. 1667. & 68. X. Spiritus quidam atramenti, seu vitrioli sulphureus inest aquis mineralibus, quæ vulgo magis salutes habentur, tametsi nec ferrum nec vitriolum in his se prodant. Hoc identidem à se observatum aiebat D. Du Clos, quod cum vi ignis liquorem omnem è vitriolo eduxisset, & iterata distillatione spiritus quidam sulphureus & volatilis leni calore primus exibat, qui odore sulphur referebat, sed & omnis corrosionis expertus erat. Hic facile in auras evanescibat: quod in eo inest magis corporum unà cum phlegmate confunditur, & in rubrum pulverem præcipitatur, qui aliquà domatur spiritus virtute. Liquorem verò illum subtilem miras doctores in temperandis spirituum motionibus, in resolvendis obstructionibus viscerum habere prædicabat. In eo aquarum genere quæ vitriolicæ censentur aut ferruginæ, quæque sunt frequentiores, vim præcipuam positam esse in spiritu sulphureo, eumque rubrum colorem è galla elicere existimabat; sed cum summè sit volatilis, citò is dissipatur. Idque longè utilius fore censebat, si spiritus ille è vitriolo per distillationem ab alijs liquoribus secretus adhiberetur, ac pauca illius guttæ in aqua communi, & in apta decoctione præberentur, quàm si magna aquæ mineralis in ipso fonte non sine magnis incommodis & sumptibus hauriatur. Nam hujus generis aquæ aut translatae aut asservatae vix ullius sunt usus, cum Spiritum illum sulphureum amittunt, ac sæpe terrena materia corporibus noxia onerantur.

C A P U T V.

De iisdem aquis singillatim

I. **E**X multis Gallia locis aquæ minerales sunt asportatae, cæque à D. D. Du Clos & Bourdelin omnibus coram diligenter examinatae. Cum autem res sit, si quæ alia in Physica, magnæ utilitatis, qua methodo, quave ratione in earum examine processerint viri in Chymicis resolutionibus exercitati, libello in hanc rem edito publicatum fuit; adeo ut minimè necessarium nobis videatur ire per singulas, quidve in iis deprehensum fuerit minutius exponere, summa duntaxat capita decurremus.

Antequam aquæ ex locis longius distitis adveherentur, ab iis quæ prope Lutetiam minerales habentur, placuit incipere, à Passiacis vicis vulgo *Passi*, & Autoliensibus v. *Autéuil*. Illas spiritu vitrioli sulphureo aliquantum imprægnari ex eo conclusum est, quod pulvis gallæ injectus aquam recentem rubeo colore infecerit, qui statim evanuit ubi ignis calori admodum est. Spiritus salis ammoniaci qui unà cum calcinato tartaro extractus fuerat, affusus lacteum aquæ impertiit colorem, simul & patum pulveris albi & subtilis præceps decedit.

Ex iis indiciis conjicere licuit quiddam vitriolicum in iis aquis delitescere; nam cum fere colorem gallæ admistione præbent, quem aqua communis cui vitriolum ferrugineum adjectum fuit; nisi quod hic color atro sit vicinior. Verum si quid habent vitrioli, id omne in spiritu aliquo volatili

latili consistit, cum hic color statim evanescat ubi igni admoventur. Ne- *Aque*
 que tamen acidum esse cum spiritum hinc conclusum fuit, quod spiritus *miner.*
 vitrioli unâ cum gallæ pulvere affusus aquæ minerali perspicuitatem non
 ademerit. Cum septem hujus aquæ libræ in balneo maris fuissent extilla-
 tæ, in imo cucurbitæ terra subflava multis admixta fibris pellucidis, &
 lamellis quæ talco non erant absimiles, resedit quinque vel circiter ser-
 pulorum pondere. Hæc terrestres materies crebris lotionibus purgata, &
 à flavo soluta, pulvere talci pellucidi speciem præbuit; idque maximè cum
 Microscopio subjecta est: ferro candenti imposita in igne perspicuitatem
 suam amisit, atque instar gypsi calcinati visa est, aquæ adjectione instar
 gypsi diluta.

Pulvis subflavus & levis ex lotione gypseæ materiæ superstes in alterum
 scyphum vitreum transfusus instar limi flavi subsedit: sed vix vicesima gypsi
 ponderis pars ea fuit. Candenti ferro ad ignem impositus rubiginis ferræ
 speciem præbuit, adeo ut suspicandi locus fuerit hanc rubiginem ex Mar-
 castitis duci ferrugineis, quæ iis in locis copiosæ occurrunt.

Nihil salis aut vitriolici aut nitrosi apparuit. Cum autem ejusmodi aquæ
 perparum habeant ferrugineæ materiæ, multùm gypseæ, palam est eas
 vix ullius esse utilitatis.

II. Quæ in vicino pago Autolio sunt aquæ minerales, tamen insipidæ,
 salutares tamen quibusdam morbis sæpius expertum se assererat D. Du
 Clos, pulveris gallæ adjectione rubeum colorem non induunt. Spiritus am-
 moniaci affusione aqua nonnihil turbata est; post distillationem quatuor
 libratum hujus aquæ perpauca grana cinerei pulveris in imo cucurbitæ re-
 sedere, cujus pars ferme tertia in aqua communi est exsoluta, reliquum
 erat instar minuti sabuli.

Hunc salem nitrosum esse ex iis saxis, quæ ea in regione sunt copiosa,
 exsolutum verissimile judicabat; ac fortè pars illius volatilis & subtilior
 unâ cum aqua fuit distillata: non enim posset tam parum salis nitrosi tan-
 tum vim his aquis tribuere. Nitri porro nomine non salpetræ intelligitur,
 sed succus quidam salsus qui è terra & è quibusdam lapidibus eruitur,
 quique non fulminat, sed ex eo tamen ignis & aëris vi salpetræ confici
 potest. Hoc nitro Ægyptus & aliæ regiones abundant, optimum in Ma-
 cedonia reperiri testatur Plinius l. 32. c. 10. spongiosum esse rubei vel al-
 bi coloris ait Dioscorides. Complures sunt aquæ nitrosæ, sed nusquam
 tamen salpetræ in terræ aut rupium antris, quæ aquis proluuntur, occur-
 rit. Hunc in terris aut in saxis beneficio aëris confici conjiciebat D. Du
 Clos; nam aër corporibus perpetuò siccis, aut semper madentibus non
 adhærescit; humore enim eget quo retineatur: sed aqua obstat quominus,
 ut ita dicam, incorporetur cum sale qui iis inest corporibus. Complures
 lapides multùm salispetræ aëri expositi præbent, nullus est in lapidicinis
 quamdiu terra operiuntur, in pulverem aut in squamas sæpe fatiscunt. Sic
 gypsum in cellis vinariis in nitri speciem efflorescit.

III. Iisdem indiciis aquam vulgo sepulchri dictam nitrosam esse con-
 jiciebat. Aquas percelebres in Normannia v. de Forges dictas ferri vena ad-
 huc molli, seu ente primo, ut loquuntur, ferri esse imprægnatas ex addi-

ANN. tione pulveris gallæ, ex fale superſtite & ſulphureo colligitur. Nam ſuc-
1667. cum parvæ iridis denſatum viridi colore tingit: ſpiritus ſalis ammoniaci
& 68. nullam in iis effecit præcipitationem; perpatum ſalis ſulphurei poſt diſtil-
lationem extractum.

IV. Aquæ Spadenſes eadem methodo examinatæ fuerunt; ſaporem aci-
dum & ferrugineum præ ſe ferebant, aceti rubri colorem gallæ additione
induebant, nulla quoque ex aſſuſione ſpiritus ammoniaci facta eſt in iis
præcipitatio. Poſt diſtillationem pulvis inſtar ferreæ rubiginis, ut in aquis
mox memoratis, ſal iridem ferrugineus extractus eſt.

V. Aliquanto plus operæ in probandis aquis mineralibus pagi vulgo di-
cti *Picle-Comte* poſitum eſt. Aqua in fonte ſuo tepida, noctu quam diu
calidior perhibetur in fontis concha; ſi ab aliquo tempore agitata non fuit;
telæ ſubpingues in ſuperficie extant, limus itidem pinguis & odoris bitu-
minofus, ubi fuit exſiccatus.

Hæc tamen aqua aciditate ſua linguam pungit: ſed cum gallæ pulvere
rubeo colore non tingitur. Spiritus ſalis ammoniaci inſtillatus celerem al-
bæ materiæ effecit præcipitationem; adeo ut videretur hæc aqua fale aci-
do, atque, ut loquuntur, mercuriali imprægnata. Et tamen poſt diſtilla-
tionem quæ ſuperfuit in fundo vaſis, pars fere octava aquæ falſa erat in-
ſtar ſalis communis, non acida. Succus parvæ iridis denſatus & inſtilla-
tus colorem cæruleum in viridem convertit; quod ſales ſulphurei præſtare
ſolent. Exhalata penitus aqua multum in fundo vaſis terræ & ſalis appa-
ruit, ſaporis ſalis, acrius linguam pungebat quàm ſal communis, atque
ad ſalem tartari propius accedebat: ſal extractus, unà cum oleo vitrioli
æquè tumultuari viſus eſt ac ſi fuiſſet ſal tartari. Hinc D. Du Clos ſuſ-
picabatur ſalem eſſe bituminofæ cujuſdam materiæ, non oleoſæ: nam
oleum huic aquæ non innatât: ſed eſt inſtar terræ bituminofæ quam aquæ
diluire poſſunt & penetrare: adeo ut ex illa permiſſione quædam oria-
tur fermentatio & putredo, ac ſalina aciditas quæ in lixivalem abit ſal-
ſuginem. Nulli ſales minerales tantam efferveſcentiam cum oleo vitrioli
efficiunt; ſales bituminofi vegetabilibus propiores & magis ſulphurei can-
cum acidis pugnam cient.

VI. Huic affinis viſa eſt aqua è pago S. Myonii dicto allata, cum eo
diſcrimine quod ex gallæ pulvere rubrum colorem induerit, ſed guſtu aci-
da erat. Multum ſalis ſulphurei dedit, qui cum oleo vitrioli efferbuit. Sub-
limati ſolutionem colore flavo inſtar croci antimonii infeſcit, quod ſales
ſulphurei & fixi, ut ſal tartari, præſtare ſolent. Oleum vitrioli huic aquæ
nondum diſtillatæ aſſuſum celerem excitavit motum, atque innumeræ bul-
lulæ per horæ quadrantem eruperunt. Nihil ejuſmodi viſum eſt, cum oleum
vitrioli aquæ communi inſuſum fuit. Color ille rubeus ex admiſſione gal-
læ potuit ex bituminoso vitriolo, quale eſt in carbone ſoſſili, proſi-
ciſci.

VII. Mitto de aliis aquis mineralibus quæ tum probatæ fuerunt, ſuſius
dicere: harum dores ſalibus propriis cujuſque mineralis magna ex parte
referuntur acceptæ; ſpiritus enim vix ſe produnt, aut ſeparatione, aut vi-
ribus inſitis. Sed in omnibus fere ſales inſunt, iique quos cernimus effectus

creare possunt, Magna quippe est salium, ut mineralium varietas. Salem esse primum & simplicissimum mixtum plerique Chymici arbitrantur. Tot *Aqua miner.* pene in terræ gremio sunt genera salium, quot mixtorum; ex iis sales mixti & variè temperati in aptatis matricibus prodeunt. Acida & sulphurea arte Chymica in sales resolvuntur; adeo ut sal videatur primum eorum esse rudimentum: cujusque mineralis primum ens, sal quidam est qui aqua præterlabente diluitur, atque aqua illa mineralis facta tam varia esse potest, quam sales ipsi quibus imprægnatur. Sed mineralium pars fortè minima nobis nota est, uti & salium qui in terra delitescunt, quique perrarò in massas concreverunt, ut sal gemmæ & quidam alii fossiles; nec terrenæ materiæ nisi perpauca, affusione aquæ calentis, seu lixivii sale suo exuuntur, nisi fortè quæ sales ad vitæ usum idoneos præbent, quales sunt eæ terræ quæ alumen, vitriolum, salem petræ suppeditant. Et quidem ex iis quæ probatæ sunt aquis & ex aliis quæ deinceps sunt examinatæ, sales singulares prodierunt: necdum illud ante compertum erat, terram sales alkali procreare, qui salibus plantarum sulphureis tam essent cognati, quam qui reperti sunt in iis fontibus nominatis.

VIII. Quibus mineralibus factæ sint aquæ Pogienses, v. *de Pougues*, in agro Nivernensi, vix suspicari licet; non multum aciditatis præ se ferebant, nec injectu gallæ pulveris rubeum inducebant colorem, & tamen ubi recens est aqua, non parum rubet eo pulvere adjecto. Cum post aliquot annos illac iter facerem, gustare volui aquam in suo fonte qui olim percelebris fuit, eamque valde acidam pene ut acetum sensi.

Ex aliquot spiritus salis ammoniaci guttis huic aquæ instillatis præcipitatio alba & densa facta est. Aqua exhalata, quod residuum fuit album erat in folia diductum & salsum, idque aquæ communis & calidæ affusione dissolutum & filtratum, succum florum parvæ iridis viridi calore tinxit; cum oleo vitrioli nullam fecit effervescentiam, sed levem duntaxat frenitum. Ex quo iusta suspicio fuit aquam illam mineralem per terras bituminosas transire, in quibus minus est bituminis, sed major vitrioli copia. Nec valde sunt dissimiles aquis de *S. Myon*, quæ mox sunt commemoratæ.

IX. Aquæ de *Vichy* in Arvernia percelebres, non indiligenter fuerunt examinatæ. Plures in eo oppido sunt fontes alii aliis calidiores; sed omnes pene in eo conveniunt, quod magnam salis sulphurei copiam suppeditent. Aqua fontis vulgo *de la grille* dicti odorem spargebat resinofum, sapore erat acidulo, nucis gallæ additione colorem non mutabat, nec spiritu salis ammoniaci instillato albescibat, sed aliquot guttis olei vitrioli affusus, statim bullulæ è fundo vasis sublatae sunt, ut in aqua de *S. Myon*. Duæ hujus aquæ libræ drachmam cum duodecim granis materiæ, quæ fere tota erat sal purus, præbuere. Hic filtratus instar salis tartari acer & lixivialis, in humido aëre liquefcens, cum oleo vitrioli tumultuari visus est; mercurii sublimati solutionem rubro colore infecit: adeo ut sal ille omnino sit ex eorum genere qui sulphurei dicuntur & fixi.

X. Eadem pene est ratio illius fontis *le grand Boulet* dicti in eodem oppido: sapor aquæ erat acidulus, non ingratus; odor iudem bituminosus;

AN. cum galla paululum rubescere visa est, hujus duæ libræ cum aqua Sequanæ ejusdem molis aut voluminis collatæ 103. granis graviores reperitæ sunt. & 67. Post distillationem magna salis copia in fundo vasis refedit, cujus sapor acer non multum à sale ammoniaco alienus videbatur: quatuor libræ extillatæ duas drachmas cum semisse materiæ salis præbuerunt; ac nona fere pars terræ erat; sal coagulatus omnino sulphureus ex allatis sæpe indicis apparuit.

XI. Aqua iridem calida in fonte suo d'Eves ingrati erat saporis & fœridi odoris. Nullo fere indicio aut gallæ aut salis ammoniaci, vel salis tartari, vel olei vitrioli, aut vitriolo aut sale sulphureo imprægnata apparuit; paululum erat gravior aqua Sequanæ. Extillatæ parum salis dedit, qui sapore suo Crystallum mineralem referebat, isque nec succum florum parvæ iridis viridi colore infecit, nec ullum motum cum oleo vitrioli excitavit, nec sublimati solutionem turbavit: cum sale petræ majorem habebat affinitatem, sed accensis carbonibus impositus non fulminabat. Id vero mirari subit salem hujus generis qui gustu subfrigidus & sine acrimonia judicatur, in aqua calida inesse nec bituminosa, nec sulphurea, cum diversâ planè sit illius salis natura ab eo qui in aliis thermis deprehenditur.

XII. Complures aliæ quæ inter minerales aquas vulgo recensentur, variis probationibus sunt subjectæ, quæ perparum salis dederunt, nec fere ullis indicis aut sapore aut gallæ pulvere, aut spiritu salis ammoniaci, aut sale tartari sunt immutatæ. Hujus generis fuerunt aquæ de *Belesne* in Uncellis v. *le Perche*; octo hujus aquæ libræ sex tantum grana salis acioris dederunt. Aqua de *Verberie* prope Compendium nullum pene salem reliquit. Aqua d'*Oûarfy* in agro Bellovacensi prope Claromontium distillatæ aliquantum salis cum fecibus terrenis misti in fundo vasis reliquit, qui cum oleo vitrioli nullum fremitum, aut partium motum effecit. Aqua de *Balagni* prope Sylvanectum perparum terræ inspidæ in fundo vasis post distillationem reliquit.

XIII. Quæ vulgo dicitur de *sainte Reyne* qualis Lutetiæ venalis extat, pulveris gallæ admixtione, aut spiritus salis ammoniaci instillatione vix immutata apparuit. Duæ circiter libræ post distillationem sex grana salis acioris præbuerunt. Huic salî in aqua communi exsolutæ aliquot guttæ olei vitrioli affusæ citra ullam fere effervescentiam concretionem effecere cum fumo fœtido, qualis ex mistura olei vitrioli cum sulphuris vel antimonii dissolutione per sulphureos sales parata affertur solet. Sal ille non dissimilis antimonii salî visus est, cumque eisdem effectus aquæ illæ minerales & sal antimonii procreent, hinc fortè suspicari licet ente primo, ut vocant, antimonii eas aquas imprægnari. Sed cum parum salis iis inest, fors est ut quinque aut sex salis antimonii grana in jusculo sumpta non minorem afferrent sanandæ scabiei aut pruriginî utilitatem, quàm magna hujus aquæ copia. Aut certè vis ejus forsitan efficacior foret, si parte ejus majore exhalata quæ nihil est aliud quàm phlegma inutile, unus aut alter scyphus aquæ potateretur. Sic enim ventriculo oneri non esset, cumque vis hujus aquæ tota in sale quodam satis fixo posita sit, nihil metuendum

est, ne fortè hujus vires evaporatione infringantur. Ita quidem videbatur D. Du Clos, qui eam aquam perpurgando sanguini & humorum putredini corrigendæ utilem esse existimabat.

CAPUT VI.

*Quedam circa calcis præparationem Physicæ observationes
perstringuntur.*

I. **I**n Neunte anno 1668. vir in Physicis eruditus, & in Architectura exercitatus tractatum de optima calcis præparatione conscripsit, quem *De calce.* Academiæ examinandum præbuit. Hujus ea summa erat, calcem optimam è saxo duriore jam diu è rupe aut fodina exciso, nec congelationi obnoxio parati oportere. Ubi cocta est, recentior, gravis & sonora vetustiori & leviori præferenda, quod partes habeat arctius colligatas, cum extinguitur, strepitum edat, cum fumis effervescat, extincta humidior sit, pinguis & candida, quod sale tum abundet sulphureo, & subtili quodam humore tanquam glutine partes devinciantur.

2. Cum autem calx sit structuræ omnis & firmæ & solidæ velut firmamentum, illud è re communi foret, si lapides calcarii iique optimi Lutetiam asportati in furnis ad hanc rem idoneis excoquerentur: tum enim calx longius transvecta vim suam non deperderet, plus haberet salis, eaque adeo cum majori aeris copia compingi posset, neque ea evenirent incommoda quæ sæpe è calcis penuria in structuræ ædificiorum consequuntur, ubi gypsum loco calcis adhibetur, adeo ut ædificia sint brevioris ævi, & citò fatiscant. Quo plus est salis fixi in lapidibus, hoc duriores sunt & graviores: nam concretio omnis à sale potissimum ducitur: is non facillè extrahitur, sed post calcinationem perstat immobilis: cum terra pura & sicca sit friabilis & malè compacta; sal volatilis caloris vi statim evanescat, uti & humor crassior qui calore absumitur; subtilis humor arctius cum sale & terra cohaeret.

II. Itaque ii lapides calci conficiendæ videntur optimi, in quibus major est salis fixi copia & subtilioris humidi. Unde saxa è rupibus excisa, quæque sunt firmiora, calcem præbent optimam. Sic Lugduni murales structuræ, tametsi è terra tantummodo compactæ, calce marmorea incrustatæ omnibus aëris injuriis diutissime obfistunt.

In vico nomine *Champagne* prope Fontembellaqueum se invenisse quoddam saxi genus testatur auctor laudatus, ex quo lapides Lutetiam ante aliquot annos asportati jussit, ex iis calcem omnium optimam corfecit, uti variis experimentis jussu Illustrissimi Colbertti factis comprobavit. Contra lapides illi quibus plus inest terræ & humidi crassioris, quàm salis fixi & subtilis humoris, quique sunt leviores, calci conficiendæ mirus sunt idonei. Hujus generis est gypsum, cujus sal nitrosus vim illam coagulatricem non habet. Unde hoc genus lapidis cocti incrustandis duntaxat muris ab aëre tutis est idoneum. Quidquid enim in eo est salis fixi, humore

ANN. aquæ vel aëris facili exsolvitur, per patentes meatus diffluit, tumque mix-
 1668. tionis laxatur vinculum. Hinc fortè incrustationes ex gypso ignis calore moderato magis resistunt, quàm quæ ex calce fieri solent, quod superfluous gypsi humor calore ignis diffletur, cum in calcis & arenæ mixtura, calor paululum intensior humorem ipsum cum sale permixtum plus satis rarefaciat, mixtionem adeo ipsam dissolvat. Hinc gypsum vetus recoquatur, ut dilato humore superfluo sal vires suas ante depreßas recuperet.

III. Hæc fere de lapidum delectu differebat vir laudatus. Hos quoque non recens, sed ante aliquot annos è lapidicina excisos optabat, ut benigno Solis calore humiditas superflua exhalaret, & sales ex aëre volatiles subeant qui cum fixis facili consociantur. In furnis ad eam rem aptatis lapides primùm leni ignis calore excoquantur, ne humor crassior salem volatilem præproperè secum abripiat. Nam ignis vehementior lapides disfrumberet, ac subindè metuendum foret ne lapides forniciis dissilirent. Jam humore illo crassiore exhalato nullum est à nimio ignis calore periculum. Quo enim intensior est, hoc terræ & salis particulas minutius dividit, quo aptiores sint firmæ compagini. Quin & illud verisimilimum est salem ligni volatilem cum sale fixo calcis unà conjungi.

IV. Quamobrem in cocto lapide terra, sal fixum & volatile remanent, humor subtilior vi ignis tantummodo rarefcit; cum sit oleosæ ejusdem substantiæ, non absimitur; crassior verò qui ad lapidis compositionem propriè non pertinet, quique malè cohæret cum aliis miscilibus, omnino exhalat. Nec lapides amplius quam quarta, aut ad summum tertia sui ponderis parte minui debent, secùs calcis conficiendæ minus sunt idonei, cum sale fixo destituti, terra tantum levior & humore constant.

V. Excocti lapides si non statim extinguantur, quod factu optimum esset, in doliis accuratè oclusis & in loco sicciori sunt reponendi; idque imprimis cavendum ne aëri pateat aditus. Hic enim dum apertos meatus subit, sales commovet, humorem diluit, & magna ex parte secum abripit, tumque excocti lapides in pulverem abeunt, nec quicquam fere restat nisi caput mortuum. Nam pulvis ille residuus cum aqua permixtus vix emalefacit. Et tamen structores aut lapidarii calcem sic extirctam & debilitatam cum eadem arenæ copia permiscere solent, ac si ea esset optima, tumque arenatum constant malè sibi cohærens, quod ubi parum dehisceat, statim ultro dilabitur.

Quocirca si fieri potest, quamprimum calx extinguenda eo quo notunt artifices modo. Non enim aquam affundunt lapidibus; sed loco excavato tanquam crateri aqua repleto lapides singillatim imponunt. Quod si ipsis lapidibus aqua affunderetur, hæc sales tantummodo commoveret, qui unà cum densiori fumo exhalarent. Siquidem affusa paulatim aqua non satis habet virium ut tumultuantes sales comprimat. Unde calx ipsa, dum extinguitur, inclinetur & ubique tudiculis aut contus vulgò *des Bouloirs* est agitando; secùs ubi deest illa agitatio, sale præ aquæ frigore excitato & excalescente, neque ab ea oppresso, calx ipsa in lapillos duriores iterum concrefcit, tumque calcem combustam minus apta voce appellant.

Diu & multum calx commovenda & magna aquæ copia affundi sine periculo potest; tantum enim calx ipsa aquæ capit quantum satis est. Affusione aquæ & jugi motione cavetur ne crepitando partem sui salis amittat, dum enim aqua illius subit meatus, nimium rarefscens cum impetu obices revellit, & sal subtilior per apertas rimas erumpit.

Extinctæ calci magna aquæ copia superfunditur, quæ saltem subtiliorem retinet, dum cremoris instar is aquæ innatat, adeo ut salium & aqua fiat accurata permixtio.

VI. Sæpe expertum se admonebat quosdam lapides, quique optimam suppeditant calcem, cujusmodi ii sunt qui in vico *Champagne* reperiuntur, diu servari illæfos, atque interdum evenire ut per diem integrum in aqua frigida citra ullum calorem persistant, quasi crudi essent & non cocti, sed aquæ fervidæ impositi statim vires suas exerunt; quod fortè proprii salis subtili quidam divisione densiores facti humorem extrarium non faciliè admittant. Calx extincta sic terra tegitur, ut nihil in eam gelido aut humido aëri liceat. Quo venustior, hoc melior; nam lenta fermentatione, & intestino partium insensibilium motu fit subtilior. Quam ob rationem olim Romani calcem ante triennium extinctam ædificiorum substructionibus adhibebant. Sic arenata aut cæmentia in fundamentis ædificiorum lapidibus ipsis duriora cernuntur; arctius enim sal humidior cum arena sibi cognata cohæret. Excipiendæ tamen sunt substructiones in aqua, aut in humidiori loco factæ, quibus calx viva & recens extincta est adhibenda. Sic enim adhuc incalescens, quantum sibi satis est humoris capit, tum brevi exsiccata alium humorem non amplius excipit.

VII. Arenæ alterum tantum una cum calce citra aquæ additionem permiscetur: hæc enim vim salium debilitat. Idque in cæmento maximè tenendum: hoc enim ignis ardoribus exsiccatum aquam avidius imbibit, quam calx ipsa, quæ pinguior cum sit, una cum aqua non faciliè miscetur. Jam ubi exsiccatur cæmentum, id porosum fit & minus tenax; sed calce tantummodo dilutum corpus efficit solidum & impenetrabile, quod in aquis ipsis diutissimè persistat.

VIII. Romani tres partes arenæ fluviatilis, quatuor illius arenæ quæ ex terræ profundo eruitur, cum una parte calcis permiscebant, quòd ea esset optima. Quo autem tenacius foret arenatum, aliquot ante diebus id parabant, ut paulatim fermentesceret. Quin & tertiam partem testarum è laticulis interdum adjiciebant; ex quibus optimum fit cæmentum. Arenâ recens effossâ ne aëris humore diluatur, quæque manibus contractata strepitum edat, subrubri coloris utendum est. Nam sal cum asperioribus hujus arenæ particulis arctiori vinculo cohæret, quam si mollior sit & subtilior.

IX. Hanc de calcis præparatione & usu dissertationem vehementer probaverunt D. D. Perrault & Du Clos: animadversiones tamen suas scriptis tradiderunt. Et quidem D. Perrault quæ sint concretæonis & firmitatis causæ paucis exposuit. Hoc enim argumentum postea in suis tentaminibus Physicis uberiori stylo est persecutus, ubi coagulationem omnem & firmitatem ex principiis mechanicis deduxit, non ex atomis hamatis quas in dis-

ANN. 1663. solutione disruptum ita putabat, quod utique atomorum naturæ omnino repugnat, sed ex partium figura, motu & textura. Nec Chymici qui sales coagulationis principia constituunt, huic sententiæ adversantur. Sales enim vocant dura quædam & solida corpora, quæ firmitate & tenuitate sua facile cum aliis corporibus permiscetur, eorumque coagulationem promouent. Ex iis alii sunt subtiliores, alii crassiores; illi si soli sint, vix satis firmam compactionem efficiunt, uti nec sales fixi & crassi satis sint penetrabiles, ut partes omnes corporis subeant: unde unà ambo conjunguntur, ut compacta & firma efficiant corpora.

X. Cum igitur, inquit, lapides ex quibus calx efficitur, sint duri, & solidi, ubi ignis ardoribus dissolvuntur, sales volatiles cum fixis ante conjuncti magna ex parte avolant, fixi cum terrenis corpusculis utcumque confociantur, & mixtæ compactum efficiunt corpus innumeris poris pervium, quos spiritus sulphurei relinquunt. Extinctione ipsi sales fixi antea cum terrenis partibus cohærentes præ fluiditate sua cum sale volatili superstitæ unà conjunguntur, & arenosis corporibus arctius adhærescunt, ac deum sales affusione aquæ præcipiti motu agitati calorem procreant.

Arenæ corpuscula & plana & tersa facilius cum salibus calcis agglutinantur, quàm si spongiosa essent & tenuia. Hinc muri calce illiti superficies tractu temporis indurescit, quod sales ex aëre volatiles corpora calcinata subeant, & inanes meatus occludant.

XI. Quo calx extincta diutius asservatur, hoc melior est; cujus rei Vitruvius hanc affert rationem, quod complures calcis recentis partes non ex omni parte sint extinctæ: unde non lapilli modo, qui sensu ipso percipiuntur, sed complures etiam salis particule longiori egent tempore, ut dissolvi possint; secus sales fixi cum terrenis particulis colligati manent, nec moveri possunt, quod aliis salibus sociantur. Id verò fluiditas tantum aquæ præstare potest. Cum tamen calx ex lapidibus minus duris paratur, tum recens est adhibenda: nam cito extinguitur, eaque si diutius asservetur, vim suam amittit. Quod non evenit, ubi lapides sunt duriores; in his enim excoctis complures sunt salis particule cum terrenis arctiori vinculo devinctæ, quæ diuturnam fermentationem suam tuentur.

Ex quibus illud efficitur calcis usum non esse dissimilem saxi durissimi fusioni, quæ idcirco fieret, ut cum aliis saxis facilius congruatur posset: pristinam verò duritiam & soliditatem quam ignis ardoribus amiserat, sibi restituit, ubi cum arenæ lapillis solo contactu adhærescit. Ista quidem D. Perault circa usum calcis & Auctoris dissertationem annoravit.

Hoc utique non facile concederem, sales volatiles ex arena in calcem commutare: sed fortè ad mechanicas affectiones confugere satius foret. Cum enim arenæ grana sint perpolita, atque ut crystalli pellucidæ microscopio conspiciantur, illud satis est verissimile sales calcis in aqua fusi his lapillis, quorum superficies sunt complanata & terse, pertinaci contactu adhærescere. Verum hoc loco non quid nobis, sed quid aliis videatur, explicandum suscepimus. Quæ in eandem dissertationem animadverterit D. Du Clos, mox subjiciam.

XIII. Postquam hujus dissertationis argumentum & auctoris consilium comprobavit,

comprobavit, salem fixum lapidum & concretionis principium, ut compositionis in substructionibus effectricem causam non inficiatus, illud op-*Physi-*
tasset, ut hujus salis dotes aut qualitates Auctor dissertationis expli-*ca.*
catus tradidisset. Neque id satis erat salem coagulationis in lapidibus principium constituere, aut docere saxa duriora uberiore sale donari: non enim ex duris quibusque lapidibus calx efficitur, quod non aliunde quàm ex varietate salium oriri potest. Nam lapides alii sunt asperi & aenosi, ut cotes & silices, quibus constratae sunt viæ; alii sunt argillofi, ut marmora quæ perpoliti possunt, quæque ex argilla indurata constari videntur; alii molliores & magis cretosi. Non è silicibus aut cotibus quibus gladii exacuuntur, neque ex iis lapidibus qui viis muniendis adhibentur, calx conficitur, sed ex saxo & marmore; tamen in illis non minor sit durities, nec minor salis copia: adeo ut diversa salium genera hanc lapidibus præbeant dispositionem.

XIV. Cum autem sales alii sint sulphurei, alii acidi & mercuriales, ut loquuntur, illi in calce sunt uberiores: nam sulphurea mineralia dissolvunt, uti & sales Alkali è vegetabilibus extracti. Hinc calx terris sterilibus fertilitatem affert, ut Marga, quæ est quoddam argillæ genus. Quin & supra innuimus sale tartari sulphureo certa ratione præparato, & cum Stampensi sabulo permixto, aquam in lapidis formam concrefcere. In calcinatione salem insitum lapidibus, illius accessione qui lignis inest, multum augeri ex iis quæ superius allata sunt experimentis circa mineralia sulphurea & calcinata facile intelligitur.

Calcem excoctam aëri expositam debilitari constat, non quod magnam sui salis partem amiserit, cum illud experientia se comperisse asserat D. Du Clos majorem salis copiam è calce per aliquot menses aëri exposita, quàm è recenti extractam à se fuisse: sed hoc commune esse ait salibus sulphureis, ut in aëre exsoluti propriam velut indolem exuant, dum illud quod terrestre est & siccum, quodque ad coagulationem plurimum confert, à sale sejungitur, & in pulverem fatiscit.

Quod auctor subjicit de asservanda calce, postquam extincta est, rationi consonum planè videtur. Occulta enim fermentatio hujus salis lapidifici in molliori calce magis promovetur, quàm ubi una cum arena exsiccante est permixta, Sed de calcis natura & usu magis ex occasione quam ex instituto hæc dicta fuerint.


XV. Incunte anno 1668. variæ animalium dissectiones factæ ac cerebri structura imprimis examinata. Plantatum nonnullæ descriptiones à D. Marchant in rebus Botanicis admodum exercitato lectæ sunt. Camelus dissectus fuit magna cum cura, cujus historia publici postea juris facta est.

D. Hugen experimenta quædam fecit in machina pneumatica quam ante aliquot annos D. Gerike Magdeburgensis excogitaverat, ejus structura sibi reservata. Hujus machinæ P. Schottus mentionem fecerat. Sed D. Boyle illius artificium detexit, multa huic adjecit ad usum faciliora, nova & præclara experimenta unâ cum machinæ descriptione anno 1661. ab eo publicata non mediocriter lumen Physicis rebus intulerunt. Brevi post tempore D. Hugen nobilis Batavus præclatis inventis & scriptis toto orbe

ANN. 1668. celebris hanc machinam sic perfecit, ut usus illius longè sit facilior. D. Homberg nunc Academiæ socius eam machinam, ut à D. Gerike fuit excogitata, sic absolutam effecit, ut omnis generis experimenta in illa longè perfectiori modo fiant. Sed ea de re idoneo loco dicemus.

Nec necesse est quæ facta sunt in Academia experimenta singillatim referre, cum ea sint nunc temporis pervagata. Hujus generis fuerunt soni exhausto aëre extinctio, spiritus vini ebullitio, vehemens cupri in spiritu nitri post extractum aëra dissolutio & effervescencia, quæ subeunte aëre longè placidior erat.

Ac de Physicis experimentis quæ anni 1667. decursu, & ineunte anno 1668. usque ad Paschale tempus sunt facta satis multa diximus; nunc de Mathematicis dicendum, sed majori brevitate. Nam complura ex iis quæ tum temporis fuerunt in Geometria, Mechanicis & Dioptricis proposita, aut publici juris facta sunt, aut in operibus posthumis quæ D. De la Hire summa cura & studio collegit & expendit, quæque anno 1693. Typis Regiis excusa sunt, magna ex parte continentur.



SECTIO TERTIA.

De Astronomicis Observationibus.

ANN. 1667. **E** Physica ad Mathesim, ut ad difficiliorem scientiam progredimur, ac primum quæ annis 1667. & 1668. fuerint observata, aut inventa, strictim attingemus.

CAPUT PRIMUM.

De rebus Astronomicis quæ anno 1667. in Academia discussæ fuerunt.

I. **C**um omnes Mathematicæ disciplinæ ad vitæ cultum, & ad earum rerum quibus utuntur homines, facultatem sint peritiles, tum Astronomia pene necessaria generis humani societati semper fuit judicata. Hanc imprimis coluerunt Chaldaei, Aegyptii, Arabes, Persæ, ac Sineses etiamnum in ea cognitione & scientia studium omne suum ponunt. Hæc Christianæ religioni aditum ad illas gentes munit, qua quidem de re alius erit differendi locus. Nunc verò quanta cura & studio hæc nobilis scientia in Academia exculta fuerit, dicendum nobis est, ducto ab iis exordio quæ minus habent splendoris, sed quæ si negligas, non erit majoribus locus.

II. Duæ sunt omnium primæ observationes Astronomicæ, quæ reliquis ut fundamenta substernuntur, linea meridiana & poli altitudo: ab iis ita-

que incipiendum duxit D. Auzout, cum viveret vir omni genere doctrinæ præstans. Cum autem utraque observatio variis fieri modis possit, primo loco habendi sunt ii qui ex aliis prioribus in quibus errandi est periculum, non pendunt. Hujus generis est Poli altitudo quæ ex maxima & minima stellæ polaris aut alterius ex iis quæ nunquam occidunt altitudine meridiana, vel in eadem nocte, vel etiam post aliquot mensium intervallum dignoscitur. Nam ut norunt omnes vel mediocriter ab hac scientia instructi, ipsa poli altitudo inter utramque est media.

Die quinta Januarii anni 1668. D. Buor observationes suas altitudinis Poli die 30. Decembris in horto Bibliothecæ Regiæ factas Academiæ proposuit. Sextante usus est cujus radius erat sex pedum; ex maxima stellæ polaris & minima altitudine, Poli ipsius altitudinem 48. gr. 52. m. invenit, distantia stellæ polaris à Polo inventa est 2. grad. 28. m. 15. sec. D. de Roberval eandem fere stellæ polaris à polo ipso distantiam reperit, errorem tamen nonnullum ex pinnula male collocata irrepsisse postea compertit: atque haud scio an refractionum tum habita fuerit ratio, quam D. Cassinus stellam polarem uno minuto ultra quam par sit, attollere deprehendit.

III. Sic linea meridiana stellæ alicujus fixæ beneficio satis accurate delineatur, cum ejus stellæ altitudines duæ sibi æquales sumuntur, in æquali à Meridiano distantia. Nam Orientali primum, tum Occidentali azimutho in plano horizontis utrimque notato, qui ab iis comprehenditur angulus bifariam sectus lineam meridianam præbet.

Unam è fixis quæ inter polum mundi & Zenith nostrum pertransit, seligi commodè posse admonerat D. Hugen; una v. gr. ex septem majoris Ursæ circa menses Martium & Aprilem his in regionibus huic rei est aptissima, si extremam caudæ exceperis, quæ ultra Zenith excurrit. Sub finem Augusti eam itidem quæ in Cephei humero sita est, aut denique sub initium Novembris tres aut quatuor Cassiopeæ stellas in eandem rem adhibere licet. Id quoque circa solstitium æstivum, cum Solis declinatio pene eadem manet, commodè fieri potest. Tum enim Azimutha Solis radiis, aut styli umbra facilius designantur.

IV. His bene constitutis stellarum situs & positiones facilius designari, & cælestis globus longè accuratius quàm solet delineari poterit. Quod ut citra errorem sensibilem consequi liceat, stellarum ascensioniones rectæ, & earum differentiæ, necnon & earum declinationes, horologii oscillatorii ope seu penduli à clarissimo Hugenio ante aliquot annos inventi, perspectæ haberi debent. Qua id ratione fieret, adhibitis filis ad perpendicularum super horizontem erectis ex triangulorum Sphæricorum analysi ipse demonstravit. Eadem pene methodo quæ & quanta sit Atmosphæræ refraction in quavis altitudine Solis dignosci posse ostendit. Demonstrationum seriem excutere longum esset, & ab instituto opere alienum.

V. Stellarum loca variis modis restitui posse inter omnes convenit. Primum si Sextantis ope inter duas stellas illustres distantia sumatur, tum aliarum stellarum distantia ab una ex iis duabus prioribus capiantur. 2. Si altitudinis meridianæ & ascensionum rectarum differentia sumantur, idque

ANN. penduli beneficio. 3. Si poli altitudine cognita, stellarum altitudines & azimutha observentur.

& 67. Die 28. Decembris anni 1666. D. Auzout Epistolam misit ad D. Oldenburg Regiæ Societatis Anglicanæ Secretarium, in qua rationem observandæ diametri cujusque planetæ accuratam exponit, quæve methodo parallaxis, ac distantia Lunæ à terra inveniantur: simul & causam affert cur in postrema Eclipsi quæ mense Julio contingerat diameter Lunæ à D. Hevelio major octo vel novem minutis secundis visa fuerit quàm in ipso defectionis initio, cujus Epistola summarium in Diario Anglicano mensis Januarii anni 1667. exscriptum est.

In ea quidem Epistola primum admonet se unà cum D. Picard in id incubuisse ut Solis & Lunæ diametros accuratiore, quàm quæ hactenus adhibita fuerit, methodo, observarent. Quandoquidem diametri ad minuta usque secunda dividuntur, & longitudo pedis in 3000. partes ita ab iis secatur, ut vix unius partis error possit obrepere, ac pene id pro certo habeatur non amplius 3. vel 4. secundis in dimetienda Solis aut Lunæ diametro aberrari. Diameter Solis in Apogæo non minor 31. m. & 37. f. inventa est, & in Perigæo non amplior visa est quàm 32. m. 45. f. Lunæ diameter nunquam fere minor 29. m. 40. f. nec major 33. m. nisi aliquot min. secundis.

In alia quæ paucis post diebus scripta est ad eundem Epistola, observationis à D. Hevelio factæ in postrema Solis Eclipsi eandem causam affert, quam protulimus, ac subinde notat contra futurum fuisse, si Eclipsis sub vesperam contigisset: tum enim Luna inferior fuisset circa finem Eclipsæ, ac proinde minor visa esset ejus diameter.

Utriusque hujus scripti occasione Micrometri originem & usum descripsit D. de la Hire, in eo opere quod anno 1693. Typis Regiis excusum est, de variis opusculis quæ Academici diversis temporibus elucubrarunt. Illud memoriâ posteritatis dignum annotavit, hanc dimetiendi planetarum diametros rationem per reticulum in loco tubi appositum, jam antea excogitam fuisse. Sed id habet incommodi, quod quadrata inter fila comprehensa, quæque angulis dimetiendi inserviunt, non adeo exilia fieri possint, ut imagines corporum inter aliquot fila accuratè sint comprehensa. Unde quod occurrit ex gr. pars corporis tertia vel quarta, judicio quodam vis imaginariis æstimatur.

Quod itaque deerat reticulo ut rerum objectarum imagines semper inter duo fila serica aut duos capillos, vel lamellas totæ essent comprehensa, & filorum distantia tam minutim forent divisæ, ut ad secunda usque perspectæ esse possent, illud à D. D. Auzout & Picard postea expletum fuit.

Ille machinula usus est quæ parvæ cochleæ ope capillos aut lamellas sic promoveret ut parallelismum cum aliis fixis servent, atque ita rerum objectarum imagines intra duorum crinium intervalla totæ concludantur. Atque hæc cochlea tres v. gr. efficit circuitus, ut filum unius lineæ promoveatur. Verum & illa filorum distantiam dimetiendi ratio exquisitam machinæ structuram postulat, ac subinde metuendum est ne crebris motibus

tandem attrita minus fiat accurata. Unde D. Picard aliam dimetiendi in- *Astro-*
ter capillos distantiam per microscopium excogitavit viam. *nomica*

Hanc in rem usus est regulâ in partes 400. divisâ, eaque erat unius pedis, tum microscopium adhibuit quod eò usque producebat, dum rerum imagines sexagies augeter, quod factu facile fuit sexaginta partibus in regula designatis, & uno oculorum in microscopium intento, dum alterius oculi ope sexaginta partes regulæ conspicerentur, & utraque magnitudines æquales inter se apparerent. Tum enim illud perspicuum fit, sic dispositum microscopium rerum imagines sexagies augere in eadem distantia.

Quibus rite peractis cum imago intra duo fila planè intercepta iudicata fuerat, reticulum regulæ ipsi est applicandum, & per microscopium intuumdum quam regulæ divisionem attingat. Reliqua loco citato operis nuper editi dilucidè exponuntur.

VI. Ac nobis pene exciderat Eclipsis Solis quæ die 2. Julii anni 1666. in ædibus D. Colbert summa cura fuerat observata à Mathematicis supra memoratis D. D. Hugen, Roberval, Auzout, Frenicle, Buot. Hi namque tum temporis jam unâ constitutis diebus in Bibliothecam D. Colbert conveniebant.

Cum ii cuncta quæ opus erant ad observationem tum eclipsis lunaris, quæ die 16. Junii, tum solaris quæ 2. Julii futura erat, comparassent, cælo nubibus obducto Lunæ defectio videri non potuit; eam tamen in Italia iussu serenissimi Principis Hetruriæ Leopoldi, hora 7. 34. min. observatam refert D. Payen in Ephemerid. Eruditorum die 6 Septembris ejus anni, ubi nonnulla cognitione digna commemorat. Ea fuit horizontalis, quæ rarò sub oculos venit, adeo ut Sol & Luna simul conspiciantur in horizonte. In hac Lunæ defectione nubes horizonti finitimæ Solis aut Lunæ conspectum oculis subduxere; atque hoc Phænomenon perparum durat; unde tres tantum ex omni hominum memoria ejusmodi eclipses observatæ memorantur.

In Actis Academiæ mensis Junii anno 1692. illud à D. Cassino memoratum invenimus, magnum Hetruriæ Ducem Astronomos in diversa mississe loca qui eam Lunæ defectionem observarent, atque iis solis qui missi sunt in parvam Insulam, quæ Gorgonia dicitur, tempus fuisse, cæteris obductum cælum obtulisse quominus horizontalem illam eclipsim cernerent.

Solis autem defectio die 2. Julii hora quinta matutina 43. m. 20. sec. incæpit. Maxima fuit 7. digitorum & 56. m. phases omnes accuratissimè sunt observatæ; ex quibus diameter Lunæ paulò minor Solis diametro, aut saltem æqualis apparuit, cum tabulæ Astronomicæ, Solis diametrum minorem quàm revera sit exhibeant. Nam in Apogæo est 30. m. 35. sec. cum Keplerus & alii 30. tantum ei minuta tribuant. Sic diametrum Lunæ iussu majorem efficiunt.

Et quidem die 8. Julii cum Luna esset perigæa & in prima quadratura, circa horam octavam cum semisse, diameter ejus visa est 33. m. die 14. cum esset in media sui longitudine, fuit 31. m. 35. sec. die 22. cum esset apogæa circa tertiam à media nocte horam 29. m. 50. sec. apparuit. Atque in dimetiendis

ANN. Lunæ diametris refractionum habita est ratio, quæ à plerisque Astronomis 1667. ante neglecta fuit. Quæ ratione diametri Solis & Lunæ multiplici fili aut capilli in foco telescopii aptati citra errorem definiri possunt, scripto publico tum vulgatum est; & anno 1667. à D. Galloys in Ephemerides undecimas ejus anni relatum, ubi machinæ hujus descriptio breviter & dilucidè exponitur, eaque, ut diximus, in opere nuper dicto fusè describitur.

VII. Toto defectionis tempore Lunæ circumferentia telescopio æquabiliter rotunda & nigra, nusquam protuberans apparuit, ita ut nulla atmosphæra Lunæ circumfusa videatur.

Qui in horto Bibliothecæ Regiæ sextantis ope Solis altitudinem sumebant, circa medium eclipsis tempus frigidiusculum experti sunt, tametsi vix quicquam ante non admonitus vel domi, vel in agro Solem deficere advertisset. Cum enim partem Solis diametri paululum dimidia majorem, Luna tegeret, vix oculi eam luminis differentiam percipiebant. Sed longè alia est caloris ratio: unde specula ustoria ad eam rem parata circa mediam eclipsis minorem comburendi vim habuere, quàm circa initium ac finem: lignum quidem incenderunt, sed citra flammam, & chartam albam inflammare non potuerunt. Idem enim contrigit ac si speculum primò tota superficie, tum parte ejus dimidia rectè solis radios exceperisset.

VIII. Cum Observatorii Regii locus jam esset designatus, cò Mathematici 21. Junii anno 1667. solstitii die se contulerunt, ut lineam meridianam in lapide quadrato ad eam rem destinato, & cura D. Couplet collocato delinearent. Duplicis Sextantis ope octo Solis altitudines & octo azimutha ante meridiem, post meridiem quoque solis altitudines sumptæ, & azimutha totidem quæ prioribus respondebant. Quæ quidem ratione octo lineæ meridianæ sibi mutuò parallele sunt delineatæ; duæ tantum ex iis paululum versus Occidentem, quantus fere est apex circini, ad se mutuò inclinabant; tres ex iis lineis paulò altius lapidi sunt incisæ, ut adificii situs ad cæli plagas, ut par erat, componeretur.

Acus Magnetica his lineis applicata paululum ad Occidentem declinare visa est, sed non ampliùs quàm 15. minutis ab his deflectebat.

Altitudo Solis meridiana 64. grad. 41. m. reperta est: ex qua si subduxeris 23. gr. 30. m. (si ea sit vera declinatio solis,) restabunt 48. gr. 49. m. pro altitudine poli, seu loci illius latitudine. Quod si declinatio solis sit 23. gr. 29. m. in Observatorio poli altitudo erit 48. gr. 50. m. vera nimirum, non apparens tantummodo.

Eodem anno Observatorii fundamenta jacta sunt, quod testatur numismatis tum incisæ inscriptio his verbis:

Sic itur ad Astra.

Turris siderum Speculatoria.

Anno M. D. C. LXVII.

CAPUT II.

De rebus Geometricis & Mechanicis.

I. **N**on decebat Geometriam & Arithmetica, quibus Mathesis tota innititur, quæque in dies novis inventis locupletantur, innotatas præterire: perpauca ex iis quæ à Geometris proposita fuere & demonstrata leviter attingemus, quod inter Miscellanea, aut opera posthuma Academicorum Typis Regiis magna ex parte jam sint excusa.

Hujus generis sunt ea quæ de triangulis Sphæricis & Rectangulis sunt demonstrata à D. D. de Roberval & Freniele. 2. Demonstratio regulæ de maximis & minimis à D. Hugens proposita & nova methodo explicata. 3. Ejusdem regula de inveniendis Logarithmis multò compendiosior quàm pervulgata. 4. Regulæ ad inveniendas tangentes linearum curvarum. 5. Ratio triangula Sphærica resolvendi.

II. Tractatum quoque Mechanicum de centro gravitatis jam ante multos annos elaboratum exposuit D. de Roberval. Idem propositiones quasdam de inveniendis multarum magnitudinum centro gravitatis, sive virtutis accomodatas suis demonstrationibus munitas exhibuit, quodque ab aliis instar postulati ponitur, demonstrandum suscepit.

III. Ista quidem primis anni 1668. mensibus fuerunt agitata, atque eisdem fere temporibus varii machinarum typi sunt expressi curâ D. Niquet, tum juvenis præstanti ingenio & flagranti in Mathematicis studio, in quo quidem jam ab iis temporibus D. Couplet egregiam navavit operam, ut machinarum typi & instrumenta affabre fierent.

Id enim non inutile futurum judicavit Academia, si machinarum, quæ magis sunt usitatæ typi effingerentur, quidve ad earum perfectionem addi posset, diligenter expenderetur. Hoc D. Niquet demandatum: ab ea machina quæ grus architectonica, au Geranos appellatur, cœptum est. Hujus machinæ partes omnes & usus accuratè exposuit. Quid in iis conficiendis peccati soleat ab artificibus, quidve ad usum his magis accommodatum adjiciendum existimaret, non omisit. Idem postea machinam Architectorum tractoriam v. *Engin* dictam & partes illius singillatim descriptas exposuit.

IV. Atque hæc de machinis & earum usu sunt discussa. Ab his ad vires motrices animalium progredi placuit, & experiri quantum ponderis homo trahere possit aut pelleri ut stat aut sedet, aut diversos subire situs; tum quanta sit vis hominis cum vi motrice equi comparata. Primum in hanc rem aptata fuit in Observatorii Regii loco designato machina, cuius mox meminimus, grus nimirum architectonica, cui equus onerariis navigiis trahendis assuetus aptato per trochileam fune illigatus pondus 401. librarum è terra subvexit: huic attollendo septem homines vix pares fuere funem trahentes, eo quo solent pontones v. *des bacs* promoveri modo: adeo ut hominis satis validi vis motrix eam fere habeat rationem ad vim equi robusti, quales adhiberi solent catris trahendis, quæ est 1. ad 7. nec fere majus quàm 60 librarum pondus eo quo diximus modo ille

ANN. attollat. Sed ratio tamen habenda est funis per trochleas ducti, ac demum
1668. attritus qui sane in ea occasione non medioctis fuit.

Huic experimento alia generis ejusdem subiecta sunt eodem in loco die decimo Julii. Primùm quidem ab homine pondus majus sui corporis pondere sursum attolli vix posse ea ratione fuit comprobatum. Homo satis gracili corporis habitu, pondus 130. librarum trochleæ illigatum evahere non valuit: unde ejus collo corpus 25. libr. suspensum fuit, tumque pondus 130. ad altitudinem sesquipedis sustulit; aliud deinde ejusdem ponderis corpus ejus collo suspensum est, tum magna facilitate prædictum pondus 130. lib. ad octo usque pedes sublimis est: sed cum unus ex iis qui aderant, manibus appensa pondera sublevasset, tum homo victus à pondere è terra paulum elatus est, adeo ut in sublime actus fuisset, nisi statim appensa collo pondera retinere desuisset, qui infecio, nec cogitanti eadem manibus sublevaret. 2. Illud quoque percontatum fuit utrum homo majori vi corpus ut vectem ferreum ad se traheret quàm à se repelleret: æqualem esse utrobique vim compertum est. Ab homine stante & dimissis brachiis majus attolli pondus, quàm si idem sedeat, & brachia itidem dimittat, observatum fuit, quod eo sedente muscoli tantummodo brachiorum & renum, sed stante crurum quoque muscoli vim suam exerant. Tum D. Hugen quæ sint inter funes qui juxta diversos angulos pondus trahunt, virium differentia scripto exposuit.

His non leviter perstrictis quadam non inutilia circa vecturas sunt observata. D. de Roberval duo maximè in iis spectari posse admoruit, nimirum soli in quo sit subvectio naturam, tum rotarum magnitudinem. Cum solum firmum est, majores rotæ nihil habent cur minoribus anteponantur, nisi fortè quod in his modioli cum axe major sit affricus. Verùm id perparvi est momenti, cum axis est ferreus, & partes omnes axungia sunt oblitæ. Atque ut major rota pauciores agat circuitus quàm parva, æquali tamen velocitate in terra moventur peripheriæ. Quin etiam majoris rotæ pondus obesse nonnihil potest, cum onus est levius.

At si solum ipsum molle sit & lutosum, ita ut in id aliquantum rotæ descendant, tum majores in hoc minoribus sunt anteponendæ, quod radii sint totidem vectes in illis longiores, quæque adeo resist. ntiam soli facilius vincunt. Hypomochlion seu fulcimentum vectis in eo est puncto quod tangit rotæ circumferentia, vis motrix in centro ipsius rotæ, qua parte scilicet sit tractio; resistentia est in eo loco, ubi major occurrit obex, nimirum inter supremam & infimam terræ mollioris quæ scindenda est, partem, & quasi in centro gravitatis ipsius resistentiæ, quam major vectis facilius vincit.

Cum autem ex firmiore solo in mollius rota descendit, aut vicissim ex molliori in solidius, id fit, per ascensum quemdam & descensum quasi in plano inclinato; tumque varia esse possunt unius præ altera aut commoda, aut incommoda, quæ ex vecte & plano inclinato inter se collatis ducuntur.

Sed ubi solum est asperum & silicibus salebrosum, tum succussus sunt duriore, atque his superandis majores rotas esse magis idoneas ex plani inclinati

inclinati affectionibus ante demonstratis ostendit D. de Roberval.

VI. Ampliores quoque rotas minoribus præferri oportere his rationibus ostendit D. Buot, quod illæ majore sui parte solum tangant, neque adeo tam altè in terram molliorem aut arenosam descendant: unde seu mollius sit solum, seu lapidibus sit asperum, tum major obex opponitur minori rotæ, quàm majori, quod illius peripheria angulum mixtum cum terra efficiat ampliorem: adeo ut terra quæ minoris rotæ immerse partem anteriorem connectit, majoris sit molis. Sic ubi saxa occurrunt, ea majus afferunt impedimentum, quo angulus ille est apertior, atque illi obices ægrè superantur. Illud jam fuit observatum longiorem esse vectem in majore rota, & vim illius fortiozem. Unde si pars radii à centro, seu à modiole rotæ ad punctum contactus rotæ cum terra, dupla sit partis radii, quæ ab eo puncto fulcimenti ad punctum resistentiæ ducitur, ac resistentia ipsa sit dupla potentiæ, tum fiet æquilibrium: quare aucta paululum vi motrice resistentiam vinci necesse est.

VII. Hoc ipsum alia ratione demonstravit D. Hugen, in via salebrofa & silicibus aspera vim illam, qua trahitur minor rota, esse in ratione subdupla diametri majoris rotæ ad minoris diametrum.

VIII. Hoc utique D. Mariotte per tabulas sinuum confecit; illud quoque subjecit in solo arenoso aut lutofo quod rotæ penetrant & quodammodo perfecant, minorem rotam altius quidem subire, sed in longum minus ficare; unde utriusque fere æqua sunt incommoda, cum solum firmum est sub luto aut arena. Quod si enim pressione tantum arenæ firmitur, cum minor rota altius subeat instar cunei acutioris, ægrè admodum ex arena aut luto se expedit. Quod si obices sint minoris momenti, quales sunt arborum ramuli qui frangantur, aut glebæ quæ rotarum pondere comminuantur, ad explicatas regulas referri possunt, & eadem pene ratione solvi. Sub idem tempus D. Picard quæ sit Sequanæ declivitas à vico. v. *Essone* Lutetiam usque scripto tradidit.

CAPUT III.

De Eclipsi lunari, quæ contigit die 26. Maii anno 1668., ubi de scientia longitudinum perpauca.

I. **D**ie 26. Maii anni 1668. circa horam secundam à media nocte, eclipsis Lunæ in monte Martyrum magno studio & cura fuit observata. Hic locus selectus fuit, quod sublimis sit, atque ex eo liber pateat in ortum Solis & occasum prospectus. Omnibus instrumentis, horologiis, tubis eò pridie comportatis, initium defectionis hora 2, 12. m. 47. s. post mediam noctem incepit, cum ante octo horæ minuta penumbra jam sub conspectum venisset. Umbra terræ primum Lunæ subiit limbum orientalem circa lucidum illud punctum quod Aristarchi nomine designare placuit recentioribus Astronomis; tum paulatim lunam ad decem usque digitos obduxit, non procul ab ea parte lucida Tychonis nomine insignita. Eclipsis

ANN. quidem semidigito major quàm revera esset, apparuit, quod pars Lunæ à 1668. Sole illustrata horizonti finitima præ refractione arctior quàm par esset, videretur.

II. Antequam eclipsis inciperet, subnigra macula, mare Caspium vocant, erat limbo proxima, diameter Lunæ 33. minut. & 8. secund. fuit observata. Ex quo D. Picard suam conjecturam antea propositam confirmavit, Lunam videlicet non aliàs majorem videri, ubi ejus altitudines supra horizontem pares sumuntur, quàm cum perigæa soli opponitur, aut cum eo conjungitur: tum enim supra horizontem multum sublata ad 34 usque min. patet ejus diameter, & aliquot tantum secundis minor esse potest: cum in quadraturis & perigæa ejus diameter ad 32 tantum min. & 30 sec. nec amplius pateat. Id verò hoc magis notandum putabat, quod Astronomi huic contrariam hypothesein ut certam posuerint.

Ex umbræ transitu per diversas lunæ partes suis nominibus designatas observato judicatum fuit diametrum umbræ duplam tum fuisse lunæ diametri; penumbra semper visa est umbram antecedere unius ferme digiti longitudine. Sed vix ea sub finem eclipsios potuit ab umbra secerni die jam illucescente.

Luna horizontem cœpit attingere hor 4. cum 5. min. & 29. secundis. Quod si eclipsis illa centralis fuisset & horizontalis, jam illius centrum supra horizontem tum sublatum fuisset 28 min. cum centrum Solis cœpit emergere: utrumque adeo luminare pene integrum supra horizontem videri potuisset, nisi quid aliud Lunam oculis subduxisset.

Eandem eclipsim D. Cassini, uti antea ex condicito convenerat, Romæ observavit. Atque ex collatis observationibus differentia Meridianorum Romam inter & Lutetiam fuit constituta: quæ postea è satellitibus Jovis accuratius fuit definita.

III. Sub idem tempus die nimirum tricesima Maii D. Colbert ex Academia D. D. de Carcavi, Hugens, de Roberval, Auzout, Picard, cum Domino Galloys, qui tum erat, à Commentariis aut Secretariis, (tum enim profectus eram Aquisgranum, in comitatu illustri. Viri D. de Croissy Legati & Plenipotentarii Regis Christianissimi) in suam Bibliothecam arcessivit, quo D. Du Quesne Regiæ Classis Legatus statim unà cum nobili Germano olim in Suecia Tribuno militum se contulerat. Hic excogitatum à se rationem certam & facilem cujusque loci in mari longitudinis invenienda proposuit. Atque illud tamdiu quasitum & navigationi perutile arcanum fæ ita demonstraturum receperat, ut quæ contra opponerentur, facile dilucret. Postera die omnes in eundem locum convenere: duas hanc in rem machinas exhibuit, quibus longitudes locorum certò dignosci possent, earum usum scriptis expositum domino Galloys tradidit, ut ab iis qui huic rei cognoscendæ erant præpositi, expenderetur.

In hoc positum erat nobilis illius Germani inventum, ut confectum à navi, in quamcumque partem lata perspectum iter haberetur. Trabem illam, cui instar spinæ dorsi carina navis conferta est, quæque vulgo dicitur *Quille du Vaisseau*, sub ea parte cui versorium apponi solet, à summo ad unum perforabat. Huic foramini satis amplo machinam suis rotis

instructam cum capsula ex crassiss asseribus & pice ritè obducta, ne aqua *Astro-* subiret, aptabat. Hujus machinæ artificium minutius describere nihil ne- *nomica* cessè est, cum nullius pene usus eam futuram esse ex iis quæ factæ sunt objectionibus colligi possit.

IV. Primum enim Malaciæ tempore inutilis erit ea machina in proflu-entibus v. *Courans*: tum enim ab aqua nullam motus impressionem excipiet; cum tamen navis unà cum aquæ mole longum iter conficiat. Deinde ubi navis impetus aquæ currenti è diametro opponetur, & venti perflantis vis aquæ motioni æquabitur, stabit in eodem loco navis, nec promota, nec retrogressa: interea tamen multum itineris confecti machina indicabit. 3. Ubi navis & currentis motus æquales, & in eandem partem futuri sunt, tum navis duplo celerius promota fuerit, quàm machinæ demonstrent. Uno verbo quoties navis adversus currentes progreditur, semper machinæ plus itineris confecti, quàm revera decursum fuerit, & vicissim minùs indicabunt quàm par sit, ubi navis secundum currentis motum feretur. Postremò cum acûs nauticæ diversis in locis varia sit, imò cum eodem in loco non constans sit magnæ declinatio, hæc inveniendæ longitudinis ratio non minùs incerta est, quàm reliquæ omnes quæ veterio ad hanc rem utuntur. Quamobrem re utrimque multum agitata conclusum tandem fuit hujusmodi machinam peringeniosè quidem esse excogitatam, sed ex ea longitudinum scientiam haberi nullomodo posse: tametsi hujus machinæ Auctor, quod promiserat, ad exitum illam non perduxerit, eum tamen Rex munificentissimus satis ampla mercede muneravit, quod ingeniosum esset inventum.

V. Interjecto aliquo tempore Epistola quædam à Religioso viro missa est ad D. Colbert, qua ille detectum à se meridianum fixum & primarium declarabat, cujus beneficio longitudes locorum certò dignosci facile possint. Quid eo nomine fixi meridiani Auctor intelligeret, cum non satis liqueret, responsum illi fuit ut arcanum suum cum viris Academicis qui tum Cadomi aggregabantur, communicaret, aut ipse mentem suam scripto exponeret. Sed re in longum tempus dilata, quod arcanum suum evulgare nollit, tandem incunte anno 1669. Parisios se contulit, die 20 Februarii. Cum arcanum Astrologiæ figmentis omnino subnixum esset, rejectum id fuit ut inutile & commentitium.

VI. Hoc anno 1668. cum D. Cassini invitasset Astronomos ad observationes ecliptisum satellitum Jovis faciendas, quorum invenerat elementa, & Ephemerides ediderat cum methodo eas supputandi. Quamplures ex iis eclipsis sunt observatæ in Bibliotheca Regia à D. Picard, quibus, ut testatur D. Galloys in diario Eruditorum 10. Decembris illius anni. Ephemerides ipsæ sæpe exactius convenite deprehensæ sunt quàm Auctor ipse promiserat. Primi satellitis eclipses observatæ die 7. & 8. Septembris, 21. & 23. Octobris: eclipses secundi observatæ sunt die 9. & 16. Octobris: Tertiæ eclipses die 12. & 20. Novembris; quod ideo innuimus, ut error in designandis satellitibus qui in ea editione bis irrepserat, corrigatur.

Harum eclipsis experimento tum primum in Gallia facto magna spes affulsit hujusmodi Ephemeridum ope posse ex conducto fieri à diversis Ob-

ANN. 1668. observatoribus in remotissimis terræ locis constitutis eclipticum observationes, ex quarum comparatione differentiæ longitudinum multò exactius multòque frequentius determinentur quàm alia quavis hiæntis proposita methodo. Et exinde agi cœptum est de mittendis sub Regis munificentissimi patrocínio in diversas orbis partes Observatoribus qui longitudes locorum ad Geographiæ & rei Nauticæ perfectionem observarent.

VII. Circa idem tempus prodiit Liber gallicè scriptus ab erudito viro D. Denys Deppensi, cujus titulus est, *ars navigandi numerorum ope perspecta*. D. Frenicle rogatus ab Academia hunc Librum evolvit, & animadversiones suas scripto tradidit quæ in Commentarios sunt relatæ. Multa scitu digna circa sinuum, tangentium & secantium doctrinam & calculos, nonnulla item circa Logarithmos ab eodem viro doctiss. D. Frenicle sunt observata, quæ longum esset exscribere. Inter alia quæ ad navigandi artem spectant, illud docet; quæ ratione longitudo loci ex latitudine cognita & decursu itinere per trianguli rectanguli Analysim habeatur: ex. gr. 25. leucarum spatium à navi confectum est, arque ex observationibus factis sub initium & finem itineris compertum fuit 20. leucas à Borea in Austrum, aut vicissim, seu in latitudinem esse peragratas, quæritur quantum itineris in longitudinem confectum fuerit. Quæsitum longitudinis latus ea per brevi ratione consequemur, si quadrato numeri 25, seu itineris confecti nempe 625. detrahas quadratum numeri 20. scilicet 400. Restabunt enim 225. cujus latus aut radix est 15. Quindecim itaque leucis navis promota est in longitudinem. Tabula quadratorum numerorum usque ad 100. vel 200. confici facile potest, ex qua radix proxima cujusque quadrati statim perspecta fiet. Rarò enim evenit ut amplius quam 200. leucis super eundem venti Rhumbum navis premoveatur. Quod si longitudinis 15. latitudinis 20. latera trianguli sint nota, & decursum spatium quærat, tum duo numeri quadrati 400. & 225. in unam summum collecti dabunt 625. cujus radix 25. confecti itineris spatium exhibebit, idque compendiosiori via, quàm per sinus & tangentes. Multa hujus generis ad artem navigandi non inutilia eruditæ & accuratæ illæ animadversiones complectuntur quæ forsitan aliquando publici juris fient

CAPUT IV.

De Hydrostaticis.

I. IN Commentariis à D. Galloys Abbate digestis die 20. Junii anno 1668. Tractatus brevi stylo & accurata methodo conscriptus à D. Mariotte de Scenographia, seu Perspectiva reperitur, qui fortè aliquando publici juris fiet. Is 27. propositiones complectitur quibus hæc ars penè tota continetur.

II. Paucis post diebus de motu & pressione aquæ profluentis agi cœptum est. Duo quædam experimenta faciendâ proposuit D. Picard, quæ præcipuis ea de re Theorematis sunt instar fundamenti. Primum illud est

ab Abbate Castelli enuntiatum, velocitatem aquæ eodem in tubo vel aquæ *Hydro-* ductu ea ratione augeri, qua ejus altitudinem. Alterum illud est à Tor. *statica.* ricello propositum aquam è fundo vasis, aut è latere perforato eadem velocitate exire quam acquisivisset, si ex eadem altitudine aqua vase contenta cecidisset. Utrum hæc ita essent, placuit experiri.

III. Ac primum quidem duo vasa cylindrica ejusdem altitudinis, sed inæqualis latitudinis in fundo sunt perforata: ubi ambo aqua fuerunt impleta, eadem aquæ quantitas eodem tempore ex utroque vase effluxit. Deinde ejusdem vasis fundo variis in locis perforato eandem aquæ molem iisdem temporibus per singula foramina exire compertum est. Postremo cum altitudo vasis cylindrici in 25. partes æquales divisa esset, aquæ superficies æquis temporibus juxta seriem numerorum imparium fuit imminuta, eadem prorsus ratione qua corporis sursum projecti spūia decursa minuuntur. Nam toto temporis spatio in quinque partes æquales diviso aquæ superficies per spatia 9, 7, 5, 3, 1, descendit, qui numeri impares quadratum ipsius temporis efficiunt: nam 25. quæ summa est numerorum imparium, quadratum est temporis in 5. partes æquales divisi.

IV. D. Hugenius multa quidem circa hæc experimenta animadvertit speculatione digna, quæ summam perstringemus. 1. Torricelli theoriam hinc confirmari posse, quæ si forè cum experientia minùs interdum conveniat, hoc utique ex certis circumstantiis oritur, quæ ritè expensæ in causas ipsas hujus discriminis nos ducunt. Ex primo experimento illud colligitur, vasis latitudinem nihil ad pressionem aquæ in fundum vasis conferre, sed vim illius omnem ad aquæ altitudinem referri oportere, qua imminuta effluxus quoque eadem ratione minuitur.

V. Ex secundo experimento id consequens esse dixit, fundum vasis æquabiliter ubique premi. Cum enim totum aquæ pondus fundum premat, pars unaquæq; fundi tantumdem premitur, quantum à cylindro aquæ, cujus ea pars, fundi est basis; altitudo itidem est æqualis aquæ altitudini. Non quod pars illa fundi ab eo tantummodo cylindro prematur: non enim aqua illius cylindri effluxum aperto foramine subsequitur, adeo ut reliquum aquæ vase contentæ maneat immobile. Nam ex omni parte aqua ad exitum, seu ad foramen apertum confluit, atque adeo aqua omnis vase conclusa ad cuiusque partis fundi pressionem conspirat. Sed eæ vires ita sunt aliæ ab aliis librata & distributæ, ut omnes æquæ pondus cylindri aquæ huic foramini superpositi. Ubi enim patet exitus in imo vasis, partes huic proximæ co conflunt, quæ locum aquæ elabentis repleant: adeo ut major sit earum nifus aut minor, ut eæ magis aut minus premuntur. Unde partes foramini propiores lineas curvas ac pene circulares describunt, & juxta motum aquæ qua patet aditus, suam efficiunt impressionem, cum pressio non aliud quiddam sit quàm conatus corporis ut in alterius locum succedat.

VI. Quo autem postremi experimenti ratio afferri possit, illud ante omnia instar principii ponendum est, quod experientia magis quam demonstratione constat, aquam per apertum vasis foramen erumpentem ea velocitate ferri quæ par sit huic attollendæ ad eandem vasis altitudinem. Ex

ANN. quo illud sequitur eam velocitatem huic æquari, quam gutta aquæ ex ea-
1668. dem vasis altitudine delabens adepta esset: utrique enim tantum esset im-
petus acquisiti, quantum sufficeret, ut ad eam ex qua descendit altitudinem
perveniret.

VII. Quid in causa sit cur huic principio experientia ipsa interdum ad-
versari videatur, hoc ipsum paulo diligentius intuendum. Primum quidem
sepe aer obstat quominus aqua sursum & ad perpendicularum erumpens,
ad eam ex qua delapsa est altitudinem, non perueniat. Aquæ eo majus
est hoc impedimentum, quò major est aquæ celeritas & foramen angus-
tius: plus enim resistit aer majori ejusdem corporis celeritati, & fora-
minis angustia efficit ut aqua citius spargatur in guttulas. Aer verò plus
aut minus his obstat guttis juxta superficierum rationem, quæ cum soli-
ditate comparata major est in parvis, quàm in magnis corporibus; mi-
noribus adeo guttis plus resistit aer quàm majoribus. Accedit illud quo-
que aquam sursum & ad perpendicularum salientem in seipsam recidere, &
inferiorem quæ sursum eluctatur, repellere. Quod si fistula emissaria v.
un ajustoir ita aptetur, ut aqua à perpendiculo deciscat, tum aquæ salien-
tis minor altitudo futura est, quod tota aqua sursum non tendat, sed pars
illius ad latera deflectat.

Jam si tubus angustior sit, & exitus paulo major, aqua magnâ celeri-
tate descendit, sed lateribus tubi aut vasis adhærescens non eadem vi aquam
sursum vibrat, ac si in latiore tubo moveretur.

VIII. Idem fere argumentum à D. Picard ex iisdem principiis, sed alia
methodo pertractatum fuit die 28. Augusti. Primum ex vasis quæ licet sint
inæqualia in latitudine, æqualem habent altitudinem, per æqualia fora-
mina aquam eadem celeritate exire, atque ubi vasa semper implentur; iis-
dem temporibus eandem aquæ quantitatem effluere. 2. Cum autem per aper-
tum in fundo foramen vas exinanitur, nec nova interim huic affunditur
aqua, tantumdem aquæ ex vase altero & semper pleno intra dimidium
temporis effluit: adeo ut in vase sensim, & usque ad quietem exhaurien-
do idem tempus impendatur, ac si primæ velocitatis pars dimidia semper
perstitisset, dummodo foramina quæ in imo cujusque patent, magnitudini
basis aut fundi sint proportionata; utrumque v. gr. sit pars quarta suæ
basis.

IX. Quare in duobus vasis ejusdem altitudinis aqua paulatim citra no-
væ affusionem per æqualia foramina sic delabitur, ut tempora exinanitio-
nis eam inter se habeant rationem, quàm bases. Cum enim eadem sit al-
tutudo, ab eodem celeritatis gradu motus aquæ in utroque vase incipit,
cujus pars dimidia si sumatur, eaque constans in toto effluxu, donec va-
sa sint penitus exhausta, aqua utrobique velocitas futura est. Cum igitur
velocitates in duobus vasis sint æquales, exitus & foramina æquè pateant,
tempora exinanitionis inter se eam habebunt rationem, quàm aquarum
excurrentium moles, seu bases cylindrorum. Atque è converso si foramina
eam inter se habeant rationem quàm bases, tempus integri effluxus utro-
bique æquale erit: nisi quid discriminis ex adhesionem aut affricu oriatur,
cujus hoc in loco non habetur ratio.

X. Quo ista fierent illustriora, unum item ac alterum factum est experimentum: vas cylindricum aqua repletum est, tum ope penduli quantum temporis impenderet effluxus per apertum in basi foramen, fuit observatum: eodem temporis spatio e vase semper pleno alterum tantum aquæ effluxit. Est enim æquabilis aquæ motus ex eadem altitudine, cum vas semper plenum est. Sed continuo decrefcentis motus prioris est tantummodo subduplus. Quemadmodum triangulum in eadem basi, & in eadem altitudine cum parallelogrammo est pars hujus tantum dimidia. Cum igitur unius velocitas alterius sit dupla, eodem tempore duplum aquæ per idem foramen vasis semper pleni exire necesse est.

XI. Alterum quoque experimentum factum est circa theorema à Castello propositum, quod nimirum velocitas aquæ per inclinatam planum delabentis altitudini ipsi respondeat: ita ut in eadem canalis latitudine, cum altitudo aquæ dupla est, tum quadrupla sit aquæ profluentis quantitas, in ratione scilicet duplicata. Id primum demonstrare conatus est, sed in paralogismo incurrisse postea ipse animadvertit. Quare ad experientiam provocavit. Tubus quantum fieri potuit, ei similis quem pag. 95. describit, paratus est. Sed experientiæ ipsi cum enuntiato minus convenire visum est: nam ubi quadruplum aquæ effluxit, altitudo quoque pene quadrupla reperiatur.

CAPUT V.

Idem Argumentum continuatur.

I. **A**liud experimentum iisdem pene diebus factum est de follibus, qui ex aquæ lapsu multum venti emittunt. Illud à D. de Roberval fuerat ante propositum, & D. Couplet follium parandorum cura erat demandata. Tubus hanc in rem ex ferro albo in tenues laminas ducto paratus est, cujus diameter erat 7. fere pollicum, altitudo septem pedum aut circiter cum duplici diaphragmate, uno in suprema pene tubi parte, altero in parte inferiore aptato, utroque in sui medio pertuso.

Amplius quoque ille tubus paulo supra inferius septum, aut diaphragma aliquot in locis sic erat perforatus, & tubuli iis foraminibus sic agglutinati, ut ocludi & referari quasi totidem Epistomia, vulgo *des Robiners*, facile possent, aëri nempe ad arbitrium retinendo, aut emittendo. Aquâ per infundibulum oblongioris colli & cum aperto superioris diaphragmatis foramine arctè junctum affusâ aër magno impetu per unum ex epistomiis apertum erupit, ac ventus ille tamdiu duravit, quamdiu affusa est aqua ex unius aut alterius pedis altitudine delapsa.

Hujus effectus satis probabilem causam attulit D. de Roberval, quod aqua lapsu suo multum aëris secum abripiat: ea quidem ad imam tubi partem præceps ruit, sed aër præ sua levitate sursum eluctatur, qui per fistulam infundibuli remeare nequit. Unde per apertum foramen majoris tubi cum impetu erumpit. Quo autem aqua ex altiori loco in ipsum in-

ANN. fundibulum decidit, hoc majore vi aër pellitur. Atque ea ratione & fol-
1668. les fabricari, & machinam ad arbitrium augeri posse aiebat, ut non ob-
lectationi modo, sed etiam magnæ utilitati esse possint. Et quidem in qui-
busdam ustrinis ferrariis hujusmodi machinæ adhibentur, ubi pars infima
tubi aquam paulo altius subit.

II. Cum autem à nonnullis dubitaretur an forte motus ille aëris ex aquæ
rarefactione & attritu, potius quam ex ea quæ allata fuit causa, oritur,
eo fere modo quem exponit P. Kircherus in describenda consimili machi-
na in ustrinis Tiburtinis, cujus ope aqua in mappam lapideam cum impe-
tu ruens ventum vehementem procreat: illud quoque experiri placuit. Sed
aqua per cylindrum seu tubum sic decidit, ut aëra secum non traheret,
eaque magno impetu in mappam ferream impingens aëra quidem cy-
lindrio contentum protrudit, sed eo exhausto nullus postea pulsavit ven-
tus, tamen aqua in corpus oppositum magna vi incurrens in guttulas com-
minuta videretur. Hinc manifestò conclusum fuit ventum ab his foliis
hydraulicis procreatum, ab aqua rarefcente & quasi in pulverem commi-
nuta non proficisci: sed is quem aqua secum aër trahit, hunc ventum
efficit.

III. Hoc argumentum de vi motrice aquæ & aëris mense Aprili anni
1669. & sequentibus fuit continuatum & longius provectum. Quo autem
vis aquæ defluentis perspecta haberetur, unam item & alteram machinam
parari jussim. Hæc simplicior erat: vas cylindricum 3. altum pedibus, cu-
jus basis sex lata digitis, foramine 4 linearum percussa est in orbem: huic
vasi subjecta est libra sic aptata, ut aqua in complanatam laminam bilan-
cis brachio agglutinata, & vasi ipsi proximam impacta lancem antea in
æquilibrio cum lance altera positam deprimeret. Vas aqua repletum est us-
que ad 35 pollicum altitudinem; tum fundi foramine referato, & lateri op-
positæ appenso pondere sæpius exploratum est quantum ponderis par esset
sustinendæ aquæ impressioni, idque esse 2 unciarum fere cum semisse va-
riis experimentis compertum fuit, aquâ in tubo ad eandem semper altitu-
dinem 34 pollicum affusa. Qua deinde imminuta, adeo ut duorum tan-
tum pedum altitudinem obtineret, tum pondus unius uncie & $\frac{3}{4}$ aquæ im-
petum sustinebat.

Cum cylindruli omnes aquæ, quarum singulæ bases erant 4 linearum,
quantum scilicet precebat foramen in fundo vasis positum, ad calculos essent
revocati, priorem cylindrum 35 digitorum altum 2 uncias & $\frac{1}{3}$ alterum
2 pedum unam unciam & $\frac{3}{8}$ continere deprehensum; ita ut ab ipsis pon-
deribus in altera lance positis, & ab aquæ impetu libratis non longe ab-
essent. Quantulum enim erat discriminis, hinc omne orichabatur, quod la-
minam ferream in quam aqua è vase incurrebat, à foramine aliquantum
removeri necesse fuerit.

IV. Ex quibus hæc confectaria deduxit D. Hugen. 1 Impressionem aquæ
è foramine in fundo vasis factò excurrentis æqualem esse cylindri aquæ gra-
vitati absolutæ, cujus basis est foramen ipsum & altitudo eadem quæ ip-
sius aquæ vase contentæ.

2. Cum profluentis aquæ velocitates sint in ratione subduplicata altitudi-
num,

num, aut ponderum cylindrorum, aquæ profluentis impressiones aut vi-
sus in superficiem planam sui oppositam sunt in duplicata ratione veloci-
tatum: adeo ut si fluvius duplo celerius certo temporis spatio labatur,
quàm alio tempore, ille quadriuplo majore impetu in corpus directè op-
positum incurrat; si triplo celerius profluat, impetu novies majore im-
pingat.

3. Cognita velocitate aquæ è cylindro 35 pollicum definiti potest cujus-
vis aquæ profluentis impressio in superficiem oppositam.

V. Idem D. Hugens excogitavit machinam qua vis motrix aëris expen-
di potest. Eâ constructâ varia facta sunt experimenta, ex quibus palam fuit
in aëre, ut in aqua impressionem vel potentiam esse in duplicata ratione
velocitatum. 2. Nisum aëris impulsû iis respondere ponderibus quibus in
machina comprimitur. 3. Quod si aqua & aër per idem foramen erumpant,
& eodem premantur pondere, eadem utriusque impressiones futuræ sunt.
Atqui inter velocitates aquæ & aëris per idem foramen eodem premiente
pondere exeuntium ea est ratio quæ 1 ad 22 aut circiter; cumque utrius-
que vires æquales ponantur, ubi celeritas aquæ & aëris eadem est, vis
aquæ ad vim aëris erit ut quadratum 22 $\frac{1}{5}$ ad .1. Nam vires aquæ & aë-
ris sunt ut quadrata velocitatum.

Cum de aquæ profluentis vi & impetu ageretur, ac subinde quæreretur,
quæ sit ejus diversitas in variis ab aquæ superficie intervallis, D. Cassi-
nus qui recens in Galliam venerat, machinam proposuit qua idipsum fa-
cilè dignosci possit. Axis ipsi machinæ ad perpendicularum insitit, isque
est circa seipsum versatilis, ala duplici instructus: quæ quidem ala axi
ita sunt affixæ & oppositæ, ut in eodem sint plano. Ex his una ad alti-
tudinem aquæ propositam immersa vim fluminis excipit, altera extra aquam
extante, eique funiculus sic est illigatus ut per trochleam machinæ hori-
zontalem, eique affixam ductus lancem sustineat, cui tantum imponi-
tur ponderis quantum satis est ad retinendam alam fluvio immersam: adeo
ut ambæ alæ maneat in situ flumini opposito. Hæc autem machina eo
in loco Sequanæ posita est, ubi alveus erat magis æquabilis. Experimento
facto deprehensum fuit aquam majori impetu fluere circa mediam ejus alti-
tudinem quàm prope superficiem aut fundum. Hanc machinam D. Couplet
paratam curavit & delineavit.

Consimili ratione cum de resistentia aquæ & aëris ad motum ageretur,
D. Cassinus vesicam sic aptavit, ut pressa pondere perpendiculatè in-
cumbente in follem plenum aëre, tum aqua, eumque comprimens coge-
ret aquam exire, vel aëra. Tempore per vibrationes perpendiculari annota-
to, quo follis eodem pondere pressus deplebatur, deprehensum est tempus
quo aqua exhausta, est sexcenties majus esse eo temporis spatio quo aër de-
pletus est.

VI. In eodem argumento versatus D. Mariotte tractatum legit ea de
re à se elaboratum. Hic 29 propositionibus comprehensus quæ ad vim aquæ
& aeris motricem spectant, enucleatè explicat. Primum advertit in pi-
strinis rotas circumagi, & pondera in sublime tolli, ex aquæ gravitate,
aut percussione, aut ex utraque, uti ex aëris collisû & vi elastica plerosque
effectus machinarum pendere.

ANN. 1608. 2. Solo aquæ pondere rota suis asseribus instructa sic moveri potest, ut parte inferiori effundatur, superiori impleatur. Hunc in usum concatenatio vasculorum utrimque rotæ sic aptantur, ut dum ex una parte implentur aqua, ex altera exhauriantur. Tum enim rota eorum pondere quæ implentur, in orbem circumagitur.

3. Vis percussiois in aqua ex illius densitate & motus velocitate ducitur. Sic in moletrinis aquariis & pondus aquæ & impetus unâ concurrunt.

4. Aqua profluens non eadem vi ferit obvium corpus, ac solidum quid & firmum; ex innumeris enim constat particulis disjunctis, quæ si primum non valeant corpus oppositum commovere, in seipsis reflexæ consequentibus corpusculis sunt impedimento: sed corporis duri & stabilis partes omnes simul vim suam exerunt, & suam quæque directionem ruertur. Attamen aqua è syphunculo 7. aut octo lineis lato saliens corpus filo suspensum longiùs protrudit motu horizontali quàm globus ligneus aquæ cylindro gravior, quod pondus suspensum quàm minimo momento moveatur, motu quidem sub initium tardo, sed quem partes aquæ consequentes celerius promovent, dum à tergo urgent: cum globus ligneus primo duntaxat impetu corpus propellat. Sed ubi corpus pensile sursum movendum est, cum id ingenita sua gravitate semper obstat, aqua saliens prima impressione sursum non pellet, etsi globus ligneus prima percussione eaque validiore illud sursum propellit.

5. Cum syphunculi sunt inæquales, sed æqualis est celeritas salientis aquæ, potentia seu motrices vires eam inter se habent rationem quam superficies. Quod probat ratio, & experientia confirmat. Nam vis percussiois respondet corpusculorum æqualium, quæ nimirum aqua celeritate aguntur, quantitati; atque ut superficies unius foraminis ad alterius superficiem, sic se habet æqualium corpusculorum unius iactus quantitas ad alterius iactus quantitatem, cum iisdem temporibus ambo vim suam exerant. Unde si duo foramina in utraque parte vasis cylindrici prope basim sic aptentur, ut unius diameter sit alterius dupla; atque aqua è minori foramine exiens pondus unius unciæ attollat, quæ è majori foramine effluit, pondus 4 unciarum attollet.

6. Ubi iactus aut syphunculi æqualem habent latitudinem, sed inæqualis est eorum velocitas, tum pondera attollunt, quæ inter se rationem habent duplicatam velocitatum. Cum enim velocitas unius est alterius dupla, & duplo plura aquæ corpuscula eodem tempore feriunt corpus oppositum, dupla est horum potentia: unde & quadruplum ponderis corpuscula aquæ numero dupla attollent. Plura non addam, cum ista publici juris facta fuerint.

VII. Quæ commoda ex cognitione vis motricis aquæ & aëris ad vitæ humanæ usum capi possint, D. Hugenius exposuit. Eam imprimis utilem esse in constructipne moletrinarum edocuit: nam in aquariis data aquæ quantitate & celeritate, quæ vis moletrina futura sit, definiri facile potest, uti & in moletrinis alaribus, quæ alarum magnitudo requiratur, ut certum producat effectum, ex iis quæ sunt explicata definiri potest. Hujus computi fundamentum ex factis experimentis colligitur. Aqua, v. gr. ea velo-

citare mota, qua intra minutum secundum pedem unum conficit, in pla-*Hydro-*
num quadratum unius itidem pedis impressionem $44 \frac{1}{4}$ unciarum efficit, *statica.*
(quod ex supra dicto experimento effluxus aquæ è cylindro 35 pollicum
alto computatur :) adeo ut celeritate aquæ eò usque auctâ ut intra idem
tempus 1 m. decem pedum spatium decurrat, in idem planum impressio-
nem 4450 unciarum faciat: cum impressiones aut potentie sint ut quadra-
ta velocitatum.

Sic aër è follibus ea vi perflatus ut 10 pedes intra minutum secundum
percurrat, in planum itidem unius pedis quadrati impactus 9 unciarum im-
petum facit. Unde si intra idem tempus 20 pedes peragret, ut ventus me-
diocris solet, vis impetus erit 36 unciarum quadrupla nempe prioris, Jam
quamlibet alam molestinæ 32 pedes in longum & octo in latum, seu 256
pedes quadratos habere ponamus, venti impressio in totam alam directè
oppositam erit 576 librarum: nam 36 unciæ ducenties quinquagies sexies
in eo numero 576 libris continentur. Sed quia ventus alam ex obliquo fe-
rit, si ponamus angulum semi-rectum, erit ut diagonalis ad quadrati la-
tus, ita 576 libræ ad $411 \frac{1}{2}$: adeo ut ventus qualis à nobis positus est, ea
vi singulas alas ex obliquo feriat: complura alia in aquarum ductibus, &
salientibus non inutilia hinc erui possunt.

CAPUT VI.

De rebus Algebraicis, Geometricis & Mechanicis.

I. **I** Sta quidem de Physico-Mathematicis in Academia sunt agitata. In-*Geome-*
terim tamen pura Mathesis neglecta non fuit, sed multa eaque præ-*trica.*
clara in ea scientia quæ hac ætate tantos progressus fecit, quæque circa
quantitatem universim spectatam versatur, hanc Algebram speciosam vo-
cant; multa in Geometria, Arithmetica & motuum scientia sunt inventa,
aut longius provecta, quæ satis fuerit leviter attingere, cum pleraque ex
iis inter Miscellanea aut opera posthuma fuerint publicata.

Ac primum quidem D. Mariotte rogatus fuerat ut duos tractatus, unum
de Algebra à D. Biancher nobili Anglo non ita pridem conscriptum, al-
terum de Trigonometria à D. Norwood nuper editum perlegeret, ac de
utroque quid sibi videretur ad Academiam referret, quod præstitit die 25
Julii & 1 Augusti; utrumque opus methodo expedita elaboratum cen-
suit, quæ in iis libris essent pertractata, quæque usui futura viderentur,
aperuit.

II. Quadraturam hyperboles à D. Mercatore primùm propositam, tum
à D. Vvallis explicatam & correctam, ac tandem à D. Hugens multis
auctam demonstrationibus, tum quæ ad hujus rei intelligentiam sunt
necessaria, ipsemet exposuit; simul quam utilis sit hæc hyperboles dimen-
sio inveniendis Logarithmis ostendit.

III. Paucis post diebus qua ratione regularis æquatio, cujuscunque sit
gradus, deprimi possit D. de Roberval edocuit, idque inter Miscellanea

ANN. insertum fuit, uti & ejusdem Auctoris Tractatus de ratione inveniendi
1668. tangentes curvarum quarumcunque linearum per motus compositos.

IV. In eo Tractatu primum quasdam vocum definitiones more Geometrico præmittit; quid lineæ simplicis, quid compositæ nomine intelligat. Illam esse ait ejusmodi ut in plano positæ pars unaquæque æquali ejusdem lineæ parti congruere aut aptari possit. Hujus generis est lineæ recta, aut circumferentia circuli. Quibus hæc deest proprietas, ea dici possunt compositæ.

2. Motus uniformis is est, quo mobile velocitate semper sibi æquali fertur, secus motus est difformis aut irregularis.

3. Potentiam vocat vim quamlibet motricem. Hoc enim loco ita accipitur, quatenus diversitati motuum cognoscendæ utilis est; tamen eo quoque nomine sæpius ea vis designatur quæ ponderi sustinendo, aut alteri effectui par est.

4. Impressio aut impetus est hujus vis motricis actio.


5. Linea directionis ea est per quam potentia mover corpus mobile.

6. Impressiones similes dicuntur, aut diversæ, ut lineæ directionis sunt inter se parallelæ aut secus.

Duo autem in motibus maximè spectantur, directio & celeritas. Circa directionem hoc axioma præmittit. Vis motrix qua mobile circumferentiam circuli motu suo describit, est lineæ perpendicularis ad punctum extremum radii, in quo mobile reperitur; aut brevius, est recta quæ in hoc puncto tangit circumferentiam.

Res ipsa fiet illustrior, si Figura adhibeatur.

Sit mobile, quod motu suo describit circumferentiam circuli G B F in pun




cto B extremo semi-diametri A; B cui insitit ad perpendicularum B C dico hanc rectam esse directionis lineam per quam mobile B movetur, cum huic puncto inest. Cujus ratio Physica hæc afferri potest, quod nulla designari queat alia directionis lineæ, qualem si quis fortè dixerit

esse rectam B D, absurdum ex eo consequatur necesse est. Cum enim natura nihil indeterminatum aut indefinitum patiatur, si recta B D ut linea *Geometrica* directionis sumatur, quæ cum semidiametro angulum D B A efficit, eodem jure linea B E quæ angulum E B A cum semidiametro A B æqualem D B A efficit, linea quoque directionis futura est: adeo ut sint duæ ejusmodi lineæ, neque ulla sit ratio cur una potius quàm altera seligatur. Quod utique absurdum est, ut sint duæ directionis lineæ. Ex quo sequitur non aliam assignari posse directionis lineam præter B C quæ angulum rectum comprehendit cum semidiametro circuli. Ex quo illud quoque consequens est hanc directionem in quolibet circumferentiæ puncto mutari.

V. Quod si mobile à G in B latum in puncto B circumferentiam circuli deferret, per lineam B C vi hujus impressionis deferretur. Quæ cum tangat circumulum, hoc tanquam principium inventionis poni potest, in omnibus lineis curvis tangentem esse lineam directionis motus, quem mobile lineam curvam describens in eo puncto obinet: adeo ut in motu variè composito directionis lineâ cognita, tangens quoque ea ratione perspecta habeatur: compositus verò dicitur motus, cum variæ sunt mobilis impressiones.

Tum multa proponit theoremata & problemata de motibus compositis quæ longum esset pettexere. Motum omnem æquabilem seu uniformem & rectum concipi posse ait, vel ut simplicem, vel ut ex aliis compositum. Atque hinc reflexionum & refractionum rationes deducit. Verùm hæc & alia plura satis recondita, cum jam Typis excusa fuerint, inanis esset labor noster in iis exscribendis, ac satis illud fuerit ad institutum nostrum illa indicasse.



SECTIO QUARTA.

De Actis 1669.

AB Astronomicis ducemus exordium, tametsi designato quidem, sed nondum exstructo Observatorio non adeo multa fuerunt.

CAPUT PRIMUM.

De quibusdam observationibus Astronomicis.

INterea temporis variæ observationes Astronomicæ factæ sunt in Horto Regiæ Bibliothecæ, nondum exstructo Observatorio. D. Picard quæ à primo die mensis Octobris anni 1667. usque ad eundem mensem anni insequentis meridianæ Solis altitudines observatæ fuerint, recensuit, æque in commentarios collatæ fuerunt.

ANN. 1669. D. Picard anno 1669. Aprili mense altitudines Solis meridianas ab Octobri anni 1668. ad hoc usque tempus eodem in loco à se factas cum iis quæ ex tabulis Rodolphinis eruuntur, contulit, & in tabulas redegit, quarum prima altitudines Solis, ut observatæ fuerunt, secunda easdem è tabulis juxta locum Solis, obliquitatem Eclipticæ, & altitudinem Equatoris computatas, tertia differentias inter observationes & calculum inventas complectitur.

II. Illud non tacendum videtur, stellæ quæ cor Leonis appellatur altitudinem meridianam die 3. Maii inventam fuisse 54 gr. 42 m. 30 sec. Quæ altitudo hora 7 & 5 m. hoc est 13 minutis horæ ante Solis occasum fuit observata. Quod hæcenus factum non fuerat ut die illucescente altitudines stellarum meridianæ exploratæ haberentur.

Die 23. Julii Astutus visus est in meridiano, altitudo ejus 62 gr. 5 m. tumque Sol erat supra horizontem 16 gr. 59 m. 35 sec. altus. Quare jam difficile non est ascensionem stellatum rectas invenire, non solum horologiorum ope, sed etiam ex azimutho Solis eodem prorsus tempore observato, quo fixæ altitudo meridianæ deprehenditur.

III. Sub idem tempus D. Cassini ex Italia ab Invictissimo Rege, summo artium honestarum patrono ascitus in Galliam venit. Salutato Rege ad quem à D. Colbert admittus fuit, in Academiam magna omnium lætitia est cooptatus. In Academia Bononiensi, quæ tum temporis claris florebat Astronomis jam ab anno 1650. primariam Astronomiæ Cathedram ex Senatus consulto ejus civitatis obtinebat. Multa ingenii sui & doctrinæ ea in urbe ediderat specimina, illud imprimis quod anno 1656. publici juris fecit, quodque specimen observationum inscripsit.

In æde S. Petronii Gnomonem 83. pedum autoritate Senatus erexerat, cui semita marmorea 210. pedum in partes divisa, quo Astronomicis calculis esset accommodata, substernebatur. Hujus Gnomonis ope Zodiaci obliquitatem, Solis Apogæum & excentricitatem quàm accuratissimè fieri potuit definita tradidit; motus Solaris opticam inæqualitatem à Physica distinctam ostendit, idque adeo manifestè ut Astronomi magni nominis, qui paulo ante eam rejecerant, in editis postea scriptis hanc ultro receperint.

Mitto de refractionibus dicere quas esse sensibiles ultra 45. gradus & fere usque ad verticem demonstravit. Atque hinc poli, & Solis circa solstitium æstivum altitudines corrigi oportere conclusum ab eo fuit. Iisdem fere temporibus elementa edidit in lucem, è quibus Marchio Malvasia anno 1661. Ephemerides Solis contexuit quas Montanarius & alii ad multos annos produxere. Longum esset commemorare quæ circa Solarium eclipsion variis in regionibus varias phases nova methodo delineatas exposuit, quæ de Cometis annis 1664. & 65. visis, de umbris satellitum Jovis, quas utique iis temporibus detexit, de revolutione citissima macularum Jovis, de observatis à se maculis Martis conscripsit. Ista enim hoc loco satis fuerit attigisse: ut hinc appareat quanto judicio & delictu Ludovicus Magnus virum in omnibus Mathematicis disciplinis clarum, atque in Astrorum scientia nostræ ætatis facile principem in regnum suum id agente per litteras D. Colbert,

arcesiverit, qui una cum Hugenio, Robervalio, Picardo, Frenielo, Buhesio, *Astro-*
& alijs melioris notæ Mathematicis nobilem hanc & præclaram scientiam *nomica*
ornaret.

I V. Hoc ipso anno tabulas revolutionum quatuor Jovis satellitum publici
juris fecerat eorum periodos ita præscripsit, ut intra 40. aut 50. annorum
spatium errorem ad dimidium unius è singulis periodis non posse irrepere
pro indubitato haberet. Observationes suas cum vetustissimis à Galilæo
factis anno 1610. contulit. Sed idem his tabulis satellitum, quod præci-
puorum planetarum tabulis accidisse D. Cassini in responsione sua ad P.
Richaud Societatis Jesu difficultates anno 1692. à P. Govie editas decla-
rat. Veteres enim Astronomi tabulas suas ad observationes antiquiores exe-
gerant, quæ minus erant accuratæ quam posteriores. Errores qui in moti-
bus planetarum percipi nequeunt, quique vitari peritus non possunt, pau-
latim excrevere, iique motus ante simplices & æquabiles, jam confecti
& iræquales postea inventi sunt, neque illæ inæqualitates statim sunt ani-
madversæ, sed post longam annorum seriem. Et tamen hæ tabulæ non
inutiles fuerunt, quin etiam magno sunt usus definiendis temporibus, &
periodis inter observationes antiquas & recentiores numerandis.


Ita sunt tabulas motuum quatuor satellitum ex collatione observatio-
num suarum cum iis quæ à Galilæo factæ sunt pertexuit Cassius. Cum
autem Galilæus tubis opticis adhuc imperfectis usus esset, primus Jovis
satelles conjunctus cum Jove videri potuit, & teipsa visus est, cum ali-
quot gradibus sui parvi circuli quem circa Jovem describit, ab eo distaret.
Ab anno 1668. ad annum 1692. seu intra spatium 24. annorum 10. priores
tabulæ novas 10. gradibus anteverrunt: adeo ut intra annum motus cele-
rior sit in prioribus tabulis 4. secundis, quæ detrahi oportuit revolutioni
primi satellitis. Quæ de re idemdem redibit sermo. Verum cum hoc
anno hæ tabulæ priores publicis juris factæ fuerint, occasione data non po-
tuimus tam præclari inventi, & Geographiæ instaurationi perutilis prima ve-
lut incunabula silentio prætermittere. Jam è semita in viam redeamus.

V. Cum D. Cassinus recens in Galliam venisset à Ludovico Magno
accitus novam, Geometricam & directam Apogæa, & excentricitates, &
anomalias planetarum inveniendi rationem, quod est præcipuum Astrono-
miæ fundamentum, proposuit, quam D. Galloys diario Eruditorum 2. Se-
ptembris anni 1669. inseruit. Hactenus Astronomiæ principes, ut Ptole-
mæus, Copernicus, & alii Geometrica methodo ad eam rem destituti per
longos & difficiles calculorum anfractus & falsas hypothèses, quas tamen
postea explorando, & quasi palpando corrèxere, Apogæa planetarum, &
excentricitates quæserant, ac paucis observationes, tres scilicet aut qua-
tuor ad summum adhibere coacti fuerant, ut vitarent confusionem linearum,
& figurarum: cum tamen hypothèses eo sint certiores, quo pluribus ob-
servationibus nituntur.

Utrique huic incommodo jam anno 1653. remedium proposuerat D. Cas-
sinus, cum Bononiæ Astronomiam profiteretur, uti videre est in epistola
rum ab eo scripta, quæ sexto volumini operum Petri Gassendi inserta est.
Id tamen nondum exposuerat, sed Astronomos rei tam utilis expectatione
suspensos reliquerat.

ANN. VI. Illud cum Ptolemæo statuit superiorum planetarum motus ad tres
 1669. circulos æquales referri, ad concentricum, excentricum, & tertium, qui
 æquans dici solet : sed hoc systema planetis inferioribus æque ac superiori-
 bus aptari posse contendit. Illud quoque addit motum excentrici absolvi
 per lineam ellipticam, quæ inter concentrici & æquantis circumferentias
 sic progreditur, ut eorum centra sint ipsi ellipseos foci, quamque circum-
 scribit excentricus Ptolomæi circulus. Postquam vero plures & eximias fi-
 guræ ellipticæ cum iis circulis collatæ proprietates demonstravit, ex iis
 Geometrica & directæ methodo determinat cum elliptici, tum circularis
 planetarum motûs hypotheses ; idque tot observationes, quot libuerit
 adhibendo, ductis lineis rectis citra ullius circuli opem. Hanc methodum
 exemplo illustravit, in determinandis centro, & axe orbitæ planetarum
 juxta hypothesim ellipticam, posito quod alter è focis sit centrum motus
 apparentis, alter sit mediû motûs centrum.


VII. Ponamus itaque circuli concentrici centrum L , ac plura in eo
 circulo loca planetæ apparentia A, B, C, P , & quot libuerit alia : data



quoque sint intervalla apparentia AB, PB , &c. Ab uno ex iis locis appa-
 rentibus, ut ex B ducatur diameter BLD , atque in puncto D opposito
 data puncta A, C, P &c. jungantur per rectas AD, CD, PD . Tum
 à puncto D , versus A , sumatur arcus mediû motus DE , qui intervallo
 apparenti AB , respondeat : ab eodem puncto D , versus C , sumatur
 iidem arcus mediû motûs DF , qui respondeat intervallo apparenti BC ,
 item ab eodem puncto D , versus P , sumatur arcus mediû motûs DQ ,
 qui respondeat BP , & sic de aliis. Jam ducantur lineæ EB, FB, QB ,
 quæ

quæ si opus sit productæ secant in punctis H, G, R &c, priores lineas *Physica.*
iis respondentes versus D ductas.

His positis si vera est, de qua agitur, hypothesi, & accuratæ fuerint observationes, omnes illæ intersectiones in eadem recta R H G futuræ sunt. Quamobrem per singula intersectionum loca ducatur recta linea, atque à puncto B in eam rectam perpendicularis B I erigatur, punctum I erit centrum ellipsis quæsitum; punctum L, erit alter è focus, circa quem motus apparens absolvitur; recta quæ per I L transit, diametro B D æqualis sumpta, erit axis in quo Apogæum futurum est versus partem I, ex. gr. in puncto M, perigæum ad partem L, ut in puncto N. Alter focus, cujus habita ratione sit medius planetæ motus, erit punctum O, si linea I O, ponatur æqualis rectæ I L, ac distantia loci apparentis B, ab Apogæo, seu vera Anomalia erit angulus B L M. Quæ omnia ex consensu observationum, & intersectionibus, per quas recta R H G transit, sunt definita. Demonstratio in peculiari tractatu à D. Cassini elucubrato, nempe in planetarum Theoria palam fiet.



SECTIO V.

De rebus Physicis per biennium agitatis.

A Mathesi ad Physicam redeamus, ac primum à nonnullis experimentis in Academia factis, quæque ad Physicam generalem videntur pertinere, ducamus exordium.

CAPUT PRIMUM.

De quibusdam experimentis Physicis annis 1668. & 69. in Academia factis.

QUÆ in Mathesi inventa sunt & agitata toto pene triennio, quàm brevissimè fieri potuit, uno & eodem tenore ita sunt proposita, ut iis omittis quæ inter Miscellanea jam typis mandata sunt, ea tantummodo quæ essent intellectu faciliora aut ex usu publico traderentur.

Nunc Physicæ contemplationes nos ad se revocant, & quantum illa scientia omnium pene artium parens hoc fere biennio, nimirum ab Aprili mense anni 1668. ad initium usque anni 1670. (quo temporis spatio profectus in Germaniam & in Angliam ab Academia absui) profecerit, jam dicere incipiam

Et quidem tum temporis nova ubique experimenta circa vim aëris elasticam in machina pneumatica, cujus ante meminimus, studiosorum exercebant ingenia. Ejus conficiendæ D. Hugenius novam quamdam invenerat

ANN. rationem ad usum magis accommodatam, cujus partes & structuram in 1668. Academia exposuit. Varia subinde experimenta facta sunt, ingeniosi & 69. eruditi tum juvenis D. Papin usus opera, quæ postea publici juris fecit anno 1674. ubi descriptionem machinæ accuratam tradidit, & illustriora circa liquorum fermentationem, plantarum vegetationem, corporum conservationem facta experimenta dilucide exposuit in eo libello quem Domino Hugens inscripsit: adeo ut nihil necesse sit ea nunc regerere quæ in Germania, à D. Gerike primo hujus machinæ inventore, tum in Anglia à D. Boyle qui eandem longè perfectiorem effecit, deinde in Batavia & Gallia à D. Hugens de Zulichem, qui in eam formam, quæ nunc est usitata, illam redegit. In Academia denique Florentina & ubique ferè terrarum iterata experimenta magni Physicæ lumen intulerunt.

II. Perpauca à multis referam, quod acriori meditationi locum præbere videantur, Pisciculus Gobius vulgo *Goujon* sub recipiente positus exhausto aëre non extinctus est, sed admissō aëre ad fundum vasis aqua pleni decidit, eo dissecō vesicula aëre vacua reperta est, idque in causa fuit quominus sursum ascendere potuerit. 2. Butyrum in recipiente positum exhausto aëre campanæ candenti subiectum est, ut inde liqueret an calor spatium aëre vacuum penetraret: sublata campana, post quinque aut sex horæ minuta butyrum mansit integrum, non liquidum, tamen recipiens multum incaluisse; sed butyro altius sublato, adeo ut tribus tantum digitis à suprema recipientis parte distaret, statim id cœpit liquefcere; admissō aëre & sublata campana longè citius liquefactum est. 3. Illud etiam experiri placuit utrum in vacuo plantæ vegetarent. Vasculum terra plenum cum seminibus plantarum quæ germinare incipiebant, recipienti impositum fuit; aliud quoque vasculum aqua plenum sic aptatum est, ut ramulus plantæ cum flosculis suis huic immergeretur; sublato recipiente una cum vasculis herbæ cum floribus post 24. horas, ut impositæ fuerant, sic apparuerunt: non enim exatuerant, nec excreverant, nec flores aut gemmæ sese evolverant. Sed recipiente Soli exposito, qui flores à radiis solaribus sunt percussi statim auerunt, è terra vapores exhalaverant, quin guttulas, aquæ concrefcentes vitri parietibus adhærescebant. Post dies octo non contemnenda aquæ quantitas in fundo recipientis resedit. Mirum sanè vapores in vacuo sursum tolli, cum in eo plumulæ, & levissima quæque corpora instar plumbi decendant. Et tamen guttulæ aquæ herbarum foliis inclusis instar roris insidere quotidie videbantur, quæ Soli expositæ statim evanescebant. Quin aqua in tubulum aut syphonem probatorium sursum ad duos usque digitos ascenderat. Hic tubus parte sui infima in vas subiectum aqua plenum immergitur, cumque aqua omnis tubo contenta decidit, indicium est aëra è recipiente eductum fuisse: unde & probatorius dictus est. Cum igitur aqua ultra sui vasis superficiem sublata est in tubum, id utique evenit, quod aër in aqua conclusus à pressione circumfusi aëris liber ulto exierit, aut vapores vim elasticam aëris adepti hunc effectum procrearunt: non enim verisimile est exteriorem aëra per rimulam recipientis subisse; nullas quippe bullas in aqua subiecta excitavit.

III. Sub idem ferè tempus vir quidam ingeniosus qua ratione aqua *Phy-*maris suo sale exui possit, & potabilis fieri, ut arcanum magnæ utilitatis *sica*, proposuit; cujus rei ut periculum faceret, cucurbitæ plumbeæ aquam marinam imposuit; sebum liquatum in vase fictili una cum ellychnio accenso subjecit, terrâ admistâ, tota nocte aqua penè dulcis extillavit; perparum salis cujusdam adjecit, qui ut aiebat, aquam salubrem reddit. In eo sui arcani summam reponebat; sed postea hunc salem ex aqua fluviali elici dixit, quam verè, incertum. Verum huic meritò objectum fuit quam D. Othon Cadomensis, jam ante proposuerat aquæ marinæ præparationem majori compendio fieri & in majori quantitate; nimis operosum videri & sumptuosum hunc laborem, nullius adeo usus futurum.

Sententiam eâ de re rogatus D. Duclos, quid sentiret paucis post diebus exposuit. Aquam marinam fore salubrem, si suo sale exueretur, hic enim unus dysenterias & diarrhœas præ sua acrimonia parit. Quod si tamen in parva dosi sumeretur, non multum fortè obesset sanitati. Sunt enim qui scyphum aqua marina plenum hauriant, ut se à vomitu quem navis agitatio excitat, tueantur. Zacutus Lusitanus refert hydropicum saturatum, cum inter navigandum aquæ dulcis penuria marinam potasset: nam alvi profluvium insecutum remedio fuit: adeo ut forsitan quantitate magis obicit aqua marina quam maligna qualitate.

IV. Salsuginem illam tribus modis exui posse vulgo creditur, distillatione nimirum, percolatione & præcipitatione. Distillatio tutior videtur & naturam ipsam imitari. Optima ea est quæ per refrigeratorium perficitur, intra 40 horas per syphonem à se excogitatum & in vini spiritu eliciendo usitatum, quique in serpentis modum inflexus sursum cum capitulo erigitur, aquæ dulcis modium extrahi posse ait: hanc hydropicis utilem commendat Fioravanti l. 1. Physices c. 95. idque magni arcani instar tradit, nonnihil hujus aquæ distillatæ cum aqua communi permistum, hanc à putredine illæsam rueri.

Per colatione quoque aquam marinam natura ipsa dulcem efficit in puteis mari vicinis, qui interdum cum æstu reciproco crescunt & decrescunt. Argilla densior est quam ut ab aqua penetrari possit; subtilis & arenosa terra sæpius salem unâ cum aqua transmittit, adeo ut huic rei terra mediocriter densa & levis sit eligenda. Arena calcinata & in pulverem redacta huic rei aptior videtur; nam aqua inter angustos arenæ densatæ meatus salis spicula potest dimittere.

Præcipitatione vix aquæ marinæ salsugo adimitur, cum ad eam rem opus sit alio sale qui acrimonia sua aut aciditate ingratum saporem dabit. Glauberus lapidem specularem huic rei idoneum tradit, cum ignitus in aquam conjicitur, & in tenuem abit pulverem, qui vas huc illuc agitando salem ad se trahit. Verum hæc & alia id genus, experientia probari debent.

CAPUT II.

De Analyſi plantarum generatim.

I. **C**um illud Academiæ eſſet propoſitum, ut plantarum hiſtoria quàm fieri poſſet accuratiſſimè haberetur, qua methodo in re permagni momenti procedere oporteret D. Ducloſ expoſuit, atque inter alia de illarum analyſi certa ratione faciendâ multa diſſeruit. Sed cum laboratorum nondum eſſet inſtructum & paratum, de mixtorum reſolutione legit prolixam quidem, ſed non ineruditam diſſertationem, cujus hoc ferè eſt ſummarium.

Primum id generatim ſtatuit, chymicas analyſes maxima ex parte ignis, aëris, & diſſolventium liquorum ope perfici. Ignis partes mixti corporis ſeparat aut calore ſolo, aut combuſtione. Calor ignis motum excitat in mixti partibus, ut magis aut minus ſunt mobiles. Quæ enim ex æquo ad motum ſunt comparatæ, ignis calore à ſe mutuo non divelluntur, ſed eodem caloris gradu agitatz ſimul aſcendunt, & ab iis quæ ad motum ſunt tardiores, ſeſunguntur. Quæ fixiores ſunt, vi caloris non rareſcunt, ſed interdum arctius cum aliis fixis conjunctæ manent. Sic partes ſalinæ aut ſulphureæ vehementi calore fuſæ cum terrenis intimè conjunguntur, ut videre eſt in vitro, ubi arena ſalem tam arctè ſibi devinctum tenet, ut ignis vehementis ardorem ferat.

Non igitur inquebat, calor per ſe homogenea congregat, & ſeparat heterogenea: Sed cum duntaxat motum efficit, quo partes quædam rarefactæ ab alijs divelluntur, quæ eodem motu agitari non poſſunt; aliæ liquantur & cum fixioribus novum efficiunt compoſitum. Sic in vino furnuli calore ſpiritus inflammabilis citius rareſcens primus atollitur ad caputellum alembici; tum phlegma ſuccedit, ſpiritus acidus hoc excipit minus volatilis, tum oleum, quod intenſioris caloris gradum exigit. In imo cucurbitæ partes manent fixiores, quæ in unam coeunt maſſam, hæc conſtat ſale & oleo cum terra arctiori vinculo colligatis.

II. Combuiſtione interdum ex partes ſeparantur quas ſolus calor divellere non poterat: ſulphur in vaſe occluſo igni admotum in flores abit, neque ejus partes ſeparantur: ſed idem ſub campana inflammatum partem ſui acidam à pinguedine bituminofa ſecretam præbet. Lignum in camino funum emittit, qui in fuliginem denſatus multum ſalis volatilis & ſulphurei continet: qui quidem ſal in retorta, una cum oleo craſſo, nec inflammato conjunctus manet.

III. Eadem eſt ratio carbonis lignei, qui ex terra, oleoſo ſulphure & ſale minus volatili conſtat: nec diſſolvi poteſt ea compoſitio citra inflammationem. Nam carbo vaſe concluſus in igne quantumvis ardente ſemper idem perſtat, quod ejus ſulphur unius caloris vi incendi non poſſit, niſi aëri pateat aditus; cum terra & ſale ita cohæret, ut ne aqua quidem ſalem diſſolvat. Sed in aperto aëre ignis vi rareſcit, & carbo abit in cineres, qui ſalem continent, non igne, ſed aqua exſolubilem: ignis enim vi non liquatur, ſed cum terra arctius colligatur.

IV. Nihil adeo licet igni in partes fixas, quæ menstruis tantum, ut lo- *de Ana*
quuntur, dissolventibus à se mutuò divelli possunt. Partes autem volati. *lysi*
les ignis vi sursum adactæ rarefcunt. Major est impulsus prope ignem, *Chymi*
non item major rarefactio: fumus in camino majore impetu pellitur, sed *ca.*
minùs rarefcit quàm in superiori camini parte, ubi rarior est, & minor
ejus motus: adeo ut non sola rarefactione, sed impulsu quodam fumus
sursum feratur. Quæ fixæ dicuntur partes, hunc impulsum non excipiunt,
sed manent immotæ, ut terrenæ; aut si alicujus motûs sunt capaces, vel
liquantur, ut metalla & vitra, aut à se mutuò disjunguntur ignis rever-
berio, quemadmodum & quorundam fossilium calces.

V. Atque hæc de analysi quæ calore aut igne perficitur, nunc de
menstruis aut dissolventibus dicendum. Hoc nomine liquores donantur, qui
solidiori materiæ adjecti partes ejus aut dissolciant, aut extrahant, aut re-
solvunt. Sunt enim ejusmodi liquores quidam corrosivi qui partes corpo-
ris velut in pulverem comminuunt. Alii sunt ejusmodi qui tenuiores tan-
tum particulas quæ ad constitutionem corporis pertinent, extrahant &
quasi delibent; aut denique in sua principia vel elementa corpus resol-
vunt. Atque hæc menstrua præcipuæ curæ fuerunt Chymicis, & inter ar-
tis arcana habentur. Nam menstrua corrodentia præparant tantummodo,
dum compactas & crassas partes attenuant, quæ postea facilius solvun-
tur.

VI. Hæc porro menstrua sunt sales in spiritus aut in liquores admo-
dum penetrantes resoluti, qui sunt mercuriales, aut sulphurei, aut mix-
ti. Liquores acidi & mercuriales, ut aqua Stygiæ, partes duntaxat corpo-
ris mixti comminuunt; acres & sulphurei liquores quasdam particulas, quæ
itidem sunt sulphuræ, plerumque eliciunt, ut spiritus vini; sed mixti
qui ex sulphureis & acidis salibus prodire, ii soli possunt principia è qui-
bus partes quæque constant, dissolvere, atque earum vincula disrumpere,
dum sales quique in partes sibi cognatas vim suam exerunt, & ab aliis
divellunt.

Hujus generis dissolventia analysi Chymicæ imprimis utilia videntur, ut
principia & dotes corporum perspecta habeantur; eaque sunt vel genera-
lia, vel specifica, illa è salibus minùs determinatis parari debent, cujus-
modi est sal communis; specifica iis corporibus quorum dissolutioni adhi-
bentur, cognata esse debent. Sic fructus putrescens alteri putredinem faci-
lè conciliat, ac membrum gangræna affectum aliud consimili tæbe infi-
cit: sic metallum in aqua Stygiæ, seu in liquore mercuriali sibi cognato
dissolvitur.

VII. Illud magis est instituti nostri quod paucis ante diebus de plan-
tarum analysi rite faciendâ proposuerat. 1. Quod salis genus in planta in-
sit, ex vitriolo Martis in aqua exsoluto, aut ex sale plumbi soluto, (sac-
charum Saturni vocant,) vel demum ex sublimati solutione colligi facilè
posse. Cum enim foliorum salviæ, aut mali punici corticis, vel nucis
gallæ decoctio vitrioli communis solutioni admisceatur, tum hi liquores sub-
nigrum colorem induunt, quod sale sulphureo & terrestri abundant. Suc-
cus è plantis vulnerariis, ut è Veronica, Betonica &c. expressus salis Sa-

ANN. tutni seu plumbei solutionem turbat, qui lacteum præ se fert colorem. Quod
1669. indicio est salem, qui his plantis inest, sulphureum quidem esse, sed minus terrestrem. In Lavendulæ, Rosmarini & consimilium plantarum succo inest sal subtilior, qui salis plumbi solutionem non turbat.

IX. Atque ex iis probationibus quàm puri sint sulphurei sales, conjectari licet. Qui enim vitrioli, salis plumbi, aut sublimari mercurii solutionem magis tingunt aut confundunt, ut sales è cineribus extracti, hi magis terrestres judicantur. Imo ex iis vires medica quarundam plantarum ducuntur. Quæ ex. gr. vulnerariæ dicuntur, acidum exodens carnes sale suo sulphureo absorbent. Atque hi plantarum succi, aceti illius qui sali plumbi inest aculeos sic obtundunt, ut liquor ex iis extilletur omnis saporis expers.

X. Quæ sit quarundam herbarum constitutio, quæ natura, è tartaro, ut vocant, vel crystallis quæ in succis earum depuratis in frigido loco concreverunt, postquam pars earum aliqua exhalavit, perspectum esse potest. Nam sal ille essentialis, seu tartarum in amaris plantis, ut in fumaria, carduo benedicto &c nitrosus est & salem petræ refert; in acrioribus, ut in nasturtio admodum est volatilis; in acidis, ut in acetosa, pomis agrestibus, fructibus immaturis, tartaro vini non est absimilis.

XI. Postremò quæ sit plantæ temperies, aut quibus constet principiis, ex aquis distillatis, ex liquoribus tum acidis, tum sulphureis, oleis & salibus dignosci utcunque potest. Aquæ extillantur in balneo maris, spiritus acidi vel acres in balneo vaporoso, ut vocant, aut in refrigeratorio, in retorta verò liquores tum acidiores, tum oleosi majoris ignis vi attolluntur; sales fixi post calcinationem per lixiviam educuntur è cineribus.

Qua vero ratione aquæ & sales probari & expendi possint, tum fusiis exposuimus, idque suo loco reddemus.

C A P U T I I I.

De Botanica seu de re herbaria, ac primum de succi nutritii in plantis circuitu.

I. **I**N ipso pene nascentis Academiae exordio conjecturas suas de circulatione succi nutritii in plantis proposuerat D. Perrault, cum inter Academicos D. Mariotte nondum esset ascitus. Hic die 27. Junii anni 1667 cum de rebus Botanicis sermo haberetur, multa à se observata protulit, quibus succi nutritii in plantis, ut sanguinis in animalibus circuitus pene demonstratur. Res adeo visa est omnibus digna, quæ diligenter expendere-
retur. Ambo sunt rogati ut cogitationes suas & rationes proxima die proponerent. Quod ab utroque factum fuit, ac postea in rentaminibus Physicis in publicum emissis sententiam quisque summationibus & experimentis munitam mandavit litteris. Conjecturæ D. Perrault & observationes jam superius sunt expositæ. Quæ à D. Mariotte sunt observata, summam attingam.

Primum id animadvertit, herbarum quæ lacteo succo aut flavo turgent *De Bo tanica.* caulis infra ramos resecti è parte superiore & foliis propiore uberiorem succum præbent quàm è parte inferiori versus radicem. Quod utique non eveniret, si succus omnis versus extrema plantæ pelleretur.

Resectâ iterum plantâ in ea parte cui insunt folia, nihil aut perparum succi sursum fertur, sed plurimus delabitur è frondibus: quod experiri licet in Tithymallis, dente leonis, Chelidonio, & aliis hujus generis.

II. Quin etiam iis in plantis tubulos ea arte dispositos comperit, ut ex pluribus fibrillis candidis, duris & ligneis à se mutuò disjunctis coalescant, quæ à radice ad extremos usque ramos producuntur. Has communis pellicula involvit, quæ à caule reliquo eas separat. Inter eas fibras & pelliculam materia quædam spongiosa interjecta microscopii ope cernitur, eaque succo albo vel flavo tingitur: nam extrema fibrarum alba sunt, succus verò aut flavus, aut lacteus multis in locis conspicitur.

Majores plantæ, ut Ferulæ has fibras æquis intervallis dispositas habent à centro caulis ad circumferentiam. Reliquæ duos tantum aut tres habent fibrarum ordines versus circumferentiam. Sed alius est succus aquosus, qui in resecto caule facile conspicitur. Aquæ illud satis est verisimile succum illum aqueum in eos commicare tubulos quibus inest succus lacteus, & cum eo misceri, fere ut chylus in venas commeat & unâ cum sanguine permiscetur.

III. Utrum autem per distinctos tubulos succus in radices & ramulos propellatur, dijudicare non potuit. Illud unum constat rorem & pluviam à foliis in caulem commicare, utrumque succum tum à radicibus, tum à foliis exceptum per totius plantæ longitudinem decurrere, & per insensibiles poros subire eos canaliculos in quibus succus jam est elaboratus.

IV. Nam si ramulus arboris ut herbæ, aut Apii hortensis, aut Chærefolii resectus alium habeat ramulum sibi à latere conjunctum, atque illius pars extrema aquæ vase contentæ sic immergatur, ut reliquum caulis, & cohærens ramulus in vasis margine extra aquam collocetur, ramuli omnes per tres aut quatuor dies etiam æstate virorem suum conservabunt.

V. Eandem ob rationem Pepones adhuc teneri, dum in fimo calente sub campana vitrea adolescunt, vapore in campanæ lateribus instar roris con crescente, & in folia decidente, virorem suum & firmitatem tuentur. Sublata campana nonnihil folia marcescunt: tametsi calor ipsè plerumque sit remissior, & frigidiore aura recreentur. Sed ros ille deest, qui per fibras, aut canaliculos se insinuat, & plantam alit: cui succus è fimo sublatus non sufficit. Unde & Divina quadam Providentia factum est, ut in locis fervidioribus ros sit uberior, cum pluvix sunt rariores. Sic in plerisque herbis velut pili aut apices succrescunt, quos tubulos esse rori aut pluvix exsurgendæ destinatos magna probabilitate conjicit, quod herbæ aquaticæ sint ter sæ non hirsutæ aut his velut spiculis asperæ.

VI. Addebat D. Mariotte illud admodum probabile videri succum sæpe per radices commicare, ut debitam coctionem assequatur: quemadmodum sanguis per præcipuas corporis machinas cor, jecur &c. ita reditque,

ANN. Unde extremae radices Chelidonii & quatumdam plantarum tantum fere
1659. succi præbent resectæ, quantum folia ipsa, quod succus æquabiliter in
partes omnes propellatur.

VII. Secto Papaveris caule tribus aut quatuor digitis infra plantæ caput, ubi maturefcere incipit, succus candidus è caule sublatus exhibit; alius fulvo colore tinctus è parte summa effluet: adeo ut tubos esse distinctos hinc suspicari liceat. Non enim succus iisdem in tubulis tam diversos colores posset induere. Sic Ficû transversim in medio sectâ, qui ab extrema foliorum parte defluit succus, aquosior est, & minus candidus, quàm qui ex parte altera stillat: ita ut succus aquosus qui foliis inest, in tubulos succo candido refferros commeeat, & cum eo misceatur; aut certe diversi utriusque sunt canales, vel tubuli.

VII. Ex iis atque aliis concludbat vir ingeniosus & doctus, illud vero proximum videri, succum nutritium in plantis, ut sanguinem in animalibus circumagi. Nam magna est inter plantarum & animalium vegetationem similitudo. In illis lactea vasa chylum excipiunt, qui in venas, deinde in cor & pulmones, in cor rursus, tum in arterias deferretur nutriendis partibus: quod reliquum est in venas refluit. Non dissimili ratione succo nutritio radicum extrema imbuuntur, qui in radice corpus primum, tum in caulem & truncum per tubulos sibi aptatos ad ramos usque & folia eluctatur. Quod superest per alios canales ad radicem remeant, ut digeratur & fructuum nutritioni sit idoneum. Unde in plerisque plantis radices multum incrementi sumunt, nec minus fere quàm rami: ita ut succus ad extremas usque radices protrudatur, ut versus ramos idem impellitur.

Accedit illud etiam corpora quæque liquida in perpetuo motu versari, ut aëra, aquam, sanguinem, quæ si torpeant, brevi corrumpuntur. Quare in plantis succum non esse otiosum, sed perenni motu à radice ad folia usque, & à foliis ad radices deferri existimabat.

IX. His lectis quæ in eam rem conscripserant D. D. Petrault & Marriotte, placuit, ut omnes die constiuto in hortum Regium se conferrent, atque experimenta omnibus coram fierent. Quæ utique magna ex parte facta sunt. Nec tamen ea esse huiusmodi, ut circulatio succi in plantis ex iis demonstrari possit, nonnulli existimabant, & imprimis D. Du Clos qui scripto peculiari sententiam suam exposuit.

Negabat ex Analogia & similitudine quadam plantas inter & animalia argumentum satis firmum duci posse, quo succi alimentitii in plantis circuitus demonstraretur. Non enim omni ex parte est similitudo, atque ejusmodi Analogia nihil fere probant.

X. Huic utique respondit D. Petrault ejusmodi Analogias inter animantes & plantas, si solæ sint, minus esse idoneas quæ rem propositam constanciant: sed tamen negari non posse quin eæ nonnihil lucis afferant rei jam variis experimentis comprobate, quam efficiunt admodum verisimilem: quod unum in Physicis imprimis confectumur. Quocirca hæ conjecturæ è variis observationibus ductæ non mediocriter ex eo confirmantur, quod plantæ & animalia in eadem vi aut facultate vegetatrice conveniant: cum nutritio

nutritio omnis in quodam humoris circuitu posita videatur : neque enim *De Bo-*
 ea fit nisi coctione quæ ex partibus alimenti jam dissolutis & permixtis ori-
 tur. Dissolutio porro & mixtio continuum motum postulant, quo partes
 comminuuntur & filtrantur per meatus aptè dispositos. Hæc filtratio aut
 percolatio repetitis vicibus perfici debet.

XI. Jam ut ad experimenta facta veniamus, ex iis quædam concludi
 possunt quæ Analogiam illam confirmant. 1. Succum illum exire uberior-
 em è parte superiori plantæ ob structuram ipsius corticis, ubi distincti
 sunt tubuli, ut in Chelidonio, & diversi saporis pro diversa natura succi.
 Quin & incrementa quæ plantæ sumunt, cum partes eorum summæ aut
 folia aquæ immergantur, circuitum succi alimentitii pene persuadent. Nam
 illa immersio non solum nutritii succi dissipationem inhibet, aut virorem
 plantæ & vigorem tuerur, sed etiam incrementum præbet iis partibus quas
 aqua non tangit, & ad quas pervenire nequit, nisi prius per radicem trans-
 ierit.

XII. His in utramque partem agitatis quæstio ipsa nondum ad exitum
 perducta & profligata majori parti assidentium visa est : adeo ut nondum
 liqueret utra sententia esset veri propior. Novis tamen rationibus & expe-
 rimentis succi in plantis circuitum D. D. Petraule & Mariotte munierunt
 in tentaminibus quæ multis post annis in lucem ediderunt.

Primum enim ejusdem plantæ aliquot radices aquæ sunt immersæ, cum
 reliquæ extra aquam exstarent : hæ tamen ut priores in aquam de-
 mergæ crescere visæ sunt, & novas fibras emittere. Quod fieri vix potuit,
 quin aqua è radicibus madidis in caulem per nodum intermedium subla-
 ta, è trunco in radices extra aquam positas perductus & tubulos idoneos
 defluerit. Eadem est ratio plantæ à terra cum radicibus suis avulsæ, &
 in duos ramos divisæ. Nam si unius rami extremum aquæ immersum fue-
 rit, planta diu integra & viridis permanet, & interdum folia in ramo
 altero germinant, cum alia ejusdem generis planta & eodem tempore avul-
 sa statim marcescat.

2. Hoc ipsum demonstrat vegetatio arborum, & fruticum, qui ex ra-
 mis in terram demissis nascuntur. Cum enim ramus salicis aut vitis inflexus
 in terram demittitur, & radices agit, palam est succum à trunco ad
 radices delabi, & à radicibus in truncum remeare : idque est apertius in
 dumis & plantis quæ ex ramorum apicibus radices emittunt.

3. Pleræque arbores foliis nudatæ emoriuntur, ut in moris albis quando-
 que accidit, cum nutriendis Bombycibus foliis suis magna ex parte frau-
 dantur; quod succus in foliis fere ut in radicibus percoletur. Unde si vitis
 palmities suis foliis æstate nudaveris, uvæ non maturescunt, quod succus
 à foliis redux fructui nutriendo serviat.

4. Hoc ipsum plerique arborum morbi demonstrant. Nam rami præ vis-
 co tabescunt, & arbor ipsa musco obducta languescit, quod succus à fo-
 liis & extremis partibus refluus inficiatur. Nam abrafo musco arbor velut
 scabie sanata, quæ succum per corticis fibras refluxum inquinabat, fit ve-
 getior. Sic detracto visco ramus cui hærebat melius se habet. Cum recen-
 tes ramos arborum dente recidunt pecudes, tum arbor emoritur aut lan-

ANN. guescit, -nisi exesus furculus abscindatur, quod succus in parte exesa in-
1669. sectus instar gangrænæ circulatione reliquum succum inquinet.

In his paulò longiores fuimus, quod res ipsa sit speculatione digna, atque ut ex circulatione sanguinis innumera pene circa animalium ortum, & incrementum, imo & morborum causas ante reconditas Medici recentiores invenerunt, sic quæ ad vegetationem & nutritionem plantarum imo & ad earum morbos spectant ex illo succi nutritii circuitu fortassis deprehenduntur.

Exinde plantarum descriptiones magno studio fieri cœptæ sunt, quæ à D. Marchant allatæ, in Academia diligenter sunt examinatæ, & cum plantis ipsis collatæ.

CAPUT IV.

De Historia animalium.

I. **P** Ræcipuum Physicis Academicis hunc laborem propositum fuisse diximus, ut plantarum & animalium Historiam illustrarent, quæque à veteribus & recentioribus sunt mandata litteris accurato examini subji- cerent.

Die 25. Aprilis anni 1669. Erinaceus vulgo *un Herisson*, dissectus fuit, cujus vesica longè major erat, quàm pro corporis magnitudine. 2. Venæ lacteæ numerosæ apparebant; chyli receptaculum amplum & multo chylo turgens. 3. Intestina erant uniusmodi, nec cæcum, nec appendix in iis visa fuerunt; oculi pisi magnitudine palpebris interioribus instructi, nullo pene humore aqueo aut vitreo, sed cristallino tantummodo donati, coque admodum convexo. Hæc femina erat octo papillis mammarum donata & prægnans.

II. Paucis post diebus mas itidem dissectus fuit, corpus aculeis fere instar castanæ munium erat: illud in globum contrahebat, ne apprehenderetur, adductis posterioribus pedibus cum anterioribus ad rostrum, idque tanta vi, ut pedes divelli vix possent, cumque in aquam demergi oportuerit quæ contractos musculos laxavit. Musculus huic contractioni aptus apertò ventre repertus est. Hic ab ossè sacro originem capit prope spinam, usque ad rostrum porrigitur, fibris longis & conspicuis præditus est.

Nervorum opticorum, qui admodum crassi erant, conjunctio singularis visa est per intersectam lineam. Aliæ nervorum conjugationes sunt exploratæ. Duplex erat clavicula ut in homine. Verùm utriusque descriptio cum figuris anno 1676. excusa fuit.

Longum esset & supervacaneum cuncta quæ hoc & insèquenti anno dissecta sunt animalia sigillatim recensere, cum eorum descriptio Typis Regiis mandata fuerit, non omnium quidem, sed eorum in quibus insigne aliquid & cognitione dignum fuit observatum. Verum hoc ipsum opus non mediocriter auctum & illustratum aliquando publici juris fiet.

III. Descriptio Acipenseris vulgo *Eturgeon*, in Cadomeni Academia facta,

Epistola quam vir Illustrissim. & omni doctrina præstans D. Huet nunc *De*
 Abrincensis Episcopus miserat die 29. Julii, lecta fuit & in commentarios *Hist.*
 relata. Hic piscis sex pedes longus erat, isque cartilagineus; caput itidem *Anim.*
 cartilagineum, uti & spina squamis præduris munita dorsum, quoque &
 latera; pellis itidem dura, os sine dentibus intus politum; cor angustum &
 molle, pericardium membranosum, cum in maiore parte piscium sit carti-
 lagineum. Ventriculus itidem angustior, pars ejus infima musculosa con-
 chyliis, erinaceis marinis, gammari referta. Hujus dextro lateri adhærescere
 visum est corpus quoddam glandulosum, quod litteram V, exprimebat, &
 digitis longum & quatuor latum in parte superiori; uno digito crassum,
 rugis asperum, & subrubri coloris: circa hoc corpus intestina unum effi-
 ciebant circuitum, tum in abdominis partem infimam descendebant, &
 in orbem acta in anum desinebant.

Sub pyloro foramen erat uno digito latum, per quod ad corpus glan-
 dulosum patebat aditus; quod utique non licet, ut visum est Belonio, sed
 chyli fortè est receptaculum. Hoc enim plenum chylo repertum est:
 ejus cavitas variis erat capsulis exasperata. Hoc corpus per complures vaso-
 rum ramos cum ventriculo communicabat, eique erat contiguum.

Idem planè usus hujus corporis videtur esse qui mesenterii cujusdam in
 Orbe pisce infra pylorum positi, & duodeno adhærescentis, quod chylo
 itidem oppletur. Supra pylorum in stomacho foramen inest quod in amplam
 cavitatem ducit sesquipede longam, & in medio sex digitis latam; quæque
 paulatim versus extrema fit arctior. Vacua erat illa cavitas, & ab omni
 extraneo corpore pura, nec quicquam aliud visa est quam aëris quoddam
 receptaculum, ut in multis piscibus reperitur.

Lectæ hac Epistola id conclusum fuit ut D. Galloys Domino Huët res-
 criberet, eique & Cadomensis Academiæ, Parisiensis nomine gratias ageret,
 simul & rogaret ut piscium anatomiam suam navaret operam, quod mare
 finitimum diversa piscium genera iis suppeditet: cum interea Academia
 regia variis animantium generibus dissecandis incumberet.

IV. Castoris paulo ante dissecti descriptio lecta fuit quæ brevi post
 tempore typis mandata publici juris facta.

V. Octavo post die D. Frenicle quæ à se circa quædam insecta fue-
 runt observata, exposuit. Res ipsa cognitione digna visa est: nam ars di-
 vina non minus in minutissimis animalculis elucescit quam in magnis ani-
 mantibus; incredibilis in iis est partium varietas & pulchritudo.

VI. Primum Erucam ille consideravit variis distinctam radiis à ca-
 pite ad extremam usque corporis partem porrectis, utrimque æquali ordi-
 ne dispositis. In medio unus est candidus, alii hinc inde magna colorum
 varietate & splendore micant. Hoc genus erucarum in prunis frequentius
 occurrit. Sexdecim pedibus, octo ex utroque latere, ut pars erucarum
 maxima donatur, sex capiti propiores; duo in extremo, octo intermedii,
 inter quos complures sunt rugæ, quarum numerus in plerisque pedum
 numero respondet, nonnullæ tamen in unam utrimque rugam propè poste-
 riores pedes crispantur, eæque dorsum altius inter incedendum attollunt.

Hæc die ultimo Junii in chrysalidem tenui pelle obductam, tum in

AN8. papilionem abiit. Huic duo oculi micantes, facies hominis vultum utcun-
 1608. que referens, nasus infra oculos, & naso os subiectum inest, cum qua-
 & 69. dam specie oblongioris barbæ quæ in mucronem desinit. Alæ breves, uti
 & cornua, corpus iners & penè immobile.

2. Aliam huic similem sed crassiorē in attriplicis v. l' *Arroche* foliis
 est contemplarus; fila itidem ut in priori disposita, sed colores minus
 splendidi.

3. In urticæ foliis erucas nigriores punctis albis distinctas invenit. Ubi
 mutationem moluntur, urticæ folio se involuunt tenuissima tela spatium
 vacuum in convoluto folio obducunt, in chrysalides circulis flavis distinc-
 tas facessunt, & in muscas tandem oblongas mutantur, quatuor alis pellu-
 cidis instructas: hæ factæ foramine per caput chrysalidis erumpunt.

4. In urticæ quoque foliis aliud occurrit erucæ genus, folia circum-
 jecta hæ colligit, in iis se condit & tamdiu manet, quamdū in iis ali-
 mentum inest; fila emittit quibus folia in unum colligat; ubi dehiscunt
 folia, statim per fila rimas opplet. Post nigras de quibus mox dictum est,
 hoc erucæ genus nascitur, si eruca habenda est, non vermis: nam pilis
 destituitur. Die 26. Junii sese intra folia solito accuratius condidit; adeo ut
 nullam relinqueret rimam, figuram novam induit, nullis exuviis relictis,
 capite tantum & rostro supersiste; adeo ut corpus erucæ non mediocriter
 contractum fuerit, cum chrysalis facta est, ex ea 4. ova perparva, ex qui-
 bus muscæ communes prodierunt.

5. Sic in beta die 8. Septembris crucam conspexit crassam, sesquipollice
 longam & penè inertem, nisi cum rangebatur: tum enim quam citissimè
 se retrahēbat, alias consimiles in beta & lactucis prætereo. Sic in spina
 racemosa agrestis eruca aculeis aspera inventa est flavo colore tincta, sed ru-
 beum & vividum induit colorem, cum fuit transmutata, quod bis terve
 factum est, ut sit in crucis quæ rosarum foliis innascuntur. Harum varia
 sunt genera, quæ longum esset minutius describere. Quædam ex iis antennis
 donantur, quæ limacum cornua referunt.

6. In rosis quoque vermes visi punctis nigris conspersi, virides, oblongi
 22. pedibus instructi, adeo ut toto corpore utrimque pedes & rugæ citra
 intervalla sic disponantur, ut sex anteriores sint longiores & acutiores.
 His inter incedendum utuntur, cumque edunt aut gradum sistant, pars
 eorum posterior sursum erigitur in seipsam retorta; rotundi sunt ut lum-
 brici; continenter ferè edere videntur, anterioribus pedibus folia teneriora
 complexi exedunt.

7. Alias quoque species Insectorum quæ inter erucas & vermes ambi-
 gunt, & rosis vescuntur, descripsit. Inter eas conspicuus est vermis itidem
 viridis, qui cum quiescit, in formam helcis convolvitur, capite foris pro-
 minulo, præter sex pedes anteriores, 7. sunt utrimque in medio; 14. vi-
 delicet, sed parvi admodum, qui tamen progressui inserviunt, duo in
 cauda. Ubi adoleverunt, pilis albis teguntur, qui aculeos urticæ referunt,
 sed breviores tamen, & æquabili serie dispositi.

8. Cum unus ex iis vermibus capsulæ abietinæ qua erat conclusus,
 operculo adhæsisset, hoc exedebat, & domicilium sibi parabat cum scobe

& segmentis ligni, quæ rostro evulsa una conglutinabat. Verum distrupta *De* domuncula, & aperta capsula, aliquandiu in ea elaboravit, ac tandem *Hist.* alterius crux quæ in malo coroneo reperta fuerat, aureliam perforavit, *Anim.* ibique se condidit. Alii diu vixerunt è lateribus capsulæ peniles. Nonnulli quoque vermes coloris purpurei, qui nihil aut perparum edebant, in eodem fruticum genere visi sunt. Ex iis quidam pulchro & viridi colore splendidi admodum erant voraces & segnes. Sed de Insectis redibit sermo, nunc ad ea quæ rariora sunt & majoris expectationis veniendum.

IX. Cum Academia die 20. Septemb. anni 1668. iussu Ludovici Magni convenisset, ut Chameleontem vivum qui Regiæ majestati à Patre quodam Capucino oblatus fuerat, & ex Ægypto allatus, expenderet, multa in eo sunt observata quæ paulo post typis mandata sunt. Is vero die 12. Octobris mortuus est. Die 13. omnibus coram partes singulatim sunt examinatae, illius accurata & ampla descriptio à D. Perrault exarata die 20. Novembris lecta est, & publici juris facta, cujus summarium infra reddemus.

Ciconia quoque isdem ferè temporibus dissecta fuit. Structura Rostri præter alias corporis partes in se omnium oculis convertit.

X. Cameli quoque aut Dromedarii ante dissecti descriptio lecta est die 17. Decembris, uti & Capræ Lybiæ v. *Gazelle*, & Felis odoratæ v. *Civetæ* quam D. Perrault suspicabatur Hyenam esse veterum.

Anno 1669. die 15. Februarii apertum est corpus mulieris pridie suspendio strangulatæ. Multa sunt observata quæ nunc temporis cum satis nota sint, prætermittimus.

XI. Mense Martio dissecta est vulpes junior in qua motus peristalticus intestinorum, isque reciprocus fuit observatus. Nam à superioribus partibus versus inferiores, & vicissim motum suum vermiculatam continuabant. Cæcum instar cochleæ convolutum plures membranæ devinciabant, quibus distruptis figuræ conicæ apparuit: jecur in 7 lobos divisum erat.

CAPUT IV.

De Structura oculorum.

I. **A**Nno superiori D. Mariotte opinionem suam de visionis organo exposuerat omnino persuasus non in retina, ut vulgo creditur, sed in choroïde membrana, quæ intima est & interioris nervi optici propago, rerum objectarum imagines depingi, aut certè id proximum esse visionis organum. Adversus hanc sententiam multa opposuit D. Pecquet ut eam quæ nunc communis est opinio, propugnaret; quæ ab eo allatæ sunt rationes in Diarium Eruditorum sunt collatæ.

II. Exeunte Augusto anni 1669. D. Mariotte objectiones D. Pecquet diluere est aggressus quas summatim attingemus: nam publicis scriptis utrimque editis hæc quæstio fuit agitata. Primum illud in defensionem communis & receptæ opinionis allatum fuerat retinam non pellucere, neque

ANN. adeo radios luminis per eam ad choroïdem deduci posse ; nam oculi bovīs
1669. recentis scleroticâ sublata lumen non penetrat retinam. Ergo hæc tunica videtur potius visionis organum, non choroïdes.

Id consequens esse negabat D. Mariotte cum magnum sit discrimen inter animalis mortui retinam aëri expositam & eam quæ in vivo animante inter vitreum humorem & choroïdem accuratè concluditur. Retum qualitates paulo momento immutari aiebat, corneam tunicam quæ pellucet, in aëre calido brevi tempore opacam fieri. Quin etiam in oculo bovīs adhuc calente & in duas partes secto, adeo ut retina vitreum humorem adhuc involuat, tum varii colores choroïdis, basis itidem nervi optici, vasa ex eo in retinam sparsa, sic in conspectum veniunt, ut retiformis tunica vix discerni queat.

Nec propterea tamen omnem albedinem retinæ detractam volebat, præsertim in ea parte qua tangit choroïdem ; idque à natura provisum aiebat, ut nimium vegetioris luminis splendorem temperet, quemadmodum cutis epidermide obducitur, ne lædatur à corporibus quæ tangit.

III. Quin & ratio à D. Pecquet proposita perparvi esse momenti eidem videbatur, cum subtiliores partes in retina mortui animalis distatæ, opacitatem quandam inducant, ferè ut charta madens pellucet, exsiccata fit opacior. Sic in multis animantibus in medio crystallini humoris nucleus quidam est pellucidus qui intra paucos dies albus fit & opacus, etiam intra oculum conclusus, cum tamen exterior crystallinus adhuc pelluceat.

IV. At enim retina aquæ immersa albedinem suam & opacitatem naturam prodit : Ita est, sed vitrei humoris parte in vase immersa tunica hyaloïdes quæ omnino est diaphana instar telæ aranæ, alba quoque videbitur. Quin & crystallinus in aqua opacitatem quandam contrahit, & congelatus instar nivis candicat. Non mirum igitur si retina ante aëri exposita & aquæ immersa nonnihil albedinis præ se ferat.

V. Quamobrem ut liquere possit an radii luminis penè integri ad choroïdem perveniant, an potius in retina ipsa sistantur, utraque tum choroïdes, tum retina in statu suo naturali spectanda est. Experientia ipsa retinam tralucere comperiemus, si candela accensa de nocte prope oculis collocetur, idque faciamus ut canis octo aut decem passibus remotus nos aspiciat, tum enim lumen in illius oculis splendidum intuebimur è radiis reflexis à choroïde canis multum candida & splendida. Nam si à crystallino, aut retina prodiret vegetum illud lumen, idem eveniret in homine & avibus, quibus choroïdes atra est : sed non est ita. Id vero ita evenit in cane quod radii luminis per crystallinum trajecti in choroïde velut in foco colligantur, itque sic resiliant ut focus reciprocus sit in accensa candela. Unde oculus huic vicinior crystallinum canis humorem admodum illuminatum intueri debet, uti in optica demonstratur. Idque experiri facilè est si phiala vitrea & rotunda aqua pura impleatur, eaque octo aut decem passibus ab accensa facie removeatur, tum retro phialam ad semidiametri suæ distantiam chartam candidam admoveas, in qua lux quæ phialam penetravit, tanquam in foco colligitur : tum enim oculus propè faciem

accensam positus phialam omnino lucidam intuebitur. Idem experiri licebit *De vi-*
in oculis felium, in quibus lux illa carulæa & vegetior apparebit : magno *sus or-*
quidem indicio eam non aliunde quàm à choroïde, quæ hoc colore tingi- *gano.*
tur, ad oculos nostros rescilire. Nec color ille, aut alius quivis visionem
ipsam confundit : non enim sensus ullam à suis organis impressionem ex-
cipiunt.

VI. Impressio vero illa luminis in choroïde alba picturam magis vi-
sibilem, quam in nigra efficit, sed tamen fortior est in nigra : quemad-
modum charta nigro colore infecta speculi ustorii vi citius incenditur,
quam alba, cum ista radios fortius regerat. Sic homo & aves acrioris
sunt visus, quam pars major animantium, quod atra choroïde donentur,
quam lux vehementius afficit. Unde & pupillam magis contrahunt. Ex
quo efficitur ut radii luminis axi crystallini viciniore distinctum magis
picturam in fundo oculi delincent : cum in plerisque animantibus, quibus
choroïdes alba est, neque à lumine ita percellitur, pupilla magis dilate-
tur, ut lux uberior ad choroïdem appellat, neque in iis adde distincta est
visio. Verum ut huic defectui natura succurreret, crystallinum durïorem
in medio majoris aptavit, qui majorem refractionem & minus confusam
visionem facit.

VII. Sic in piscibus duplex est crystallinus : cum enim hic humor
sphæricæ sit figuræ, quod radii luminis ex aqua in eum humorem tran-
seuntes non multum infringentur, ac focus ipse longius quam par esset,
distaret, si lenticularem figuram, aut planiorem nactus esset ; hoc tamen
haberet incommodi figura sphærica quod radii refracti axem minus æqua-
biliter secarent, & confusa magis foret visio quam in animantibus quæ in
aëre degunt, nisi interiori & durïore crystallino donarentur cujus major
refractio efficit ut radii propius axem frangantur & citius coeant.

VIII. Verum his & aliis omisissis D. Mariotte insignem observationem
urgebat, quæ publicis scriptis fufius fuit enarrata : chartulam albam in ni-
gro fundo positam ad oculi altitudinem affixit, ut in eam visus acies dirige-
retur ; alteram duobus aut circiter pedibus à priori remotam ad dexteram
collocari iussit. Clauso interim sinistro oculo, & dextro ad priorem char-
tulam defixo paulatim recedenti ad 9. usque pedes, cum res posterior charta
sub obtutum non venit, quasi subducta fuisset, cum res circumjectæ hinc
inde viderentur : quod locus imaginis in basi nervi optici, ubi choroïdes
deficit, nullus esset, nulla adeo rei objectæ species : porro illa distantia chartæ
ab oculo respondet distantie centri visionis à basi nervi optici cum eadem
basi comparata, utrobique enim est ferè eadem proportio, hoc est, si
diameter circuli chartacei sit ferè pars decima distantie oculi à charta, ita
centrum visionis, quod à basi nervi optici 7 aut circiter lineis distat, de-
cies ferè continet diametrum basis nervi optici, nempè $\frac{1}{4}$ unius lineæ.

Quare duo sunt triangula sibi invicem similia, & æquiangula ; unius
apex est in oculo, basis in orbe chartaceo posteriori, alterius trianguli apex
est in centro visionis, basis in diametro nervi optici. Cum autem imago
circuli chartacei in basim nervi optici incidit, illamque integram tegit,
illius imaginis nullus est sensus, nulla impressio. Ex quo concludebat

ANN.
1669;

D. Mariotte præcipuum visus organum esse choroïdem : nam ubi abest nulla fit visio. Sed retina totum tegit oculi fundum, & nusquam deest ; non igitur inquiebat, hæc erit proprium visus organum ; neque etiam ex ea ad interiores partes cerebri ducuntur filamenta, uti ex choroïde, quæ est piæ matris productio, cujus fibræ ad protuberantias, ex quibus nervi optici originem suam ducunt, continuantur : quod de retina dici nullo modo potest.

Opponebat D. Pecquet vasorum quæ ex basi nervi optici oriuntur, truncos visioni obfuros. Verum hi minores sunt quàm ut visionem interpellent, aut id sit sensibile.

IX. Addebat D. Mariotte quædam phænomena quæ ex illa hypothesi satis aptè explicantur. Illud imprimis quod pupilla in obscuriori loco dilatur, in lumine contrahatur. Hujus naturalis, non voluntarii motus causa vix alia esse potest, quam exquisitus choroïdis sensus. Hanc enim lux nimia offendit : unde & fibras quibuscum uveæ anteriori connectitur, aut contrahit, aut laxat ; quò ejus aperturam, quæ pupilla dicitur, arctiorem vel latiore efficiat, ut lumen fortius est aut debilius. Quod explicatu difficillimum, si retina visus statuatur organum.


XI. Illud quoque ex structura oculorum in avibus, & earum maximè quæ ex præda vivunt, comprobabat : ita enim sunt facti, ut nervus opticus in ipso ingressu in orbem inflectatur. Hanc curvaturam sic tegit choroïdes ut linea alba in medio remaneat, ex qua retina suam ducit originem. Hæc choroïdem sic tegit, ut à latere lineæ candidæ, membranulâ nigrâ ejusdem longitudinis cum linea alba obducatur. Locus ille axi est proximus, adeo ut res objectæ in quas aves aciem intendunt, in eandem incurrant membranulam. Cum igitur in ea parte acior sit visio, & retina ibi desit, cumque aves illæ sint acutioris visus, palam esse aiebat non retinam, sed choroïdem esse præcipuum visus organum.

XI. Id verò quod ultimo loco de oculis avium proposuerat D. Mariotte, placuit in proximo congressu experiri. Itaque in Milui adhuc vivi oculis dissectis hæc sunt observata. 1. Pars Crystallini anterior paulo convexior quàm posterior visa est ; hujus limbus rotundior & densior quàm in homine, propius ad crystallinum piscis omnino globosum visus est accedere. 2. Nervorum opticorum eadem origo, quæ in terrenis animalibus, ab his nimirum proutuberantiis quæ nates dicuntur, quæque in suprema spinæ medullaris productæ parte positæ sunt, intra cranium pia matre erant involuti. 3. Nervus opticus paululum dilatars videbatur, antequam ad globum oculi perveniret ; plura filamenta in ea dilatatione apparebant, quæ in lineam albam in scleroticæ fundo cicatrici similem desinebant. Quæ linea ut internosci facilius posset, & illatis retina & choroïde fundum oculi intrueri liceret, oculus transversim per medium sectus est, adeo ut parte vitrei humoris secti superstitie fundum oculi conspici liceret, tum humore vitreo penitus evacuato, retina & choroïdes in eam lineam quæ in nervi optici ingressu formatur, vise sunt terminari. Sublata membranula, quum subnigram esse diximus, ex utraque parte lineæ albe filamenta specillo detecta sunt, quibus huic lineæ ambæ tunice erant illigatæ.

4. Lineæ albae is in oculo situs est observatus, ut pene ad perpendi- *De vi-*
culum incideret in lineam quæ ab aure ad nares duceretur, sed auri vi- *sus or-*
cinior quàm naribus. Eam pelliculam unum esse è præcipuis visionis or- *gano.*
ganis in avibus suspicatus est D. Pecquet, eaque rerum objectarum spe-
cies ad lineam albam deferri, ut interjectu nervi optici ad cerebrum ul-
que perveniant. Nam id æquodum est probabile visionem in avibus quæ
eminus prælam suam conspiciantur, non debilitari, ut in homine, cum
rei objectæ imago in nervum opticum incurrit, aut in retinae vasa.

XII. Hanc disceptionem acutè dirimere mihi videtur D. de la Hire in
dissertatione de visu & variis ejus casibus, anno 1694. edita. Experimen-
tum à D. Mariotte propositum ut certum & exploratum ponit; locum esse
in fundo oculi, in quem res objectæ nullam faciunt sui impressionem, cura
tamen retina ubique sit æquabiliter fusa, locum verò illum ibi esse, ubi
nervus opticus oculi globum subit, atque ibi visionem deficere.

Negat tamen hinc concludi posse choroïdem, non retinam, esse proprium
visus organum; cum hæc sit nervi optici expansio, nec sensus alibi quaten-
dus videatur, quàm in nervis. Etsi retina luminis impressionem per inter-
jectum medium excipiat, quod eam à re objectæ recipit, idque commune
est aliis sensibus. Sic in auditûs organo spiralis lamella aëris tremulos mo-
tus, aut vibrationes in nervi acoustici ramulos transmittit, idque in lin-
gua, naribus, & in aliis sensuum organis natura observat, ut docet D.
du Verney in Tractatu de auditûs organo. Nam subtilior est nervorum tex-
tura, quàm ut rerum exteriorum expressioni nudi exponantur, ac subin-
de necesse est, ut membraræ, quibus reguntur nervorum fibrillæ, eas im-
pressiones à corporibus exceptas in nervos transmittant cum iis conditio-
nibus quæ sensationi conveniunt. Sic choroïdes quæ & simior est, &
coloris obscurioris, luminis impressione facilius commovetur, quàm tu-
nica retiformis, quæ cum sit diaphana varias lucis impressiones non excipit.
Sed eas choroïdes certa quadam ratione modificatas in retinam ut in præ-
cipuum visus organum transfert, nec retina ut par est, afficitur à lumine,
nisi varias ejus impressiones à choroïde commota mutetur. Nihil adeo
mirum est si visio in ea retina parte non fiat, cui non subest ipsa cho-
rôides.



SECTIO SEXTA.

De Physicis Experimentis.

Post hæc multa circa liquorum concretionem facta sunt experimenta,
quæ Philosophiæ naturalis, imo & medendi arti nonnihil lucis afferre
possunt.

CAPUT PRIMUM.

De quorundam liquorum coagulatione.

I. **A**Tque hæc de præcipuo visionis organo inter viros eruditos sunt disputata, quæ curiosa magis quam utilia videri possunt, & iis maximè qui in rerum naturalium cognitione solam utilitatem quærunt. Alia iisdem fere temporibus latius fusa, & ad vitæ humanæ usum inagis accommodata, de caulis coagulationis & firmitatis fuit agitata quæstio, quæ, ut par erat, dijudicari non potuit nisi ex variis experimentis.

Hæc magna ex parte facta sunt in lacte, in ovi albumine, in sanguine, & in aliis liquoribus quæ fusè sunt in Commentatiis descripta: nobis satis fuerit ea strictim delibare.

II. Primum quidem exeunte Aprili mense anni 1669. cum lacte bubulo varii liquores sunt commisti, coagulum vitulinum, succus carapuciæ minoris, spiritus mellis acidus, spiritus nitri & quædam adstringentia, quæ omnia longè citiùs lac coagularunt, quam ubi solum fuit aëri expositum. Sal fixus & sulphureus tartari aut nitri, spiritus salis ammoniaci, mel, saccharum, & plantæ pene omnes aromaticæ concretionem inhibuerunt aut retardaverunt: eam verò nec promovere, nec moram huic attulerunt sal communis, sal gemmæ, hyssopus, &c.

III. De his D. Du Clos ita Philosophari visus est ex principiis vulgo receptis & ex quatuor elementorum primis qualitatibus. In lactis coagulatione duplex partium genus secretum fuit; aliæ enim erant densiores, aliæ serosæ; illæ vel erant sulphureæ, quæ in butyrum, vel terrenæ magis, quæ in caseum abierunt. Calore solo, aut motu ipso hæc fit partium secretio: adeo ut partes solidiusculæ ante dispersæ in unum coeant, dum aliæ aliis adhærescunt, ac quinta fere pars lactis tum calore ignis, tum additione succorum coagulantium visa est concrelescere. Illa concretio in aëre sicco & calido, ut in æstate citiùs fit quam in aëre humido & veris tempore. Unde adstringentia & acida eam concretionem promovent, non item quæ humida sunt, aut resolvunt.

IV. Paucis post diebus ovorum albumina agitata & despumata cum variis quoque liquoribus sunt conjuncta. Spiritus acidi è tale communi, aut nitro exstillati firmam concretionem effecere, non item oleum vitrioli quo fibrosa coagulatio facta est; firmior è spiritu sulphuris, nulla è spiritu mellis acido aut ex aceto secura est concretio.

Spiritus salis ammoniaci, oleum itidem tartari nullam condensationem procrearunt: spiritus vini purus satis firmam, sed in grumos divisam exhibuit: succus è cataputia minore expressus, sal ammoniacus in pulverem contritus, sal persicariæ, sal tartari, sal communis nihil de fluiditate albuminum detraxerunt: sed gallarum extractum promptam coagulationem & firmam dedit, uti & alumen: vitrioli cuprei quoddam ferrum rubro colore inficit, dissolutio mediocrem coagulationem, vitrioli Martis, ut vo-

cant, solutio nullam effecit concretionem, uti nec dissolutio vitrioli albi. *Physi-*

V. Post hæc in sanguine quoque animalium quædam facta sunt in ean-
dem rem experimenta. E jugulari vena agni sanguis missus & diversis vas-
culis impositus. Qui nulli liquori admixtus fuit, intra semi-horæ spatium
omnino est coagulatus; cui affusus est spiritus salis communis, hic sta-
tim totus induruit & nigrescens omnem ruborem exiit. Idem contigit san-
guini cui oleum vitrioli affusum fuit. Azetum quoque distillatum nigro co-
lore sanguinem infecit, sed minùs solida erat concretio. Spiritus salis am-
moniaci omnem coagulationem inhibuit, uti & oleum tartari; sed ille
colorem rubrum pleniorẽ dedit, hoc vividiorẽ & igneam magis; spi-
ritus vini sanguini concretionem satis firmam & grumosam impertiit, uti
& ovi albumini: multum tamen feri secretum est: rubor erat ochræ adu-
stæ non absimilis. Spiritus mellis sanguinem atro colore infecit, cum mol-
li & inæquali consistentia; nucis gallæ extractum concretionem itidem
grumosam dedit. Spiritus æruginis fortem & æquabilem concretionem,
sed colorem atrum induxit. Spiritus nitri, & spiritus salis communis mol-
lem & in grumos dissectam effecerunt coagulationem omni rubore detra-
cto. Salis communis in aqua communi dissolutio colorem paululum immu-
tavit, nulla coagulatione insecuta; nulla quoque è succo cataputiæ aut ace-
tosæ prodit concretio, sed ex admixtione sacchari, cepæ, nasturtii, ut
in puro sanguine, sic facta est coagulatio. Ex arteria carotide sanguis edu-
ctus firmiorem nactus est consistentiam, ubique ruber, atque ex liquo-
rum admixtione eadem sunt consecutæ concretiones, quæ in venoso san-
guine.

VI. Interjectis aliquot diebus sanguis venosus cum arterioso collatus fuit,
hic in imo vasis nullam contraxerat nigredinem; succus napelli utrumque
nigro colore imbuerat: sed cum eo discrimine, ut quarta pars venosi san-
guinis induresceret, non item in arterioso sanguine; cicutæ succus venoso san-
guini majorem & firmiorem concretionem impertiit, quàm arterioso, cu-
jus color pene idem permansit, sed venosus parte suprema lividus appa-
rebat. Solani mortiferi succus eundem colorem dedit venoso sanguini qui
ut purus ita coaluit, arteriosus liquidior visus est; pars densata pristinum
colorem non amisit, sed serosa erat instar aquæ subviridis & putrescentis. San-
guis venosus cum succo è foliis sambuci expresso ut purus ita coaluit, non
item arteriosus qui non fuit coagulatus, illius color lividior, hujus nigrior:
sic ellebori nigri succus sanguinem venosum minùs coëgit, quique in fun-
do vasis subsidebat, minùs ater visus est: arteriosus liquidus mansit, &
colorem præbuit nigriorem quam venosus.

VII. Majoris absynthii succus nihil fere de sanguinis consistentia mu-
tavit, uti nec salviæ, lavendulæ & angelicæ succi venoso sanguini ullam pe-
ne mutationem attulerunt. Angelicæ succus dimidiam arteriosi partem coë-
git, reliquum instar feri sanguinolenti visum, idque post sesqui-horæ spa-
tium coaluit. Sic Imperatoricæ succus sanguinem venosum pellicula obdu-
xit; interposito sesqui horæ spatio sanguis omnino est congelatus, non item
arteriosus qui liquidus permansit.

VIII. Ne longior sim, succi minoris absynthii, melissæ, bistortæ, alchi-

ANN. millæ, attemisæ, scorfonariæ, alliariæ, cychoræi sylvestris, menthæ
1669. scrophulariæ, apii, raphani rustici, tanacetii nullam aut minorem in puro
sanguine coagulationem efficere.

Sic thæi extractum citra ullam concretionem atro colore venosum sanguinem infecit; arteriosus sanguis in medio coluit cum vivido colore; reliquum serum fuit, idque nigrum colorem induit. Sal persicariæ mitis nullam effecit coagulationem; nec sal è siliquis fabarum educus; sanguis arteriosus ex urinae admistione liquidior factus est & subflavi coloris.

CAPUT II.

Ejusdem Argumenti continuatio.

I. **C**onsimili ratione fel bubulum pluribus uasis exceptum est, ac variis liquoribus admixtis, quid singuli vel in consistentia, vel in colore mutationis attulerint, exploratum. Illud universum observatum fuit. I. Spiritus è salibus sulphureis exstillatos aut nullam, aut parvam concretionem præbuisse. Hujus generis fuerunt spiritus salis ammoniaci, qui nullam, spiritus vini, ut loquuntur, tartarifati, qui perparvam, purus vini spiritus, qui paulo majorem in quibusdam fellis partibus, liquor tartari, qui nullam fecit coagulationem.

II. Contra spiritus acidi, ut aceti spiritus, qui multam & fibrosam concretionem, acetum ipsum ejus iidem penè faciunt effectus; spiritus æruginis, & sulphuris multam quoque, uti & oleum vitrioli, spiritus è butyro antimonii, spiritus itidem mellis; extractum gallæ aqua communi præparatum firmiorem coagulationem præbuerunt; spiritus nitri perparvam, aqua fortis mediocrem dedit.

III. Succus è napello, aut è cicuta expressi nullam; solani mortiferi mistura uti & cepæ, raphani rustici, scorfonariæ perparvam effecerunt coagulationem; nulla è tanaceto, salvia, menthâ, imperatoria, angelica, lavendula, melissa, è cichoræo, apio, bistorta, artemisia, scrophularia minor facta est condensatio aut mutatio.

IV. Cum hi liquores felli admitti in crastinum diem essent asservati, variæ mutationes in coagulatione & coloribus sunt observatæ quas longum esset singillatim recensere. Id unum annotasse satis fuerit, in omnibus his mutationibus, quidquid concresebat, id omne fibrosum fuisse & levius: nam liquoris id omne innatabat, nec quicquam in eo solidum fuit: quod autem non densatum est, id serosius erat instar lactei feri, aut aquæ à sanguine sicretæ.

Præter duas illas portiones coagulati & serosi humoris quædam pinguedo vasis lateribus adhærescebat.

Quas spiritus nitri, aut aqua fortis concreciones dederunt, eas solæ non fibrosæ, sed in grumos & in spumam sunt divisæ. Quæ à gallæ extracto facta est coagulatio, ea omnium firmissima visa est, & omnis ferè serositatis experta, quæ separatim densata speciem gelatinæ præbuit.

Alia quoque & varia in sanguine tum venoso, tum arterioso è jugulari *Phy-*
vena & arteria carotide agni misto facta sunt experimenta, quæ summatim *sica.*
attingere satis fuerit. Huic admista sunt diversa salium genera, nitrum, sal
communis, sal è siliquis fabarum, tartarum, atque hæc omnia nullam aut
perparvam effecerunt coagulationem colore nonnihil immutato. Salis poli-
creti admistio sanguinem arteriosum non item venosum coagulavit, sed
sanguinis color idem fuit.

V I. Quidam alii sales colorem sanguinis conservarunt, ut nitrum una
cum spiritu sulphuris, sal è tamariscis extractus vividior colore concre-
tum sanguinem donavit; sal è scapis & siliquis fabarum eductus nullam
coagulationem fecit, sed color natus in venoso sanguine vegetior quàm in
arterioso visus est. Idem ferè in erucæ sale evenit qui sanguinem pulchro &
rutilo colore imbuunt, uti & sal artemisæ: sed sal buxi rubrum colorem
sanguini dedit simul & fœtorem; sal absynthii majoris nihil ferè de san-
guinis colore & consistentia mutavit. Salvia sal citra concretionem ruti-
lum sanguinis colorem promovit; paululum densior ex sale pulegii factus
est; sed ex sale rotifmarini venosus sanguis multum colore rubro ad ni-
grum vergente coaluit. Sic sal rhyini venosum sanguinem minus, arterio-
sum magis coagulavit. Eidem est ratio meliloti: pars maxima salium qui
è plantis ut è bursa pastoris, scrophularia minore, hyperico, fraxino, per-
ficaria niti, alchimilla, chamædii, apio, melissa, lactuca, cychoræo,
heliotropio, junipero sunt extracti, nullam effecere coagulationem. Sed
coagulum vitulinum aqua dilutum magnam effecit concretionem in sanguine
venoso & arterioso, nec quicquam feri reliquum fuit.

V II. Illud etiam visum est experiri an forte in aqua quæ in equi peri-
cardio reperiit vasibus aliquot excepta est, eadem coagulationes quæ in
lacte, aut in sanguine ex admistione salium aut liquorum fierent. Illud in
universum compertum fuit spiritus sulphureos, aut sales Alkali, cujusmodi
est sal tartari, nullam, acidos spiritus, ut æuginis, vitrioli, nitri magnam
concretionem effecisse, spiritus mellis nullam exhibuit.

V III. Eadem penè experimenta in sero sanguinis humani facta sunt.
liqueores acidi è vitriolo, nitro, sale communi extillati firmam dedere
concretionem, nulla ex oleo tartari, aut spiritu salis ammoniaci orta est;
spiritus tamen vini affuso, serum in grumos candidos coaluit, sic spiritus
mellis accessione nonnihil turbari serum & nigrescere visum est.

I X. Jam ut salium & liquorum qui in coagulatione promovenda sunt
adhibiti, dotes & differentia perspicua haberentur, omnes cum sublimato
mercurio & vitriolo Martis separatim sunt permixti. Quid singuli præsti-
terint nihil necesse est hoc loco commemorare. Illud unum admonere satis
fuerit hoc examen magno postea usui fuisse in corporum analysi exploran-
da. Primum quidem compertum est spiritum vini, acetum distillatum, sa-
lem è tamariscis extractum, salem hyperici, erucæ, junipeti nullam præ-
cipitationem creasse, nec vitrioli solutionem perturbasse, tametsi sales præ-
dicti hyperici, erucæ, &c. lactum colorem solutioni sublimati concilia-
runt, quod liqueores penè omnes sale volatili impiægnati præstare solent,
hujus generis est spiritus salis ammoniaci.

ANN. 2. Liquor tartari ut sales plurimi è plantis extracti & lixiviales sublimati solutionem multum præcipitarunt, & rubro aut flavo colore, ut vitrioli solutionem cæruleo & obscuro colore infecerunt cum magna præcipitatione. In hunc censum referri possunt sales lactucarum, melissæ, melilori, burse pastoris, cychoræi, scrophulariæ minoris, salviæ.

Sales mixti ex aceti & acido nullam efficiunt præcipitationem ut sal communis & alii quidam.

X. Postremo iidem sales cum syrupo violarum & tincturâ ligni Brasiliensis commisti varios colores præbuerunt. Acidi liquores, ut oleum vitrioli, syrupum violaceum rubro colore imbuerunt. Sales alkali & viridem colorem & interdum smaragdinum eidem conciliarunt. Sic sal heliotropii majoris cum colore viridi imbuunt, sed tincturam è ligno Brasiliensi nonnihil obscuravit. Oleum vitrioli eandem tincturam flavo colore inbuunt, cui sal heliotropii cum adjectus fuisset, magna orta est ebullitio. ac tinctura pristinum colorem purpureum recepit, omnemque aciditatem exuit. Nullam huic tincturæ aut syrupo ex violis, coloris mutationem sal tamariscorum attulit, syrupum duntaxat clariorem effecit; sal lactucarum viridi colore syrupum & infusionem ligni Brasiliensis rubro colore, sed pleniore tinxit. Uno verbo sales fixi & lixiviales cæruleum syrupi colorem in viridem; sales aut liquores acidi in rubrum commutant: ligni nephritici infusionem flavo & diluto magis colore donant quam sales alkali & fixi qui obscuriorem efficiunt; sales mixti nullam pene afferunt in coloribus mutationem.

C A P U T III.

De causis coagulationis.

I. **E**X iis experimentis coagulationis causæ quæsitæ sunt, quas D. Du Clos Chymicorum principiis insistens explicare ingressus est. Ac primum quidem illud admonuit in naturæ investigatione nihil fere majoris esse momenti aut latius patere quam ipsius concretionis causam. Nam quæque corpora non aliud quiddam sunt quam liquores concreti; nihil in mixtis aut perfectis aut imperfectis gignitur nisi ex aqua, adeo ut corpora solida nihil fere sint præter aquam concretam.

Concretio autem omnis vel est congelatio quam frigus efficit circa substantiæ alterationem, vel coagulatio proprie dicta. Congelatio firmitatem præbet & soliditatem, sic tamen ut congelata interdum minus sint densa, & majus spatium occupent, ut in glacie videre est: crystalli mineralium, ut nitri, salis communis vitriolati, ex quo nimirum distillantur est oleum vitrioli, aquæ innatant: contra in metallis, cera, adipe & oleosis, ubi congelatio in arctius spatium arctat corpora.

Multa quoque de congelatione tum simpliciter, quam frigus externum, tum mixtâ, quam partim frigus externum, partim interior siccitas procreat, describit. Hanc in mixtis fieri quæ humore aut calore liquecunt, humore

quidem exsolvantur ut sales in aqua, crystalli metallorum in aquis stygiis. *Phy-*
Metalla ex sale & sulphure composita in aquis fortibus dissolvuntur, & *sica.*
 ignis vi funduntur. Liquores acidis spiritibus imprægnati congelationem
 citius creant. Contra qui igneis spiritibus & sulphureis abundant, conge-
 lationem omnem inibent, sic aqua vini ardens, olea ipsa nisi multum
 terræ vel aquæ habeant admistum vix congelantur; sales sulphurei aut
 fixi, aut volatiles cum ab omni terrena fece soluti sunt, nunquam fere
 congelantur.

III. Atque hæc de congelationum causis, hinc ad coagulationes tran-
 sit: in iis substantiæ quandam vel in compositione, vel in natura muta-
 tionem agnoscit. In illa partes solidiusculæ à liquidis secretæ una coeunt,
 ut in lactis coagulatione. In eo genere præcipitationes corporum reponi
 possunt: spiritus salini aliorum spirituum, sed diversæ naturæ accessione in-
 terdum condensantur, ut fit in coagulatione spiritus vini cum nitri spiritu
 aut urinæ permisti: sic oleum vitrioli cum sale tartari conjunctum, aut
 spiritus nitri cum sale fixo ejusdem nitri, aut cum eo qui è plantarum
 cineribus eductus est, admistione, uno verbo liquores pene omnes salini
 unâ cum iis corporibus quæ sale sulphureo aut alkali abundant, omnino
 concresecunt. Sic spiritus aceti distillatus cum plumbi calce, coralliis, gem-
 mis, oleum vitrioli cum ferri limatura: idque videre est in omnibus pene
 acidis liquoribus qui una cum zinco extillantur. Quod fit aut phlegmatis
 superflui separatione, aut siccitate ipsa quæ in terrenis sulphuribus abundat:
 nam humiditas nimia hanc concretionem inibet.

IV. Aliud deinde coagulationis genus distinguit, in qua rei ipsius
 substantia transmutatur. Hujus coagulationis vi succi minerales, plantarum
 itidem succi, chylus in animantibus firmitatem & soliditatem consequun-
 tur. Hinc succi lapidifici in cryptis & nonnullis fontibus. Sic Marchasitæ
 seu glebæ metallicæ contusæ vapores aëris circumfusi condensant & sale vi-
 triolico imprægnantur, uti suo loco diximus. Plantas ex aqua pluviali nu-
 triri & augescere, celebre illud Helmontii experimentum fere demonstrat,
 idque fit per coagulationem transmutatricem. Quod in quibusdam piscibus
 qui ex aqua sola vivunt ut eidem placet auctori. Ex viperis quæ vasis con-
 clusæ per aliquot menses ex aëre nutriuntur, confirmari potest.

V. Quod superius de aquæ communis in lapidem transmutatione alla-
 tum est experimentum, nonnihil lucis huic explicandæ coagulationi asferre
 potest. Sic aqua communis in calce viva lapidescit, vi sulphuris quod ignis
 ardore fuit exaltatum: calcem enim sale sulphureo fortam hinc colligimus,
 quod sulphurea quæque mineralia dissolvat, & terris fertilitatem afferat,
 adeo ut ignei spiritus, qui in rebus sulphureis dominantur coagulationes illas
 transmutatrices efficere videantur.

Placuit interim ea pertractare, quæ ex Physica & Mathesi mixta, utrius-
 que scientiæ principis inniuntur. Hujus generis sunt statica, quæ circa
 corporum gravitatem versantur. Illud imprimis longe omnium difficillimum
 fuit agitatum, quæ sit causa descensus gravium.

ANN.
1669.

CAPUT IV.

De rerum gravium descensu & causis illius motus.

I. **S**ub initium mensis Augusti anni 1669. quaestio, si quæ sit alia in Phisicis implicata, de causâ gravitatis agitari cœpta est: suas quisque conjecturas proposuit, quas longum esset singillatim recensere, earque in libris ante id temporis & postea editis passim occurrunt. D. de Roberval proprium & specificum sensum quo rem objectam discernere valeamus, nobis deesse existimabat; adeo ut non magis ea de re nobis liceat quid certi decernere, quàm cæcis ab ortu de lumine aut coloribus. Is tamen eâ sententia sua ferebatur ut vim quandam corporibus insitam esse vellet, quæ partes illas in unum coire affectent, ita ut alia sit terrestris, alia corporis lunaris gravitas, quæ partes in suum quæque corpus nituntur.

II. Non longè ab ea sententia recedebat D. Frenicle qui communi hoc principio utebatur, unicuique rei vim quandam sui conservatricem ab Auctore naturæ inditam esse. Eam porro variam existere, nec uno & eodem modo agere. Non enim plantæ vitam suam eadem ratione tuerentur atque animalia, cum utrisque non adsint omnia quæ ad sui conservationem opus sunt, sed aliud eâ ea mutuuntur, atque ubi desunt, statim emoriuntur. Unde vis illa sui conservatrix in plantis & animantibus admodum arcta est & angusta. Sed terra ipsa cum augmento aut alimonia non egeat, seipsam tueritur & conservat, cum partes inter se connexas & unâ conjunctas habet, ne disiectæ dissipentur, idque gravitatis beneficio consequitur. Quæ non tam motus est, quàm nîs ad motum; hic tamen non otiosus est, sed continenter agit, ita ut debiliora fortioribus cedant.

III. Motum verò triplicem distinguebat, projectionis, impulsionis & attractionis. Motor in mobile vim suam exerit; projectum liberum dimittit, postquam huic motum impressit. 2. Impulsus dicitur cum motor mobile tandiu comitatur, quandiu motus durat; seu id vehat, seu id trahat, aut pellat. Atque hoc unum motionis genus bene cognitum est & perspectum. Nam in projectis motus continuati causa, cum mobile à motore separatur, satis obscura est & recondita.

IV. Attractionis, si quæ sit, causâ est obscurior, cum motor agit in mobile citra contactum. Eam tamen in magnete & electricis corporibus conspicuam esse aiebat; corporum gravitatem attractione fieri, tametsi causâ illius non alia sit quàm prima omnium causâ. Attractionem verò multis experimentis comprobare nitebatur quas satis commodè per impulsionem explicari posse omnes pene recentiores Philosophi demonstrarunt, neque in his diutius nobis immorandum.

V. Quamobrem descensum gravium impulsioni cuidam, non attractioni aut inclinationi à natura inditæ, quæque in rebus inanimis vix intelligi potest, tribuendum esse censuerunt D. D. Hugen, Perrault, Buor & alii. Sed in explicanda hujus impulsus ratione non una eorum fuit sententia D.

Buor.

Buot in Cartesii opinione acquiescebat, D. Hugen videbatur ad eandem sententiam accedere, sic tamen ut quæ in Cartesiana hypothesi desiderantur, *De* *quæ* *expleret*, & longè probabiliorem hujus rei explicationem afferret, eamque *int.* experimentis illustraret. Paucis abhinc annis quid ea de re censeret, scripto publico aperuit. Nobis adeo satis fuerit quæ in Academia tum temporis paulo uberius ab eo sunt exposita, in summam contrahere; tamen ejus dissertatio integra Miscellaneis nuper editis inserta est.

VI. Quò gravitatis causam probabilem indagemus, illud nobis intueendum qua ratione fieri possit ut corpora ex consimili materia composita, in quibus nullam qualitatem, vel nescio quam ad mutuam accessum propensionem, sed magnitudinis tantummodo, figuræ, motus diversitatem spectamus, versus idem centrum tendant, & circumposita huic adhærescant, atque ægrè hinc dimoveantur. Qui quidem effectus non ex partium exiguitate, aut figura corpusculorum, sed ex motu ipso proficiscitur. Illud itaque inquirendum, qualis sit hic motus, unde nifus ille in quoddam centrum oriatur.

VII. Duplex tantum motus genus in rerum natura conspicitur, recti & circularis. Motus recti leges in corporum collisione non sunt obscuræ, qua ratione is communicetur, satis notum est; ut hinc concludi possit nihil in eo motu, aut in variis ejus reflexionibus occurrere, quod materiæ partes ad unum quoddam centrum determinet: ita ut ad motus circularis proprietates nobis omnino sit confugiendum, & quærendum num fortè in iis motibus sit vis aliqua quæ huic rei explicandæ sufficiat?


VIII. Cartesius corporum quæ in orbem moventur nifum, quo à centro recedere moluntur, ex rotatione fundæ, & funis tensione hoc majore, quò celerior est rotatio, satis dilucidè ostendit. Hoc ipsum D. Hugen in mensa rotundæ figuræ celeri motione circumacta paulo antea ostendebat, simul & nonnulla Theoremata hinc deduxerat.

IX. Hoc igitur posito fundamento probandum est nifum illum quo à centro corpora circumacta recedere conantur, genuinam esse causam cur alia in idem centrum nitantur. Primum enim, si corpus fluidum in vase conclusum, unde exire non possit, circa suum centrum moveatur, omnes materiæ fluidæ partes à centro recedere moluntur, sed irritò conatu: nam quæ recedentibus succederent, non minùs removeri à centro motus affectarent: unde in suo quæque loco manere coguntur.

X. At si huic materiæ permixtæ sint partes quæ aliarum motu circulari non ferantur, aut tardius moveantur, has omnes ad centrum propelli necesse est: cum enim aut nullo, aut minori conatu quàm vicinæ à centro recedant, his cedunt loco & ad centrum pelluntur. Sic in figura apposita corpus E, quod aliarum partium circulari motui minùs obsequitur ad centrum D. ab aliis propelletur.

XI. Id verò luculento exemplo, in quo ipsius gravitatis expressa quædam velut imago apparet, omnino illustrari potest. Nam si aquam in vase cujus fundus sit planus, circumagas, simul & pulverem aliquanto graviores, ut buxum in aquam injicias, tum pulveris granula in aqua fluitantia, sub initium motum circula- rem consequentur, nec ad centrum ac-

ANN. cedent; sed ubi fundum attigerint, & circularis eorum motus imminuetur, tum
 1669. circa centrum ea coïbunt, atque in id per spiralem motum conrendent, quod
 motiōni aquæ adhuc ex parte obsequantur. Jam si globus L intra fila A B, & G



K, & aliud paulo sublimius F H ita sit interceptus, ut liberè tamen inter fila moveatur, tum motu vasis subitò cessante globus ad centrum D, se recipiet. Nam intra fila A B, & G K, ex utraque parte vasis tensa sic aptatur, ut motu aquæ circulari abripi non possit, ubi sistitur vasis agitatio, globulus etiam si æqualis sit cum aqua ponderis, in medium tendet: adeo ut ex solo motu hic prodeat effectus, tametsi nulla est in pondere corporum differentia.

XII. Cartesius Epistola 32. secundi Voluminis vas A B C, plumbi pulvere, aut globulis complet, tum ramenta ligni adjicit, quæ circumactò vase ad medium pulsus iri existimat. Verum idipsum ex diverso pondere plumbi & ligni orietur: cum tamen gravitas ipsa ita sit explicanda, quasi eadem sit ubique materia & uniusmodi, nec ponderis diversitas ullo modo spectetur.

Alia in epistola ligni frustula in aquam conjici jubet, quæ si aquæ inarent, ad centrum non confluent; si fundum petant, idem erit experimentum quod mox fuit propositum, idque ita eveniet quod motus eorum retardetur, neque ullam hujus rationis mentionem fecit Cartesius.

Consimili in natura effectū huic quem gravitas præstat invento, illud

inquirendum restat an forè quiddam in elementari globo non abssimile *Degra* occurat : an motus alicujus materiæ versus centum protrudat corpora *virate*. crassiora, an alia gravitatis phænomena hinc explicari possint?

XIII. Quod si enim sola sit mundi elementaris diuturna agitatio, in eadem partes conversio terrena corpora secum abripiet, ut in allato experimento aqua pulverem buxum una secum vehit : nec tamen ita sit. Deinde corpora quæ communi huic motioni oblectantur, non ad centrum, sed versus axem terræ per rectas ad axem mundi perpendiculares impelluntur. Id quoque cum experientia pugnat : non igitur ex illa hypothese diurnæ vertiginis terræ, motus gravium satis aptè deducitur.

XIV. Quare ut quiddam verisimile statui possit, ponamus spatium illud omne Sphæricum terræ circumfusus fluidâ materiâ ex minutissimis corpusculis constare, & variè in omnes partes agitata compleri. Cum hæc materia ex eo spatio exire nequeat, quod obstant circumjecta corpora, motus illius quantumvis diversi in Sphæricis superficiebus circa centrum illius spatii maxima ex parte peragentur, quod materiæ eo spatio conclusæ in orbem faciliores sint motus circulares quàm si recti essent. Hi quippe sibi mutuo adversarentur, atque ex reflexione ipsa, cum inclusæ materiæ nullus deus exitus, motus illi recti in circulares converterentur. Hoc videre est in probatione argenti per cupellam : nam globulus plumbi cui admistum est argentum, ignis calore circa suum centrum modo in unam, modo in aliam partem quam citissimè gyrat. Idem accidit in sebi guttula, cum flammæ accensæ candelæ admovetur. Etsi autem motus illi circulares in diversas partes acti sibi mutuo obstant, magna tamen substantiæ æthereæ mobilitas, & minutissima quibus constat corpuscula, in causa sunt, cur tam diversas agitationes ferat, & penes varias corporum collisiones, ad quamvis impressionem excipiendam sit parata : sed tamen circulares motus circa terram cæteris omnibus sunt potiores, & vi majore donantur.

XV. Quod si igitur crassiores quædam partes alterius materiæ, aut aliæ aliis implicatæ obstant, quominus rapidæ illius materiæ motioni obsequantur, versus centrum motus has trudi necesse est. Cujus rei eadem est ratio, quæ allati experimenti. Quocirca cujusque corporis gravitas non aliud quiddam est quàm actio fluidæ materiæ circa telluris centrum in omnes partes agitatur, quæ à centro recedere nititur, & minus sequaces in suum locum substituit. Cum enim ea corpora ob majorem molem materiæ in omnes partes agitatur varias impressiones, & sæpe sibi adversas excipiant, motus communis impressionem amittunt.

XVI. Atque ista intellectu non sunt difficilia, si infinitam prope corpusculorum, quibus materia gravitatis effectrix constat, exiguitatem acriori animo contemplemur. Nam corpora vasis metallicis inclusa nihil de sua gravitate deperdunt : quod substantia hujus gravitatis causa corpora quæque etiam solidiora penetrat, uti & magnes in ferrum vim suam exerit, etiam per vitrum interjectum. Quin & solidissimi corporis partes intimæ pondus augent : ea ratione moles major est : nam substantia illa fluida in omnes particulas corporis vim suam expromit, quod ob tenuitatem suam angu-

ANN. stissimos meatus subeat. Jam si liber huic non pateret aditus, summas
 1669. duntaxat corporum superficies premeret: unde globus vitreus intus exca-
 vatus tantum haberet ponderis, quantum globus solidus. Neque ad libe-
 rum hunc cœlestis materiæ in dura quæque corpora incursum visus est at-
 tendere Cartesius, cum scripsit occursum terræ materiam cœlestem inhibe-
 ri, quominus in rectas lineas motum suum continuet: unde ab ea quan-
 tum potest recedit. At si terra obstat huic materiæ cœlestis motui, cor-
 pora quæque solidiora non penetrabit, tumque plumbi vase conclusi mi-
 nuetur pondus, atque in profundioribus fodinis muleum de metalli pon-
 dere decedet.

XVII. Quanta sit celeritas materiæ illius fluidæ quæ descensum gravium
 efficit, ad calculum revocat vir clariss. & quam aptè phænomena cum
 hypothesi & calculo conveniant, fusiùs edisserit; cur ad centrum terræ
 nitantur gravia; cur eorum gravitas interpositu aliorum corporum non mi-
 nuantur, & cujusque corporis partes ad ponderis ipsius quantitatem con-
 spirent: adeo ut juxta partium multitudinem augeatur pondus; cur in des-
 censu motum suum accelerent ex continua materiæ fluidæ impressione, quæ
 eorum locum affectat. Quæ omnia longiorem tractationem postulant, &
 minimè necessariam: cum vir clariss. nuper sententiam suam eleganti dis-
 sertatione in lucem edita exposuerit.

XVIII. Multa adversus hanc sententiam opposuit D. de Roberval, quæ
 singillatim diluit D. Hugens; unum item & alterum proferam. Primum ex-
 plicatu difficile videtur, quid in causâ sit cur materia fluida certo spatio
 conclusa, quæque à centro motûs continenter recederet, à circumjectis cor-
 poribus tandem sistatur. Quæ sunt illa corpora quæ motum materiæ im-
 pediunt, aut ultra pergere eam prohibent? Crassa illa esse corpora quæ
 sistuntur, necesse est: & tamen tam subtilia ponuntur, ut cuncta pene-
 trent. Motus ille in rectas lineas reflecti deberet instar luminis. Quid de-
 mum superficies illas sphericas determinat?

His breviter respondit D. Hugens, corpuscula in spatio spherico mota
 ab aliis corpusculis extra illud spatium positâ ne ulterius pergant, impe-
 diti: non aliter fere quam in stagnante aqua parvus vortex in se contortus
 ab aqua circumjecta ne ulterius se diffundat cohibetur.

XIX. Instabat D. de Roberval, an forte motus illi circulares mate-
 riæ fluidæ in certo spatio conclusæ, circa idem centrum absolvantur? Sed
 hoc ipsum est quod quærimus, centrum illius motus, quod ut certum sumi
 non debet, nec quæsum pro concessio. Quod si diversa sint centra, nihil
 erit in hoc motu definitum, quæque impelluntur corpora, in diversas
 partes distraherentur. Quin etiam quæ partes inter se colliduntur, motum
 circulem in rectum per tangentes commutabunt juxta reflexionum re-
 gulas.

Responsum est non quæri centrum, sed cur quædam corpora versus
 centrum ferantur. Hoc ipso enim quod spatium sphericum ponitur, cen-
 trum quoddam poni necesse est. Quod autem circularis motus in rectum per
 lineas tangentes non mutetur, id in causâ est, quod partibus in orbem mo-
 tis non pateat locus quo se recipiant: nisi forte eodem tempore alius par-

tibus desit ille à centro nifus aut tendentia, quod motu illo circulari desti- *De*
niantur: tum enim iis cedunt quibus adest ille motus; atque in hoc ipso *gravi-*
gravitas consistit. Nec tamen necesse est ut partes omnes hujus materiæ *tate.*
fluidæ circulari motu donentur, satis id fuerit si major sit copia earum quæ
in orbem aguntur.

XX. Atenim crassa illa & magna corpora quæ versus centrum protru-
duntur, huc illuc impellentur, & superficies eorum varios situs conse-
quentur: nam ex se nullam habent determinationem; quæque in ea in-
currunt corpusculæ motus circulares in rectos per reflexionem commuta-
bunt. Imo subtilis illa materia non potest crassiora corpora permeare,
quin in ea impingat, & in varias partes impellat, ut meatus variè sunt
dispositi, aut superficies ad diversas mundi partes obvertuntur, aut cor-
puscula inter se connexa majora efficiunt corpora. In his labyrinthis mate-
ria fluida, aut sistere cogitur, aut in omnes partes per rectas lineas resillire:
quod si libere pertranseat, nullus ex ea sequetur effectus.

Respondit vir clariss. rationem à se allatam cur majora corpora illuc
non impellantur, cœlestis vero materia adeo subtilis eadem facilitate so-
lidiorum corporum intervalla pertranseat qua ipsum aëra, in eo positam
esse quod directio superficierum nihil ad motus determinationem in unam
potius quam in alteram partem conferat: subtilis illa materia eo fere modo
gravia corpora pervadit, quo aqua fluminis inter juncos aut retia pertransit,
quantumvis quædam illius partes in ea corpora incurrant. Non enim earum
reflexio has potest distrahere, nec obstat quominus à multitudine partium
aquæ quæ succedunt, una abripiantur.

Hæc fere de gravitate corporum à viris acutissimis sunt disputata. Quæ
in hanc sententiam à D. Perrault tum scripta sunt, cum ea publici juris
facta fuerint, nihil necesse est retere.

XXI. Ex quibus illud efficitur corporis gravitatem positam esse in nifu
materiæ fluidæ circa terræ centrum circumactæ, quæque in omnes agitur
partes: quo quidem nifu à centro recedere nititur, & in locum suum ea
substituere corpora, quæ huic motioni minus obsequuntur. Nam ubi par-
tes crassiores, aut sibi mutuo magis implicatæ occurrunt, corpora versus
centrum protruduntur. Neque enim ea corpora, quæ in aëre decidunt,
motum sphericum fluidæ substantiæ consequuntur, quod impulsus illius
materiæ in varias partes tam frequentes & celeres sint, ut sat temporis
non intercedat, quo crassiora corpora motum sensibilem acquirant.

Et quidem minuti pulveris granula, quæ visûs aciem fugiunt, in aëre
volitantia huc illuc temere mota illius materiæ vi raperentur, si in solo
fluido, quod gravitatem efficit, innatarent: sed alia sunt circumjecta
spatia, quæ diversi generis materiam continent. Hujus itaque materiæ par-
tes crassiores variè agitæ & reflexæ communi fluidi nostri vertigini mi-
nus obsequentes nonnihil obstant quominus illa corpuscula ab æthere sub-
stantia in orbem raptantur. Nam præter aëris particulas crassiores, aliam
esse quandam substantiam aëre subtiliorem, sed æthere crassiorem, ex iis
quæ facta sunt in machina pneumatica experimentis, suspicabatur vir
clariss. Exhausto quippe aëre aqua expurgata è syphone ut in aëre conti-

ANN.
1659.

nenter fluit, ut de suspensione hydrargyri & aquæ nihil dicam. Substantiam illam aëre subtiliorem esse hinc liquet, quod vitrum penetraret: sed longè crassior est ætherea substantia cum illius motui non omni ex parte obsequatur, alioqui gravis ea non esset. Nec tamen partes illius acervatim esse congestas necesse est: nam in aëre hæ particule licet dispersæ suo donantur pondere.

XXII. Ex quo etiam illud concluditur, ea corpora esse graviora quæ pluribus constant partibus liberum fluidæ materiæ transitum impredientibus: nam ea sola sunt gravia, in quorum locum hæ subtilis materia eluctari nititur. Cum enim duo corpora, ut duo globi eburnei in plano horizontali sibi invicem occurrunt, mutua resistentia non ex gravitate aut nisu versus terræ centrum oritur: cum motus ille horizontalis à centro terræ recedere non conetur: sed ex materiæ ipsius quantitate sibi arcuè implexæ & resistentia omnino proficiscitur. Quod si enim aqua sit in utroque corpore ejusmodi materiæ quantitas, æqualis erit utriusque in partes oppositas reflexio, aut certe ambo corpora manebunt immota, ut dura fuerint aut mollia. Cum autem æqualis est reflexio utriusque, æquale est pondus: ergo ubi æqualis est materiæ quantitas, æqua iidem sunt pondera.

XXIII. In quo quidem, ut diximus, à vero nonnihil videtur aberrare Cartesius, cum existimat motum cælestis illius materiæ in rectam lineam terræ oppositæ impediri: nam si res ita sit, eadem materia nec metalla nec vitrum pervaderet, sicque plumbum vase vitreo conclusum multum de suo pondere amitteret.

Idem opinatur aurum, quod fere vigesies gravius est eadem aquæ mole, non amplius tamen quam quadruplam materiæ quantitatem continere: quod liquida corpora partibus consent in motu positis: unde & respectivam habent levitatem, ubi cum duris & solidis comparantur. Verum si res ita esset, pars aquæ congelata multo gravior esset, quam eadem liquidæ moles, & metalla fusa minus ponderarent, quam dura. Deinde quæ fieri potest ut liquiditas corpora efficiat leviora? non enim fluiditas illa motum circularem circa terram, aut sursum versus, sed in omnes partes iis impartitur.

XXIV. Hinc etiam causas accelerationis motuum in corporibus deducit vir clariss. juxta Galilæi principia, celeritatem nimirum æquis temporibus æqualiter augeri. Cum enim corpus grave à particulis vicinis materiæ in ejus locum succedere nitentis continenter pellatur; urgentis illius materiæ vis semper æque valida est atque illa erat cum corpus quiescebat; unde & celeritas eadem ratione augetur, qua ipsa tempora. Hæc adeo hypothesis nullo modo cum experientia pugnare, nec quicquam impossibile videtur continere, eaque phænomenis satis concinit: adeo ut saltem verisimilis habenda sit, dum alia phænomena huic adversa occurrant.

XXV. Circa accelerationem gravium quædam subjecit experimenta D. Fienicle.

Medulla Sambuci in globum tornata, cujus diameter erat quatuor linearum, post 20 pedum spatium peragratum æquabili velocitate decidit. Sic angluvies galli Indici ab omni pinguedine purgata & aëre impleta, post:

Quam ex alto decidens 12 pedes percurrit, velocitatem suam non augere, *De* sed æquabili motu delabi visa est. Hujus generis experimenta sunt facien- *gravi-* da in loco clauso & ita disposito, ut in diversis stationibus liceat consi- *tate.* flere, quò transitus corporum discerni queat, Locum in eam rem selege- rat 50 pedum altum.

Illud quoque ab eodem viro clariss. observatum corpora etiam leviora sub descensûs initium non tardius decidere, quàm graviora quæque, quan- tum ex visu & auditu licuit conjicere: non enim inter globuli medulla- ris cujus mentionem fecimus, & plumbei ejusdem molis descensum dif- ferentiam potuit advertere, cum ex 4 aut 5. pedum altitudine simul demit- tebat.

XVIII. Ex quibus illud colligebat celeritatem descensus non semper ex ponderis augmento sequi, nisi cum aëris resistentia motum corporis non mediocriter retardat; aucta enim celeritate motûs, aër simul sui divisioni obstitit, quæ resistentia tandem fit sensibilibis, tumque quod levius est, tar- diori motu decidit, & corpus majoris ponderis ex eadem altitudine de- lapsum facilius vincet eam aëris resistentiam qua divisioni tam celeri obstat, quæ utique adhuc est pene insensibilis.

Cum globum plumbeum una cum ligneo ejusdem voluminis ex ea- dem altitudine 147 pedum demississet, simul & eodem tempore decide- bant, & laminam æream uno penè & eodem ictu percutiebant, idque sæpius repetitum fuit in navi majoris Ecclesiæ Bellovacensis. Unde & in aëre duo illi globi è regione positi cernebantur, sub initium motûs uno aut altero pollice inter se distabant, sed propè terram jam utriusque distan- tia erat 6. aut 7. digitorum. Nam globus ligneus motu aëris à plumbeo excitato ad latus descestebat. Hoc experimentum in aperto aëre non succe- dit, nam plumbeus globus citius decidit; sed in loco occluso rem ita se habere sibi persuaferat vir doctus & diligens.



SECTIO SEPTIMA.

De Physicis experimentis quæ annis 1670. & 1671. facta sunt.

QUæ hoc biennio in Chymia & Botanica fuerunt accuratius expensa primum prosequemur, tum ad ea quæ sunt Physicæ contemplationi veniemus.

CAPUT PRIMUM.

De animalium & plantarum Anatome.

I. **C**Um eo imprimis spectent Academicæ exercitationes, ut in Physicis congressibus quæ ad naturæ historiam spectant, non indiligenter

ANN. tractantur, hoc ipsum anno 1670. sic adorta est, ut in animalium anatomi-
1670. men, in plantarum, quæ ab aliis prætermittæ fuerant, descriptiones, atque in chymicæ mixtorum resolutionem curam & studium suum potissimum impenderit, omittis, aut in alium locum dilatis disceptationibus, quæ curiosæ magis & difficiles quam utiles videntur. Nam illud judicavit frustra suscipi rerum occultarum scientiam, nisi ad hominum usum compareretur. Nec tamen Physica experimenta, cum occasio tulit, tacita præterire voluit.

Quare eo anno D. D. Perrault, Pecquet & Gayent complura animalia eaque non vulgaria quæ Versaliis jussu Regis Christianiss. ad Academiam sunt asportata, diligentius expendunt, descriptiones eorum & observationes paucis post annis typis excusæ, adeo ut supervacaneum videatur de iis nunc fusiùs differere.

Cum defuerunt ejusmodi animalia, vulgata magis & nota cultro subiecta, & cum prioribus sunt comparata.

Complura etiam in vivis animantibus iterata sunt experimenta, variis in vasa injectis liquoribus, quo sanguinis per cor, pulmones, arterias ex liquorum admistione perturbati motus animadverti possent. Injecto, v. g. spiritu vitrioli in jugularem venam canis, eo post 4 horæ minuta extincto, sanguis vena jugulari, cava superiori, cordis ventriculis, & vasis pulmonum contentus omnino coagulatus, atro colore infectus & acidus apparuit. Reliquum sanguinis vena cava inferiore conclusi sub diaphragmate fluiditatem suam retinuit. Spiritus quoque sulphuris, salis ammoniaci, spiritus vini in venas impulsu multis observationibus locum dedere, quibus circuitus sanguinis non mediocriter fuit illustratus, atque observationes circa fluorem & condensationem liquorum superiori anno factæ hinc confirmatæ fuerunt. Nam liquores acidi coagulationem, acres & volatiles majorem fluiditatem sanguini attulerunt.

II. Nec segnius circa plantarum historiam laboratum; earum icones delineari, novas è distitis regionibus allatas coli, & earum semina terræ mandari cœptum est. Stirpium descriptiones à D. Marchant elaboratæ cum ipsis stirpibus sunt collatæ, à D. Dodart postea in ordinem digestæ, & diligenter excusæ.

Eo anno sex & viginti plantæ sunt descriptæ & explicatæ. De visco quercûs & ejus origine fuit disceptatum. Visum est D. Perrault eam plantam non è semine foris allato, sed ex ipsa arbore nasci, atque ex intima medulla originem suam ducere. At visci arborum originem D. Tournesfort paucis abhinc annis diligentius exposuit: qua de re suo loco dicemus.

III. Placuit etiam stirpium historię & descriptioni quasdam observationes circa earum analysim subjicere. Quæ autem methodo, quave ratione ea in re procedendum esset, peculiari dissertatione D. Du Clos exposuit, re omni ab altiori principio repetita.

Præcipuas stirpium partes, quæque aut sinceræ, aut nonnihil immutatae eas constituunt, spiritum esse, oleum & salem aiebat. Nam aquam vel phlegma insipidum & terram puram omnis specificæ qualitatis, quæ nobis sit perspecta, omnino expertia esse existimabat. Distillati liquores
salē

sale aliquo volatili & soluto fæti spiritus appellantur. Qui quidem sal *De* saporem iis vel acrem, vel acidum, vel mixtum conciliat. Acres & subti- *Anal.* liores sales, qui ignis calore in nonnullis mixtis citius attolluntur, quique *Plant.* calefaciunt & exsiccant, sulphurei dici solent, quorum alii sunt in- & a- flammabiles, alii non item. Qui minus sunt volatiles, & aciditate quadam *qua-* donantur, iidem mercuriales appellantur. *rum*

I V. Oleum verò liquor est inflammabilis, quique cum aqua non misce- *miner.* tur. Sunt olea quæ aquosis liquoribus innatant, alia infra demerguntur. Sunt itidem duplicis generis; quædam enim cum sint subtiliora, digitis non adhæ- rescunt, nec pinguedine sua nos inficiunt, eaque æthereæ vocitantur; alia viscosa sunt & pingua. Quæ ad imum aquæ descendunt, crassa sunt & resinosa, atque ut plurimum densitate sua & consistentiâ vi quadam balsa- mica donantur.

V. Sal dicitur id omne quod in humido exsolvitur, & in sicco con- crescit; sapore quodam pungente præditus est. In plantis sal vel simplex est, vel mixtus. Qui à Chymicis essentialis nominatur, is maximè est compositus, nec quicquam aliud videtur esse præter tartarum quoddam pellucidum & crystallinum, in quo insunt spiritus & oleum phlegmati nonnihil admista. Sal minus compositus aut volatilis est, aut fixus; vola- tilis nonnihil terræ & olei retinet; in fixo plus inest terræ, nec desunt tamen quædam olei reliquæ, unde odorem lixivalem mutuatur: simplicis- simus is est, qui ex ultima analysi spiritus, aut olei, aut alterius salis emergit.

VI. Jam vero ignis calore una & eadem opera spiritus acer non in- flammabilis, acidus quoque liquor, oleum pingue, imo & balsamicum, sal itidem volatilis una cum phlegmate extrahuntur, quæ postea per alias & diversas operationes separantur. Quo id modo fieri possit nunc omitti- mus: nam ab ea methodo postea discessum est.

Atque ea methodo D. Bourdelin, cui laboratorii cura erat demanda- ta, spiritus tum sulphureos, tum acidos, olea quoque & sales extraxit. Quæ ex eadem planta prodierunt partes, inter se collatæ, tum eadem cum aliarum plantarum liquoribus sunt comparatæ, ut omnium dotes, quantum fieri posset, perspectæ haberentur, simul in quibus convenirent, aut dis- creparent, innotesceret. Atque eo anno 42 plantarum analysi ea ratione perfecta est.

Hinc ad eò solennis illa quæstio fuit agitata, utrum ignis non aliud quam diversas plantarum substantias, quæ actu incrant, disjunctas separet; an novas procreet. Aliis aliud, ut fit, videbatur. Nec facile erat eam contro- versiam dijudicare, de qua recentiores Philosophi & Chymici fusiùs dispu- tarunt. Neque ea nostri est instituti, qui facta magis & inventa generi humano utilia persequi volumus, quam controversias in scholis ventilatas dirimere.

In eo censu rerum utilium analysi aquarum mineralium videtur repo- nenda, de qua satis copiosè supra egimus. Hoc vero anno & insequenti quamplurimæ ex Aquitania, Occitania, Arvernina, ex Nivernensi, & Borbonio tractu, è Sanctonibus, Pictavis, Andinis, Turonibus, ex

ANN. 1670. Normania demum & aliis ex locis ad sexaginta usque sunt accurato examinati subiectæ. Leni calore sunt extillatæ, sales à terra secreti; ad quod salium genus ii revocentur, ex saporibus, & forma congelationis, seu in crystallos concretionis, ac demum ex effectis quæ certis liquoribus additi procreant, eo quo supra diximus modo, fuit indagatum.

XII. Sic ex. gr. aquæ Borboniæ cum sint duplicis generis, aliæ in oppido vulgo *Bourbon l'Archambaut*, aliæ in oppido v. *Bourbon Lancy*, celebres habeantur: Priores in solutione Mercurii sublimati, & vitrioli martis, item in succo heliotropii, aut syrupo violarum eisdem effectus, quos sales plantarum fixi præbuerunt; uti & aquæ *De Vichy* & aliæ consimiles. Unde eas aquas sale sulphureo & nitroso imprægnari conclusum fuit. Contra, posteriores aquæ, uti & thermae percelebres Baregiæ dictæ, aliæ item complures sublimatum Mercurium aut vitriolum Martis non præcipitarunt, nec tincturam heliotropii cæruleam rubeo colore infecerunt, uti alumen & vitriolum præstare solent; nec sales illi piunis ardentibus almoti fulminarunt, ut salpetra, sed instar salis communis oleum tartari per deliquium coagularunt. Ex quo illud licuit suspicari salem qui iis aquis inest, à sale communi non multum abhorreere.

CAPUT II.

De quibusdam experimentis Physicis.

I. **E**X illis experimentis Chymicis nonnullæ disceptationes natæ sunt, eaque non inutiles. 1. Unde ex. gr. aciditas quæ in pleisque plantis inest uberior, ortum suum ducat. Atque ea de re dissertationem pertexuit D. Duclos. Cum etiam ex tenuitate & densitate partium quæ ex plantis & aquis mineralibus extrahuntur, præcipuè earum differentiæ depromantur, in quo posita sit raritas aut densitas corporum, quæsum fuit: atque hoc argumentum accurate fuit pertractatum à D. D. Perrault, Duclos, & Mariotte, qui ea de re in tentaminibus Physicis peculiari dissertatione sententiam suam exposuit.

II. Primum, ut fæse explicat & diserte, in aquis qualitates quædam manifestæ spectari possunt, perspicuitas, sapor, odor, pondus, partium tenuitas, tum quæ exhalatione facta in vase subsidunt, concretiones denique lapideæ, quæ in tubis per quos deferuntur, interdum cernuntur.

Pondus aquarum per Aræometrum commodius, quàm per bilancem haberi exploratum putat. Illud potro non aliud quiddam est, quam parva ampulla vitrea oblongi & angusti colli, in partes divisi, cujus inferiori parti aliquantum hydargyri imponitur. Hæc phiala aquæ immersa majori facilitate immergitur quo aqua ipsa est levior, quoque altius collum demergitur, hoc aqua minus gravitat. Verum ex illo instrumento quantum liquor aliquis alium ejusdem voluminis pondere superet, dignosci non posse paucis abhinc mensibus in Academia ostendit D. Hombert, idque longe accuratius ex bilance haberi posse, si phiala angustioris colli adhi-

beatur, atque in ejus ventris summo tubulus capillaris, isque parallelus *Physi*
collo erigatur: nam phiala liquore utroque plena dum per tubulum capil- *ca ex-*
larem, & longe breviorē collo effluat accuratæ bilanci appensa, quan- *per.*
tum unus liquor altero sit levior statim & citra errorem sensibilem demon-
strabit.

III. Partium tenuitas aut subtilitas ex variis indiciiis colligitur, pri-
mum quidem cum citius incalcescit, id vero duplicis thermometri ope
cognosci potest: utriusque globis in aquam tepentem demersis, quousque
liquores ascendant, notatur in tabula apposita; quod reliquum est & va-
cuum in utroque tubo, in partes æquales dividitur, ut de aquarum te-
nuitate certius judicari possit. Cum enim utra ex duabus aquis, fontana
& puteali facilius incalcesceret, placuit explorare, æquales utriusque por-
tiones affusæ sunt duobus vasis itidem æqualibus & ejusdem densitatis,
quæ vasi alteri multo ampliori aqua calente pleno sunt aprata una cum
thermometris; tumque apparuit aquam fontanam citius incalcescere quam
putealem; quod spiritus vini in thermometro priori immerso altius ascen-
derit ad 10 v. gr. gradus, cum in aqua puteali ultra 7 gradus non excur-
reret. Sic aqua subtilior citius lintea abstergit, & saponem facilius ex-
solvit.

IV. Ex eo autem quod post evaporationem in fundo vasis est residuum,
vix ullum judicium ferri potest, non enim tanti illud est ut sensibilem dif-
ferentiam inducat, cumque duæ aquæ libræ ad unam unciam sunt redactæ,
quod residuum fuit, nullam in succo heliotropii, perparvam aut nullam in
sublimati solutione mutationem asferre visum est.

Quare vis aquæ penetrans & detergens, aut levitas ipsa ex partium sub-
tilitate, non ex admissione alienæ materiæ oritur. Hæc pene sola extra-
næ substantiæ admixtio, aut sulphuræ, aut bituminosæ, aut acidæ, aut
cujusvis metallicæ & peregrinæ ingratas aquas efficit. Sed ex iis quæ ar-
tutibus indiciiis aquarum bonitas colligitur, ex thermometro imprimis, ex
vi deterfiva, ac demum ex Aræometro.

V. Verùm illud majoris momenti videtur esse quod de iis observat aquis
D. Perrault, quæ lapides in tubis gignunt. Non enim propterea in iis aquis
lapidificam & corporibus nostris insectam inesse qualitatem est existiman-
dum, cum in aquis usu probatis & saluberrimis ejusmodi lapides sæpe
concrevant, ut in iis quæ Lutetiam ex vico *Rungis* dicto per aquæductus
à Romanis olim extractos, & incunte hoc sæculo à Maria Medicæ Fran-
ciæ Regina instauratos deferuntur.

Nam ejusmodi lapides ex facta Analyfi nullo sulphure inficiuntur, quod
in calculis animalium plurimum est. Calcinati quoque & aqua perfuni nul-
lam effervescentiam creant, ut calcarii lapides, qui calcinati multum de suo
pondere amittunt: non item illæ concretiones, quæ leves & spongiosæ
per calcinationem non fiunt. Unde ejusmodi lapides toto cælo differunt
à calculo qui in animantibus formatur. Nam illi è materia terrestri, cui
permodica salis aut sulphuris portio accessit; calculi verò in vesica aut re-
nibus geniti ex sulphure & sale pene toti coalescunt. Perparum in iis ter-
ræ inest, & ad ignem admoti vix ullos præbent cineres: lapides ipsi ig-

ANN. nis ardoribus adeo obfistunt, ut verissimile non sit eos conferre aliquid pos-
 1670. se ad calculi generationem, nec vi caloris naturalis, qui tam dura corpora do-
 maie non potest, concrefcunt: Salinæ & sulphuræ mineralium substan-
 tiæ plerumque sunt naturæ nostræ molestiores quàm lapideæ & terreneæ.
 Hæ quippe non subeunt angustos Mesenterii meatus, & faciliùs ejcien-
 tur, quàm sales & sulphura, quæ exsoluta aquas inficiunt. Multa in hanc
 rem idem Auctor subjicit in dissertatione in lucem edita anno 1688. Nos
 ad institutam de Phycis observationibus quæ factæ sunt anno 1670. ex
 occasione acertimi frigoris, quasi è semita in viam redeamus.

CAPUT III.

Alia experimenta circa vim frigoris facta recensentur.

I. **P**rimum quidem experimentum à D. Hugens anno 1667. factum,
 à D. Buot fuit iteratum. Tubus ferreus cujus crassities erat unius
 digiti, aqua impletus & ritè oclufus fuit; post 12 horas duobus in locis
 scissus est. Tum verò quæsitum fuit quid causæ sit, cur aqua in glaciem
 concreta tantam vim habeat, ut durissima quæque corpora disumpat. An
 fortè illud incluso aëri, aut subtiliori alicui corpori tribuendum? an quod
 aquæ particule antea flexiles & molles præ frigore rigidiore factæ majore
 rem locum affectent?

II. Sed cur in aliis liquoribus oleosis iidem effectus ex congelatione
 non oriuntur? An illud ex configuratione partium proficiscitur? Nam
 oleum, & alia ferè corpora oleosa sunt compressibilia, non item aqua:
 an fortè liquores aquosi captivum aëra, vel subtilem quandam & elastica-
 m substantiam includunt?

III. Quò autem modo glacies concrefcant D. D. Perrault & Ma-
 riotte in tentaminibus suis pulchrè explicarunt. 1. In liquoribus aquo-
 sis prima velut stamina glaciæ à lateribus vasis ducuntur, quæ vasi tena-
 citer adhærescunt, eaque superficiem aquæ pervadunt. 2. Illud adver-
 tit D. Perrault unumquodque filamentum ex uno latere alia emittere, ferè
 ut plumas in avibus. 3. Liquores illi congelati in summa superficie paula-
 tim assurgunt in tumorem: quod in vino & aqua sale permixta non con-
 tingit. Multa alia addit quæ in libro citato legi possunt, quæque ex eo du-
 cuntur principio, corpora dura tum effici, cum particule quibus constant,
 complanatas habent superficies, & in iis se invicem tangunt. Sic florem
 efficiunt corpuscula rotunda, & admodum exilia quæ ex circumjectis cor-
 poribus continenter effluunt, ætherea aut subtilis substantia hunc intestinum
 partium insensibilium motum in fluidis corporibus ex recentiorum senten-
 tia efficit & tuetur.

1. Ubi aqua aluminosa in glaciem penitus concrevit, flos quidam can-
 didus in superficie apparuit, qui non aliud erat quàm alumen in tenuem
 pulverem comminutum: nam vivis carbonibus flos ille impositus instar alu-
 minis ebulliebat, glacies opacior erat & candidior quàm aqua, antequam
 in gelu abiisset.

2. Aqua post ebullitionem refrigerata non citiùs in glaciem conversa est, *Physi-*
quàm ante ebullitionem. Est enim homogenea & uniusmodi : sed ramen *ca ex-*
durius est glacies & magis pellucida aquæ elixatæ ; quòd fortè limus in *perim.*
aqua dispersus præceps deciderat, cùm aqua ebullit : tametsi aëreis partibus
in aqua delitescantibus, quæque vi caloris evolant, id tribui commodè
potest. Unde & specula ustoria ex aqua acerrimo frigori exposita fieri pos-
sunt, postquam aqua vi caloris ab aëre intus concluso fuit expurgata. Quod
utique à Domino Mariotte factum novimus. Verùm D. Perrault duritiem
illam & perspicuitatem limo in aqua disperso, quique ad fundum decedit,
acceptum refert. Unde in solutione aluminis, aut salis communis, imò in
vino & aqua cum spiritu vini permista, soluta glacie turbidiores viden-
tur liquores, quàm ante congelationem; quod partes crassiores & terrenæ faci-
lè à se invicem divellantur præ calore ; illæ adeo manent pensiles & liquo-
rem turbidum efficiunt. Sales verò in limo delitescentes non eadem faci-
litate exsolvantur ; sed limi granula caloris vi agitata tandem sibi invicem
per facieculas planas adhærescunt, & vincunt gravitatem aquæ specifi-
cam.

IV. Eodem anno 1670. D. Perrault cum quatuor aquæ libras gelido
aëri exposuisset, intra 18 dies pene unius libræ pondere est imminuta. Ex
quo sequitur aquam præ nimio frigore fere tantum exhalare, quantum æsti-
vis ardoribus.

V. Illud quoque à D. Picard tum fuit observatum, lapides & metalla, ut
aurum, cuprum, ferrum præ frigore contrahi, ut caloris vi distenduntur,
quod jam antea fuerat animadvertum : adeo ut pene omnia corpora unius
pedis longitudine, quarta parte lineæ minuantur, sic tamen ut homogenea
quæ sunt, æquabiliter in omnes partes minuantur.

VI. Cum varii generis olea gelido aëri per 24 horas essent exposita,
quædam nec congelata, nec pondere sunt imminuta, ut oleum è lino, aut
ex amygdalis dulcibus expressum ; olea petreoli, nucum, therebynthinæ
parum exhalaverunt : sed & congelata non sunt, uti olea ex amygdalis
amaris, olivis, aniso, & alia bene multa, quæ in vapores aliqua ex par-
te exhalaverunt & induruerunt.

VII. Hoc argumentum multò uberius postea pertractavit D. de la Hire
in dissertatione pererudita, quàm anno 1694 publici juris fecit. In ea qui-
dem est opinione quosdam sales motum particularum aquæ sistere, qui
quidem in sale communi pauci delitescunt, plures in nitro, sed uberiores
sunt in sale armoniaco. Hujus salis, quicumque is sit, partes rigide sunt
subtiles, acutæ, ita ut non vitrum modò, sed & duriora quæque corpo-
ra penetrent, & cum aquæ particulis oblongis flexilibus ultro conso-
cientur : aquæ corpuscula cum his salibus implicata motu omni & fluidi-
tate privantur..

Cum hi sales aquam subeunt, illa ducunt stamina, de quibus supra di-
ximus, majorem aquæ molem efficiunt, quod partes congelatæ rigidiores
factæ sibi mutuo ita aptari non possint, quin spatia aëre plena intercipient :
ut plures aciculæ, quæ in longum sibi mutuo incumbunt, minùs loci oc-
cupant, quàm si confusæ, & tumultuario posita se se mutuo interfecerint.

Ann. Jam ubi sales illi primam aquæ superficiem pervasere, longius progressi
1670. paulatim aquæ massam invadunt, ac nova texunt filamenta, quæ majorem quoque exigunt molem, & vim suam tum in subjctam aquam, quæ compressioni resistit, tum in superiorem glaciæ superficiem exerunt, atque hanc perfringunt, qua parte est debilior, quin & vas ipsum disrumpunt, si glaciæ superposita fortius obstat, quàm valis latera.

VIII. Ex his D. de la Hire complura deducit phænomena, quæ loco citato legi possunt. Ista enim quæ posterioribus his annis in Academia exposuit, ex occasione tantum, & strictim attingimus. Horum nonnulla meræ sunt contemplationis, alia ex usu esse possunt. Illud exempli gratia ad usum vitæ humanæ pertinet, fructus gelu concretos in pristinum statum restituere: quod fieri solet in frigidam eos demergendo. Qui enim sales ab aquæ particulis intra fructum conclusi detinentur, in aquam circumfusam statim commigrant, ubi liberius huic sociati fructum ipsum crusta glaciæ obducunt. Quod si aqua circumjecta sit fervidior, tum crusta illa congelata non apparet, ac nimius particularum motus obstat, quominus glaciæ concreseat, sed motus ille in particulas aquæ fructui contentas effusus texturam partium disrumpit, & in quamdam pulvis speciem redigit, cinnem adeo iis detrahit saporem. Eodem pene modo aqua in lapides congelatos decidens in glaciem concrevit, vulgo *du verglas*. Qui enim sales humori lapidum sunt implicati, eum faciliè deferunt, ut aquæ adhæreant.

Sic videmus in muris è lapidibus partim durioribus, partim mollioribus compactis, ubi gelu solvitur, quandam velut nivem durioribus adhærescere, quod aquæ particulæ in aëre volitantes, atque in ea corpora incurrentes salium occursum figantur, non item in spongiosis lapidibus, quos aquæ corpuscula subeunt per meatus patentiores.


Hinc etiam fit ut parte corporis vehementi frigore congelata & pene siderata nix adhibita sit remedio, quod sales illi aquam figentes in carnes impacti se se expediant, ut cum nive conjungantur. Quemadmodum fere cum Thermometrum aëri ante expositum vento perflatur, spiritus vini in globum se recipit, quod frigidior ventus sales frigorificos intra tubum propellat; sed globo nive obducto, statim spiritus vini ascendit ob eam quam attulimus rationem.

IX. Neque alia est ratio congelationis artificialis, de qua alibi diximus. Sic fructus à congelatione prohibemus, cum eos palea lectos linteo maddido operimus. Nam sales illi linteo hærentes ulterius non progrediuntur, quod cum partibus aquosis facilius aggregentur. Unde & glaciæ citius in aqua tepida liquefit, quam cum ad ignem admovetur, quod aqua circumfusa sales illos, qui aquam congelant, statim divellat, & ad se rapiat. Postremo hinc liquet cur lapides gelido aëri expositi, præsertim si antea aqua perfusi fuerint, quasi in folia diducantur, quod mollia & spongiosa intervallo subeat aqua, quæ congelata, & majus exigens spatium partes lapidis divellit. Interim tamen è lapidibus ex eadem lapidicina erutis quidam congelantur, aliis illæsis, quod accidere potest ex ipsa lapidum præparatione, dum malleo poliuntur ut suis aptentur locis: tum enim partes mallei percussione sic quassantur, ut insensibiles figuras, per quas subit aqua,

admittant. Quod D. de la Hire hoc experimento confirmat; durum & sa-
tis crassum lapidem ex eorum genere quibus viâ sternuntur malleo reperitis, *Physi-*
sed minutis ictibus percussum intra brevis temporis spatium findi cerni. *ca ex-*
mus, adeo ut partes suis locis emotæ tandem digitorum pressu in pulverem *perim.*
comminuantur. Non idem in lapide molliori evenit, nam mallei ictus
partes tantummodo atctius premunt, non divellunt.

Hæc confirmari possunt ex aliis bene multis experimentis, illo impri-
mis satis usitato: cum lapides exeunte Autumno in substructionibus apta-
ti, & recens eruti gelu fatiscunt: qui verò per ætatem aëri fuerunt expo-
positi, manent illæsi. Quod autem minutiones aquæ particulæ, quæ intus
subiere, hanc habeant vim, ut lapides diffingant, hoc exemplo illustra-
ri potest, cum lapis molaris & prædurus findendus est, parvis forami-
bus trium linearum latitudine, & duorum pollicum altitudine pertundi so-
lent clavis ligneis & siccis magnâ vi adactis, qui aqua perfusi & intum-
escences saxum findunt: quod simul, & junctis viribus agant.

Multa insequenti ætate vi speculi ustorii & metallici, quod est in Re-
gia Bibliotheca, liquata sunt corpora, ac perpauca à fusione exempta, ut
terra sigillata eaque pura.



SECTIO OCTAVA.

*De his quæ acta sunt annis 1670, 1671 & 1672. quæque
ad Mathesim spectant.*

DE Rebus Physicis satis multa, nunc de Mathesi nonnulla quoque
dicenda sunt. Primum ab Astronomicis ducemus exordium, tum ad
alias Matheseos partes veniemus.

CAPUT PRIMUM.

De rebus Astronomicis.

ANnis 1670, 71, & 72 non mediocris Astronomiæ facta est accessio. *Astro-*
nomica

Cum id Academiæ certum esset & exploratum non aliud magis efficere
ut observationes sint accuratæ, quàm si refractiones siderum iisdem in
locis, ubi fiunt observationes, habeantur cognitæ, de his in Observato-
rio regio explorandis actum fuit. Id autem fieri posse existimavit D. Cas-
sini ut in Observatorio Regio aliæ sint refractiones ab iis quas Bononiæ
comperit, qualæ tabulis Ephemeridum Malvasia anni 1661. inseruit
cas ultra limites à Tychonicis præscriptos excurrere pro explorato hæ-

ANN. buit. Non enim tantummodo ad Polum usque in his regionibus sunt sensu 1670, sibilis, sed nonnisi prope verticem desinunt: adeo ut Poli altitudines vel 1671, eo nomine sint corrigendæ, quod utique Bononiæ præstitit.

& 72. Idem D. Cassini, necnon D. D. de Roberverval & Frenicle alias inveniendæ refractionis vias ab iis quæ à Tychonianis sunt trita, proposuerunt, quæ Luctetiæ positioni convenient, neque ab altitudine Poli pendeant, ubi Observatorium, quod Regis munificentia jam extrui cœptum erat, absolutum fuisset. Interim D. Picard quam multas singulis diebus & horis diversis altitudines Solis observavit, inito calculo an cum duobus horologiis oscillatoriis, seu pendulis ad solem aptatis & ritè cum stellis non errantibus collatis convenirent.

II. Illud quoque quæsitum est quibus rationibus Planetarum parallaxes perspectæ haberentur: sunt enim veris Planetarum locis inveniendis omnino necessariæ. D. Cassini novam eas reperiendi rationem excogitavit, eaque usus est, quam annis consequentibus perfecit.

III. De æquatione dierum actum itidem fuit; quæque anno superiore à D. Cassino digestæ fuerant tabulæ, examini sunt subjectæ. Is quoque scripto ab uno è Societate Regiæ Anglicana vulgato respondit de ratione inveniendi tum Apogæa, tum excentricitates Planetarum, necnon & medios eorum motus.

Eo quidem anno cum Mars & Venus terræ essent proxima, D. Cassinus eam arripuit occasionem, distantiam utriusque Planetæ dimetiendi. In Marte eandem reperit maculas quas ante aliquot annos invenerat, è quibus Martis circa suum axem verti intra 24 horas 37 aut 40 min. deprehenderat, quod recentibus observationibus confirmavit. Quas autem in Venere deprehenderat maculas, vaporum fortasse circa Horizontem fluctuatio in causa fuit cur eas observare non potuerit.

IX. De Jove id quod jam superiore anno à se observatum fuerat, nodos hujus Planetæ, seu sectiones illius orbitæ cum Ecliptica tribus gradibus longius esse promotos, quam Keplero & Lansbergio visum fuerat, planè exploratum habuit, idque cum observationibus Tychonis convenire comperit. Quatuor hujus Planetæ satellites & eorum periodos magno studio iterum persecutus, vix ullam in revolutionibus primi & ultimi satellitum per multos menses reperit inæqualitatem. Ex quo id conclusum ab eo fuit hæc sidera, illud imprimis quod Jovi est proximum, cujus celerissimus est motus, definiendis locorum longitudinibus esse aptissima. Unde & primi satellitis Ephemerides pertexuit, quæ cum observationibus comparata longè certiore inveniendæ cujusque loci longitudinis viam suppeditant, quàm aliæ hactenus usitæ.

V. Mense Junio anni 1670 novam stellam prope cygni caput D. D. Cassini & Picard diligenter observarunt: exeunte Septembri penitus evanuit. Celebris quoque stella in collo Ceti certis temporibus conspicua diligentiam D. Cassini non effugit. Ex suis & aliis quæ publicata sunt observationibus hoc comperit, eandem hujus stellæ phasés exactis prope 330 diebus recurrere, sic tamen ut motus ejus non adeo sit constans & æquabilis, quin aliquando ejus cessitio ad eandem phasim 15 & amplius diebus retardetur,

tardetur, aut prævertat. Tabulas illius motus contexuit quæ singulis quibusque annis hujus sæculi phasēs illius maximas indicant. Complures alias in cælo stellas deprehendit, quæ à nullo fuere Astronomo designatæ; tamen si eæ sunt magnitudinis non contemnendæ contra quarundam stellarum fecerunt mentionem, quæ nunc planè desiderantur.

CAPUT II.

De rebus Mechanicis & Geometricis.

I. Summo quoque studio & cura eo vertente anno & proximè consequentibus exulta est Mechanica, ex qua ubteriores fructus ad vitæ humanæ commoda sperari possunt.

Ac primùm quidem de centro percussionis quod inter præcipua hujus scientiæ fundamenta numeratur, D. de Roberval fusè & subtiliter discessit.

II. De vi percussionis in universum sic à D. Mariotte tractatum fuit, ut vix quicquam optari possit accuratius. Ea de re demonstrationes factas paucis post annis publici juris fecit: ubi quæ in collisione corporum & motuum communicatione observare licet, singillatim exponit: cur v. gt. interdum corpora se se mutuò in partes oppositas repellant, interim sisti videantur; nonnunquam in easdem ferantur partes, adeo ut unum ab altero abripiatur, sæpe unum ex iis maneat innotum, & quidquid habebat motus, alteri impertiat. Majus per sæpe corpus in minus incurrens majorem quam habebat huic tribuit velocitatem. Uno verbo quæ ad motuum leges in collisione corporum spectant, quæque à D. Hugens plurimùm lucis jam acceperant, fusè & accuratè est persecutus.

III. De vi elastica, cujus in collisione corporum magna habetur ratio, disputatum fuit. Variæ de ejus causis exstiterunt sententiæ, quas tamen pene omnes conciliari posse satis verisimile videtur. D. Perrault elaterium subtilis aëris cuncta permeantis ponderi & pressionis referebat acceptum. Hæc enim pressio non aliud quiddam est præter conarum quo partium divisioni corpus resistit; ut vi elastica partes quodammodo à se divulsæ colliguntur: sed eadem vi partes corporis separationi obstant, qua diductæ restituntur. Jam firmitatis causa exterior & præcipua videtur esse subtilis aëris & incumbētis pondus, ut in peculiari tentamine multis probare nititur argumentis.

IV. D. Mariotte elaterium ex particularum contextu, D. Du Clos ex earum moderata rigiditate deducebat; D. Buot huic fibrarum rigori fluidam materiem addebat quæ corporum meatus implet. Nec dubium ullum est, quin causæ quædam interiores elaterii ex figura, situ, & ab incluso fluido ducantur. Nam dura & elastica corpora sunt sonora & percussa tremunt, eaque videntur habere partes flexibiles, & fibras hoc breviores, quocelerius se se restitunt. Eo quoque pertinet meatuum ampliatio, aut contractio. Verùm hoc argumentum à plerisque Philosophis abundè discussum

ANN. fuit, atque ad Physicam magis quam ad Mathematicam videtur pertinere: tametsi 1671. Mechanica utriusque est scientiæ.

& 72. V. Dum hæc & alia quamplurima agerentur, qua ratione in plerisque locis agri Bononiensis & Mutinensis incolæ fontes salientes è puteis profundioribus educerent, D. Cassinus exposuit. Alius nimirum effodiunt terram dum solum subiectum vi aquæ subitus scaturientis intumescere videatur. Tum prælonga terebra terram perforant, & dato exitu aqua magna vi erumpit, quæ non puteum modo implet, sed exundans perenni fluxu agrum circumiectum irrigat, aut aptatis tubis sursum effertur. Atque illud satis est probabile eas aquarum scaturigines ex Apennino monte, qui decem fere milliaribus hinc distat, per subterraneos meatus delabi. Nam consimili pene artificio in Austria inferiore quæ Stiriæ montibus cingitur, incolæ uti solent ut puteis aqua impleant.

D. Niquet machinarum quæ magis sunt usitatæ in plerisque artibus typos conficiendos curavit, qui in Observatorio Regio asservantur. Quam in rem D. Couplet operam suam & industriam contulit. Variæ etiam machinæ ad Academiam iussu D. Colbert asportatæ, discussæ fuerunt. Inter alias pontis portatilis fuit designata machina qua portus expurgari possunt. Sed D. Niquet aliam huic magis idoneam & expeditam proposuit: mitto alias, ut segetibus persecandis, aut tritrandis propositas.

II. Ante id temporis, anno 1669. susceptum & quantum humana potuit industria perfectum fuit opus Academia dignum de terræ dimensione.

Cum hoc problema Geographiæ ipsi & navigationi sit petutile, non à veteribus modo, sed etiam à recentioribus Geometris multum laboris exhaustum est, ut liqueret quantum pateat unus orbis terræ gradus. Ptolemæus eum 66 milliaria & $\frac{1}{3}$ continere; Arabes teste Abulfeda in prolegomenis, cum in planitiem *Saniar* iussu sui principis convenissent, & sub eodem meridiano quidam Austrum versus, alii in Septentrionem spatio unius gradus processissent, gradum unum 56 milliaria parere compererunt: ita ut 10 milliaribus à Ptolemæo dissiderent. A Ptolemæo quidem spatium unius gradus 500 stadiis fuit definitum, quod Arabes ad 66 milliaria revocarunt: adeo ut unumquodque milliare 7 stadia $\frac{1}{2}$ complectatur. Sed quibus usus fuerit stadiis Ptolemæus, Græcis an Alexandrinis, quæve sit accurata pedis Romani mensura, valde incertum est.

III. Quare omittamus veterum hac de re sententias, quæ nimium inter se distant, adeo ut ab Aristotele ad Arabes usque unius gradus spatium semper decreseat. Nam Aristotelis temporibus 1111 stadia, Erastorenis 700, Possidonii 666 Ptolemæi 500 stadia complectitur. Inter Recentiores superiori sæculo æstimatione quadam à Fernelio conclusum fuit 68096 passus Geometricos seu 56746 hexapedas & 4 pedes Parisienses uno gradu contineri.

Snellius in Erastothene Batavo l. 2. c. 9. certiorẽ & magis geometricam iniit viam, qua gradum unum continere 28500 perticas Rhenses, seu 55021 hexapedas Parisienses iudicavit.

Riccioli alia methodo ad 62900 hexapedas cum promovit.

IV. Ac demum D. Picard annis 1669 & 1670 ex multis iisque accu-

ratissimis & sæpius repetitis observationibus comperit gradum unum maxi- *Terræ mensura.*
mi circuli in terra delineati esse 57060 hexap. Parisiens. adeo ut Fernelius
rudi & plane mechanica usus methodo propius ad rem ipsam accessisse
videatur.

V. Quam inierit viam peculiari tractatu D. Picard exposuit : longum
esset eam singillatim referre. Selecta sunt duo loca sub eodem meridiano
sita 32 leucis inter se distita, nomen uni *Sourdonium* in Picardia, alteri
Malvoisine in Vastinensi agro v. le *Gatinois*. Hæc triangulorum beneficio
via regia & strata inter duos vicos agri Parisiensis notissimos qui *Villejuive*
& *Juvisy* vocitantur, interjecta connecti facile posse compertum erat. Via
est plana & recta, prælongis sarissis & funiculis dimensa 5662 hexaped.
& 5 pedum eundo, tum 5663 redeundo inventæ. Quod erat paululum
discriminis, in duas partes divisum. In quo sane plus commodi quam in
Snellii & Riccioli dimensionibus occurrit. Ille enim basim 630, hic 1064
hexaped. tantummodo constituit. Quin & sub finem operis ad aliam ba-
sim 3902 hexaped. quidquid factum & repertum fuerat iterum exegit
D. Picard. His observationibus tum in Vastinensi agro factis interfuit D. Cas-
sinus qui recens ex Italia advenerat, à Rege Christianissimo per litteras
D. Colbert, ut dictum ante fuit, evocatus.

VI. Quadrante circuli usus est in scrupulos, seu minuta per lineas
transversas exquisitè divisio. Huic aptati erant duo tubi optici, quorum
unus erat iminotus, alter mobilis; utriusque hujus telescopii beneficio
anguli positionum multo accuratius sumpti quam per pinnulas.

Quo autem tubus in rem objectam exquisitè & citra errorem dirigere-
tur, duo fila serica in foco utriusque sic decussatim sunt aptata, ut ea quasi
rei objectæ adhærescerent : ita ut eo loci pictura distincta, sed inversa ad
oculos perveniret & objecti immediati locum teneret. Cum enim radii ab
eodem objecti puncto exeuntes in eodem foci puncto uniantur, hinc sit
ut apertura vitri objectivi nihil obsteret quominus res objectæ tam distinctè
videatur, ac si pinnula esset foraminulum pene indivisum, per quod radius
unicus transiret.

VII. Sic libellæ v. *Nivean* ope, cujus descriptio & usus in calce hujus
opusculi describitur, tubus opticus eodem aptatur modo & citra ullum
errorem sensibilem libratur spatium inter duo loca interjectum, cum ultra
100 hexaped. non patet. Nam usitata librandi ratio correctioni est obnoxia
quæ ex semidiametri terræ cognitione pendet. Siquidem ut justa sit exæ-
quatio duorum locorum, eadem sit distantia à centro terræ necesse est : &
tamen ea quæri solet in recta linea quæ terram contingit, quæque hoc
magis à centro removetur, quo longius producitur, adeo ut vera libella sit
infra apparentem. Ubi spatium ad libellam exigitur & non ultra 100 hexaped.
distenditur, differentia utriusque extremi est tantum unius lineæ & $\frac{1}{3}$, sed
crescit apparentis libellæ altitudo fere ut quadrata distantiarum, aut quadrata
numerorum 1, 2, 3, 4 &c. Sic in spatio 200 hexaped. altior est 5 lineis,
& ita deinceps.

VIII. Tabellam confecit usque ad 4000 hexapedatum spatium, ubi
altitudo apparentis libellæ veram superat 14 pedibus & octo digitis.

ANN. Quod si libella in medio spatii collocetur, & ad eam utrumque spatii extremitum exigatur, tum nulla opus erit correctione: nam æquales utrimque & 71. erunt altitudines: sed facilius est ex nota terræ semidiametro altitudinem libellæ apparentis corrigere.

Libellæ structuram & usum accurate describit, ac similis pene est chorobari Vitruvii l. 8. descripti, adeo ut litteram T utcumque referat. Illius fabricam & usum D. de la Hire dilucide exposuit in libro quem ea de re edidit in lucem.

IX. Hujus instrumenti beneficio magna terræ spatia librari possunt: sed obstant persæpe refractiones quæ res objectas ultra quam par sit, attollunt. Quod utique in magnis locorum intervallis evenit, cum radii luminis intersectum aëra vaporibus refertum & inæqualis consistentiæ offendunt, ac sensim ita incurvantur, ut cum ad nos pervenere, oculus quasi per rectam lineam, quæ radium curvum tangit, in objectum dirigatur, illudque altius quam revera sit appareat. Quod utique dilucide explicat D. Picard in copusculo quod anno 1671 publici juris factum est.

Hoc vertente biennio complures libri prodierunt ex Academia, ille imprimis, de quo ante diximus de percussione, & collisione corporum à D. Mariotte elaboratus.

Sub idem tempus prodiiit quoque in lucem præclarum Christiani Hugenii Zulichemii opus de horologio oscillatorio, sive de motu pendulorum ad horologia aptato, geometricæ demonstrationes.

Hoc operis partim quidem mechanicum, sed præcipua sui parte geometricum Regi Christianissimo inscripsit. In Epistola nuncupatoria testatur id Galliæ deberi, quod Geometria pene sepulta hoc sæculo quasi renata, restitutaque fuerit; eam scientiam præ cæteris à se exultam, sed ea potissimum investiganda sibi proposuisse quæ vel ad vitæ commoda, vel ad naturæ cognitionem reperta plurimum prodesse, utrumque non aliàs felicius quam in hoc horologii invento, se consecutum.


Quæ sit hujus horologii utilitas, & quantum æquabili horarum demonstratione cæteris hujus generis machinis antecellat, simul & ejus præcipuos usus cum in rerum cælestium observationibus, tum in locorum longitudinibus inter navigandum dimetiendis, potentissimum Regem omnium optime nosse, cujus jussu per mare sæpius victa sunt ejusmodi horologia; atque eadem Astronomiæ usibus dicata conspiciuntur in *præclara illa Urania arce* quam insigni nuper magnificentia, quantaque ante hac Regum nemo, exædificandam curavit.

X. In præfatione operis sui rationem paucis verbis aperit. Annum eum esse ait sextum decimum, ex quo fabricam horologiorum tum recens à se inventorum edito libello publicam fecit. Quæ post illud tempus elaboravit, ad perfectionem hujus inventi sic pertinent, ut potissima ejus pars, ac velut fundamentum totius hujus mechanices haberi possint, quæ hoc in libro exponuntur. Mensura enim, inquit, temporis certa atque æqualis pendulo simplici non inerat, cum latiores excursus angustioribus tardiores observentur. Sed Geometria duce diversam ab ea, igituramque antea penduli suspensionem repertam, animadversa linearum cujusdam curvatura, quæ

ad optatam æquabilitatem illi conciliandam mirabili plane ratione est comparata. Quam ubi horologiis adhibuit, tam constans certusque eorum motus evasit, ut post crebra experimenta terra marique facta manifestum jam sit Astronomiæ studiis & Arti Nauticæ plurimum in iis esse præsidii. Tum eam lineam à Geometris nostri ævi Cycloidem appellatam docet, quam defixus in circumferentia currentis rotæ clavus continua circumvolutione in aëre designat. Mox singula quæ hic liber complectitur, exponit; ac tandem iis occurrit qui hujus inventi honorem aut sibi, aut amicis suis post septennium, ex quo hujus automatis descriptionem typis vulgaverat, sibi vendicarunt: cum antea nemo vel dictis vel scriptis hujus mentionem fecerit. Quod enim hoc inventum Galilæo vel ejus filio tribuit hujus horologii inventionem quidam vir eruditus, mirum illud videri posse, idem adeo utilem tot annis ignotam fuisse: nisi forte tam præclarum inventum de industria occultatum fuisse velint. Verum id probatum oportuit, non gratis assertum; atque idipsum quivis alius eodem jure hujus inventionis gloriam sibi vendicabit. Quod si id tentatum fuit à Galilæo, non perfectum, nihil de laude sibi debita detractum iri, cum rem eandem, sed feliciore eventu investigaverit, & ad exitum perduxerit.

Anno 1670 redux ex Anglia tractatum edidi de corporum affectionibus tum manifestis, tum occultis. Hunc exceperunt duo alii Tractatus unus de mente humana & illius functionibus, alter de corpore animato. Hos promotæ per experimenta Philosophiæ specimina inscripsi.

Ac de libris tum editis hæcenus. Prætereo enim elegantem Vitruvii translationem notis & figuris illustratam à D. Perrault his fere temporibus publici juris factam.



SECTIO NONA.

De Rebus Astronomicis quæ annis 1671 & 72. discussæ fuerunt.

Hæcenus præcipuas Academiæ exercitationes prioribus fere suæ originis annis peractas paulo uberius exposuimus. Nunc pressiori stylo quæ acta sunt annis consequentibus decurremus, ne hoc operis prolixius sit quàm volumus. Ab Astronomicis observationibus ducemus exordium.

CAPUT PRIMUM.

De Regio Observatorio.

IN eam præcipuè curam & cogitationem incubuit Mathematicorum cætus, ut Astronomia quantum fieri posset, promoveretur. Eam

ANN. fuisse Regis Christianissimi mentem ut nobilis hæc scientia, quæ abditis
 1671. quidem in rebus versatur, sed publicis commodis, Navigationi imprimis
 & 72 & Geographiæ, imo & Religionis Christianæ propagationi tam utilis judicatur, se imperante, magna caperet incrementa, ac longiùs quàm unquam antea provchereetur. Quod ut perficeret, viros non solum è Gallia in iis disciplinis exercitatissimos selegerat, sed etiam ex nationibus exteris ingenio & eruditione præstantissimos acciverat.

II. Cum autem Astronomia ad illud fastigium, in quo nunc cernitur, per crebras & accuratas observationes pervenerit, neque eæ, ut par est, fieri possint, nisi in loco sideribus observandis idoneo, in quo præsto sint instrumenta exquisitè elaborata: Rex Inviçtissimus jam ante aliquot annos locum huic rei aptissimum in D. Jacobi suburbio designaverat, què editior cum sit, fumis & vaporibus minus obducitur, præsertim ad Meridionalem plagam ubi frequentiores sunt Planetarum observationes, atque ex eo liber & in omnes partes prospectus pater.

III. Ædificium jam ante aliquot annos cœptum, & magnifico opere structum habitari cœpit à D. Cassino Mense Septembri anni 1671. Tum verò Astronomicis observationibus operam dedit, atque Observatorium omni genere instrumentorum instructum fuit. Telescopia variæ longitudinis foris & intus disposita, ex quibus nonnulla ad 60 usque pedes & amplius producuntur.

Nec necesse est singularum hujus Vranoscopii partium inter se & cum ædificio symmetriam aut proportionem describere. Hæc enim figuris meliùs & clariùs quàm verbis exponuntur.

IV. Formam hujus præclari operis D. Perrault in Vitruvii Gallica translatione L. 1. c. 2. exhibuit, & quatuor figuris eam expressit.

V. Hoc ædificium ad 80 pedum altitudinem se tollit, ac tantumdem infra deprimuntur fundamenta, quod suburbium fere totum & circumjectus ager sit altè excavatus: ex iis enim antris lapides scætiles quotidie exciduntur civitatis ædificiis aut construendis, aut instaurandis. Unde in specum subterraneam descensus Observatorii altitudinem æquat: ex imo hujus specus ad summum usque pinnaculum amplum patet foramen certis usibus destinatum: structura totius ædificii ex quadratis complanatis lapidibus sic constat, ut cœmento his devinciendis opus non fuerit.

C A P U T II.

De Observationibus in Dania & Lutetia factis.

I. **Q**uod ante proposuerat D. Picard, iter in Daniam anno 1671. ingressus est, cum instrumentorum quæ necessaria visa sunt apparatu. Quæ ab eo in hac longinqua, sed non multùm diuturna peregrinatione sunt acta, jam diu typis mandata, eo ipso tempore quo hæc scribebamus, sunt publicata.

Anno 1671. mense Julio Lutetia profectus Amstelodamum venit, ubi

cum D. Blaeu de terræ dimensione ab utroque facta collocutus circa unius *Obser-*
 gradus ptoximi terræ circuli mensuram ita inter se convenisse latus acce- *vator.*
 pit, ut discrimen ultra 60 pedes non excuteret. Id quoque commodè
 accidit, ut cum è portu solvisset, & vento Boreali repente exorto prope
 parvam Insulam die 13. Augusti per diem integrum hære coactus esset, Te-
 lescopio Solem per tenues nubeculas fulgentem, & in medio disci nigram
 maculam conspexerit. Ubi Hafniam pervenit, litteras à D. Cassino accep-
 pit, quibus certior factus est eandem maculam à se visam à die 11. ejus-
 dem mensis Augusti, cujus situm in Solis disco, & velocitatem per plu-
 res observationes cum determinasset, non dubitavit Astronomos scripto sta-
 tim edito admonere, ut se se ad ejus exitum à Solis disco observandum
 compararent intra sex, septemve dies; ejusque reditum post peragratum al-
 terum Solis hemisphærium ad 3 Septembris: quod eventus ipse compro-
 bavit: nam eadem die in Orientali Solis margine integra visa est.

Ex primis autem observationibus colligerat diurnum motum Maculæ circa
 Solis axem graduum 13, & tempus periodicæ restitutionis ad Solis centrum
 apparens dierum 27 cum semisse. Cum autem in reditu ad Solis centrum talis
 visa sit revolutio qualis ex precedente apparitione fuerat deducta, placuit D.
 Colbert observatione propria rem ipsam experiri: quod ab eo factum non
 sine voluptate fuit.

II. Sub idem tempus insignem observationem habuit D. Cassini cir-
 ca Saturnum: cum enim ex hypothësis D. Hugens Saturnus rotundus,
 & sine ansis apparere debuisset à mense Julio ad sequentem usque an-
 num, jam ansas deposuisse visus est circa finem Maii ad undecimum us-
 que mensis Augusti ejusdem anni: sed triduo post illum observavit cum
 ansis tenuibus, quibus instructus per anni reliquum perseveravit, ut in fi-
 gura & scripto edito tum demonstravit. Hanc D. Hugenius censuit esse
 interruptionem rotundæ phasis, qua ejus hypothësis posset exactius conte-
 xi, quam fieri potuerit ante has observationes, rotundam phasim reditu-
 ram mense Decembri proximo, ac duraturam usque ad occultatio-
 nem Saturni præ Solis radiis; æstate verò anni insequentis redituras
 ansas eadem forma quam tunc præferebat. Hæc comprobavit eventus: Sa-
 turnus namque qui ad finem mensis Novembris à D. Cassini cum ansis
 est observatus, die 16. Demembris denuo rotundus apparuit.

Observationum quæ à D. Picard, Eustachio Bartholino eximio Mathema-
 tico & Medico, necnon à D. Roëmer factæ sunt, cætere est summa.

III. Primùm Hafniæ situm cum Vraniburgi positione diligentius expen-
 dit D. Picard, Utriusque Meridiani differentiam accensis ignibus cepit,
 quam potuit accuratissimè. Primi satellitis Jovis eclipses quantum per tem-
 pus licuit, ab eo sunt diligenter observatæ, quæ iisdem temporibus cum
 observationibus D. Cassini collatæ Meridianorum Hafniæ, Vraniburgi &
 Lutetiæ differentias præbuerunt.

IV. Atque hoc commodi inde futurum est, quod tabulæ Astronomicæ
 ad Tychonianas observationes elaboratæ Parisiensi Meridiano aptari faciliè
 poterunt, cum recentiores Astronomi tabulas suas ad Meridianum Vrani-
 burgi pertexant, quod Tychonianæ observationes longè sint accuratiôres

ANN. & multò numerosiores quàm aliæ omnes Astronomorum qui ante Tycho-
1672, nem exstiterunt.

& 73. V. Quo autem Tychonianis observationibus, ut certis & indubitatis uti
liceret, id quoque necessarium fuit, ut altitudo Poli & differentia Meridia-
norum accuratè expendenterentur. Utrumque à D. Picard confectum. Poli al-
titudo non ampliùs quàm uno minuto ab ea quam Tycho observaverat,
differre visa est. Sed Meridianorum differentia longè major inventa, quàm
à Tychone fuit definita. Linea quoque meridiana ab eo delineata plus quàm
20 minutis à vera aberrabat.

VI. Complures aliæ ab illo factæ sunt observationes, quas strictim at-
tingere satis fuerit, cum ea sint jam vulgatæ. Quarumdam stellarum, quæ
magis sunt spectabiles, meridianas altitudines cum iis quæ à Tychone sunt
descriptæ, contulit. Ex quibus stellarum motus intra 100 fere annorum spa-
tium confectus definiti potest.

Consimili ratione Meridianæ Solis altitudines quamplurimæ cum Tycho-
nianis comparatæ, ad medium Solis motum, & annum solare dimittien-
dum multum conferre possunt.

VII. Lunæ & Veneris crebræ observationes cum iis ipsiis quas iisdem
temporibus D. Cassini fecit collatæ de Parallaxi utriusque hujus Planetæ
certiùs judicium dabunt.

VIII. Magnetis declinationem non eandem esse Hafniæ & Vranibur-
gì comperit; adeo ut differentia utriusque esset unus gradus.

IX. Quæ sit in ea regione penduli longitudo, ut intra minuti secundi
spatium unam efficiat vibrationem, diligenter expendit: eandem esse Lute-
tiæ & Hafniæ, ac motus pendulorum æquè celeres comprobavit: adeo ut
utrobique pendulum tres pedes & octo lineas longum esse oporteat.

X. Cometem qui mense Aprili anno 1672. apparuit, sæpius observavit,
& iisdem interdum temporibus quæ D. Cassini selegerat.

XI. Postremo Autographa observationum Tychononis, quæ in Germania
ante aliquot annos excusæ sunt, in Galliam asportavit; multa invenit ab iis quæ
editæ sunt dissidentia; ac liber integer iis deest, quæ Typis mandatæ sunt.

Ufus est in observando opera D. Roëmer, qui adhuc juvenis, sed pera-
ctis ingenii, & earum disciplinarum perstudiosus unà cum D. Picard venit in
Galliam, & in Academiam adlectus fuit, de quo identidem verba faciemus.

XII. Interim D. Cassini iis observationibus faciendis vacabat, de quib-
us cum D. Picard convenerat. Eclipses imprimis Jovis satellitum, ut
longitudinum differentia inter Vraniburgum, Parisios, & Insulam v. l. *Cayenne*
dictam, quò jam profectus fuerat D. Richer, perspectæ haberen-
tur. Altitudines itidem Solis meridianas & stellarum observabat, ut differen-
tiæ latitudinum notæ fierent. His enim constitutis Astronomiæ & Geogra-
phiæ quædam fundamenta majore quàm hætenus fide subternuntur.

XIII. Cum D. Picard à Dania rediisset, res domesticæ cum in Pa-
triam, Flexiam nempe, evocarunt. Cum instrumentorum apparatu profec-
tus Juliodunum, vulgo *Londun*, se contulit, ut ipse met exploraret an
D. Bullialdus uno pene gradu in observanda Poli altitudine aberrasset, uti
visum est Ricciolo. Itaque mense Septemb. Lyræ lucidam 51 sec. 2 min. 50 gr.
duni,

Loduni, cum in Observatorio sit 49, 13, 40 supra horizontem elata, invenit, ac differentia est 1, 49, 10; ex stellæ Polaris altitudine 51, 18, 40 in Observatorio, & Loduni 49, 29, 20 differentiam 1, 49, 15, repetit. Cum autem Poli altitudo in Regio Observatorio à refractionibus expurgata sit 48, 50, 10 elvario Poli Loduni est 47, 0, 55, uti conjecerat Ricciolus. Fieri potest ut Bullialdus altitudinem Solis in solstitio æstivo anni 1625, 65 gr. & 29 m. loco 66, 29 scripserit, quod unius gradus errorem induxit. Id sane est miraculo virum eximium, qui adhuc in vivis erat, cum hæc scriberemus, sed paucis abhinc annis diem suum obiit, jam tum temporis inter præcipuos suæ ætatis Astronomos floruisse.

XII. Die 29. Sept. in oppido Provinciæ Andegavensis Belloforti nomine, Martem in meridiano una cum stellula è tribus quæ à Bayero littera Ψ designantur, in Aquario observavit D. Picard, diameter illius 25 sec. visa est, mense ab oppositione exacto, in qua 30 sec. apparuerat. Ex hac, observatione cum alia, quæ eodem tempore à D. Richer facta est Cayennæ colligit D. Picard fere insensibilem fuisse Martis parallaxim, tamen si longè tum is esset terræ propior, quam Sol ipse. Atque ut ipse in editis observationibus annotat, si quam haberet valde sensibilem parallaxim, eam tum prodidisset. Atque his D. Cassini assentitur, qui eam paulo minore esse diametro apparenti hujus planetæ ex suis observationibus compererat.

XIII. Circa idem tempus D. Cassini de profectione sua in Provinciam, & extremas Galliæ oras cogitabat, quò cum sua vocabant negotia. Sed antequam proficisceretur, cum Mars eo loco esset, ubi ejus parallaxis, si quæ esset sensibilis, facilius deprehendi poterat, observationes plurimas fecit unâ cum D. Roëmer, de quibus convenerat inter eum & D. Richer, qui tum debebat Cayennæ. Jam ex innumeris observationibus illi compertum erat Martem & alios Planetas 17 aut 18 vicibus à terra longiùs distare, quàm superioris ætatis scriptores statuerint. Sed huic occasione deesse noluit, simul ut quasdam observationes ad Geographiam spectantes in ipso itinere perficeret D. Du Vivier qui in Galliæ charta delineanda juxta Academiæ præscriptum erat occupatus, unâ secum duxit.

XIV. Martis Parallaxim ex meridianis altitudinibus Martis & fixæ ipsi proximæ investigavit D. Cassini, quas in elementis Astronomicis comparat cum iis quæ à D. Richer Cayennæ eodem tempore sunt factæ. Ex observationibus dierum 4 & 5. Septembris utrobique habitis inter parallelos horum locorum parallaxim deducit secundum 12, ex observationibus dierum 8 & 9 Septembris secundum 13, ex iis quæ 23 & 24 Septembris habitæ sunt sec. 17, & ex hac parallaxi supposita secundum 15 parallaxim horizontalem in ea distantia à terra inito calculo colligit secundum 25.

Cum hujusmodi observationes iter faciens continuaret, die prima Octobris vespere in oppido Charitatis ad Ligerim observavit altitudinem meridianam Martis eo ipso tempore quo ab ejus disco occultabatur fixa in aqua Aquarii sita, quam hora 2, 45 matutina ejus diei viderat Briatii distantem adhuc à Marte minutis sex, adeo lumine imminutam, ut oculis aut Tele-

ANN. copio minore pedibus 3 distingui non posset. Hanc conjunctionem obser-
 1672, vatam pariter à D. Picard Brione, à D. Roëmer Parisiis accuratè expen-
 & 73. dit in observationibus editis, quas comparat cum observatione Cayennensi
 Martis eodem die habita à D. Richer; ex hac comparatione nullam sensibilem colligit ejus Planetæ parallaxim ex his duobus locis, sed sensibilem eam deducit ex differentia transitus hujus stellæ & Martis intervallo horarum 7 cum semisse observatæ à D. Picard & cum variatione ejus diurna comparata, in Elementis Astronomicis parallaxim infert satis sensibilem.

Imbecillitas autem luminis hujus stellæ matutino tempore à se observata, quamque post ejus conjunctionem cum Marte observavit D. Roëmer Parisiis, ubi cælo sereno fruebatur, haud levem suspicionem injecit Atmosphæræ ejusdem Martem ipsum latè ambientis. Nec enim stella ipsa ulla ratione distingui potuit magno Telescopio, antequam à Marte duabus tertii ejus diametri recessisset, licet stellæ ejusdem magnitudinis in ipso Lunæ contactu clarè perspiciantur. Quin etiam ejusdem stellæ distantia à circumstantibus sensibilibus variare visa est, ut ex comparatione observationum in iisdem elementis facta ostenditur.

XV. Poli altitudinem in plerisque locis, per quæ iter fecit D. Cassini exploravit.

Cum ad Montem B. Mariæ, vulgo *Nôtre - Dame de la Garde*, pervenisset, ope quadrantis circuli varias horizontis maris, è diversâ altitudine montis visi, depressiones observavit, ac differentias quæ inter apparentes, & eas quæ ex inito calculo esse debuerunt, quæque ex refractionibus oriuntur, accuratè annotavit: ut videre est in collectione observationum Astronomicarum quæ nuper sunt Typis Regiis editæ.

XVI. Eodem in loco quædam circa hydrargyri in Barometro suspensionem experimenta fecit: ad pedem montis hydrargyrus 27 pollicum ascenderat, cum Barometrum in montem translatum esset, ad 1070 pedum altitudinem, descendit hydrargyrus 16 lineas $4\frac{1}{2}$: adeo ut unicuique lineæ 65 pedes respondeant, uti fere in Observatorio sæpius fuit probatum. Quod si descensus hydrargyri pro ratione altitudinis augetur, 28 pollices suspensi hydrargyri in radice montis ad nihilum redigerentur in altitudine 3668 hexapedarum. At si aer rarior est, quo sublimior, in parte superiori majore opus est altitudine ut hydrargyrus unius lineæ spatium decurrat, quàm in parte inferiore; atque adeo aeris altitudo longè major futura est, quàm 3668 hexapedarum.

XVII. Quæ ante aliquot annos ab eo deprehensa fuerat spectabilis in Jove macula, quæque jampridem evanuerat, iterum sui copiam fecit. Ex crebris observationibus, quod ante jam statuerat D. Cassini, id iterum comprobavit, Jovem nimirum circa suum centrum spatio 9 horarum & 36 scrupulorum revolvi.

Hanc mense Januario maculam reducem vidit, eamque paucis post diebus D. D. Buot & Mariotte exhibuit, ejus Periodos admodum æquabiles & longitudinibus locorum indagandis satis accommodatas putat.

XVIII. Cum autem nihil magis Astronomicas observationes conturbet quàm

refractiones, has intentiori animo in Regio Observatorio examinandas existimavit D. Cassini. Ac primum illud advertit non satis diligenter ab Astro-
nomi-
ca.
 nomis esse perpenſa quæ his definiendis erant necessaria: quod ex diversis
 observationibus quæ variis in locis supra maris planitiem variè sublati factæ
 fuerant, nullo discrimine ipsas quasi ubique locorum eadem essent, refractiones
 deduxerint: Tycho inter alios tabulas refractionum partim ex observationibus
 factis Vraniburgi maris litoris finitimi, partim ex iis quæ in excelso quodam
 Bohemiæ castello habitæ sunt, procul à mari distito perrexit: cum tamen situs
 locorum diversæ altitudinis à mari refractiones plurimum inter se dissidentes
 inducant, adeo ut aliquot hexapedarum discrimen in altitudine loci observationis
 sensibilem afferat differentiam in minoribus Solis & Stellarum altitudinibus.
 Quare ad refractionum tabulam penes diversas altitudines Observatoris ritè faciendam, Observatorii Regii
 supra maris planitiem elevationem explorandam proposuit D. Cassini. Qui
 etiam hanc suscepit Provinciam, ut tabulam constitueret, qua diversitas
 refractionum ad statas à maris superficie elevationes ex observationibus in
 uno loco factis determinaret, quantum fert aëris refringentis in diversis locis
 consistentia.

CAPUT III.

De Observationibus in America factis.

I. **C**Um promovendæ Astronomiæ illud perutile judicasset Academia, *Obser.*
 mittere in eas Americæ partes quæ Lineæ æquinoctiali sunt fini- *Ameri-*
 timæ, virum observandi peritum & exercitatum. Huic rei perficiendæ se- *cane.*
 legit D. Richer ejusdem Academiæ socium, qui jussu Ludovici Magni profectus
 est mense Octobri anno 1671, ac Rupella solvens mense Januario anni 1672
 mense Aprili Cayennam, quò missus fuerat, pervenit.

II. Primum ille utrumque Solstitium æstivum & hibernum anno 1672
 diligenter observavit aliquot ante & post utrumque diebus. Quod in Europa
 vix fieri potuit eadem evidentiâ, ob eas quæ incurrunt refractiones, quæque
 sunt exiguæ in ea Insula. Nam Solis altitudo meridiana nunquam minor est
 61 gradibus: cum Lutetiæ in solstitio hiemali minor sit 18. grad.

Ex iis observationibus D. Cassini in Elementis Astronomicis Typis Regiis
 postea editis apparentem tropicorum distantiam eruit 46, 57, 4, quam ipse
 ex sua refractionum & parallaxium tabula minorem esse vera distantia
 45 secundis supputat. Ex quo vera Tropicorum distantia 46, 57, 49, quam
 ipse olim ex observationibus Bononiæ habitis, & per refractionem & parallaxes
 correctis, in Ephemeridibus anni 1661 à Marchione Malvasia editis
 definierat grad. 46, 58, 0: adeo ut Eclipticæ declinatio per Cayennenses
 observationes refractione correctas sit grad. 23, 28, 55, quam ipse ex
 observationibus Bononiensibus definierat grad. 23, 29, 0, sola 5 secundorum
 differentia: cum Tychonici illam statuissent gr. 23, 15, 30.

ANN. Latitudo autem apparens ejus Insulæ eruitur ex solstitialibus observatio-
1672, nibus gr. 4, 56, 12, vera autem per refractionem correctæ à D. Cassi-
& 73, ni, gr. 4, 56, 17, 2.

Vetum ex maxima & minima altitudine Stellæ polaris itidem observata
altitudo Poli apparens colligitur gr. 5, 7, 0, excedens altitudinem appa-
rentem ex solstitialibus deductam 10 min. 48. secund, quod procul du-
bio differentię refractionis, quæ perexigua est prope verticem, magna
prope horizontem, tribuendum est.

Permultas autem observavit fixarum altitudines meridianas, quæ compa-
ratæ cum Poli altitudine earum exhibent declinationem. Quin etiam tem-
pus transitus ipsarum per Meridianum singulis diebus annotavit, ut loco
Solis possent inter se comparati, & exinde ipsarum ascensiones rectæ de-
duci.

Solis eclipsim Cayennæ observavit D. Richer die 22. Augusti anno 1672.
ejus initium fuit h. 2. 32. m. $\frac{1}{2}$. finis h. 4. 37. m.

Eadem eclipsis à D. Cassini Parisiis fuit observata. Initium fuit h. 5.
38. min. 37. sec. Hora vero sexta 8. m. 34. sec. Solis cornua visa sunt
horizontalia; magnitudo eclipsis fuit 8. m. Facta projectione paralleli Pari-
siensis in Lunari orbe juxta methodum Academiæ olim ab eo expositam
invenit veram Lunæ latitudinem minuto uno cum semisse minorem quàm
tabulæ Rudolphinæ eam exhibeant.

Postea certior factus per litteras eandem eclipsim Cayennæ à D. Richer
fuisse observatam, ejusque initium, & finem prædictis conigisse temporibus,
projectioni delineatæ addidit parallelum Cayennensem, in quo horas
quibus duæ phasæ à D. Richer sunt observatæ; eandem insistentem metho-
dum invenit in Lunari orbita puncta duo in quibus Lunæ centrum versa-
batur, cum duæ phasæ visæ sunt, sumptisque temporibus Lutetiæ præ-
notatis, & cum Cayennensibus comparatis, differentia inter horas utrobique
in iis punctis numeratas inventa est 3. h. 42. m. major aliquot minutis Me-
ridianorum differentia aliis quæsitæ modis.

Nova autem illa methodo uti solet D. Cassinus, cum Solares eclipses ex-
primit per projectionem opticam parallelorum & Meridianorum terræ in
parte orbis Lunaris Solem inter & Lunam interposita. Hanc methodum
anno 1670 Academiæ proposuerat. Complura exhibuit schemata eclipsium
Solis quæ ab ipso sunt observatæ, & ea methodo delineatæ ad varios usus
Astronomicos, ac præsertim ad parallaxes, & Meridianorum differentias in-
veniendas.

Constat illud quidem in hac orbis Lunaris parte quæ inter Solem & Lu-
nam interponitur, diversis dici horis diversas superficiei terræ partes quasi
delineari, easque ob diurnam revolutionem diversis horis successivè Soli
exponi, atque adeo eundem terræ locum, cujus imago in orbe Lunæ ex-
primitur, per diurnam revolutionem in hac projectione mutare situm, ac
varia terræ loca id diversimodè efficere pro distantia à terræ Polis ratione,
qui soli per diurnam revolutionem situm non mutant in hac telluris pro-
jectione. Radius portio visualis à quovis terræ superficiei puncto ad cen-
trum Solis perductus, & per diurnam revolutionem translatus describit in

ipsa terræ specie, quæ in orbe Lunæ exprimitur, lineam quæ loci parallelum repræsentat: verum præclarum hoc inventum longius nos abduceret, ac methodus illa usu facilius, quam præceptis discitur. Ea utuntur Patres societatis in Sinenſi regno, quam ante disceſſum è Gallia à D. Caſſino acceperant, Imperatori tradiderunt. *Obſervat. Americ.*

2. Solem in utroque Æquinoctio, autumnali nimirum anni 1672, & verno anni 1673 obſervavit. Hinc temporis momentum quo centum Solis Æquatori ſuberat, & quantum temporis in ſignis Auſtralibus Sol commoratur, ab eo concluſum fuit, idque exiſtimat in Europa ram certo haberi vix poſſe, ob multo majores reſractiones. In elementis Aſtronicis, Æquinoctium autumnale anno 1672 die 22 Septembris hora 4 matutina, 16 min. Vernale anni 1673 die 19 Martii hora 9, 38 m. poſt meridiem ratione habita perexiguæ reſractionis & parallaxis ex iſſdem colligit obſervationibus D. Caſſinus: adeo ut jam exploratum ſit quanto temporis ſpatio Sol diutius in ſignis Borealibus verſetur quam in Auſtralibus: idque tabulæ Tychoſianæ 11 horis majus quam par ſit definiunt. Hinc motûs Solis Epochæ certior ſtatuî poſteſt, cum Sol 5 tantum gradibus diſtans à vertice perparvæ reſractioni tum fuerit obnoxius.

3. Altitudines Solis meridianæ ſingulis diebus obſervatæ à menſe Junio anni 1672 uſque ad Maium anni 1673 perexiguïs reſractionibus obnoxie motui Solis conſtituendo, & tabulis Aſtronicis conſciendis certiores, quam quæ hætenus prodierunt, regulas ſuppeditare poſſunt.

4. Quæ circa Martem factæ ſunt obſervationes cum iis collatæ quæ in Regio Obſervatorio ex condiçto ſunt peractæ, quando Mars terræ fuit proximus, illud confirmant perexiguam eſſe hujus planetæ parallaxim ſenſibilem, eſſi tum temporis longè eſſe terræ vicinior Sole. Et tamen juxta hypotheſes complurium Aſtronomorum parallaxim Martis non minorem 7 aut 8 minutis eſſe oporteret.

5. Idem de Venere ſtatuendum, cujus inſenſibilem penè eſſe parallaxim obſervationes in ea Inſula cum aliis Lutetiæ factis collatæ perſuadent.

6. Sed ex crebris obſervationibus illud compertum fuit, Lunam terræ fatiſ eſſe vicinam, ut diſtantia Lutetiam inter & Cayennam ſit ſenſibilis, & baſis loco ſit diſtantie Lunæ dimetiendæ idonea. Quæ ratio ejus inveniendæ diſtantie licet admodum opportuna nondum antea fuerat uſurpata.

7. Complures & ſingulares circa Mercurium factæ ſunt obſervationes, quæque Lutetiæ fieri non potuerunt: magno illæ uſui eſſe poſſunt tabulis hujus planetæ inſtaurandis.

8. Eclipſis Lunæ menſe Septembri anni 1672, Eclipſes itidem ſatellitum Jovis utrobique ſimul viſæ meridianorum utriuſque loci differentiam præberant horarum 3, 28 min. 30 ſec. Quæ in gradus reducta 52 & 7 efficiunt. Quod & Aſtronomiæ & Navigationi utile futurum eſt, ut obſervationes utrobique factæ concilientur, & tabulæ Hydrographicæ comprobentur.

9. Magnam ſtellarum multitudinem in Auſtrali cœli plaga quæ in Gallia videri non poſſunt, quæque antea rudiori penicillo in globo designatæ erant ex nautarum obſervationibus, nunc licet accuratius in cœleſti globo delineatæ.

ANN. 10. Elevatio poli ejus Insulæ per stellas fixas, per altitudines Solis meridianas, ac demum per maximam & minimam stellæ polaris altitudinem indagata manifesto ostendit refractiones multo altius quam veteribus Astronomis visum fuit, astra attollere: adeo ut poli altitudines ex stella polari deductas corrigere omnino necessarium videatur, cum ejus meridianæ altitudines à refractionibus liberæ non sint.

11. Pendulorum quæ intra minutum secundum excursions suas peragunt, longitudo in ea Americæ regione brevior una linea cum quadrante comperta est: ita ut horologium Parisiis exquisitè elaboratum & in Cayennam translatum singulis diebus tardius duobus minutis moveretur. Quod utique locum aperit curiosis nec inutilibus inquisitionibus. De Physicis experimentis in ea Insula factis idoneo loco dicemus.

Anno 1671 exeunte mense Octobri & ineunte Novembri satelles Saturni, qui inventione secundus, sed ordine quintus dici debet, à D. Cassino in maxima à Saturni globo digressionem primum fuit observatus. Mox evanuit, nec videri potuit, nisi circa medium Decembris anni 1672. Rursum se oculis subduxit donec sub initium Februarii anni 1673 per dies 13 visus est 10 diametris annuli eum semisse à centro Saturni distare, & periodum suam circa Saturnum intra 80 dies conficere postea compertum est. Nec se videndum præbet nisi in Occidentali à Saturni globo digressionem. Nam luminis incrementa sumit & decrementa, adeo ut oculorum aciem effugiat in digressionem Orientalem, sub aspectum veniat in digressionem Occidentalem. Cum die 13 Decembris anni 1672 reperti satellitis qui se visui subduxerat vestigia quæreret D. Cassini, alium invenit satellitem Saturno propiorem, quem observationibus deinceps ad finem Januarii habitis, deprehendit suam circa Saturnum revolutionem absolvere diebus 4 cum semisse, & in maxima digressionem ab ejus centro tribus semidiametris annuli cum quadrante distare, ut in libro de his duobus satellitibus Regi dicato anno 1673 ab eo expositum fuit.



SECTIO DECIMA.

De Physicis laboribus.

Quæ secuta sunt proximo triennio Physica experimenta, magna ex parte typis mandata & publici juris facta sunt. Hinc pleraque ex iis operam nostram non desiderant; nec necesse est illa separatim pertractare & suis quæque temporibus dividere. Hæc enim D. D. Perrault & Mariotte in primis suis tentaminibus Physicis, D. Du Clos in Tractatu de aquis mineralibus, tradidere. At silentio prætermittere non licet quæ circa rem herbariam, aut Botanicam prodire in publicum.

CAPUT PRIMUM.

De Historia plantarum prodromo.

I. **C**um Academia in id maximè incumbendum sibi proposuerit, ut accuratam stirpium historiam pertexeret, & earum præsertim quæ scriptorum diligentiam effugerunt; quæ ad hanc rem optima videretur methodus, diu multumque est disceptatum. D. Dodart idemmodum appellatus, ut ea de re sententiam suam & meditationes expromeret, quam insistere viam oporteret, jam ante scriptis tradiderat, quæ cum D. D. Perroult, Du Clos & Borel sunt communicata; quid singulis videretur, quidve adjiciendum aut demendum existimarent, suis ad singulos articulos notis aperuerunt. His sigillatim lectis & excussis id visum est exequi quod extra omnem controversiam positum erat.

II. In eo autem consensum est, Auctores pene omnes cum veteres, tum recentiores, qui in eo versati sunt argumento, legi oportere, ut quæ ab iis scripta sunt, diligenter expendere atque ut controversiæ inter recentiores excitatæ de veterum intellectu, quantum fieri posset, dirimerentur. Id laboris D. D. Dodart & Marchant susceperunt, ac de iis rebus sæpè inter se contulerunt, si fortè quæ in veteribus obscuriora videbantur, explanari possent.

In eo quoque omnes consensere ut D. Bourdelin inceptam plantarum analysim indefinenter proficeretur. Hic liquores è plantis per distillationem extractos, sales itidem & terras palam exhibuit. Quæ omnia variis sunt experimentis probata, ut eorum natura & qualitates quantum fieri posset innotescerent.

Hæc utique & alia hujus generis plurima in peculiari tractatu Regiis Typis postea excuso, seu in prodromo ad plantarum historiam luculenter & accurate exposuit D. Dodart, ubi ideam & quasi formam totius operis exhibuit.

III. Primum quidem in præfatione rectè admonet id non fugere Academiam quam arduum opus susceperit, cum naturam & stirpium historiam tradere aggressa est; rem à Philosophis omnium sæculorum tentatam, quæque in summorum Principum deliciis fuit. Hi quippe magnis sumptibus & impendiis studium tam laudabile explere non dubitarunt: adeo ut difficillimum videatur quicquam tam præclaris operibus adjicere, aut rem perficere quæ communi hominum expectationi, & Regis Inviictissimi gloriæ respondeat. Nec tamen despondere animum, cum ea considerat quæ summi principis liberalitate ac munificentia suppeditat præsidia, quibus nova quædam & antea nunquam usurpata initur ratio tam operosi laboris perficiendi.

IV. Illud inficiari neminem posse quin postremis his duobus sæculis viri docti, qui in hoc argumento versati sunt, summa cura difficiles veterum locos explanare & naturalem historiam magna plantarum multitudine

ANN. illustrare conati fuerint. Sed tamen illud quoque fatendum est permulta
1672. in ea quam tradiderunt stirpium historia desiderari ; complura ab iis defi-
& 73. nita ex incertis conjecturis , alia in ambiguo relicta , non propriis , sed
eorum qui præcesserunt observationibus subnixi exteriores tantum planta-
rum , quas huic historiæ addiderunt , figuras utcumque delineare contenti ;
quotidie novas detegi , atque earum quas habemus perspectas cognitioni mul-
ta addi posse. Nec tamen id vitio dandum scriptoribus , quod rem tam latè
fusam penitus non exhauferint : magna iis contra habenda est gratia , quod
effecerint ut quingentas aut sexcentas plantas à veteribus descriptas aliqua
ex parte cognitās haberemus , his quinquies mille & amplius adjecerint.
Quod deest huic cognitioni , majus quiddam est quàm ut privati homines
illud explere possint : sed intento & acri studio in id enitendum , ut quan-
tum fieri potest , præclara hæc scientia promoveatur.

V. Tum quousque res provecta fuerit , quidve in ea perficienda con-
silio habuerit Academia , distinctè prosequitur , ac subinde quæ ad planta-
rum descriptiones , figuras , cultum & vires spectant , sigillatim explicat ,
quæ in laudato prodromo legi possunt : in quo descriptiones & figuræ 40
plantarum sunt expressæ. Sed opus illud in magnum postea excrevit volu-
men , quod brevi , ut speramus , publici juris fiet.

VI. Illud optandum ait ut unaquæque planta sic describeretur , ut cum
aliis jam cognitis confundi non posset : quod quidem efficitur , ubi plures
ejus circumstantiæ notantur. Vix enim contingit ut tot peculiare notæ in
aliis itidem occurrant : atque ea ratione tot dubia quæ nimia inducit bre-
vitas , vitari possunt.

VII. Cum stirpium partes , propagines , satus , radices suis fibris nixæ,
incrementa accuratius indagantur , ex illa anatome quæ ad earum vegeta-
tionem & nutritionem pertinent , simul inquiruntur. Cum ex. gr. fibrarum
contextum in plerisque foliis conspicimus , tum illa subit animum cogita-
tio an fibræ illæ sint cavæ , atque ex iis aliæ arteriarum , venarum aliæ
vices obeant ; an sint tantummodo velut nervuli , quibus folii cujusque
parenchyma , aut caro interfusa , colligata & conclusa teneatur ; utrum
succus ille coloratus qui è lacteis quibusdam plantis effluit , è fibris ipsis ,
an potius ex fibrarum intervallis exeat ; utrum pili qui foliis insistant , sint
cavi & nutritioni serviant ut visum est D. Mariotæ.

VIII. Nec tamen necesse erit quæ observantur omnia mandare lit-
teris , id enim longum esset & molestum. Satis id fuerit quasdam cir-
cumstantias subicere , quæ sensibiles differentias suppleant , si forte desue-
rint ; atque ubi peculiaris apparet naturæ industria , hanc notare ; ac de-
mum quicquid ad partium usus cognoscendos conferre potest , quo usus jam
recepti aut confirmetur , aut resellantur , inserere.

Nihil quoque opus est de figuris plantarum arte incisis , aut de iis quæ
circa earum cultum sunt observata differere.

CAPUT II.

De plantarum viribus indagandis.

I. QUæ circa illarum vires ab Auctoribus memoriæ prodita sunt, longè utilissimum foret serio examini subicere, quæ vera sunt, experimentis confirmare, falsa refellere, confusa distinguere, quæ demum certa sunt, ab incertis aut dubiis secernere, nihil temere affirmare. Quæ omnia cautè & circumspèctè sunt dijudicanda: habenda enim est ratio & temporis & regionis. Nam fieri interdum potest, ut plantæ ex Asia & Græcia in has regiones asportatæ eosdem effectus in Gallia, atque in illis provinciis non procreent, quod aliud sit vivendi genus in diversis regionibus, aliæ stirpium vires. Illud quoque potuit contingere ut præparandi modos veteres silentio prætermiserint.

II. Quæ dubia sunt in humanis corporibus experiri non licet, cum res ipsa periculo non vacet: sed ubi omne abest periculum, non erit inutile multa à veteribus tradita experiri; an v. gr. radice pæonia, aut visco quercino Epilepsiæ paroxysmi sistantur. De aliis vero, in quibus periculosa est experientia, ut de purgantibus, narcoticis & aliis similibus caute & circumspèctè agendum.

Unum illud restat ut periti Medici iis de rebus variis in locis consulantur & quid experientia compertum habeant, ab iis edoceamur; aut certè in brutis ea sunt facienda experimenta: tamen si non dubitamus eandem non esse brutorum atque hominum rationem, cum de stirpium viribus agitur.

Sed neque illud inutile futurum est plantarum dotes habita artium ratione experiri, aut novas detegere quæ insectoribus pictoribus, & aliis prout artificibus.

III. Plantarum vires ex temperamentis & saporibus potissimum cognosci veteres judicarunt. Galenus iis interdum addit partium subtilitatem, aut crassitiam & præcipuam aliquando earum causam affert, quandam substantiæ proprietatem, cujus ideam claram & distinctam nullam habuit.

IV. Illud nobis vix sperare licet fore ut plantarum vires per causas suas habeamus exploratas; ac difficillimum esset plantas in seipsis cognoscere. Nam ut nihil aliud esset in rerum natura præter materiam & generales illius affectiones, meatus quoque aut plenos aut inanes, ac nullæ essent distinctæ qualitates earum proprietatum, nec formæ ab iis qualitatibus secretæ, ut visum est plerisque Philosophis cum veteribus, tum recentioribus: proxima tamen tum uniuscujusque plantæ, tum rei in quam vim suam exerit, principia, atque horum figuras, moles, motus, connexiones cum causis generalibus cognosci oporteret, ut per causas suas plantarum dotes perspectæ haberentur. Quæ omnia magis sunt involuta quam ut scientia comprehendi queant: adco ut ex iis nihil ferè præter concertationes & leves conjecturas eruamus.

ANN. IV. Sed neque ex ipsis effectibus ex vires dignosci faciliè possunt, nisi
 1672. materia ipsa in quam agunt, cujusmodi est corpus humanum, aut saltem
 & 73. ejus naturalis constitutio & morborum natura sit explorata.

Quod utique valde obscurum est: adeo ut solis conjecturis locus relictus videatur, quæ forent ex analysi stirpium ritè instituta & ex effectis certiori experientia firmatis majorem lucem accipient.

V. Ex Analysis enim plantarum ritè facti, quid in iis potissimum dominetur, quid habeant cum aliis commune, in quibus inter se dissideant, conjecturis saltem assequemur. Huic rei in Academia plurimum studii & operæ datum est. Quousque hic labor pervenerit, quid utilitatis hinc sperari possit D. Dodart in ea dissertatione diligenter persequitur.

Sed de analysis jam supra diximus, ac subinde monuimus, qua ratione varii liquores ex iis fuerint extracti Qui cum manifesto sapore præditi sunt, spirituosus appellantur. Interdum spiritus sulphurei, qui sapore quodam acriori donantur, primum exeunt: sed hoc peritæo evenit; phlegma penè insipidum & copiosum plerumque ante omnia stillare solet, tum spiritus acidi, mixti, utinosi & nonnumquam cum acidis permisti; sales deinde volatiles, tum olea nigra & fætida ex ordine eliciuntur; tandem sal aut lixivialis, aut salini saporis è cineribus educitur. Sal ut sæpè dictum est, plerumque sulphureus est aut acidus; ille cum sulphureis, ut cum oleo & pinguedine facilius commiscetur. Qui aut fixus est, ut sal è cineribus extractus, aut volatilis, qualem urina, sanguis, cornua & partes quæque animalium suppeditant. Cum liquor sensum caloris linguæ imprimat, tum spiritus acer vocitatur; cum sapor ille est vehementior, urinotus dici solet; mixtus ex sulphureo & acido componitur.

Non ex omnibus plantis hæ omnes substantiæ prodierunt. E paucis spiritus ille acerrimus eductus fuit, ut ex elleboro & elleborastro.

VI. Liquores omnes aquei, qui scilicet cum aqua faciliè commiscuntur, aut sunt insipidi, aut acidi, aut sulphurei, aut utinosi, aut mixti. Præcipuè eorum affectiones saporibus continentur, qui confusè tantum solo gustatu judicantur. Unde alia fuerunt adhibenda criteria quibus sapores eorum pene insensibiles judicari possint: de iis jam supra egimus.

VII. Inter eos qui manifestè se produnt sapores, nulli heliotropii solutionem rubeo colore tingunt, præter acidos, nulli sublimati solutioni lacteum colorem conciliant præter sulphureos. Ac si qui actiores aut utinosi heliotropii succum rubeo colore suffundunt, ii quidem non omni sale acido carent: nam salis sulphurei additione natus & ærulus heliotropii color redit, dum sal ille quod acidum est in liquore, deprimat.


Ubi Liquor sulphureus debilior est, pallidum colorem sublimati solutioni impertit; acrior lacteo colore eam tingit & sensum præcipitem dat: sed ubi mulum viget, tum repentinam inducit præcipitationem. Nec scire id criterium fallit, etiamsi perparvam liquoris sulphurei partem admisceas.

Spiritus urinosus cum admodum debilis est, aliquot bullas æreas in spiritu salis excitat; vegetior majorem agitationem & quasi strepitum quemdam inducit: sed qui sulphureo & volatili sale abundat, una cum salis spiritu statim effervesceat. Plura in hanc rem vir clariss. in laudato opusculo

tradit, nosque in parte secunda Physices veteris & novæ tract. 3. c. 5. ex *Hist.*
eo loco nonnulla subiecit quæ ad analysim plantarum spectant, quæque *Anim.*
nunc retexere supervacaneum foret.

VIII. Quæ circa vires plantarum ex eodem Auctore à nobis excerpta sunt c. 6. regetere nihil quoque opus est: unum tantum aut alterum monuisse satis fuerit. Primum contendit plantarum analysim, ut earum vires utcumque cognitæ habeamus; neque tamen illud ex sola resolutione sperare licet, cum eadem vis non insit plantæ integræ, quæ ejusdem in partes dissolutæ. Nam eæ vires aut facultates ex structura & configuratione partium, & ex mechanica earum dispositione magna ex parte pendunt.

2. Qui præcipua rerum principia ad acidum & alkali referunt, ii multa quidem hæc opinionis argumenta ex analysi plantarum possunt depromere. Nam hæc sunt velut duo extrema rerum principia, quæ se se mutuo retundunt & temperant; eaque esse utriusque fermentationis causas prin ipes, tum ejus quæ naturalis est, & ad maturitatem tendit, tum etiam illius quæ in corruptionem desinit, non abhorret à verosimili. Imo sale a rto humores coagulari, sulphureo aut alkali fundi multis experimentis supra ostendimus. Quæ tamen ea cautione quam D. Dodart adhibet, sunt accipienda: neque enim id omne quod sulphureum est, cum quovis acido consociatur; & quæ tam sulphurea coagulant, ut acida nonnulla humores fundunt aut coagulationem acent; neque omnium acidorum aut sulphureorum eadem est natura, sed de iis tantum; plura in hanc rem nec inuita nec injucunda subiecit D. Dodart; nosque nonnulla circa analysim & vires plantarum loco citato attulimus, simul & iis quæ D. Mariotte opponebat, respondere conati sumus.



SECTIO UNDECIMA.

De Historia Anatomica quorundam animalium.

HOC triennio & annis superioribus 1670, ac 71 animalia, quorum descriptio paulo post typis regis est excusa, omnibus coram disiecta sunt, à Domino Perrault primum delineata, tum eorum historia anatomica in eum ordinem qui extat, digesta, & in Academiâ perfecta.

CAPUT PRIMUM.

De Historia animalium generatim.

I. **J**Am anno 1669 quorundam animalium historia Anatomica vulgata fuerat instar speciminis alicujus, sed ea fuerunt numero perpaucæ,

ANN. neque ea forma in lucem prodiit, quam susceptum opus exigebat. Quam
 1672. mobrem id Academiæ propositum fuit historiam animalium anatomi-
 & 73. cam sic persequi, ut ad partes interiores magis quam ad exteriores
 animum intenderet: contra atque ab omnibus qui in hoc argumento ver-
 sati sunt, cum veteribus, tum recentioribus factum est, quibus ea po-
 tissimum cura fuit ut animalia, quorum historiam tradidere, ad certa ge-
 nera revocarent, atque ex partium quarundam externarum conformatione
 aut ex nativis proprietatibus certas species constituerent: idque partim ex
 suis, partim ex alienis quæ persæpe fallunt, observationibus. Non enim à mer-
 catoribus aut militibus qui varias obeunt regiones, ea expectanda est diligentia,
 aut iudicii perspicacia quæ singulares res animalium proprietates vel notas,
 quibus ab aliis fecerni possint, ut par est, observent. Formas eorum singu-
 lates illustrandis suis relationibus referre contenti, de scribenda paulo ac-
 curatiori animalium historia non admodum sunt solliciti. Neque ii videntur
 quibus fides facile habenda sit, cum in multis fallant, aut fallantur, quan-
 tumvis interdum asseverent se non alia esse quam quæ oculis suis usur-
 parunt, quæque ab aliis tradita sunt, falsi condemnent, nec aliud quid-
 dam quàm omnium penè narrationum fidem suspectam & dubiam red-
 dunt: quique bona fide aliorum diligentiam & fidem infirmant, suam ipsi
 non satis firmis testimoniis adstruunt.

II. Quare his commentariis eò major videtur habenda fides, quod non
 unius alicujus qui anticipatis opinionibus suis facile potest indulgere, qui-
 que interdum non tam res ipsas, quam sui ingenii fœtus considerat, sed
 ea tradunt quæ multorum oculis subjecta & diligenter sunt excussa ab
 iis quibus nec oculi ad videndum, nec manus ad inveniendum defunt, qui-
 que non tam cupidi sunt res novas inveniendi, quam quæ inventæ sunt
 velut ad incudem revocandi: adeo ut si forte interdum evenierit ut eos
 aliqua fefellerit observatio, id ipsum non minori lucto apponant, quam si
 novum quiddam ab iis repertum fuisset. Non enim tanti est falsæ cujusdam
 gloriolæ aucupatio, quam ingeniosæ illusionis successus extorquere posset,
 ut transversos agat homines veritatis amantes; ea laus in plures divisa per-
 parum afferre potest momenti, cum ab aliis nova proponantur, alii certo
 iudicio proposita perpendant, atque omnes in hujus laudis partem veniant.
 Accedit etiam nonnullæ æmulationis inter Philosophos satis usi a quiddam
 stimulus, quo cura & studium acui solet, ita ut libera sint omnium iudicia,
 neque ullus sit assentationi locus.

III. Etsi præcipuum Academiæ studium in id collatum fuit ut partes
 animalium interiores perspectæ essent (hoc enim maxime historici naturali
 deesse videbatur) quæ tamen ad exteriorem eorum formam spectant, præ-
 termissa non oportuit, ut partium omnium inter se nexus & usus habeantur
 explorari. Quod si interdum controversias inter Auctores motas de va-
 riis animalium nominibus quæ veteres tradiderunt, an plura & diversa
 iisdem vocibus designata fuerint, aut vicissim plura vocabula iisdem ani-
 mantibus indita sint, attingere necess. fuit, id obiter factum est. Acque id
 unum præcipue curæ fuit, ut descriptiones nudæ & simplices citra orna-
 tum ullum traderentur, quæ res ipsas ut visæ sunt, ita exhiberent, ferè

ut specula quæ nihil sui admiscunt imaginibus. Quod si fortè quædam his *Histo-*
 additæ sunt Philosophicæ meditationes, ad instar speciminis cuiusdam fac-
 rum fuit, ut hinc appareret qui fructus ex iis observationibus percipi pos-
 sint, si forte in unum corpus, idque partibus suis absolutum aliquando coa-
 luerint, & copiosa satis observationum materia fuerint comparata.

IV. Fatendum est vix ullum esse Philosophicis rationibus locum, nisi ex
 communibus quibusdam effaris & propositionibus ducantur, quæ quidem om-
 nium pene rerum singularum notitia inniti debet. At multum temporis &
 studii ante est insumendum, quàm tot rerum singularium huic rei neces-
 saria cognitio acquiratur. Quocirca factis ipsis & narrationibus magis inhæ-
 rendum arbitramur, quàm rationibus iis Philosophicis.

V. Quamobrem in his descriptionibus exhibendis diversam planè ab ea
 quam secuti sunt Veteres, placuit inire viam. Illi enim animalium histo-
 riam ut scientias universim pertractarunt, hæc res singillatim exhibentur.
 Renes v. gr. uris ex 32. renunculis constari non temere affirmamus; sed
 in urso dissec-to idipsum visum à nobis fuisse. Nam fieri potest ut is sit
 naturæ ludus; nec continuo id scriptoribus vitio dandum, si res ejusmo-
 di eorum diligentiam effugerint.

Cujusque animalis figura summa cura fuit delineata, & partium magni-
 tudo dimensa, quæ inter eas sit ratio diligenter indagatum: nam ista non
 magis vulgo nota sunt, quàm interiorum partium conformatio. Quæ com-
 munita sunt & nobis cognita animalia paulo aliter descripta sunt, quàm rara
 & inusitata. Illorum enim tum exteriores, tum interiores partes ad hominem
 referuntur, qui ut norma omnium animalium constituitur. Quæ omnia spe-
 rare nos jubent fore ut hi commentarii uberrimam historiam naturali ma-
 teriem aliquando suppeditent, iique publicæ expectationi & Regis Maxi-
 mi munificentia respondeant. Hæc fere præfatione continentur, quæ for-
 mam illius & rationem operis velut oculis ipsis subjiciunt.

Longum esset & ab instituto opere penitus alienum ire per singulas ani-
 malium quæ hoc Volumine continentur descriptiones, sed cum in pauco-
 rum sint manibus, non abs re fuerit, strictim quorundam animalium histo-
 riam instar speciminis perstringere.

CAPUT II.

Leonis & Leææ, & Chameleontis Anatome.

I. **P**rimùm quidem à Leonis descriptione cœptum, exterior illius for-
 ma & partes interiores observatione dignæ ad vivum expressæ, quæ
 cum felium partibus magnam videntur habere cognationem: nam in utrif-
 que sepem sunt jecoris lobi, cystis fellea in iisdem animalibus anfractuosa,
 & quasi in varias cellulas divisa, pancreas quoque & mediastinum fe-
 re ut in felibus; magna in mediastini membrana prope mucronem cor-
 dis cavitas intercipitur; oculi pene consimiles, pedum unguculi & ossicu-
 la non dissimilia.

ANN. 1672. II. Cor amplum & majus quàm in aliis animalibus; ampli ejus ventriculi: unde mollius apparuit antequam secaretur; carotides majores vix habita cerebri ratione, quod pro mole corporum angustum valde erat; vix enim duos pollices in omnes partes patebat: sed cranium spissum, temporum musculi admodum crassi & longi, à summo capite orti, ubi velut crista quædam prominert.

Quare capitis moles & robur ex structura ossium adeo firma, necnon ex musculorum crassitie proficiscitur. Parva cerebri copia feritatis potius quàm tarditatis indicium videtur: nam in vitulis copiosum est, cum leo inter animalia, ex omnibus pene scriptoribus perspicaci ingenio donetur.

III. Quod si, ut vulgò creditur, continua febris laboret, hæc humorum putredini vix ref.ri potest accepta: nam calido & humido cælo disfectus, non adeo foetidum odorem spargebat. Ac verisimile est bilem quæ abundat, in causa esse cur adeo sit longævus; nam bilem esse velut balsamum quoddam in corpore animalium, eaque adversus putredinem tueri, satis prababile videtur.

V. In Leæna collum juba destitutum erat; ungues ut in leonibus ex fibrosa substantia ita compositi erant, ut fibræ singulæ solidæ essent & compactæ, sed faciliè tamen à se invicem separabiles ob siccitatem, ut in ligno fibroso quod exsiccatum faciliùs dividitur; partes generationi destinatæ pene ut in canibus conformate.

VI. Leonem excepit perparvum animal dictum Chimeleon, quæ si parvus leo: quam ob rationem non satis liquet: nam deforme illud animalculum leonem nulla sui parte refert. Ex genere est quadrupedum quæ sunt ovipara, ut crocodilus aut lacertus, cum quibus videtur majorem habere similitudinem.

Multa in eo sunt observatione digna quæ cum accuratè fuerint explicata in descriptione semel & iterum edita summam ea decurrere satis fuerit.

Nam hoc animalculum jam anno 1669. fuerat dissectum, atque illius Historiam in hunc locum rejecimus.

VII. Primum ille intumescere ad libitum & detumescere videbatur, atque interdum duarum horarum spatio tumidus toto perstabat corpore, brachia etiam & crura, imo & cauda inflata apparerant: cum detumuerat, strigoso admodum & angusto erat corpore. Tumor ille non ex aëre per asperam arteriam in pulmones toto corpore diffusos subeunte oriebatur, ut visum est Theophrasto: nam aër per tracheam intrusus amplas cavitates circa viscera relictas & membranas circumjectas, cum variis appendicibus quasi totidem cyprini piscis vesiculis candidis implebat, quæ membranæ sub obtutu non veniebant, antequam aëre subeunte inflarentur.

VIII. Pellis innumeris granulis iisque perpolitis distincta erat; nec mutatus est color nisi mortuo animali. Cum in umbra quiescebat, cinereo colore ad cæruleum vergente granula distincta videbantur: sed interjecta intervalla subflava erant, aut subrubra; cinereus ille color toto fuscocorpore in luce posito in fuscum degenerabat. Quin & partes non illustratæ,

ac complures maculæ colore rubeo dilutiore splendidæ apparebant : ac sub- *Hist.*
inde magna colorum varietas in pelle fere ut in panno variis coloribus di- *Anim.*
stincto cernebatur : sed certis tantum in locis mutabat colorem. Linteo involutus post duo aut tria minuta eductus pallido colore tinctus apparuit : verum id semel tantum evenit , etsi sæpius id experiri placuit : neque alios colores induit , licet variis rebus coloratis admoveretur , ac fieri potest , ut pallidum colorem ex linteo frigidiusculo contraxerit.

IX. Difficile dictum est unde hæc colorum tam subita mutatio oriatur. An fortè ex humorum suffusione , ut visum est Senecæ ? An ex varia luminis reflexione , ut placet Solino ? An potius ex partium configuratione , ut recentiores opinantur. Ac fortè omnes illæ causæ unâ concurrunt. Nam illa colorum mutatio non tam in pelle quæ solidior cernitur , quàm in granis inest prominulis , quæ ex pelliculis constant admodum exilibus , quæque faciliè separantur : adeo ut bilis quæ in hoc animalculo uberius est , aut alii humores fere ut in nobis evenit , cum ira , aut metus , aut aliæ animi perturbationes excitantur , colorem mutare possint. Sic bilis flava cum nativo colore cutis cinereo aut cæruleo mista subviridem sæpe colorem inducit , aut plures granorum pelliculæ cæque pellucidæ radios luminis sic infringunt , ut in varios colores degenerent , ut in lapide speculari , & in pleurisque corporibus cernimus. Pellis admodum subtilis est , & colorem faciliè mutat , ut P. le Comte in Epistola ad Illustr. Abbatem scribit , penes diversos affectus varios induit colores, Smaragdinum colorem præ se fert in læticia , aureo colore mistum ; cum irascitur lividior est , in metu pallidus. Interim varii colores unâ permisti cum umbra & lumine gratum oculis præbent spectaculum.

X. Oculorum & linguæ structura omnino est singularis ; oculi amplii sunt , globosi , extra prominuli , parte sui anteriore uni palpebræ adhærescunt in medio perforatæ , qua pupilla conspicitur splendida & aureo circulo circumdata. Palpebra unâ cum oculo non sursum & deorsum movetur , ut in aliis animantibus. Quod verò huic animali proprium est , alter oculorum movetur altero iminoto ; unus sursum fertur , alter deorsum ; unus antorsum , cum alter retrorsum inflectitur. Foramen verò palpebræ contrahitur , dum transversim dilatur instar rimæ : ita ut pars suprema cum infima apprimè cohæreat. Nervi optici è cerebri tuberculis procedunt , unâ juncti , mox separatim exeunt tanquam oblonga fila.

XI. Linguæ structura & usus multum admirabilitatis habent , ex carne candida & solida constat , cava est & in parte sui extrema instar facci aperra , fere ut Elephantis proboscis. Ossi Hyoidi interjectu oblongioris tubæ sex digitos longæ , adhærescit , quæ membrana intus nervosa est , solida & compacta. Hujus tubæ ope linguam vibrat ad 7 aut 8 pollices , muscas & alia insecta venatur , idque fit incredibili celeritate ; illæ glutine , quod è lingua continenter exsudat , implicantur. Quod motu quodam linguæ peristaltico fieri est verisimile. Et quidem ventriculus & intestina muscis & vermibus referta visa sunt : adeo ut non aëre , ut vulgo creditum est , sed insectis nutriatur. Unde excrementa flavo & subviridi colore tincta quotidie egerebat ; calculi pisorum magnitudine in ipsis reperta

ANN. sunt intestinis, quos non deglutierat, iique leves admodum erant, unus
1672. ex iis caput mœcæ intus conclusum habebat. Plura in descriptione ipsa
legi possunt.

CAPUT III.

Cameli, Ursi, Capra Lybica, & aliorum Historia Anatomica:

I. **I**N his paulo longiorem me fuisse sentio, sed brevior in aliis fu-
turus sum. Atque ut editi Operis ordinem sequat, Camelus qui vul-
go appellari solet Dromedarius, fortè ob cursus celeritatem primus occur-
rit. In eo multa erant observatione digna tum in forma exteriori, tum
etiam in partibus interioribus: dorsum gibbosum videtur, neque est tamen:
nam gibbus ille ex pilis longioribus & densis, non ex carne constat. Ge-
nua & femora callo solidiori obducuntur, cui innixus recumbit. In sterno
aliud est callum longè majus mole corporis sustinendæ, cum oneratur, ap-
tatum.

Quatuor huic insunt ventriculi, ut in ruminantibus. In primo varii sunt
sacculi, secundus in plures sinus tanquam in varios sacculos multò iis mi-
nores, quàm qui primo insunt ventriculo, dividitur. Hi sacculi herbis jam
aliqua ex parte digestis pleni solent apparere: adeo ut non sint aquæ coærvatæ
conceptacula. Hi sinus quadrati erant & numero viginti. Nunc de Urso.

Ursi figura exterior vulgo est notissima: deforme animal propterea ju-
dicatur, quod humanam formam perversè imiretur, uti & simia: quod
præcipuum est in manu & in pede humano, id in Urso videtur deprava-
tum. Manus hominis ita est conformata, ut ex quinque digitis quatuor unæ
conjuncti ejusdem pene speciei videantur; unus ab aliis divisus præcipuè
manûs actioni, quæ est comprehensio, inservit; pes verò ex talo & quin-
que digitis constat talo oppositis, ut firmior sit ejus incessus, cum has par-
tes diversis figuris corporum quæ premit incedendo, variè applicat. In
Urso hæ partes carnosæ, ut in homine, & quinque digitis instructæ, os
tali iridem breve partem plantæ in pede efficit; in manu iridem ossa carpi
in unum collecta & pene æqualia. Sed pollex ab aliis digitis non sejun-
gitur, quique crassitie sua pollicem exhibere potest, is extrorsum positus
digiti minimi locum tenet.

Structura renum omnium oculos in se convertit: longi erant & lati, eos
involvebat membrana quæ adiposa dicitur: sed qua erat ut reliquum corpus
adipe destituta. Huic subjecta erat alia membrana quæ renum parenchy-
mati cohærebat: sed complures renunculos suis propriis membranis instru-
ctos instar sacci continebat. Hi inter se erant tenuibus sibiis & membra-
nulis ex majori & communi membrana ortis confecti & colligui, idque
potissimum in parte cava renum. Nam in gibba non ita inter se cohære-
bant; cujusque renunculi basis foris lata erat: sed omnes intus in angustum
desinebant; mediocriter castaneæ molem ut plurimum æquabant. Eorum con-
geries satis aptè nucem pineam referebat.

Unumquemque

Unumquemque ex iis renunculis vasorum emulgentium propagines cum *Hist.* ureteris ramo sic penetrabant, ut arteria medium teneret locum, & in *Anim.* parenchyma effusæ visus aciem ob exilitatem suam pene effugerent: eæ quidem per papillas in pelvim serum effundunt. Longius provec̃ti ureteris rami in cuiusque renunculi pelvim desinebant: singulis conjunctæ erant carunculæ tanquam papillæ gravis tritici pene æquales. Centum & ampliùs ejusmodi papillæ in unoquoque rene erant conspicuæ. Renes forsitan ita sunt conformati, ut majorem urinæ copiam egerant, quod in iis impedita sit transpiratio ob cutis & pilorum densitatem.

II. Post hæc disiectæ sunt quinque capræ Lybicæ, v. *Gazelles*. in quibus multa circa structuram parrium tum exteriorum, tum interiorum sunt observata; unum aut alterum ex iis proferemus. Cornua cava erant ad mediam usque eorum partem: hanc cavitatem os acutum implebat quo capiti, interjecto pericranii, erant illigata. Dura est & densa hæc membrana multo sanguine perfusa, uti pars ossis intima quæ spongiosa est, cum extrema superficies solida sit, & variis striis in longum productis incisa. Crura circa genu prælongis pilis sunt instructa, ubi pellis multò est crassior quàm alibi, ut sit instar pulvilli cum recumbunt, fere ut in Camelis: sic pedes ita sunt conformati, ut in arenosis locis faciliùs incedant.

III. Sub idem fere tempus Alopecias seu vulpes marina allata est, longiore cauda instructa, quæ corpus ipsum longitudine æquabat, & instar falcis erat inflexa: partes ejus singulæ diligenter inspectæ. In ventriculo herba marina & pisces absque capite, pelle & visceribus inventa: duodenum excipiebat aliud intestinum amplum & sesquipedale, cujus structura erat singularis, non enim, ut solent intestina, in varios gyros erat convolutum, sed cavitas illius variis membranulis transversim in modum cochleæ dispositis intercisa, ut succus alimentitius in iis velut cellulis diutiùs hæreret.

IV. Sequuntur duo animalia magis nota, Fiber seu Castor Canadensis & Lutra, ambo ex Amphibiorum genere, forma & structura dissimili. Castor qui ramos arborum dentibus secat, dentes habet incisivos quatuor ita dispositos, ut superiores non in directum inferioribus opponantur: sed interiores horum partes subeant: sic enim & persecandis corporibus sunt aptiores. Pedes sunt quinque digitis instructi; posteriores membrana fere ut in anseribus nectit, quò faciliùs natare possit; anterioribus ut manibus ad comprehendendum ut simia utitur: unde ea membrana non vestiuntur, quæ utrisque adest pedibus.

Lutræ cauda piscium quàm terrestrium animalium caudis propior; nam Epidermide squamis hexagonæ figuræ armata tegitur, nec substantia ejus à natura piscium aliena est, multa pinguedine repleta in medio crassior est quàm in extremis.

Anus Fibri inter os pubis & caudæ initium interjctus, non Sphinctere ut in aliis animantibus, sed rima occluditur, per quam solida & liquida excrementa egerit. Ex utroque hujus rimæ latere, duo sacculi extant in quibus Castoreum perficitur. Nam duo sunt alii paulo superiores & multò ampliores, in quibus præparatur. In his cinerea materia scetida visa est. Hæc unctuosâ magis erat & subflava in subjectis vesiculis, quæ ex variis velut

ANN. glandulis compositæ videbantur. Singulæ glandulæ spongiosæ erant substantiæ in medio pertusæ; sed nullus in iis liquor vitæ, Ex altero tacculo aperto exiti instar mellis unctuosus liquor & inflammabilis instar Terebinthinæ, sed odoris fætidæ, nec pressus in superiores vesicas resluebat.

Botalli foramen ovale frustra quæsitum est: nam oclusum omnino apparuit, uti & in Lutra.

Hæc cum Castore magnam habet similitudinem; dulci aqua delectatur, Castor & balsam & dulcem amat. Pedes anteriores Lutræ membrana devincti erant, quinque itidem digitis distincti, sed æquales erant, triplici ossium phalange instructi; pollex ab aliis digitis non erat separatus.

Quatuor incisivi dentes, ut in Castore, Mure, Lepore, lique persecantes non erant in Lutra, sed canis aut lupi dentibus eos similes; breviores pili quàm in Castore. Lien omento adhærebat, non ventriculo, ut in aliis pene omnibus animantibus, Renes in decem renunculos pene ut in Urso sic erant divisi, ut unusquisque suo sibi peculiari parenchymate, vasculis emulgentibus, & uretere donaretur; communis membrana eos involvebat, & fibris inter se erant connexi.

V. Post hæc aliud feræ genus, quod Hvenam vocat Aristoteles v. *Civette* accuratè inspectum est, variis coloribus & nigris tum maculis, tum fasciis distinctum. Hoc ei cum Castore commune est ut saccos habeat pene iisdem in locis collocatos, sed materia fragrans, non gravi ut in Castore oppletos. Hunc liquorem Arabes Zibetum vocant, unde & Civetæ nomen ductum. Hæc liquoris receptaculum aui subiectum erat, cui aliud foramen infra subiacebat: E membrana aspera & foraminibus pervia, quæ ubi digitis premebatur, liquor suavis odoris exibat candidus & spumotus, è multis glandulis inter duas membranas interjectis expressus. Odor ille in pilos manabat, potissimum in mare, ita ut manus eo odore imbueret.

V. Alces Zibethum exceperit, animal magnum vocant Auctores recentiores, qui tamen in ejus descriptione neque inter se, neque cum veteribus satis consentiunt. Conciliari tamen utcumque possunt. Quod enim varios ei colores tribuunt, id evenit quod alium colorem hyeme, saluum nempe ad cinereum vergentem, alium æstate & pallidiorum præ se ferat. Quod cum cornibus instructum nonnulli, his destitutum alii scribunt, utrumque verum est: nam maris, non feminae cornibus muniuntur. Crura sine juncturis esse vulgo aiunt, quod rigidiora sint; iam glaciem non fallente vestigio decurrunt. Unde & luporum nihil quentium vim ea ratione elidunt; sic pedum ictu veratores interdum male mulcant. Accedit id quoque, varia animalium genera eodem nomine plerumque confundi. Nescio an de quodam hujus animalis genere intelligendus sit Gratiani in Vita Cardinalis Commandonis. *Bissomi*, inquit, *eam vim esse ferunt, ut una equum sessoremque ictu cornuum sublimes tollat, & cecritatem, ut si porro concitus insequatur, nullius equi quantumvis pernicis ope efugias.*

Sed in eo omnes fere Auctores conveniunt, hoc animal cervum cum mole corporis, tum autem amplitudine & brevitate caudæ, ac demum

cornibus referre. Huic dissimile est pilorum colore & longitudine, labii *Hist.* superioris magnitudine, crurum rigiditate & colli brevitatem. Cameli pilos *Anim.* colore imitatur, sed in camelo sunt tenuiores. In Alce extrema pilorum acuta sunt, & versus radicem ii quoque sunt tenuiores; prope radices pel-lucent.

Pilus adhibito microscopio instar junci spongiosus apparebat: crurum junctura firmis & duris ligamentis arctius devinctæ.

VI. Oculi in majori angulo longiore rima fissus videbatur, quàm in cervis & damis; huic glandula lachrymalis subjacebat sesqui-digito longa. Cum autem cerebrum unà cum cerebello quatuor pollices in longum, duos in latum tantummodo pateret, ex mole glandulæ lachrymalis cum angusto cerebro comparata licuit conjicere eas glandulas excipiendis humoribus cerebri non esse comparatas, sed lympham in iis ex arterioso sanguine percolari.

VII. Plura in vitulo marino qui Phocas à veteribus dicitur, spectanda occurrant. Posteriores pedes unà conjuncti cum digitis qui non ita sunt distincti atque in anterioribus; veri tamen sunt pedes; & cauda iis non deest quàm Aristoteles caudæ cervi non absimilem esse ait: pedes quoque anteriores manibus similes esse idem testatur, quod brachium & humerus sub pelle quæ pectus tegit, sint involuta. Ambo pedes magis ad natatum quàm ad incesum videntur comparati. Hoc enim animal ex eo est amphibiorum genere quod in aquis diutius commoratur, quàm in terra, contra atque fit in Castore. Unde ea est cordis & pulmonum conformatio quam ejus natura postulat ut diu in aqua, rariùs in terra degat.

VIII. Diversis temporibus disiecti sunt plures tum Hystrices, tum Echinacei quos eidem generi Echinorum subjiciunt Veteres, quod spiculis & quasi spinis armentur: tamen sunt longè dispares tum corporis magnitudine, tum aculeorum forma & usu. Hystrix vulgo *Porc-épic* in Africa, Echinus minor ubique in Europa nascitur.

Hystrix toto pene corpore setis aprinis munitur, hæc seta in collo pedis longitudinem æquabat, in reliquo corpore tribus tantum digitis longa. In dorso aculei erant duplicis generis, quidam crassiores, iidemque breviores & acutiores, in sui extremo secantes: alii longiores, & magis in extremo flexibiles, illi in radice candidi, in utroque extremo albi, in medio nigredine & albedine distincti, omnes in superficie tersti & splendidi; quidam numero perpauci fere ut calami scriptorii oblongi in extremo re-
fecti & pellucidi, sub finem coccycis paululum erecti apparebant cum radice admodum tenui.

Crassiores aculei non ægrè à pelle avellebantur, hos in venatores vibrare cum pellem excutient, vulgo creditum est.

Rostrium pene ut in leporibus: non modo labium superius fissum, sed & inferioris fissura erat, quæ instar thecæ duos dentes incisivos excipiebat. Hi dentes pene ut in Castore erant dispositi, ut superiorum acies in aciem inferiorum instar forcipum non incurteret, ut fit in aliis animantibus, sed eo fere modo quo in forficibus unà jungerentur.

Lingua in sui extremo ossis corpusculis instar dentium aspera, quæ in

ANN. extremis acuta & secantia erant. Aures pene ut in homine dispositæ, oculi
1672. perparvi, ut in sue.

Pellis detracta in superficie interiori inæqualis erat, & quasi alveolis distincta, qui toridem rhombos referebant: secundum dorsi longitudinem, ubi crassiores sunt aculei, musculo communi qui in ea parte densior est, tenaciter adhaerebat. Hujus musculi eadem origo quæ in aliis animalibus, pars illius interior multis & validis nervis instar retis inter se contextis donatur. Quatuor hinc inde sunt musculi qui pellem separatim in diversas partes movent.

IX. Echini minores mas & fœmina caput, tergum, lumbos spiculis armata habent; in fœminæ mammis octo erant papillæ distinctæ, panniculus carnosus vel communis musculus, ut in hystrice ab ossibus innominatis ad aures usque productus spinam dorsi peragrabat, sed cirra adhaesionem; nam hic est illius usus ut caput ad partes posteriores adducens corpus instar globi contrahat, & spiculis erectis canum morsus eludat.

Splen incisus erat fere ut crista galli; pancreati ejusdem pene figuræ adhaerebat: partes alias tum nutritioni, tum generationi destinatas nihil necesse est minutius exponere. Oculi structura erat singularis, nec aquosus humor, nec vitreus sui copiam fecere; cornea tunica crystallino sphaericæ figuræ, uti & retina conjunctæ erant: nulla Iridis forma, ac palpebris apertis oculus non alium quàm atrum colorem exhibebat.

X. Duorum Simiorum genera à Plinio distincta sunt, unum cauda destitutum, quod communi simiæ nomine solet designari, alterum eorum qui cauda donantur, qui iterum in duo genera dividuntur. Primum eorum est quos Cercopithecus vocant, à Græcis mutuata voce, quod sint cauda instructi; alterum eorum est, qui canino sunt capite: unde Cynocephali appellantur.

Paulo aliter ea genera vulgus distinguit: nam qui majores sunt, simili vocantur, sive sint absque cauda, sive ea donentur. Minores vulgo *Guenons* dici solent. Qui distincti sunt quatuor, inter Cercopithecus numerantur.

Hæc erant utrisque communia. 1. palpebræ ciliis, ut in homine erant munitæ; quod in simia inter quadrupedes animantes singulare observavit Aristoteles. 2. In maxilla inferiori saccus inest, in quo reponunt edulia postea usui futura. Hic membranæ, fibræ carnosæ & glandulis constat; fibræ contrahuntur & laxant saccum, ut excipiat & exprimat quæ in eo sunt condita. 3. Dentes candidi & hominis dentibus non absimiles; nisi quod canini superioris maxillæ longiores, inferioris sint breviores. 4. Pedes manibus pene consimiles; ac pedum digiti tam longi quàm manuum, contra atque in homine. Pes pollice longo & à reliquis digitis secreto est prædus; in manu is cum secundo digito pene coarctet.

XI. Et quidem partes simiæ exteriores sunt vulgò notiores quàm ut longa oratione indigeant. Aures rotundæ & parvæ iis qui de Physiognomia transire occasionem præbuerunt homines rotundis & parvis auriculis præditos malignæ & versutæ indolis insimulare.

Partes interiores corporis humani partibus non omnino sunt consimiles,

ut visum est Aristoteli, Plinio & Galeno; nec penitus dissimiles, ut placet *Hist.*
Alberto Magno: tamen si hominem magis refert simia, si partium externa- *Anim.*
rum potius quam interiorum habeatur ratio.

Peritoneum ut in canibus: Epiploon ab humano in multis dissidet; hoc longè majus intestina ex omni parte involuens, ut in plerisque animalibus qui ad currendum sunt comparati, fortè ut tutiora sint intestina & alia viscera ab illa succussione quam cursûs celeritas efficit tueatur. Membranae tamen ex quibus Epiploon contextitur, continuæ sunt, ut in homine, non instar retis perforatæ, ut in brutis plurimis.

Structura viscerum ab humani corporis structura in multis dissidebat, neque illa discrimina persequi nostri est instituti. In fœminis partes generationi destinatæ cum mulierum partibus magnam habebant similitudinem. Consimiles in utrisque mammae musculis thoracis itidem incumbentes.

Cranium humano non absumile, rotundum, & ex utroque latere non nihil complanatum: neque os illud triangulare aderat, quod in magna brutorum parte cerebrum à cerebello determinat. Magnum erat cerebrum pro corporis mole; anfractus in anterioris cerebri cortice penè ut in homine: sed pauci in cerebello erant conspicui, altius tamen incisî. Apophyses mammillares non molles ut in homine, sed duræ & membranosa; duriores quoque erant nervi optici. Vnula v. la *Luette* quæ brutis deest, in simia conspicitur, uti in homine. Quin etiam musculus Laryngis, Pharyngis, linguæ, ossis hyoidis, qui magna ex parte vocis explanationi serviunt, huic non deerant. Atque hi muscoli multo majorem cum humanis habebant similitudinem, quam manuum & pedum muscoli, tamen si vocis articulationi non serviunt: adeo ut hinc concludi possit non propterea exeri certas actiones à brutis, quod organa habeant his exercendis idonea: nam si sola organorum conformatio sufficeret, nihil esset cause cur simiæ locutio, & vocis articulatio deesset. Nullum enim huic exercendæ deest organum quod in homine reperiatur. Pedibus penè utuntur ut manibus.

X. Postremo ex quadrupedum genere cervus Canadensis, & cerva Sardiniae dissecti sunt & descripti: cornu cervinum sex ramis distinctum erat: Majori studio illius natura fuit observata, præsertim origo ejus & nutritio. Pelle vestiuntur cornua vasis sanguineis intus conspersa: unde & cornu substantia plurimis sulcis ferè ut pars interior cranii humani est excavata. Magna sanguinis copia pelle detracta effluxit. Cum solida sint cervina cornua, alia plane ratione oriuntur & aluntur, quam quæ cava sunt in plerisque asimantibus. Nam ossi frontis nullius rei interjectu adhærescunt, quod multo magis spongiosum est & rarum quam in aliis brutis. Cava quæ sunt, ut in bobus, ossi frontis non ita cohererent. Sed in iis os quoddam frontalis appendicis instar cornu cavitatem subit pericranio tectum, & hujus membranae communis interpositu cranio ipsi agglutinatum: idque ex vasis pericranii ortum & incrementum capit. Nam appendix illa ossi frontis velut crusta quadam inducitur, ut sit verisimile illam ex substantiæ cujusdam vasis pericranii conclusæ exsudatione concrefcere, quæ cum indurefcit, penè ut in unguibus, alia subinde velut crusta inter pericranium

ANN. & priorem crustam succrescit, quæ instar glutinis adhæret, eamque an-
1674. trorsum pellit, atque ita deinceps alix aliis accrescunt fere ut cochleæ
in limacibus, aut conchæ in ostreis, ex pluribus nempe lamellis aut foliis
compositæ. Unde & cava cornua plerumque rugis sunt aspera & facile in
folia dividuntur.

Solida quæ sunt cornua ex superficie exteriori aluntur & crescunt, at-
que ex substantia magis terrena constant quam cava quæ è materia aquo-
siore formantur. Nam ignis calore hæc sunt molliora: cervorum cornua
de ossium, imo & de lapidum natura multum referunt. Unde & in majo-
re oculi angulo lapideam substantiam quæ lachryma cervi appellatur, ossi
accrescere vulgo asserunt. Os quidem in cordis basis conspicuum illud iptum
confirmat, hoc animal succo abundante qui in osscam & quasi lapideam
substantiam faciliè concrefcit.

Reliqua omittimus: Intestinatorum volumina 96 pedibus longa erant. Hæc
utique tanta longitudo in brutis quæ ex herbis vivunt, suis vulgariis est,
non item in iis quæ carnibus vescuntur quod illis herbæ minorem succi
alimentitii copiam suppeditent, necesse adeo fuerit ut amplis ventriculis
majorem herbarum congeriem continerent, & diutius in iis intestinis
caloris naturalis vi coquerentur. Unde in cervo ut in ruminantibus sic erant
dispositi ventriculi.

C A P U T IV.

De Historia anatomica quarundam avium.

I. **D**E quadrupedum genere hætenus: nunc ad volatile transeundum quod
majori brevitate percurreremus. Ac primum occurrit Aristotelis Corax,
vel ut aliis placet, corvus marinus, v. *Cormoran*, qui frequens est in maris
littoribus. Oblongo is est rostro, adunco & acuto, quo pisces capiat:
sed cum à tergo tantum, aut à lateribus iis insidietur, atque eb eam cau-
sam eorum caudam aut pinnas deglutire non possit, captos sursum in aëre
sic projicit, ut caput magna dexteritate primum excipiat, nec aberret
unquam. Ad piscationem hæc avis magno usui esse solet: sed colli oblon-
gioris pars infima annulo ferreo constringitur, ne pisces æsophago latiori
excepti ejus ventriculum subeant.

Quatuor pedis digiti membranis erant devincti ut in Anserè Scotico jam
ante observatum fuerat. Quatuor illi digiti à primo ad ultimum per gra-
dus decredebant. Primus extrorsum, reliqui introrsum vertebant, primus
quinque, secundus quatuor, tertius tribus, ultimus duobus tantum ossibus
constabat.

Structura pedum natationi visa est maximè ac commodata: triplici enim
membrana quatuor digiti una colligati aquam magna facilitate retrorsum
agunt. Quin etiam Gesnero teste, pede altero prædam sursum vehunt,
cum interim pedum digitis & membranis introrsum deflexis aquam sub

Ventre recta pellunt : nec corpus huc illuc deflectit. Secus eveniret si digiti extroisum prominere : tum enim idem accideret quod in scapha *Hist.*
cernimus, dum uno dumtaxat ramo impellitur : ea quippe in orbem agitur, non recta promovetur : ac pedum brevis huic quoque rei servit. *Anim.*
Nam si pes longior esset, obliquus magis foret natatus, ac pes non recta ventri subjectus facile huc illuc deflecteret.

Ventriculus & œsophagus ejusdem formæ & amplitudinis visi, ubi aëre sunt inflati : pylorus non solum reflexus, sed quasi in medio positus ; pars ejus musculosa instar sacci deorsum pensilis, forè ut sursum propellat quod è superiore & longiore ventriculo decedit, ubi coctio alimenterum peracta est. Interior ventriculi membrana glandulis inter se conglutinatis conspersa est quæ superficiem internam velut granis asperam efficiunt. Consimilis fere structura infimi ventriculi in quibusdam struthionibus inventa est. Duæ appendices quæ duplex velut cæcum efficiunt, quas in omnibus reperiri avibus testatur Belonius, huic avi decrant.

Renes non ut in maximo avium parte in tres lobos divisi, sed velut dentibus incisæ erant instar cristæ galli.

Cystis fellea à jecore separata, collum tantummodo huic cohærebat ; lienis cum ventriculo nulla erat per vasa connexio.

Asperæ arteriæ integri erant annuli. Qua parte in duos ramos diducitur, firmo & ossæo annulo munitur.

Crystallinus oculi humor globosus erat fere ut in piscibus : nam in aqua prædam suam aucupatur.

II. Corvum maximè excepit quoddam gallinarum genus, quas Barbariæ aut Africæ gallinas vocant, atque ob elegantem macularum picturam v. *Des Pintades*, nominantur ; tamen si colores tantum duo albus & niger alternis ordinibus aptè dispositi, & quasi penicillo delineati ob figuræ æqualitatem conspiciuntur. Unde & variæ & guttatæ à veteribus dictæ sunt, quod velut albis guttis & candidis sint distinctæ. Ad Gallinas nostras propius accedunt quam ad perdices, hoc uno excepto quod caudam habeant ut perdices deorsum inflexam. Quæ de ave Meleagride scripserunt veteres, huic omnino conveniunt. Caput cristâ velut casside munitum, cujus substantia quasi lignosa, ut Clytus apud Athenæum testatur. Albæ plumatum maculæ ; cura in maribus sine calcaribus, ut alia omittam plurima, in gallum Indicum, uti recentioribus quibusdam videtur, non cadunt.

Interiores partes penè ut in gallinis erant conformatæ. Infimus ventriculus, v. *Gesier*, ut in gallina ; interior ejus membrana à parte carnosa facillè separabilis instar taurini glutinis erat, & exsiccata instar vitri fragilis. In plerisque scirrosus jecur velut granis majusculis conspersum. In suprema ventriculi parte corpus erat subrubrum & firmum cum venâ cavâ, aortâ, portâ, intestinis cohærens, quod non aliud esse præter lienem judicatum est. Ubi scirrosus hepar inventum est, hoc quoque corpus ovale eodem vitio affectum erat. Aër per asperam arteriam imminis pulmones trajecit & vesicas quæ in ipso abdomine positæ sunt, imò & Pericardium inflavit.

ANN. 1674. III. Tres deinde Aquilæ sunt dissectæ, duæ erant ex eo genere quod Chrysaëtos, aut gæsfios nominatur, quod colore aureo plumæ niteant, & genuinæ sint aquilæ, nos regias dicimus: tametsi triplici colore plumæ distinctæ erant. Non crura modo, sed totum penè corpus plumulis albis in ipsis pennarum radicibus adversus vim frigoris muniuntur. Uni ex tribus plumæ non erant deauratæ, sed pennæ erant subnigræ: adeo ut hæc potuerit ea specie Aquilarum censeretur, quæ in locis mari finitimis degit, quæque propterea Haliætos à veteribus appellatur. Hujus itidem pedes cæruleum colorem exhibebant, qua nota ab aliis eam sp. ciem sejungunt. Membrana multo adipè conspersa intestina, jecur & ventriculus in duabus regiis involubatur; è vesicis abdomine contentis quæque per asperam arteriam aëre distenduntur, originem ducebat, eaque Epiploon haberi merito potest.

Oesophagus & ventriculus forma exteriori & amplitudine consimiles. Sed pars interior & inferior œsophagi multis erat glandulis referta, cum in ventriculo esset multis rugis aspera. Uterque tum œsophagus, tum ventriculus amplitudine sua hujus avis voracitati respondebat. Intestina admodum exigua & brevia qualia sunt in animantibus voracibus quæ ex præda vivunt.

Lien ventriculo proximè conjunctus ex dextro latere: In Aquila, quæ Haliætos dicitur, sub dextro hepatis lobo jacebat, intestino per ramos portæ & arteriæ cæliacæ conjunctus. In eadem Aquila pancreas parte sui infima rotundum erat & perforatum, ut ductui hepatico transitum præberet, qui nulla cum ductibus pancreatis iuncta societate in ipsum intestinum desinebat.

Tres erant ductus illi pancreatici; arque hoc singulare habebat eorum insertio, quod in duodenum, non in jejunum, uti solet in avibus, desineret, & unicuique sua esset papilla.

IV. Aquilarum descriptionem excepit anatome duplicis cujusdam avis Africanæ, quam Auctores ad genus gallorum referunt, & galli Indici nomine insigniunt. Nam gallus noster notissimus eodem nomine donatur, tametsi ex Africa in has regiones advectus fuerit: Et tamen hoc gallorum genus in Brasilia reperitur. Eiusdem enim est formæ cum eo quem Margravius describit, quique *Mitu-poranga* in iis regionibus appellatur.

Duo erant canales hepatici, quod in avibus rarum est: cystis fellea in altero ex his gallis anfractuosa erat, in tres velut cellulas divisa; ductus cysticus amplius è parte summa exibat, & tres illi ductus una cum duobus pancreaticis quinque foraminibus sibi finitimis intestini rugam subeunt, qua velut communi papilla vestiuntur.

Reliqua ferè ut in ejus generis avibus. Intestinatorum longitudo erat 12 pedum, major quam pro eorum mole. Renes variis velut maculis distincti, quæ substantiam eorum ex glandulis conglomeratis constare indicabant.

V. Avis tarda, v. *Outarde* ejusdem penè molis cum superiore, sed forma dispari, & variis plumarum coloribus, perdici non est affinis. Sex quidem hujus generis aves oculis & cultro subiectæ sunt, collo & ciuribus oblongis, sed pennis brevioribus instructæ, ad volandum sunt tardiores.

Tres

Tres tantum sunt digiti in pedibus, nullus posterior, cujus loco est cal-
 lum quoddam parvæ nucis magnitudine : unguis figuræ ovalis ex utraque *Hist.*
 parte convexi. Jecur amplum, cystis fellea, & ductus tum bilioli, tum *Anat.*
 pancreatici eo penè modo in jejunum intestinum desinunt, quo in gallo
 Indico : adeo ut eorum ostia inter se distincta eadem appendice quasi
 papilla tegantur. Magnus glandularum numerus inter œsophagi membra-
 nas cernebatur, quæ ferè ut apum alveoli erant dispositæ ; unaquæque
 suo foramine pertusa, suo iidem tubulo donata ; pressæ liquorem ex-
 primebant, qui membranam intimam œsophagi penetrabat. Eadem perè
 glandularum series in maxima avium parte occurrit, sed non adeo cons-
 picua.

Infimus ventriculus v. *Gesser*, penè ut in gallinis : verum illius du-
 rities non ex parte musculosa quæ in hac ave valde tenuis est, sed ex
 membrana interiori admodum dura & densa, in varias rugas complica-
 ta proficiscitur. Hic ventriculus lapillis imo & denariis cupreis refertus
 apparuit, qui mutua collisione citra corrosionem ullam in partibus ex-
 tantibus, non in cavis aut depressis detriti videbantur, quod depressæ ab
 attritu immunes fuerint : unde nullum in iis erosionis vestigium, nec ru-
 bigo, nec asperitas ulla apparuit.

Nervus opticus postquam oculum subiit, complanatur, ac limbum
 efficit candidum ovalis figuræ, ex quo nigra membrana exit instar cru-
 menæ quæ in posteriorem vitrei humoris partem desinit. In parte infe-
 riori rostri plures exant glandulæ sub ea membrana quæ has partes re-
 git ; ex iis per ductus satis conspicuos in oris cavitatem liquor effun-
 ditur.

Avem tardam plerique recentiores esse Otum veterum putant : sed
 longè probabilius videtur illam esse planè diversam, neque aliam esse
 quam avem eleganti specie decoram, quæ vulgo nobilis Numidiæ puel-
 la vocatur. In eam notæ omnes quibus à veteribus designatur, appri-
 me conveniunt. Prima est ipse corporis habitus quasi ad saltandum com-
 positus : secunda, est in plumis ad aures prominulis ; unde & nomen
Otus nata est. Tertia est coloris ipsius quem Alexander Myndius apud
 Atheneum plumbeum esse & ad caruleum vergere testatur. Huc acce-
 dit in Africa eam reperiri. Quæ Versaliis ejus generis aves custodiun-
 tur, videri ab hominibus gestiunt, cumque in eas hominum conver-
 tuntur oculi, statim exsiliunt & mulieres illas circumforaneas quas Bohe-
 mas appellant, saltando imitari videntur.

VI. Atque hæc de externis partibus. Jecur schirosum erat in nonnul-
 lis, ex granulis flavis instar granorum milii coalescens. Hinc structuram
 hepatis ex lobulis constari, qui iterum è glandulis constant, iusta suspi-
 cio fuit. Quin & capillares ramuli portæ, cavæ, & ductuum biliarium
 utrumque peragrabant lobum ; cumque jecur non omnino induruerat,
 aëre per eos ramulos immisso non lobuli modo, sed etiam glandulæ ple-
 rumque simul & cum lobulis, aliquando separatim intumescabant ; atque
 ex ea intumescencia validius argumentum conficitur jecur è lobulis & glandu-
 lis esse conflatum, quam ex ipsis granulis induratis : eæ quippe ex obs-

ANN. trunctione formari possunt, ut evenit in liene, qui tamen ex glandulis non
1674. compingitur.

Larynx ut in Ansere, asperæ arteriæ annuli integri & ferè ossei miro artificio dispositi, utrimque sic incisi, ut unus alterum ex parte tegeter. Nec minus mirabilis est totius arteriæ asperæ conformatio: postquam enim recta descendit secundum colli longitudinem, extrosum deflectit, nec pectus, sed cavitatem in sterni ossæ paratam subit, tum sursum reflexa versus eam partem qua ingressa est, in pectus descendit. Annuli in eo circuitu ita sunt conjuncti ut moveri non possint. Nam sterno conclusis nihil motu opus est.

C A P U T V I.

De Struthionibus & Ave quadam Indica struthionis consimili.

I. **S**truthiones octo diversis temporibus dissecti multa observatione digna præbuerunt, seu exterior hujus avis forma, seu interiorum partium structura spectaretur. Nam ut alia omittamus quæ satis nota sunt, oblongum collum quod gracilius videtur, quia plumis destituitur, uti & caput, oculos humanis non absimiles ovalis figuræ, palpebram superiorem longis ciliis munitam, quæ sursum & deorsum movetur, tertiam oculi palpebram seu tenuem membrulam in majori oculi angulo versus rostrum conditam: Lingua erat penè ut in piscibus palato agglutinata; pes in duos digitos scissus ut in camelo; interior & major pedem hominis calceatum referebat. Unde à nonnullis struthio-camelus appellatur; quin etiam in parte sterni infima callosa pars eminebat, in quam cameli instar recumbit.

II. His inquam omisiss plumarum species accuratiori examine digna omnibus visa est. Harum eadem erat toto corpore structura, quæ partium candidæ, partim nigræ erant, alternis ferè ordinibus distinctæ: in extremis caudæ & alarum maximæ cernebantur, & plerumque albæ. Minores ex albis nigrisque permixtæ dorsum & ventrem muniebant. Id vero in Struthione est peculiare, quod penè omnes sunt uniusmodi. Nam in aliis avibus aliæ sunt molles instar lanuginis, aliæ duræ & firmæ: illæ adversus aquæ & aëris injurias sunt à natura concessæ, hæ ad volatum comparatæ. Sæpè in radice sunt molliores, versus extrema firmæ & squamosæ ita inter se dispositæ, ut duriores quæ sunt in extremis regant aliarum lanuginem, ex qua velut pellicularum textura quædam villosa pellis v. *Fouure* efficitur.

III. In Struthione plumæ omnes sunt molles & teneræ in tenues villos diductæ: adeo ut & volatui sint prorsus inutiles, neque ab externis injuriis satis eos tueantur. Illud quoque in majoribus alarum pennis observatum, quod calamus per medium earum producat, cum in aliarum avium pennis plumulæ laterales quæ barbæ vocitantur, longiores sint ex una parte caudicis aut trunci, breviores ex altera.

Avium enim pennæ ex duplici constant parte, ex caudice nimitum, qui

usque ad extremum sensim minuitur, & plumulis utrimque huic annexis, quæque pennæ ipsius latitudinem efficiunt. Pili ex quibus plumula quæque *Hist.*
Anim. contexitur, plani sunt, & in plano se se tangunt, ut facilius flecti possint & arctius sibi mutuo conjungantur, neque in partem oppositam deflectant. Hinc major pennæ firmitas. Ac ne facile à se mutuo divellantur, utque divulsæ statim cohæreant, singulæ plumulæ utrimque filis contortis & seriatis dispositis muniantur. Nam ea filamenta velut hami quidam in una serie deorsum paululum intorta, eaque cum serie vicinioris plumulæ, cujus fila sursum crispantur, ultrò cohærent. Quod quidem naturæ artificium, omnis adeò pennarum structura, quæque ad volatum avium pertinent fusius explicantur & figuris exprimuntur in descriptione struthionis.

IV. Hæc mirabilis pennarum fabrica, quæ Microscopio facilius conficitur, proposito naturæ fini quam aptissime responderet. Cum enim vi quadam exteriore silum unum ab altero se junctum fuit, incredibili facilitate cum eo redit: quod aves ipsas non fugit, quæ dissociata fila rostri apice in ordinem componunt, eaque divulsæ restitunt.

Nam ad volatum duo sunt imprimis necessaria, primum ut aer pennarum percussioni plurimum resistat; alterum ut sublatis alis quam minimum obster. Cavendum enim fuit ne idipsum quod depreffione alarum quæsitum ab iis fuit, pennis erectis statim amitterent. Quamobrem pennæ in ala ita sunt dispositæ, ut ea depreffa latior fiat, & magnam aëris molem verberet. Sed ubiala erigitur, pennæ contrahuntur, ita ut singulæ parte sui dimidia vicinarum dimidiam quoque latitudinem tegant, neque amplius ad libellam & quasi horizonti parallelæ jaceant, sed penè verticales aëra fecerint, qui idcirco minus resistit: ut remi dum reducuntur, quasi cæsum aquam feriunt, neque iis aqua adeo obstitit. Adde illud quoque majores alæ pennas quæ versus extrema sitæ sunt, tum evolui, cum aëra verberant, ut in arctius spatium comprimuntur, cum ala erigitur.

V. Sed ut eo revertamur, unde narratio nostra deflexit, & partes interiores strictim decurramus: Ventriculus erat amplus & carnosus ut in avibus quæ granis pascuntur; lapillis & numis æreis refertus, ut in avi tarda repertus est. Nummi exesi itidem erant ex parte convexa. Ac musciculosa illa ventriculi substantia non tam videtur calore congenito, quam motu ipso & attritu alimenta comminuere. Nec metalla digerit, aut in chylum mutat, sed una cum herbis terit. Hinc color viridis, non albus, ut in iis quæ caloris vi quoad substantiam ipsam mutantur.

Colum intestinum folia transversum disposita quasi totidem semi-circuli distinguebant, folium quoque instar cochleæ contortum intus cæcum vestiebat, pene ut in vulpe marina, in leporibus & cuniculis.

Jecur humano pene consimile; cystis fellea deerat, sed canalis hepaticus è medio partis cavæ ortus iu pylorum desinebat. Hic canalis è tribus satis amplis ramis, qui totius jecinoris substantiam pervadebant, coaluerat. Duo itidem erant portæ trunci à se mutuo disjuncti; quisque suas habebat radices sibi proprias. Pancreas decem digitis longum ut in magna avium parte situm, è glandulis membranarum ope inter se devinctis compositum; insertio ductûs pancreatici tribus & amplius pedibus distabat ab insertione

ANN. canalis hepatici. Lienis parenchyma firmum erat & solidum, quale est in 1674. quadrupedum renibus.

V I. Respirationis organa multò accuratius sunt observata quàm in aliis avibus, quod in struthione vesicæ sint firmæ & densæ fere ut suillæ : in plerisque avibus adeo sunt tenues, ut difficillimum sit eas inter dissecandum non perforare. Qui sunt tot vesicarum usus quæsitum est, & avium respiratio cum terrestrium animantium respiratione comparata. Cum spiritum ducimus, & sit inspiratio, pectus dilatatur, diaphragma complanatur, viscera abdomine contenta deorsum pelluntur. In expiratione pectus contrahitur, diaphragma sursum tollitur, hinc thoracis capacitas fit angustior; sanguis valis pulmonum, tanquam pulvillis mollioribus contentus pressus exprimitur. Diaphragma verò tum motu ingenito, tum maximè vi muscutorum abdominis, quorum munus est viscera comprimere, sursum adigitur.

In avibus verò debiliores sunt & minores muscoli abdominis quàm ut hoc ipsum præstare possint. Nam sternum ad imum usque ventris descendit, ut musculus pectoris qui ad alas deprimendas in volatu sunt necessarii, præbeant originem. Quare aliud artificium adhibuit naturæ opifex. Cum enim superiores vesicæ pectoris subeunte aëre implentur, inferiores tum distendi non possunt, sed à superioribus pressæ detumescunt. In expiratione autem aër pectore conclusus partim per Laryngem erumpit, partim exinanitas vesicas inferiores implet, adeo ut arctato pectore abdomen dilatetur, & vicissim : cum vesicæ abdominis implentur, contenta viscera coarctantur, atque idem pene efficiunt inferiores avium vesicæ, quod abdominis musculi in aliis animantibus.

Quod exemplo folium quibus utuntur fabri, satis aptè illustratur. Ii quippe sunt duplices & ita dispositi ut sublato inferiore aër subeat, eoque depresso per foramen alæ quæ instar septi ambos folles determinat, in superiore commect, & alam illius supremam attollat, idque alternis efficitur.

Hoc experiri placuit in anseribus, & gallis Indicis; nam aperto abdomine illæ viscus, thorace depresso in expiratione inferiores vesicæ inflatæ apparebant, quæ thorace dilatato subsidere visæ sunt.

V II. Avis quædam Indica ante annum 1597. in Europa nunquam visa in Indiis *Line*, à nobis *Cassiel* dicta, postremo dissecta est & descripta. Hæc struthioni corporis mole proxima, & in structura pene est consimilis. Alæ admodum parvæ, adeo ut sub dorsi pennis delitescerent; pennæ ipsæ ursi, aut apri pilis similes, ex fibris oblongis, & crassis compositæ, omnes ejusdem figuræ, non ad volatum, sed ad tegendum corpus destinatæ, duplici velut caudice constabant.

Collum erat implume ut in gallo Indico, uti & caput cui crista instar cassidis infidebat, tersa & nitens instar cornu : quin & illius substantia ex variis composita lamellis pene cornea videbatur. Extremum rostri in tres partes divisum ut in gallo Indico. In parte colli infima duæ erant appendices carnosæ fere ut in rostro inferiore gallinæ.

In medio sterni tuber implume & callosum apparebat, cui instar cameli

incumbit. Crura recta & admodum crassa uropygium itidem amplum & ob-
tusius quàm in ulla avi nobis cognita. *Hist. Anim.*

Ventriculus musculosus huic deerat: cum tamen pane & leguminibus vescatur; sed multiplici ventriculo donatur, unde & solidiora quæque alimenta digerit.

VIII. Respirationis organa ut in struthione acriori studio sunt observata, duo imprimis pulmonum musculi, quorum origo carnosâ admodum in sex velut capita divisa, quæ juncta in aponeurosim, aut tendinem amplum abeunt, quo pulmo involvitur, & à vesicis secernitur. Postquam enim aër pulmones pervasit, per foramina in hoc tendine aperta vesicas subit; quas diaphragma, ut aponeurosis seu tendo pulmones & costas regit: adeo ut vesicæ inter aponeurosim & diaphragma concludantur, uti pulmones inter costas & aponeurosim seu amplum tendinem.

Neque illud abhorret à verisimili hos musculos motui thoracis inservire. Nam costas quæ in avibus duplices sunt & inter se articulatae, dorsum trahunt: siquidem ab angulis quos costæ unâ conjunctæ efficiunt, oblique descendunt versus dorsi vertebrae, quibus costæ utrimque illigantur.

Deinde suspicari licet eosdem musculos aëri retinendo conferre, ne eadem facilitate exeat, qua subit. Nam aperta foramina quibus liber aëri aditus patet in vesicas aut saccos, in parte carnosâ musculorum ut plurimum insunt: hæc contractionis & dilatationis spontaneæ capax est. Quin etiam chameleo cujus pulmones avium pulmonibus sunt consimiles, diu continet aëra; interdum ita intumescere visus, ut disruptionem minaretur. Sed & diu in eo statu manet, tametsi spiritum ducit & reddit, quasi aëra in quibusdam vesicis, quarum ostiola in parte musculorum carnosâ sita sunt, contineret, & in aliis liberum aëri aditum & exitum permetteret.

IX. Vesicæ ab utroque diaphragmate & musculis separari poterant, propria quæque tunica munitæ. Quarta vesica non usque adeo descendebat, atque in aliis avibus solet, quod sternum perparvum sit, majores adeo abdominis musculi, ita ut quarta illa vesica non adeo sit necessaria, atque in avibus quæ majore sterno donantur.

X. Palpebra interior oculi quæ omnibus avibus inest, intentis animis considerata singulare naturæ artificium oculis & animo subjecit. Hoc utique positum est in funiculo qui per trochleam ductus membranam illam instar veli fenestris appensi aut distendit, aut adducit. Ea quidem membrana extensa est figuræ triangularis, ut complicata circuli segmentum exhibet. Ejus basis vel origo interiori angulo oculi est finitima; in eo magni circuli margine quem sclerotica tunica cum cornea efficit, sita est, eaque tertiam & amplius ejus circuli portionem occupat, & prorsus immota manet. Reliqua duo latera dextrorsum & sinistrorsum producuntur, idque fit ope musculi cujus origo est in eodem margine scleroticae posita versus majorem oculi angulum. In ortu suo amplus est, tum sensum minuitur, dum in tendinem exilem & rotundum abeat sub nervo optico qui pertusum alterius musculi tendinem subit: adeo ut hic tendo perforatus trochleæ munus obeat, & obster ne alter major musculi tendo nervum opticum lædat, dum super cum incedit, & inflexus posteriorem oculi partem decurrit, ac pal-

ANN. 1674. *pebræ interioris angulo inferitur. Alter & minor musculus, cujus tendo est perforatus, ex scleroticæ iridem margine oritur, sed ex parte priori opposita versus minorem oculi angulum, qui posteriorem oculi partem decurrens alterius musculi tendini occurrit, eumque, ut diximus, completitur.*

Prioris & majoris musculi usus in eo consistit, quod sui tendinis interventu palpebram anteriorem distendat, qui corneam tegat: hujus actionem adjuvat alter musculus. Cum enim magna per corneam tractio futura esset, opus fuit longiori musculo, qui totus in oculi globo collocari non poterat. Quare tam longi musculi actionem per duos mediocres suppletam oportuit, quorum alter inflexus majorem in angusto spatio longitudinem occuparet.

Hujus interioris membranæ quæ in omni ferme animantium genere, sed diversa ratione & structura reperitur, substantia cornea pene est: hic præcipuus ejus videtur usus ut corneam abstergat & humore idemidum perfundat, ne exsiccata minùs pelluceat. Unde homini & simiæ deest, qui manibus possunt oculos mundare. Id enim efficit membrana quod homines manibus, ut si quid pulveris oculi globo adhæserit, id membranæ ope detergatur. Tamen id postea fuit à D. Du Verney observatum in quadrupedibus eam palpebram esse immobilem, & pene cartilagineam. Nam iis factis fuit si globus oculi idemidem affrictus membranæ glandulis, humore ex iis manante perfunderetur. Et quidem ductus glandulæ lachrymalis in homine ultra glandulam non producit, ut in avibus, ubi ad medium usque interioris palpebræ excurrit, & sub ea liquorem effundit in corneam dum palpebra ita reditque singulis pene momentis.

XI. Hæc quidem de historia avium anatomica. Quæ autem in extremo opere subjicitur magnæ Testudinis ex India Orientali advectæ accurata descriptio commodius forsitan in eum locum esset rejicienda, ubi agendum erit de hoc genere animalium quæ dicuntur amphibia, quod in terra & aqua degant; in antecessum tamen perpauca ex iis quæ in hujus animalis conformatione sunt consideratione digna velut in transitu subjiciemus.

C A P U T VII.

De Testudine.

I. **H**ÆC Testudo quatuor pedes longa, squama tanquam clypeo duplici munita erat, eaque ex variis partibus inter se arctissime connexis compacta, quæ uni & eidem ossi interiori quasi cranio cuidam coherabant. Squamæ illæ ignis calore ab ossæ divelli poterant, & pleræque ex iis figuram pentagonam referebant. Caput, humeri, brachia, crura extra testam prodibant pelle rugosa & granulis aspera. Labiorum pellis pene cornea & instar serræ incisa; pedum digiti longis unguibus tantum distincti apparebant ex utraque parte distinctis, posteriore tantum ungue innixæ primum lento gradu incedunt, tum proximo & ita deinceps separatim incum-

bentes rotundum pedem instar rotæ circumagunt, & unguium in terra, ut clavorum manent impressa vestigia.

Cauda in sui extremo erat cornea; post mortem sic incurvata, ut nulla vi flecti potuerit. Eadem inflexibilitas in maxillarum musculis reperta, quarum ex Aristotele vis est maxima. Caput parvæ testudinis amputatum sic maxillas per semi-horam collidebat, ut strepitum quemdam ederet.

Osse interiori quo viscera continentur secto, membrana quæ inferiorem ossis partem succingit, quæque peritonæi & pleuritidis vices obit, ventriculus, intestina, jecur & alia viscera in conspectum venerunt. Jecur in dextram & sinistram partem, quæ velut isthmio quodam, inter se conjunctæ erant, divisum, duplici venæ cavæ trunco, duplici itidem ramo hepatico instructum erat. Splenis eadem pene forma, quæ renis in plerisque animalibus. Vesica erat magnitudinis & figuræ prorsus insolitæ, 12 & amplius urinæ limpidæ libras continebat, in longum porrecta instar intestini, collum in medio situm non in altero illius extremo. Exterior tunica membranosa, interior crassa innumeris fibris inter se decussatis, & mutuo intertextis munita, fere ut in auriculis cordis. Earum quippe usus videtur consimilis, ut capacitatem vesicæ contrahentes contentam urinam exprimant. Cum enim inferioris ventris desint muscoli, qui vesicam premant, in seipsa eam vim habere debuit qua se exonerare posset.

I I. Cordis forma aliis pene omnibus planè dissimilis. Nam major dimensio erat in latum; basis tres digitos patebat, à mucrone sesqui digito tantum distabat. Ambæ auriculæ ex basi exibant quasi pendulæ; duo cavæ trunci ab hepate prodeuntes in utramque auriculam sanguinem devehebant: hunc auriculæ in suum quæque effundebant ventriculus, & unicuique ostio tres erant vavulæ sigmoides, quæ obstabant ne sanguis ad auriculas remearet.

I I I. Aspera arteria in primo pulmonum ingressu non tubos cartilagineos, sed membranosos spargebat. Hi ductus tenues & pellucidi quibusdam ligamentis in formam retis contextis firmitatem nacti quasi annulos aut fibulas efficiebant, ex quibus in sæculos, & ex iis in alios patebat aditus.

I V. Cum in homine & in terrenis animantibus pulmones carnosî omninò videantur, in testudine, ranis, serpentibus &c. iidem sunt penitus membranosi, in avibus partim carnosî, partim membranosi: hoc discriminis non ex pulmonum fabrica, sed ex majori aut minori copia sanguinis & vasotum repetendum videtur. Nam in omnibus ex congerie vesicularum, quarum interstitia replent vasa sanguinea, pulmones constantur. Vasa in homine & brutis tam copiosa & inter se conferta carnis speciem præbent, & quasi minores lobos bronchiorum tubulis annexos exhibent. Ex iis lobulis majores pulmonum lobi coalescunt.

V. Hinc motus pulmonum in terrenis animantibus, & in avibus continuus est non interruptus. In testudine, ranis, Cameleonte &c. rarior & inæqualis. Aperto thorace in cane vivo, & sternum sublato, statim pulmo concidit, & circulatio sanguinis brevi cessat, distentis cordis tum dextro ventriculo, tum auricula ejus & vena cava, ita ut pene distrumpantur; eumque animali vitam producere libet, aptatis asperæ arteriæ folliis aër

Hist.
Anim.

ANN. immissus pulmonem inflat, tùm detumescere sinitur, atque ea ratione motus
 1674. pulmonum & cordis continuatur, ventriculus cordis dexter & vena cava
 detumescent. Contra in testudine apertus pulmo seu inflatus maneat, seu
 concidat, motus cordis, idque quatruidi spatio durare visus est.

VI. Illud interdum fuit observatum testudines in aquam coniectas statim ore & naribus ampullas complures emitte, quod nimiam aëris pulmonibus conclusi copiam ejiciant, ut in justo æquilibrio possint consistere, & in imum aquæ, si opus fuerit, deprimi. Ubi pulmones paululum comprimuntur, tum dilatatis pulmonum musculis, cum libuerit, sursum emergunt. Non aliter atque ampullæ vitreæ ad imum vasis descendunt ubi digito aut flatu pars tubi summa premitur: tum enim aqua plus satis compressa subit ampullam per exile foramen & conclusum aëra coarctat; ubi summam aquæ partem premere desieris, aër ampulla contentus liberior factus vi sua elastica se se explicat, levior fit ampulla & sursum ascendit.

Rem ita esse hinc licet conjicere, quod testudine in vase aqua pleno conclusa, cujus operculo rite cum vase agglutinato cum tubus vitreus aptatus esset, aqua in tubum interdum attolli, interdum deprimi videretur, ut testudo sursum eniti aut deorsum deprimi conabatur. Nam pulmonibus contractis deorsum, dilatatis sursum enitebatur.

VII. Atque hunc compressionis effectum non mediocriter adjuvat glotta accuratè oclusa: quemadmodum in piscibus vesicæ sic occluduntur, ut iis summa vi compressis aër nullum habeat exitum. Neque id verisimile est eas vesicas ita esse fabricatas, ut in eodem statu permaneant: obstant enim quominus pisces ad fundum aquæ deciderent: cum tamen ad libitum, aut summam aquæ superficiem, aut mediam occupent, ut ampullæ vitreæ de quibus diximus, quæ in media aqua innatant, aut ad infimam demerguntur, ut aër iis conclusus magis aut minùs comprimitur.

VIII. Huc accedit organorum conformatio huic usui accommodata: nam testa quæ est instar thoracis, immota prorsus existit; neque huic adest diaphragma: muscoli quidam & ligamenta pulmonum compressioni & dilatationi serviunt; sed sternum & costæ desunt, aut quiddam iis analogum: ita ut in iis non necessaria videatur continuata & minimè interrupta respiratio. Quæ circa structuram cordis & respirationem diximus, diligentius postea sunt examinata, & in acta Academiæ relata, de quibus suo loco dicendum.

IX. Longiores hoc loc suimus argumenti novitate illecti: plura non addemus. Etsi quamplurimæ aliæ non avium modò, sed & omnis generis animantium dissectiones factæ sunt, minus vulgatas afferre contenti. Alio igitur pergamus.




R E G I Æ SCIENTIARUM ACADEMIÆ HISTORIA.

L I B E R. S E C U N D U S.



XEUNTE anno 1674. cum è Provincia Luteriam rediissem, Secretarii munus quod ab anno 1668. cum in Germaniam primum, tum in Angliam profectus fuisssem, obire desieram, mihi iterum injunctum fuit. Tum verò cœterum Academicorum non mediocriter imminutum repertum. Nam ex iis qui ab Academiæ origine selecti fuerant, jam nonnulli diem suum obierant. Inter eos primus est recensendus Marinus Curæus, D. de la Chambre Medicus ordinarius Regis Christianissimi præclaris operibus in lucem editis clarus, qui mortuus est anno 1671. Vir erat præcellenti ingenio & flagranti studio, cui inerat rerum variarum mira notitia, facundia par. Complures exstant ejus Libri Philosophici, & ii maximè qui ad hominis cognitionem spectant. Cujus generis sunt affectuum humanorum characteres, quos susè, eleganter & doctè gallico sermone est persecutus. Summa est in hoc opere vis elocutionis & doctrina non vulgaris; alia quoque edidit complura volumina de cognitione brutorum, de eorum amicitia & odio, de physiognomia. Latine scripsi. brevem, sed eruditum in quosdam Hippocratis Aphorismos Commentarium, Libri primi Physicorum Aristotelis paraphrasim admodum dilucidam, cui dissertationem eruditam de Philosophiâ Platonica subjunxit.

Paucis post annis D. Gayent Anatomicus peritissimus, & inter Chirurgos Parisienses magni nominis ex hac vita decessit. Quem brevi post tempore D. Pecquet, amicus ejus & operationum Anatomicarum socius, est subsequutus. Hic commune chyli receptaculum, quod illius nomine insignitum fuit, simul & canalem Thoracicum, per quem chylus in venas commeat, primus invenit. Quæ res non parvam ei famam & existimationem adjunxit, ac magnam Anatomix intulit lucem.



SECTIO PRIMA.

De Rebus Physicis.

Hunc Librum à Physicis ordiemur, de Anatomicis primum & anî-
malium Historia, tum de Chymicis laboribus dicturi.

CAPUT PRIMUM.

De Rebus Anatomicis.

I. **H**Æc fere superiori triennio acta sunt in Academia, quæ annis con-
sequenribus longiùs sunt promota. Atque ut à rebus Anatomicis
ducamus exordium. Primum occurrit elegans & ingeniosa dissertatio D. Per-
rault de motu peristaltico, quam die 27. Februarii anni 1675. legit, &
interjectis aliquot annis unà cum aliis tentaminibus emisit in publicum:
adeo ut satis superque fuerit nonnulla ex eo tractatu decerpere.

II. Principii loco id statuit coctionem & distributionem humorum &
spirituum in animantibus motu locali perfici, sive manifesto, cum humo-
res aut spiritus è loco in locum transferuntur; sive obscuro & insensibi-
li, qui motus alterationis dici solet, quo nimirum partes minutiores huc
illuc agantur: Hic in aquæ ebullitione conspicuus est, cum incalcescit,
isq; in ipsis fit humoribus & alimentis, cum partes incidi, inutiles se-
parari & misceri incipiunt, ac novum mixtum, seu chylus, seu sanguis,
seu pars ipsa quæ alitur, seu denique spiritus elaborantur.

Hic motus tum ab organis quæ coctioni servant, tum à compressione
& agitatione vicinatum partium proficiscitur. Organa ipsa particulas secan-
tes & dissolventes suppeditant, quæ dum resolvunt mixturem vincula, ma-
teriam ipsam præparant, & idoneam efficiunt, quæ aliam velut formam
induat. Sed jugis agitatio aut pressio coctionem humorum & in omnes
partes distributionem multum promover.

III. Hæc, inquam, pressio & continuata impulsio omnibus corporis par-
tibus, quæ humores præparant, coquunt, distribuunt, communis est: sed
tamen in œsophago, ventriculo & intestinis magis est conspicua, & mo-
tus peristaltici, aut vermicularis nomen obtinet. Cum v. gr. equus capite
depresso herbam aut aquam per œsophagum demittit in ventriculum, tum
cibus non alia ratione ascendit, quàm quod circulares fibræ continuata con-
strictione cibum aut potum antrorsum pellunt. Sic alimenta in ventri-
culo concocta sursum per pylorum, seu dextrum illius orificium in ipsa in-
testina propelluntur, quod fibrarum continuata contractione perficitur.

IV. Eadem contractio in ipsis intestinis adeo est manifesta, ut oculis

ipsis subjiciatur in dissectione vivorum animalium, ac motus ille non est *Ana-*
dissimilis lumbrici reptationi, quā alternis contrahitur & producit. Ubi *romica*,
fibrae contrahuntur, chylum intestino contentum prorsum trudent.

Hic motus rameris in folis intestinis peristalticus appellatur, quod in partium mutua accessione consistat, omnibus tamen iis partibus communis est, quæ immutant, præparant, coquunt, ac distribuunt humores & spiritus, actionum animalium præcipua instrumenta. Hunc in usum natura in venis & vasis lymphaticis aptavit valvulas per intervalla dispensas, quibus in arteriis non opus erat. Ex iis enim quasi vas unicum conflatur, cum venas valvulæ in complura velut vasa discernunt: adeo ut vena alicubi pressa naturali sanguinis motui cor versus cedat: sed pars infra valvulam sita sanguini reslueri obstat. Arteriis verò desunt valvulæ: nam id necesse erat ut arteriâ aliqua parte pulsâ æquabilis in omnes partes esset impulsio: cumque illæ per fibras proprias unâ cum corde contrahuntur, si fortè alibi cubi premantur, prope cor ipsum magis obstant, ubi validior est arteriæ contractio: adeo ut impulsio versus extrema nitatur, neque ad cor sanguis resluat.

V. Hæc valvularum dispositio humorum fluori est accommodata, atque eorum motum moderatur, sed rebus crassioribus, cujusmodi sunt cibi, qui per œsophagum in ventriculum demissi, & in eo cocti in chylum abeunt, transmittendis in ipsa intestina minus idonea foret. Alia igitur opus fuit machinatione, ut chylus per intestinorum ductus & anfractus sic deducatur, ut alimenta retineri, & refluxus inhiberi possit, atque eò pellatur, quò cum pergere necesse est. Huic rei duo instrumentorum genera aptantur, unum eorum quæ sunt manifesta, cujusmodi sunt pharyngis & œsophagi muscoli, quorum actio est spontanea; alia nobis insciis vim suam exerunt, quæ in œsophago & intestinis eadem plane videtur, quæque in successiva constrictione consistit, & per fibras circulares perficiunt. Nam hæc fibræ idem fere munus obeunt quod valvulæ in venis. Cum œsophagus pulmonum vi, aut intestina abdominis musculorum impulsu premuntur, hæc compressio non magis deorsum, quàm sursum tendit; sed alterna illa constrictione fibrarum eam sic determinat, ut sursum potius quàm deorsum tendat. Quemadmodum venarum valvulæ sanguinis motum versus cor propellant, quod obstant valvulæ ne alio deflectat.

VI. Sed tamen compressio illa vix effici potest in ipsis intestinis nisi aliquo in loco admodum arctentur, uti sanguis in capillaribus arteriis, cum impulsu cordis in venas capillares & in cacos corporis meatus protruditur. At major est intestini cavitas, quàm ut ea constrictione fibrarum pars chyli purior angustos membranarum quibus intestina constant, meatus subire possit. Quare chylus in angustis rugarum quas membranæ intestinorum efficiunt, arctatus externa peritonei membrana, musculorum ventris & diaphragmatis indefinente pressione cget ut exiles subeat meatus, fere ut in elephantis pelle cernimus, cum muscæ inter rugas compressæ necantur.

VII. Quæ structura non solis intestinis, sed iis omnibus communis est partibus quæ aliis inserviunt, ut cordi, arteriis, cerebro, pulmonibus. Nam in iis sinuosi anfractus liquoribus continendis, & terendis aptati cer-

nuntur. In ventriculis animalium membrana interior aut est corrugata ; ut in majore avium parte, aut foliis & papillis instructa, ut in ruminantibus, aut villis & cuspidibus aspera, ut in homine.

Intestinatorum conformatio huic actioni est maximè accommodata. Nam Mesenterii membrana cui adhærescunt, illa in rugas contrahit ; fibræ in iis pene omnes sunt circulares, quarum plures arctantur aliis relaxatis.

Paucis post diebus Cercopitheci descriptionem legi idem D. Perrault, cujus partes interiores expendit & descripsit D. Du Verney. Hic venam subclaviam ut in cane supra ductum thoracicum, jugularem iridem supra insertionem cum ligasset, canis adhuc quindecim dies superstes fuit.

VIII. Monstri cujusdam quod die 11. Junii natum est Toloni in Provinciâ, historia ad D. Mariotte missa lecta est die 21. Augusti. Capite duplici, quatuor brachiis, totidem cruribus, trunco unico, corde tamen duplici instructum erat, sed uno & eodem pericardio utrumque erat inclusum, hepar unicum, uti & ventriculus. D. Thibault Doctor Medicus hoc monstrum dissectuit, ac veram esse eam descriptionem testatus est.

Sub idem fere tempus nempe mense Augusto D. Du Verney in Anserem experimentum fecit jam ante in quadrupedibus sæpe tentatum, quo compertum fuit in volatilibus, ut in quadrupedibus colorum differentiam quæ in venoso & arterioso sanguine conspicitur, à pulmonibus potius quàm à corde proficisci. Nam sanguis ex pulmonum arteria missus, subniger visus, qui è vena pulmonum eductus fuit rutilus & splendidior.

CAPUT II.

De Chymicis & Physicis laboribus.

I. **Q**ua ratione, quave methodo in plantarum Analyfi procedendum judicaret D. Dodart uno item & altero scripto exposuit. Macerationi insistendum censebat, quòd probabilius sit maceratione ipsa potius evolvì & extricari principia quàm alterari. 2. Juniores plantas, easque imprimis quæ usuales dicuntur, analyfi subjiciendas ; ac pleraque alia notatu digna annotavit, quæ magna ex parte sunt observata. Quid ex illa analyfi sperandum sit, D. Dodart Libro peculiari qui anno 1676. typis Regiis excusus fuit, & cujus supra meminimus, exposuit ; neque in his diutius immorandum arbitramur, nisi fortè quædam occurrant quæ nostri sunt instituti.

II. Hujus generis fuit illud ipsum quod eodem fere tempore, die nimirum 20 Martii D. Bourdelin exhibuit, caput mortuum quod supererat ex oleo variarum plantarum sexies & vicesies extillato novæ semper aquæ communis additione. Ex 10 unciis olei duæ tantùm cum semisse olei longè purioris quàm antea residuæ fuerunt. Aqua verò quater & vicesies distillata sublimati dissolutionem præ sale volatili, quo erat imprægnata, præcipitem dedit.

III. Nec stirpium modò, sed terratum quoque analysim aggredi pla-

cuit. Circa mensem Novembrem marga vulgo *de la Marne* liquorem præbuit qui cum spiritu salis multum efferbuit; nulla terra acidum liquorem dedit, nisi subrubra quædam è Parnasso monte propè Chartusianos extracta. Atque hic labor incunte anno 1678 fuit continuatus. Nam ochra, & Hamatitis, & terræ pictoribus usitatæ v. *Terre-d'Ombre* analysi facta, ex postrema spiritus acerrimus stillavit, qui iisdem penè donatur viribus, quas in spiritu salis experimur.

I V. Anno 1676 die 6 Martii terra admodum fertilis in sua principia exsoluta liquorem sulphureum præbuit, qui una cum spiritu salis magnam effervescentiam procreavit, neque ullus ex ea liquor acidus prodiit. Argilla Saviniaca, v. de *Savigny*, ex qua fieri solent vasa fictilia quæ ignem ferunt parum liquoris acidi dedit quo heliotropii succus tubeo colore tinctus est: qui consecuti sunt liquores, planè sulphurei erant, iique cum spiritu salis efferbuerunt; perparum salis ex iis extractum: sed caput mortuum copiosum fuit.

Ejusdem terræ analysis die 8 Julii est continuata. Sex libræ cum una salis communis, qui è salepetræ extrahi solet, distillatæ liquorem instar spiritus salis dederunt. In fundo sal subsidit, qui marinum sapore, & vitriolum proprietate quadam referebat: nam ferrum cupri colore tingeat.

Terra quædam vitidis, quæ è Germania huc asportari solet, multum salis volatilis dedit in primis liquoribus extillatis. Qui in capite mortuo sal supererat, ejusdem erat saporis cum sale marino.

V. Sal erucæ distillatus una cum gleba seu bolo liquorem tum sulphureum, tum acidum instar spiritus talis dedit. Ambo hi liquores simul commisti efferbuerunt. Ex eo liquore qui in imo vasis reliquus fuit & coagulatus multum salis albi extractum; liquor post exhalationem abiit in crystallos, seu in vitriolum viride, quo solutio gallæ atro colore tincta est. Ac tandem liquor exiit viridis & idem asperimus, qui solutionem gallæ nihil immutavit: è gleba separatim extillata nullum vitriolum est procreatum.

Sic carbones fossiles & bituminosi liquores sulphureos suppeditarunt, qui cum spiritu salis ebullierunt: oleum quoque exiit petrolco non ab simile.

Vena plumbea è Nivernensi agro effossa parum acidi liquoris quasi spiritum acidum sulphuris exhibuit.

VI. Cum Chymicis plerisque id persuasum sit hydrargyrum plumbi fumo indurari, atque, ut loquuntur, fixari, illud ipsum die 20 Maii placuit experiri. Fuso plumbo & pene refrigerato, duæ uncie Mercurii factio foramine affusa, fixæ apparuerunt. Sed pondus ex dimidio fore auctum est, quod plumbum cum hydrargyro confusum fuerit, & utriusque factum sit amalgama, ut loquuntur Chymici.

VII. Inter Physica experimenta quæ hoc biennio facta sunt, ea prætermitti non debent quæ die 8 Maii anno 1675 ustorijum speculum exhibuit. Lateres quippe, testæ, ardesiæ, cuprum brevi temporis spatio in vitrum sunt conversa cum multo fumo; vitrum quoque fustum: sed crystallus insulæ Madagascar fundi non potuit, salpetræ statim instar crystalli mineralis liquatus, sed citra flammam.

ANN. Illud non contemnendum arbitror quod vir industrius D. Du Buffon
1676. Academiæ exhibuit, extractum scilicet carnis elixatæ in tabulas redactum :
extracta quidem jusculis conficiendis magno usui terra marique esse possunt
nam commodè perferuntur & diu conservari possunt : qua de re postea
dicemus.

Die 20 Martii anno 1676 lapis hamatites, vena plumbi, seu plum-
bago, creta Vesuntiana; terræ damnatæ in pulverem antea redactæ, gy-
psum radiis solaribus exposita, in foco speculi ustorii, quod in Biblio-
theca Regia asservatur, in vitrum sunt conversa.

VIII. Die 24. Julii ejusdem anni D. Hugenlagenam vitream exhi-
buit, cujus pars fere quarta terrâ repleta fuerat circa mensem Maium anni
1672. Sic oclusa erat, ut nullus aëri pateret aditus. Magnam graminis
copiam ea terra extulerat quæ lagenam pene rotam impleverat, & citra
externi aëris beneficium germinaverat; herba viridis erat, quâ parte Soli
fuerat exposita. Muscus etiam plurimus cernebatur cujus radices in retis
modum implicatæ, quiddam chartæ bibulæ non absimile præ se ferebant.
Graminis folia in terram inflexa novas in aëre radices emiserant quæ juxta
vitrum serpere videbantur.

IX. D. Perrault primum suorum tentaminum volumen legere occæpit,
quod postea typis excusum est.

Varia plantarum descriptiones à D. D. Dodart & Marchant elaboratæ
in Academia discussæ fuerunt, earumque analyfes à D. Bourdelin factæ,
omnibus coram probatæ, & ad ea de quibus dictum fuit criteria exactæ.
descriptionem stirpium, ac velut specimen operis quod sibi proposuit Aca-
demia, jam ante legerat D. Dodart, & anno 1676 uti & varia tum Phy-
sica tum Mathematica opera Ludovici Magni jussu cum figuris æri incis-
is regia plane munificentia excusa sunt & publici juris facta.

Anno 1676 ineunte D. Mariotte observationes à se factas circa refra-
ctiones & reflexiones globorum, qui è sclopetis majoribus in aquam ex
obliquo emittuntur, legit, simul & ea quæ circa soni & globi explosi
celeritatem animadvertit. Illud inter alia comperit sonum aliquanto prius
percipi, quam globus è 150 hexapedis missus corpus oppositum percutiat.

Nonnulla quoque hoc anno & proximè sequenti experimenta circa li-
quorum coagulationem & effervescentiam facta sunt à D. Borel Acade-
mico.

1. Butyrum antimonii rectificatum, ut aiunt, & excolor una cum oleo
tartari nustum in album coagulum visum est concrelescere citra ullum ca-
lorem.

2. Oleo Terebynthinæ oleum vitrioli paulatim affusum nullam effecit
commotionem : sed postea ambo sensim incaluere : atque ubi baculo per-
missa fuere, calor vehementior factus est, nullo apparente motu. Mistura
rubrum colorem contraxit, quem spiritus urinx debilior penitus delevit
lacteæ colore indulto.

3. Spiritus urinx & oleum vitrioli simul permista adeo effervuerunt ut
aqua igni admota non magis ebulliat. Parum hujus urinx spiritus vitri
impositum, eique sunt instillatæ aliquot olei vitrioli guttæ, eundem fere

strepitum, & in omnes partes vibrationem, edunt, ac si frigidam in fer- *Astron*
rum candens conjiceret.

4. Spiritus urinæ cum forti vitrioli solutione in viride coagulum abiit: sic oleum vitrioli cum fecibus reguli antimonii in cella subterranea exsolu- tis in coagulum rubei coloris concrevit. Oleum idem vitrioli una cum calcis vivæ solutione & auripigmento colorem flavum & pulchrum pro- creavit.



SECTIO SECUNDA.

De rebus Mathematicis annis 1675 & 76 pertractatis.

EX quo Observatorium Regium cœpit habitari,* & omni genere instru-
mentorum instructum fuit, acriori studio Astronomia exulta est, atque
in ea promovenda D. D. Cassini, Picard, Roëmer operam suam & curam
posuere diu noctuque in eam rem intenti.

CAPUT PRIMUM.

De rebus Astronomicis anni 1675.

I. AC primum quidem D. Cassini introductionem in Astronomicas
tabulas elucubraverat, quam exeunte anno 1674 & incunte anno
1675 legere occœpit, & per aliquot menses continuavit.

II. Die 11. Januarii anni 1675 hora post meridiem quinta cum se-
misse, eclipsis Luni à D. D. Cassini & Picard separatim observata fuit:
die 12 in Academia collatæ sunt utriusque observationes satis inter se con-
sentientes, cæque in eruditorum Ephemerides sunt relatæ.

III. Viri pereruditi Avenione Astronomiæ studiosi Telescopio 23 pe-
dum ad eos misso à D. Borello Saturnum cum suis satellitibus die 16 Julii
anni 1674 hora à media nocte prima observant; itque novum satellitem
inter quartum à D. Hugens anno 1659 & quintum à D. Cassini anno 1671
deprehensum invenisse non levibus indiciiis permoti existimaverant.

IV. Verum ex iis quas in eorum epistolam conscripsit D. Cassini ani-
madversionibus, quæque lectæ sunt in Academia die 26 Januarii anni 1675
palam id fuit omnibus novum illum satellitem non aliud fuisse quam unam
ex stellis fixis. Nam observationes factæ Avenione hoc uno fundamento
erant subnixæ, quod à die 26 Julii anni 1674 ad 29 ejusdem mensis us-
que, simul cum Saturno per Telescopium visæ sint duæ illæ stellæ: cum
tamen 6 tantum minuta unius gradus in cælo Telescopium simul exhibeat.
Quod si ita res se habuit, vitrum oculare non amplius quam sex lineas
patebat; nec tamen verisimile est eruditos viros oculare adeo angustum

ANN. 1675. adhibuisse. Quin & P. Goudin Facultatis Parisiensis olim Theologus testatus est se iis misisse ocularia non minora 18 lineis, quæ 35 minuta in Telescopio 23 pedum hinc inde detegunt. Illud etiam ut certum posuere easdem stellas visas fuisse die 16 Julii & 31 Octobris quæ plane diversæ à prioribus esse potuerunt.

Illud unum constat stellam longius à Saturno distitam non fuisse extimum ejus satellitem. Nam ex conjunctionibus quæ per triennium sunt diligenter observatæ, id liquet eum intra dies 80 circa Saturnum revolvi: adeo ut triennii spatio unum tantum diem cum semisse anticipaverit.

V. Die 20 Martii anni 1673 nova inveniendarum longitudinum ratio à nobili viro proposita fuit, & discussa à D. D. Cassino, Picard & Mariore. In variis cum eo colloquiis propositiones ejus cum responsis utrimque scriptis datæ; tandem judicatum fuit, quæ à viro clariss. erant proposita, partim pervulgata esse & à Nauris usurpata, partim apud auctores reperiri, ut apud Metium, Snellium, Stevinum, & variis erroribus ea esse exposita.

Die 23 Junii eclipsis Solis observata quæ ex epistola à D. Gallet scripta Avenione desitit hora 5. 20, min. 40 sec.

VI. Interjectis aliquot mensibus D. Cassini hypotheses suas circa motum librationis Lunæ proposuit. Illam autem existimat prodire ex compositione duorum motuum circularium, quorum unus aqualis est, siquæ circa proprios Lunæ polos 7 gradibus supra planum Eclipticæ elevatos; alter inæqualis circa axem perpendicularem Lunari orbitæ juxta Lunæ ipsius motum per Zodiacum, qui mera est apparentia resultans ex ejus periodica revolutione, in qua Lunæ axis circa quem fit prior revolutio, & colutus quidam Lunæ proprius, qui in termino primæ revolutionis sumitur, fertur sibi parallelus, quemadmodum axis terræ motu annuo juxta Copernici hypothesim. Simul quæ in Jovis maculis mutationes visæ sunt, ac denum quæ circa Saturnum & illius satellites sunt observata, exposuit. Quæ cum scriptis publicata fuerint, ea retexere supervacaneum videretur.

VII. At minimè omittenda mihi videtur quæ die prima Januarii anni 1676 Lunæ defectio visæ est: quæque die 4 ejusdem mensis à D. Cassini descripta fuit. Tum hypotheses suas exposuit, quibus Lunæ à terra distantia & diametrorum apparentium inæqualitas explicatur. Die 2 Maii machinæ typum exhibuit, quæ Lunæ librationem per motum circula rem exprimit. Paucis post diebus dissertationem de Lunæ Theoria à se elaboratam in Academia legit.

VIII. Idem 23 die Junii qua methodo postremam Solis eclipsim observavit, palam exposuit. Hæc Lutetiæ visæ est 5 tantummodo digitorum, cum tamen literæ Montepessulano missæ eam fuisse 7 digitorum testentur. D. Oldembourg qui tum erat societatis Regiæ Anglicanæ à Commentariis, scripsit D. Cassino eam Solis deflectionem Londini observatam fuisse à D. Smethi, quæ inito calculo cum observationibus Lutetiæ factis collata sic concinit ut uno minuto temporis non dissentiat.

IX. Idem die 4 Julii qua ratione motus macularum Solis, Poli, & decursa in Sole spatia inveniantur ostendit. Novam postea eclipses Lunæ observandi rationem demonstravit.

Cum variae satellitum Jovis configurationes permagnum ad Astronomiam & Geographiam momentum afferant, visum est D. Cassino die 22 Augusti scripto publico Astronomos admonere, quales anno proximo futuræ essent, ut eorum motus hinc comprobati, & certo definiti possent. Cum autem hujus scripti exemplaria desiderentur, idque perbreve sit, non erit alienum hoc loco illud exscribere.

Observationes satellitum Jovis selectiores institutæ ab Academia elapso " quinquennio novam suppeditarunt prostaphæresim omnibus satellitibus com- " mune, quæ tanti est momenti, ut neglecta errorem quadrantis horæ " possit in prædictione eclipsium inducere. Ex. gr. emersio primi satellitis die " 16 Novembris proximi 10 circiter minutis tardius accidit, quam indicat " calculus, qui eam vulgari modo deducit ex emersionibus factis statim post " oppositionem Jovis.

Alligata est hæc irregularitas ad varietatem visibilis diametri Jovis, sive " ad intervallum Jovis à terra, & videtur oriri ex eo quod lumen à sa- " tellitibus non perveniat ad nos nisi post aliquam temporis moram: ita ut " impendat decem vel undecim minuta per spatium æquale semidiametro or- " bis annui.

Sed difficultas circa hoc elementum calculum redderet intricatissimum, " nisi simul inventa esset ratio conficiendi tabulas, ex quibus per solos me- " dios motus & unicam tabulam prostaphæricam sine ullo subsidio aliarum " tabularum haberi possunt tempora Eclipsium satellitum singulorum vera, " continebitque illa tabula inæqualitatem dictum, seu verum motum Solis; ,, motum Jovis in excentrico, & novam illam jam detectam inæqualitatem. " Quod genus tabularum omnes huc usque usitatas brevitate, facilitate, & " multitudine elementorum superabit.

X. Circa diem 22 Novembris post exactas inducias D. Røemer dissertationem legit de luminis propagatione, quam in instanti non fieri hinc probat quod primi satellitis Jovis immersionum & emersionum inæqualia sint tempora. Quod magnæ disquisitionis initium fuit, de qua paulo post. Cum autem iis temporibus insignis in Sole macula visa esset, quæ prima periodo peracta novam inite videbatur, hujus motum singulis diebus futurum scripto publico prædixit D. Cassini.

XI. Agitata iterum fuit quæstio de emersionibus & immersionibus primi Jovis satellitis, quod summa temporis immersionum brevior sit emersionum summa. Cum de hujus phænomeni causa non idem sentirent D. Cassini & D. Røemer, uterque sententiam suam rationibus & conjecturis firmavit: sed de re ipsa nulla erat inter eos dissensio. Nam summa emersionum longioris temporis spatio constat, quam immersionum. Sententiam D. Røemer de luminis mora in quinto volumine Philos. nostræ veteris & novæ expressam invenies, uti in tractatu D. Hugens de lumine.

XII. Die 12 Decembris D. Røemer quæ ratione Solis maculæ in Sole citra ullum instrumentum observari possint, exposuit. Tum machinam à se excogitaram exhibuit, duplex nempe Telescopium duobus octantibus sic apertum ut uno alteri ad libitum subjecto, aut ab eo diducto angulorum magnitudinem liceat dimetiri. Hujus instrumenti usu exposito, simul

ANN. & brevem legit tractatum de ratione dimetiendi diametros Lunæ & aliorum siderum ope Telescopii duobus viris objectivis instructi quæ admoveri & 76. & removeri possunt ; in foco fila cancellarum decussata collocantur.

Cum stella Martis exeunte anno esset stationaria , eam diligenter & sæpius observavit D. Cassinus , si fortè ejus parallaxim inveniret.

CAPUT III.

De Libelle usu , ubi de Mechanicis.

I. **C**um illud placuisset Regi Christianissimo , ut aquæ quoad fieri posset saluberrimæ Versalias è vicinis locis ducerentur : quæ in Montis Roquencurtii clivo insunt ut viciniore , ita & salubriore sunt propositæ. Sed cum illæ sub ipsâ montis planitie 19 orgyæ , seu hexapedas depressæ forent , hoc factu difficillimum videbatur , & valde incertum , an incæptum illud benè procederet. Hoc igitur negotii D. Picard datum est , ut locorum altitudines ad libellam expenderet. Quod ab eo factum fuit per repetitas librationes , ac tandem hujus montis aquæ in unum collectæ Versalias usque sunt deductæ. Id ipsum in aliis sentibus ad libellam exactis tentatum & perfectum fuit.

II. Quod D. de la Hire commemorat in tractatu de libella & illius usu , quem anno 1684 in lucem edidit , à D. Picard inchoatum , sed nondum absolutum , nec demonstrationibus munitum , illud , inquam , minimè prætereundum puto , quod vel ex hoc uno liquere possit exemplo id ipsum quod in limine hujus operis leviter attigimus , non inutilem esse eruditiorum cœtum , qui inventa aut excogitata ab ingeniosis viris diligentius expendant , ne forte sumptus immodici in res penitus inutiles , ne dicam impossibiles impendantur. Sed ut ad rem ipsam veniamus , magno vir ingenio , quique Oceani cum mari Mediterraneo per interjectos canales & stagna jungere commercia ingressus non in mediocri erat existimatione , id sibi persuaserat , aquam profluentem è Ligero Versalias usque duci posse , quod Ligero Sequana multo sit altior : adeo ut non dubitaret quin aqua Ligero ad montem usque Santauriacum , hinc Versalias delapsa magno huic Regiæ domui esset ornamento. Ac prope erat ut res ipsa executioni mandaretur ; sed visum est Regi sapientissimo Academiam ea de re ante consulere. Itaque hanc Provinciam D. Picard , cujus solertiam & diligentiam sæpè expertus fuerat , demandavit : exeunte mense Septembri una cum D. Niquet profectus est , ut magna terrarum spatia Versalias inter & Ligero ad Libellam exigenter. Illud non fugiebat D. Picard Domino Riquet , qui auctor hujus consilii erat , id fuisse propositum ut aquam è Ligero ultra canalem Briareum derivaret. In hoc igitur potissimum incubuit ut hujus canalis fastigio cum Versaliis collato utriusque altitudinis differentiam perspectam haberet. Iniro calculo , & locis interjectis ad libellam diligenter perpenſis partem illam canalis Briarei , qua transiturus erat aquæ ductus 14 hexapedis depressiorem esse Monte Santauriaco , quo nimirum aqua profluens erat

perducenda, omnino comperit. Nihilo tamen minus D. Riquet in sua per-
tinit sententia, dum rediissent libellatores quos infcio D. Picard milerat. *Geo-*
Tum enim ab incœpto desistere visus est, idque imprimis, ubi eo co- *metr.*
ram librationes in Sequana factæ fuerunt, ducto initio à pago *de Seve* *Mech.*
Luteriam usque: Sequanam ibi infra ælium regiarum solum 60 hexapedis
deprimi jam ante repperat D. Picard. Hinc contra profluentem Corbolum
primum, deinde Montargium usque, secundum alterius fluvii vulgo *Loir*
dicti declivitatem librando dimensus fuerat. Itaque D. Riquet in iis quæ
actæ fuerant à D. D. Picard & Niquet librationibus tandem acquievit,
atque immensis sumptibus ea ratione parcitum est.

Quam adhibuit D. Picard libellam, hæc in tractatu jam laudato descri-
pta est, ubi aliæ quoque libellæ à D. D. Hugens, Roëmer, de la Hire,
sunt delineatæ, ut illas omittam quæ ab aliis Academicis inventæ publici
juris sunt factæ.

II. Inter varia Geometriæ problemata, quæ hoc biennio sunt propo-
sa, illud insigne fuit quod à D. Buor solum fuit de conchoide quadam
circuli, quam D. Pascal Limacem aut cochleam appellat, cujus descrip-
tionem docet D. Buor. Hæc est species quædam conchoidis circularis, cujus
polus est in extremitate diametri circuli, cum aliarum ejus generis polus sit
vel intra vel extra circumulum, sed in eodem plano.

Tum his subjecit rationem qua tangens hujus cochleæ & spatii compre-
henso dimensio reperiatur: quod problema fuerat à D. de Roberval pro-
positum. Hæc demonstratio in commentariis Academiæ est consignata.
Nova quoque demonstrandi propos. 47 libr. 1 Euclidis ratio à Domino
Roëmer proposita fuit & perfecta, *Sine triangulis vel parallelogrammis æque*
aliis.

Idem scripsit de statera Danica & ejus divisione in proportionem harmoni-
ca, ubi quædam scitu digna de harmonicis rationibus inferuit.

III. Sub idem tempus D. Cassini quoddam exposuit libræ genus cujus
ope pretium mercis appensæ dignosci potest citra calculum. Aliam quoque
descripsit stateram Arithmeticam: sed hæ duæ postremæ in Actis Academiæ
desiderantur.

IV. Illud magis ad institutum nostrum videtur pertinere, opus jussu
Regis susceptum de machinatrice scientia. Die 19 Junii anni 1675 D. Per-
rault cui ut Inspectori Regionum ædificiorum cura tum erat demandata,
missus à D. Colbert, eam Regis voluntatem esse denuntiavit, ut scien-
tiarum Academia de ratione conscribendi Tractatus Mechanici serio cogi-
taret, cui machinas artibus in Gallia & tota Europa usitatis utiles sic subji-
ceret, ut ab omni penè hominum genere posset intelligi, simul hos seli-
geret quos delineandis his machinis idoneos judicaret. De forma & ra-
tione hujus operis cum in uno item & altero congressu esset deliberatum,
& suam quisque sententiam scripto exposuisset, id mihi muneris datum
est ut ex variis scriptis summam conficerem, quod ad D. Colbert de-
ferretur.

V. Illud primum animadverti omnes pene in eo consentire ut opus in
duas partes tribueretur; quæ ad theoriam hujus scientiæ in priori parte,

ANN. quæ ad usum & praxim spectant, posteriori tractarentur. In illa vires corporum motrices seu potentia, simul & simplicium machinarum rationes exponerentur.

Sed quibusdam visum est varia potentiarum genera, ut hominum, animalium, venti, elaterii, percussione ad ponderum momenta revocari oportere, idque ex ipsa experientia definiendum. Ex. gr. quantum ponderis vires hominis possint atollere aut trahere, & ita de cæteris. 2 Principia quædam generalia circa virium incrementa constitui oportere, cujusmodi et illud pervulgatum. Quò vis aliqua augeatur, longiori tempore opus est, nec minor adhibenda potentia ut pondus per machinas subvehatur, quam si nulla utamur machina; quò pondus ad duplam altitudinem tollatur, alterum tantum potentia aut virium est impendendum.

VI. Nonnulli rem ipsam magis distinctè & particulatim tractandam censiebant; primum ut principiis simplicioribus, quaque natura adhibet explicatis, præcipuè motus species & proprietates exponerentur: cum mechanice omnis, si proprie loqui volumus, sit ars movendi corpora, aut eorum motus sistendi. 2 Ut præcipua motus impedimenta expenderentur, cujusmodi sunt corporum gravitas, figura, raritas, & densitas. 3 Naturæ ingenium ubi generalia principia motuum applicat, diligenter indagandum. Exempli loco id ponamus, quod instar fundamenti huic scientiæ subternitur, corpora tum esse in æquilibrio, cum pondera sunt in ratione reciproca velocitatum: ut corpus 4 libratum potentia unius libræ attollatur, illius pondus velut in quatuor partes divisum concipimus, & partitis quatuor temporibus subvehendum: cum idem corpus & eodem tempore vi potentia 4 librarum sublatum fuisset. Ex quibus liquet tum æquilibrium fieri, cum pondera & tempora ex una parte æquantur ponderibus & temporibus simul & ex parte altera sumptis. Nam in priori motu una erat libra, & quatuor tempora, in posteriori unum est tempus & quatuor libræ.

VII. Præterea id postulabant ut centro virtutis & ejus proprietatibus, centro itidem motus, directione & acceleratione seorsum explicatis, ignis, aëris, aquæ motiones paulo uberius exponerentur. Perspecta enim ignis agitatio ad rem tormentariam, cuniculos, ignes missiles applicari facile potest. Sic aëris motus, elaterium, usus in navigatione minime sunt prætercunda. Varia Auctorum Theoremata de motu aquarum, de effluxuum temporibus & mensuris forent recensenda, solidorum resistentia, percussio pertractandæ.

VIII. Postremo quantum ars possit in corporum motibus ad usum hominum applicandis intuendum esset. Primæ nimirum & simplices machinæ explicandæ, quæ ad quatuor revocari possunt; libram, planum inclinatum, elaterium & malleum: nam vectis, trochlea, axis in peritrochio quædam sunt libræ species, ut cuneus & cochlea, ut iis videbatur, plani inclinati. Primæ & simplices machinæ uberius essent explicandæ, quod ex iis ducantur ea quæ in secunda operis parte erunt pertractanda.

IX. Atque hæc de rebus in priori parte explicandis. In eo fere omnes consentiebant, cuncta simplici & expedita methodo esse tractanda, ab iis

vocibus abstinendum, quæ eruditioribus tantum notæ sunt; imò ne Mathematicis quidem demonstrationibus nisi parce admodum utendum. Nonnullis tamen visum est Geometrico ordine procedendum, definitiones nimirum & axiomata præmittenda, imo propositiones quæ sunt velut fundamenta hujus scientiæ de libra, plano inclinato, & si fieri potest de malleo & elaterio demonstratas oportere. Quove ea facilius intelligerentur, illud non alienum ab instituto foret compendiosam proportionum tractationem huic operi præfigere, in qua Theoremata per numeros tantummodo demonstrantur. Vix enim fieri potest, ut qui à Geometria non sunt instructi, citra brevem hanc Mathematicos Logicam machinarum ullam consequi possint cognitionem.

X. Alii censabant non alias definitiones quàm rerum quæ omnino necessariæ judicantur, præmitti oportere. 2. Id magni referte, ut iis vocabulis efferrentur quorum intellectus sit facilis, omni homonymia sublata. Nam v. gr. vox illa *Momentum*, non uno apud Autores usurpatur modo: quod discipulis confusionem parit. 3. Solis utendum principiis quæ Mechanices propria sunt, iis omittis quæ disciplinis omnibus Mathematicis sunt communia. Postremò nihil huic operi inferendum, nisi id solum quod machinis explicandis omnino necessarium videtur; curiosas & minùs utiles cum quæstiones, tum demonstrationes esse vitandas. Cavendum enim maxime ne multitudine rerum opus inutile fiat, neve tractationis loco quam ab Academia Rex postulat, partes pene omnes Physicæ in unum corpus adducantur. Quod si multa de igne, aëre & aquis tractanda sint, ea tantum quæ opus sunt, dicenda, neque res tam latè fusæ penitus exhaustiendæ. Eam docendi rationem Geometris usurpatam quæque iis tantummodo sapit qui huic generi demonstrationum sunt afflicti, omitti posse. Id entendum quantum fieri potest, ut hoc operis utile sit, prout omnibus, non injucundum, atque ab iis qui ingenio & communi sensu non sunt destituti, capi possit.

XI. Quod ad partem alteram operis attinet, in eo pene omnes consensere, ut à machinis simplicioribus quarum usus latius patet, duceretur initium. Eæ verò in certas velut classes distribui possunt, quædam ad militarem scientiam, aliæ ad agriculturam, aut ad navigationem, aliæ demum ad varias artes spectant.

XII. Nonnullis placuit ab iis machinis incipere, quibus magna subvehuntur pondera, tum ad eas progredi, quibus aquæ attolluntur, ubi de pistrinis, antliis & aliis tractabitur; neque id unum explicandum qua vi, quave ratione agunt, sed etiam quod in earum constructione observatum oporteat.

XIII. Illud quoque fuit propositum ut primo loco eæ machinæ describerentur quæ ad artes latius fusas adhiberi solent, & ad eas imprimis quæ circa metalla, lapides, ligna occupantur. Atque ex metallicis eæ potissimum seligerentur, quæ in ferro præparando, cujus in Gallia major est copia, versantur. Unde ab iis ordiri licet, quæ fundunt, tum ad eas progredi quæ illud purgant, tundunt, & ad diversos usus parant.

XIV. Die 22. Junii D. Perrault à D. Colbert missus, quæ Regis

ANN. ea de re voluntas efflet exposuit, nimirum ut pars operis præcipua in explicatione machinis versaretur; quæ ad theoriam pertinent, præfationis aut introductionis instar forent. Itaque deliberatum fuit qua ratione hoc opus perficiendum foret, idque conclusum 1. ut futuri operis forma à singulis designaretur, ut ex eorum scriptis excerpta ad D. Colbert mitterentur, quo Rex quid faciendum esset, decerneret. 2. D. Buot id munus datum, ut præcipuarum machinarum indiculum contexeret, easque delinearet, in quo uteretur opera D. D. Couplet, Pasquier & Du Vivier.

3. Quæ ad theoriam aut introductionem spectant D. D. Hugens, Picard, Mariotte, Blondel unà elaborarent, & quisque ea de re suas meditationes in commentarios redigeret; atque his inter se collatis ad Academiam referrent, quò in certum ordinem redigerentur.

XIV. Interea varii sunt elaborati Mechanici Tractatus. Unum inter alios in tabularia relatum invenio à D. de Roberval compositum, quo breviter hujus scientiæ principia & fundamenta explicantur. Perpaucas definitiones intellectu faciles præmittit, quid sit potentia, aut vis, quid centri gravitatis, quid lineæ directionis, quid machinæ nomine intelligatur. Vim appellat aut potentiam, dispositionem omnem in mobili existentem, qua sit ut necessario moveatur. Hæc gravitas aut pondus in gravi corpore dici solet. 2. Punctum quo vis aut potentia ita sustinetur, ut in ea positione liberè permaneat, centrum virtutis aut potentiæ dicitur: hoc centrum gravitatis in gravibus vocatur. 3. Recta linea per quam centrum virtutis aut movetur, aut ad motum est dispositum, linea directionis nominatur, quæ in gravi corpore ad horizontem est perpendicularis, eaque per centrum gravitatis corporis & terræ centrum transire concipitur. 4. Machinam vocamus corpus quod vel sui ipsius movendi, vel alterius motum sistendi vim habet.

XV. Tum de machinis universum differit, ac primum earum fundamenta in duo partitur genera; alia enim sunt naturæ, alia doctrinæ; illa Physica dici possunt, quæ interna sunt, aut externa: interiora ad centrum gravitatis revocat & resistantiam, aut inertiam quandam qua corpus motui repugnat. Externum fundamentum est corpus omne cui machina tanquam fulcro innitur, seu hæc omnino quiescat, seu circa illud fulcrum moveatur, cujus duriæ aut molliæ spectanda: nec refert utrum mobile sit vel immobile. Nam machina unà cum fulcro suo alterius machinæ vi transferri è loco in locum potest, ut in machinis quæ navibus imponuntur.

XVI. Principia doctrinæ varia sunt & multiplicis generis, seu consistenti omnium ætatum experientia comperta sunt, seu ratiocinio ex ipsa experientia deducantur.

Ex iis primum illud est & præcipuum totius Mechanicæ fundamentum, æquales potentias simili modo & in æqualibus distantis positas, æquales effectus producere. Quamobrem si contrariæ sunt inter se duæ ejusmodi vires, hoc est, si in partes oppositas nitantur, unà alteri sic obstat, ut neutra vincat alteram, sed ambæ maneat in æquilibrio.

XVII. Hinc ad machinarum explicationem transit quas in compositas & simplices dividit. Simples ad septem species plerique redigunt,

libram, vectem, axem in peritrochio, trochleam, planum inclinatum, *Me-*
elaterium & malleum. Sunt qui plani inclinati loco cuneum, & cochleam *chanica*
ponant, malleo prætermisso, quasi in machinarum censu habendus non sit:
quavis machina sit, eaque magni usûs & diversi ab aliis generis. Cu-
neus verò & cochlea ad planum inclinatum, ut putant, revocantur, ut
ferra, lima, terebrum, & aliæ ejus generis pene innumerabiles.

Machinæ compositaë ram variaë sunt, quàm humani ingenii patet in-
dustria. Ex tamen ad quatuor velut classes revocari possunt, ad belli, agri-
culturaë, artium mechanicarum, & scientiarum machinas. Singularum ex-
plicatio longam tractationem exigeret.

Præcipuas tamen & magis utilitates delineare & describere ingressus est
D. Buor. Quamplurimæ earum solidæ effigies factæ quæ in Observatorio
asservantur.

CAPUT III.

Varia machinarum genera perstringuntur.

I. **I**nterea temporis varii Tractatus mechanici lecti sunt & examinati.
D. D. de Roberval imprimis, Mariotte, Roëmer in eo sunt argu-
mento versari. D. Blondel Tractatum quoque de trochleis conscripsit, qui
commentariis Academiæ insertus postea publici juris ab eo factus est. D.
Roëmer Tractatum à se elucubratum de Mechanicis, præsertim de rotis
dentatis legit. Libellæ quæque portatilis descriptionem, uti & statera cu-
jusdam Danicæ demonstrationem & ejus divisionem in proportionem harmo-
nica exposuit. D. Cassini aliam statera Arithmeticæ descriptionem exhibuit.
D. Buor cui delineatio machinarum & descriptio demandata fuerat, ab
iis quæ in Architectura usurpantur, jussu Illustriss. D. Colbert initium cepit.
Singulis hebdomadis alicujus machinæ descriptionem legit. Tum com-
plices exteri machinaticis studio incensi inventas à se machinas, & eas
maximè quas ex usu publico esse existimabant, certatim proposuerunt. Ex
iis nonnullæ in Libris descriptæ erant, vel ab aliis excogitatæ; sed
tamen non mediocrem ingenii laudem merebantur, qui à libris non in-
structi, nec ab aliis edocti naturali quadam perspicacia præclarum quid &
utile invenerant.

II. Hujus generis fuit novum Sclopeti minoris genus à viro ingenioso
propositum, cujus tantam vim aiebat esse ut 10 digitos duntaxat longum ad
300 usque passus globulum plumbicum emitteret. Hoc ipsum à se effectum
D. Buor affirmavit. Utriusque factum est periculum, tabula lignea ad 300
passus communes distita ab utroque sclopeto pertusa est. Sed vereor ne ejus-
modi inventa plus detrimenti, quàm utilitatis generi humano afferrent.

Vir industrius formam proposuit, qua lapides in crucis modum sibi mu-
tuo erant implexi, & alii aliorum velut brachiis ita conferti ut plures sub-
duci possint superioribus immotis.

III. Quasdam etiam machinas à se inventas proposuit D. d'Alembert vir

ANN. in excogitandis machinis & efficiendis, si quis alius, industrius. Ex iis
1675. prima celeritati & tarditati navis, & quasi ejus vestigiis aut sulcis explo-
randis serviebat; altera est quoddam antlia genus sine embolo cum una &
simplici valvula, aut assario,

IV. Vir omni eruditione clarus D. Leibnits horologium à se inventum
asportari jussit, ut æquabilem illius motum exhiberet. Jam ineunte anno
1675. machinam numeralem protulerat, cujus ope quatuor regulæ Arith-
meticæ magna facilitate perficiuntur.

V. Longo post tempore D. de S. Felix è Telonis portu misit cujusdam ma-
chinæ descriptionem anchoris navium sursum tollendis accommodatæ, quæ-
que rotæ dentatæ & cochleæ, ut vocant sine fine & axis in Peritrochio,
v. *Cabeſtan* majore facilitate rudentes anchorales amolitur. Novam quidem
non esse, sed tamen perutilem fere etiam sæviente tempestate D. Blondel
judicavit, dummodo ejus firmitati, ut par est, cavereur, nec tantum ma-
terix, sed etiam compaginis & connexionis cum transtris & aliis partibus
navis ratio haberetur.

VI. Excunte anno 1676. machina quædam ab ingenioso viro D. le
Douceur propoſita, eaque à D. D. Cassino, Picard, Mariotte fuit exa-
minata; idque utile judicant equorum uti pondere aquis subvehendis :
adeo ut vires eorum cum ponderibus conjunctæ faciliùs aquam attollant.

VII. Sub idem tempus vir doctus D. de Hauteſcuille proposuit
novum & à se repertum horologii libratorum ab usitato in eo diversum,
quod duæ palmulæ sibi mutuò sint oppositæ & parallelæ, æque trunco
libratoris ad perpendicularum insistentes : majorem in pendulis motus æqua-
litatem hinc futuram existimabat.

VIII. Hoc quidem anno D. de Frenicle de Bessy ex hac vita migra-
vit in meliorem: vir erat omni doctrinæ genere præstans, sed in nume-
rorum scientia, quæ tum temporis Mathematicorum exercebat ingenia, præ
ceteris excellebat. Nemo difficillima quæque problemata majori facilitate sol-
vit : atque hujus scientiæ principes, ut Cartesius, Fermatius, & alii mi-
rabantur ea tam citò ab eo dissolvi citra Algebræ opem, quæ vix Algebræ
ipsius præsidio resolverent. Methodum invenerat, quam exclusionum voca-
bat, quæque inter diversa Academicorum opuscula posthuma edita fuit.
Quiddam huic methodo non dissimile videtur mihi olim proposuisse Fran-
ciscus Baco Angliæ Cancellarius in novo organo ad rerum naturalium causas
indagandas.

In eadem collectione brevis de combinationibus tractatio, uti & altera
de quadratis, ut loquuntur, magicis continetur. Propter morum suavita-
tem & doctrinam exquisitam in magna erat apud cruditos gratia. Quan-
diu vixit, elucubrationes suas publici juris non fecit.

IX. Eodem anno mense Octobri insignis Geometra & toto orbe notus
Ægidius Personerius de Roberval postremum diem suum obiit. Vir erat
ad Mathematicas disciplinas natus, quas ab anno ætatis suæ 14 ad annum
usque 74 coluit, ac tantos in iis progressus fecit, ut inter ævi sui Geo-
metras pene princeps haberetur. Varia ejus opuscula in eo, cujus mentio-
nem fecimus, volumine edita sunt; primum est de compositis motibus quod
anno

anno 1636 elaboraverat. Ex eo multas decerpit propositiones quæ in Aca- *Mech.*
demiæ lectæ sunt & demonstratæ anno 1668. Tum hunc Tractatum exce-
pit alter de recognitione æquationum, ubi earum originem & naturam di-
ligentiùs expendit.

X. Huic alios subjecit de resolutione æquationum tum earum, quæ pla-
næ dicuntur, tum cubicarum, & de locis Geometricis, item de indivisi-
bilibus, quæ methodo à se excogitata quinto anno ante Cavallerii Libri
editionem sic exponit, ut superficiem ex aliis superficiebus, solidum ex
corpufculis solidis servata Homogeneorum regula, non superficiem ex li-
neis, solidum ex superficiebus constitutum, uti à Cavalierio factum est, con-
sideret. Atque in quadam ad Torricellum Epistola restatur se huic indivi-
sibilium methodo optima quæque sua inventa accepta referre.

XI. Post hæc Tractationem suam de Cycloïde elaboravit, quæ magnam
ei apud eruditos famam conciliavit. Problema illud famosum insignes non
in Gallia modò, sed etiam in Italia Geometras commoverat, qui illius so-
lutionem summâ animorum contentione quæsierant.

P. Mercennus ad eos qui in hac scientia præ cæteris eminebant, scrip-
sit, & ad Galilæum imprimis ut naturam Cycloïdis, quam clavus rotæ
in una rotæ revolutione describit in aëre, indagaret.

Hoc Robervallius viâ simplici & expedita problema solvit, ac demon-
stravit spatium à Cycloïde comprehensum triplum esse rotæ ipsius, ex qua
formatur, cui solutioni duplicis problematis enodationem subjecit, unam
de solidi Cycloïdis circa suam basim formati dimensione, alteram de tan-
gentibus Cycloïdem invenendis. Atque ea usus est methodo, quæ ad om-
nes tangentes curvarum pertinet.

XII. Hæc & alia de Robervalii ingenio & opusculis copiosè &
candidè ab illustri Abbate D. Gallois sunt consignata in Actis Academiæ
mensis Aprilis anni 1693. ex occasione operis tum editi in lucem, quod
varias Academicorum elucubrationes complectitur, quæque antea nondum
Typis mandatæ fuerant, si perpaucas exceperis.

XIII. Brevi post tempore D. Buot qui inter Academicos in prima Aca-
demiæ institutione unà cum D. D. Frenicle & de Roberval adlectus fue-
rat, vitâ functus est. Ingenio erat acri ad Mathematicas disciplinas quasi
à natura ipsa factus. Nam iis ultro se dederat, cum nec latinè sciret, nec
ullo magistro usus esset, atque ex industria armorum opifice eximius Geo-
metra factus & in omni Matheseos cum specularitricis, tum practicæ ge-
nere versatissimus: machinatricem præsertim excoluit. Hujus sæpe in hoc
opere mentionem fecimus.

Insignes hi Mathematici eodem fere tempore jam senes diem suum obie-
runt; omnes Matheseos partes amplexi, sed alius aliam selexerat, in qua
præcipuè elaboraret, D. Frenicle ad numerorum scientiam, quæ tum erat
magno apud ejus ætatis Mathematicos honore; D. de Roberval ad Geo-
metriæ & Mechanices Theoremata, ad utramque scientiam D. Buot ani-
mum adjunxerat, ad Machinatricem imprimis; omnes Physicæ studium
cum Mathesi conjungere, cum hæc disciplinæ inter se conscribæ sint & col-
ligatæ.

SECTIO TERTIA.

*De Chymicis, Physicis, & rebus Anatomicis anni 1676
& 1677. susceptis.*

Plantarum Analyses sunt continuatæ, quas singillatim referre nihil necesse est, nisi forte quid notatu dignum occurrat.

CAPUT PRIMUM.

De Re herbaria.

I. Neunte anno 1676. D. Marchant Peponem figuræ & magnitudinis inulitæ ex Insula S. Christophori asportatum exhibuit. Hic aculeis instar cardui stellati armatus, quatuor aut quinque pedes in longum & latum parebat. Illius analysi facta liquores pene omnes acidi erant, portio ultima sale volatili facta, tres drachmæ salis fixi, duæ olei extractæ & quinque libris hujus fructus quem melonem carduum appellant.

II. Die 22. Martii anni 1677. Serenissimus Franciæ Delphinus Academicam suam præsentia cohonestatam voluit, quem D. Colbert cum omnibus Academicis excepit. Speculum istorum primum & illius vim intueri placuit: etsi cælum nubibus nonnihil obductum esset, terra tamen in virtum conversâ fuit & argentum colliquatum. Tum machinas recens inventas, stirpium & animalium icones contemplatus Sereniss. Princeps quædam experimenta Chymica intueri voluit. Cum accepisset historiæ generali stirpium intentam esse Academicam, & in id incumbere ut per analysim diversæ earum partes extraherentur, ex quibus ejusque plantæ natura, & vires utrumque cognosci possent, quædam suscepti operis specimina fieri iussit.

Tum forè lavendulæ spicæ exstillatæ fuerant, liquoris ducti portio præ aciditate sua succo heliotropii splendidum & igneum colorem exhibuit, sublimati solutionem nihil immutans. Altera liquoris portio sale volatili dives contrarios procreavit effectus. Nam sublimati solutionem non turbavit modò, sed & coagulavit; atque una cum spiritu salis mista effervuit; sal volatilis sublimati solutionem præcipitem dedit, & lacteo imbuere colore: sal fixus eidem solutioni præcipitatæ colorem subrubrum impertit. Quædam circa liquorum coagulationem, & colorum mutationes coram exhibuit D. Borel. Die crastina Serenissimus Delphinus Observatorium invisit. Sed ea de re paulo post cum de Mathematicis rebus verba facimus.

III. Die 17 Novembris D. Mariotte bulbum tulipæ exhibuit, in

ejus germine folia tulipæ jam inclusa imo & flores & stamina cernebantur. Idem cum plura grana tritici in locis à se invicem distitis sparsisset, unum ex iis 13 spicas protulit, aliud duas. *Phyſio.*

I V. Inter eas quæ factæ sunt plantarum analyſes Cannabum id habere viſum eſt ſingulare, quod cum fatiſ lignoſum ſit, nullum tamen liquorem niſi ſulphureum præbeat, multum ſaliſ volatiliſ, ac plurimum olei ſuppeditet. Sic illa Braſſicæ ſpecies quæ à floribus nomen habet, liquorem tantummodo cæruleum dedit, ubi cum heliottopii ſucco permixtuſ fuit.

V. Carnium quoque analyſiſ facta eſt à D. Bourdelin. 5. libræ carniſ vervecinæ, detractiſ membranæ & adipe, extillatæ liquorem omni ex parte ſale volatili reſertum præbuerunt; 9. olei craſſi uncia; dæe itidem ſaliſ volatiliſ drachmæ, fixi quinque prodire, nihil acidi extractum eſt. Tantumdem ſaliſ volatiliſ & olei in Cyprino piſce repertum.

VI. Quod ante propoſuerat D. Borel, ut uncia ſaliſ communis 4 unciis aquæ fortiſ infunderetur; idque futurum aſſebat, ut extillata aqua fortiſ ſal communis in purum ſalem-petræ abiret; illud ipſum D. Bourdelin die 7. Martii effectum dedit. 4. uncia ſaliſ marini, cum ſexdecim unciis aquæ fortiſ ſunt commixtæ. Extillatiſ 10 unciis aquæ fortiſ ſex uncia ſaliſ reſederunt, qui non aliud quiddam eſſe videbatur præter nitrum: exhalata iterum aqua 5 aut 6 drachmæ ſaliſ nitroſi concreſcere viſæ ſunt: adeo ut magna pars niri unâ cum ſale communi conſuſa in aquam fortem tranſiſſe videatur. Verùm hoc experimentum iteratum oportere omnes cenſuerunt.

Itaque cum pruciſ poſt diebus D. Bourdelin duas ſaliſ marini cum 8 aquæ fortiſ unciis miſcuſſet & extillaſſet, ſex unciaſ cum ſemiſſe liquoriſ ſpirituſ ſaliſ non abſimiliſ extraxit: nam in aurum vini ſuam exerebat, ſal in fundo vaſiſ reſiduus carbonẽ accendebat. Nec dum tamen id certo dijudicari potuit an puruſ eſſet ſalpetræ. Cum autem D. Mariotte in prunaſ conjeceſſet purum ſalem-petræ & prædictum ex ſale communi & aqua fortiſ prodeuntem, uterque conſimili modo eſt incenſuſ, eo tantum cum diſcrimine quod poſterior crepitare viſuſ ſit.

VII. Cum D. Bourdelin parteſ æqualeſ ſaliſ tartari & olei vitrioli, quatuor nimirum unciaſ è ſinguliſ unâ miſcuſſet, 7 drachmarum pondere octo illæ unciaſ ſunt immiſcutæ, & liquor admodum debilitatuſ ſuperfuit.

VIII. Experimentum quoque circa diſſolutionem ſaliſ marini à D. Du Clos olim factum iteratum fuit. Qui ſal primùm concrevit, minùſ aciditatis habere viſuſ eſt quàm iſ qui poſtea fuit coagulatuſ, quique oleum tartari turbavit.

IX. Cum aqua ſtiptica, quæ erumpentem è vulncribuſ ſiſtit ſanguinem, iſ temporibuſ multum celebraretur, D. Du Clos è vitriolo tam paratiſ iudicavit. Hanc ineſſe vim vitrioli phlegmati leni calore extillato cenſuit, diſtillatione, atque ut loquuntur cohobatione repetita. 2. Eadem virtute donari oleum vitrioli, ex quo ſæpiuſ vini ſpirituſ eſt diſtillatuſ; uti & ſalem vitrioli phlegmate ſuo idemidem perſuſum reiebat.

X. Experiri etiam id placuit utrum aurum fulminant deorſum verſuſ vim

ANN. suam exereret : rem ita esse semel & iterum comprobavit experientia : nam
 1676, tenui laminæ in æquilibrio positæ post fulminationem ea decidit, qua par-
 & 77. te granulum auri positum fuerat, relicto sui vestigio & impressione in la-
 minâ.

XI. Quæ ad anatomen spectant, eo quoque anno non segniter fuerunt discussa. D. Du Verney Tractatum suum de auditûs organo tum temporis elucubravît, & aliqua ex parte legit. Præter cætera id advertit, tympani cavitatem tenui membrana obduci, quam vasa omnis generis rigant; in plerisque animantibus cavitas illa ampla est, & apophysim Mastoideam pene totam occupat, in aliis angustior exiguiam illius apophysim partem implet. Illud quoque observat funiculum qui pone tympani membranam tenditur, nervulum esse durioris propaginem, neque ab eo membranam tympani distendi, aut laxari, cum huic non adhæreat, in musciculum mallei spargitur, & in ductum qui ab aure in oris cavitatem tendit. Viscera instar nivis alba exhibuit, adeo ut vasa omnia, quæque sunt magis spectabilia, oculis subjicerentur.

C A P U T II.

De aliis observationibus Physicis.

I. **D**E caloris & frigoris natura suas proposuit conjecturas D. Dodart, qui etiam observationes aliquot de transpiratione legit, atque in hoc argumento arti medendi perutili postea versatus est: qua de re aliàs pluribus.

II. Incunte anno 1677. D. Du Clos frustum agni non corrupti lucidum apparuisse etiam candelæ accensæ propiùs admotum testatus est. Idem olim à se observatum D. Mariotte confirmavit: atque ambo in eo consenserunt hoc lumen non in carne musculosa, sed in membrana interiore conspici.

Incunte Aprili Physicæ observationes à D. Richer in Cayenna Insula factæ, in tabularia Academica relatæ fuerunt, quæ nuper sunt in lucem editæ. Prima & præcipua ad longitudinem penduli quo minuta secunda temporis designantur, pertinet. Illud enim allatum ex prædicta regione, & cum pendulis quæ in Academia adhibentur, comparatum brevius una linea & $\frac{1}{4}$ inventum est: adeo ut horologium Lutetiæ constructum in eam regionem translatum uno quoque die duobus horæ minutis tardius moveretur. Hæc observatio de qua jam superius dictum est, singulis hebdomadis decem mensium spatio fuit repetita.

2. Quæ circa æstum maris reciprocum iis in locis observavit, jam sunt à nobis exposita in Philosophia veteri & nova tomo 5. p. 234 postremæ editionis. Is verò statis temporibus, ut in Galliæ litoribus recurrit in noviluniis & in pleniluniis hora de meridie tertia, & $\frac{1}{2}$, aliquantò citiùs: cum propiùs ad Æquatorem accedimus. cum æstus sunt maximi, tum mare ad sex usque pedes intumescit, quod ex palo terre infixo per integrum

annum fuit observatum. Æstus maximi sunt circa æquinoctia, sed diff-
rentia ultra sex digitos non excurrit. Physi-
ca Ob-

3. Tercio post novilunium, aut plenilunium die major est æstus, quam in *serv.*
novilunio, aut plenilunio, ut in Europæ littoribus evenit.

III. Declinationem magnetis, aut Versorii 12 graduum Orientem ver-
sus invenit, inclinationem vero 55 grad. comperit: adeo ut illud verum
non sit, Versorium in pyxide nautica tantum deprimi, quantum Polus
attollitur. Nam Poli altitudo eo loci est tantummodo 4 graduum & 56
minutorum.

IV. Circa crepuscula id quoque comperit 45 minutis ante Solis or-
tum, vel post illius occasum legi facile posse: adeo ut aër iis in locis
non minus sit crassus & refractionibus obnoxius quam in frigidioribus.

V. Hydrargyrum in Barometro ad 27 digitorum & novem linearum
usque altitudinem attolli, nec infra 27 digitos & unam lineam descendere
comperit: ita ut idem sit pene aëris incumbentis pondus prope Æquato-
rem atque in locis ab eo remotioribus. Locus enim in quo hæ factæ sunt
observationes 20 tantummodo aut 25 pedibus altior erat maris superficie.

VI. De ventis hæc ab eo sunt observata, hanc regionem, quæque
Amazonum flumini est finitima, ventorum mutationi minus subiacere quam
circumjecta Europæ littora. Venti ab Oriente spirant à mense Julio ad De-
cembris usque finem, sic tamen ut ad Boream deflectant; à Decembri ad
Julium, cum aër in imbrem solvitur, ab Oriente versus Austrum decli-
nant. Hora fere octava incipiunt, post occasum Solis paulatim desinunt;
tam redeunt mane simul & augentur, cum Solis supra horizontem altitudo
crescit: unde calor æstus non mediocriter temperant. Tonitrua, exha-
lationes inflammata, Iris ipsa, & alia meteora non minus crebra sunt atque
in Gallia.

Quædam subjicit de nonnullis animalibus non omittenda. Testudinum
sanguinem frigidiorē esse aqua ejus regionis: cum sanguis tursionis v.
Marsolin non minus caleat quam terrestrium animantium. 2. Crocodilum
vidit magna inclusum arca qui per octo menses nihil manducavit: etsi
piscēs devorandi in arcam conjicerentur. 3. Alius est piscis tres aut qua-
tuor pedes longus non dissimilis congrio qui digito, imo & baculi extremo
contactus stupore afficit brachium & vertiginem tenebrosam creat, cujus
rei periculum ipse fecit. Est quoque in ea regione quoddam suis genus,
in cuius tergo foramen patet, per quod multam emittit spumam, cum ca-
nes illum insequuntur. Cui usui illud esset foramen, explorare voluit. An
fortè ducendo aëri esset destinatum: sed in dissecto animali nullus ad in-
teriores partes aditus patebat: orificium dumtaxat visum est cujusdam pelvis,
qualis ferme est in renibus, glandula spongiosa cincta.

VII. Quæ gummi guttam proferret, arbor an frutex, dubitatum olim
fuit: arborem quercu non minorem esse comperit. Ac quibusdam in Ame-
ricæ locis sylvas his arboribus refertas invenit. Ubertior succus inter cor-
ticem & lignum interfusus flavum colorem præse fert, ut gummi quod
exteriori cortici adhærescit. Incolæ colicis doloribus affecti, quibus sunt
admodum obnoxii, hoc medicamine uti solent.

ANN. VIII. Die 15 Maii D. Pettault coram exhibuit piscis cujusdam maxillam, quam vir optimus Abbas Gendron è Canadensi regione allatam Clariss. & perdocto viro D. Toinard donaverat, ea maxilla piscis utitur in conterendis conchyliis, quibus vescitur; planum quoddam est velut dentibus candidis, præduris, & rotundis confectum dispositis stratum.

IX. De capillorum structura & vegetatione scriptum legit D. Mariotte, in quo illud primum advertit, non ut plantas, sic crines vegetari. Nam plantæ nutritium succum inter fibras & corticem ad extremos usque ramos propellunt, ubi & folia & novos proferunt ramulos. Sed instar unguium crescunt crines, dum pars una alteram pellit & vicissim postea pellitur, uti ex notis quæ unguibus aut pilis, postquam resecti sunt, inveniuntur, facile colligimus. Idque experiuntur qui crines suos aliquo pigmento inficiunt: nam pars recens formata & cuti proxima alium præ se fert à tincta colorem.


Capillus 5 aut 6 fibrillis eodem velut tubo conclusis & instar cornu pellucidis constat. Hæ fibrillæ microscopii ope candidiores & interjecta spatiola obscuriora cernuntur. Quod si capillo prope pupillam oculi admoto candelam aspicias, ex utraque parte radii ex tribus aut quatuor imagunculis compositi apparebunt variis tincti coloribus, quod non contingeret, si pilus esset uniusmodi. Quare multiplex sit refractio fere ut in viris multiplici facie præditis evenit. Et quidem ubi crines finduntur, id utique fit, quod tubulus quo involvuntur fibrillæ disrumpatur, & in plures dividatur capillos.

X. Aliam dissertatiunculam de corporibus, quæ cum leviora sint aquæ innatant, elaboravit, quæ unà cum aliis tentaminibus Physicis publicata ab eo fuit & in tertio tractatu Physicæ generalis vet. & novæ Philosophiæ hoc quidquid est, satis dilucidè explicatum retexere hoc loco nihil necesse est.

Iisdem rationibus adducti omittimus demonstrationem Physico mechanicam qua differentiam compositi Barometri à D. Hugenſ excogitati & simplicis ad calculum revocat & illius rationes fusius persequitur. Verum quod experientia sola probat, D. Varignon post decennium in Academiâ ascitus demonstravit. Qua de re suo loco.

Die 23 Junii D. D. Cassini, Picard & Römer tempus inter luminis & soni perceptionem interjectum observarunt, dimenso spatio inter Observatorium & locum cui nomen à Glarea, v. *La Greve* 1280 hexaped. interjecto quod sonus bombardarum visa flamma aut crepitus ignium millium 7 minutorum secund. intervallo peragrabat.

XI. Circa mensem Julium & sequentes D. Duverney complura experimenta Physica coram Serenissimo Franciæ Delphino exhibuit, & ea maxime quæ ad pondus aëris & magnetem spectant.



SECTIO QUARTA.

De Mathematicis.

DE Mathesi dicturi, ab Astronomicis observationibus hoc anno factis ducemus exordium, tum de Geometricis.

CAPUT PRIMUM.

De Astronomicis Observationibus.

I. **C**UM D. Flamsted Anglus inito calculo scripisset visum ita Mercurii in Sole die 7 Novembris stylo novo; ex illa observatione cum iis quæ à Gassendo & Hevelio olim factæ fuerant, rite collata accuratam hujus planetæ theoriâ haberi posse spes erat. Itaque D. Picard ex Mercurii per Solem transitu, illius orbitam definiendi rationem demonstravit. Tum orbitæ Veneris aut Mercurii obliquitatis ex tempore transitus per Solem inveniendæ methodum exposuit. Atque è converso, si deitur ex tabulis Mercurii locus in Sole, visibilem totius transitus lineam determinandi viam ostendit. Quæ demonstrationes cum paulo sint longiores, alio in loco commodius proferentur. *Astron*

II. Cum Cometa hoc anno circa mensem Aprilem se videndum præbuisset, illius motus, forma, magnitudo, & si quæ sint alia phænomena diligenter à D. Cassino sunt observata, in Academia lecta, ac tandem in publicum vulgata. Hic exeunte Aprili in constellatione Andromedæ viam Cometis tritam insistere visus est. Qui anno 1577, 1590 & 1658 apparuerat, ab eo iunere non multum aberratunt, inter triangulum & Medusæ caput incidentes. Anno 1665 duo visi sunt, prior per Medusæ caput, postquam fuit retrogradus, posterior per apicem trianguli iter fecit. Sic Cometa anni 1572 triangulum inter & Medusæ caput apparuit. Elapsis 100 annis nempe anno 1672 Cometa idem pene iter confecit. Superiore sæculo anno 1577 & nostro hoc sæculo anno itidem 1677 Cometæ eandem pene viam insistere visi sunt. Quod annotatum oportuit, ut hinc conjectari liceat iam forte iidem sint Cometæ reduces post certa annorum volumina.

III. Duo quoque Cometarum genera observavit D. Cassinus, unum eorum qui motu directo & juxta signorum ordinem progrediuntur. Hujus generis is erat qui anno 1677 mense Julio, cum hæc scriberet D. Cassinus, toti orbi apparuit, uti & Cometa anni 1672, & posterior anni 1665, quique omnes superiore sæculo visi sunt; hi quidem cum motus est celerissimus, ultra 4 aut 5 gradus singulis diebus non excurrunt.

ANN. Alterum Cometaturn genus motu fere retrogrado contra signorum feriem
1677. fertur. In eo censu erat Cometa anni 1672 uti & alius anni 1664, cujus motus ad 4 usque gradus in maxima sua velocitate pervenit. Hujus motus linea multo magis ab Ecliptica deflectebat, quam in iis qui motu directo cientur.

Observationes suas circa hunc Cometem Madriti factas P. Saragossa Soc. Jesu misit ad D. Cassinum quæ in Academia lectæ sunt, & cum iis quæ in Observatorio factæ fuerant, collatæ. Observationes suas D. Cassinus publici juris fecit.


IV. Qui etiam 18 Augusti primum Jovis satellitem corpus Jovis subeuntem & ex illo exuntem ita observavit, ut à Jove ipso secerneretur, & illius umbra in Jovis corpore semper videretur. Quandam in motu secundi & tertii satellitis irregularitatem animadvertit. Novam denique in Jove maculam quæ in majori fascia videtur à die 5 Julii deprehendit, quæ suam periodum intra novem horarum & 55 min. spatium conficit. Jovem ita dispositum invenit, & in ea forma qua erat ante biennium: maculam ex qua Jovis revolutionem circa suum axem deprehendit, quæque evanuerat, reducem invenit consimili modo inter fascias positam, quo ante biennium; in medio scilicet Jovis sitam & eo loco, quem juxta Ephemerides occupare debuit: fascia itidem alba inter duas obscuriores, ut prius, sui copiam fecit.

V. Die 5 Novembris Mercurius in Sole videri non potuit Parisiis ob nubes interpositas; sed visus est Avenione, Montis Pessulani, & aliis in locis. D. Galler observationem à se factam Avenione misit, eaque satis accurata visa est. Tempus quod Mercurius in Sole percurrente insumpsit, 5 horarum fuit & 34 min. Hoc autem colligit ex comparatione emersionis Mercurii cum iis quas habuit multo post ejus immersionem observationibus: cum immersionem ob nubes interpositas observare non potuerit. Cum autem eam observationem typis editam inscripsisset Domino Cassini, cujus calculo ipsam præ cæteris consentaneam deprehendisse literis testatus est, eam D. Cassini contulit cum iis quas Gassendus primum, deinde Hevelius olim peregerant: unde inter cætera collegit Mercurii nodos in Tabulis Rudolphinis optimè esse determinatos. Sed ex Eclipsis duratione à D. Galler deducta conclusit Aphelium, seu maximam ejus à Sole distantiam antevertere, adeo ut in Tabulis motus ejus velocior hoc in situ exhibetur quam hæc ferant observationes. Verum ex observatione quam eodem tempore D. Haley habuit in Insula Sanctæ Helenæ, in qua immersionem, & emersionem Mercurii ipsi licuit observare, Mercurii in Sole mora fuit 5 horarum 14 min. quod propius accedit ad velocitatem ex Kepleri Tabulis deductam.

VI. Cum refractionum scientia ad Astronomicas observationes magnum afferat momentum; ea quidem superioribus annis multum exulta fuit; atque hoc anno exeunte præcipuum earum fundamentum diligenter excusum. D. Roëmer Carthesii hypothesim ex scriptis D. Fermat, quæ à D. Carcavi fuerunt Academiæ communicata, convellere est aggressus. Ac primum quidem illud ut certum ponit, globum obliquè impactum in superficiem

ficiem aquæ sic refringi, seu à recto itinere ita deflectere, ut versus aquæ *Astron* superficiem, à perpendicularo declinet, & sursum versus tendat: contra radii luminis versus perpendicularum infringuntur, itque ab aquæ superficie recedunt. Hinc colligit Cartesius radios luminis facilius per aquam, quam per aëra transmitti.

Id vero negat D. Roëmer, cum alia sit ratio motus corporis quod ita per aliud deferatur, ut hujus partes loco cedant, qualis est motus globi per aëra & aquam translati; alia commotionis particularum, quæ fit ab impulsu corporis in cumulum earum partium, quem corpus impellens non penetrat, cujusmodi est motus luminis ex Cartesio.



Globus A per aëra AB oblique incidat in BG superficiem cumuli cujusdam ex variis corpusculis congesti, per quem difficilius feratur, quam per aëra. Tum utique palam est ex ipsa experientia radii AB non recta in F, sed sursum inclinatum iri versus superficiem BG, puta in BC. At si ponamus à prædicto globo non cum penetrari cumulum corpusculorum, sed impingendo in ejus superficiem EG, succutere partem aliquam corpusculorum, tum directio hujus succussionis non tendit versus G, sed potius deorsum versus H, puta secundum rectam BD. Nam superficie EG, ex superficieculis planis & in idem planum conspirantibus constât, directio lineæ cujusvis incidentiæ fit ad perpendicularam; quod è mechanicis principiis demonstrari posse ait: Rationem attingimus tractatu 2. cap. 5. Physicæ generalis. Quocirca ex dissimilitudine refractionum inter radios luminis & globos bombardiles per diversa media transeuntes, non satis aptè concludit Cartesius lumen facilius per aquam, quam per aëra moveri: adeo ut regula quam dijudicandis refractionibus constituit, licet vera sit & magni usus, non tam rationis, quam experientiae via ab eo sit excogitata.

Longe præstantiorem existimat hypothese[m] Domini Fermat, ex qua præcipua refractionum phænomena demonstrari possunt. Illud imprimis, refractiones esse inter se in ratione sinuum rectorum, quod ille per analysim demonstravit: sed id ipsum synthetice demonstrat D. Roëmer. Quæ demonstratio commentariis inserta à nobis hoc loco prætermitti potest.

Verum ut ad res Astronomicas redeamus, idem D. Roëmer die 19 men-

ANN. sis Junii machinam à se inventam exhibuit, qua planetarum inæquales mo-
1677. tus explicantur. Ea constat duabus rotis dentatis, quarum una æquabiliter
mota aliam inæquabiliter movet, & in ea ratione quæ ad accelerationem aut
retardationem planetarum requiritur.

CAPUT II.

De Mechanicis & Geometricis.

I. **C**Um ineunte hoc anno D. Blondel tractatum de projectione globorum ignitorum v. *Des Bombes* à se elaboratum dixisset, sed id optare se ut quæ Geometricæ demonstravit, experimentis comprobarentur, eaque Hydrargyri ope fieri commode posse. Hanc Provinciam suscepit D. Roëmer & machinam excogitavit qua theoriæ Galilæi, & Toricelli circa parabolarum amplitudines in projectionibus confirmavit.

Tubo ligneo cujus diameter erat sex linearum, altitudo duorum & amplius pedum, Hydrargyri affusus est, qui per foramen rotundum, cujus diameter erat unius lineæ cum semisse, erumpebat. Tubus sic apratus erat, ut manente centro immobili, ad quemlibet angulum inflecti posset: Mercurius continenter affusus tubo, eandem semper altitudinem conferrebat.

II. Primum quæsitum est, quantus esset jactus verticalis, isque inventus est 270 linearum, minor 18 lineis altitudine hydrargyri, in angulo 83 grad. altitudo fuit 268 lin. in angulo 80 gr. jactus fuit 262. Tum posito jactu verticali 270 linearum, singularum altitudinum inito & cum observatis collato calculo, tabella confecta est, quæ Angulorum seu directionum supra horizontem inclinationes, amplitudines quoque & altitudines tum observatas, tum calculo inventas, & earum differentias continebat.

III. Hæc vero inter observandum sunt annotata, filum Mercurii erumpens è foramine ultra 4 pollices altitudinis continuitatem suam amisit, postea in guttas sparsum quæ in semiparabola descendente in plano verticali latius diffundebantur; in medio confertiores quam in extremis: unde in dimetienda quacunque amplitudine partis interceptæ ratio habita est: tam isti cum calculo magis consentiebant observata, ubi exteriores guttæ sumebantur. Ex tabella prædicta liquebat 1. directiones supra & infra 45 gr. hinc inde ex æquo sumptas non easdem prorsus habere amplitudines: nam quæ supra positæ sunt, eadem paulo minores erant: 2. quæ propiores sunt jactui verticali, eæ magis cum calculo conveniunt. 3. Illud in universum constituitur altitudines & amplitudines observatas paulo majores esse iis quæ per calculum prodierunt.

IV. Interjectis aliquot diebus problema quoddam proposuit D. Blondel circa directionem projectionum quod à D. Buot primum fuit solutum, tum à D. Roëmer, sed methodo faciliiori, visa tamen antea solutione D. Buot. Ille instrumentum subiectæ eidem problemæ inveniendo, nempe

projectionum directionibus aptatum. Hoc & alia eundem ob finem propo-
 sita circa parabolicas sectiones problemata solvit D. de la Hire nondum
 inter Academicos cooptatus, sed ex suis operibus notissimus, & omnium
 votis expectitus, quæ brevi post tempore nempe anno 1678 expleta sunt.

V. At D. Cassinus novam invenit methodum, qua tota projectionum
 doctrina ulterius promota una propositione explicatur, amplumque tracta-
 tum Academiæ exhibuit in quo citra sectionum conicarum opem vires ma-
 chinarum projicientium explicantur, iisque præcognitis exhibetur modus
 projiciendi missile ad quemlibet propositum scopum, ad quem compertum
 est vim ejus posse pertingere, sive ille sit in horizontali plano cum machi-
 na constitutus, sive infra ipsum, aut supra, ad quamvis depressionem aut
 elevationem, idque per solam rectam lineam in circulo ductam; quamvis
 missile lineam parabolicam describat; ex his instrumentum confecit, &
 Academiæ exhibuit per quod machina sic attollitur supra scopum, ut ipsum
 feriat missile.

Hujus tractatus compendium D. Blondel inservit suo de hoc argumento
 tractatui, eique librum octavum tertiæ partis assignavit.

VI. Interea Serenissimo Franciæ Delphino qui pridie Bibliothecam
 Regiam, & Academiam ut supra diximus, inviserat una cum Serenissi-
 mo Principe de Conty & aliis primariæ dignitatis viris in Observatorium Re-
 gium se conferre placuit. Ædificii formam, situm, & structuram è summo
 illius fastigii aut Solario contemplatus ac referatis fornicum foraminibus
 specum subterraneam ad 28 usque hexapedas altam, singulas deinde partes
 oculis & animo lustravit.

Primum in majorem aulam cum descendisset, eam de qua mox diximus
 machinam in cubiculo D. Picard paratam invenit. Hanc D. Roëmer pa-
 rietii sic aptaverat ut Galilæi & Toricelli circa projectionum directiones
 theoria experientiâ ipsâ sumeretur. Variæ erant in pariete delineatæ para-
 bolæ quas hydrargyus sursum per apertum foraminulum erumpens ad quam
 libuisset angulorum inclinationem describebat.

Hinc ad eas ædificii partes venit quas D. Cassini inhabitat, ubi plures
 Lunæ figuras, & toreumata est contemplatus; quæque ex diversis Solis as-
 pectibus & corporis Lunaris Librationibus occurrunt illustrationum varietates,
 simul & diversos planetarum motus apertè delineatos conspexit.

VII. Iisdem fere temporibus D. de Saint Felix aliquot Machinarum
 quæ ad usum navium sunt comparatæ, typos exposuit; eas machinas magno
 usui navigationi esse posse visum est earum rerum peritis. Harum typi postea
 sunt in Observatorio repositi.

Paucis post mensibus vir industrius D. Allemand globum exhibuit in
 quo Sol, Luna, fixæ ita erant disposita, ut duplici motu diurno & an-
 nuo Sol moveretur, Luna menstruo, stellarum ortus & occasus nota-
 rentur.

VIII. Prædicti tractatus de sulphuratorum globorum projectione exa-
 men deinceps fuit continuatum. Tum D. Mariotte quantum aër earum jec-
 tum imminueret, computavit.

Idem experientia comprobatum aiebat leviora corpora, cujusmodi sunt

ANN. chartæ folia filo suspensa, ultra quietis punctum arcus describere in 12-
16-7. tione subduplicata numeri filorum, dummodo is major non sit numero 16.
& 78. Illud etiam experientia comperit unum chartæ folium ex altitudine 10 aut
12 pedum suspensum ultra punctum quietis unum aut circiter pedem pro-
moveri, cum ex altitudine arcus 80 aut 85 graduum decidit: tum quæ-
sivit quot folia sint addenda ut duos aut tres pedes ultra quietis punctum
progrediantur.

IX. Quædam ante præmisit lemmata majoris forte momenti quam
problema propositum 1. Corpora quæ in libero aëre decidunt, per om-
nes tarditatis gradus non transire, sed determinatam habere vel in prin-
cipio sui motus velocitatem. Id vero probat ex casu duorum ponderum
inæqualium quæ extremis libræ sic appenduntur, ut unum longius à cen-
tro libræ aut statæræ quam alterum distet. Tum enim ambo simul cade-
re incipient, sed non eadem velocitate; ac plures erunt tarditatis gradus
in pondere centro propiori, quos non decurret illud quod à centro lon-
gius est distans.

2. Corpus leve ut spongia aut suber, quod in descensu motum suum
accelerat, ubi acquisierit in decidendo velocitatem æqualem impressioni
venti sursum flantis, quæ corpus sustinere valeat, dum descensum in-
cipit, tum corpus illud motum suum non amplius accelerabit, sed cum
acquisita velocitate quod reliquum est sui descensus, percurrent.

Hoc utique ex priori probat Lemmate: corpus enim certam in sui
descensus initio habet & determinatam velocitatem; ær vero quantum-
vis centies forte levior, ea velocitate sursum moveri potest ut corpus susti-
neat, si tantumdem celeritate vincat corpus, quantum vincitur ejus pon-
dere. Quare ubi ær sic impinger in corpus impressione aut celeritate cen-
ties majore, quam sit prima in descensu corporis velocitas, quamque esse
determinatam ostensum fuit, utrimque fiet æquilibrium ex percussionum
legibus. Sed prima in cadendo velocitas ea ipsa est quam acquisitæ conti-
nenter adjicit, cum descensum accelerat: cum igitur corpus eam inter
cadendum acquisierit velocitatem, quæ sit æqualis venti sursum pellentis
& sustinentis celeritati, eadem vi peller aëra, qua ventus ante illud im-
pellebat: & eandem resistentiam offendet, quam diximus æquilibrium
efficere cum ea quæ accelerationem procreat. Ergo nihil amplius acquisitæ
celeritati addet: ac corpus deinceps cum ea quam paulatim acquisivit velo-
citate eaque æquali reliquum descensus sui iter continuabit: cum in aëra
eandem vi impingat.


3. Quæ sequuntur lemmata ex iis quæ in tractatu de collisione
corporum ab eo sunt explicata demonstrat. Aquas v. gr. salientes ea susti-
nere pondera quæ sunt inter se in ratione duplicata velocitatum.

X. Varios deinde libellas conficiendi modos proposuit D. Cassinus,
cum aquæ, tum hydrargyri beneficio. Ac D. Picard iis temporibus jussu
Regis Christianissimi circumjecta Versallii loca exegit ad libram.

Quod enim anno 1674 propositum fuerat de aquis Versallias deducendis,
hoc ipsum anno 1678 iterum fuit agitur. Non procul ab urbe Pithue-
rio vulgò *Pluviers*, est rivus qui Junius, vulgo *La Riviere de Juine*

vocatur: hujus tanta est declivitas ut intra breve spatium 60 molerit. *Alech.* nas vi aquarum suarum circumagat: è stagnis & fontibus ad sylvæ Aurelianensis fines positus originem suam ducit. Viri in his rebus exercitati sibi persuaserant hinc aquam deduci Versaliâ posse. Hoc quoque negotii datum est D. Picard, ut iterum expenderet an res ipsa fieri posset, & ad exitum perducere. Is Sequanæ libratione Corbolum usque repetita & longius producta Aureliam venit: cujusque loci librationes in Tractatu à nobis citato de arte librâdi descriptas habemus. Id tandem comperit Sequanæ alveum prope Versalias in Pago *Sève* dicto 54 hexapedis depressiorem esse ipsâ aquarum origine in sylvâ Aurelianensis finibus sita. Cum autem domus Regiæ solum sit alveo Sequanæ 60 hexapedis altius: hinc conclusum fuit aquarum fontes saltem sex hexapedis esse depressiores loco ipso in quem eas duci oportebat. Rursum id jussum est ut librationibus continuatis id expenderet D. Picard an canalis è Ligeri Versalias usque duci posset. Quod itidem fuit exploratum: punctum divisionis in Canali Briareo quod 17 hexapedis Ligeris alveo est altius, 68 hexapedas super alveum Sequanæ prope Versalias attolli, ita ut ultra oppidulum Polliacum adversus Ligeris profluentem esset progrediendum, ut sufficiens haberetur proclivitas, quò per aquæductum Ligeris aqua Versalias deduci posset. Nam pars summa Canalis Briarei fere est ad libellam cum receptaculo seu collo immissario in specus fastigio collocato. Verùm quæ tum factæ sunt librationes in Belsiâ per diversa itinera, manifesto demonstrarunt Belsiæ solum cis Aurelianensem sylvam depressiorem esse Versaliæ solo, atque adeo aquam è Ligeri adduci nullatenus posse, nisi per aquæductum à media sylvâ per multa milliaria in sublimè elatum & productum: unde ab eo consilio discessum est.

Res faciliorem habuit exitum in aliis librationibus quæ à D. D. Picard & Roëmer prope Versalias factæ sunt: nam eæ feliciter processerunt: atque è vico Bievre rivulus per montem Santauriacum perfolium 14 hexapedas infra montis planitiem, substructo aquæductu 750 hexapedarum, deductus est Versalias usque.



SECTIO QUINTA.

De Physicis experimentis anno 1678. susceptis.

Acta hujus anni Physica à Botanicis & Chymicis ordiemur.

CAPUT PRIMUM.

De Botanicis & Chymicis.

I. **H**OC anno ut superioribus in plantarum descriptiones & analyfis D. D. Dodart, Bourdelin, & Matchand operam suam & studium contulerunt. D. Marchant complures è regionibus longè distitis, quæque ab Auctoribus non sunt delineatæ asportandas & excolendas curavit; tum earum quæ jam ab aliis descriptæ sunt, collegit synonyma; prima fungorum rudimenta exhibuit, qui in fimo equino, ex mucro aut fœtu quodam in fila diducta oriuntur, primum molliora, tum duriora, eaque in globulos candidos paulatim coalescunt, quæ fungorum sunt primordia.

II. Idem mense Decembri qua ratione liliorum aurei coloris quæ cruenta appellant, bulbi renoventur, exposuit. In plures dividuntur partes, quarum singulæ caulem emittunt; anno proximo in ima parte cujusque caulis novus formatur bulbulus vulgo *un Cayeu*, qui tertio post anno florem dabit; caulis supra bulbum capillitium spargit.

III. D. Bourdelin 60 plantarum analysim intra hujus anni spatium exhibuit. Inter alias illæ memoratu sunt dignæ. Pulpa Colocytidis extillata liquorem dedit, oleum & salem omnis amaritudinis expertia. Tres fere libræ 15 uncias liquoris acidi & sulphurei, duas olei acris quidem, non amari, tres salis lixivialis præbuerunt.

Ex 64 seminibus cucurbitæ uncias 18 olei, 15 liquoris uncia sunt extillatæ, ex quibus quatuor erant sale volatili refertæ. Sic ranarum sperma nihil acidi, multum salis volatilis dedit.

Illud cujus supra meminimus plantæ genus *Nossc* dictum, multum quoque salis volatilis tum concreti, tum liquori permixti & oleum admodum fœridum præbuit. E foliis violæ multum salis volatilis eductum. Longum esset & supervacaneum singulas analyfes plantarum persequi. Ex iis quas exempli loco attulimus & aliis quamplurimis illud suspicari licet plantas complures quæ inter frigidas numerantur, multum salis volatilis, & olei suppeditare.

IV. Plantarum analyfes quæ hæcenus factæ sunt D. Dodart in summam contraxit, & in certum digessit ordinem: adeo ut jam tum temporis mense nimirum Aprili hujus anni 450 plantæ extillatæ fuerint, atque uno velut conspectu quid ex unaquaque planta aut olei, aut salis volatilis, aut fixi eductum fuerit, planum fiat. Regulas quoque proposuit quæ aliis aptari poterunt plantis, unde & generales quæ jam earum affectiones aut exceptiones exeuntur, qui hujus laboris fructus futurus est longè uberissimus. Sapores intentiore cura in plurimis plantis expendit, qui quidem negligenter ab Auctoribus sunt observati: cum tamen nihil fere sit utilius ad earum usus dignoscendos.

Qua methodo in analysi ritè peragenda utendum sit, scripto tradidit. In eo quidem præter alia multa scitu digna observat mirum illud videri

fructus, ut poma & pruna, quibus vescimur, nihil fere falis volatilis aut olei per distillationem præbere: cum carbonum magna copia, perparum cinerum ex iis superfit; illud verisimillimum esse, in carbonibus multum olei fixi inesse quod ignis vi separari à terra non potest; sed tamen ventriculi calor ab aliis partibus illud secernit; nam id liquet multos homines iis fructibus vitam sustentare.

V. D. Du Clos dissertationes de sale, sulphure, nitro, opio, aloë, mirrha exeunte hoc anno legere incæpit; spiritus nitri his rebus omnem pene detrahit amaritudinem: ex oleo fætido gentianæ spiritu vini exsoluto, per aquam communem picea quædam materia præcipitata fuit. In his oleis magna falis volatilis copia inest; hinc eorum effervescencia, ubi spiritus nitri affunditur: oleum juniperi post octo minuta effebuit.

VI. D. Dodart Narcissi bifolii ex Promontorio bonæ spei allatum bulbum aperuit, in quo flores admodum exiles & omnibus suis partibus instructi visi sunt. Sic tritici tubulum die 23. Martii duabus lineis longum exhibuit, in quo Microscopii ope jam nodi in culmo formati, spica cum granis inchoatis apparebant: Verum ista ad Physicas observationes spectant de quibus pauca nobis dicenda sunt.

C A P U T II.

De Physicis observationibus.

I. **T**Ractatum de sono à se elaboratum pene integrum legit D. Perault, in quo omnes sonorum species & causas quæ in corporum collisu & instrumentis musicis occurrunt, diligenter persequitur. Hanc dissertationem inter Physica tentamina postea emisit in lucem.

II. D. Dodart observationes suas circa insensibilem perspirationem, & rerum utilium in viventibus exhalationem exposuit. Inter alia memoratu digna id comperit, sanguinis millionem ad sex-decim usque uncias intra 5. dies sic restitutam fuisse, ut corpus pristinum pondus recuperarit. Jejunium eo peractum modo quo 12 primis Ecclesiæ sæculis, multum de corporis pondere detrahit, adeo ut octo & amplius libræ intra 40 dies imminutum fuerit: sed intra 10 dies hoc dispendium in homine medii cuiusdam habitus corporis fuit refarcitum.

Mense Julio nobilis & pereruditus Germanus D. Sallitz phosphorum liquidum Illustriss. Abbati Colbert nunc Archiepiscopo Rothomagensi primum ostendit, ac varia ejus phænomena nobis coram facta sunt.

IV. Cum de mellis origine orta esset disceptatio, D. Du Verney scripto sententiam suam exposuit, ac primum eorum expendit opinionem qui putant mel esse vaporem è floribus stirpium sublatum & frigore densatum, quem deinde apes jam præparatum colligunt. Ii quidem meritò negant mel esse quoddam rois genus ex aëre delapsum: cum liquor ille qui mellis naturam refert, quæque partibus infimis florum, ut Lilii Indici, aut Ranunculi guttulæ insidet, parvis receptaculis continca-

ANN. tur; atque in eo genere lilii quod Coronam Imperialem vocant, ejus ear-
 1678. put terram verius deprimitur, si extremo digiti quæ pendent guttulæ ab-
 sterfæ fuerint, statim novæ succetescunt, vel in medio die cum æstus ma-
 jor est, & ros omnis exhalavit, Quare mellitæ ear guttulæ è succo plan-
 tarum bene cocto & percolato in quibusdam receptaculis quasi in totidem
 glandulis, quæ peculiaribus vasis sunt præditæ, formari videntur & fo-
 ras protrudi.

Jam enim ex observationibus clariss. Malpighii illud constat, terebinthi-
 nam quæ floribus & foliis insidet, quibusdam in cellulis recondi, in
 quas ii tubuli desinunt huic liquori secernendo destinari. Non dissimili mo-
 do mellitum liquorem, ejus natura non multum ab Terebinthina dissidet,
 secerni per vasa quædam admodum verisimile est. Quod si enim mel non
 aliud quiddam esset præter rorem frigore densatum, is caloris vi distilla-
 retur: sed non est ita. Orto Sole apes mel colligunt magno indicio illud quid-
 quid est, à rore ipso multum dissidere.

V. Et quidem manna, quod est mellis quoddam genus, ex rore non pro-
 dicit: sed succus est fraxino aut orno, per incisiones factas in ramis defluens:
 a leo ut manna non è rore originem suam ducat, sed è plantarum succo
 per tubulos huic aptatos separatur. Eadem videtur ratio liquoris illius mel-
 liti de quo diximus, qui tamen non videtur mellis ab apibus preparari ma-
 teria.

Hoc igitur modo mel confici videtur. E corde ipso plantarum complu-
 ra prodeunt filamenta aut stamina, quorum apices certis temporibus mag-
 nam pulveris copiam ex variis globalis compositi suppeditant. Præcipuus
 staminum usus is videtur, ut stylum in medio positum tueantur: sed & in-
 sectis plerisque alimenta præbent quæ huic pulveri insidere cernuntur. Hunc
 apes colligunt, non mel ipsum florum foliis insitum; nunquam enim his
 Coronæ Imperialis receptaculis in terram depressis, sed staminum apicibus
 insident.

Apes verò certis vasis donantur quæ pulverem illum parant, & in mel-
 lis naturam convertunt; sic in bombyce, erucis & arabeis ductus quidam
 cernuntur in varios anfractus fere ut intestina convoluti. Hi liquore quo-
 dam implentur qui per proboscidem in mento positam protrusus in fila di-
 ducitur, & restæ aut telæ quàm hæc animalcula contextunt materiem sug-
 gerit.

CAPUT III.

De Rebus Anatomicis.

HOC quoque anno in dissectionibus animalium multa fuerunt obser-
 vata speculatione digna, quæque Anatomicam & Physicam non me-
 diocriter illustrarunt. Taceo quæ à D. Perrault de auditûs organo & per-
 ceptione soni sunt observata, quæque postea mandavit litteris.

D. Du Verney partes animalium nutritioni destinatas diligentius expendit.

dit. Ac primo quidem in fele odorata, v. *Civet*, id advertit, interiorē ventriculi membranā non aliud ferme esse quā continuatā glandulā innumeris foraminulis pertusā, quæ digitis pressa liquorem viscidum præbet. Sic œsophagum quamplurimis glandulis conspersum reperit, idque in aliis animantibus imo & in avibus ipsis conspicitur.

2. Cum in avibus desint venæ lacteæ, uti & ductus thoracicus, ac mesenterii glandulæ, id suspicatus est chylum è cavo intestinorum in venas mesaraicas, & inde in hepar deduci. Cum enim venas mesenterii inflasset, intestina ipsa inflata sunt: adeo ut venæ mesenterii cum intestinis communicare videantur. Quin & liquores per easdem venas injecti intestina subeunt.

3. Circa sensuum organa scripto quædam tradidit non incuriosa, præsertim ea quæ ad aurium structuram spectant, quæque postea peculiari volumine juris publici fecit, hæc adeo nostram operam non desiderant, præsertim cum in Philosophia veteri & nova satis accuratè, contracto tamen stylo, fuerint explicata.

II. Eandem ob rationem quæ ad structuram oculorum pertinent, & iisdem temporibus ab eo sunt observata prætermittimus, quod in eodem opere satis fusè sint pertractata; structura imprimis illius interioris membranæ quasi tertie palpebræ in avibus maxime, cujus motus celerrimus à duobus musculis quorum mirabilis planè est conformatio, perficitur. Hujus mentio superius facta est.

III. Circa narium structuram non pauca deprehendit, quæ in eodem opere breviter sunt perstricta. Illud imprimis, narium cava lamellis cartilagineis, aut ossis, quæ in plures alias tanquam in toridem folia diducuntur, plena reperit. Quæ lamellæ ad radices narium positæ sunt angustiores; sed eadem sunt numerosiores & cum osse cribroso omnes continuatæ: adeo ut iusta sit suspicio os cribrosum ex earum lamellarum extremis coalescere, & foraminula quibus pertusum cernitur, nihil esse præter earum lamellarum intervalla.

2. Interior narium membrana omnes lamellarum anfractus & recessus regit. Quo quidem naturæ artificio tenuissimæ illius telæ quæ est genuinum olfactus organum, superficies intra angustum planè spatium redigitur, quod halitus odoriferus qui satis est debilis, plures illius membranæ partes afficiat, & nervorum fibrillas concutiat. Reliqua loco citato videri possunt.


Multa hujus generis quæ ad Anatomiam spectant, coram Serenissimo Franciæ Delphino & Regii Sanguinis Principibus tum exhibuit, uti & plurima Phytices experimenta quæ unà cum D. D. Blondel & Roëmer circa inane, liquorum æquilibrium, & magnetein variis in congressibus sunt peractata.

IV. Die 23. Aprilis idem D. Du Verney corpus mulieris dissecare cepit, ac primùm partes nutritioni servientes ostendit.

Auditus organum, majoris Cyprini & Lucii piscis sceleta; aëris vesiculis piscium conclusi cum œsophago communienem non longè à dentibus, alimenti quoque ductum in pulmonibus demonstravit. Intestinum in eo pisce est 9 aut 10 digitis longum, cui complures appendices quasi corcula 3

ANN. aut 4 digitorum tanquam totidem cœca adhærescunt, neque enim ullum 1678. habent exitum.

V. Cum die 17. Augusti de ventriculis cerebri & eorum usu sermo haberetur, D. Dodart quæ à se observata fuere diversis temporibus in duobus pueris enartavit, qui hydrocephali decesserant: hæc consideratione digna retulit. Uterque his morbis affectus erat, qui nullomodo ad caput pertinere videbantur, & citra ullam convulsionem anho interierant. Duo antea ventriculi cum tertio unam & eandem efficiebant cavitatem, quam aqua pura & limpida trium fere librarum pondere implebat; cerebri substantia candida & compacta vix digitorum æquabat magnitudine: cerebellum integrum erat, glandula pinealis vesiculæ cuidam aqua itidem pura plenæ insidebat. Ex ea observatione id videtur colligi posse has cerebri cavitates continendis spiritibus non destinati, neque aquam iis conclusam apoplexiam ipsam aut paralysem asserre, nisi alia subest causa.



SECTIO SEXTA.

De Mathematicis.

A Physica ad Mathesim progressi ab Astronomia capiemus initium.

CAPUT PRIMUM.

De Observationibus Astronomicis.

I. Inter observationes Astronomicas quæ anno 1678. factæ fuerunt, insignis illa fuit quam D. de la Hire delineavit, eclipsis nimirum Saturni interjectu corporis lunaris quæ die 27. Februarii evenit hora 7, 22, 30, post Meridiem.

Illud animadvertit D. Cassini hujus eclipsis tempore citius Lunam progredi visam quam tabulæ designent: Observationes à D. D. Cassini, de la Hire, Roëmer peractæ inter se omnino consentiebant. Quod in Diario Eruditorum 7. Martii ejusdem anni fuit annotatum.

II. Iisdem fere temporibus Pleiadum descriptionem exhibuit D. de la Hire, quæ ex magna stellarum multitudine coalescunt, compluribus in unam & eandem confusis, ubi citra Telescopium conspiciuntur.

III. Macula tum temporis in Sole visa est quæ in saculam conversa est. Hujus motum & formam D. Cassini est persecutus. Aliæ postea circa 24. Maii apparuerunt numero complures: sed ex iis quatuor erant magis conspicuæ, quæ in trapezii formam erant dispositæ. Inter eas maxima quædam velut nebula cincta videbatur: sed rubo 22 pedum aliæ quoque maculæ ne-

bula rariore circumfusa apparuerunt, easque recens formatas suspicatus est: Astrd.
Situ eorum annotavit. Ex theoria jam olim constituta qui futurus esset ea- nom.
rum motus & quibus in locis unoquoque die habita ratione Eclipticæ vi-
derentur, prædixit. Una ex iis evanuit die 25, quæ nimirum maximæ tra-
pessii erat opposita. Ex tribus reliquis factum est triangulum æquilaterum,
quod die 28 contrahi visum est, ob eam fortè rationem quod disci solaris
margini essent propiores, idque ex Optices legibus. Die 29 visæ sunt ad
se mutuo accedere, sed tertia ab iis recessit, quæ fuit magna irregulari-
tas in motu hujus maculæ, nisi fortè recens genita fuerit in prioris loco:
Die 30 puncta quædam obscura superfuerunt, sed majore splendore circum-
fusa: quod semper accidit cum maculæ desinunt.

IV. Verùm cum satellitum Jovis eclipses pene solæ, Geographiæ & ta-
bulis hydrographicis perficiendis magnum afferant momentum, in iis obser-
vandis D. D. Cassini, Picard & Roëmer præcipuam curam & studium
suum posuere. Jam anno 1676. D. Cassini in quodam Eruditorum diario
admonuerat Astronomos exeunte Martio anni 1677. systema satellitum Jo-
vis sic internum iri, ut superiores semi-circuli qui ante sexennium ad Aus-
strum deflectebant, jam versus Boream declinent. Idque ita evenit in pri-
mo, tertio & quarto satellite, non item in secundo, qui eodem in situ
permanit, ut in ejus eclipsibus observatum fuit à D. D. Cassino & Roë-
mer: adeo ut hoc anno hujus satellitis latitudo contraria esset aliorum la-
titudini, quod 12 abhinc annis contigerat. Hæc observatio aliam annu
1664 comprobavit, quæ cum esset singularis & dubia, suspecta tum
haberi potuisset.

V. Illud quoque D. Cassini primum in tertio satellite, deinde
in quarto unâ cum D. Roëmer, ac tandem in primo deprehendit, quod
in ipso transitu ea in parte disci Jovis, ubi satellites esse constabat, macu-
læ quædam subobscuræ apparerent, quæ in ipsis erant satellitibus, idque
ab anno 1665 non fuerat observatum.

Ex quo illud efficitur quasdam in satellitibus partes esse quæ Solis lu-
men non regerunt, adeo ut majores ii sint quàm videantur. Quod ex um-
bræ quarti satellitis est confirmatum; hæc enim aliquando satellitè ipso viva-
jor visa est. Cum autem ejusmodi maculæ non semper sub aspectum ve-
niant, & interdum satellites eodem in situ cum Jove & Sole constituti, ejus-
dem magnitudinis non semper appareant, hinc concludi posse censet D.
Cassinus eos circa suum axem verti, ac fortè quasdam iis mutationes Phy-
sicas accidere, quæ in causa sunt cur eæ maculæ interdum sui copiam fa-
ciant, interdum evanescant, ut in Jove ipso accidit. Quia etiam suspec-
ari licet quandam Atmosphæræ primo satelliti circumfusam esse, quod D.
Cassini ejus umbram in Jove aliquando intueri non potuerit, ubi discum
Jovis pertransibat, tamen satellitis viam ex illius macula dignosceret, quæ
eo ipso tempore è Jove exibat quo satellites.

VI. Jovis fasciæ post magnas mutationes ad pristinam formam redie-
runt, ac præcipua illius macula ex qua D. Cassini revolutionem Jovis
circa suum axem intra 9 horas & 56 minuta definierat, quæque annis
posterioribus evanuerat, per plures menses anni 1677 se videndam præbuit,

ANN. eaque post certum numerum revolutionum, quas ad calculum revocavit, per
1678. riodum suam absolvit.

VII. D. Roëmer sententiam suam de luminis mora multis rationibus confirmavit. His tamen non omnino assentiri visus est D. Cassini. Unde problema illud pulcherrimum hinc inde est agitatum, nec tamen aliam iniri viam certiore posse, qua tempus propagationis luminis habeatur, inter omnes pene convenit.

VIII. Die tertio & quarto Maii cum Luna esset prope supremam ex tribus stellis quæ frontem Scorpionis delineant, D. Cassini observavit eam stellam duplicem esse, uti & primam Arietis, & caput illius ex Geminis qui alterum antecedit, uti & alias quasdam; una ex eis alterius est dupla & splendidior altera.

IX. Die 20 Julii D. Cassini planisphærium exhibuit in quo stellæ omnes visibiles in nostro climate describuntur, quæque per globum cælestem fieri solent operationes, longè compendiosiori methodo in eo perficiuntur. Stellæ quoque recens detectæ huic planisphærio sunt insculptæ. Regi Christianissimo & Serenissimo Franciæ Delphino postea id obtulit, qui iusserunt ut sibi duo ex argento pararentur. Eo quoque anno institutiones Astronomicas, seu compendium Astronomiæ elucubravit, quo omnia quæ in cælo sunt per telescopium deprehensa, continentur.

X. D. Roëmer incurrente Aprili machinam exhibuit à se inventam, in qua Saturnus cum annulo suo & ejus Satellitum configurationes cernuntur, eaque omnia per rotas dentatas, uno eodemque motu efficiuntur. Anno superiori aliam machinam confectam curaverat, in qua Jovis Satellites & eorum configurationes conspiciuntur. Quin & eo ipso tempore aliam delineavit machinam admodum simplicem, quæque instar perpetuarum Ephemeridum esse potest, ut quovis momento locus & motus cujusque planetæ inveniantur, nodi quoque, excentricitates, stationes & retrogradationes. Præcipuum huius machinæ artificium in conica rotarum figura consistit, qua efficitur ut motus æquabilis & sui similis videri possit admodum inæqualis, uti omnibus coram ostendit.

XI. Cum illud in observationibus Astronomicis perutile judicaret D. de la Hire, ut via expedita iis delineandis quæ in cælo per telescopium conspiciuntur, reperiretur, quod is corporis habitus in quo intuemur per tubum opticum, rebus ipsis delineandis minimè sit accommodatus; sapientius enim is mutandus est, caput sursum deorsumve movendum, adeo ut rerum objectarum imagines faciliè oblierentur, ac magno temporis dispendio redes & imperfectæ rerum imagines adumbrentur. Quare huic incommodo mederi voluit ope speculi metallici & plani, quod inter oculum & vitrum oculare positum sic aptavit, ut angulum 45 graduum cum axe tubi efficeret. Sic enim erecto corpore & capite res objectæ in situ naturali apparent, & facilius delineantur. Quod si ambo oculi sic aperiantur, ut una pictura ipsa lineis expressa, altero res objectæ telescopio videatur, partes quæque rei objectæ vitri ocularis centro proximè in linearem descriptionem faciliè transmittentur, expressa illius imago habebitur, non confusa & malè delineata.

CAPUT II.

De his quæ ad Geometriam, Mechanicam & Opticam spectant.

I. **Q**Uæ hoc anno circa Geometriam, Machinatricem & Perspectivam acta sunt plurima, uno & eodem capite complectimur, quod ea majori ex parte typis mandata fuerint variis in operibus postea editis. Ac primum anno superiori exeunte, atque in hujus anni decursu D. Blondel Tractatum latè fufum de quibusdam Geometricis proportionibus, quas Veteres dixere medietates, legit in Academia. D. de la Hire quamplurimas sectionum conicarum affectiones demonstravit, & alia bene multa quæ recens invenerat circa focos conicatum sectionum proposuit suis demonstrationibus munita. Elementorum quoque conicorum lectionem inchoavit. D. Hug. ns de inveniendis planis Apollonii locis, & de iis omnibus, ubi quæfiti puncti locus est circuli circumferentia, demonstrationem in commentariis describendam dedit.

Mense Maio D. Picard demonstrationem suam circa Libellam proposuit quæ postea cum aliis ad eandem rem pertinentibus edita fuit.

II. Occasione autem machinæ à D. le Douceur excogitatæ, cujus supra meminimus, quædam problemata Mechanica fuerunt propofita, quorum solutio utilis esse potest, quæque à D. Roëmer variis Theorematis sunt illustrata. Horum titulus fuit *Reflexiones quedam circa motum machine incitata à pondere animalium ascendentium ad examinandam questionem mechanicam an talium ascensus ad movenda pondera preferendus sit traxioni.*

III. Aliud scriptum in eandem rem elucubravit, cui hic titulus præfigitur. *Explicatio & usus regulæ universalis pro calculo compendiofo machinarum aquas in altum evehentium per motum equorum* Tum aliam dissertationem de plano inclinato elaboravit cui titulus est. *Modus explicandi proprietates plani inclinati per motum circularem radii rigidi circa centrum fixum.*

IV. De aquarum mole aut quantitate per tubulos aptatos erumpentium penes fontium aut castellorum altitudinem & tubulorum latitudinem dissertationem tunc temporis elaboravit D. Mariotte, quæ postea publici juris facta est, in qua calculum init aquæ sursum salientis. Pedem cubicum aquæ 70 libratum statuit; tum experientia id compertum docet, ex receptaculo aut fonte 12 pedes alto & tubuli 3 linearum orificio, per quod aqua sursum effertur, pollicem seu 12 lineas aquæ intra unum fere minutum, seu 14 aquæ pintas effluere, quod fundamenti loco esse potest aliis aquæ expensis dimeriendis.

2. Cum æqui est altitudo fontis & inæquales tubuli, tum aqua pro ratione diametri tubulorum erumpit, sumptis diametrorum quadratis. Quod si altitudine data receptaculi aut fontis 12 pedum, ex quo aqua defluit, scire velim quantum aquæ tubulus 5 linearum intra unum horæ minutum expendat, per regulam auream ita procedam. Si 9, quadratum nempe trium linearum, suppedient 14 pintas Parisiensis, quot 25 nempe quadratum

ANN. 5 linearum daturum est, tumque $38 \frac{8}{9}$ prodibunt, sicque tabula in eam rem
 1678. pertexti facit potest. Nam pinta (ita enim loquendum est,) dat $\frac{1}{2}$ lineæ, 6
 pinte & $\frac{2}{3}$ duas lineas, 14 dant 3 lineas: cum numerus multum excrevit,
 dividendus est per 14 ut 126 exigunt rubum 9 linearum.

3. Ubi altitudo in castellis aut receptaculis 12 pedibus minor est, tum
 major altitudo plus aquæ præbet in ratione subduplicata altitudinum; adeo
 ut minor eam habeat rationem ad mediam proportionalem quæ est mediæ
 ad maximam. Sit ex. gr. minima superficiæ aquæ altitudo 3 pedum, me-
 dius numerus inter 3 & 12 est Senarius. Quare ut 6 sunt ad 3, ita 14 pin-
 tæ erunt ad 7, adeo ut tantum aquæ, nimirum semipollicis intra unum
 minutum exeat ex trium pedum altitudine. Unde & altera tabella confici-
 cietur in qua quantitas aquæ juxta diversas altitudines per tubulum 3 li-
 nearum erumpentis cognoscetur.

4. Obstat quidem aër quominus aqua ad eandem cum fonte aut Castello
 altitudinem ascendat, & eo magis quo plus aëris pervadit aqua. Hæc ve-
 rò regula huic imminutioni cognoscendæ & incundo calculo statui potest.
 Imminutio crescit in ratione duplicata altitudinum; hoc est ut quadrata
 altitudinum. Ex. gr. sit aquæ exilientis prior jactus 5 pedum, eaque delapsa
 fuerit ex 5 pedum & unius digiti altitudine. Si aquæ jactus sit 10 pedum
 fontem suum altiore 4 digitis habi.urus est. Nam ut 5 ad 10 sic 1 ad
 2. Quadratum vero 2. est 4. Res ita se habet, dummodo tubi sufficien-
 tem habeant latitudinem.

V Tabulam quoque dignoscendis jactuum differentiis pertextuit, sed af-
 frictus aquæ ad tubulorum latera, & magna aëris resistentia hanc propor-
 tionem nonnihil imminuunt, cum altitudines sunt majores. Quare ubi ma-
 gna est altitudo jactus, tubulorum per quos erumpit aqua, amplitudo sit
 10 aut 12 linearum, secus enim minor erit altitudo jactus quam par sit. Quæ
 subjicit reliqua, de idonea tuborum figura & latitudine, apud Auctorem le-
 gi possunt. Hæc paulo uberiori à nobis sunt exposita in gratiam exterorum,
 quibus lingua Gallica non satis est cognita.

VI. Exeunte anno D. Hugenius qua ratione naves dum impingunt, ab
 imminente ruina & distractione tutiores sint, proposuit. Navis enim in la-
 tentem scopulum aut arenosum locum illisa sæpe perfringitur, quod ubi
 terram attingit aut arenosum tumulum, fluctibus continenter agitur, qui-
 bus subinde attollitur, mox depimitur, ac tandem trabs illa infima
 aut stereobates v. *La Quille* cui tanquam spinæ dorsî carina connexa est,
 tanta vi illiditur, ut aquæ subeunti aditum præbeat. Itaque hæc labes ex
 vasti illius corporis impetu qui repente sistitur, omnino prodit, adeo ut si
 inpetus ille emolliri posset, utique ruina caveretur.

Illo porro hac ratione fieri posse existimabat vir clariss. si duæ trabses
 ejusdem fere cum illo inferiori principis mali pluteo latitudinis, & non-
 nihil inflexæ subderentur, ita ut una versus proram, altera versus puppin
 posita tertiam principis trabis partem unaquæque occuparet, parte sui ex-
 trema cum ea colligatæ, tribus aut quatuor pedibus præ curvatura ab ea-
 dem fenoæ. Sic enim dispositæ elateris vicem obeuntes in terram impa-
 ctæ vim ictus inflexæ mollius exciperent, & quantum satis esset ruinæ ipsi

impediendæ: tum enim illiſa navis majore ſui parte ab aqua ſuſtinetur: *Me-*
 una cum fluctibus demerſa non tanto imperu deprimitur ac ſi omni ſuſ- *chan.*
 tentaculo eſſet deſtituta. Quod ſi vi ponderis elater eam vim patiatur qua
 principi trabi admoveatur, ejus tamen beneficio vis iſtûs nulum in-
 fringitur, nec trabes illæ quaſi aſſutæ navi, hujus velocitatem retardare
 poſſunt, cum in aqua nullus ſint ponderis.

Illud quidem non inſiciabatur fieri interdum poſſe ut trabes illæ tribus
 aut quatuor pedibus ab ea quæ eſt inſtar imi ſuggeſtûs, aut baſis remotæ,
 prius attingant terram aut arenolum tumulum, ac fieri poſſit ut navis quæ
 alioqui non impegiſſet, præ illis aſſuris tignis illidatur. Verum ſi illud ibi
 contingat, ubi navis alio deſſecti poſſit, contactus ipſe ut caveatur admon-
 bir; ſi vitari nequeat illiſus, parvi refert an trabes illæ navis alliſionem præ-
 vertant: in antiquis & pene exoletis navibus periculum fieri poteſt ſine magno
 diſpendio; quod ſi in iis procedat, ſecurè in melioribus & robuſtioribus hec
 uti præſidio licebit.

VII. D. Perrault iſdem temporibus qua ratione rudentes religandis
 navigiis deſtinati fieri poſſint non adeo craſſi & majori compendio expo-
 ſuit, ac lineari deſcriptione oculis ipſis ſubjecit typum hujus machinæ
 parandum qui in Obſervatorio aſſervetur; eaque forſitan magno uſui eſſe
 poſſet.

VIII. Nonnulla quoque hoc anno Catoprices Theoremata fuerunt
 demonſtrata; illud imprimis à D. Picard fuit propoſitum quod rei objectæ
 inter duo ſpecula ad ſe mutuo inclinata poſitæ multiplicatas imagines ex-
 plicat. Varias quoque reflexiones quæ in duobus ſpeculis planis ad angulos
 acutos mutuo inclinatis vel etiam parallelis contingunt, expoſuit D. Mariotte.
 Eodem anno D. Hugenſ diſſertationem de reſractionibus variis in congreſ-
 ſionibus legit; quam poſtea in tractatu de lumine publici juris fecit.



SECTIO SEPTIMA.

De Actis anni 1679.

A Facilioribus ordiamur: cujuſmodi ſunt res Phyſicæ, & Chymicæ.

CAPUT PRIMUM.

De Chymicis & Phyſicis experimentis anno 1679. factis.

I. **Q**Uæ in hujus anni decurſu acta fuerint circa planarum hiſtoriam,
 & Chymicam mixtorum reſolutionem brevi compendio complecte-
 mur. Et quidem complures plantas exhibuit & deſcripſit D. Marchant.

ANN. lius : nam pater superiori anno diem suum obierat. Vir erat in re herbariâ
1679. valde subactus , cuius opera per multos annos usus fuerat Serenissimus
Princeps Gasto Borbonius Ludovici XIII. felicitis memoriæ Frater Unicus,
qui magno hujus pulcherrimæ scientiæ studio tenebatur. Illius jussu varias
Europæ regiones peragraverat , ut exoticas plantas indagaret , quas secum
asportavit & coluit.

II. Cum mense Julio D. Perrault fructum Indicum *Coco* dictum in-
tegrum & recentem exhibuisset , nux ipsa scissa & à D. Robert peritissimo
sculptore delineata , semilibra aquæ limpida & subdulcis in pulpa con-
tenta heliotropii succum rubeo colore tinxit : 4 uncia hujus aquæ sunt exstil-
lata , nonnihil acidi extractum , subdulce & quasi saccharo conditum in
imo vasis subsidit. Tum pulpæ analysi facta est , liquor subacidus
prodiit ; hic enim heliotropii succum excepta prima portione in rubeum
colorem mutavit : quatuor drachmæ cum semisse olei & sesquidrachma
salis prodierunt.

III. Colocyntidis tincturæ spiritum nitri affudit D. Du Clos , ebul-
litione facta , filtro eam trajecit : salem tartari adjecit , ex quo & spiritum
nitri salpetræ coaluit : Colocyntidis odorem & saporem spiritus nitri & sal
tartari deleverunt.

Jam ante aliquot menses spiritum nitri pene omnem amaritudinem aloë,
opio , mirthæ adimere monuerat. Hic oleo fetido gentianæ affusus multum
efferbuit , quod oleum illud sale volatili abundet , picea materia præceps decidit
spiritu vini ea fuit dissoluta , solutionem præcipitem egit aqua commu-
nis. Id ipsum in oleo ligni Salsæphras & Juniperi iteravit.

IV. Multa quoque hoc anno occasione data fuerunt agitata quæ sunt
Physicæ contemplationis , quæque magna ex parte postea sunt typis man-
data. Hujus generis ea fuerunt quæ D. Mariotte circa Irim , cuius phæ-
nomena nondum satis erant explicata , accuratius demonstravit. Idem trac-
tatum de vegetatione plantatum antea elaboratum & alterum de aëris na-
tura in lucem protulit ; scriptum quoque legit de vitreis lachrymis quod
postea publici juris factum est. Illius sententia in Physica generali nostra
p. 162 quartæ editionis compendiose expressa est.

Hoc idem argumentum variis experimentis dilucide & accurate illustra-
tum , in Actis Academiæ anni 1692 pertractavit D. Homberg : quare in
eo diutius hæc nihil necesse est.

V. Eandem ob rationem de Phosphori tum sicci , tum liquidi præ-
paratione , quam nobilis Germanus D. Schirnous , tum temporis Academiæ
communicavit , hoc loco nihil subijciam : cum D. Homberg in prædictis
actis veram liquidi phosphori parandi rationem aperuerit , & varia illius
phænomena dilucide exposuerit.

VI. Nec minus stupenda sunt quæ novi Microscopii ope tum tempo-
ris observata cæperunt , primum à D. Levvenhok in Batavia , tum etiam
aliis in locis & in Academia ipsa. Quæ ineunte mense Maio ad D. Hugens
scripta è Batavia D. Levvenhok vix fidem impetrarent , nisi aliis postea
observationibus fuissent comprobata. In lacte seu spermate Morhuæ vulgo
Mouruë incredibilem insectorum multitudinem conspexit , adeo ut pars
exigua,

exigua, quantum est arenulæ granum innumcrabilia pene contineret ani- *Phy-*
malcula. In vasis deferentibus galli gallinæ non minorem insectorum *sica.*
quæ anguillas referebant, multitudinem deprehendit. Tum Microscopium
usu magis expeditum excogitavit D. Hugen.

Pulverem qui multis insectis floribus, conspiciendum exhibuit D. Picard;
Qui majoris heliotropii flori adhærescit, è globulis constat, hi radios ex
se fundunt; in trifolio acetoso granula itidem globosa cernuntur in sui
medio quasi perforata. Qui in Papilionum alis insectis pulvisculus, è granis
constat radiosus tricuspidum forma. Extima paleæ membranula radiis in
modum cochleæ dispositis distincta apparet. Interior calami scriptorii me-
dulla instar reticuli cernitur. Qui floribus ormini insectis pulvis, pepones apte
formatos exprimit.

VII. D. Hugen nonnulla circa aëris condensationem proposuit, cum-
que supra fidem cogi posse demonstravit.

Inter alia naturæ opera minus vulgata D. Bocone è Sicilia misit ad D.
Perrault duo talci opaci genera, quorum unum plumbo non est dissimile.
Duplex quoque crystalli opacæ genus; una 12 superficies planas & triangu-
lares, altera octo continet; Corallium itidem album & articulatam,
Maxillas quoque illius piscis qui Carcaria vocitatur exhibuit D. Perrault,
quarum structura est omnino singularis. Hæc in regii horti aula sceletis ani-
malium quæ dissecantur in Academia conservandis sunt reposita.

VIII. Nonnulla quoque ex ea Physices parte quæ ad medendi artem
est accommodata, ut se se obtulit occasio, interdum sunt proposita. Vir
Clariss. cujus antea mentionem fecimus, D. Joly Divionensis, quædam cum
Academia communicavit, quæ sunt ejusmodi ut experientia comprobari fa-
cile possint. Illud imprimis, strumas in Burgundiæ & Campaniæ finibus
sanari solitas, cum illis quoddam glutinis genus applicatur quod constat ex
puriori farina lento igni cocta, cui acetum optimum affunditur. Duo ma-
nipuli farinæ una cum aceti pinta ejus regionis quæ nostræ major est, per-
miscetur. Linteum novum nec dum lixivium expertum hoc glutine illitum
parti afficitur adhibendum.

2. Folia lappæ aut personæ v. *Bardane* in Sole exsiccata & in pul-
verem contrita alexipharmaci loco contra venena utiliter adhiberi tes-
tatus est. Dosis est unius drachmæ pondus in vino.

3. Aqua mineralis per Æolipilam, seu potius Æolopilam erumpens ei-
dem usui adhiberi potest, cui thermæ solent, cum corpus perfundunt v.
La Douche. Addebat fontem ignis salientem parari facile posse: si aqua ar-
dente Æolipila repleatur.

IX. Ne illud quidem prætereundum putem, quod eo ipso die D. Du
Clos ancillam quandam quæ in Bibliothecæ regię ædibus manebat, & sputo
sanguinis laborabat, curatam à se restatus est, cum grano cpii & mali punici
seu granarorum syrupo.

D. Dodart tum opus suum aggressus est de regimine sanorum & ægro-
rum, cujus priorem partem legit in aliquor congressibus. Initium ducit ab
iis magnis mutationibus quæ ab initio mundi conditi ad hæc usque tempus
contigerunt in ciborum usu. Pars altera ea complectitur quæ ad usum

ANN. vitæ adhiberi possunt, tum alimentorum, tum exercitationum corporis habita ratione. Quo autem hic labor fructuosior esset, multa circa insensibilem perspirationem experimenta iteravit, quæ cum prioribus jam ab aliquot annis inceptis consentiunt.

Die 15 Novembris D. Hugen Phosphorum liquidum à D. Leibnits ad se missum exhibuit. D. Dodart fungos è quercûs trunco erutos & in virgam diductos ostendit.

CAPUT II.

De aliis rebus Physicis.

I. **I**sta quidem sunt Physicæ contemplationis: quo etiam multa spectant quæ occasione data sunt proposita. Ex iis nonnulla lucem aliquam huic scientiæ afferunt, alia non omnis utilitatis sunt expertia; illa Cancellarius Angliæ Franciscus Baco Lucrifera, læc Lucifera appellat. Prioris generis illud fuit à D. Borello propositum liquoris semper fumum emittentis præparatio. Ex duobus stanni, sex sublimari partibus, & una hydrargyri cum parabat. Huic non dissimilis est saturni seu plumbi spiritus ardentis præparatio.

II. Circa calorem quædam sunt observata, illud imptimis à D. Perrault, plumbum misto xylyno v. *Basin* mentæ imposito liquatum affundi, nec subiectum xylinum comburi, quod plumbi fumi in lino coacti per filorum intervalla disipentur; sic cochleari argenteo tela obducto ardens pruna parte convexa imposita, folliis perflata telam non comburit, quod in puncto duntaxat cochleare rangat accensus carbo, ubi aëre non subeunte extinguitur.

III. Vir industrius D. Villette Lugdunensis, speculum metallicum exhibuit cujus diameter est trium pedum & 7 pollicum. Die 6 Aprilis radiis solaribus expositum fuit in horto Bibliothecæ Regiæ ac multa facta sunt experimenta. 1. Cupellæ ex ossibus equinis constatæ frustulum intra 15 secunda fuit calcinatum. 2. Chalybis itidem segmentum intra idem temporis spatium inflammarum, innumeras scintillas vibrabat. Ferrum citissime fustum est, sed non sciitillavit. Fors est ut sal volatilis qui Chalybis compositionem ingreditur hanc fulminationem efficiat. Ita videbatur D. Du Clos: sed D. Perrault hujus discriminis causam in vitrum quo abundat ferrum, non item chalybs illud referebat.

3. Crystalli rupæ frustulum fundi non potuit, uti nec corallium quod calcinatum fuit, non fustum, id colorem album induit & saporem lixiviale. D. Trocus in rebus Chymicis expertissimus frustulum vitri tinctura auti, ut aiebat, imbutum exposuit. Gutula ex eo instar rubini decidit. Crystalli quoque rupæ frustulum cum sale alkali, & Lunæ tinctura fustum, in foco speculi collocavit, colore itidem caruleo tinctum apparuit. Eo quidem colore jam imbutum erat, sed multo obscuriori.

IV. Excunte Augusto D. Joly Doctor Medicus misit ad me terram è

balneis oppidi de *Vichy* crasam quæ Crystallum mineralem forma & saporis *Phys.* ipso referebat. Sed ea sublimari solutionem rubeo colore tingebat, adeo *sic.* ut sal ille inter sulphureos sit habendus, nec Crystalli mineralis viribus donetur, uti ipse conjiciebat.

V. Tractatum suum de coloribus legit D. Mariotte, quem postea in publicum emisit. Decumanos quoque fluctus qui in Garumna aut potius in Dordona assurgunt & in naves magno impetu impingunt, v. *Le Mascaret* exposuit. Multa etiam circa Iridis colores una cum D. De la Hire observavit. Ambo id experientia comprobarunt lumen quod phialam aqua frigida plenam pervadit, colorem rubeum efficere ubi ad angulum 40 grad. & 20 min. incidit : sed in aqua calida angulus est 44 graduum.

VI. D. Hugen's tractatum suum de magnete in variis congressibus legit. Novam hic theoriam complectitur, atque ejus lapidis proprietates multas explicat. Varia in eam rem experimenta exhibuit. Usus est magnete optimo qui erat penes D. Carcavi. Debilioris magnetis polos contactu suo commutavit ; atque ubi partem hujus mediam contigit, novos in eo Polos excitavit. Regula aenea ad æquilibrium suspensa fortiori magneti adnota acum pixidis nauticæ ad se convertebat, quod in regula cuprea aut argentea non evenit. Fors est ut in ære nonnihil ferri inesset. Hic magnes armatus ferrum 28 librarum sursum tollit. Tractatus ille in Commentarios Academiæ relatus est, atque id è re litteraria fuisset, ut vir Clariss. ultimam ei manum imponere & publici juris eum facere dignatus esset : sed cum hæc scribimus, eum morte sublatum accepimus.

VI. Cum de cæmenti sermo haberetur, D. Perrault cæmenti durissimi præparationem docuit, ex vitri contusi, salis marini, ferri limaturæ æquis partibus unâ commistis & fermentatis. Succum ex alio instar glutinis vitri aut testæ Sinensis, seu Porcelanæ partes conjungere aiebat.

Testæ fragmenta bene colligata & in lacte ebulliente diutius posita pristinam formam recuperasse expertum se aiebat D. Blondel. Idem addebat testas vulgares & plumbatas v. *De la Fayence* aquæ ebullienti per horæ spatium impositas ignis vim postea ferre : quod nuper à D. Tournesfort nunc Academiæ socio mihi fuit confirmatum : tum enim rimulæ admodum exiles apparent, per quas ignita corpuscula libeum habent exitum, neque adeo testam ipsam confringunt. Ista quidem licet fortassis leviora videantur, lucem tamen aliquam Philosophiæ naturali asserere possunt.

CAPUT III.

De rebus Anatomicis.

I. **E**Xeunte hoc anno D. De la Hire piscium aliquot icones à se delineatas qui à D. Du Verney in Armorica fuerant dissecti, coram exhibuit. Præter alia bene multa quæ D. Du Verney circa partium conformationem annotavit, in auditus organum præcipue animum intendit, quod hæcenus pene fuerit incognitum : adeo ut plerique Anatomici in iis

ANN. nullum esse existimaverint. Illud revera vix reperitur, quod exterius auris
 1679. foramen adeò sit augustum in plevisque piscibus, ut vix aciculæ caput admittat: hoc quidquid est foraminis, ad osseos circellos ducit qui inter se communicant, atque in eos nervus auditorius fere ut in avibus distribuitur.

II. Tractatus de Mechanica animalium à D. Perrault elaboratus hoc anno lectus est in Academia, deinde in publicum emissus.

III. Quorundam etiam animalium quæ Versaliis sunt asportata, dissectio facta est à D. Du Verney, ut Pantheræ, & avis vulgò dictæ *La Palette*.

Panthera in locis Africæ unde allata fuerat, ita nuncupatur: ut Tigris, & Leopardus variis maculis distincta est, ita ut difficile sit has feras genere ipso disjungere. Nam forma exterior, corporis habitu, imò & viscerum conformatione penè inter se conveniunt, & magnam cum felibus pardis videntur habere cognationem.

Panthera tamen, de quâ nunc agimus, tigris qui ante dissectus fuit, longe minor erat. Hic quatuor pedes à rostro ad caudæ initium longus erat, cum Panthera duos tantùm pedes in longitudinem haberet, illius auriculæ multò erant breviores, ut in Leæna paulò ante incisâ. Uno verbo ex maculis toto corpore sparsis Leopardo Oppiani omnino consimilis visa est: Tamen si adeò variant Auctores in descriptionibus suis, ut nihil certi statui possit circa horum animalium differentias: unde & ea quæ vulgus tribuit nomina retinere satius fuerit.

Illud præter cætera in quatuor quæ incisæ sunt tigris vocabulo donatis, observatum fuit, musculos pectorales valdè amplios esse, atque ad medium usque abdominis porrigi, fere ut in avibus, & eandem plane ob causam, quod nimirum anteriores pedes majore robore indigeant. Sic Epiploon, ut in feris omnibus quæ saltu plurimo utuntur, amplum erat & firmum. Reliqua in descriptionibus horum animalium intueri licebit. Ista enim strictim attingimus.


Eodem anno avis quædam Latine platea, vulgò *Palette* ob rostri figuram in extremo latiore dicta, incisæ fuit & descripta. Tres aliæ ejusdem generis fuerunt variis temporibus dissectæ, quarum historia suo loco red-detur.

IV. D. D. Picard & Richer itineraria hoc anno typis mandata sunt, uti Philosophia verus ac nova in sex volumina distributa iterum prodit in lucem, quæ experimenta bene multa in Academia & aliis in locis facta complectitur.

V. Illud nobis perè exciderat quædam circa æstus maris reciprocum à D. D. Picard & de la Hire fuisse observata mense Septembri in portu Brivatensi v. *De Brest*. Interdum maris æstus visus est antevertere verum Lunæ motum, qui tum medio motu tardior erat, interim Lunæ verus motus prævetterat, & tardius æstus recurrebat.

Cum autem difficillimum esset tempus maximi æstus definire, ex maxima aut minima ejus altitudine, quod per semihoram fere in eodem statu permaneat, illud ex duplici observatione tribus ante & post horis, aut circiter, factis haberi posse judicavit D. De la Hire, cum aqua eandem notam

attingit in palo aut alio in loco designatam, primum ascendendo, tum descendendo, hoc temporis intervallo in duas partes æquales diviso: vix enim unius minuti error potuit irreperere.



SECTIO OCTAVA.

De Actis anno 1680.

Hic annus novis inventis abundavit, & iis maximè quæ ex rerum cœlestium observationibus ducuntur, ab iis itaque capiamus exordium. *Astro- nomia*

CAPUT PRIMUM.

De Observationibus Astronomicis.

I. **N**unquam antea major in Geographia Astronomiæ usus quàm hoc ipso anno apparuit, qui ad hydrographiam quoque pertinet. Ex quo enim Jupiter à solaribus radiis liber & solutus fuit, nimirum jam à mense Junio anni superioris, satellitum eclipses magna cura sunt observatæ.

Insignis fuit ex interposito Lunæ eclipsis Jovis, quæ die 5. Junii anni 1679 contigit. Luna Jovem & ejus satellites sic obduxit, ut nihil in eorum figura mutatum fuerit, atque adeo nulla videtur esse sensibilis Atmosphæra Lunæ circumfusa. Tum variæ satellitum eclipses à D. Cassino observatæ & collatæ fuerunt cum iis ipsis quas D. D. Picard & de la Hire, qui tum temporis in partibus Galliæ Occidentalibus versabantur, non minori cura fecerunt, ut ex iis longitudinum differentiæ eruerentur. Ac primi satellitis futuras immersiones ad oppositionem usque Jovis & Solis ad eos misit Boïam v. *Bayonne*, sub initium mensis Septembris: post varias utrobique earum immersionum factas quàm diligentissimè observationes, qua ratione locorum longitudes multò accuratiores quàm hæcenus unquam, in tabulis Geographicis designentur, scripto exposuit.

II. Ac primum per eclipses Lunæ vix eos nos consèqui posse admonet, quod ex rarè contingant, atque Astronomi fere nusquam occurrunt, qui eas, ut par est, observent. Præterquam difficillimum est umbram totalem à partiali fecernere, adeo ut Astronomi sæpius hæcere cogantur, & dubitare quandonam incipiat aut desinat Lunæ Eclipsis.

III. Quare Satellitum Jovis eclipses adhibere necesse fuit quæ & frequentes sunt, & vix quarta parte unius minuti in errorem inducunt: sed tempus ante cognoscendum erat, ut ad earum observationem parati essent Astronomi, nec tabulæ ante hac in eam rem elaboratæ satellitum configurationes aut tempus ipsum satis indicabant. De his igitur elaborandis olim

ANN. serèd cogitavit, easque ex propriis observationibus cum iis quæ à Galilæo 1680. factæ fuerant collatis pertexit.

IV. Jam à 12 annis hæ tabulæ fuerant publicatæ, anno videlicet 1668, cum in Galliam à Rege Christianissimo accitus fuit. Ex eo tempore Jupiter integram confecit in Zodiaco periodum, atque in singulis orbitæ Jovis partibus tabulæ sunt cum observationibus comparatæ, ut eidem usui forent, quo tabulæ Solis & Lunæ in definiendis eclipsion temporibus.

V. Cum experientia ipsa tabularum descriptio firmata esset & comprobata, nonnulli ex Academia in his rebus magis exercitati, longiora itinera susceperunt, ut Meridianorum differentias constituèrent. Sic Vraniburgum in Dania, in Insulas Americanas & in diversos Galliæ portus itum est.

Superiore anno in Æremorica, hoc autem anno apud Cantabros observationes cum iis quæ iisdem temporibus in Regio Observatorio factæ sunt collatæ, summam suscepti hujus laboris utilitatem demonstrant. Nam Meridianorum differentia hac methodo & ratione inventa ab iis quæ in tabulis Geographicis vel accuratioribus & recentioribus gradu uno & 15 minutis dissident in differentia longitudinum designanda Parisios inter & Brivatium portum, seu Brestum in Æremorica, quæ est tantummodo 6 graduum & 54 min. Sed excessus major est inter Boiorum Cantabriæ coloniam, quæ Bætona nuncupatur & Lutetiam. Cum enim inter se 3 gradibus & 54 tantummodo min. dissident in longitudine, tertia & amplius parte major quàm vera sit, exhibetur in tabulis Geographicis, uno nimirum gradu & 20 min. Idque non una vel altera, sed multis observationibus compertum fuit, utrimque variis Epistolis ea de re missis.

Postquam tabulæ eclipsium satellitum Jovis ex observationibus unius anni sunt correctæ, illud experientia hoc anno facta compertum fuit reliquo ejusdem anni tempore Ephemerides ita emendatas observationibus sic respondere, ut unus idemque viator Meridianorum differentias invenire facile possit, ex sola suarum observationum cum Ephemeridibus ita correctis collatione.

Nam cum hoc anno vertente Ephemerides per superioris anni observationes correctæ D. D. Picard & de la Hite, antequam in Cantabriam proficiscerentur, fuissent communicatæ, has cum observationibus omninò congruere, nec ampliùs quam uno horæ minuto ab iis dissidere compertum fuit.

Quamobrem tot sæculorum votum in definienda loci cujusque longitudine magna ex parte expletum videtur: præsertim cum illud probatum fuerit ex variis observationibus tabulas Geographicas & Hydrographicas interdum tertia parte distantia à vera aberrare: adeo ut à correctione tabularum omnino incipiendum videatur.

Cum D. Cassini ex factis à se observationibus satellitum per annos 28, tabulas anno 1668 editas concinnasset, motum primi satellitis his tabulis designatum cum observationibus Galilei & suis, satis accuratè convenire judicavit.

VIII. Sed quæ ab annis 15 summa cura factæ sunt, hujus satellitis observationes motum ejus paulo tardiore ostendunt: adeo ut hoc tem-

poris intervallo sex gradibus in parvo circulo quem circa Jovem describit, *Astro-* fuerit retardatus, si motus ab eo definiti ex suis cum Galilæi observatio- *nomica* nibus comparatis ratio habeatur. Quin & motus ille tardior consimili modo continuatur. Ex quo illa subiit dubitandi ratio, an forè Planetarum motus tractu temporis nonnihil remissior fiat, idque magis sit sensibile in iis Planetis qui brevioris temporis spatio suas absolvunt periodos.

Et quidem istuc à Astronomis jam fuit animadvertum Planetas à Perigæo ad Apogæum tardiùs incedere, sed motum accelerant ab Apogæo ad Perigæum.

Vetum & hoc ipsum in dubium revocari potest, an primus satelles in reditu ad eundem locum aliquem celeritatis suæ gradum non amittat, ut sit in pendulis quæ citiùs motum remittunt suum, quo sunt breviora.

Quæcumque sit hujus Phænomeni ratio, tabulas hujus satellitis ad observationes suas à 15 annis factas sic exigere coactus est, ut unaquæque revolutio sit uno minuto secundo horæ tardior, quàm in superioribus tabulis. Ac novam subinde Epocham designavit hoc anno 1680: adeo ut calculus à prima immersione visibili 21 Julii hor. 1. 54 min post mediam noctem insequentem initium ducat. Ac de satellitibus Jovis hætenus.

X. Insignis illa macula ex qua Jovis revolutio circa suum axem intra 9 horas & 56 min. innotuerat, cum sui copiam non fecisset per annum integrum, die 8. Aprilis tandem in conspectum venit, hora septima à meridie & eo ipso in loco ubi juxta motus sui tabulam visam oportuit. Unde illud ipsum est confirmatum quod anno 1677 constituerat D. Cassini, fore ut hæc macula 29 periodis confectis ad medium Jovis locum rediret.

XI. Ineunte mense Martio vir pereruditus Avenione scripsit Epistolam ad D. Cassini, in qua se in peculiari Tractatu demonstrasse ait ex principiis Optices & Catoptrices anulum Saturni, Jovis fascias & obscuram Martis maculam non aliunde quàm ex quodam radiorum solarium reflectione oriri; adeo ut nihil in iis rei sit, nec quicquam ampliùs quàm in Iridis coloribus.

Huic respondit D. Cassini multa obstat quominus ejus sententiæ accederet, omnino id persuasum habere anulum Saturni corpus esse tenue & ejus pene naturæ quam D. Hugen expofuit, quod in eodem semper parallelismo perster. Nam ejus situ semel constituto, omnis circa illius phasæ varietas ex diversâ Solis & oculi nostri super ejus planum inclinatione proficiscitur. Nec fingi potest simplicior eas explicandi ratio quam per hypotheses Solis & Saturni motus vulgo receptas. Quin etiam quædam sunt hujus annuli phasæ quæ corporis opaci à Sole illustrati propriæ sunt: cujusmodi est umbra globi Saturni in anulum quam manifestè cernimus, cum Saturnus longè distat ab oppositione cum Sole. Tum enim oculus partem annuli quam Sol non illuminat, detegit, quæque obscurior videtur, hoc ipso est in loco, ubi juxta hypotheses videri debet, modò ad dextram, modo ad sinistram, ut Sol ad Orientem est situs, aut ad Occidentem respectu Saturni. Hujus quoque est umbræ velut filum quoddam ab annulo in globum Saturni projectum, dum oculus noster supra illius planum paulo plus aut minùs quàm Sol ipse attollitur, atque in eam dirigitur partem quam hypotheses ipsæ designant.


ANN. XII. Jovis autem Zonæ, & Martis maculæ ejusdem prorsus naturæ videntur ac Lunæ obseuriore maculæ, si hoc unum exceperis, quod mutationibus sint obnoxia, non item Lunares maculæ. Id quoque constar eas circa horum Planetarum axes converti, neque aliud videntur esse præter partes quasdam quæ lumen Solis debilius regerunt.

1680. XIII. Quod spectat ad Martis Maculas, anno 1666 magnum earum numerum sub initium Martii à se visum testatur, ut scripto tum edito exposuit. Quædam ex iis vespere, aliæ manè videbantur, eodem motu ferebantur ab ortu in occasum spatio 24 hor. 40 m. magna in iis figurarum varietas apparebat prope extremos margines, ut Opticæ rationes exigebant.

XIV. Sub finem ejusdem mensis D. Picard legit Epistolam D. De S. Martin Kebeci datam, in qua Eclipsim Solis à se observatam die 10 Aprilis anni 1679 describit; ea 43. min. post meridiem incæpit, hora verò 3, 16 desit 10 digit. $\frac{1}{6}$ fuit. Idem confirmat quod supra innuimus se à civē Kebeciensi accepisse qui per triennium ad lacum Huronum habitavit prope sinum hujus lacus v. *La Baye des puans*. Hic semper fluxum & refluxum uno quoque die observasse testatus est, adeo ut in fluvium proximum ad 5 aut 6 leucas æstus perveniret.

Die 23 Martii D. Cassini & D. Picard suas inter se observationes æquinotii contulerunt quæ non amplius quàm 5 secundis à se invicem dissidebant.

XV. Die 20 Maii visa est manè insignis in Sole macula quæ jam in discum Solis aliquantum erat promota: ita ut die 30 manè exierit, satis magna & crassa, ut ejus reductus à D. Cassino prædictus fuerit. Motu suo sub initium curvam lineam describere visa est, ita ut sursum tenderet, quod Polus Meridionalis in visibili Solis disco adhuc inesset, sed sub finem cum ambo Poli in utroque Limbo siti fuerunt, tum linea motus recta erat. Unde observationes in eum redigendæ fuerunt modum, in quo existissent, si axis motus in eodem situ persistisset nostri habita ratione, cum Sol quintum Geminorum gradum obtinebat, die nimirum 25 Maii. Tum verò linea motus sex gradibus ad Eclipticam inclinata erat.



A B C est Ecliptica cujus axis est D E, axis motus Solis F G, ut H K
Æquator

Æquator macularum, LM est parallelus observatæ maculæ cujus latitudo est fere 9 graduum. *Astro-nomica*

Hæc macula à die 13 Junii redire incæpit: Die 23 Maii in medio sui cursus & quasi in Meridiano macularum visa fuerat; eodem in loco die 19 Junii sub aspectum venit: ita ut revolutionem suam habita nostri ratione intra 27 dies absolverit. Quæ quidem erat motûs Synodici periodus, cum Sol est Apogæo proximus: sed subducendus est dies integer cum 18 horis ob motum annum Solis quo apparens ille motus retardatur. Quocirca tempus revolutionis Solis periodicæ circa centrum 25 dierum & sex horarum futurus est, sex horis minor illa quæ antea fuit definita.

CAPUT II.

Idem Argumentum continuatur.

I. **H**oc eodem annout superiori D. Cassinus in eo maximè elaboravit, ut Solis & Lunæ periodi ad certas leges definiendis temporibus accommodatas revocari possent. Novos utique cyclos tum Solares, tum lunares excogitavit, quibus tempora longè facilius & accuratius quàm hæctenus factum fuerit, digeruntur. Hos 5. Volumine vet. & novæ Philof. protulimus: sed res est ejusmodi quæ hoc ipso loco non sit prætereunda.

II. Primum vocat magnum cyclum Solarem qui 33 annos complectitur, octo nimirum periodos Julianas, quarum unaquæque quatuor annis continetur & annum præterea communem 365 dierum. Periodus autem Juliana in præsentia dicitur, quæ tribus annis communibus & quarto bissextili 366 dierum constat. Hic Cyclus eadem hora in eundem Zodiaci locum Solem restituit. Id unum exigit ut 7 periodos Julianas alia quinque annorum periodus excipiat, ex quibus 4 sunt communes, unus bissextilis.

III. Secundus ab eo magnus Cyclus Lunaris vocitatur, estque 33 annorum Solarium, compositus videlicet ex 18 Periodis Metonicis 19 annorum, & præterea ex una Periodo 11 annorum. Hic Cyclus Solem & Lunam eidem Zodiaci loco reddit. Cum videlicet 18 Periodi Metonicæ (hic est numerus aureus vulgo dictus) effluxerint: his adde annos undecim, tumque numerus aureus ad suum redibit principium usque ad magnam Periodum Solis & Lunæ.

IV. Quæ periodus tertium efficit Cyclum utriusque luminatis. Hæc conflatur ex 183 magnis Solaribus Cyclis, qui unâ conjuncti efficiunt 6039 annos; iique 17 magnos Lunæ Cyclos continent cum duobus Cyclis Metonicis. Hæc periodus quæ in præcedentibus Cyclis supersunt minutores differentiarum, eas corrigit, dum quorundam Cyclorum defectus aliorum excessibus compensantur; ita ut Sol & Luna omnino ad eundem Zodiaci locum & eadem hora ad eundem Meridianum revertantur.

V. Cum autem annus Julianus à Julio Cæsare ad hæc usque tempora obtinuerit, novos quoque Cyclos excogitavit qui Lunæ periodos ad eun-

ANN. dem anni Juliani locum revocant. Talis est cyclos 464 annorum. Singulæ
1680. hujus numeri notæ unitate sunt majores magno cyclo Lunari 333: quò faciliùs uterque mandatur memoriæ. Id verò exigit ut post sex Calippi periodos, aut 24 cyclos numeri aurei octo anni addantur usque ad certas periodos 1468, & 2932, & 3400. Quæ postrema jam à Francisco Vieta inventa fuerat. Eaque Solem & Lunam ad eundem diem & idem horæ minutum revocat: sic tamen ut 24 graduum intervallo à priore Zodiaci loco distent ambo luminaria. Sed prædicta periodus 6039 annorum ad eandem horam & idem Zodiaci punctum, & eundem anni cœlestis & civilis diem Solem & Lunam restituit.

V I. Quò faciliùs Solis & Lunæ conjunctiones & aliæ Lunæ phasæ eorum cyclorum ope inveniantur, varias epochas cum veteres, tum novas reperit, in quibus Solis & Lunæ conjunctiones in ipso anni initio contigerunt sub illustriorum locorum Meridianis. Ejusmodi fuit Epochæ ex qua initium computandi annos duci posset, anni videlicet 32 Jesu Christi, quam foundationis Ecclesiæ appellat. Primo enim die Januarii tum contigit Romæ in ipsa meridie Solis & Lunæ conjunctio media, atque ea sumi potuisset Paschati Christianorum constituendo anno insequenti instituto.

Alias quoque recenset Epochas quibus tempora ad certas regulas dirigi possunt. Hujus methodi summa in Eruditorum Ephemerides anno superioris relata fuit.

Exemplo sit hic ipse annus 1680 quo vernal æquinoctium 19 Martii circa Solis occasum paulò tardius quàm præcedentium annorum observationes exigere videbantur, fuit observatum. Cum itaque Gregoriana reformatio ad 21 Martii illud illigaverit, intra 400 annos ab eo loco 2 diebus & aliquot horis aberrat: sed in ea anni forma quam proponit, æquinoctium semper continget anno bissexili inter meridem & sextam horam, seu circa occasum Solis die 21 Martii; anno post bissexilem primo inter Solis occasum & mediam noctem, & ita de reliquis usque ad quartum seu bissexilem annum sex horis tardius futurum est.

V II. Cum æquinoctium verum & medium nonnihil inter se discrepent juxta recentiorum observationes, hoc quidquid est discriminis Auctores Calendarii neglexerunt. Nunc autem medium post verum duobus retardatur diebus, & anno bissexili sub vesperam die 21 Martii contingit. Demonstravit porro D. Cassinus intra 400 annos interim eo die verum, interim medium æquinoctium futurum. Quod si ea quam proponit methodo uteremur, initio ab anno 1680 ducto, æquinoctium medium semper die 21 Martii contingeret, ut Nicæni Concilii temporibus. Atque vel ex hoc uno exemplo faciliè omnes intelligent quàm Ecclesiæ ipsi & toti orbi Christiano Astronomiæ instauratio sit utilis.

V III. D. Cassini die 15 Junii Planisphærium suum ex argento conflatum & Ludovico Magno destinatum exhibuit; simul illius descriptionem & varios usus exposuit. In priori facie Planetarum motus juxta Tichonis & Copernici hypothèses; in altera stellæ omnes his in regionibus visibiles delineantur. Hujus centrum Polus borealis obinet, circa quem sydera quæque motu diurno vertuntur. Super illius planum obliquus circulus attolli-

tur qui Zodiaci Signa pertransit, quique Solem, Lunam & Planetas omnes secum defert. Ex una parte in signa & gradus, ex altera in menses & dies anni dividitur. Verùm præclari hujus instrumenti descriptio & usus autopsia ipsa melius quàm sermone ullo percipiuntur, præsertim cum illius structura publici juris facta fuerit. Usus est opera industrii & eruditi admodum artificis D. Butterfield Angli.

IX. D. Roëmer die 27 Augusti machinam suam planetariam protulit, quæ Planetarum motus tam aptè exhibet, ut perpetuarum Ephemeridum loco esse possit. Illius machinæ structuram & usum scripto exposuit, eximii artificis D. Thuret operam adhibuit. Ac D. Cassini die 31 Augusti quam aptè hæc machina cum Planetarum motu consentiat, demonstravit.

Eodem die D. Roëmer alterius machinæ quam Lunæ motibus dimetiendis animo conceperat, linearum descriptionem & formam exhibuit, quæ brevi post tempore ab eodem artifice fuit absoluta.

X. Nec illam quoque à D. de la Hire ante aliquod tempus excogitam machinam ad Eclipses inveniendas intactam præterire fas est: hanc postea horologii oscillatorii sic aptavit, ut index qui intra annum Lunarem periodum suam absolvit, Novilunia quæque & Plenilunia, imò & futuras eo anno Eclipses demonstret. Una ex iis machinis cum aliis prædictis ad Imperatorem Sinensem missa est, quam Patri Fontenay tradidit, eamque postea ab eo resciscere placuit Imperatori Sinensium.

CAPUT III.

De Geometricis & Arithmeticis demonstrationibus.

I. Pura quoque & exquisita Mathesis hoc anno actioni studio exulta fuit. Varia Geometriæ theorematum sunt demonstrata, pleraque problemata proposita & soluta. Illud imprimis à D. de la Hire incunte mense Februario propositum fuit & solutum: lineam secare in proportionem harmonica circa ullam circuli sectionem.

Interjectis aliquot diebus novam exposuit regulam inveniendis tribus lateribus trianguli rectanguli in numeris per quemlibet numerum datum aut fractionem.

Sub idem tempus methodum Geometricam tradidit sciotericis horologiis construendis, quæ postea typis mandata fuit.

II. Novam proposuit D. Hugen inveniendis æquationibus solidis rationem. Propositi quoque theorematum circa sectiones conicas quæ se in 4. punctis interfecant, demonstrationem scripto tradidit, quod ut supra memorata problemata & theorematum in Academiæ commentarios relatum fuit.

Nova libellæ telescopia suo instructæ fabrica ab eodem fuit excogitata, quæ ex uno & eodem loco comprobatur in formam crucis disposita. Ejus usum demonstrationibus Geometricis munitum exposuit.

III. Circa sectiones conicas multa theorematum demonstravit D. de la Hire, præsertim circa intersectiones parabolæ cum hyperbolæ aut ellipsi, item

ANN. de parabola quæ in aliam sectionem conicam in punctis sic incurrit, ut axis
2680. parabola axi alterius sectionis sit parallelus.

I V. D. Cassini novam numerorum progressionem excogitavit, cujus sunt insignes quædam proprietates. Primi hujus progressionis termini sunt ipsa unitas, & quisque alius terminus summæ duorum præcedentium æquatur, ut in his numeris.

1. 1. 2. 3. 5. 8. 13. 21. 34. 55. 89. 144. &c ita deinceps.

1. Cum tres termini consequentes sumuntur, medii quadratum unitate tantum differt à duobus extremis in se ductis

3. 5. 8.

ita ut alternatim quadratum

2. 3. 5. 2 5.

9. 2 4.

10

medii excedat unitate productum, & productum extremorum superet unitate medii termini quadratum, ut in duobus propositis exemplis videre est.

2 Quando quatuor termini eodem sumuntur modo, productum ex duobus extremis à producto duorum qui sunt interjecti, unitate tantum distat.

2. 3. 5. 8. Ubi extremi in se ducti medios vincunt unitate, sed alternatim sumpti consequentes vincuntur.

1 5

1 6

3. 5. 8. 13.

4 0

3 9

3. Eadem pene est ratio numerorum ubi quinque consequentes sumuntur, & cum aliis totidem alternatim sumptis conferuntur: quadratum enim medii unitate tantum differt à duobus proximis & à duobus extremis duplici unitate, ita ut extremi in se ducti excedant, & excedantur alternatim.

2. 3. 5. 8. 13.

3. 5. 8. 13. 21.

2 4

6 5

2 5

6 4

2 6

6 3

Ex prima proprietate palam est duos priores terminos tertium insequentem dividere, quantum fieri potest proximè, in numeris integris secundum mediam & extremam rationem: quod fieri non potest accuratè per numeros. Inde occasionem cepit D. Cassinus hanc numerorum progressionem excogitare quam theoriæ Planetarum adhibuit. Hæc progressio est quasi species alterius quæ magis generaliter his verbis concipitur. Cum duo primi termini æquales sunt, & tertius æqualis est summæ duorum præcedentium.

1, 1, 2, 3, 5

10, 10, 20, 30, 50

Prima proprietas jam enuntiata, hæc est, ut medii numeri ex tribus immediatè consequentibus à producto

Euotum extremorum termini radicalis productis differat.

Dio-

20, 30, 50 *perica.*

900

1000

terminus radicalis est 10 quadratum ejus 100 differentia utriusque extremorum quadrati.

Consimili ratione aliarum hujus progressionis affectiones explicantur: nam quadratum radicis loco unitatis ponendum est. Ista paulo uberius sunt explicata, quod intellectu sint faciliora quique sunt ab his disciplinis instructi, ejusmodi speculationes non oderint.

V. Quæ ad Dioptricam pertinent præcipua in tractatu suo ea de re elucubrato, quique postea typis mandatus est D. Hugen expofuit.

Multa quoque à D. D. Mariotte & de la Hire circa refractiones luminis sunt observata. Illud imprimis posita refractione radiorum ex aëre in aquam transeuntium, ut 4 ad 3, Angulum Iridis 42 grad. & 40 min. esse oportere.

VI. Die 11 Maii D. Picard tractatum suum de Telescopio legere incœpit. Illud principii loco statuit radios omnes ab eodem axis puncto procedentes in superficiem vitri convexi sic incidere, ut in idem punctum foci non cœant, sed qui prope extremum vitri marginem incidunt, citius concurrunt, quam qui medias vitri partes penetrant juxta eam regulam, quæ anticipatas illas cœtiones esse in ratione sinuum versorum demonstrat.

Quò autem ii excludantur radii qui citius quam par sit, se mutuo interfecant, & in foco eam efficiunt confusionem, quæ rei objectæ imago sit depravata; atque ut basis illa quantum fieri potest, contrahatur, & instar puncti habeatur, vitri objectivi ea tantum apertura esse debet quæ oculati certa proportionem respondeat.

Tum minores tubos cum majoribus contendit, quæque objectivis aperture sint relinquendæ, geometricè demonstrat.

Sub idem tempus D. Mariotte expofuit quædam vitri convexi phænomena, illud imprimis; Solares radios pertranseunt vitrum & obscuriori loco charta candida exceptos, quæ inter vitrum & focum vitri interponitur; in charta limbo colore rubeo tingi, ultra vitri focum cæruleos apparere. Quod si vitrum tegatur excepto foraminulo versus limbum, ultra focum rubeus color versus partes interiores, cæruleus versus exteriores apparebit. Alia quoque prisinatis phænomena demonstravit quæ in suo de coloribus tentamine fufius sunt explicata.

VII. Ac de Mechanicis quidem cum de libellandi arte ageremus, nonnulla diximus. Alia quidem libella à Domino Coupler fuit proposita usu facilis & accurata, dummodo ad normam exigatur, & axis Telescopii suam directionem non mutet. Tum vero D. Picard rationem aperuit quæ dignoscitur an filum tubi bene sit positum in foco.

VIII. D. Cassini horologium portatile sic conficiendum curavit ut penduli loco plumbum appensum addi vel dēmi facile possit, eodem horologii æquabili motu manente.

Expertus autem est capillum rotæ libratili ex una parte illigatum, ex

ANN.
1681.

altera vero ipsius horologii plano, ita ut arcum conficiat non multum à semicirculo diversum, horologium ipsum valde accelerare, adeo ut opus sit ipsius rotæ pondus augere, aut spiritam chalybeam quæ motum horologio imprimit, valde relaxare ut pristinum tarditatis gradum assumat, atque hunc capillum ipsius rotæ librationes ad æqualitatem redigere.

IX. D. Roëmer triangulum cupreum exhibuit quo tubuli aperturam & aquæ salientis quantitatem dimetiri licet juxta jactuum altitudines.



SECTIO NONA.

De Actis anno 1681.

AB Historia Animalium, & ab Elephantis imprimis dissectione decemus exordium.

CAPUT PRIMUM.

De Anatomicis laboribus anno 1681 susceptis.

I. **H**Oc incunte anno Elephas Versaliis dissectus fuit à D. Du Verney. Eo multi ex Academia se contulerunt; caput, oculi, odoratus & auditus organa diligenter inspecta, & à D. Perrault descripta. Quæ descriptio cum exteriorum, tum interiorum partium lecta fuit & discussa. Singulatum partium figuras D. De la Hire delineavit, cum eæ incisæ sunt. In partium structura per multa annotavit D. Du Verney quæ lucem afferunt plerisque corporis humani partibus non satis perspectis.

In pelle distincta esse quatuor corpora advertit. Primum erat cutaneum corpus, densum admodum ex innumeris fibris mutuo implexis compositum. Fibræ illæ magna ex parte sunt tendinæ, venis, arteriis & glandulis conspersæ.

2. Corpus papillare, quod in ea cute manifesto apparebat: adeo ut papillæ unius linear longitudinem & semissem in basi paterent, atque omnes pene essent uniusmodi, ac sui similes.

3. Reticularis membrana ex thecis quæ papillas involuunt ita erat composita, ut unaquæque ex aliis constaret. Postremo cuticula cum reticulati membrana arcte erat conjuncta, contra atque in homine.

Proboscis die 5 Februarii dissecta ex parvis musculis pene innumeris erat composita, dentes quoque exerti & falcati erant intus cavi ubi è maxilla erumpbant, tum carnea substantia impleti, quæ non aliud quiddam erat præter vasorum congeriem pericranio involutam.

II. Verum hujus accurata descriptio brevi, ut speramus, in lucem pro-

dibit. In antecessum tamen præter ea quæ diximus, nonnulla hoc loco subi-
cere non erit alienum. Hæc bellua anno 1668 à Rege Lusitanæ ad Regem
Christianissimum missa fuerat. Tum verò quadrima tantum erat, adeo ut
anno 1681 jam 17 annos expleverit: intra 13 annorum spatium uno dun-
taxat pede excreverat. Hæc 7 pedes cum semisse alta, & ejusdem pene
erat longitudinis; crura & pedes fermè ut in homine, seu genua specta-
rentur, seu pedes ipsi, qui angustiores erant quàm in homine habità cor-
poris ratione: in quinque digitos intus deducti erant, planta pedis firma
& densa solidiori ungula munita. Caput ingens, oculi pro mole capitis
angustiores; aures ad tres usque pedes porrectæ; proboscis quinque &
amplius pedibus longa, quam ad libitum contrahebat & producebat. Ex-
tremum illius paulò latius instat crateris, cujus ora foris extabat, & ex
ea velut digitum proferebat, quo quidem perinde ut manu uti solent
Elephantes. Noster enim funiculum nodo adstrictum digito suo solvebat,
& minutiora contrectans corpora etiam graviora frangebat: ex illa appen-
dice onera sursum tollere visus est.

*Hist.
Anim.*

III. In imo hujus vasis sunt duo foramina quibus ducunt & reddunt
spiritum, atque hujus attractionis vi potus proboscidis cava subit, quâ
subindè inflexâ per os hunc demittit, non sine strepitu, ex impulsu aëris,
non ex suctione ipsâ profecto. Sic herbam eodem proboscidis extremo avel-
lit, eamque glomeratam in oris intima propellit; nullum enim cibum ore
ipso sumit nisi per proboscidem: unde & nates in proboscide sunt collo-
catæ, ut ciborum naturam olfactu ipso exploret, ne quid noxium aut in-
gratum intus subeat.

Itaque usus proboscidis & functio est multiplex: nam ducit aëra per
aperta illa duo foramina; per eadem porum in oris cavitatem transmittit;
in omnes partes se inflectit, variis quoque modis se se contrahit & produ-
cit, idque per membranas tendineas & nervosas, per carnem musculosam
nullis ossibus firmatam.

IV. In medio proboscidis duo sunt rubi membranosi & laves, per
quos aër spirando ductus & aqua epota transmittuntur, ille in pulmonem, hic
in œsophagum & ventriculum: ductus illi in extrema sui parte sunt latiores.
Sic aër expiratione ipsa liquorem majore vi protrudit in oris cava, quod
ex ampliori spatio in angustius committit. Non enim constrictione successi-
va, ut in œsophago & in ipsis intestinis hic motus perficitur: cum fibræ
carneæ & circulares desint.

Actiones quippè omnes proboscidis contractione & productione conti-
nentur, sed utraque diversis planè sit modis: fibræ enim utriusque actio-
nis effectrices nactæ sunt contrarios situs. Ex iis aliæ musculos componunt,
qui unâ sui parte extremâ cum interioris ductus membranâ, parte alterâ
cum exteriori proboscidis involucrio connexi perpendiculares dici possunt,
quod ad angulos rectos tùm interiori, tùm exteriori membranæ in-
sistant.

Alii verò muscoli sunt quodammodo utrique membranæ paralleli, sique
ab uno extremo proboscidis versus alterum incedunt.

V. Perpendicularium numerus est prope infinitus, atque horum pars

ANN. 1681. carnosa versus ductum anteriorem, tendinea versus posteriorem membranam dirigitur. Contra accidit in musculis parallelis, qui ita sunt inter se aptati & conferti circa cujusque parvi musculi ventrem, ut plures unum & eundem velut musculum instar lori prælongi à summâ proboscidis parte ad imam descendens octo aut decem lineis lati efficere videantur.

VI. Horum tendines membranæ interioris ductus oblique inferuntur, alii ab aliis seunguntur per membranam à tendinibus perpendicularium musculorum constati: sed minores musculi, è quibus paralleli majores coalescunt, suos habent tendines cum parte carnea cujusque perpendicularis musculi permixtas & confusas quodammodo.

Nam paralleli quique musculi, cum duo extrema habeant interiori ductus membranæ, & ventrem exteriori proboscidis membranæ affixum, ii non recti, sed curvi semper manent. Ex iis utcumque intelligitur quâ ratione proboscis contrahatur & producat. Cum enim musculi perpendiculares vini suam exerunt, tum anteriorem proboscidis membranam ad ipsam ductus membranam propius adducunt, sicque imminuta crassitie proboscidem in longum magis produci necesse est.

VII. Paralleli vero junctis agant viribus, atque id præstant, ut partes interioris ductus, quibus ii musculi tendines suos habent affixos, ad se se mutuo accedant, unde & proboscidem contrahi necesse est. Atque ut hi musculi variis in locis motus suos exerunt, diversi quoque motus sunt & variis modis proboscis ipsa inflectitur.

Et quidem ea distendi & contrahi potuisset per fibras circulares, & sphincteres quosdam: sed ea fibrarum structura ductus ipsos, qui parentes & aperti esse debent, plus satis coarctasset: unde huic incommodo per musculos perpendiculares cavit supremus naturæ opifex, iique uno & eodem tempore anteriorem proboscidis membranam intus adducunt, & ductuum interiorum membranas diducunt. Quæ enim necessaria est proboscidis productioni contractio, ea solis musculorum carnibus interjectis perficitur: unde & ductus semper aperti & liberi manent.

Hæc & alia speculatione digna in descriptione Elephantis, quæ deo dante aliquando in lucem prodibit, copiosè & dilucidè explicantur. Ista nunc delibare volui, ut palam fieret quam accurata & laboriosa fuerit hujus ingentis belluæ incisio.

VIII. Nihil necesse est de ejus prominulis dentibus eburneis dicere, vulgo *Dentes*, qui magis cornua, quam dentes censeri debent, seu eorum spectemus originem à dentium ortu longe diversam; seu naturam ipsam choris quod in igne emollitur ut cornua, non item dentes.

Plura de pellis structura sunt annotata, quæ nunc describere nihil opus est, uti nec ea quæ ad musculorum, viscerum, ossium & aliarum partium conformationem spectant, quæ in prædicta descriptione uberius sunt exposita.

IX. Exeunte hoc anno parvus Crocodilus qui Versalis mortuus fuerat, dissectus est. D. De la Hire partes ejus delineavit. In ejus ventriculo qui avium carneo stomacho non erat absimilis, plures lapillos se invenisse D. Du Verney admonuit. Dentes inferioris maxillæ superioris alveolos subibant: Lingua plena erat glandulis.

Nescio an visus unquam fuerit in Gallia Crocodilus in vivis. Nam hoc animal est omnis omnino frigoris impatiens, atque in fervidis tantum regionibus ut in Ægypto vivit : hic vero ex quo in Galliam fuit asportatus, nihil manducavit per duos integros menses ; Limacum cochleæ, & arenulæ in ejus ventriculo sunt repertæ. Id quoque in lacertis visum, qui duos menses citra cibum exegere. Et quidem Crocodilus quoddam est lacertorum genus, quod crescere totius vitæ decursu auctores restantur.

X. Hic quidem vix quatuor pedes longus erat : totum corpus uno capite excepto squamis obductum penè rotundis in collo & cruribus ; in tergo & in summa caudæ parte velut fasciæ quædam squamosæ erant, sulcis & calaturis distinctæ : adeo ut squamæ non imbricatim ut in majoribus piscibus, sed quasi tessellæ juxta se positæ viderentur, ac fasciæ illæ à dorsi vertebrais hinc inde ad lumbos usque ita sunt porrectæ, ut inter eas distincta sint intervalla squamis destituta. Atque in iis solis intervallis vulneri locus est. Nam squamæ ipsæ sunt adeo firmæ & duræ, ut penè sint impenetrabiles, mediam inter os & cartilaginem naturam ; non fragiles, ut ossa, sed flexibiles : unde in juvenibus tantummodo fasciarum Crocodilus vulnerari potest nisi in capite, aut sub ventre.

Quin & dorsi & caudæ squamæ cristâ quadam muniuntur, ut galeæ & cassides, & in eundem prope usum. Tenuiores sunt sub ventre, cauda, cruribus, collo & maxilla inferiore, nec cristâ munitæ, sed uti quadrati lapides dispositæ continuatas fascias ut in dorso non exhibent, neque eam ad resistendum vim habent.

Caput penè totum solâ pelle vestitur : in extremo rostri apice foramen est rotundum molli carne oppletum ; ibi duo sunt parva foramina ubi nates : Sic duo alia supra oculorum orbitas posita foramina duplici quasi velo obducta, aures sunt, quæ subducta pellis appendice sunt conspicuæ. Altera pellis appendix instar palpebræ est mobilis, fibris carnis instructa : ductus brevis in tympani membranam desinit. Reliquæ organi hujus partes eodem fere modo sunt dispositæ, quo in avibus, nisi quod ea cavitas, quæ vestibuli loco est, multo est latior, & canales semicirculares sunt excavati.

Maxilla inferior sola est mobilis, non item superior, ut vulgò creditum est. Circa medium inferioris utrimque erat glandula, quæ foris patebat liquorem suavissimi odoris spargens. Hujus non meminere antiqui scriptores, eam recentior Auctor descripsit.

XI. Hæc de forma exteriori Crocodili satis fuerit strictim delibasse. Longum nimis esset musculorum structuram, & partes interiores persequi. Ista enim diligenter sunt pertractata in hujus animalis descriptione.

Ac præter cætera singularis videtur esse musculorum abdominis structura. Duo sunt utrimque à terrestrium animalium musculis non tantum numero, sed sui quoque & situctura diversi : nam exterior costis est superpositus, interior sub iis jacet, & viscera ipsa proxime instar peritonei involvit. Exterioris origo est multiplex : sed varia ejus capita in eundem cecunt musculi ventrem. Illius tendo uno sui extremo in ossâ innominata & in apophyses vertebrarum lumborum, altero sui extremo in tendinem amplum

ANN. 1681. instar membranæ tenuem desunt, qui tegit viscera. Sub dorsi pelle alii sunt muscoli, quorum origines sunt in vertebis & costis, tendines verò in fascias ipsas squamatum sic visi sunt desinere, ut alii deorsum porrecti fascias sursum trahant; alii è contra. Usus in utrisque is videtur ut fascias alias aliis admoveant, aut diducant, cum opus fuerit, idque præstant ut tui sint ab externis ictibus: sed fascias distendunt, ut costæ liberius atque tollantur & deprimentur.

XII. Hoc naturæ artificium in musculorum abdominis structura prætermittere nobis religio fuit. Jecur pene ut in avibus bifidum erat: duo lobi, dexter & sinister velut isthmo quodam discreti. Ductus hepaticus in dextro lobo radices habens, in sinistram porrectus collo cystis fellæ inserebatur. Cor & pulmones fete ut in testitudine; vena cava duplex, truncus unus & præcipuus è dextro jecoris lobo in dextram cordis auriculam; alter isque minor è lobo sinistro prodiens in auriculam sinistram desinebat. Ventriculus ferè ut in avibus quæ granis vescuntur, cujus angustior erat cavitas: adè ut illius exiguitatem, ac dentium tenuitatem acrius consideranti, illud planè intellectu arduum videatur, quomodo magnis animantibus vesci queat, ut auctores scribunt. Neque enim ii sunt dentes, qui dividere possint & comminuerè majora animalia, nec ventriculus capax est iis continendis, nisi fortè œsophagus admodum distentus instar ingentis sacci edulia excipiat & contineat.

Aorta itidem ut cava, duplex. Aspera arteria priusquam in duos abeat ramos, paululum reflectitur, ferè ut in grue aut in cygno: pulmonis nullum erat parenchyma, sed vesicularum tantum congeries ut in testudine & in ranis: non enim sanguis omnis ut in terrenis animantibus pulmones trajicit.

Lingua per latioremem membranam inferiori maxillæ adhærebat, eaque membrana variis pertusa foraminibus præcipuum est gustatus organum: in longum porrecta est lingua, sed angustior.

Maxilla inferior cum temporum ossibus duplici articulatione sic nectitur, ut sursum & deorsum tantummodo moveatur, non dextrorsum & sinistrorsum ut in aliis animantibus: cum enim dentes illius acuti sic disponantur, ut sibi non occurrant, sed in spatia gingivarum dentibus vacua incurrant, maxilla ad latera inflecti non debuit, sed sursum deorsumve, ut dentium apices sibi aptata foramina subitent. Quæ ad Sceleton reliqua pertinent in descriptione ipsa dilucide & copiose exponuntur.

CAPUT II.

De Physicis experimentis.

I. **D**E plantis rarioribus quæ D. Marchant cura ex diffitis regionibus sunt allatæ, nec non de earum analysi nihil necesse est fusius discere, cum hæc in stirpium volumine quod brevi in lucem proditum speramus, diligentissimè sint explicata. D. Bocone librum de plantis ratio-

tibus, cui insertæ erant stirpes complures & exsiccata, miserat ad Reverend. *Phy-*
P. De la Chaize, qui cum ad Academiam misit. *sica.*

II. Cum D. De Saint Hilaire Canonicus Bellocensis, vir ingenio & eruditione clarus, die 30 Julii aquam marinam sale exutam in Bibliothecam Regiam allatam curasset, quam vir Illustriss. D. De Feuquieres qui tum in Suecia Christianissimi Regis legatus agebat, ad Illustriss. virum Carolum Colbertum Marchionem de Croissy regni Administrum & Secretarium miserat: Ea fuit diligenti examini subjecta. Primum hæc aqua exuta salugine communis aquæ saporem præ se ferebat, aut potius insipida erat, nullo manifesto sapore; nonnihil turbida videbatur, aquâ fontanâ quæ è vico *De Rungis* per aquæ ductus Lutetiam deferretur vix $\frac{1}{150}$ parte gravior, aqua marina $\frac{1}{50}$ levior reperta est. Distillatis 8 unciiis unum salis granum cum semisse in imo vasis subsidit. Hujus aquæ salem præcipitatione separatum scriptum fuerat è Suecia ad D. De Croissy. Qua ratione id factum sit, nobis ignotum est.

III. Hujus rei occasione D. Du Clos dissertationem conscripsit. Ac subinde admonerat salem sua acredine exui posse, aut quadam, ut loqui amant Chymici, concentratione, ut in sale aceti evenit, ubi cum sale tartari arctè conjungitur, aut quadam in terram reductione, ut in renum, aut vesicæ calculo, in conchis ostreorum & cancrorum.

Odor quidam in hac aqua lixivialis supererat, qui caloris impressionem in faucibus relinquebat, adeo ut salis alicujus nitrosi additione salem marinum præcipitatum esse conjiceret. Cum enim maris salugo ex dissoluto sale diuineret, hæc adimi vix potest nisi sal ipse terrestris fiat, ut in corallio, & in cancrorum lapillis cernimus: hæc quippe & alia hujus generis, sunt sales concreti & terrestres facti.

IV. D. Mariotte Tractatum suum de coloribus legit in variis congressibus: hunc postea in publicum emisit. Hoc argumentum à nomine, ut nobis videtur, uberius pertractatum fuit & explicatum. Cum autem eruditorum manibus teratur, atque illius præcipua theorematum & observationes in tertia & quarta editione Philosophiæ veteris & novæ excerpta à nobis fuerint, nihil necesse est hoc loco plura de hoc opere attexere.

V. Die 28. mensis Maii D. Hubin industria sua clarus, machinam nuper à D. Papin inventam ossibus emolliendis & carnibus elixandis exhibuit, cui nonnulla adjecerat. Hæc duplici cylindro constat uno stanneo, cui carnes aut ossa & parum aquæ imponuntur; isque bene occlusus altero cupreo aliquanto ampliori continetur. Hic aqua impletur duplici cochlea accuratè obduratus, relicto parvo foramine quo vapores è majori cylindro, seu è balneo maris per illud foraminulum paulatim exhalet. Intra horam & tres quadrantes ossa fuerunt instar casei emollita, sed plane insipida: Nam succus iis contentus in jusculum transierat, quod instar gelatinæ concretum est: ossa post aliquod tempus pristinam duritiem recuperarunt, sed friabilia erant. Non inutile fore hanc machinam conservandis carnibus & iis emolliendis, nec non gelatinæ conficiendæ ex ossibus & cornu cervinum tum creditum fuit: nec video tamen illius usum frequentari.

Nonnulla quoque sunt proposita quæ si succederent, alicujus forent

ANN. militatis : cujusmodi illud fuit à D. Du Clos inter alia jactum , decoctione
1681. trifolii palustris , aut sinapi potu scorbutum sanari.

V. Com de structura & usu organi auditus tractatum suum legeret D. Du Verney , ac de cera quæ in prima auticulæ cavitate occurrit , sermo haberetur , eamque interdum tympano adhærescere , & sensum obtusiorum reddere quidam allèrent , iidem injectionibus eam dilui & abstergi testati sunt. 2. Hanc esse admodum balsamicam confirmavit D. Borel. Addebat D. Dodart in præparatione sacchari spumam ab ea discui , uti etiam fit in recenti sanguine è vena emissio.

VI. De sonis quoque data occasione nonnulla obiter sunt annotata. Illud ex. gr. à D. Blondel observatum , aquæ scypho vitreo contentæ dum vitri margines digito premuntur , ebullientis parvos circellos conducipari cum tonus ad octavam pervenit , quod motus sit duplo velocior.

Addebat D. Mariotte in tuba militari extremam & latiorē partem tum tremere , cum sonus est gravior ; ut pars media fremit in diapente ; tremulus vero motus in octava superiores tubæ partes concutit.

C A P U T IV.

*De iis quæ acta sunt cum Ludovicus Magnus Academiam
invisere dignatus est.*

I. **D**ie 5 Decembris Ludovicus Magnus suæ Majestatis præsentia Academicam cohonestatam voluit. Una cum illo aderant Sereniss. Franciæ Delphinus , Frater Regis Unicus , Sereniss. Dux nunc Princeps Condæus , & alii primariæ nobilitatis Viri. Cum Rex Bibliothecam lustrasset , laboratorium , ut vocant , seu officinam Chymicis laboribus destinatam invisit , ubi quadam hujus artis specimina D. Duclou exhibuit. Primum aquæ mariniæ coagulationem in momento effecit , oleo usûs tartari eo quo supra dictum est modo. 2. Sales quosdam acerrimos , cujusmodi est sal tartari , in terram insipidam redactos ostendit , quod variis lotionibus effectum fuit. 3. Spiritus vini in aquam exsoluci , ac flammæ illius distillationem , cujus aliàs meminimus , effecit.

II. E laboratorio aulam in qua Academici erant congregati Rex ingressus , primum illi opera jam edita , quæque erant in ordinem digesta , ostendit D. Colbert , tum ea quæ erant in lucem proditura. Animalium terrestrium à D. Perrault , piscium itidem icones à D. De la Hire delineatas , simul aliquot stirpium figuras attentius inspexit. Tum qua solet humanitate Academicos affatus : nihil necessum est , inquit , vos sponte currentes incitare , quos video navandæ operæ cupidos & ad laborem ultro ferri.

III. Tandem duas illas machinas quarum supra meminimus à D. Roëmer excogitatas & ab industrio artifice elaboratas & perfectas intento animo Rex dispexit , quarum una Eclipses , altera theoriam Planetarum ,

& eorum periodos exhibet. Ex priori tempora eclipseon Solis & Lunæ, quæ hæcenus extiterunt aut futuræ sunt, dignosci possunt; utriusque structuram exposuit D. Cassini.

Neque hoc loco alienum fuerit librorum, qui tum temporis in publicum emissi fuerant catalogum subicere. Primum occurrunt descriptiones animalium uno volumine comprehensæ, cujus supra meminimus. Hic labor totius est Academiæ, sed D. Perrault formam illi & dispositionem tribuit. Illius propria erant tria tentaminum Physicorum titulo inscripta volumina, quæ tamen lecta sunt in Academia.

Hos exceptis plantarum Prodrromus à D. Dodart elaboratus, cum 40 plantarum descriptione.

Quatuor deinde prostabant Physicorum tentaminum volumina à D. Mariotte elucubrata: primum de vegetatione stirpium. 2. de natura aëris. 3. de calido & frigido. 4. de natura colorum, quæ in variis congressibus lecta sunt & discussa, uti & Tractatus de collisione corporum; non item Logicæ tentamina, sed de librandi arte & visus organo dissertationes editæ in Academia ante fuerunt examinatæ.

Nonnulli quoque Libri Mathematici extabant jam excusi. 1. D. Hugenot de motu pendulorum & horologio oscillatorio.

2. D. Cassini de duobus satellitibus circa Saturnum ab eo detectis, quorum motus ad calculum revocavit. Item ejusdem Tractatus de Cometa qui hoc anno 1681. visus est. 3. Planetarum orbitæ figuris expressæ. Item de Solis & Lunæ maculis. D. Picard teriæ mensura. Itineraria in Daniam & varias Galliarum oras.

D. de la Hire Elementa conica, Loci Geometrici, & æquationum constructio.

D. Frenicle Tractatus de triangulis rectangulis per numeros expressis.

D. Perrault Vitruvii Architectura in linguam Gallicam conversa cum notis.

Multa præterea Opera Mechanica, Geometrica, Astronomica, quæ potestea fuerunt publicata, quorum idoneis locis mentionem fecimus. Hujus generis sunt complura volumina Mathematica à D. Blondel edita.

C A P U T V.

De Rebus Astronomicis.

I. **C**Ita solstitium hibernum anni 1680 insignis in cælo visus est Cometa, qui ad æquinoctium usque vernum anni 1681 sub aspectum venit, quique à D. D. Cassini & Picard quàm diligentissimè fuit observatus. D. Cassini missas ex tota pene Europa Astronomicorum observationes unà cum suis contulit, tractatum ea de re emisit in publicum, in quo hunc Cometam cum iis qui ante centum annos visi sunt, contendit; apparentem motuum inæqualitatem ad certas leges & magni circu-

ANN. li circumferentiam revocavit, ac nova demum ratione Cometarum theoria-
1681. riam exposuit.

II. Ex eo quidem opere nonnulla tum à nobis excerpta in quinto volumine Philof. vet. & novæ Tractatu secundo inferuimus, quæ breviori stylo nunc contrahemus. Ea quidem ad naturam, motum, & incredibilem Cometarum à terra distantiam pertinent. De natura eorum superius dictum est. Neque id abhorret à vero Cometas inter opera ab initio mundi condita, uti & Planetas referri oportere. Nec fortè eorum motus minùs est æquabilis, quàm Planetarum. Quod vir clariss. probat ex collatione hujus Cometes cum eo qui à Tychone anno 1577 fuit diligenter observatus. Nam hi duo ita inter se conveniunt, ut unus & idem pene videatur. Unde non dubitavit D. Cassini die 28 Decembris sexto post die quam caudam hujus primum conspexerat, & postero die quo caput se videndum præbuerat, scripto publico, quod Regi Christianissimo obtulit, id prænuntiare, fore ut hic Cometa ab Astronomis toto hyemis tempore videretur, atque inter fixas eandem descripturus esset viam, quam Cometa anni 1577 à Tychone observatus insistere visus est, quasi idem prorsus qui post emensa remotissima spatia redux, & terræ propior rursus sui copiam faceret: quod eventu fuit comprobatum.

III. Ubi primum apparuit, eodem motu incedere visus est quo Cometa anni 1577 die 8 Januarii; 4 nimirum gradus & 27 minuta singulis diebus uterque percurreret. Cum utriusque Cometæ Ephemerides & observationum tabulæ consuluntur, vix inter eorum semicas & motuum velocitatem ullum occurrit discrimen; sub iisdem stellis ambo visi sunt incedere, iisdem in locis eclipticam secare, nempe in 21 Sagittarii, & æquatorem in gradu 300 ab initio Arietis, nunquam Planetæ post exactum sæculum iisdem in locis Zodiacum & æquatorem tam præcisè attingunt.

IV. Cum primum hic Cometa visus est Londini & Madriti, die videlicet 20 Decembris, motus diutnus fuit ferme duorum graduum: nondum quippe ad Perigæum suum pervenerat, ubi motus ejus est celerrimus. Die 4 Januarii is motus fuit 4 grad. cum semisse. Accelerato ejus motu major Cometa, & cauda productior apparuit, quæ die 27 Decembris 48 gradus in cælo occupabat, ad 62 usque gradus excrevit. A die 4 Januarii sensim & motus & moles Cometæ cæperunt decrescere: adeo ut die 18 Martii motus diurnus vix fuerit 20 minut. Cauda sensim aucta est, cum motus crescebat, ubi motus est retardatus, cauda quoque est immixta, eaque Soli non è directo erat opposita, sed in arcum nonnihil curvata.

V. Circa diem 4. Januarii Cometa fuit terræ proximus: nam & major & velocior tum fuit. Rarè id contingit ut Cometæ videantur ante & post Perigæum: nam radiis Solaribus plerumque opprimuntur statim à Perigæo, vel antequam ad illud perveniant: ac fortè in iis ut in Planetis Perigæa non sunt adeo fixa, ut locum non mutant: nam Planetæ ipsi modò citiùs, modò tardiùs ad easdem stellas revertuntur.

VI. Nec mirum si Cometa idemtidem reverratur, nec videatur tamen: nam cauda est quiddam omnino illi adventitium. Interdum nulla est, cum Cometa cernitur: sæpe non videtur, quòd Soli sit viciniore & ejus radiis oc-

cultetur, aut remotior ac tenuiori luce perfusus. Sic Mercurius plures in
terdum revolutiones conficit, nec videtur tamen. De stella quæ est in col-
lo Ceti, id liquet, quæ per 7 aut 8 menses singulis annis oculos fugit. Quod
si ea stella caudam instar Cometæ projiceret, eam tamen non aliter vide-
remus quàm videri solet. Nam à Sole & terra tam procul remota est, ut
orbis Solis aut telluris sit instar puncti, si cum ea distantia conferatur :
unde illius cauda & Soli & terræ semper esset opposita.

VII. Id etiam liquet ex observationibus Astronomorum inter se col-
latis, hunc Cometem Luna fuisse longè superiorem. Quod si enim ad ter-
ræ systema pertineret, cum astra cujusque systematis, atque ut Recentio-
res loquuntur, cujuscumque vorticis, centro sunt propiora, celerius mo-
ventur : Cometa ille etiam in Perigæo constitutus multò tardius quàm Lu-
na incedens longius à nobis distaret. Deinde hujus Cometæ caput rotun-
dum instar Saturni visum est, cum 12 tantum gradibus à Sole distaret,
magno sane indicio hunc Cometem Sole multò esse altiore. Sic enim Ve-
nus in parte summa suæ orbitæ globosa cernitur, quod Sole sit superior,
& ex parte nobis conspicua illustretur : cum prope conjunctionem in par-
te suæ orbitæ inferiori falcata appareat.

VIII. Circa 9 Februarii caput præ exiguitate nudis oculis videri non
potuit, sed cauda adhuc sub obtutum veniebat : tubo optico 4 pedum ca-
put Jove ipso majus apparebat ; telescopio autem longiori 20 pedum vide-
ri non poterat, quod longiores tubi lumen ipsum debilitent, dum illud
spargunt.

IX. De cauda vix quicquam certi constitui potest, ac metitò dubita-
tur, an sit effluvium quoddam à capite dimanans, an potius quædam sit
in ea ætheris parte sparsa materia quæ fractos in atmosphæra radios Sola-
res ad nos usque regerat, fere ut prolixas interdum caudas in turbido æ-
re radii Lunares effingunt.

X. Dissertationem quoque de natura Cometarum tum temporis conscrip-
sit D. Hugen. In eodem argumento versatus est D. Picard qui & hunc
Cometem sedulò observavit.

XI. Cum Mense Junio ineunte Venus eundem cum Sole parallelum
pertransiret, D. D. Cassini & Picard per integram hebdomadam separa-
tim eam observarunt, si fortè ea ratione ejus parallaxim & distantiam à
terra invenirent. Utriusque observationes apè inter se convenerunt. Venus
eo in loco terræ vicinior erat duabus tertiis distantia Solis à terra ; hinc
adeo quantum Sol à nobis removeatur satis accuratè dignosci potuit. Hoc
intervallum 22000 semidiam terræ, hoc est, 3600000 leucarum invenit
D. Cassini, fere ut antea dimensus fuerat.

XII. Equinoctium utrumque Autumnale & Vernale, æstivale item
solstitium & eclipsim Lunæ quæ die 27 Augusti contigit, observavit, col-
latis suis cum iis quas undique ab Astronomis accepit observationibus. Sa-
tellitum quoque Jovis eclipses hujus, & insequentis anni futuras in tabulas
redegit, quæ inveniendis locorum longitudinibus magno usui fuerunt.

CAPUT VI.

De Rebus Geographicis.

I. **I**N hoc quoque præcipua Academiæ cura eo anno & consequenti incubuit, ut tabulæ Geographicæ emendatiores fierent, ac Meridianorum differentia certæ & determinatæ haberentur. Id omnibus persuasum erat ex tabulis satellicum satis commodè, eo quo jam diximus modo illas haberi posse; quantum enim cujusque loci Meridianus ab Observatorii Regii Meridiano distet, ea ratione innotescit.

II. Primum igitur de Galliæ Charta instauranda agitatum fuit. D. Picard die 5 Februarii sententiam suam Domino Colbert scripto exposuit. Summa hæc erat, eam quæ hætenus regni describendi & tabulas conficiendi per Provincias cæpta fuit, longiorem esse methodum, quàm ut ad exitum perducì queat, nisi post multorum annorum volumina, nec tot frustra in unum corpus cogi facili, nisi in septem quoddam, aut in marginem regularem vulgo *un chassis*, tabulæ sint redactæ. Hoc vero septimum ante omnia sic disponi oportere, ut regnum per triangula inter se connexa disperiat.

III. Hujus initium capi potest ab urbe Dunkerea & Perpinianum usque produci: sunt enim hæ duæ urbes sitæ in eodem Meridiano. Hæc via jam tum inchoata, cum terræ dimensio suscepta fuit. Quod si utriusque loci latitudo accuratè sumitur, uti factum est in vico Picastræ cujus nomen *Sourdon*, & Malvesiæ in agro Vastunensi, vulgo *Malouinsie en Gastinois*, veram terræ mensuram octies accuratorem eâ quæ publicata est, habebimus: nam unius gradûs loco octo erunt explorati, qui simul punctum non majorem inducerent errorem quam unus. Hæc transversò transite absolute, alius per Galliæ fines & circumjecta littora designari potest, qui cum priori conjungetur.

IV. In eo rei summa posita est, ut puncta quædam seligantur insignia magnis, quantum fieri potest, triangulis efficiendis: seu puncta illa aut loca in urbibus, seu in montibus, unde amplius pateat prospectus, constituantur, & anguli minores 20 gradibus omnino vitentur. Quæ particulatim essent facienda non exponit, quòd D. Viviers, qui hunc labori erat assuetus, hæc calleret optimè. Hic eo ipso anno Chartas Geographicas multum promovit circa Ligerim & Sequanam.

V. Interea temporis D. Cassini litteras misit ad Astronomos variis in regionibus, & maximè in Italia constitutos, ut Meridianorum differentias per sacellum eclipses capterent, & experirentur an fortè tabulæ cum observationibus suis, & iis quæ Romæ & Venetiis factæ sunt, convenirent. Hoc ipsum comperit, terras continentes inter Oceanum & mare Adriaticum interjectas in tabulis longè ampliores quàm revera sint, describi. Atque hinc patet quàm necessarium sit etiam ad navigationis usum eas tabulas emendare.

V I. Cum autem longitudines locorum ad primum referantur Meridianum qui à Ptolemæo & postremis Franciæ Regibus constitutus fuit in ea Insula quæ inter Fortunatas ad Occidentem ultima est, cò mittendi viros industrios qui observationes necessarias iis in locis perficerent, consilium initum est. Huic operi viri eruditi selecti D. D. Varin & Deshayes, iique à D. Cassini ritè admoniti, ut primi Meridiani distantiam à Continente observarent. Sed cum mare Piratis infestum esset, ad Viride promontorium missi sunt, Dominum Du Glos ibi operiri jussi, atque inde ad Insulam S. Thomæ sub linea æquinoctiali contenderent.

V II. D. Cassini scriptum legit quo monita quædam iis qui longinquas peregrinationes suscipiunt, tum regendis horologiis & temporum momentis accuratè captandis, tum lineæ Meridianæ delineandæ, altitudini Solis & Fixarum meridianæ indagandæ, immersionibus & emersionibus satellitum ritè observandis sigillatim continentur, nulla re prætermissa quæ informandis Astronomis utilis esse possit. Scriptum illud unà cum aliis rebus ad Astronomiam pertinentibus editum est.

V III. Tum temporis P. Fontenay Societatis Jesu & Matheos Profefor in Collegio Ludovici Magni, de profectione sua in Sinenſe regnum cogitans, qua ratione locorum longitudines observaret, cum D. Cassino conſultulit, qui & illi scripto tradidit quam existimaret optimam describendi terrarum orbis methodum. Et quidem huic operi promovendo vix quisquam magis idoneus inveniri potuit, quiq̃ue Orientis plagas designaret unà cum aliis Societatis eodem propagandæ Christianæ Religionis studio incensis.

I X. Eo ipſo tempore D. D. Picard & de la Hire varias Galliæ plagas lustrarunt, ut quæ iis in locis fierent observationes collata cum iis quæ à D. Cassino Parisiis tum habebantur, locorum longitudines præberent. S. Maclovii urbem 18 horæ minutis ad Occidentem magis declinare quàm Lutetiam ex immersione primi satellitis Jovis die 18. & 25 Octobris collata cum iis quas eodem tempore D. Cassinus fecit, observationibus conſpexit. D. De la Hire. Inter marinos æstus maximos, & recessus, seu maximas depressiones differentia ad 70 usque pedes excurrit; biduo post Novilunium & Plenilunium æstus sunt majores, iique in novilunio & plenilunio contingunt hora sexta.

Tum vero D. de la Voye, qui jam ab exordio Academiæ selectus fuerat, litorum Oceani chartam delineabat. & per triangula præcipua puncta designabat. Ex quibus D. Picard collegit S. Maclovii oppidum à S. Michaëlis sano 30 unius gradus versus Occidentem declinare; suspensi in Barometro hydrargyri altitudo minor fuit prope horologium Ecclesiæ S. Michaëlis 4 lineis, quàm in arenoso solo 64 hexapedis deſpectiore.

Cæsaris Burgi æstus recurrit in novilunio & plenilunio hora 7. 20 min. differentia inter maximum æstum, & refluxum est 25 pedum; cùm minores sunt æstus, differentia est tantummodo $17\frac{1}{3}$ pedum.

In plenilunio cum mare infra Observatorii oculum depressum esset, radius qui mare contigebat 7 min. 35 sec. inclinatus infra libellam apparuit: cùm ex cakulo juxta terræ mensuram inito major uno minuto esse debuisset, quod utique minutum refractioni tribuendum est. Post sex horas cum

ANN. mare altius esset, radii visualis inclinatio fuit tantum 6 min. 30 sec. tum:
 1681. que mare ad 22 pedes ascenderat, adeo ut nulla esset refractio sensibilis.
 Idem fere contigerat observationi factæ anno 1674 à D. Picard in Occi-
 tania ad Promontorium, vulgo *Le Cap de Sète*.

Cadomi die 6 Decembris altitudo Poli inventa est 49 gr. 10 min. 30
 vel 55 sec. in Collegio Artium.

Dunkerehæ Poli altitudo inventa est à D. de la Hire 51 gr. 1 min.
 24 sec. in majori Ecclesia: ex immersione primi satellitis die 18 Octobris
 differentia longitudinum ab Observatorio reperta est 8 sec. versus Orientem,
 die 25 reperta est tantummodo 3 sec.

Caleti die 10 Novembris Poli altitudo observata fuit 50 gr. 57 min. 2
 sec. idque sæpius repetitum, longitudinum differentia 2. min. 20 sec. ver-
 sus Occidentem.

D. De la Hire Caletum inter & Angliæ portum Dubridem v. *Douures*
 multò minorem distantiam quam tabulæ designent, invenit; basi trian-
 guli in arenoso littore 2500 hexapedatum sumpta, ex qua positionem u-
 triusque loci invenit; ita ut Dubridis ab apice propugnaculi Rishan dis-
 tet 21360 hexaped.

X. Varii Tractatus Geometrici lecti in Academia, complura quoque
 proposita sunt problemata. D. De la Hire præter cæteros in hoc argumen-
 to versatus, opus suum de sectionibus conicis & cylindricis à decem an-
 nis æceptum pene absolvit. Quæ à Geometris hætenus magnis volumini-
 bus sunt pertractata, nova & compendiosa methodo sic contraxit, ut ex-
 quisitiora quæque complexus novas sectionum conicarum affectiones quam-
 plurimas demonstraverit. Formam totius operis & rationem primum expo-
 suit quæ omnibus probata fuit, tum demonstrationes suas conis & variis
 eorum sectionibus ac figuris, ut facilius caperentur, in medium prolatis,
 simul oculis & animo subjecit. Nonnulla quoque problemata à se propo-
 sita & à D. Sauveur nunc Professore Regio, & Academiæ Socio, soluta
 subjecit.

XI. Novam fabricandi naves rationem D. Renault nunc inter Navarchas
 nobilis, proposuit. Illustriss. Marchio de Seignelay id muneris dedit D. D.
 Blondel & Mariotte, ut eam diligenter expendere. Quæ de re quid si-
 bi videretur ad Academiam retulerunt, eam nimirum fabricam usu opti-
 mam & facilem judicarunt; hujus fundamentum in sectione conica posi-
 tum esse, atque hunc non contemnendum Geometriæ speculatricis exare
 fructum.

In eundem pene censum adscribi potest instrumentum quod D. Sauveur
 exhibuit, quo aquarum jactus faciliè mensurantur juxta altitudinis & cas-
 tellorum rationem, nec non penes diametros tubulorum per quos aqua
 erumpit. Eodem instrumento quantitatem aquæ concha fontana contentæ di-
 metiri licet, cum semi-diameter conchæ innotescit, si rotunda sit, aut
 certè latus unum sit cognitum, si fuerit quadratæ aut alterius figuræ regu-
 lais.

D. Raff novum Antliæ genus, cujus structura facilis est, exhibuit, ad
 propositos usus hanc accommodatam adhiberi posse visum fuit: nam ex-

hauriendæ aquæ è fossis aut navibus utilis futura est, dummodo ad nimiam altitudinem aqua non sit attollenda. Hæc machina in Observatorio cum multis aliis asservatur.

Physi-
ca &
Anat.



SECTIO DECIMA.

De his quæ acta sunt anno 1682.

QUæ ad Physicam spectant uno & eodem capite complectimur, quod de re Herbaria plura dicere nobis supervacaneum videatur: cum in opere in lucem prodituro quæ circa stirpium descriptionem & analysim acta fuerint, fusè & dilucidè sint exarata. Quare illud in universum monuisse satis fuerit hunc laborem interruptum nunquam fuisse, sed actori studio continuatum.

CAPUT PRIMUM.

De Physicis Experimentis.

I. Neunte hoc anno aves quædam Versaliis allatæ, Psittacus *Arras* dictus: ciconia, avis vulgo *Casuel* dicta cujus supra meminimus, dissectæ sunt & descriptæ. Rostri Psittaci structuram & motum ostendit D. Du Verney, simul & musculos quibus ossiculi unici quod auribus avium inest, varii motus perficiuntur.

II. Descriptionem magni lacerti ex Indiis allati & squamis armati legit D. Perrault. Sæpiæ ovarium, & quoddam spongiæ admodum subtilis genus, plantam denique vulgo dictam quercum maritimam exhibuit D. De la Hire. In ovis ranarum partem nigram ostendit D. Du Verney, in qua ranula jam est delineata.

Die 17 Junii in hortum Regium convenere Academici qui Elephantis sceleton nuper coagmentatum perpenderent.

III. Die 22 Julii D. Tchirnhaus nobilis Germanus inter Academicos est cooptatus. Die 29 ejusdem mensis D. Pethenot in eandem Societatem alocutus fuit.

Jam anno 1680 D. Sedileau quem eo die ipso tempore quo hæc scribimus anno 1693 immaturo fato abreptum lugemus, inter Academicos allectus fuerat.

IV. Illud experiri placuit, quantum salis volatilis sit adhibendum, ut unâ cum spiritu salis tumuletur. D. Bourdelin drachmam spiritus volatilis è carne bubula extracti in tres cum semisse drachmas aquæ conjecit: hujus aquæ grana 24 cum 16 spiritus salis granis permixta multum

ANN. effervuerunt. Deinde salis volatilis vis magnopere infracta est, nam septu-
1682. plum hujus aquæ adjectum, tumque 9 spiritus salis grana cum 24 granis
illius aquæ confusa non mediocrem adhuc effervescentiam procreant: id-
que fuit continuatum, donec unum granum spiritus salis cum 24 granis
hujus aquæ permistum fremitum quemdam excitaret. Res eò processit, ut
granum salis volatilis 28 uncis aquæ puræ admistum sublimati solutionem
lacteæ colore aliquantum infecerit.

V. Ac de Anatomicis & Chymicis operationibus tantum; neque enim
omnia persequi necesse est. Nunc quæ Physicæ sunt contemplationis sum-
matim attingamus.

Tractatum suum de coloribus D. Mariotte eo anno absolvit, in Aca-
demia perfectus typis mandatus fuit.

De calore quoque nonnulla fuerunt ab eodem observata: Illud imprimis
calorem ignis à speculo ustorio reflexum, in foco speculi vim suam exe-
rere, quæ sensu ipso percipitur: sed interpositu vitri inter speculum &
focum calor non se prodit.

VI. Die 13 Maii hora à media nocte secunda terræ fremitum
Lutetiæ leviores experti sumus, cujus vis maxima in quadam Lotharingæ
urbe Romarici monte, vulgo *Remiremont*, se exeruit, & diutissimè dura-
vit, uti fusiùs dictum est in vol. 5. Tract. 2. Philos. vet. & novæ.

Sub idem tempus vir clariss. D. Leibnits conficiendi phosphori formu-
lam, quam attulimus tomo 5. Philos. vet. & novæ. p. 70 ad D. Tchir-
naus misit.

VII. Quædam tum temporis circa phosphorum experimenta facta sunt: Illud
casu quodam evenit non omittendum. Cum D. Cassini granum phosphori
siccū inter digitos sudario interposito premeret, statim ignem concepit, quem
cum vellet pede extinguere, flammam quoque calceus concepit, eamque
regula cuprea reprimere coactus est; sed & regula per duos menses in te-
nebris radiavit ex ea parte qua vim phosphori compresserat. Granum phos-
phori in prunas ardentes conjectum in magnam flammam erupit.

CAPUT II.

De Rebus Astronomicis.

Observationum Astronomicarum ab eclipsi Lunæ ducemus exordium.
Hæc à D. Cassino die 21 Februarii anni 1682 hora 9. 20 min. 55 sec.
& à D. De la Hite hora 9. 21 min. 58. sec. in Regio Observatorio; ea-
dem horâ 21 min. 25 sec. à P. Fontenay in Collegio Claromontano pri-
mum visâ est. Tempora obumbratæ cujusque maculæ, centri Lunæ obscu-
rati totalis eclipsis, emerisionum inter se & cum observationibus D. Roë-
mer Hæstrix factis, postquam Meridianiorum 41 min. 46 sec. differentiæ
ratio habita est, mirum in modum consentiebant.

II. Hujus Eclipsos occasione D. Cassini dissertationem de Lunæ defe-
ctione conscripsit, in qua præter cætera, causas affert cur umbra telluris

tum radiis solaribus illustretur, & Luna ipsa quadam luce perfusa videat. *Astro-*
tur, idque ex radiis solaribus in terræ atmosphæra refractis proficisci de- *notat,*
monstrat: simul & de Lunæ parallaxi in postrema hac Eclipsi inventa &
de illius à terra distantia differtit, quam 57 semid. terræ esse reperit.

III. Tum temporis D. Du Glos in insulam S. Thomæ sub Linea æqui-
noctiali profectus est. Quem D. Cassini scripto edocuit quæ observationes
essent eo in loco faciendæ, quomodo pendula essent aptanda temporibus
accuratè capiendis, eaque ex Solis altitudinibus emendari oporteret. Hæc &
alia ejus generis commonitorijum illud continebat; neque illud fuit præ-
termisissum, ut quam accuratissimè expenderetur utrum penduli longitudo
36 digitorum & $8 \frac{1}{2}$ linearum in Zona torrida eadem perstaret unius se-
cundi vibrationi conficiendæ apta, ut Lutetiæ, Londini, Hafniæ & aliis
in locis fuit observatum; an paululum brevius esse oporteret, uti cayennæ,
à D. Richer annotatum fuit.

IV. Die 21 Maii Ludovicus Magnus Observatorium invisere dignatus
est, instrumenta Astronomica contemplatus, cui usui essent, quæ eorum
ope observationes fierent, ex D. D. Cassini, Picard & de la Hire audire
voluit. Universæ terræ chartam seu Planisphærium, cujus diameter est 27
pedum, in tabulato turris Occidentalis à D. D. Sedileau & Chazelle tum de-
linearum opus dirigente D. Cassini, uti & icones Lunæ D. Cassini opera quam
accuratissime expressas, quæque ad observationes eclipsium exactius faciendas
sunt accommodata planetarum systemata, & eorum revolutiones ut ex
Sole aut ex terra conspiciuntur, Icones denique piscium à D. de la Hire
depictas, animalium figuras ætæ incisas expendit.

V. Solstitij æstivi observationes suas tradiderunt D. D. Picard & de
la Hire, varias ante & post solstitij diem meridianas Solis altitudines
captarunt, ex quibus conclusum ab iis fuit solstitium die 21 Junii hora
sexta contigisse.

VI. Die 18 Augusti altera Lunæ Eclipsis à D. D. Cassini, Picard &
de la Hire fuit observata, quæ incæpit mane hora 4. 26 min. cum occu-
buit, jam pars tertia diametri suæ erat obscurata, Sol nonnisi post octo horæ
minuta apparuit.

VII. Die 22 D. Cassini litteras accepit à D. Deshayes in Goræ in-
sula prope Viride promontorium scriptas. Altitudo Poli illius Insulæ ex
corde Leonis observata est 14 gr. 38 min. ex stella Polari 14 gr. 36 min.
minor 30 min. quam tabulæ designent. Quæ differentia multo minor est
ea quæ in mari Mediterraneo reperta fuit, quod maris Interni naucleri mi-
nus sint in capiendis altitudinibus exercitati.

VIII. Exeunte hoc mense Cometa apparuit sub Ursæ constellatione, pau-
cis post diebus publicæ gratulationis festi ignes in Nativitate Sereniss. Bur-
gundiæ Ducis accensi fuerant. Id vero animadvertit D. Picard à Keplero
memoriæ mandandum Cometem anno 1607 die 26 Septembris Pragæ visum
esse, cum ignes quoque in publicæ latitiæ argumentum in compitis luce-
rent: observationes hujus Cometæ à se factas cum adjuncta dissertatione
D. Cassinus Regi Christianissimo obrulit.

IX. Paucis ante diebus, nempe 15 Novembris, qua ratione Veneris pa-

ANN.
1682.

rallaxis habeatur, ubi cum stella fixa in eodem parallelo occurrit, rationem exposuit; cujus mentionem fecerat in tractatu edito de Cometa anni 1680. Cum enim Venus futura esset perigæa die 3 Februarii, ad hanc observationem se accingere voluit.

X. Eo ipso tempore observationes in Goræa insula à D. D. Varin, Deshayes & Du Glos magno studio factas acceperat, quæ varias Solis altitudines ante & post meridiem, ac plerasque in ipsa meridie sumptas, Lunæ quoque, ac quarundam fixarum altitudines meridianas, immersiones & emersiones primi satellitis continebant. Eiusdem satellitis Eclipses collatæ cum iis quæ Lutetiæ fuerant observatæ, meridianorum differentias Goræam inter & Lutetiam præbuerunt unius horæ 17 min. & 40 sec. In magno globo D. Blaeu longitudinum differentia 3 unius gradus min. tantummodo aberat ab ea quæ fuit observata. Quin & latitudinem eandem prorsus cum observata designat 14 gr. 40 min. Ætus maris 5 pedum altitudinem non excedit.

Cum ad Antillas pervenissent, in insula vulgo *La Gardeloupe* dicta latitudinem 14 graduum; differentiam meridian. Observatorii & Insulæ 64 grad. 33 min. invenerunt. In Martinica reperta est 63 grad. 41 min. latitudo 14 44.

Penduli longitudo brevior duabus lineis ibi inventa quam in his regionibus. Quin etiam D. Deshayes Barometri altitudines noctu majores esse quam de die 3 aut 4 lineis comperit, idque constanti lege: ita ut Barometri & Thermometri alternatim sint majores altitudines: nam in Thermometro spiritus vini altius attollitur de die, in Barometro hydrargyrus est depressior: quæ inæqualitas in nostris regionibus nonprehenditur.

Circa ætus maris non major reperta est differentia quam 5 pedum. Multæ quoque magnetis variationes in hac parva insula fuerunt observatæ, ab uno gradu ad 14. quod ferri eo in loco latentibus venis tribuendum videtur.

CAPUT III.

De Observationibus in Provincia factis.

I. **Q**Uæ superioribus annis factæ sunt à D. D. Picard & de la Hire observationes Astronomicæ, locorum insignium quæ ad Oceanum sita sunt, tum latitudines, tum longitudines constituerant. Cum etiam D. Picard anno 1674 se in Occitaniam contulisset, simul quædam maris Mediterranei loca inviserat, & explorato eorum situ, id unum supererat, ut insignium magis Provinciæ portuum, & urbium positiones perspectæ haberentur.

Itaque D. de la Hire jussu Inviçitissimi Regis eo profectus est mense Octobri, eodem instrumentorum apparatu instructus, quo Oceani litora lustraverat.

II. Ab extremis Provinciæ sinibus observationum suarum initium ce-

pit, atque urbem Antipolim primum adiit antiquitatis monumentis, & *Astro-*
 portu ipso nobilem. Præterquam ab ostio Vari, qui Provinciam à Nicæno *nom.*
 Comitatu determinat, cujusve positio erat constituenda, non multum distat:
 adeo ut illius situs per triangula haberi posset, atque adeo ejus cum latitu-
 do, tum longitudo definiri.

Antipolis latitudo inventa est die 2 Novembris 43, 34 min. 10 sec.
 differentia Meridian. Lutetiæ & Antipolis 19 min. 11 sec. unius horæ: ita
 ut arx ipsa Orientem versus magis declinet quam Observatorium regium,
 idque ex immersione primi satellitis Jovis compertum fuit.

III. Hinc Telonem, seu Tulonium profectus, ex stellæ Polaris maxi-
 ma & minimæ altitudine, latitudinem majoris Ecclesiæ invenit 43, 6 min.
 40 sec.

Ex immersione primi satellitis longitudinem illius loci majorem esse,
 seu ad Orientem magis vergere, quam Observatorium Regium 3 grad. 35
 min. 35 sec. prope Tulonium excelsa quædam, & prærupta est rupes, hanc
 Montem Clarum, *Le Mont-Clairet* vocant: in ejus verticem conscendit
 die 7 Decembris cum libella & Barometro, cacumen hujus montis supra
 maris superficiem elatum est 257 hexapedas, hydrargyrus ad 26 digit.
 & 4 lin. ibi suspensus erat, post tres horas in maris littore ad 28 pollices
 & 2 lin. ascendit: ita ut differentia utriusque altitudinis fuerit unius digiti
 & 9 lin.

IV. Aquis Sextiis altitudo Poli inventa est prope portum quæ Avenio-
 nem ducit, 43, 31 min. Lugduni prope Ecclesiam S. Pauli reperta est 45,
 45, 35.

Ex Observationibus à D. D. Picard, & de la Hire circa utriusque ma-
 ris littora rite peractis, atque ex aliis quas in ipso Continenti D. Cassinus,
 D. de la Hire, & Alii Academici utrique adjutores dati anno insæquenti
 inierunt, charta Galliæ, multo emendatior quam ulla, quæ hæcenus vel
 à peritissimis Geographis edita fuerit, concinnari potest. Hujus specimen
 dedit D. de la Hire in collectione Observationum Astronomicarum ante
 aliquot annos edita. Nam in una & eadem figura omnes, quæ factæ sunt
 in Galliæ littoribus ad annum usque 1683 observationes continentur; simul
 videre est quantum discriminis intercedat inter chartas Galliæ vel magis ex-
 quisitas, & hanc quæ ex observatis accurate locis fuit delineata.

V. Atque is est tot itinerum & laborum fructus uberrimus, ut ex Ob-
 servationibus Astronomicis accuratissime peractis lux nova tum Geographiæ,
 tum navigandi Arti accesserit. Jam anno 1678 hujus operis perficiendi
 forma à D. Cassini designata fuerat ex tabulis satellitum Jovis. Eam me-
 thodum & rationem secuti sunt, qui jussu Regis varia ingressi sunt itinera
 cum in Galliam, tum in Africam & in Americam. Observaciones in exteris
 & longe distans regionibus factæ, cum iis quæ in Observatorio habeban-
 tur, collatæ sunt. Accuratam Galliæ chartam delineatam utilem fore reli-
 quis perficiendis judicavit Academia. Ac tandem illud ex longa Observa-
 tionum serie conclusum postea fuit, locorum longitudes multo arctiores
 esse, iis quæ in tabulis Geographicis notatæ sunt. Cujus rei ea forte est
 ratio quod iter facientes aut in terra, aut in mari, in computando itineris

ANN. decuti spatium, vel ex ipsa æstimatione ex sulcis navis, vulgo, *Par le*
 1682. *Sillage*, non subducantur summa varias à recto tramite deviationes, neque ad currentium, aut ventorum discrimina satis intendant animum,

Quamobrem si eadem ratione, quæ in Gallia fuit usurpata aliarum quoque regionum longitudines, seu Meridianorum differentiarum contrahantur, non multum à vero aberrabimus.

VI. Hujus rei periculum fecit Academia in magno planisphærio, quod in turri Observatorii Occidentali fuit delineatum post absolutas observationes Danicas, Americanas, & eas quæ in plagis Occidentalibus Franciæ habitæ sunt. Primum enim locorum in quibus factæ fuerant observationes, situs sunt positi: reliquæ à vulgaribus chartis ita sunt translata, ut longitudinum differentiarum eadem ratione contraherentur, & ad varias Lunæ eclipses exigerentur. Nec prætermissa est correctio ab illustri Peiretkio & celeberrimo Gassendo facta in tabulis hydrographicis maris Mediterranei. His enim ille habendus est honos ut primi chartas navigationis in mari Mediterraneo emendaverint, & distantiam Massiliam inter & Alexandriam quingentis milliariis minorem effecerint.

VII. Geographiæ tabulis in hunc modum correctis, regiones à nobis versus Orientem & Occidentem remotissimas 25 aut 30 gradibus admove-re, & totidem gradus longitudinis ex iis qui in tabulis notantur, subducere necesse omnino fuit, eosque addere oportuit iis regionibus quarum Meridiani iis opponuntur locis, ubi factæ sunt prædictæ observationes. Quam rationem postea comprobarunt alia in Gallia, in Africa, & in America habitæ observationes, quibuscum charta Observatorii fere ubique consentit.

VIII. Addit D. Cassini in collectione Observationum sæpius laudata D. Halley Anglum, insignem Astronomum, qui in insula S. Helenæ Australis stellas diligenter observavit, ex iis quæ à naucleris factæ sunt & inter se collatæ Observationibus compertisse promontorium bonæ Spei 7, aut octo gradibus magis ad Occidentem vergere, quam chartæ ipsæ demonstrarent. Isque in planisphærio terrestri Observatorii illud promontorium in eo gradu longitudinis positum vidit, quem ipse definierat.

Lunaris Eclipsis quæ die 21 Februarii anno 1682 Lutetiæ, & apud Samienses fuit observata, eam Meridianorum differentiam præbuit, quæ in planisphærio terrestri jam ante fuerat designata.

IX. Quæ huc usque in diversis terrarum orbis partibus jussu Regis Christianissimi factæ sunt observationes, tabulis hydrographicis & Geographicis earum regionum quæ inter Antillas & Siamense regnum interiacent, emendationi servierunt. Atque in eam spem adducimur, fore ut universæ Geographiæ instauratio, opus humano generi perutile, & Regi Maximo gloriosum ea ratione & via perficiatur.

X. Mense Octobri anni 1682. D. Picard stranguriâ, aut suppressione urinæ extinctus est; is omni disciplinarum genere ac Mathematicis imprimis instructus, non sola contemplatione contentus, hinc cum usu & praxi semper conjunxit, uti ex ipsius opusculis quæ inter lucubrationes Academicorum posthumas anno 1693 sunt edita, atque ex iis quæ in hujus operis decursu

decutso attulimus, facile colligitur: unus de terræ dimensione tractatus, *Me-*
 cum viveret, editus fuit, alter post ejus mortem anno 1684 de arte li- *chan.*
 bellandi publici juris factus est, id agente D. de la Hire. Quæ inter il-
 lius chartas elucubrations repertæ sunt, si paucas exceperis quæ ad Astro-
 nomiam spectant, inchoatæ magis quam absolutæ erant: Eæ tamen pu-
 blica luce dignæ sunt judicatæ. Hujus generis sunt quæ ad horologia
 scioterica pertinent, quæque longâ edoctus experientiâ usu faciliora & cer-
 tiora ab eo sunt conscripta, hæc notis & exemplis à D. de la Hire il-
 lustrata in lucem prodire, iis omiſſis quæ affectata subtilitas & inutilis
 curiositas excogitavit. His adjecta est compendiosa, sed accurata de pon-
 deribus & mensuris tractatio, quam magno studio una cum D. Auzout
 ad archetypa ipsa exegerat. Sic ambo de micrometro, quod dimetiendis
 planetarum Diametris est utilissimum instrumentum, ediderant dissertati-
 onem anno 1667, quæ in dicto volumine iterum typis mandata est, quod
 prioris editionis exemplaria sunt rariora. Astronomica problemata, & com-
 plures observationes admodum utiles & accuratæ in aliud tempus sunt di-
 latæ: quæ de telescopiis majoribus & variâ vitrorum combinatione, de
 focus inveniendis, ac plerisque aliis rebus dioptricis & ad usum accom-
 modatis in disjectis chartulis confusa erant & incondita, D. Pothenot di-
 gessit in ordinem fragmentorum titulo inscripta.

XI. Incunte hoc anno D. de la Hire brevi & simplici methodo rationes
 compositas ex iisdem rationibus demonstravit, quæ in tabulariis Academiæ
 continentur, uti aliæ quædam Geometricæ & elementares propositiones.
 Ex quibus complures nascuntur proprietates quæ solvendis conicis sectioni-
 bus magno usui futuræ sunt: ita ut Geometricæ demonstrationes ex iis
 ultra quam credi potest provehi possint: nec quicquam est quod latius pa-
 rear in Geometria. Demonstrationes Conicorum ab eo sunt continuatæ, qui
 & Cycloïdis ejusdem æquabiles motus exposuit.

XII. D. Tschirnouſe quædam theoremata & problemata Geometrica
 proposuit: cujusmodi est illud, quodlibet spatium linea Geometrica cir-
 cumscriptum dimetiri, atque, ut loquuntur, quadrare. Hoc uti & alia, ut mihi
 videtur, publici juris fecit.

XIII. Tractatum suum de Gnomonica hoc vertente anno legit D. de
 la Hire, quem brevi post tempore in lucem emisit. Novas & accuratas
 ejusmodi horologia conficiendi rationes complectitur, sed hoc ipso anno,
 quo hæc typis mandantur, tractatum edidit de eodem argumento brevem
 & intellectu facilem. In eo quoque argumento versatus fuerat D. Picard qui
 artem scioterica horologia delineandi per calculum exposuit. Idem demon-
 strationes dioptricas protulit dimetiendis rerum objectarum diametris, quæ
 per tubum opticum conspiciuntur: ex iis pleraque in miscellaneis edita
 sunt.

XIV. Circa Mechanicam & Hydrostaticam quædam experimenta fecit
 D. Mariotte. 1. Expertus est minores aperturas & emissarios tubulos aquæ
 salientis plus aquæ insperdere proportionem servata, quam majores, ubi
 aqua per eos simul effluit. 2. Multis experimentis quæ sit tuborum per
 quos aqua delabatur resistentia, exploravit. Utus est primum tubo 80, tum

ANN. 100 pedes alto, qui plumbco tympano 2 lincis cum semisse crasso insertus
 1682. & aqua repletus est : aqua fundum tympani uno pene digito depressit.
 Alia quoque circa aquarum salientium motum typis mandavit. Circa descen-
 sū corporum gravium quædam ab eo & D. de la Hire facta sunt in
 Regio Observatorio experimenta.



SECTIO UNDECIMA.

De iis quæ acta sunt anno 1683.

HOC vertente anno quam plurima in Physicis & Chymicis facta sunt
 experimenta ; Historia animalium non mediocriter culta fuit ; sed
 præcipuus labor in res Astronomicas , & Geographicas incubuit.

CAPUT PRIMUM.

De Chymicis laboribus.

I. Jam superiori anno id negotii Academiæ mandatum fuerat ab
 Illustriss. Colberto, ut aquæ fontium quæ Versalias deducuntur, ac-
 curato examini subjicerentur.

Vix ullum inter eas in perspicuitate, odore, & sapore discrimen ap-
 paruit : partium tenuitas aut subtilitas thermometro, saponis solutione, &
 leguminum coctione probata est. Quæ thermometro facta est probatio,
 omnium videtur optima. Duo thermometra eidem tabulæ in gradus divisæ
 sunt illigata, eaque sic fuerunt explorata. Aëri frigido ante sunt exposita,
 ut liquor descenderet, tum gradus ipse descensus in tabula notatus ; deinde
 utriusque globi aquæ fervidæ impositi, & quousque liquor ascenderit, iti-
 dem notatum fuit, & spatium ascensus in partes æquales dispartitum.

II. Jam ut aquæ diversæ examinarentur, duobus vasis vitreis æqualis
 amplitudinis & densitatis eadem aquarum quantitas affusa, uni aqua pu-
 tealis, alteri aqua fontana, ambo vasi amplo aquæ calidæ pleno fuerunt
 imposita, atque his duo thermometra simul immersa. Aqua fontis ad 100
 v. gr. gradus, putealis ad 75 tantummodo gradus simul ascendit, quod illa
 citius incalcescat, hæc tardius, atque ad eò illa sit subtilior, hæc crassior. Qua
 quidem ratione aquæ omnes cum aqua puteali sunt collatæ.

III. Itaque aqua *Ville d'Avray* dicta 25 gradibus altius conscendit
 quam putealis, aquæ *Busonum* 21, aquæ de *Bailly* 16, *De Maltourte* 15,
De Raquencourt 14, S. Petri 9, S. Antonii 8, Trianonis 7, *Du Chesnay*
 5. Aqua S. Cyri 20: saponem citius hæc dissolvit quam reliquæ.

IV. Ex iis quæ post distillationem in tundo vasis resederunt fœcibus

vis ullum iudicium fieri potuit, cum perparem terræ in omnibus subfi-
dere visum fuerit. Aquæ *Ville d'Avray* & *Trignon* solutionem Mercurii *Chy.*
aliquanto magis turbaverunt quam reliquæ. Nec deteriores visæ sunt aquæ *miæ.*
illæ omnes quam quæ judicantur salubriores: cuiusmodi est aqua *Sequanæ*
aut quæ per aquæ ductus è vico *Rungis* Lutetiam deducitur: adeo ut ex
solo usu, quæ regula est multo tutissima, de earum bonitate sit iudi-
candum.

Cum D. Joly medicus in oppido *de Vichy* apud Arvernios multum exer-
citus, quasdam concreciones terrarum & salium, quæ parietibus thermarum
adhaerescunt, attulisset, hæc quidem sunt ad varia criteria aut normas
exactæ. Idque in universum fuit conclusum sales illos esse lixiviales, &
detergentes. Nec mirum si ob eam causam Lutetia etiam nunc adeo sint
usitata: nam acida fermenta emendant, atque eorum velut aculeos retun-
dunt. Sal fontis illius qui *Le Petit Boulet* nuncupatur, præ cæteris est deter-
gens, colorem fuscum præ se fert, cum alii sint candidi, & fere ut crystalli
pelluceant.

II. Lecta est epistola viri Clariſſ. D. Piat apud Carnutenſes Advocati
Regii ad D. Dodart de aqua minerali quæ est prope muros Carnutenſes.
Hanc ferrugineam esse existimat: nam solutionem gallæ subnigro colore
tingit. Illud admodum probabile est quod vir doctus suspicatur, hanc aquam
è fluvio ipso per terram cuiusdam prati percolatam vim ferri aut vitrioli in
ipso transitu contrahere. Quod multis probat indiciiis, eo imprimis, quod
in bellis civilibus ex ea parte qua urbs fuit oppugnata, & hostes cum
magna clade repulsi, qui tormentis & globis ferreis ibi relictis fugerunt.
Terra rubigine ferri imbuta aquam fontis sua virtute imbuunt. Jam ante
complures annos quasdam ad D. Dodart ea de re miserat epistolas, quæ
lectæ fuerant in Academia.

III. Quæ factæ sunt plantarum analyses referre nihil necesse est. Id
unum advertendum puto, è purgantibus per analysim exploratis multum olei
ut plurimum educi, ex Jalappæ v. g. 2 libris, 2 olei uncix cum 5 drach-
mis extractæ sunt, è senna tres uncix olei & 7 drachmæ, salis volatilis 4
drachmæ extractæ.

Sic diuretica oleo & sale plerumque abundare cernimus. Asparagi radi-
ces 4 librarum pondere unam unciam olei admodum fœtidi & nigri, salis
aliquantum lixivialis 3 drachmas præbuere.

IV. Sub idem tempus aliud experimentum Chymicum exhibuit D.
Bourdellin, chalybis limaturam aqua sæpe perfusam, tum exsiccata, dimi-
dia pene sui ponderis parte auctam invenit, per 40 dies 13 uncias limaturæ
aqua consperſerat: post quartam decimam imbibitionem, ut vocant, nulla
amplius ponderis facta est accessio. Ubi primum aqua imbuta fuit, ea mul-
tum incaluit, & calor per 18 horas duravit: intra 54 horas duabus unciiis
gravior facta est. Exactis 4 diebus, cum aquam amplius non imbiberet,
post sex exsiccationis dies limatura 7 unciiis aucta fuit. Ex ea distillata
12 liquoris uncix exierunt sale volatili fœtæ, quarta ejus liquoris portio
cum spiritu salis valde efferbuit. Illud D. Du Clos visum fuit salern ferri
volatilem ab aqua exsolutum fuisse. Post distillationem 15 uncix cum se-
D d ij

ANN. miſſe in Retortæ fundo reſederunt : adeo ut ex ipſa diſtillatione de ferri
1683. pondere nihil fere deceſſerit.

Paucis interjectis diebus hunc laborem iteravit , tumque ſcobem ferri aqua perſudit. Per 14 dies hæc aqua imbuta , tum exſiccata , ex 16 uncis tres pene unciaſ liquoris ſale volatili impragnati ſunt exſullatæ. Ex 20 uncis quæ ſuperſuere , nullus ignis vi liquor exprimi potuit , & 4 unciarum pondere materia aucta fuit : paucis poſt diebus plures uncias vitrioli ex oleo vitrioli & duabus uncis ſcobis ferreæ concreti oſtendit.

V. Lac denique vaccinum , caprinum , & aſinum fuit uſitato more diſtillatum. E vaccino & caprino liquores pene omnes non ingrati ſaporis & odoris , plus acidi in utroque quàm ſulphurei erat. E 4 libris lactis vaccini & caprini tres olei unciaſ prodire , & una fere drachma ſalis fixi minime lixivialis. E lacte aſinino liquores inſipidi & quidam ingrati odoris prodire.

CAPUT II.

De Hiſtoria Animalium.

I. **Q**Uæ ad hiſtoriam Animalium ſpectant , non indiligenter fuerunt pertractata. Elephantis imprimis deſcriptio accurata lecta fuit & diſcuſſa. Plures ejus partes delineavit D. de la Hire. Ibis quoque, Ciconia, ſquamoli lacerti deſcriptiones examinatæ , figuræ animalium æri inciſæ.

Ibis alba ex Ægypto allata Ciconiæ in multis eſt conſimilis , ſed paulò minor ; utraque roſtri parte deorſum inflexa , in illa collum ubique teres , cum in Ciconia roſtrum rectum ſit & acutum , collum parte ſui inferiore longè craſſius & longioribus plumis inſtructum , ut alia mittam utriuſque avis discrimina : & quidem ambæ roſtri acie ſerpentes necant , ſed veriſimile eſt Ciconiam magis uti roſtri cupide , quam laterum acie.

Quæ de Ibi docet Cicero lib. 1. de naturâ Deorum , vera eſſe experientia ipſa comprobavit. *Quo ſit* , inquit , *ut nec morſu-viva noceant , nec odore mortuæ.* Nam caro ipſa & viſcera poſt quindecim dies & amplius ſuavem ſpirabant odorem. Carnibus ſerpentum veſcitur quas ſalubres eſſe ſatis veriſimile videtur , ingluvie hæc catebar ; ſed tamen ventriculus ſolidior erat , fere ut in avibus quæ ex granis vivunt.

II. Ciconia quoque ſerpentibus lacertis & ranis alitur , ventriculus Ibis & Ciconiæ craſſior , interioris tunicæ glandulæ & numeroſæ & majusculæ.

Facta in venam meſentericam unius ex duabus Ciconiis injectione liquor inteſtinorum cava ſubiit. Sic parte inteſtini lacte impleta & utrimque preſſa , pars liquoris in venam meſaraicam conmeavit. Arque id omni avium generi commune eſſe non abhorret à veriſimili. Cum enim in avibus venæ lacteæ nondum conſpici potuerint , hinc forſitam chylum iis per venas meſaraicas ad hepar comineare juſta ſuſpicio eſſe poteſt.

III. Lacerti quoque Indici exuviae tum allatae sunt, qui utcumque *Hist.*
eum refert, quem describit Clusius: quatuor pedes is longus erat ab ex- *Anim.*
tremo rostri ad caudam usque initium sexdecim digitos in longum por-
rectae. Haec in conum desinebat; squamis toto corpore, in cauda & capi-
te munitus erat, quae imbricatum positae conchas marinas singulae exprime-
bant, radii à medio ad circumferentiam exaratis: squamæ illa instar ossium
firmæ in dorso sesqui-digito in omnes partes extensæ. Minores erant in ca-
pite, sub collo & ventre deerant; pedes quinque digitis instructi, duo
intermedii reliquis altero tanto majores erant: phalanx extrema bifida: hoc
genus Lacertorum frequens esse aiunt in Formosa Insula, & in lo-
cis circumjectis; cumque ii talparum more terram suffodiant, orizant, imò
& tectorum fundamenta diruant, talpæ diabolicæ à Batavis vocitantur.

Mitto complura animalia superioribus annis, à D. Du Verney inci-
sa & à D. Perrault descripta, quorum quædam sunt satis nota, quædam
rariora, quæ in utrisque sint observatu digna tum in exteriori forma, tum
in viscerum conformatione magno studio & cura fuerunt annotata.

IV. Inter animantes quæ suâ mole & specie commendantur, avis illa
ex Ægypto allata, quam Veteres ob plumas in alis rubeas phænicopteron
dixerit, superioribus annis dissecta fuit, & à D. Perrault descripta. Alæ
ejus diductæ colorem illum rutilum exhibent: unde vulgo *Flamand* dici so-
let: non quod in Belgio reperiatur, sed quia ejus plumæ per membram
pellucidam visæ colorem flammeum præbent: vix ulla est avis major,
rostrum ex utraque parte deorsum est incurvatum, quod in ea ave omninò
est singulare; aratri enim instar inflectitur, unde & vulgo *Becharu* quasi
aratri rostrum appellatur. Collo prælongo, cruribus productis, exili pe-
de, sed firmo donatur: adeo ut recte Gassendo in vita Peireskii, uno pe-
de subnixâ instar gravis obdormiat: oculi itidem angusti sunt & rubei. Cy-
stis fellea è parte inferiori hepatis est pensilis, vas ipsum è quo suspendi-
tur, quoque bilem excipit, amplum est; contra atque in homine & in qua-
drupedibus observatur. In his enim radices vesiculæ sunt admodum exiles.
Oesophagus in sui initio valdè angustus, paulatim latior factus in in-
gluviem, seu in saccum ampliorem desinit; ventriculus fere ut in gallina, ta-
tamen si granis non vescitur, sed parvis conchyliis, quæ ventriculi muscu-
lis teruntur ut grana.

V. Inter aves specie sua spectabiles censeri debet illa quæ vulgo Gallina Sul-
tana, à Veteribus porphyrio vocatur, quod rostro donetur & pedibus rubeis.
Et quidem hoc habet sibi peculiare quod rostrum longiore cauda & ad verticem
usque capitis porrecta ipsi capiti adherescat: cruribus admodum oblongis, & am-
plis pedibus instruitur, cum tamen sit brevi collo, contra atque cernimus
in avibus quæ crura habent longiora. In iis enim collum itidem est oblon-
gus, sed res aliter se habet in hac ave, quæ instar psittaci pede utitur ut
escam rostro admoveat. Cum autem è granis, ex carne, & piscibus per-
inde alatur, ventriculo donatur non minus crasso & carnoso, quam solet
esse in avibus quæ è granis vivunt. Oesophagus in parte sui inferiore dila-
tatus ingluviem efficit, cui splen adhærescit.

V I. Aviculam Paradisi vulgo dictam, D. Colbert miserat ad Academiam

ANN. quæ in Horto Regio asservatur. Hanc à D. Du Raupalue dono acceperat :
 1683. pedibus ea suis & cruribus instructa erat, quæ corporis magnitudini respondebant, fila dorso inhærebant, quæ ab Auctoribus sunt animadversa.

VII. Tractatus duos de hydrope, & de odoratus organo ex scripto legit D. Du Verney : nervulos ab olfactorio prodeuntes, quique ut alii duriores sunt, postquam os cribrosum pertransierunt, ostendit; tres lamellas narium, quarum una ab aliis sejuncta est, sinus denique in osse frontis & maxillæ demonstravit, quæ mucoso replentur excremento, quod in narium cava defluit.

VIII. D. Dodart infantis Macrocephali figuram à se delineatam exhibuit. Caput erat valde amplum, aqua pura & limpida plenum, cranii loco erant cartilagines, in posteriore ejus parte quædam caro excreverat, suturæ nullæ.

Sub idem tempus cadaver mulieris incidit D. Du Verney, quæ per tres menses citra febrem ægrotaverat; ex utroque latere erat paralytica; pectoris & abdominis viscera erant illæsa; ventriculos cerebri aqua repletos fessim libræ pondere invenit jugi sopore oppressa jacuerat.

CAPUT III.

De R. bus Physicis.

I. Illud Physicæ est speculationis quod D. De la Hire, cum de tuberculis escariis, v. *Truffles*, sermo haberetur, admonuit, ea non raro quereuum, aut carpinorum, v. *Charmes* radicibus accrescere, & per fila quædam cum iis continuari.

II. Nonnulla etiam quæ ad naturalem spectant historiam, D. Blondel recensuit non contemnenda, illud imprimis qua ratione in quibusdam Germaniæ locis paludosum solum attollatur. Aquam è fluvio per fossam sic duci aëbat, ut fluvio intumescente & turbido, sublatis cataractis aut emissariis paludosum solum inundetur, tum iis depressis aqua stagnare permittitur. Sic limus paulatim decedens terram paludosam sensim attollit: quando aqua fluvii est depressior, tum è fossa in alveum fluminis relabatur.

D. Dodart nos admonuit Caleti in ipso littore v. *Risban* dicto puteos excavari, quorum aqua dulcis est, quæque unà cum mari attollitur aut deprimitur: ita ut aqua maris per arenam percolata saluginem suam exuat. Adjecit D. Blondel Massiliæ in portu aquam è rupe dulcem emanare.

IV. Quædam etiam facta sunt in machina pneumatica experimenta à D. Homberg nunc Academiæ socio, ut quantum aër sit aqua levior, exploratum haberetur. Globus vitreus aëre plenus in machina exinanitis æquilibranci appensus est; pondus aëris cum aqua collati eum pene habere rationem quæ est 1 ad 630. ex calculo conclusum fuit: ex iteratis postea experimentis æquum multò graviorem aëre comperit. 2. Vitreæ lachrymæ in eodem vase disruptæ post exhaustum aera sursum, cum ignis sulphurati jaculum sunt vibratæ.

V. D. Mariotte mense Augusto utrumque Barometrum hydrargyri & *Phyz.* aquæ in Observatorio inter se contendit. Hydrargyrus ad 28 pollicum sub. *fica.* latus est, aqua ad 31 pedum $\frac{1}{2}$ altitudinem ascendit, ita ut ea sit aquæ ad hydrargyrum ratio quæ 1 ad 13 $\frac{1}{2}$.

VI. Nonnullis quoque experimentis id probandum suscepit D. Mariotte, tormenta recedere juxta reciprocam sui ponderis & globi explosi rationem. Tubulum ferreum duobus filis, pedum longis suspendit cum Cylindrulo plumbeo, cujus pondus erat pars tubi quinta; accenso pulvere tubus ad 16 gradus recessit, Cylindrus ad 80 usque sublatus est, quæ fere est reciproca ponderum ratio. Cumque tubus ad 8 gradus $\frac{1}{2}$ recedendo conscendisset, Cylindrus ad 40 $\frac{1}{2}$ sublatus est, idque iteratis experimentis confirmavit. Sclero minori aquam plumbi loco affudit: Ex 8 pedum distantia accenso pulvere Chartam tribus pedibus latam aqua perfudit; ex intervallo decem pedum; aliquot guttulis aspersa fuit charta; aucta distantia ad 12 usque pedes, aqua adeo dissipata fuit, ut instar vaporis tenuissimi reciderit. Hinc conclusum ab eo fuit aquarum jactus altitudini fontium non omni ex parte respondere: cum enim magno impetu aqua exilit, in guttulas dissipatur.

VII. Cum Indicum lapillum qui venenosos animalium morsus sanare perhibetur. P. Fontenay S. I. D. Casino dedisset ut ejus rei periculum fieret, columbæ à vipera leviter vulneratæ admotus est lapillus, columba ad horam usque vitam produxit, sed lapillus ille quem è capite serpentis extrahi viri docti tradiderunt, quique, ut alii censent, fictitius est, & Camboiæ lapis vocitatur, hoc virus non detraxit.

Catelli quoque quem vipera in femore momorderat, vulneri admotus, huic tenaciter adhæsit, sed post novem horas ille extinctus est; sanguis in vasis fluidus ut in columba, sic in catello, non concretus apparuit.

Cum de veneno viperarum sermo haberetur, illud à D. Blondel qui magnam Orbis partem peragraverat, fuit observatum, serpentes qui in aliis Antillarum insulis veneni sunt expertes, in Martinica esse venenosos, eosque in alias Insulas translatos veneno suo destitui. De his qui Melitam asportantur communis est opinio eos veneno destitui.

Die 10 Aprilis vir pereruditus D. Arnould Nurembergensis epistolam à Parente suo missam mihi tradidit, quam in Academiæ conventu legi: è Bohemia se fungos accepisse scribit Marcasitis argenteis plenos.

De terræ tremore qui anno superiore contigit scripta est epistola ad D. Perrault ex urbe quadam Lotharingæ Remiremonda dicta, in qua per multa notata digna narrantur, dummodo fides Scriptoris aliqua ex parte non laboret. Tantam ejus vim fuisse commemorat, ut tecta complura corruerint: magno cum fragore is conjunctus fuit, ita ut Canonice fornices Ecclesiæ suæ ruinam non audierint. Incolæ hujus urbis in agros se recipere per 6 hebdomadas coacti sunt; singulis noctibus sæviebat, de die nunquam, flammæ è terra continenter erumpebant, nulla rima aut biatu manifesto nisi in uno loco, quæ rima postea ultro oclusa est: sed cum ea patebat, frustra illius altitudo fuit explorata. Qui erump. bar ignis, terum odorem afflabat, non sulphureum tamen, neque is adurebat. Exactis sex heb-

ANN. domadis cives in urbem remeantur, quando terræ tremor remittere, nec
1683. tecta amplius dejicere visus est. Vis illius maxima ad 5 aut 6 leucas p̄-
tuit, & in iis potissimum locis quæ erant depressiora, aut collibus inter-
cepti. Fons quidam utbi proximus adeo turbidus hinc prodire visus, ut
aquam sapone imbutam non colore modo, sed etiam vi detergente refer-
ret. In ejus superficie spuma quædam concrevit saponi non absimilis, quæ-
que in aqua ut sapo exsolvitur.

V III. Hujus eventus occasione D. Blondel multos à se visos in Alpibus &
& in Pyrenæis montes restatus est, qui à se mutuò divulsi fuerant, cum
ante cohæssissent. Argumento sunt partes gibbosæ unius montis quæ exca-
vatis alterius partibus opponuntur. Sic anno 1617 in Alpibus Rhætiis op-
pidum nomine *Chavelle* montibus utrimque in unum coalescentibus obru-
tum fuit.

I X. Quædam alia commemoravit, quæ ad naturalem historiam spectant.
Cujus generis ea sunt quæ lapidum conformationi lucem aliquam afferre
possunt. 1. Inter fontem Bellagueum & Nemursium complures à se reper-
tos lapides præduros quasi terebratos, idque satis est verisimile eos sic per-
foratos fuisse ab imbribus, cum adhuc molles essent & formarentur. 2.
Rupellam inter & urbem quæ nunc rupes fortis Rochefort appellatur, vi-
cum olim æstu muris abreptum fuisse, glaream quæ est in litore, cum
majores sunt æstus, lapidescere & in rupem indurari cui hominum & equo-
rum adhuc impressa cernuntur vestigia. Adjecit illud quoque quod satis vul-
gare est, Telone saxa esse, quæ disupta ostrea optima suppeditant. In
Insula Martinica lapides è fundo maris erui candidos in quibus quorum-
dam vermium vestigia bene delineata visuntur. Adjecit D. Du Verney Ru-
pellæ complures esse lapides instar coni perforatos qui conchis opplentur.

CAPUT IV.

De Rebus Astronomicis.

I. Neunte hoc anno D. Cassini duplicem à se elucubratam legit disser-
tationem, una fixarum, altera Veneris theoriam complectitur.

Mense Martio vir nobilis & in Astronomia versatissimus D. Facio De
Duilliers in Regium Observatorium venit, ut quæ à D. Cassino in Sa-
turni globo ejusque annulo ante sex annos fuerant detecta & publicata,
oculis lustraret. Mirum enim ipsi videbatur observatam in Saturno Zonam
rectam, quo tempore ejus annulus esset valde inclinatus. Cum ipso igitur
habuit observationes ope Telescopii 40 pedum à D. Borello elaborati, &
in area Observatorii nunc expositi, quas scripto tradidit, & in Acta retu-
lit cum figuris aptè delineatis.

Hujus scripti hæc fere summa est, tum Saturni annulum ex parte Sep-
tentrionali globo insistentem visum, ex parte opposita sub eo depressum:
sic tamen ut umbra globi in annulum projecta manifesto cerneretur. 2. In
Saturni globo fascia quædam obscurior prope cum locum qui annulum te-
gebat,

gebat, in rectum porrecta, & lineæ quæ anfas annuli connectit parallela visa est. 3. Quatuor post horas fascia subnigra in eodem situ & eadem forma apparuit: sed pars globi huic superposita paulò obscurior quàm antea, pars itidem annuli exterior minùs splendida quàm interior uidebatur.

*Astro-
nomica*

II. Jam antea anno scilicet 1677 Zona illa fuerat à D. Cassino observata, quæ observatio in Eruditorum Ephemerides anni 1677 relata est, tumque annulus ad maximam pene amplitudinem suam pervenerat, ac prope centrum Saturni fascia pertransibat. Recta tamen apparuit: adeo ut Zonæ illius quæ globum Saturni cingebat Polus extremo illius disci limbo proximus existeret, multùm ab annuli ipsius Polo distitus, qui 30 gradibus super eum limbum sublatus erat. Eandem quoque viderat fasciam cum annulus adeo contractus erat, ut globus utrimque promineret: tum enim in linea anfarum, ut in eodem pene situ posita fascia cernebatur. Sæpius eam conspexit, sed nunquam eo in loco in quo die 2 Martii extabat, tam procul a centro globi distita: cum pars annuli Australis posteriorem Saturni partem, Borealis anteriorem sic contingeret, ut utriusque divisio sub oculos caderet, ac globi umbra in posteriorem annuli partem projecta versus Orientem ea magnitudine appareret quam exigebat angulus ille quem radii visuales ad Saturnum ducti cum radius Solaribus comprehendunt. Sic distantia annuli à globo Saturni utrimque se conspiciendam præbuit. Quod cum hypothese P. Riccioli nullomodo coheret. Hic enim annulum ellipticæ figuræ ex utraque parte anteriore nimirum & posteriore globo ipsi annexum putat, contra atque Hugenus in suo præclaro Saturni systemate statuit, idque cum observationibus omnino convenit, annulum scilicet circularis esse figuræ, & à globo Saturni omni ex parte sejunctum.

III. Hæc Phænomenavisa, sunt ab iis qui tum aderant, inter quos vir laudatus D. Facio, qui Astronomiæ studio incensus ex finibus Germaniæ huc advenerat, ut in Observatorio se exerceret, omnis generis instrumentis in eam rem comparatis. Hic annuli figuram accuratè descripsit, atque ipse secum id reputavit, quod si Saturnus circa suum axem qui ad annuli axem sit perpendicularis volvatur, fore ut fascia, cujus axis multum est ab axe annuli distitus, in una revolutione variè inclinetur. Quare interjecto quatuor horarum spatio eadem fascia fuit iterum observata, quæ eodem prorsus in loco & sita visa est. Ex quo id conclusum ab eo fuit aut Saturnum eo temporis intervallo sensibili motu circa se actum non fuisse, aut eum circa Polum hujus fasciæ multum ab annuli Polo distitum circumagi.

IV. Saturni verò globum circum axem sibi proprium verti vel hoc unum persuasit, quod in secunda hac observatione spatium inter obscuriorem fasciam, cujus supra meminimus, & annulum, ut candida quædam fascia tum conspectum fuerit, quæ tamen fascia splendida antea visa non fuerat.

V. Postero die post 24 horas fascia obscurior in loco pristino & situ se videndam præbuit, non item fascia candida in posteriore observatione visa; sed ultra obscuram alia versus limbum in conspectum venit quæ antea sui copiam non fecerat. Ex quibus suspicatus est D. Cassini fascias illas splen-

ANN. didiores omnem Saturni ambitum non percurrere, sed eas interruptas esse: ut in quibusdam Jovis fasciis evenit; ac Saturnum in suis circa axem revolutionibus modò unam ex iis fasciis, modò alteram nobis obvertere. Cum tamen Zonæ illæ candidæ antea visæ non fuerint, illud non abhorret à verosimili eas subinde nasci ac deleri, ut in quibusdam Jovis Zonis fuit observatum, quæ illius motu abreptæ modò sub oculos cadunt, cum in parte anteriore Planetæ extant, modò evanescent, ubi ad partem posteriorem transierunt.

Eodem hoc anno 1683 duæ visæ sunt in Saturno Zonæ quæ alternis vicibus in conspectum veniebant, quatum una latior erat altera.

VI. Novum Phænomeni genus in cælo deprehendit D. Cassini die 18 Martii: lumen videlicet quoddam obliquè secundùm Zodiacum porrectum quod tunc Arietis constellationem complecti, ad Pleiadas usque & caput Tauri extendi instar nubeculæ à Sole illustratæ visum est, fere instar caudæ Cometes, nisi quod sua latitudine ter aut quater eas superabat. De hoc lumine satis copiosè egimus tomo 5. Philos. vet. & nov. p. 173. Sed hoc argumentum in volumine Typis Regiis nuperrimè edito fusè & accuratè à D. Cassino est pertractatum, longum esset ac minimè necessarium rem speculatione quidem, si quæ sit alia, dignam, sed uberrimè explicatam regerere.

VII. Die 27 Januarii omnes in Regium Observatorium convenere Solis Eclipsim spectaturi; sed non licuit per cælum nubibus obductum. Ea verò à D. Roëmer Hafniæ fuit observata, & ad Academiam die 28 Februarii transmissa: quæ observatio ab eo paucis descripta fuit.

Sol in Vicinia horizontis admodum laciniaius incæpit deficere hor. 3. 54 min. 20 sec. Defectûs initium erat paulò infra parallelum Æquatoris transeuntem per centrum Solis, hora 3. 53 min. 30 sec. chorda partis limbi Solis eclipsatæ 4 digit.

Hora 4. 3 min. superius cornu adhuc erat paulo infra parallelum dictum: mox subiit sol nubes horizontales.

In eadem Epistola Martis, Jovis, & Saturni quasdam observationes recenset.

Tres hos Planetas die 29 Januarii stylo veteri h. i. post mediam noctem junctos fuisse in longitudine, idque constare ex observationibus ante & post habitis.

VIII. D. De la Hire postremam Jovis & Saturni conjunctionem variis modis, qui omnes inter se consentiebant, cum accuratè determinasset, octo ante diebus, quàm Ephemerides eam notabant, accidisse comperit, quod Planetarum motibus emendandis utile futurum est. Quæ à D. Cassino facta est hujus conjunctionis observatio, D. De la Hire observationi omninò concinit.

IX. Stellæ quoque majoris canis Meridianam altitudinem qualibet hora diei & noctis, etiam in ipsa meridie cepit D. De la Hire, quod ante factum non fuerat. Nullam in ea differentiam animavertit præter eam quæ ex mutatione declinationis accidere debet. Neque alia est tutior via, qua nobis sit exploratum refractionem de die non esse diversam ab ea quæ noctu

deprehenditur. Nam admodum sensibilis foret illa differentia in hujus stellæ *Astro-*
supra horizontem altitudine, quæ est 24 gr. 52 min. fere cum semisse, ubi *nonn.*
refractio duorum est & amplius minutorum. Quod magni est in Astro-
nomia momenti, ut accuratæ sint observationes. Atque hinc illud conclu-
ditur, Tychonem ea in re nonnihil à vero aberrasse, cum alias Solis, alias
Stellarum refractionibus tabulas contexuit.

Hanc Stellam quavis hora diei & noctis, quovis anni tempore sic obser-
vat, ut huic fundamento motus Solis tabulas, & fixarum magis insignium
ascensiones rectas, & positiones superstructas ediderit. Id ipsum in stella
lyræ lucida præstitit: atque inde plura in Astronomiam commoda mana-
re possunt.

C A P U T V.

De iis quæ ad Geographiam spectant.

I. **D**ie 3 Aprilis D. Cassini methodum proposuit inveniendi Meridia- *Geogr.*
norum differentias ex observationibus satellitum Jovis, etiamsi ea-
dem observatio in altero locorum facta non fuerit, sed ex iis quæ ante &
post habitæ sunt, differentiæ ipsæ eruantur.

Exempli loco id ponit quod patebit latius. Die 21 Octobris anni 1682
in ea Antillarum Insula quæ *La Gardeloupe* appellatur, & die 20 No-
vembris ejusdem anni in Martinica duæ immersiones primi satellitis, aliæ
eadem Antipoli in Provincia mense Novembri & Decembri ejusdem an-
ni à D. De la Hire sunt observatæ, quæ Lutetiæ haberi non potuerunt.
Hæ utique observationes cum aliis à D. Cassino annotatis collatæ fuerunt,
quarum duæ mense Octobri, die nimirum 14 & 30, tertia die 22 No-
vembris sunt factæ. Prima ex iis prævertit observationem priorem Insula
De la Gardeloupe 7 diebus, secunda 9 diebus ea posterior fuit, & ante-
vertit Martinicæ habitam 21 diebus.

Revolutionum numerus in unoquoque temporis intervallo initus est,
simul & computatum quantum temporis singulæ exigent, si inæqualita-
tum omnium quæ tum ex Jove, tum ex Sole oriuntur quædam fieret ve-
lut compensatio, & æquales efficerent revolutiones. Sed temporibus revo-
lutionum in quolibet spatii interjecti intervallo inter se comparatis, quæ-
dam occurrerunt inæqualitates, quæ quantum fieri potuit, æquabiliter sunt
distributæ, adeo ut quælibet revolutio motum suum accelerare visa sit duo-
bus aut tribus secundis, ubi cum præcedenti fuit collata.

Id quoque compertit D. Cassini eandem accelerationis regulam reper-
tam fuisse ab exitu Septembris ad initium usque Decembris.

II. Quamobrem sic distributo intervallo temporis in revolutio-
num numerum; ut quælibet consequens 2 aut 3 secundis citius per-
ficiatur quàm ea quæ proximè antecedit in ea serie observationum quæ ha-
bitæ sunt Lutetiæ; aliæ omnes quæ diversis in locis tum temporis non fue-
runt observatæ immersiones, sed computatæ tantummodo citra errorem sen-
sibilem adhibentur.

ANN. 1683. Omnium itaque primi satellitis quæ mensibus Octobri & Novembri anni 1682 contigere immersionum Ephemerides sic pertexuit D. Cassini, ut interjecta cujusque revolutionis tempora juxta regulam propositam, & eas quæ in locis prædictis fuerunt observatæ designaret. Ex quibus differentiarum temporum aut Meridianorum prodierunt.

Qua quidem ratione Insula *La Gardeloupe* Meridianum à Parisiensi 4 horis 18 min. 9 sec. Antipoli 19 min. 13 sec. distare compertum fuit.

III. Hæc longitudines definiendi ratio per observationes certo in loco factas aptè collatas cum iis quæ alio in loco per calculum sunt computatæ, ubi alix ante & post habitæ sunt observationes, quæque sunt calculi ipsius fundamenta, quanto usui futura sit, nihil necesse est fusius exponere. Non enim modo differentias Meridianorum præbet inter loca adeo inter se dissita, ut nunquam fere eadem observationes utrobique fieri possint, sed etiam magnum affert temporis & laboris compendium. Nam peregrinanti satis id fuerit, si unam observationem accuratam perficiat, nec necesse est ut nuntium expectet ab alio, an eandem immersionem observaverit, uti antea fuit usurpatum. Quod utique longioris temporis moram postulabat, antequam ambo in eadem observatione facienda convenissent, & per nuntios eam vicissim comprobassent.

IV. Neque alia sunt in cælo phænomena præter Jovis satellites, quibus hæc inveniendi longitudines ratio itè perfici queat. Ac ne eclipses quidem Solis & Lunæ in eam rem aptari possunt, quod rariiores sint, nec periodi accuratæ recursus earum quæ non fuerunt observatæ, ut in satellitibus Jovis haberi queant. Quocirca Geographia omnis ea ratione brevi temporis spatio instaurari posset, si multi in diversas regiones mitterentur, & in ea loca maximè quæ sunt ejusmodi, ut præcipuæ velut stationes constituentur, ad quas alia quævis loca referantur.

V. Planisphærium terrestre in pavimento turris Occidentalis Observatorii à D. D. Sedileau & Chazelles delineatum duce D. Cassino absolutum fuit. Eclipses Lunæ variis in terræ locis observatæ emendandis multarum urbium longitudinibus complures in tabulis Geographicis errores aperuerunt: adeo ut error interdum inter duo loca valde inter se dissita ad 20 usque gradus excurrat. Hinc etiam conclusum fuit inter Asiam & Americam versus Septentriones spatium incognitum Europa non minus interjacere. Cum primi satellitis eclipses in Vitidi promontorio, & in Antillis observatæ eandem Meridianorum differentiam exhibuerint quæ ante in planisphærio notata fuerat, iusta est suspicio alias tabularum correctiones non multum à vero abesse.

VI. Die 19 Junii D. Cassinus qua ratione linea Meridiana ab Oceano ad mare usque mediterraneum produci possit peculiari dissertatione exposuit, ac formam hujus rei perficiendæ quam mente conceperat, quæque Illustriss. Colberto probata fuerat, ex scripto legit. Hæc fere est illius summa. Cum Regem Christianissimum qui Academiam eo consilio instituit, ut promovendis artibus inserviat, id non fugeret quantum ad Astronomiæ, Geographiæ & navigandi artis perfectionem momenti afferreret telluris circumferentiæ accurata mensura, & quàm difficile sit ex uno vel altero ma-

ximi circuli gradu eam ut par est consequi : error quippe qui in arcu tam exiguo dimetiendo potest irrepere , ea ratione crescit quæ est illius arcus ad totam peripheriam : Ludovicus Magnus iussit , ut linea Meridiana in Observatorio delineata per totam Galliam ad Mare Mediterraneum ex una parte , ad Oceanum usque ex parte altera proferretur.

Geo-
graph.

Quod utique ea ratione faciendum est , ut stabile quædam notæ , aut signa conspicua in montium qui occurrunt jugis ita collocentur , ut ex iis vicissim conspectis situs & positiones locorum Astronomicis observationibus comprobentur , uti jam cœptum fuerat à D. Picard in horizonte Parisiensi , certis in Monte-Martyrum & pago *Lai* signis constitutis , illo ad Boream , hoc ad Meridiem sito. Quin & locorum intervalla non solum per triangula , uti olim factum fuit , sed etiam per vulgatas & usitatas metiendi vias cum libella conjunctas sunt exploranda , quò inæqualitas intercurrentis soli ad certam æqualitatem reducatur. Postremo altitudines fixarum Meridianæ quæ non procul à Zenith cujusque loci transeunt , sumendæ sunt magnis & exquisitis instrumentis , eo consilio paratis ut gradus & minuta tum prima tum secunda Meridiani inter ea loca intercepti designent.

VII. Initium capiendum ab iis locis quæ lineæ Meridianæ circumjecta majori intervallo inter se distant , quæque in mutuum conspectum veniunt , eorum positio est constituenda , ut ea seligantur quæ majoribus triangulis formandis , quæque continuata serie inter se connexa aptiora futura sint.

Atque hic apparatus alteri operationi exquisitæ magis quasi viam sternit , quæ tum suscipienda erit postquam loca idonea selecta fuerint , in quibus anguli positionum per magna instrumenta capiantur , ac si forte in planitie linea & longa & æquabilis occurrat , hæc pro basi sumenda est.

VIII. Quærenda quoque sunt loca elatiora quæ cum jam designatis in meridiana conveniant , & in rectam lineam ita disponantur , ut cum iis alia subinde continentur , & cum iis locis nectantur , quæ triangulis formandis seligantur. Quæ observatio ad aliam adhuc accuratorem muniet viam , cum triangula ipsa iterum excutientur , spatia inter notas aut signa interjecta accuratè erunt dimetienda , ac stellarum verticalium , aut aliarum , quæ magis huic rei aptæ videbuntur , altitudines capientur.

IX. Quæ hoc scripto continentur reliqua omittimus , ne longiores simus quam par sit , cumque id operis magna ex parte susceptum fuerit , & promotum. Nam circa æstivum solstitium , signis in Monte-Martyrum & in pago *Lai* in eadem linea Meridiana positis , ex ortus & occasus Solis observationibus , item ex quarumdam stellarum altitudine à D. D. Cassini & de la Hire magna cura & labore perpenſis , facilius fuit eam lineam è montibus in montes producere.

Quare in duas partes divisi sunt qui huic operi perficiendo fuerunt destinati. D. Cassinus una cum D. D. Sedileau Academiæ socio , Chazelles , Vatin , Deshayes & Pernim , versus Austrum , D. de la Hire una cum D. D. Potenot & le Fevre ejusdem Academiæ sociis , versus Septentriones iter fecerunt. D. Cassini lineam Meridianam ad S. Salvatoris v. *S. Sauveur* usque , hoc est ad 140000 hexapedas promovit , triangula quæque à D. D. Sedileau & Chazelles ad calculum revocata exhibuit , ex quibus distantia

ANN. locorum eruuntur. Distantiæ quoque locorum quæ Meridianæ sunt cir-
1683. cumjecta in agro Parisiensi, Vastinenſi, Bituricenſi, & latitudines multæ
ab eo sunt designatæ.

XI. Post reditum suum pluſquam 60 loca, quorum situs definierat, cum tabulis Geographiæ Galliæ magis accuratis contulit. Urbes omnes quæ circa Meridianum Lutetiæ sunt in chartis delineatæ, ultra quam par est versus Occidentem Solis collocatas invenit: quo magis Versus Austrum removentur, hoc major est differentia, adeo ut Bituricensis agri oppida 7 aut 8 leucis ad Orientem Solis magis vergant, quam tabulæ ipsæ demonstrant.

Ex siderum observationibus latitudinum differentias minores reperit, quam in tabulis Geographicis notentur, sed easdem cum locorum interval-
lis à D. Picard mensuratis ab oppido Monte-Landerici, vulgo *Montlbery* Ambianum usque convenire, quæque à D. Viviers sunt indagatæ, cum suis observationibus apprime consentiunt.

XII. D. De la Hire quæ à D. Picard observata fuerant confirmavit. Hinc ab oppidis Mondiderio & Surdonio usque ad Cassellum montem progressus est.





R E G I Æ
SCIENTIARUM ACADEMIÆ
HISTORIA.
LIBER TERTIUS.

De iis quæ acta sunt ab anno 1684 ad annum usque 1692.




ED mors luctuosa Illustrissimi viri D. Colbert, quem ut litterarum & litteratorum Patronum omnes habuere, opus ejus consilio susceptum, nec mediocriter provecum magna ex parte abruptit. Illud tamen D. Cassinus qui tunc in Solonia ultra Ligerim versabatur cum sociis indefinenter per duos adhuc menses post ipsius mortem est prosecutus. Illustrissimi Viri laudes hoc loco persequi non possumus : atque ut multa verbo complectar, Regi Maximo is fuit gratissimus : hunc enim semper magno in honore & pretio habuit, ut unum ex præcipuis Regni sui Administris quem fides, constantia, & religio commendabant. Vir summæ gravitatis & prudentiæ : spectata fuit ejus arduis in rebus probataque fides, & excellens in difficillimis negotiis administrandis consilium. De quo quidem illud Taciti in vita Agricola usurpare nobis liceat. *Quidquid ex Colberto amavimus, quidquid mirati sumus, manet mansurumque est in animis hominum, in æternitate temporum, in fama rerum.* Hujus perillustri viri desiderium non parum leniit Illustrissimi Marchionis de Louvois à Rege Invidiissimo delectus, cui Academiæ cura à Rege demandata fuit.

Ille à D. Cassini certior factus quibus tum observationibus apud Bituriges operam daret, ad eum scripsit ut cœptum opus ad mensē usque Novembris continuaret, cederet deinde supervenienti hyemi & ad Academiā rediret. Ejus autem nutu missus est D. de la Loire Geometra qui viam inde per summa montium unde fieri observationes possent, usque ad Mediterraneum mare lustraret & describeret in operis eousque continuandi præparationem.

In reditu D. Cassini omnium observationum ab urbe Parisiorum ad

ANN. S. Salvatoris oppidum schema cum omnium interiacentium locorum inter-
1684. vallis & positionibus ad lineam Meridianam Observatorii Regi obtulit qui
ipsum attentissime cum Serenissimo Duce Aurelianensi Fratre ejus Unico est
contemplatus, censuitque id dignum esse, quod ad mare usque continetur,
& transversaria lineâ ab Occidente in Orientem eadem methodo
ducantur.



SECTIO PRIM A.

De iis quæ acta sunt anno 1684.

QUæ ad Physicam spectant priori loco decurremus, tum ad Mathematica gradum faciemus.

CAPUT PRIMUM.

De Physicis & Chymicis experimentis anni 1684.

I. **P**OST obitum D. Colbert, D. De Louvois Academiæ Patrocinium suscepit, eamque quamdiu vixit, sua autoritate & gratia apud Regem Sapientissimum juvit. Illud imprimis ab Academicis postulavit, ut in iis rebus se exercerent quæ essent publicæ utilitatis, quæque in Regis gloriam redundarent. Utrumque Academiæ semper fuit propositum, atque in iis rebus studium & operam suam posuit, quæ usu essent quam specie utiliores.

Hujus rei argumento illud ipsum esse potest quod incunte hoc anno fuit agitaturn. Vir nobilis D. Janſon eques Anglus libellum D. Boyle Academiæ obtulit, in quo vir Clariss. declarat sibi notam esse rationem aquæ marinæ ab omni salugine expurgandæ, idque tenui sumptu fieri per distillationem, & præcipationem: adeo ut in vase cujus diameter erit 33 pollicum, intra 24 horas igne admodum leni 360 hemiræ v. Pintes Parisienses aquæ dulcis exstillentur. Quæ autem adduntur, vix 15 assibus emuntur.

Jam ea de re sæpius actum fuerat in Academia, ac D. Du Clos in ea erat opinione ut rem ipsam non esse factu arduam existimaret. Tum etiam scripto sententiam exposuit suam, nempe crudi tartari, quod parvi emitur, additione id effici posse, quod ab eo ex salis ipsius natura conclusum fuit: nam parte illius acida aucta nitrosam partem retinebit & præcipitem dabit.

Hujus rei periculum factum fuit. Cumque ex ipsis D. Boyle scriptis constet aquam marinam in Anglia continere $\frac{1}{4}$ salis, aquæ fontanæ tantundem salis communis simul & crudi tartari adjectum fuit. Hæc vasi cupreo furnulo balnei roridi est imposita, tum aquæ limpidæ & omni sale exuræ

exutæ aquæ pars major stillavit. Atque ut nonnihil salis superesset, non *Chy-*
propterea insalubris foret aqua : non enim sal ipse nocet, nisi forte in ni- *mica.*
mia quantitate.

Quod tartarum crudum præstat, id ipsum Alkali quodvis effecturum
censebat, idque una cum sale conjunctum præceps casurum, & aquæ dul-
cis distillationem faciliorem redditurum. Quam affinitatem salis nitrosi cum
sale communi Joachimus Becker agnovit in secundo supplemento ad Phy-
sicam subterraneam anno 1675 Francofurti edito. *Sal commune*, inquit, *ab*
Alkali valde expetitur, &c. Magna vero hujus generis salis copia tenui sum-
ptu haberi potest.

III. Nonnulla circa hanc aquam facta sunt experimenta. Quæ primo exiit,
nullum præ se ferebat saporem, quæ ultimo stillabar, heliotropii succum ru-
beo colore tingebat : quod non præstat aqua salî communi permista. Quæ
cum salis admistione aqua fuit distillata & gelido aëri exposita, in gla-
ciem concrevit, non item aqua cum sale & crudo tartaro conjuncta ; uti
neque aqua, cui sal una cum eadem sodæ quantitate admistus fuit, non
enim ea fuit congelata.

IV. Tum temporis liquorem ampullâ vitreâ contentum exhibuit D.
Caslini, qui sublato operculo fumos continenter emittebat. Hunc liquorem
ex sublimato, stanno & Mercurio puro conflatum esse aiebat D. Borel.
Qua de re jam supra diximus.

V. Vix unquam aliàs tot factæ sunt stirpium descriptiones & analyses.
Longum esset earum catalogum contexere quas D. Bourdelin ignis calore
resolvit, aut earum quæ studio D. Marchant ex regionibus exteris allatæ,
excultæ, & delineatæ fuerunt.

VI. Placuit acetosam, uti & quasdam alias herbas primum exsiccare,
tum in aqua macerare : sic 5. acetosæ libræ in umbra exsiccatæ, & ad
19 uncias cum semisse redactæ in 61 aquæ fontanæ uncias maceratæ, in
balneo rorido per biduum in digestionem sunt relictæ. Qui ex iis liquores
primi exiere, lacteo colore sublimati solutionem imbuerunt, vitriolum
flavo tinxerunt colore. Qui vero per retortam eductus est liquor, una cum
spiritu salis multum efferebat, olei 9 drachmæ, sex salis cum $\frac{3}{4}$ extractæ.

Madefacta portulaca 5 librarum pondere, tum intra 35 dies exsiccata,
& ad 5 uncias redacta, tandem aqua imbuta, dum 5 librarum æquaret
pondus, qui exstillati sunt liquores lacteum colorem sublimati solutioni im-
pertierunt ; postrema portio sale volatili sæta, olei 4 drachmas, salis fere
7 exhibuit.

VII. Quædam etiam experimenta circa liquorum coagulationem &
effervescentiam tentata sunt à D. Borel. 1. Butyrum antimonii rectificat-
um, & excolor unâ cum oleo tartari in album coagulum visum est con-
crescere citra ullum calorem. 2. Oleo therebinthinæ oleum vitrioli paula-
tim affusum nullam effecit commotionem, sed sensim incaluerit, cumque
baculo miscerentur, vehementer auctus est calor nullo apparente motu, ru-
beo colore tincta, quem spiritus urinæ debilior omnino delevit lacteo colore
inducto. 3. Spiritus urinæ & oleum vitrioli simul permista adeo effe-
buerunt, ut aqua igni admota non magis ebulliat. Quod si inquebat,

ANN. aliquantulum hujus urinæ spiritus vitro imponas, eique affundas olei vitrioli guttulas, tum non minor fit strepitus & in omnes partes vibratio, quam si frigidam in ferrum candens conjeceres. 4. Spiritus urinæ cum forti vitrioli solutione in viride coagulum abiit. Sic oleum vitrioli cum fecibus reguli antimonii in cellâ subterranea exsolutis in rubei coloris coagulum concrevit. Oleum itidem vitrioli una cum calcis vivæ decoctione & auripigmento colorem flavum & pulcherrimum procreavit.

VIII. His quædam analyses liquorum qui ex humano corpore sunt educti, subjectæ: 5 libræ aquæ ex hydropico per paracentesim à fratre D. Du Verny & peritissimo Chirurgo eductæ: liquorem præbuerunt sale volatili factum, & duas olei uncias. Aliæ ejusdem aquæ factæ sunt analyses, quæ omnes probant ejusmodi aquas sale volatili imo & fixo abundare.

IX. Tres sanguinis humani libræ 33 fere liquoris uncias præbuerunt. Qui primi exierunt liquores, sale volatili erant imprægnati: sed ita ut fit, hic in postremis erat uberior; olei quatuor uncia, salis volatilil concreti tres drachmæ, caput mortuum admodum leve & spongiosum post sex horarum calcinationem rubeum colorem induit, salis fixi duæ drachmæ ex eo eductæ: ex duabus libris & octo uncis lymphæ liquores quoque sale volatili fieri exierunt.

X. Alias mitto tum plantatum, tum ossium & carniū analyses quò ad generalem Physicam progrediar. Dissertationem de ventorum origine legit D. Mariotte, sed brevi post tempore in morbum lethalem incidit, ac mense Maio diem suum obiit: neque hæc dissertatio in commentarios fuit relata. Quæ esset illius de præcipuis ventorum causis sententia, exposuimus in quinto volumine Philos. veteris & novæ p. 240 postremæ editionis. Hujus viri ingenium acie omnium disciplinarum capax, eruditionem summam edita ab eo opera declarant. Anno 1667 ob singularem doctrinam inter Academicos adlectus fuerat. In eo inventionis acumen cum perficiendi industria conjunctum semper eluxit. Cujus rei fidem faciunt quæ in decursu hujus operis dissertationes sunt allatæ, solertia in experimentis faciendis in eo fuit pene incredibilis, eaque quàm minimo sumptu faciebat.

XI. Cum hoc anno acerrima sæviret hiems, quædam circa congelationem à D. Perrault facta sunt experimenta. Illud v. gr. die 11 Januarii advertit aquam arctius congelari matutino tempore quàm vespertino, cum tamen æquale frigus thermometrum indicaret, quod mane ventus vehementior perflaret. Illud quoque animadvertit aquam magis congelari prope vitri latera quam in medio.

D. De la Hire globum thermometri nive obduxit, & aqua altius ascendit: adeo ut nix vim frigoris retundere quodammodo videatur.

Cum D. Thuret in Barometro bene, ut existimabat, sigillato observasset pondus aëris eodem prorsus modo augeri & minui atque in aliis barometris: D. De Louvois hujus phænomeni solutionem ab Academia per D. De la Chapelle postulavit: sed re ipsa diligentius inspecta minus accurate oclusum Barometrum fuisse D. De la Hire postea comperit. Postquam enim id rîdè sigillatum fuit, non amplius Barometri, sed thermo-

metri munus obiit : nam in majoris Ecclesiæ turræ asportato altior manebat hydrargyrus in summa turris parte , ubi vis calori major erat , quam in parte ima.

XIII. Idem mense Novembri quanta esset magnetis declinatio observavit , eamque 4 gradibus 10 min. Occidentem Versus declinare comperit : adeo ut horologia scioterica quæ acu magnetica instruuntur , pene semihora tum aberrarent.

Exeunte hoc anno lecta est Epistola viri Clariss. D. Thoinard ad D. Dodart perscripta , in qua vitri cujusdam mentionem facit quod in igne rubeum colorem acquirit , eumque exuit , ubi funditur ; hunc recuperat igni vel mediocri admotum & ita deinceps.

CAPUT II.

De Historia Animalium.

I. **Q**Uæ ad historiam animalium & anatomen spectant , non perfunctoriè *Hist.* hoc anno fuerunt pertractata , mortuis jam ab aliquot annis D. D. *Anim.* Pecquet & Gayent , unus iis suffectus fuerat D. Du Verney , qui in arte anatomica studium suum & operam posuit. Hoc anno 1684 D. Mery Academiæ adscriptus fuit , & quod vere simpliciterque dicendum , honestæ æmulationis aculei huic arti promovendæ , & acrioribus studiis excitandis non mediocriter profuere.

II. Die 23 Februarii felis odorata , v. *Civette* dissecta fuit. Qui liquorem fragrantis odoris suppeditant sacculi , diligenter à D. Du Verney sunt excussi. Duæ glandulæ prope anum fortis patent , quæ fœtidum liquorem ferunt.

Eodem mense mus odoratus v. *un Rat musqué* cultro subjectus : longi intestinorum anfractus ut in ruminantium genere à D. Du Verney sunt observati.

Idem in simia dentes instar ferræ dispositos , lienem quasi glandulis asperum ; mesenterii glandulas gypsea materia opplatas , uti & chyli receptaculum , ac jecur ipsum demonstravit : hoc animal tabe extinctum fuerat.

III. Pellem quoque hystricis diligentius expendit , pars ejus posterior velut squamis munita , aculeorum radices musculum cutaneum subire vise sunt , musculorum aponeuroses intus adducuntur , aculei aut spinæ foras se exerunt , & sursum eriguntur. Multa alia sunt animadversa in lingua , in eo musculo , qui maxillam inferiorem movet , massiterem vocant , isque in formam cruræ formatur ; musculi iidem cutanei productionem & varios illius cum vicinis partibus nexus est contemplatus.

IV. Ineunte Martio felis odorata Epiploon exhibuit , simul & varias ductuum quos adiposos appellavit Malpighius , propagines , qui ductus venis , arteriis & sacculis sunt distincti. Hic adeps in Mesenterio ad vesicæ latera est uberior , nullus in dura matre , Plcuta , & in pulmonum mem-

ANN. 1684. In ejusdem feræ secunda ventriculi membrana glandulæ non àp-
parent, sed foramina tantum : ex quibus iusta suspicio est eam membra-
nam esse glandulosam, & ex ea liquorem in partes intimas ventriculi ex-
sudare. Quas glandulas in ventriculo suis conspicuas ante ostenderat D.
Du Verney, eæ partem secundæ membranæ convexam opplent, & fora-
mina in parte interiori sub oculos cadunt. Postremo vasa lymphatica de-
monstravit, quorum radices in muscutorum membranæ & in ipsis visceri-
bus latent, eaque in conglobatas glandulas se exonerant, tum quasi ex iis
glandulis renata partim in chyli receptaculum, partim in axillarem se effun-
dunt. Receptaculum vasa lymphatica ex abdomine & partibus inferioribus
excipit; pectoris vasa ad canalem thoracicum; capitis, colli & brachiorum
vasa in venas axillares desinunt.

V. Pellis crassioris ranæ à D. Meri sub idem tempus discussa fuit &
descripta. Hanc neque abdominis, neque pectoris musculis ubique cohæ-
rere animadvertit, sed per membranas tenuissimas sic cohæret cum media
sterni parte & utroque inguine, ut vacua spatia & cavitates interjectas re-
linquat. Sic per fibrillas cum musculis ventris lateralibus ita erat colligata,
ut utrimque saccus à parte summa femoris ad aurículas usque porrectus in-
tercederet. Idem in dorso observatum, ita ut pellis integra in quatuor ve-
lut saccos distincta videretur : hos tenuissimæ membranulæ separabant,
quæ ex una parte pelli, ex altera musculis connexæ antrorsum & retrorsum,
tum ad utrumque latus saccos, ut diximus, efficiebant.

Idem in pelle femoris & cruris cernere erat : ea quippe in articulis tan-
tummodo & juncturis cum musculis necessebatur, & saccos itidem cum iis
efficiebat. Duæ cavitates in parte summa sterni, & in maxillæ parte inte-
riori erant conspicuæ ; una ad brachia usque descendebat, & in sterni
foramen erat per quod aditus ad tertiam cavitationem sub maxillæ musculis
inferioribus collocatam patebat. Linguae quoque structuram singularem ex-
posuit.

VI. Interim historiam animalium D. Perrault est profecutus, quæ ac-
curato examini subiecta est. Animadversiones suas D. D. Du Verney &
Mery protulerunt. Circa oculorum structuram & motum præcipuus tum
labor incubuit, & antiquæ ea de re disceptationes renovatæ. D. Meri ob-
servationem quandam nuper à se factam commemoravit die ultimo Maii.
Cum felem in aquam demergeret, illud advertit, pupillam ante oblongam
& arctatam paulatim in aqua dilatari, adeo ut in fele pene extincto sexies
major quam antea videretur, mortui & ex aqua educti non potuit fundum
oculi dispicere. Sed ubi intra aquammersus est, tum quasi omni humore
vacuus & uberiore luce perfusus apparuit. Jam oculi fundum & varios
choroïdis colores, nervi optici limbum ex quo vasa in choroïdem & uveam
exibant, conspexit : sed retina ipsa aut humores in conspectum non ve-
nerunt.

VII. Quæ mense Junio in dissectione cadaveris ab eo fuerant observa-
ta, scripto tradidit. Homo ille ex stranguria, aut urinæ suppressione de-
cesserat, cum tamen nec calculus, nec ureterum obstructio ulla esset, sed
purulenta duraxat urina vesicam inflammaverat, nec spicillum quantumvis

exile utetram subire potuit, non ob carunculum quæ succreverit, sed quod sæpius venit, sanatum ulcus canalem uretri plus satis arctaverit.

VIII. Augusto Mense D. Du Verney crinaccum dissecuit, cor inventum est Pericardii expers; quæ tenuia dicuntur intestina, aliis crassiora appatebant, musculus ut in histrice aculeos mover.

Accuratam descriptionem Leænæ exscribendam dedit, cujus in historia animalium mentio habenda est. Longum enim esset hanc anatomen hoc loco prosequi, tametsi multa observatione digna complectitur.

Eandem ob causam observationes quasdam à D. Mery factas circa militum cadavera omittimus ad Mathesim properantes.

CAPUT III.

Astronomica.

*Astro-
nom.*

I. **H**ic annus insignis fuit duorum satellitum circa Saturnum inventio-
ne. Hi quidem postremò sunt deprehensi, quod sint minutiores, sed ordine sunt primi: nam Saturno sunt viciniore. Eos mense Martio cum D. Cassini vitrum 100 pedum exploraret, sine tubo deprehendit. Verùm postea certior factus est primum satellitem nunquam proprio motu ab annulo longius quàm $\frac{2}{3}$ longitudinis annuli distare, revolutionem suam intra 21 horas & 19 min. fere in plano annuli continuato absolvere: cum autem annulus majorem orbitæ hujus satellitis partem occupet, conjunctiones satellitis cum Saturno, quæ bis intra duos dies recurrunt, diutius durant, præsertim cum annulus obliquè à terra conspicitur: tum enim circulus quem describit satelles, arctiùs premit annulum, & in unaquaque conjunctione annulus satellitem per octo horas cum semisse tegit. Cum annulus est apertior, tum major est inter eum & satellitem distantia, tumque supra & infra ansas videri potest. Secundus satelles ab annulo tantummodo $\frac{1}{4}$ longitudinis annuli removetur, ac periodum suam intra 65 horas, 43 min. conficit. Singulis fere diebus cum Saturno conjungitur, modò ex parte superiori, modò ex inferiori. Unaquæque conjunctio octo fere horas durat: quo tempore annuli longitudinem decurrit, tum post 25 horas alia incipit conjunctio.

Secundi satellitis à centro Saturni digressio est ad primi maximam, ut 21 ad 17, ac tempus quo ille suam conficit revolutionem, eam habet rationem ad tempus quo primi absolviuntur periodus, quæ est 24 $\frac{1}{4}$ ad 17. Quæ quidem est eadem proportionis regula quam Keplerus invenit inter distantias & periodos Planetarum, quamve inter alios Saturni satelites comperit D. Cassini, quæ ex Jovis satellitibus confirmatur. Id vero admirabilem concentum Saturni & Jovis systematum demonstrat cum magno universi systemate.

Absolutum quinque satellitum systema D. Cassini invictissimo Regi obtulit, qui illud in numismate ex adversa parte Regiæ Imaginis cudi jussit.

ANN. lit, eaque sidera Regis auspiciis detecta Lodoïcæorum nomine sunt insignita.

II. Paucis post diebus animadvertiones suas ad ea quæ à D. Richer Cayennæ sunt observata è scripto legit: simul ostendit loca Solis Cayennæ prope verticem observata, quæque adeo nulli erant refractioni obnoxia, cum suis tabulis, quibus Marchio Malvasia usus est in suis Ephemeridibus, omnino convenire; eandem obliquitatem Eclipticæ ex iis prodire observationibus quam definiunt Ephemerides.

III. Ac præter alia multa disseruit de parallaxi Martis, cum esset Perigæus, & terræ multò vicinior quàm Sol ipse: ita ut inventa per observationes iteratas & calculum parallaxi horizontali Martis 25 sec. Solis parallaxis esset tantummodo 9 sec. distantia Solis à terra 21600 semid. terræ, Martis 8100.

Cum autem die 5 Maii deprehendisset Solis maculam prope ejus Orientalem marginem, futurum ejus motum in Solis disco, & tempus quo reditura esset, die nimirum primo Junii scripto edito prædixit. Quin etiam illud advertit fore ut ejus semita, cum iterum in conspectum veniret, priorem in disco Solis apparente semitam ante descriptam interfecaret. Quod evenit juxta ipsius theoriæ, quam utique cum hujus maculæ observationibus conferendam palam exponebat. In prima ejus apparitione Polus revolutionis Solis Australis erat terræ expositus; in secunda verò exponendus foret terræ solus, Borealis Polus.

Die autem prima Junii eo ipso in loco ubi maculam visum iri notaverat, faculam invenit, in quam macula conversa fuerat. Quæ quidem transformatio sæpe aliàs fuit observata: ita ut ejus maculæ revolutio apparuerit diuturnum $27\frac{2}{3}$, quæ alias visa fuerat modò $27\frac{1}{2}$, modo $27\frac{1}{4}$.

IV. Ex qua occasione admonuit nihil mitum esse si aliquot horarum differentia inter reditus macularum occurrat. Non enim ea revolutio motu simplici perficitur, si ut verisimillimum est, Solis circa suum axem vertigine abripiuntur: nam hujus vertiginis Poli variè obvertuntur. Iræqualitas etiam annui motus in macularum apparentem motum se diffundit: præterquam partes ipsæ macularum, quæ figuras mutant, alio quoque motu agitantur eo fere modo quo nubes in aëre huc illuc aguntur. Cum autem conversio Solis circa suum axem aliter dignosci non possit, quàm per maculas quæ variis his motibus sunt obnoxia, accuratius illa determinari non potest quàm si ex diversis earum revolutionibus inter se collatis media quædam inter eas & frequentior seligatur.

V. Die undecimo Junii D. De la Hire eo ipso in loco cui facula inesse debebat, duas insignes maculas, & majores quàm antea visæ fuerint, observavit. Unaquæque ex iis unius minuti spatium seu partem fere tricesimam diametri Solis occupabat, & duorum minutorum intervallo inter se distabant, tametsi extremo Solis margini essent finitimæ, æque majores multò visæ fuissent, si centro Solis propiores extitissent.

Ex his duabus maculis D. Cassini illud animadvertit, eam quæ longius à Solis limbo distabat, eundem planè locum in ejus disco obtinere, quem illa tenuerat quæ mense Maio fuit observata, habita ratione Polorum So-

lis, & coluri per ejus Polos proprios, & Eclipticæ Polos transeun- *Astro-*
tis: unde censuit eandem esse quæ mense Maio visa fuit: eam verò quæ *nom.*
propior erat margini novam esse quæ è Solis disco excessit nocte sequen-
te diem Maii 12, relicta post se veteri macula quæ sola videbatur die 13 Ju-
nii; egressa Solis limbum die 14.

VI. Omnes Academici in Observatorium convenere die 12 Julii So-
lis Eclipsim eo die futuram contemplaturi, Phases Solis obscurati magno
studio & cura sunt definitæ Micrometri ope: initium Eclipsidis animadverti
non potuit propter nubes interpositas; sed ex iis quæ subsequente sunt ob-
servationibus facile id conclusum fuit: adeo ut nullus ea de re sit dubitan-
di locus.

Observationes suas scripto exposuit D. De la Hire. Initium fuit post
Meridiem hora secunda 25 min. 24 sec. Maxima obscuratio dig. 7. 50
min. 3. hora 36 min. 27 sec. finis hora 4. 43 min. 27 secund.

Observationes à P. Fontenay Parisiis, à D. Du Glos in portu Gratiæ
v. *Havre de Grace* factæ cum his observationibus apprimè convenerunt.

VII. Die 5. Augusti D. Cassini quæ sint inter aliquot Meridianos dif-
ferentiæ ex iis quæ ad eum missæ sunt variis ex locis observationibus col-
legit; idque juxta methodum aliàs expositam projiciendi terram in orbem
Lunæ, ubi factæ fuerant observationes, cum præcipuæ phasæ à diversis As-
tronomis sunt observatæ: unde earum positio ad Solem & Lunam, &
inter se invicem innotescit.

Et quidem intra 15 dies Lunæ una, Solis altera eclipsidis sunt observatæ, quod
ad confirmandas Astronomicas hypotheses permagni fuit momenti. Eclipsidis
Lunæ die 27 Junii contigit hora à media nocte 2. 25 min. 30 sec.

Dux illæ Eclipses tum acciderunt, cum Luna esset proxima mediæ à
terra distantia: In priori eclipsi versus Apogæum, in posteriori versus Pe-
rigæum vergebat. Inter utramque semicirculum peragravit superiorem, in
quo longius à terra removeretur, & tardius incedit. Cum enim 29
dies 12 horæ & $\frac{3}{4}$ sit mensis Synodici seu medii temporis spatium, quo
ad Solem redit Luna, 14 tantum dies, 18 horas, & sex fere minuta inter
cedere oportuit inter utramque eclipsim. Quindecim tamen dies, 13 horæ
& $\frac{1}{8}$ interfuerunt: adeo ut verus motus 20 horis & $\frac{1}{4}$ medio tardior fue-
rit. Quod cum tabulis Astronomicis optimè convenit: ac deinceps ad du-
plicem illam eclipsim prima illa inæqualitas erit exigenda.

VIII. Ex Solis Eclipsi quæ 12 Julii accidit, occasionem cepit D. Cas-
sini de Solarium eclipseon prædictione disserere. Hæc tot rerum diffici-
lium notitiam exigit, ut mirum non sit, si temporis momentum quo fu-
tura est eclipsis, aut spatium quo duratura, aut illius magnitudo vix de-
finiri queat. Imo illud est miraculo proximum tam rara Phænomena, tot
circumstantiis involuta adeo accuratè prænuntiari. Annuus terræ aut Solis
motus, Lunæ tum in longitudinem, tum in latitudinem motus anomali;
Solis, terræ & Lunæ magnitudines inter se collatæ, & distantia quæ con-
tinenter mutantur, quæque in diametris visis magnam inducunt varia-
tatem: his adde aspectuum diversitatem in diversis terræ locis: hæc, in-
quam, satis implicatas Solis eclipses efficiunt.

ANN. Sed in Eclipsi Solis præter hæc omnia adhuc necessaria est exquisita Geo-
1684. graphiæ notitia & longè major quàm quæ facilitè sperari possit. Nam locorum ad quæ Eclipscon phasès referuntur, longitudines & latitudines notæ esse debent, & eorum maximè in quibus dubitatur an totalis futura sit eclipsis. Quod si vel unius, aut alterius minuti error circa loci latitudinem irrepperit, is obstabit quominus ibi plena sit Solis defectio. Sic in Observatorio eclipsis Solis totalis esse potest, non item in monte Martiurum; adeo ut minus circumspectè quis totalem fore certis in locis Solarem eclipsim prænuntiet. Tutius de Provincia aut regno, in quo Sol omni ex parte deficiet, pronuntiatur quàm de civitate aut loco. Sic eclipsim Solis quæ die Julii duodecima contigit, integram Romæ futuram non satis cautè Argolus prædixit: nam ex ea quæ facta est Parisiis observatione liquet quartam Solis partem intactam Romæ fuisse.

IX. Postquam alicubi eclipsis fuit observata, quæque ad ejus determinationem in aliis locis necessaria erant, diligenter fuerunt examinata, quibus in terræ locis ea fuerit integra, aut pene centralis, accuratius definire licet: quod sua utilitate non carebit; nam postea inquisitione facta correctio tabularum ante suscepta hinc comprobati poterit, idque magnum ad Geographiam afferet momentum.

Hoc utique D. Cassini inito calculo in globo terrestri D. Blaeu, qui ad observationes in variis terræ regionibus jussu Ludovici Magni factas propius accedit, ea notavit loca, in quibus centralis defectio visa est, atque easdem longitudines & latitudines in magnum Observatorii planisphærium transfudit, ut experiretur an tabulæ cum globo convenirent, ac subinde comperit in locis quæ à nobis multum sunt remota, differentias longitudinum in globo plus satis augeri. Itaque loca designavit in quibus quavis diei hora Eclipsis totalis esse debuit, & quanta fuerit pluribus in aliis locis per litterarum commercia & Astronomorum observationes liquebit, an longitudines & latitudines locorum itè fuerint designatæ.

X. Alia quoque eclipsis Lunæ die 21 Decembris visa est, D. D. Cassini & de la Hire observationes suas inter se collatas sibi mutuo consentientes invenerunt.

XI. Sub idem tempus P. de Fontenay & tres alii ejusdem Societatis Patres in Sincense regnum iter facturi de mutua cum Academia ratione in-eunda, cum in Astronomicis, tum Physicis in rebus egerunt. Quæ in Sincensi regione cum eo pervenerint, quæque in iis locis, quæ in itinere occurrerent observationes sint faciendæ, præsertim circa satellitum Jovis eclipses ac de mutuo litterarum commercio, cum D. D. Cassini & de la Hire, & de mutua cum Academia societate convenere. Quantum ii profecerint ad amplificandam Astronomiæ & Geographiæ scientiam, ex iis quæ postea dicturi sumus palam fiet.

Sed Astronomiæ & aliarum disciplinarum studia aditum ad Imperatorem, & ad Religionis Christianæ in eo imperio propagationem aperuerunt: adeo ut liberam ejus professionem & exercitium paucis ab hinc annis ab Imperatore Sincensi impetrarint: quod antea nequicquam tentatum fuerat.

CAPUT IV.

De Tabulis Geographicis, necnon de Geometria & Algebra.

I Neunte hoc anno D. D. de Sedileau & Chazelle observationes cum D. Cassino factas, & calculos à se initos in producenda linea meridiana ab Observatorio versus Austrum, in ordinem digesserunt. Subductis calculis non solum distantiam inter utriusque trianguli apices, sed etiam quantum à Meridiana linea distarent, necnon inter eorum parallelos intervalla computarunt, atque ex novis triangulis eæ distantiae magna ex parte calculo probatae sunt; quæque inventa est maxima in confirmandis differentiis, vix ultra duas hexapedas ex 10000 excurrit.

II. In proferenda linea Meridiana ab Observatorio ad turrim usque Montis Landericæ vulgo *Montlbery*, distantia à D. Picard inventa 11757 hexaped. usque sunt, cumque ex variis observationibus constaret lineam ab Observatorio ad eam turrim ductam cum linea Meridiana angulum 11. graduum 58 versus occasum Solis efficere, ad S. Salvatorem oppidulum *S. Sauvier* in Borbonio tractu per 21 triangula eam produxere.

III. Anguli instrumento huic consimili quod D. Picard olim adhibuerat, & eadem diligentia sumpti: adeo ut sæpe tres anguli summam 180 gr. efficerent, interdum 10 aut 15 sec. deerant, quæ in cum angulum de quo minus liquebat, refusa sunt, aut in omnes angulos ex æquo distributa, cum nulla erat ratio cur de uno potius quam de aliis dubitaretur.

Hoc intervallum inter Observatorium & S. Salvatoris oppidum interjacens in tres fuit divisum partes, ac tres itidem tabulae aeri incisæ sunt; prima ab Observatorio ad Castrum novum, secunda inde Biturigem, tertia ad S. Salvatoris usque distantiam exprimunt. Quæ figuræ unâ cum calculis triangulorum in Tabulario Academiae sunt consignatae.

De continuanda hac Linea D. De Louvois die 3 Martii cum D. Cassini verba fecerat, sed ea res nondum fuit ad exitum perducta.

IV. Mense Februario D. De la Hire inchoatam Galliae Tabulam exhibuit, in qua præcipui portus & eorum situs sic delineantur, ut differentia inter verum cuiusque situm, & cum quem Geographi in tabulis designarunt, conspiciatur. Hæc Charta in Opere nuper edito de Astronomicis observationibus aeri incisæ est: atque ejus mentionem supra fecimus.


V. Multas quoque de conicis Sectionibus demonstrationes easque novas exposuit D. De la Hire, sexium imprimis Librum sui Operis, quod tum prælo subiectum fuit, pene integrum demonstravit.

D. Rolle animadversiones suas in quandam Cartesii regulam p. 79. Geometriae exaratam protulit. In qua quidem regula hoc docere videtur Cartesius cognosci posse quot sint veræ radices, quot falsæ, idque ex sola dispositione Signorum quæ plus & minus exprimunt: sex animadversiones in eam regulam proposuit D. Rolle, ac nimis generalem eam esse

ANN. contendit : quæ res viros in ea scientia eruditos commovit, & quibusdam 1684. disceptationibus occasionem præbuit.

Vl. Equationum structuram proposuit D. De la Hire die 7. Julii. Aliam quoque die 5 Augusti Geometricam demonstrationem exposuit cum priori connexam.

Vll. Die 18 Novembris D. Sauveur nunc Mathematicos Professor Regius, & Academiæ Socius regulam capream calculis conficiendis aptatam exhibuit, quæ ad cimeterium aquæ salientis jectis ex certa aquæ altitudine & tubuli per quem exit latitudine, est accommodata : cum tabulis à D. Mariotte in hanc rem dispositis optimè eam convenire, & ad plures alios usus, ut ad monetarum differentias explorandas, adhiberi eam posse visum est.



SECTIO SECUNDA.

De Actis anno 1685.

INeunte hoc anno D. Thevenot, cui Bibliothecæ Regiæ cura commissæ fuerat, inter Academicos ascitus fuit : in ipso pene hujus Operis exordio illius mentionem fecimus, plura deinceps de ejus in promovendis disciplinis studio & opera dicturi.

Cum P. de Fontenay unâ cum quinque Societatis Patribus qui profecturi erant in Orientales plagas, in Academiam convenisset, de iis quæ ad Astronomiæ & Physicæ amplificationem observaturi erant, cum Academicis sunt collocturi. Multa quidem in longa & periculosa peregrinatione passi sunt incommoda.

CAPUT PRIMUM.

De Physicis Observationibus.

I. Cujusdam animalis amphibii pellis portio ex America Septentrionali allata est à quibusdam Americanis incolis qui nostrorum stipendiis militant, & ad D. Thevenot missa. Hi quidem Americani incola cum versus Septentrionem longius quàm antea unquam excurrissent, magnum subiere flumen & lacum aquæ dulcis, in cujus ripa ignotæ feræ vestigia deprehenderunt ; mox ex iis duæ conspectæ, quæ in lacum se recipiebant. Ex illa longiore fistula ferrea aut sclopeto intersecta, altera in aquam se conjecit. Atque hæc erat hujus animalis forma, corpus Uti seu Bubali magnitudine æquabat, nigriori pilo 15 aut 16 digitis longo vestitum, crura & brevia & crassa ut in bubalo v. *Buffle*, pedes anterini, caput aprino non absumile ; nasi loco erant duo foramina, auriculæ breves, oculi angusti, in summo capite utrinque cornua fere ut in Cervo ex-

stabant, extrema erant instar lapidum ovi asnerini magnitudine, qui la- *Physi-*
pides instar chalybis erant tersi, caro admodum rubra, quæque adeo mos- *ca.*
chum olebat, ut eam gustare non potuerint. Barbaris sono fistularum terri-
tis & in fugam versis mulier quædam ex iis capta est quam D. Theve-
not vidit, quæque erat corporis habitu summo & iuxta magnitudinis, cru-
ribus solito crassioribus.

II. Circa idem tempus quoddam sacchari genus exhibuit D. Marchant
ex aqua palato gratissima extractum. Nam exhalata aqua velut gummi sac-
charini saporis in fundo subsidit. Hæc aqua ex *Acere v. Erable* in horto
Regio veris tempore per incisionem educta fuerat; utrum ea vi purga-
trice donetur, experiri licet.

III. Illud quod ex occasione quadam, cum de verrucarum curatione
sermo haberetur, D. Bourdelin tum admonuit, eas sanari levi tactu spiri-
tus vitrioli bis in die facto, succum portulacæ huic rei optimum esse re-
medium nos docuit D. Perrault. Horum periculum facere grave non erit.
Sic punctiones apum adhibitis lauri foliis contusis statim sanari subjecit;
easdem curari pulvere cornu Rupicapræ v. *Chamois* asseruit D. Blondel,
eumque pulverem optimum esse alexipharmacum. Sic D. Thevenot nobis
enarravit duos homines cum Euphorbium degustassent, & pessimè se ha-
berent, sumpto mali citrei succo sanatos fuisse.

IV. De Infectis intra durissimos lapides conclusis jam supra mentionem
fecimus. Ab illustri viro qui Constantinopoli Legatus egerat, se accepisse ait
D. Cassini plura animalcula, quæ Dactylos vocant, in saxis prædu-
ris reperiri; è mola pistrini in mare demersa, tum fracta hujus generis ani-
malcula prodire: ea venum proflare Telonis D. Blondel jam ante mo-
nuerat.

Durissimum lapidem in agro Carnutenſi reperit D. De la Hire prope Cana-
lem qui tum Regis jussu fodiebatur. Hunc fuisse piscem quem Castaneum maris
vocant, seu Echinum marinum, atque ejus concham limo obductam fuisse
verisimile est. Sic plura conchilia in vico *Iffy* prope Lutetiam à D. The-
venot reperta jam innuimus; & majores conchas, quales ad Divi Jacobi
occurrunt in suæ Abbatix agro invenit D. Galloys. Quæ tamen loca pro-
cul à mari sunt distita.

V. Cum alii ex aliis, ut sæpe fit, sermones de rebus Physicis sere-
rentur: quasium est cur è tormento bellico plus satis incalcescente pars
pulveris Pyrii non inflammata erumpat. D. Blondel hujus effectus eam at-
tulit causam, quod flamma citiùs quàm par sit, concipiatur. D. De la Hire
id subjecit, pulverem qui lateribus tormenti adhæret, celerius inflammari
quàm partes interiores.

VI. Die undecima Julii D. Rolle inter Academicos fuit aggregatus. D.
De la Monstre animalculum exhibuit è sinu Mexicensi asportatum, Sciu-
rum volantum *un écureuil* appellant; pelle ab anterioribus cruribus ad pos-
teriora protensa donatur, quæ res pene digitos patet. Hujus ope è loco
superiori ad inferiorem volando se demittit.

VII. Circa Junium mensem ignis è terra erupit in quibusdam vicis tra-
ctus Eburovicensis. Idque mihi cum iter facerem per ea loca confir-

ANN.
1685.

matum fuit, quod D. De la Hire à D. Erienne Canonico Carnutenſi paulò ante acceperat: qui addidit idem accidiffe in vico vulgo *La Berchere* dicto, atque cum ignem extingui non poſſe.

VIII. Eodem mente ſpeculum metallicum à nobili viro D. De Carouze ſapius probatum fuit. Hoc quidem reliqua magnitudine ſuperat, ſed ubique non eſt æquabiliter expolitur, focus ad 5 pedes producit, & plus æquo patet pro ſpeculi magnitudine; in Obſervatorio id aſſervatur.

IX. Siliquam Cacao, ex quo liquor vulgo *Chocolat* paratur, oſtendit D. Blondel, & Domino Marchant aſſervandam dedit. In ea erant 25 amigdalæ quæ liquoris *Chocolat* ſaporem præ ſe ferebant.

X. Exacto induciarum tempore teſtudinem marinam exhibuit D. Mery, in qua complura obſervatione digna annotavit. Illud imprimis lobum, aur ſaccum pulmonum veſiculis plenum eſſe, hunc per ſeptum membranofum in duas partes eſſe diviſum, quæ in baſi ipſa inter ſe communicant per interjectas veſiculas: In teſtudine terreſtri plurima quoque demonſtravit D. Du Verney quæ idoneo loco proferentur.

CAPUT II.

De Rebus Aſtronomicis.

I. **H** Actenus à D. Caſſino obſervari fuerant Saturni ſatellites ipſi proximi, iſque uſus fuerat obſectivo 100 pedum collocato in ſaſtigio Obſervatorii, quod nullo erat tubo inſtructum, ſed tantum machina ipſum dirigente, quando in ea altitudine Saturnus erat conſtitutus, ut prope Obſervatorii arcem inferiorem incideret ejus focus, qui Saturni radios colligebat. Hi quidem excipiebantur oculari vitæ ſupra aliam machinam conſtituto qua oculare ipſum attolli & deprimi, atque ad motum Saturni transferri poterat, donec in ſitu obſervationi commodo Saturni ſpecies ab obſectivo efformata ſiſteretur, quod nonniſi per breve temporis ſpatium fieri poterat. Opus quoque erat ingenti malo, aut turri, ut obſectivum ad varias altitudines attolleretur. Cum autem turris lignea Marliaci prope Verſalias altitudinis 120 pedum fuiſſet conſtructa, ad hunc uſum facilè eam accommodari poſſe inſinuavit D. Caſſinus, ſi Rex ad Obſervatorium eam transferri juberet. Poſtquam igitur à D. Caſſini eo ipſo in loco ubi adhuc erat, per aliquot noctes ejus rei experimentum factum eſt, id agente apud Regiam Majeſtatem Illuſtriſſ. Marchione de Louvois, in Obſervatorium tranſlata eſt. Quæ illius futura eſſet utilitas Domino de Louvois à D. De la Chapelle ante fuerat explicatum, nempe Teleſcopiis quæ longiſſimè patent in ſummo hujus turris ſpeculatoriæ cacumine aptatis, fore ut faciliùs nova deprehenderentur in cælo Phænomena, & ante inventa comprobarentur. Quamobrem D. De la Chapelle illum rogavit Academiæ nomine ut hanc ab ea iniret gratiam; quod brevi poſt effectum fuit. Tum verò de longioribus tubis conſciendis multùm diuque cogitatum. Varios tuborum typos

propofuerunt D. D. Perrault, Caffini, de la Hire & P. Sebastianus Or-
 dinis Carmelitarum Vir folerti ingenio, & in machinatrice peritiffimus. *Astro-*
nomica
 Machinæ huic rei accommodatæ defcriptionem, qua tubus 160 pedum di-
 rigi & moveri facile poffit, ita ut à recta linea non difcedat, cum Acade-
 mia communicavit, quæ in Commentarios relata eft. Aliam D. Cuffet non-
 dum in Academiam afcitus propofuit huic rei fatis idoneam.

II. Sed D. Caffini longe faciliorem inerat rationem, qua vitra in res
 objectas, feu in cælo, feu in terra pofitas dirigantur, idque citra tuborum
 aut machinarum apparatus: quam in rem magno ufui poftea turris ipfa
 fuit.

Lumen illud quod superiori annoprehenderat, quodque poft Solis
 occafum in confpectum veniebat, nempe mense Februario, magna cura
 eft perfecutus & in ejus caufas inquisivit diligentius, finul & conjecturas
 Domini Facio expofuit. Quæ tum ab eo in eam rem funt obfervata & excogi-
 tata, in volumine Obfervationum Aftronomicarum publici juris funt facta,
 eaque variis in confeflibus lecta funt & examinata.

Insignis illa Jovis macula, de qua identidem verba fecimus, incun-
 te Martio fui copiam fecit ante fexennium non vifa. Hæc utique locorum
 longitudinibus inveniendis utilis effe poteft adhibito tubo optico 16 aut 18
 pedum.

IV. Plurifque Lunæ Eclipses Goæ in India & aliis in locis factas pro-
 tulit: ex quibus concludum ab eo fuit, hanc urbem minus faltem 23 gra-
 dibus à nobis abeffe quam tabulæ Geographicæ designent.

Medium Eclipsiſ Lunariſ quæ die 21 anni 1684 Parifiſ contigit hora 10
 57 min. 50 fec. eodem die Goæ hora 15. 43 min. 30 fec. fuit obſerva-
 tum: adeo ut Meridianorum differentia fit 4 horar. 45 min. 40 fec. feu 71
 gr. 35 min. cum charta univerſaliſ hydrographica Auctore D. Du Val anno
 1677 publicata eam faciat 23 gradibus juſto majorem.

Quæ à Patribus ſocietariſ Goæ facta eſt poſtremæ hujus Eclipsiſ obſer-
 vatio, ab ea quæ in Obſervatorio habita fuit, 4 tantum minutis in ſua
 duratione diſſidet: quod magno eſt argumento illam obſervationem ſatis
 accuratam fuiſſe. Nam ſæpe evenit, ut ejuſdem Eclipsiſ obſervationes eo-
 dem in loco habitæ aliquot minutis inter ſe diſſentiant, cum ob alias ra-
 tiones, tum ob id maxime quod vera umbra à penumbra vix diſcerni
 queat. Cum autem 4 minuta temporis unius gradus differentiam afferant,
 ubi error, ſiquis ſit, ultra 4 minuta non excurrit, non amplius quam unius
 gradus aut 25 leucarum hic futurus eſt. Idem fere ex variis obſervationibus
 Eclipsion aliis in locis, ut in Balearibus inſulis anno 1650, & Leodii
 anno 1612 cum iis quæ Goæ tum factæ funt, collatis concludum fuit,
 quantum melioris notæ tabulæ à vero aberrent.

V. Cum futura eſſet eclipſis Lunæ die 10 Decembris anni 1685, ac
 permagni intereſſet ſi per tempus liceret eam diligenter obſervare, quod
 apogæo tum Luna foret proxima, ubi nulla pene eſt æquatio: adeo ut
 facilius ex ea medius Lunæ motus determinari poſſit, quod Lunarium ta-
 bularum primum eſt elementum: quæ ante eſſent animadvertenda die 24
 Novembris D. Caffini admonuit in hunc fere modum.

ANN. 1685. Apogæum Lunæ in Zodiaco juxta signorum seriem intra 6 annos periodum suum absolvit ; cumque nodi , à quibus prope tum abest Luna cum deficit , intra 8 annos integram revolutionem conficiant contra signorum seriem , hinc fit ut Apogæum & nodi unoquoque sexennio sibi mutuo occurrant , variis quidem in locis Zodiaci , & in diversa Lunæ à Sole distantia : quod conjunctiones & oppositiones quæ eodem quidem mense , sed non eadem hora diei contingunt , eodem in loco non semper observentur.

VI. Quæ duobus his postremis sæculis fuerunt observatæ eclipses Apogæo propiores , vix cum tabulis conciliari potuerunt à D. Cassino , quin unius horæ quadrantis differentia incurteret : tamen si id sibi persuasisset facilius eas conciliari posse quam illas quæ longius ab Apogæo aut à perigæo evenerunt. Nec explicatu facile est utrum id ex ipsis observationibus , an ex occulta quadam nec satis bene cognitâ inæqualitate motuum acciderit. Quamobrem occasionem expectabat Apogæi locum certius definiendi ex observatione quam fieri posset accuratissima. Interim tamen hanc eclipsim ex suis tabulis ad complures annos exactis ad calculos exegit. Ac multum ab aliis Astronomis , præsertim in durationis spatio calculum suum abesse deprehendit. Eam quippe ex suis tabulis paulo minùs quatuor horis duraturam comperit : cum ex aliis tabulis supputata 4 horarum & 18 min. spatium huic tribuatur.

VII. Die 15 Decembris D. D. Cassini & de la Hire prædictæ eclipsis observationes suas legerunt , quæ sibi mutuo admodum consentire visæ sunt. Initium ejus à D. Cassino ante definitum sesquiminuto tantummodo antevertit. Quæ à D. Chazelle Massiliæ , à D. Gallet Avenione ; à P. Bonfa eodem in loco , à D. Regnault Lugduni factæ sunt observationes , parum à se invicem dissentiebant : 12 minutorum cum semisse Massiliam inter & Lutetiam ; trium circiter minutorum inter Massiliam & Avenionem differentia longitudinum ex iis observationibus colligitur.

In hac eclipsi observavit D. Cassinus circa ejus medium umbram reliqua multo densiorem Lunæ discum percurrentem , quam censuit esse umbræ partem minus à Solaribus radiis in aëre refractis dilutam , quam sit umbra reliqua quæ uberiores excipit hujusmodi radios refractos , quibus tribuebat colorem sanguineum qui in hac eclipsi conspectus est. Existimat autem huic umbræ densiori radios intercipi potuisse à montibus in circumferentia Terræ à Sole visæ tunc temporis extantibus & altius se se in aëris regione attollentibus.

VIII. Sub idem tempus D. Thevenot Epistolam 21 Januarii anni 1684 Goa missam , & Latine scriptam exhibuit , cujus hæc est summa. Eos qui ab Occidente in Orientem navigant , ex avibus quæ iis in locis occurrant , conjicere an prope absint à certis locis sibi cognitis : sed multo certius ex acus nauticæ declinatione id colligere. Cum enim noverint sub initium profectionis v. gr. è portu Ulissiponensi , acum magneticam tot gradibus declinare , tum ex observationibus antea factis conjectant , quanta eo anno futura sit declinatio compluribus aliis in locis , per quæ iter facturi sunt.

Exemplo rem illustrat. Dum acus nautica in capite, seu in promontorio *Astro-*
Das Agulas, seu acuum, neque ad ortum, neque ad occalum deflecte-
 nom,
 bar, sed fixa erat ad utrumque mundi polum, Ulyssipone versus Orien-
 tem $7 \frac{1}{2}$ grad. declinabat. Cum autem Ulyssipone 6 gr. $\frac{1}{2}$ tantum modo à
 Borea deflectit, uno gradu circa promontorium acuum versus Ortum ea
 declinare incipit: sed singulis post annis ea crescit. Ab eo loco ad Insu-
 lam Sancti Laurentii augetur illa declinatio, quæque 13 grad. ante fuerat,
 jam est 14 grad. Hinc imminuitur ad Mosambicum littus 3 fere gradibus,
 eaque ad Socotoram usque pene eadem manet: sed Goam usque semper
 minuitur, ea quidem ratione. Cum acus fixa erat in Promontorio acuum,
 rum Goæ declinabat 17 grad. ubi illic cœpit ad Boream vergere, tùm
 Goæ decrescere incœpit. Quando in capite acuum fuit 4 grad. in Goæ lit-
 tore tantum 13 graduum erat, & ita deinceps.

Cum eadem est acus magnetica, nec vires suas perdidit, annua illius
 variatio est fere 10 minutorum, nec suum absolvit circulum, sed ubi ad
 certum pervenit gradum versus Orientem, tum redit ad Septentrionem.

IX. Circa stellas australes Auctor multa animadvertit, illud imprimis
 Canopum nulli alteri cedere nisi cani majori, cui similis est colore & scin-
 tillatione.

X. Quod ad ultimam eclipsim spectat, eam incœpisse ait hora 2. 13
 min. post mediam noctem, & desuisse hora 5. 14 min. adeo ut tota dura-
 tio fuerit hor. 3. 1 min. Qua de re cum uno suæ societatis Patre eoque
 Mathematico Italo collocutus, in ea sententia fuit confirmatus, insignem
 in inappis errorem in constituendo urbium situ inveniri. Negabat eam Me-
 ridianorum differentiam Romam inter & Goam majorem esse 63 grad.
 idque se comperisse aiebat ex observationibus eclipsion quas ex Ephemerid.
 Argoli computaverat, dummodo illæ contigerint temporibus per tabulas
 præscriptis.

CAPUT III.

De Mechanicis & hydrostaticis.

I. **D**Ie decimo Martii cum D. De Louvois per D. Thevenot postu-
 lasset ab Academia ut eum Julii Frontini librum Gallicè redderet,
 qui de aquæ ductibus inscribitur & perobscurus semper visus est: plures
 ex Academia volumen inter se partiti brevi temporis spatio illud sunt in-
 terpretati. Tum suum quisque laborem in medium contulit, & Domino
 Sedileau eorum rerum admodum perito quidquid fuit elaboratum, ut ex-
 poliret & cum exemplaribus interpretationes conferret, traditum est.
 Quod quidem operis non inutile fortassis nec indignum publica luce fu-
 turum est.

II. Interea D. Perrault linearem machinæ descriptionem proposuit qua
 plani declivitas ad profluentem aquam requisiti dignoscitur. Hanc machi-

ANN. nam in hotto suo suburbano parandam curavit, ejus descriptio commen-
1685. tatiis Academiæ est consignata.

Cujus rei occasione D. Cassini chartam nobis exhibuit, ubi Padi prope Ferrariam divortia delineantur, cumque alius amnis v. *Reno*, Ferrariam perveniret, cives ad 7 usque milliaria ejus cursum derivarunt, qui inde Ferrariam per aliam viam remeat, tamen declivitas sit tantummodo pedum quinque.

III. D. De la Hire Sequanam ex urbe labentem libravit, intra mille hexapedarum spatium in longum portectum decem tantummodo pollices declive flumen reperit.

Id quoque ex librationibus accuratis à medio Xisti vel ambulacri v. *Le Cours de la Reine* ad vicum usque Passiacum factis collegit, decem pollicum declivitatem mille hexapedis respondere.

IV. Jam ut ab Hydrostaticis ad artem machinatricem veniamus, D. de la Beaune horologiorum opifex industrius portatile horologium exhibuit, cujus libramentum magnas edit vibrationes, quod in complures agatur gyros. Hoc D. Cassini probavit, idque cum pendulis bene coherere primis diebus comperit, & octava tantum horæ parte post octo dies retardari.

V. Die 21 Julii machinæ figuram exhibuit D. Perrault, qua rudentes sistuntur cum magna firmitate, & liberi dimittuntur non minori facilitate. Quam machinam permagni usus esse docuit ut vis potentiæ trahentis aut impellentis per repetitos conatus magis expedita reddatur. Nam potentialium actiones sunt in duplici differentia constitutæ, aliæ continuato impetu & minime interrupto exercentur, ut elateria & pondera: aliæ impetu aut motu intermissio. Hæc mora aut quies potentiam ipsam trahentem suspendit, eamque distinet, adeo ut nisum suum nequicquam consumat, ut in eo statu perferat id ipsum quod trahitur, & in contrarium nitentis aut retrahentis potentiæ conatum vincat. Quamobrem si quid potentiam tractricem ab eo, ut ita dicam, labore sustinendi aut sistendi in eodem statu corpus ipsum quod trahendum est, vel propellendum ipso quietis tempore eximat, multo majores ei vires & magis expeditas impertiet. Tum huius machinæ fabricam quæ non admodum est operosa, descripsit, atque illius typus in Observatorio cum aliis bene multis asservatur.

Incunte anno 1686 D. Blondel qui ab anno 1669 inter Academicos adlectus fuerat, quique multis ante annis Regius erat Matheseos Professor, ex hac vita decessit pene septuagenarius. Vir erat belli & pacis artibus apprime doctus, Latinæ & Græcæ linguæ inter paucos peritus. Humaniores litteras sic ab adolescentia coluerat, ut in studium Mathematicum potissimum incumberet. In quibus tantos fecit progressus ut à Ludovico Magno selectus fuerit qui Serenissimum Franciæ Delphinum eas disciplinas edoceret. Id quidem in eo fuit singulare ut inter arma, & bellicos tumultus jam à primâ ætate educatum nihil à studio litterarum poterit divellere. Nam & copias duxit, & Europam pene totam peragravit, & publica tractavit negotia missus idem tamen à Rege Christianissimo ad Principes Germaniæ; in rebus agendis & in optimarum artium cognitione disparti

dispari studio, sed pari laude versatus. Multa edidit opera, quorum idoneis locis mentionem fecimus. Nullam fere Matheseos partem intactam reliquit; in Architectura militari & civili excelluit. Cujus rei fidem faciunt substructiones quædam post bellum Batavicum factæ quæ urbi magno sunt ornamento. Ejus opera in designandis & perficiendis his operibus usus est vir Illustrissimus, qui postea sacri ærarii præfectus fuit, & Regni Administer, sed animi præstantia, & pietate illustrior.



SECTIO TERTIA.

De iis quæ anno 1686 acta sunt.

Cum suscepti labores in Botanicis, Chymicis & Anatomicis hoc anno & iis qui consecuti sunt, eodem tenore & studio fuerint continuati, & majori ex parte, scriptis consignati, qui suis temporibus in publicum prodibunt, summam eos perstringere satis fuerit. Non possumus enim citra aliquod fastidium omnes stirpium descriptiones & analyses, animalium dissectiones & alia ejus generis jam fuscè explicata retexere.

CAPUT PRIMUM.

De Physicis & Chymicis experimentis. & historia animalium.

I. **Q**Uæ igitur ad historiam naturalem spectant, si forte quædam occurrant, velut in transitu ea perstringere contenti, reliqua fere *Phy-*
omitemus. Die 25 Maii lecta est Epistola Vesuntione ad D. Dodart scri-
pta, in qua pleraque erant scitu digna quæ ad naturalem spectant his-
toriam.

1. Quasdam in Comitatu Burgundiæ speluncas oblongas occurrere sexcentis congelationibus plenas, quæ promiscuas formas referunt.

2. In quodam exiguo colle foramen patere sæpius omnino siccum, ex quo ter aut quater unoquoque anno torrens aquæ erumpit, quo vicinus & patens campus inundatur.

3. Quod singulare est & admiratione dignum jam supra memoratum, quantâ ab urbe Vesuntione leuca naturalis quædam est velut glaciæ repositæ officina. Amplum est antrum in clivo montis arboribus opaci fiam. Hujus aditus portæ urbis refert, fornix admodum excelsa, adeo ut locus satis illustretur lumine, quadrato cœnaculo non absimilis, glaciæ velut crysillo sitatus. Sæpè glaciæ ad 4 pedum altitudinem assurgit, atque è fornice pendente complures velut encarpi *v. Festons*.

Hiberno tempore fornix oppletur densis vaporibus, in medio fluit rivus;

ANN. lus : cum in aditu quædam arbores refectæ fuissent , multo minorem glaciæ
1686. copiam antrum per complures annos dedit.

II. Extremo Julii die lecta est altera Epistola ad D. Abbatem Nicasium, Vefuntione ab amico qui in ea urbe degebat missa. Hæc utique quæ mox protulimus confirmat , mulos & carros undequaque eo confluere qui glaciem in circumjectas urbes & Ararim usque asportent : nec tamen hanc specum exhauriri ; plus glaciæ fervidior æstatis dies suppeditat , quam octonis diebus detrahitur.

Antrum 35 passus profundum , sexaginta latum , fornix ultra 60 pedes attollitur. Rivus qui partem antri occupat , æstate congelatur , hieme fluit. In hujus fundo lapides reperiuntur qui mali medici corticem apprime referunt.

III. Qui hanc scripsit Epistolam cum antrum adiisset una cum magna hominum multitudine , certior factus est quosdam vapores sursum in specu effert ; idque futuræ pluriæ certum esse indicium , quod utique non fecerit. Ac rustici cum opus in agris faciendum est , hoc naturale Calendarium consulunt , atque ex sereno aëre aut vaporibus an cælum serenum futurum sit , vel secus , judicant.

IV. Vir nobilis & eruditus D. Cocheret die 27 Januarii ossa quædam , in veteri sepulchro , ubi viginti quinque jacebant cadavera , reperit in agro suo prope oppidum Passiacum in Normania. Quidam capitibus lapides subtrati erant in formam securis incisi , qui cum cervi cornu erant commissi : ita ut admodum sit verisimile tum temporis nondum iis in locis ferrum in usû fuisse.

V. D. Petrault lapillos quosdam ostendit admodum terfos è Delphinatu allatos. His utuntur abstergendis sordibus , quæ casu quodam in oculos illapsæ magnos sæpe dolores creant. Cujus rei in seipso periculum fecit : nam refecti unguis segmen , quod in oculum forte irruerat , admoto lapillo cecidit , quid autem de hoc lapillo qui admodum erat exiguus , factum fuerit , scire non potuit ; alium postea majorem adhibuit qui oculum subiit , & post trium horarum spatium ultro cecidit.

VI. In fonte vici Roquencurtii prope Versalias phænomenon quoddam inusitatum proposuit D. de la Hire , cujus rationem ex Academia quæri voluit Illustriss. D. De Louvois. Fons ille motu admodum irregulari manat. Interdum enim nulla ex eo aqua profluit ; Decimo aut duodecimo post largiorem imbrem die uberior fluit. Id visum est D. de la Hire solum pingue à pluvia paulatim penetrari : sed ubi ad terram arenosam pervenit , citius illam pervadere. Unde in magna siccitate fons nihil aquæ suppeditat : idque non dissimili modo evenire conjiciebat , ac videmus in saccharo expurgando fastidari : nam basis saccharini coni intra typum ligneum contenti creta humidiori obducitur ; aqua sensum per eam terram aut margam percolatur , quæ secum partes viscosas saccharo circumfusas deferret , eaque per angustum foramen in typi apice aptatum defluit.

VII. Neque id tacendum puto à D. Thievenot commemoratum , marchasitis quæ in vico Ithaco prope Lutetiam , & in vicinis locis passim occurrunt , lixiviatas , virgas ferreas immerfas cupreâ crustâ obductas aliquando visas à se fuisse.

VIII. Multa circa stirpium analyses fuerunt proposita, ex quibus nonnulla selecta sunt. Illud imprimis, ut fabæ illius nunc adeo pervagaræ v. *Café* dictæ diligens fieret analysis : quod præstitit D. Bourdelin. Primum è tribus libris 20 unciaë liquoris sunt exstillatæ, in quo plurimum erat acidi cum sulphureo intime permisti, uti ex ultatit probationibus exploratum fuit, olei quoque magna copia esteducta, 3 nempe unciaë & 2 drachmæ, idque non liquidum, sed concretum erat, salis fixi uncia cum 60 granis.

Hist.
Anim.

Idem phascoli & ejusdem ponderis, ut moris est, rosti, atque ad duas libras cum semisse redacti, liquorem 10 unciarum & paulo amplius præbuerunt ex acido itidem & sulphureo ita permistum, ut utrumque manifeste se proderet. Sed in ultima hujus liquoris portione 2 unciarum cum semisse uberior sal volatilis inerat : nam una cum spiritu salis multum efferebuit, olei 7 unciaë cum sex drachmis, salis fixi 9 drachmæ cum semisse.

IX. Illud pene mihi exciderat, quod D. de la Hire circa ventos tum temporis animadvertit, æstate sæpe evenire ut sereno cælo cum aliquæ tantum nubes glomeratæ & sparæ videntur. æque mediocri aguntur vento, ubi una ex iis Solem tegit, aut quod eodem recidit, cum illius umbram subimus, tum ventus accessu nubis plurimum augeatur. Cujus effectus hanc probabilem causam afferebat, subjectum nubi aëra densari, dum circumfusus calore Solis magis dilatur. Sed promota nube aër antea illuminatus, & rator condensari incipit, ac minus occupat loci, quique ante opacatus fuerat aër jam distenditur, & majorem affectat locum, cumque is vicinum circa aëra itidem dilatatum offendat, neque adeo valeat cum repellere, non alius ei patet aditus, quam ubi aër nubis accessu frigidior sit, & contractus. Hinc aër motu suo venti flatum juxta nubis directionem auget; idque lineari figura adhibita exposuit.

X. Nunc ad historiam animalium stylum vertamus. Hanc D. Perrault variis in congressibus ita est persecutus, ut animadversiones suas & notas D. D. Du Verney & Mery proponerent; quidquid erat elucubratum D. Gallois recognosceret, idque quantum fieri potuit elimatum typis mandari cœpit.

Interim animalia, ut ea fors obtulit, dissecta sunt, pauca è multis profereamus. Die 2 Januarii D. Du Verney in Erinaceo Pericardium deesse & illius vicem obire mediastinum, ac quædam alia huic animanti propria animadvertit.

XI. Alia deinde incidit animalia, avem imprimis Versaliis allatam quam Gruem Africanam vocant, mustelam quoque & simiam. In Gruæ id observavit trachæam in tres diductam anfractus instar rubæ bellicæ esse convolutam, quæ coactæ in sterni sinu continentur : nam in his avibus sternum est excavatum. In mustela odorata duos sacculos prope anum deprehendit liquore admodum penetrante oppletos, hinc forte excrementorum fragrans odor.

XII. D. Thevenor lacertum viridem exhibuit die 12 Junii. Illius cauda rescæta quasi renasci visa est : seu nova illi cauda succrevit, seu

ANN. callum inductum fuerit ; illud additamentum intra 12 dies pene 8 lineis
1686. auctum fuit. Die 3 Julii idem lacertus allatus est , atque illius cauda plurimum auctam fuisse compertum. Hujus caudam post aliquot dies resectam increvisse deprehensum , sed eo in loco cartilago tantum erat cava pelle obducta. Dissertationem ea de re conscripsit D. Perrault.

XIII. Die 31 Julii D. Theroude Parisiensis Chirurgus peritissimus aortam hominis subita morte extincti protulit , in qua concretiones lapidæ inventæ , quæ spatium inter valvulas sigmoïdes comprehentium implebant.

XIV. D. Mery fœlem odoratam vulgo *une Civette* , quam una cum D. Du Verney inciderat , protulit. Fœmina erat , in qua præter alia multa sunt observati tubuli , qui lac ad mammarum papillas subvehunt , quique , ut verisimile est , è glandulis quæ tub sensus non cadunt , originem ducunt suam.

XV. Facta sunt experimenta quædam circa materiam quæ in ventriculo columbæ invenitur : ventriculus ipse aquæ tepidæ immeritus fuit , quæ succum heliotropii rubeo colore tinxit. Ex quo id suspicari licet succum digestionis opificem in iis acidum esse.

XVI. Lupum quoque Cervarium afferendum curavit D. Mery , liquor injectus in intestina portæ ramos pervasit ; musculos , ligamenta , annulos aut trochleas , quæque ad motus pedis anterioris conspirant , idem demonstravit.]

CAPUT II.

De rebus Astronomicis & Mechanicis.

DIE 13 Julii P. Tachard Societatis Jesu observationes à se factas in Promontorio Bonæ Spei circa Jovis satellitum eclipses exposuit , quæ collatæ cum tabulis D. Cassini differentiam Meridianorum ab ea quæ in Mappis est designata , non multum dissidentem dederunt.

Exeunte Februario conjunctio Jovis & Martis à P. Le Comte qui tum in Siamensi regno degebat , & ab aliis suæ Societatis fuit observata. Hanc una cum illis anxio valde animo observabat Rex Siamensis , quod illi persuasum esset hanc planetarum conjunctionem sibi infaustam fore , neque ab ea persuasionem deduci potuit.

II. Dissertationem de Saturni satellitibus hoc anno elucubratam legit D. Cassini quæ typis mandata fuit. Duos satellites ante biennium deprehenderat , quorum motus in hoc tractatu definivit. Usus est vitris à D. D. Campani , Borelli & Hassouquer elaboratis. Tubo autem imposuit vitrum Campani 70 pedum , fulcro in eam rem parato à D. Cusset aptaverat. Id fulcrum scalæ triangularis formam exhibet.

III. Inter alias observationes illa insignis fuit , qua Jovis & satellitum ex interjectu corporis Lunaris visa est defectio , quæ cum eodem tempore Parisiis , Avenione , & Massiliæ fuerit observata cum aliqua varietate ob-

longitudinum & latitudinum differentias, hæc distantia Lunæ à terra de-
terminandæ utilis fuit. *Astro-
nomica*

IV. Nonnulla quæ ad doctrinam temporum spectant, D. Cassini suæ præfationi adjecit, illud imprimis quod ad periodum 600 annorum annotavit. Illud etiam advertit easdem recurrere Lunæ eclipses post 669 mensium revolutionem juxta veterum observationes; priorem periodum Josephus in primo antiquitatum libro magnum annum appellat, qui nonnisi post 600 annos perficitur, ad quem inveniendum Auctor ille asserit, primorum parentum vitam ultra hunc terminum à Deo fuisse productam. D. De la Hire eclipses Lunæ post 2148 menses redire animadvertit.

V. Die 4. Maii D. D. Cassini & De la Hire observationes maculæ in Sole postremum visæ collatas invicem exhibuerunt. Hanc D. Cassini deprehendit ad medium Solis pervenisse die 29 Aprilis hora 8 vespertina, & descripsisse parallelum declinantem à Solis Æquatore grad. 27 ad Austrum.

Eandem maculam contulit cum alia quam observaverat mense Maio anni 1684 in eodem Solis parallelo, medianque Solis tenuit die 11 Maii, hora quarta ante meridiem. Intercessit ergo inter mediationem Solis utriusque maculæ intervallum dierum 714, horarum 12, quod distributum in 26 revolutiones dat unicuique revolutioni dies 27, horas 11, 32 min.

Id uero quaesivit inter observationes Scheineri, si forte ex iis aliqua easdem fere haberet cum his duabus condiciones, atque id deprehendit ejusmodi maculam fuisse, quæ ab eo fuerat observata anno 1625, quæque medium Solis tenuerat die 16 Maii hora quarta vespertina Romæ, quæ sunt tres horæ 18 min. Parisiis cum simili declinatione Australi. In ejectione temporis intervallo hanc inter observationem & eam quæ anno 1686 habita est, invenit revolutiones 810, dierum 27, horarum 11, min. 32, & hanc periodum censuit accipi posse in modulum Solarium revolutionum à terra apparentium.

VII. Quæ mense Decembri Lunæ eclipsis contigit, à D. D. Cassini & De la Hire fuit observata. Pars Lunæ obscurata omnino excolor erat, ita ut à cælo circumfuso secerni vix posset.

VIII. Hic annus novarum machinarum proventu felix fuit, quas tum Academici, tum exteri proposuere, atque eatum typi aliqua ex parte in Observatorio asservantur. Insignes præ cæteris videntur illæ duæ machinæ quas in principio hujus anni proposuit D. Perrault, & fusius descripsit die 20 Aprilis. Hæ magnis ponderibus attollendis inserviunt, quodque in machinis compositis plurimum nocet, attritus nempe partium in his pene omnis abest. Nam in simplicioribus quibusdam organis, aut nullus est, aut modicus, ut in simplicis vectis usu qualis in balance usurpatur, aut in scytale vel palanga v. *Rouleau*, qua uti solent in volvendis supersuper planum horizontale aut paululum inclinatum corporibus: non enim ad alios usus adhibetur; sed modum invenit D. Perrault, quò illud organum vim suam exerat citra ullam fere pressionem, vel partium attritum: nam æquabilis utriusque motus est in his machinis quas dilucidè exposuit, & figuris adumbravit.

Idem alterius machinæ non tollendis oneribus, sed incundis calculis ac-

Ann. commodatam excogitavit. Eam Abaci Rabdologici nomine appellatam, 1686. verbis & figuris aptè expressam dedit, quæ Commentariis fuit consignata.

IX. Die 4 Maii D. De la Brosse quasdam proposuit machinas à se excogitatas. Inter aliis una erat pluribus tubis & epistomiis instructa, cujus usus in attollenda aqua positus est. Aliæ agriculturæ inserviunt; atque earum machinarum typi in loco prædicto fuerunt repositi.

X. Eodem Mense D. Rouillon Barreduensis machinas linearibus descriptionibus adumbratas proposuit. Prima ex iis aquæ sursum tollendæ beneficio inclusi aëris in aliquot vasis destinata, difficilis in executione fuit iudicata.

Secunda magno usui esse potest in salinis: nam aqua falsa ejus ope è puteis purior extrahetur, quam per Anrlas, uti fieri solet: quæ cum plus satis aquam commoveant, aqua dulcis quæ falsæ supernatat, cum falsa permiscetur. Sed aqua falsa commodè per situlas quadratas, & ut moris est, concatenatas, vulgò *un Chapelet*, extrahetur, si cujusque situla fundo aptetur assarium, seu valvula, v. *Souspape*. Hæc enim aperitur aqua subeunte, cum è puteo emergit situla, tum proprio pondere relapsa, valvula situlam occludet, & aquam retinebit, quandiu rotæ beneficio situlæ invicem connexæ sursum attollentur. Quantum compendii allatura sit hæc machina experiri non erit difficile, si duæ lagenæ impleantur aqua falsa: quæ enim vulgari modò extrahitur, multò minùs salis datura est, quàm quæ per hanc machinam educetur.

Tertia est torcular ex duplici arbore compositum, utraque vestis munus obit, & pressionem multum auger.

XI. D. De la Hire demonstrationem mechanicam exposuit Bilancis, cujus alterum brachium est horizonti parallelum, alterum est inclinatum. Ex ea demonstratione pendent ea quæ de cochleæ viribus tradi solent.



SECTIO QUARTA.

De Actis Academicis anni 1687.

Quæ ad Plantarum analysim, & Chymica spectant elementa, priori loco exequemur.

CAPUT PRIMUM.

De Plantarum Analysis, & Chymicis laboribus.

I. **H** Erba cochleatia quæ adversus scorbutum adhiberi solet, fuit exstillata, liquorem ex acido & acri mistum dedit. E sex libris duæ

fere uncia olei, sex lixivialis salis drachmæ sunt extractæ.

II. E Lactuæ silvestri liquores omnes acidi prodire, extrema portio- Chy-
mica.
ne excepta, quæ multum efferebuit cum spiritu salis; olei uncia duæ cum semissè è 5 libris; salis fixi 9 drachmæ cum semissè admodum lixivialis eductæ; adeo ut hæc planta inter frigidas minimè censenda videatur, ut vulgaris fert opinio.

Hoc utique exempli loco protulimus ut manifestum fiat vires plantarum ex analysi, si minùs accurate, saltem longè perfectiùs quàm ex Aucto- rum traditione exploratas haberi posse, quæque ut frigida interdum habentur, plerumque inter calidiores referri debent. Nam plantæ in quibus uberior est liquor acer & sulphureus, sal fixus, olei itidem major copia, non dubium est quin in calidiorum censu sint reponendæ.

III. Fellis suilli quinque libræ subjecto igne expressæ varios itidem li- quores, eosque sulphureos, olei 5 uncias cum semissè præbuerunt. Ex quibus sesqui-uncia instar Colophonæ, aut bituminis crassa erat & compacta. Hi liquores sine sedimento manserunt, nec mutati, nec fœtidi. Unà digesti leni ignis calore per 31 dies 4 aut 5 uncias pellucidi liquoris in fundo reliquerunt.

IV. Nova quædam & expedita magis Bononienses lapides calcinandi ratio prolata fuit à D. Homberg nunc Academiæ Socio. Limata superficie & terra peregrina detracta lapides aliquot aquæ vivæ communi paululum sunt immersi, & aliorum lapidum pulvere involuti; lapilli pellucidi & minutiores selecti qui in pulverem contriti furnulo prunis pistorum ad spiracula usque oppleto sunt impositi. Is carbonibus usque ad summam superpositis, ac prunis ante accensis in craticula subjectis operculo testaceo oclusus est: Igne consumpto lapides jam refrigerati sunt educti. E pulvere variæ factæ sunt figuræ in obscuriori loco radiantes. Furnulus supra craticulam 7 pollicibus cum semissè in latitudinem patebat, quatuor in eo erant spiracula duobus digitis alta & sesqui-digito lata; craticula fere sex digitis infra spiracula collocata.

V. Mense Junio D. De la Chapelle concretionem lapideam admodum densam in aquæ ductibus vici d' *Arquëuil* inventam exhibuit. Ejusmodi concretiones singulis annis per strata alia aliis superposita augeri testantur Operarii. Æstate tantummodo formantur, quando hieme uberiores pluriæ aut nives deciderunt. Ejusmodi concretiones ad pedis usque crassitiem aquæ ductum sæpe incrustant. D. De la Hire ejusmodi lapides calcinatos aqua perfudit, qui instar gypsi induruerunt; sed exactis diebus 15 aqua pene omnis exhalavit.

VI. Marmor faciliùs in oleo vitrioli aqua diluto quàm in puro exsolvi ostendit D. Borel, contra atque in aqua forti evenit, quæ pura solvit citiùs corpora. Spiritus nitri pulverem marmoreum citra præcipitationem & cum mediocri calore dissolvit; Spiritu aceti lentius quidem, sed tamen solutus fuit; in concretiones lapideas aquæ ductus vim suam fortius exeruit; spiritus salis marmoris solutionem turbidam effecit.

VII. E duabus crudi Cacao libris varii liquores utroque sale acido & acri permisti exierunt; sed multum olei, 14 videlicet uncia cum semissè

ANN. ex eo prodierunt, falis semi-uncia. E libra tosti Cacao cortice detracto cum
1687. eodem sacchari pondere, 2 Cinnamomi drachmis & semi-drachma illius
aromatis quod Vanillas vocant, pervulgata mullura vulgo *Chocolat* dicta
conficitur.

Plantarum descriptiones à D. D. Dodart & Marchant prætereo, quas
eadem diligentia sunt persecuti.

CAPUT III.

De Rebus Anatomicis & Animalium Historia.

I. **Q**Uæ ad historiam animalium spectant, à D. Perrault primùm elu-
cubrata, tum à D. D. Du Verney & Mery discussa typis mandata
& recognita sunt eodem quo antea studio.

Die 15 Februarii Avis Regiæ Versaliis allata dissecta fuit à D. D. Du
Verney & Mery.

II. Avis illa exteriori suâ formâ est insignis, collo & cruribus præ-
longis, caput subtilibus plumis quasi holoferico pileo instructum. Sed præ-
ter cætera in occipite conspicua est penna ex plumulis in fila alba diduc-
tis, & umbellatim dispositis, qualem fere pileis ornandis adhiberi solent.
Atque hinc nomen suum Avis Regiæ nacta est, quod eam pennam instar
coronæ gesserit. Quæ in forma exteriori, & in partibus interioribus sunt
animadvertæ, in descriptione ipsa cum publici juris facta fuerit, intueri li-
cebit. Ista enim velut in transitu delibamus.

III. Cum D. Mery aquilæ, casuelis & corvi cadavera allata curavisset,
in iis omnibus circulum osseum circa corneam ostendit, qui pars est
interior scleroticæ membranæ.

IV. D. Du Verney, quod paucis ante diebus acciderat, eodem die no-
bis enarravit. Cum in cane venam cruralem aperuisset, ut circuitum san-
guinis demonstraret, mortuo cane, aqua frigida in venam injecta motum
in musculis tremulum effecit. Idque extinctis animalibus ubi nervi pun-
guntur, plerumque observatur: nam spiritus sic moventur, ac si animal
adhuc spiraret. Frustulum duræ Menyngis in osseam consistentiam conver-
sæ ostendit; hominis erat mente capti.

V. In oculo Struthionis D. Mery scleroticam ex duplici membrana com-
positam exhibuit: exterior opaca est, interior pellucet, neque cum cornea
continuatur. Duos quoque parvos musculos subjecit oculis, qui interiorem
palpebram versus majorem angulum retrahunt; unus ex parte intima orbi-
tæ, alter è scleroticæ opacioris membranæ suam ducit originem. Inter sele-
roticam & corneam circulum osseum, cujus meminimus, in avibus ex-
ploravit, isque quasi ex variis piscium squamis constat, quarum aliæ aliis
incumbunt; palpebram quoque superiorem tribus musculis instructam ostendit,
quotum duo ab orbitæ limbo versus majorem angulum, tertius à sele-
rotica opaca suam ducit originem.

VI. Pisciculum qui est instar Barometri coram exhibuit D. Cassini. Hic in lagena quæ aqua limpida plena est, alitur, caput extra aquam idem-
tidem offerre visus est, cum sudum erat tempus, & aëris bullas ex parte
sui inferiore emitte.

VII. Ac de iis quæ ad historiam animalium & anatomiam spectant ha-
ctenus, nisi forte eo quoque referantur, quæ incunte hoc anno circa sali-
vam & ventriculi liquorem à D. Du Verney sunt observata. 1. Juniorum
salivâ heliotropii succum non rubere: cum in seniorum & maximè in scor-
buticorum saliva res aliter se habeat, quòd in his sit acidior. 2. Qui in
tribus primis ruminantium ventriculis inest liquor, nihil fere est præter
salivam: sunt enim glandularum expertes. Quarti ventriculi liquor helio-
tropii succum rubeo colore tingit. Avium ventriculi glandulis destituti vi-
dentur, tametsi acido succo abundant. 3. Quæ à D. Bourdelin circa vi-
tulinum coagulum fuerant observata, comprobavit: nam lota & exsicca-
ta membrana lac tepidum coagulavit, & succum heliotropii rubro colore
infectit. 4. Id quoque animadvertit chylum, qui supra bilis in duodenum
ingressum colligitur, in varia granula divisum apparere.

C A P U T III.

De Rebus Physicis.

I. **Q**Uæ sunt Physicæ contemplationis non indiligenter fuerunt pertra-
ctata, & ea maximè quæ ad magnetem spectant, multa de hoc
argumento sunt agitata. Tum verò insignia quædam Lugduni facta fuerant
à D. Puger experimenta, quæque ad D. Thevenot miserat, ac typis pos-
tea excusa sunt, & nuperrimè Lutetiæ iterata. *Physi-
ca.* **U**sus est magnete mole par-
vo, sed virtute magno. Hujus diameter est unius pollicis & armatus quin-
que ferri libras sustinet. Quædam ex iis experimentis quæ majorum admi-
rabilitatem habent, tomo 5. Philos. veteris & novæ allata sunt, & ra-
tiones ipsæ ex D. De la Hire pag. 365 redditæ, quas hoc loco repetere
nihil necesse est.

II. Complura quoque è Physicis sunt ab exteris preposita, quæ usui
esse possunt. Sic die 19 Martii D. Hachouker duo vitra terrea & cava coram
exhibuit, quorum unum erat 17, alterum 7 pollicum, quæque stanno in-
ducta ut specula metallica radios Solares colligere, & ignem possunt ac-
cendere. Idem affirmabat se palam ostensurum aquam fontanam aëri expo-
sitam innumeris animalculis plenam existere, cum quibus aëris itidem ani-
malcula copulantur, & mirum in modum propagata in volatilia abeunt. Hoc
ipsum postea multis experimentis fuit comprobatum.

III. Die 2. Aprilis D. Perrot Regiæ vitrariæ officinæ Aurelianensi
præfectus, novi operis specimen Academiæ exhibuit, quo vitrum fustum sic
excavatur, ut omne figurarum genus, inscriptiones & ornatum excipiat,
& in amplam molem diducatur.

IV. Die 7 Maii cum D. Homberg machinam suam pneumaticam af-

ANN. portatam curasser, multa in ea fecit experimenta. 1. Globus vitreus cujus
1687. di meter erat 13 pollicum, exhausto aëre levior uncia factus est, quàm antea aëre plenus.

2. In vase exinanito sclopetum explosum nullam pene emisit flammam, quæ in aperto aëre magna fuit.

3. Phosphorus siccus, tubo vitreo inclusus, ad globum applicatus, omni luce destitutus apparebat inter exhauriendum aëra, quo subeunte ingenitam lucem recuperabat.

4. Lachryma vitrea in vacuo diffracta est.

5. Limatura chalybis aquæ forti imposita cum ebullitione fuit dissoluta, sed non ea vi qua solet in aperto aëre.

6. Magnetis experimenta non aliter in vacuo quàm in aperto aëre facta sunt.

V. Cum de variis auri generibus sermo haberetur, D. Galloys admonuit aurum Siamenſe nostro flexibilius esse ac minùs distumpi, fides clave cymbali ex eo ductas graviorem edere sonum. Sic aurum Guinenſe in folia ductu, aut in perforata lamina illud in stamina tenuari faciliè posse docuit D. De la Chapelle.

Die 23 D. Gallois epistolam ad se ex Italia missam legit, in qua de puella quæ noctu per aliquot tempus videbat, mentio habebatur.

VI. In Epistola quam die 27 Junii anni 1686 P. De Fontenay Siamoniſit ad D. De la Chapelle, inter alia scripsit lignum quoddam in ea esse regione, id vocant lignum *de Solon*, quo sanandis febribus utuntur, nec cortici Peruviano hujus ligni corticem multùm abſimilem judicabat, Ibi esse malum aureum v. *de Soncher*, cujus fructus est exquisiti saporis; hanc arborem in Gallia coli & educi posse existimabat. Alios fructus palato gratos commemorat, duriones imprimis peponibus similes. Alium fructum memorat instar pomi rotundum *Mangoustan* vocant, pelle foris nigra, intus rubra, fructus est candidus, ab uvæ sapore non alienus. Hos fructus & arbores in quibus nascuntur, descripsit P. Beze in Physicis & Mathematicis observationibus editis à P. Gouie anno 1692.

Inter Physicas observationes P. De Fontenay, illa postremo loco non est habenda, qua notatum fuit maris aquam repescere, & aëra sulphureo odore perfundi, antequam typhones formentur, adeo densum esse aëra ut stellæ cælo sereno non videantur, aliaque subesse indicia. Ex igne subterraneo ejusmodi tempeſtates excitari iusta suspicio est.

VII. Incunte hoc anno D. De la Chapelle observationes à P. De Fontenay & aliis suæ Societatis factas in Premontorio Bonæ Spei, cum epistola ad Academiam scripta exhibuit. Has observationes in itinerario suo tum edito magna ex parte exposuit P. Taschard.


VIII. Die 12 Novembris D. De la Chapelle duas litteras à P. De Fontenay Siamoniſit datas accepit, cum observationibus Astronomicis, quas P. Taschard prælo mandari curavit. Ex primis observationibus eadem meridianorum differentia eruitur, quæ ex postrema Lunæ eclipſi definita fuerat. In posteriori Epistola mentionem facit Observatorii, quod Rex Siamenſis tum extruere cogitabat, & cujus fundamenta jecerat; illius ædificii forma fuit delineata.

Sub idem tempus D. de la Hire litteras à D. Hugens accepit quibus *Chy.*
eum certiore fecit objectiva vitra, eaque optima Telescopiis 150 & 200 *mica.*
pedum aptanda à se parata esse & polita.

IX. Nonnullas differtationes de rebus Astronomicis à se elucubratas legit D. Cassini. Prima historiam Astronomiæ complectitur, quæ Operi nuper edito præfationis loco præfixa est, atque eo anno mandari typis cœpta. Secunda theoriâ Jovis continet, quæ postea ad exitum perducta est, Tertia novam methodum observandi Planetarum conjunctiones continet. Quarta est dissertatio de Solis defectionibus.

X. D. Cusset penduli cujusdam hydraulici formam exhibuit aquis exhauriendis destinati. Figura hujus machinæ commentariis inserta est, & typus illius in Observatorio cum aliis machinarum exemplis asservatur.

Hæc cursim attingimus, quod longiorem & difficilem explicatum habeant, neque nobis illud sit propositum quæ acta sunt omnia, aut cogitata minutiùs describere, summa rerum fastigia decurrere contenti.



SECTIO QUINTA.

De iis quæ acta sunt anno 1688.

A Chymicis ducemus exordium, tum ad Anatomica, Physica & Mathematica progrediemur.

CAPUT PRIMUM.

De Chymica Analyse.

I. E Andem pene breviter in iis exponendis quæ ad Chymicos labores spectant, sequemur, quæ usi sumus in superiori sectione. Nam res esset fastidii plena per singulas ire observationes, quæque è mixtis corporibus prodire partes aut principia singillatim expendere. Illud satis fuerit admonere, hoc anno materiam ex qua medicamenta componi solent, igni subjectam fuisse, gummi imprimis, resinas & ea potissimum quæ magis sunt usitata.

Ex iis præcipua fuere lacca, gummi balsaminum, assa fœtida, opoponax, sagapenum, euphorbium, olibanum, mastiche, myrrha, thus commune, storax liquidum, sarcocolla, labdanum, pix Burgundica, pix nigra, therebintina, colophonina vulgaris, resina communis, & nonnulla bituminum genera.

Id pene omnibus commune fuit ut parum liquoris, multum olei ex hoc pingui mixtorum genere expressum fuerit: liquores pene omnes acidi; olea quoque rectificata heliotropii succum rubeo colore imbuerunt. E duabus

ANN. 1688. libris v. gr. Laccæ vix 4 uncia aquæ stillatitiæ, sed 22 uncia olei sunt eductæ; caput mortuum 3 unciarum cum semisse calcinatum ad unam reductum est drachmam. Idem materiæ pondus in omnibus fere servatum est, 2 nempe librarum.

II. Tres aut circiter terebinthinæ Venetæ libræ, tres tantum uncias cum semisse liquoris, 39 & semis olei præbuere. Eadem fuit ratio colophonix; nihil fere salis ex utrisque prodiit, sed è resinæ 2 libris quatuor salis drachmæ cum semisse eductæ; 26 uncia cum 4 drachmis olei, 4 uncia acidi liquoris: qui primum exiit liquor, folia picæ arboris saporis & odore referebat.

III. Ex bitumine quod asphaltum vocant, vix una aquæ stillatitiæ uncia, sed olei 14 sunt extractæ. Sic gummi Ammoniacum, & Elemi eodem modo liquoris. Ex Bdellio major aquæ copia elicitur, quæ acido & sulphureo sale imprægnatur & una cum oleo stillat.

Interea D. Borel experimenta quædam circa mutuam acidorum & salium quos Alkali vocant, quique sulphurei sunt, pugnam proposuit. Aqua usus est communi in qua salis Alkali pars minor quam millesima erat, unciam vitrioli in octo aquæ communis uncias exsolvit. Hanc vitrioli aquam prior illa cui tantillum salis Alkali addiderat, turbavit. Idem in sublimati solutione experimentum fecit; in solutione vitrioli præcipitatio non subito, ut in sublimati solutione, sed paulatim efficitur. Unde quæ sit salis Alkali vis, melius ex vitriolo quam ex sublimato dignoscitur. Quin & Alkali magis debilitato & in dupla aquæ quantitate, nonnihil sublimato & vitriolo visum est accidere sensibilis mutationis; tanta est hujus salis vis, & in partes minimas divisio.

IV. In urinæ analysi hæc fere animadvertit D. Borel 1. urina iteratis distillationibus, ter nimirum rectificata adhuc turbatur: adeo ut partes ejus in jugi motu positæ videantur. 2. Urina in fermentatione per aliquot dies relicta, ita ut dimidiata tantummodo, non plena esset fermentatio, spiritum nihilominus dedit, qui cum spiritu vini coagulatur, sed is fluiditatem suam facile recuperare potest. 3. In distillatione primum spiritus, tum phlegma copiosum, iterum spiritus exit ejusdem cum priori naturæ, quique consimili modo cum spiritu salis effervescebat. 4. Liquores crassiores sub finem sunt educti; liquori rubeo innatabat pinguedo inflammabilis quæ videbatur esse materia Phosphori.

V. Urina Mercurium melius quam saliva sistit, atque, ut aiunt, amalgama ex utrisque firmitus efficitur. Negabat ex eo effectû salivam acido vel Alkali sale imprægnatam concludi posse: cum urina heliotropio rubeum colorem impertiat. Cum autem ea præcipiet quæ ab acidis sunt dissoluta, hinc colligitur eam ex acido & Alkali constare; spiritum urinæ cum tartaro extillatum, ut spiritum salis ammoniaci in frigido loco coagulari, uti & cum spiritu cornu Cervi & spiritu vini, non item si cum calce distilletur, tum enim non concrevit. Illud quoque subjecit sale tartari licet acerrimo lac coagulatum fuisse.

VI. Plantarum quoque analyses sunt continuatæ & earum maximè quæ à D. Marchant primum, tum à D. Dôdart jam erant descriptæ, &

præter eas nonnullæ ex uſitatis, quæ vulgo inter refrigerantes habentur, *Chymica*. nec ſunt tamen. Exemplo ſunt, ut diximus, folia cychorei ſylveſtris cujus *mica*. folia per analyſim explorata multum ſalis tum volatilis, tum fixi, nec parum olei præbuerunt. Qui poſtremus exiit liquor, una cum ſpiritu ſalis valdè efferbuit. Quinque foliorum libræ olei unciam cum ſemiſſe, ſalis lixivialis ſeptem drachmas ſuppeditarunt, tantundem fere olei & ſalis fixi è radicibus prodiit.

CAPUT II.

Anatomica.

I. **C**Um in hujus anni principio vir Illuſtriſſimus quodam apoplexiæ genere, ut credebatur, percuffus obiiſſet, D. Du Verney aperto cadavere cerebri ſanum, interiora quoque viſcera invenit integra: ſed inverſo corpore magna ſanguinis copia è ſpinalis medullæ regione profluxit: is adcò conjecit eruptione ſanguinis ex ea parte, unde nervi oriuntur plurimi, qui nervi intercoſtales ramis præbent originem, partium interiorum morum ceſſaſſe, cum cerebrum illuſum videretur præter aliquot ſanguinis extravafaſi guttulas, ac mens illi conſtaret. Hinc complures apoplexias aut certè lethales morbos qui hoc nomine cenſentur, oriri magna eſt ſuſpicio.

II. Menſe Januario quædam animalia Verſaliis allata ſunt & incifa, quæ antea deſcripta fuerant, ut avis picta v. *une Pintade* in qua Pericardium una cum pulmonum veſiculis inflari non apparuit: in Cercopitheco v. *Marmote* triplex Epiploon antea viſum fuit confirmatum. In felis odoratæ pedibus tumores quidam obſervati, qui canum carceria utcumque reſerunt, lingua non ita laxa atque in canibus, ſed minus aſpera eſt quam in felibus. Sultana quoque, ſeu porphyrium, & avis quam *Aves* appellant, ſcalpello ſubjectæ.

III. Cameli bina tubera D. D. Du Verney & Mery aperuerunt, in uno quaſi congeries pilorum quædam viſa, alterum nihil aliud videtur eſſe quam quædam vertebrarum apophyſis.

IV. In quadam ave quæ ex præda vivit, Gryphum vocant, ingluviem v. *Le Jabot*, exhibuit D. Du Verney, contra atque in avibus carnivoris obſervatur; ventriculus inferior, v. *Le Geſier*, tenuis admodum erat, ſed eadem illius erat conformatio quæ in aliis avibus quæ ſcilicet granis veſcuntur: in ſe & fibris carnoſis & tendinibus eodem plane modo inſtructus erat.

Et quidem duo Gryphi variis temporibus ſunt incifi, quorum hiſtoriam in opere nondum edito accuratè habemus deſcriptam. Illud admodum ve- riſimile eſt hanc avem majorem eſſe vulturem, cujus meminit Ariſtoctes lib. 8. cap. 3. hiſtor. animalium. Roſtro adunco fere inſtar aquilæ donatur, longiore quidem quam in Aquila, ſed minus inflexo. Inferioris roſtri extremitates acuti & ſecantes ſubeunt ſuperioris excavatum limbum;

ANN. in extremo rostro duo extant rotunda tubercula, in iis duo sunt parva fo-
1683. ramina per quæ ductus salivales se se exonerant.

In rostri huius basi quæ instar squamæ partem alteram tegit, duo insunt narium foramina, quæ ampla sunt & deorsum tendunt: lingua dura est & Cartilaginea, in utroque latere instar ferræ sic dentata, ut cuspides versus guttur dirigantur, aurium foramina exterius patent.

Collum insigne est, longum, crassum, & implume. Huius basis plurimulis tenuibus candidis & longis instar amictûs linei & corrugati, vulgò *Fraise*, ornatur. His plumis in fila diductis & contortis pars colli inferior cingitur; quæ multum discrepant à molliori plumâ, vulgò *Le Duver*, qua corpus ipsum penè totum munitur. Nam hi villi multò breviores sunt & confertiores. Hinc pellis villosa calorem auget, quod halitus è corpore erumpentes coërceant, ac tremulo motu villorum unâ coacti calorem intendant.

Quæ sunt partes exteriores, rostrum imprimis & pedes valdè adunci, avis carnivoræ, quæque ex prædâ vivit, speciem præ se ferunt; interiores tamen partes videntur iis convenire avibus quæ granis pascuntur: nam & ingluvie, & ventriculo carnosio, ut in gallina & columba donatur. partis musculosæ fibræ in hoc ventriculo conspicuæ erant, quæ in duo velut centra, seu in muscutorum tendines desinebant. Nec tamen ventriculus adeò solidus est & crassus, atque in gallina, nec rubet, sed candidus est: oviductus anfractuosus est ut in Gallinis.

V. Ensem piscis quem spadum vocant, rostro affixum ostendit D. Perrault. Ensis utrimque aculeis aut spinis quasi totidem dentibus valde acutis armatur. Hi dentes membranæ ipsi inserti cum ossè non coherant. Idem animalium historiam est persecutus & varias eorum descriptiones, ut felis odoratæ, Tigris utriusque sexûs, Pantheræ, sic Onocrotali lectæ sunt & discussæ.

VI. Cameli dissecti partes distinctas exhibuit D. Du Verney, scabiosus erat, quique ei victum præbebant Versaliis, eadem labe infecti sunt.

Paucis post diebus in morbum lethalem incidit D. Perrault, cujus ingenium & eruditionem quæ extant ejus opera ipsa declarant. Non in Physicis modo, & in medendi scientia, sed in omni pene artium genere, & in Architectura maxime excelluit. Luparæ frons, *La Façade du Louvre*, arcustriumphalis typus, & alia publica monumenta, quantum in hac arte præstiterit, magno sunt documento. Homo erat indefessi laboris, abundans doctrina & incredibili quadam varietate rerum & copia; in cogitando & inveniendo acutus & promptus, in disserendo subtilis, memoria posteritatis dignus.

VII. D. Sedileau Epistolam à Carthusiano scriptam accepit, in qua cyprinum piscem non raro lectæam in ventre pulsam, simul & ova continere testatur. Idem in alia Epistola mentionem fecit pyri ex alio procreati, quale D. Perrault olim exhibuerat, & ovi intra aliud conclusi. Carcarie piscis dentem exhibuit D. De la Hire, qui prædurus erat & solidus. Hic prope vicum cui nomen *Lohan*, quarta ab urbe leuca inventus est, in terra ad decem usque pedes effossâ. Vis quædam lapidifica inesse videtur huius loci aquis.

VIII. Die 20 Novembris P. Gouie confessus Academicus locum in-*Phy-*
gressus, cuiusdam animalis ex genere Erinaceorum, quod à P. Taschard *sica.*
& Siamensi regno allatum fuerat, uti & cuiusdam Lacerti à P. Beze mis-
sam descriptionem exhibuit: huic *Toquet* nomen inditum, quod duas illas
syllabas articulatim & distinctè pronuntiet.

Exeunte hoc anno alterius Lacerti pellem attulit D. De la Chapelle quem
Indiarum incolæ expugnatores urbium vocant.

CAPUT III.

De rebus Physicis.

I. Illud circa calorem à D. De la Chapelle propositum primo locò po-
nimus, chalybem in aqua fervida eo temporis spatio relictum quo
Oratio Dominica recitatur, tum ex ea eductum manibus contrectari posse:
sed paulo post ita incalcescit ut manibus tangi amplius vix possit. Hoc ad-
debat, frustum chalybis eodem temporis intervallo inter prunas ardentes
positum non adeo incalcescere, atque in aqua bulliente collocatum. Illud quo-
que eodem die subiecit, iis qui argillam subigunt, sæpe accidere ut minuti
filices pedes vulnerent, neque aliud esse huic malo aptius remedium quàm
terram ipsam.

II. D. Borel Epistolam ad se missam legit, in qua mentio fit cuius-
dam fontis falsi in Comitatu Burgundiæ, cujus aquæ quotidie crescunt &
decrescunt, sed nulla certa lege; alter aquæ dulcis in eadem Provincia sua
quoque incrementa habet & decrementsa.

III. D. De la Hire de fonte in agro Mitapincensi *Mirepois*, quem
Fonteston vocant, hæc retulit: æstu reciproco, seu fluxu & refluxu per
tres anni menses agitur, dummodo æstas non fuerit imbrifera, per tres
horæ quadrantibus fluit & per idem tempus refluit.

IV. Die 3 Aprilis D. de la Chapelle Academiæ verbis D. de Louvois
nuntiavit, id ab ea postulari ut quantum pluvix in vas singulis annis de-
cidat, quantum exhalet, experimentis in eam rem factis exploratum ha-
beatur, idque D. Sedileau faciendum suscepit.

Die 27 Septembris D. de la Hire experimentum à se factum in Obser-
vatorio exposuit, ex quo liquet quantum pluvix in terram decidentis in
vapores diffletur & quantum temporis impendat in terra penetranda.

V. Inter alias observationes Physicas quæ à P. De Fontenay missæ
sunt, illa est insignis qua duas magnas rupes magneticas, quæ su-
pra terram extant, commemorat; varias quoque declinationes Versorii
quæ omnes ferè à Borea versus Occidentem deflectunt, in itinere ob-
servavit.

VI. Exeunte Novembri D. Varignon in Mazarinæo Marhescos, nunc
in Regio Galliarum Collegio Professor, inter Academicos ab Illustriss. viro
D. De Louvois adlectus fuit.

VII. Die prima Decembris illius terræ motus, qui die decimo Julii

ANN. Smirnam & vicinas regiones concusserat, historiam nobis exposuit D. 1688. Galand vir candidus & Doctus. Paulo ante meridiem cœpit, ab occasu in ortum progressus, arcem primum, tum urbem evertit, quatuor illius muris dehiscensibus & in mare ad sex usque pedes demersis, quique antea Isthmus erat, versus est in insulam. Qui ab occasu Solis ad ortum muri erant portecti, omnino sunt diruti; reliqui à Borea in Austrum adhuc sunt incolumes. Variis in locis hiatus visi, murmur intus auditum. Quinquies aut sexies terræ sismicus ad noctem usque sævit. Quæ à Turcis incolitur urbis regio, ab Incendio immunis fuit, quod tum solennis jejunii tempus esset, nec ignis in caminis arderet, quo absumpta est pars urbis magna. Per horæ quadrantem domus ruina sepultus fuit D. Galand, inde extractus in mare se recepit, ubi quasdam succussiones sensit, uti & complures alii, qui tum in mari navigabant, quique existimabant navem in terram impegisse. Urbis solum duos pedes depressum fuit, quarta illius pars corruit, quæ rupibus insistunt domus, omnino illæse permanserunt. Quædam extant in littore loca, in quæ antea ascensus erat, nunc ad ea descensus.

In ea regione ventus æstare circa decimam horam ab occasu flare incipit, ad quartam usque horam crescit.

Die 11 & 12 hora 8 alius terræ tremor isque vehemens, & die undecima Augusti eadem prorsus hora rediit. Die 10 Septembris sulphureus odor nares feriebat, juxta maris littora. Iisdem temporibus insulæ Chio, Metelina, Sacalina terræ motu iidem agitatæ fuerunt, novos fontes erupisse ex aliis audivit. Cælum turbidum erat & aër fervens, 15 aut 20 hominum millia urbis ruina sunt oppressa. Hic quidem terræ tremor cum horrendo motu qui nuper Siciliam pervasit & multas ejus insulæ urbes evertit, nec diuturnitate temporis, nec urbium & hominum strage est confendus.

CAPUT IV.

De rebus Mathematicis.

I. **H**oc anno D. Cassini Dissertationem de quinque satellibus Saturni in Academia legit. De satellitibus quoque Jovis alium tractatum elaboravit & horum motus in tabulis digessit, priores correxit. Ista quidem inter opera Astronomica nuperrimè in lucem prodierunt. Variis in congressibus hoc operis discussum fuit, de cujus utilitate ad Astronomiæ, Geographiæ & Hydrographiæ studium sæpe diximus. Ac nescio an is sit hujus nobilis scientiæ, quæque prima fronte mæ contemplationis videtur, nec quicquam admodum utile generi humano polliceri, fructus longe uberitimus. Quæ ratione satellitum immersiones ex tabulis inveniantur, idem demonstravit.

II. Die 7 Februarii 5 satellitum Saturni configurationes uti ab eo paucis

paucis ante diebus fuerant observatæ, in figura delineatas exhibuit. Differ- *Astro-*
 rationem quoque de solenni Paschatis die ex scripto legit; uti & alteram *nom.*
 in qua responder Clariss. Vossii Epistolæ de longitudinum scientia. Quæ
 quidem Epistola Bibliothecæ eruditorum in Batavia editæ inserta fuerat.
 Hujus rei occasione D. Thevenot advertit navium Rectores qui à Promon-
 torio Bonæ Spci ad Indias usque navigant, 900 Leucas ab Occasu in Or-
 tum conficere, idque æstimatione quadam judicant, & ex Versorii variata
 declinatione. Nam in medio itinere variationem esse 28 graduum, tum
 sensim imminui aiunt, adeo ut quo in loco versentur, hinc conjecturam
 capiant.

III. D. Cusset machinæ cujusdam typum protulit, qua marmor secari
 facile potest multiplici serra, uno & eodem tempore, idque moletrinx
 ope cujus molas aut ventus aut aqua versat, eam usui esse posse visum
 fuit.


IV. D. Couplet pontis qui fluvio imponi potest, structuram proposuit,
 quique ad 20 usque hexapedas facile construitur & dissolvitur; 40 homines
 non junctim, sed partitis oneribus, quod magno sæpe est usui, eum as-
 portare possunt. Idem scalarum munus obire potest, si forte in muros ir-
 ruptio sit facienda. Illius fabrica eo nititur fundamento, quod ferri aut
 ligni secundum suam altitudinem collocati vis sit infinita; pontem illum à
 duobus hominibus brevi temporis spatio ædificari posse aiebat, nec fulcro
 opus esse quo in fluvio, aut palude innitatur.

V. Induciarum tempore D. Cassinus iter habuit in partes Gallix Borea-
 les, ubi aliquot Urbium positiones ab eo sunt observatæ: Ambiani præ-
 fertim altitudinem Poli invenit intra aliquot secunda eandem prorsus cum
 illa quæ à D. Picard illic ante annos inventa fuerat, cum unus in terra
 gradus dimensionem capteret. In Abbatia Blangiaci in Arlesia prope Hæd-
 nam Poli altitudinem adinvenit gr. 50. 26 min. 15 sec. Abbavillæ gr. 50.
 6 min. 55 sec. Deppæ una cum D. Dionysio Hydrographiæ Professore tam
 comperit gr. 49. 55 min. Rothomagi 49 gr. 24 min. 40 sec.

VI. Cum Abbavillæ altitudines Solis Ostanti pedum trium su-
 meret, die prima Octobris observavit maculas prope ejus Occidentalem
 marginem recens obortas, eas D. Maraldus conspexerat Parisiis in Ob-
 servatorio die præcedenti 30 Septembris vespere, cum hora decima ma-
 rutina, & in ipsa meridie nullæ apparuissent: ita ut minuit ætium sit quin
 inter meridiem & horam secundam à meridie prope Solis Occidentalem
 marginem, ad quem properabant, formatae fuerint. Octobris die 10 nec
 D. Maraldus Parisiis, nec D. Cassinus Deppæ ullum earum invenere vesti-
 gium, ideoque jam in superius Solis hemispherium de'as esse palam fuit.
 Post dies autem 17 D. Cassinus ex itinere redux eam Solis marginis par-
 tem ex qua emergere debuissent, si fuissent superstites, perlustrans has non
 reperit: unde eas evanuisse censuit. Primo autem Novembris die observa-
 vit circa Solis medium aliam maculam exilem ex ædibus constaram, quæ
 intra tres dies evanuit, deinde alias duas vidit prope Solis Ortivum margi-
 nem, quarum dies prænotatam inter se distantiam magna irregularitate va-
 riabant. Unde perspicuum fuit harum motum apparentem non fuisse

ANN. simplicem, sed compositum ex Solis revolutione circa suum axem regulari,
1688. & motu proprio macularum irregulari instar nubium terrestrium. Die autem decima Novembris cum medium Solis vix essent prætergressæ, evanuerunt, & in eorum locum die 14 prope Solis marginem apparuit facula rotunda, quam nonnullæ minores, sed clarescentes sequebantur, intermixtis obscuris arcibus quæ à Solis disco brevi excesserunt.

VII. D. De la Hire Geometricas demonstrationes exposuit, quibus propositionem à D. Tschirnouse propositam de linea curva, quæ in quadrante circuli per reflexionem radiorum generatur, expendit.



SECTIO SEXTA.

De Actis anno 1689.

C Hymicas operationes cum Physicis decurremus, tum ad historiam animalium, & Anatomen gradum facimus.

CAPUT PRIMUM.

De Physicis experimentis.

I. **Q**Uæ superiori anno cæpta fuerant gummi analyses, hoc anno fuerunt continuatæ. Bdellium, Gutta gummi, Tragacanthum, Gummi Ammoniacum & alia ejus generis in sua quæque Principia sunt resoluta.

II. D. Marchant observationes suas circa Sycomorum fæctas abhinc quadricennio commemoravit. Inciso trunci cortice, magnam aquæ vim ex illa arbore stillare ipso Æquinoctii die comperit. Illud inter alia ab eodem animadversum video, è Cychorco vulgari lac exprimi admodum acre & corrosivum, ac radicem Peralites optimum esse sudorificum.

III. Inter Physicas observationes illud primo loco à D. Sedileau circa nivem & glaciem observatum ponimus, nivem quæ sub idem tempus deciderat liquatam ad sextam fere sui voluminis partem rediisse: adeo ut sex nivis non pressæ aut densatæ pollices ad unum aquæ digitum redigantur. 2. Nix ipsa non ut butyrum aut oleum & alia corpora quæ calore solvantur, liquefit; sed priusquam fluat, in seipsam quasi contracta, & volumine suo, seu mole multum imminuta cernitur, neque ut in glacie pars summa primum liquatur.

IV. Tum temporis D. de la Hire hexapedam ferream sic pavimento conclavis Observatorii lapidibus complanatis structo apaxerat, ut altero sui extremo murum attingeret, tum ejus longitudinem in pavimento accu-

ratè notavit, ardoribus Solis insequenti astate per tres horas postea expo- *Phy-*
sitam $\frac{2}{3}$ unius lineæ productam invenit. Menſe Maio candem regulam *fica.*
Solis calori in fenestra per aliquot horas expositam, tum ad eum locum
cui rigente hieme admota fuerat translatam $\frac{2}{3}$ lineæ longiorem invenit.
Quare parte 1300 aut circiter aucta est. Ex quo illud conclusum ab eo
fuit tubos ferreos gelido aëri expositos sic contrahi, ut tubus 18 hexape-
das longus, unius pollicis, 216 hexapedas in longum porrectus, pede in-
tegro brevior fiat, si gelido aëri exponatur.

V. Paucis ante mensibus D. Faber Germanus novi & rari phænomeni
quod anno superiori die 17 Aprilis Heilbronnæ ad Necrum visum est,
hora post mediam noctem secunda, linearem descriptionem ad Academiam
misiſit. Cœlo admodum sereno visus est globus igneus instar fulguris lu-
cidus, per Cete & septimum gradum Arietis decurrere, quique inter Pegasi
alam & caput Cassiopeæ progressus evanuit intra quadrantis horæ spatium,
reliſta cauda nonnihil versus ortum arcuata.

VI. Calculum è vesica hominis post ejus obitum extractum exhibuit
D. Dodart 2 librarum & unius uncie pondere, in medio velut nucleus
erat tersus, crusta vero instar gyphi erat candida.

VII. D. De la Hire arenosa granula quæ in urina per microscopium con-
spiciuntur dispersa delineavit. Hæc magna ex parte denticulis incisa alia aliis
inserta, & mutuis velut hamulis implicita in lapides formari satis est veri-
simile. Idem die 4 Junii dissertationem de aëris pondere & quantum sit aqua
levior è scripto legit: sed ea de re infra fusius.

VIII. Cum exeunte anno superiori disſenterix grassarentur, ex D.
Dodart accepimus complures sanatos esse per emetica aut purgantia. Quæ
tum temporis à D. Helvetio radix huic morbo feliciter dari cœpta est,
Ipecacuanha apud Guillelmum Piſonem & Margravium ut ſingulare præ-
ſidium & Braſilienſibus uſitatum commendari D. D. Thevenot & Mar-
chant monuerunt. Vir Clariss. pleuritidi bugloſſi ſuccum utiliter adhiberi
ab aliis accepit: cum de ſpiritu terſbynthinæ ſermo haberetur, nonnulli
veſtium maculas hoc ſpiritu elui, poſtquam ſpiritu vini leviter ſunt perſuſæ,
docere: infectores ſelle bovino uti ſolent.

Tum à Chirurgo Pariſienſi accepi hydropem curatum fuiſſe be-
neſicio plantæ quæ in locis humidis invenitur, Eupatorium Cannabi-
num vocant.

CAPUT II.

De Hiſtoria Animalium.

I. HÆc fere de Chymicis & Phyſicis rebus excerpta à nobis fuere,
pluribus omiſſis quæ longum eſſet & ab inſtituto alienum huic
operi inferere. Sequitur ut perpauca de his quæ ad animalium cognitionem
ſpectant, ſummatim breviterque dicamus. Multa hoc anno vertente anima-
lium cadavera Verſaliis allata ſunt, quæ magna ex parte jam incifa &

ANN. descripta fuerant. Descriptiones antè factas relegit D. Galloys & annota-
2689. tionibus suis illustravit.

II. D. Du Verney circa dentium formationem observationes suas proposuit. Priusquam foras prodeant dentes, in quadam mucilagine plurimis vasis conspersa jam esse delineatos ostendit, fibras complures per strata disponi, uti & alia multa quæ peculiari dissertatione postea vulgavit.

Tum simiæ descriptio fuit recognita. Musculos caudæ separavit D. Du Verney. In hac caudâ 280 musculos invenit D. Mery.

III. Mense Augusto musculos avium respiratori destinatos præparavit D. Mery, quæque antea in dissectione Anseris vivi observata ab eo fuerant, ex scripto legit. 1. in ipsâ inspiratione pectus dilatari, sternum à vertebrais removeri, costas sursum sublatis à se invicem recedere. 2. Quo motus ille magis conspicuus foret, rostrum & nares brevi temporis spatio sunt occlusa, tum iis apertis abdomen intus compressum, sternum sursum magis elatum, & costæ itidem sublatae magis inter se distantes apparuerunt. In expiratione contra erant omnia, abdomen extrorsum intumescere, costæ sibi propiores & sternum vicinius vertebrais visum.

Tum ventre dissecto ut vesicæ in eo positæ oculis subjicerentur, in expiratione sternum depresso abdominis sacculi aëre impleri & duo septa seu diaphragmata, quorum pars carnosa vertebrais adhærescit, à costis recedere; contra inter inspirandum eadem ad costas accedere videbantur. Deinde pectore aperto ut sterni discisso superiores sacculi in conspectum venirent, costæ sic nudatae sunt, ut musculorum intercostalium motus cerneantur. Tum vero id palam fuit superiores sacculos implei & exinaniri una cum sacculis abdominis.

Quo autem innotesceret quando fiat respiratio, altera narium occlusa; alteri objecta est plumula, tumque id observatum, elato sterni pilos plumulae narium intus subire, eo depresso has repelli, adeo ut animal depresso sterni respirare videatur.

IV. Post hæc Leonis cadaver dissectum fuit, musculos & tendines caudæ demonstravit D. Du Verney, crurum quoque & pedum musculos separatim paraverunt D. D. Du Verney & Mery, eorum fabricam & usum exposuerunt, quare ratione digitorum motus efficiant.

V. Quæ à D. de la Hire inveniuntur hoc anno factæ sunt observationes circa vesicæ structuram, silentio premi non debent: hinc enim quædam non scitu modo digna, sed & magni usus erui possunt. Vesica suilla & recens vento distenta, aperto orificio velut ultro subsidit: tum ea statim inversa est ut pars exterior fieret interior, aqua huic affusa est, sic tamen ut non omnino impleteretur: statim perfluere multis in locis visa est, adeo ut intra 12 horarum spatium pars illius dimidia efflueret, quæ rubeo colore tincta apparuit. Id vero satis est verisimile, è vesicæ vasis cum aëre distenta fuit, sanguinem inter membranae fibras expressum fuisse, quoniam aqua inter eas fibrillas effluens abstergit: nam membrana ipsa admodum erat candida post aquæ effluxum.

Quamobrem vesicæ membrana innumeris foraminulis videtur pettuosa, quæ suis forte valvulis sunt munita, ut aqua libere subeat; eaque

exire prohibeatur : nam aër intus conclusus & pressus per ea foraminula *Ann-*
erumpere non potest. *tom.*

V I. Vix ullas aptiores huic rei valvulas excogitare licet , quam eas quæ ex papillis constant continuo ductu ita formatis , ut ductus ipse versus interiora vesicæ sensim decrescat , & liberum liquoribus circumfusus aditus præbeant in meatus ; sed iisdem negent per eandem viam reditum , quod corporis vesicæ incumbant. Coli intestini valvula in quibusdam piscibus sic conformata reperitur. Ex quo quidem experimento hanc circa hydropis genesis conjecturam fecit , hunc morbum ex vesicæ poris oclusis interdum prodire , quod aquam in abdomine effusam non admittant , quæ per ventriculi membranas continenter exsudat. Hoc enim expertus est D. Mery aquam ventriculo animalis affusam cæcos membranæ meatus penetrare. Hinc forte aquæ minerales epotæ tam citò redduntur.

2. Huic vesicæ lac aquæ loco affusum est , ut hinc liqueret an liquor crassus & pinguis membranam penetraret. Id sane effluxit , sed lente admodum : nam intra 12 horas vix pars lactis decima exiit , sed liquor instar aquæ erat limpidus. Circa vesicam plures guttæ crassiores apparebant , cum reliquæ vesicæ partes siccæ viderentur. Unde suspicio aliqua hinc oriri possit in iis tantum locis membranam esse pertusam.

VII. Interjectis aliquot diebus D. Sedileau vesicam suillam & recentem aqua implevit quæ guttatim bidui spatio stillavit , tertio die aqua quæ supererat detracta , aëre vesicam implevit quem illa retinuit. Vix tamen crediderim aquam vesicæ contentam per membranam transmitti. Hæc sane experimenta iteranda mihi videntur.

Ingluviem quoque Galli Indici vulgaris aqua replevit , sed ea non effluxit , seu ingluvies in naturali statu , seu inversa aquam exciperet.

VIII. Illud pene mihi exciderat , nec tacendum tamen , quod exeunte anno superiore à D. Mery in publica domo militum qui in bello membris mulctati sunt , fuit observatum. Nam militis 72 annos nati aperto cadavere partes omnes thorace & abdomine contentas suis locis emotas invenit ; ita ut quæ in dextro latere extare debuerant , sinistrum latus occuparent , & vicissim. Cordis basis medio loco posita erat , & sinistrorsum versus , corpus ipsum & Mucro in dextram partem promota. Dexter illius sinus , auricula ejus major , vena itidem cava ad sinistram cordis partem , minor auricula & aorta ad dextram sita erant. Sic pulmonum arteria sinistra cordis parte egressa dextrorsum deflectebat , ita ut & pulmones quoque situm naturalem commutarent : nam dexter in duos tantum , sinister in tres lobos divisus erat contra consuetum naturæ ordinem.

Eadem erat Oesophagi , ventriculi & intestinorum inversio. Pylorus in parte sinistra , unde & duodenum initium capiebat. Jecur itidem in parte sinistra positum , lien in dextra ; venæ quoque & arteriæ naturalem suum situm commutabant.

CAPUT III.

De Mathematicis.

I. **C**Um Astronomica observationes nuper in lucem editæ ea complectantur quæ postremis his annis in Academia acta sunt, nihil est causæ cur in iis recensendis diutius immoremur quæ magno studio & incredibili diligentia fuerunt elaborata.

Omitto id quoque Cometem in Indiis visum fuisse à P. P. Societatis, qui in iis locis versantur, cujus motus, magnitudo, iter, caudæ productio descripta sunt in observationibus Physicis & Mathematicis editis à P. Gouie anno 1692: visus est à P. Richaud in regione Pontichery circa diem 8 Decembris à P. P. de Beze & le Comte Malacæ. In his locis sub conspectum non venit, quod initio Soli esset propior & sub finem ad Polum Australem nimis accederet.

D. Rolle opus suum Algebraicum examinandum dedit D. Galloys qui rogatu Academiæ illud perlegit, ac typis postea id mandatum est.

II. Sub idem tempus Serenissimus Princeps Dux Meduanensis Orientalis Astronomiæ Fragmentum Siamio à D. De la Loubere Regis Legato allatum ad D. Cassinum misit, qui in ejus interpretatione studium suum posuit, & rei difficillimæ magnam lucem intulit, camque in volumine nuper edito publicis juris fecit.


Illud præter cætera comperit, Sinensium Epocham in annum salutis reparatæ 638 incidere, quinto ante Persarum Epocham anno. Ea est Astronomica Epochæ novilunii quod in die Æquinoctii verni contigit, cum eodem die Sol deficeret, & dies esset Sabbati. Quatuor hæ notæ nulli alteri quam prædicto anno conveniunt.

III. De isoperimetris figuris demonstrationes suas legit D. De la Hire, quæ longè faciliores visæ sunt, quam quæ à Clavio sunt usurpatæ. De projectione quoque corporum actum est ex occasione quorundam operum D. De Roberval quæ D. De la Hire cura tum prælo mandabantur.

Post hæc Tractatus à D. Picard elaboratus de ponderibus & mensuris lectus est, qui anno 1693 inter opera posthuma Academiæ in lucem prodiiit: huic insertæ sunt observationes D. Auzout. Pes cuiusque regionis ad pedem Parisinum est redactus. Is vero in partes 720 divisus quarum Londinensis v. gr. est $67\frac{1}{2}$ Romanus Capitolii 652 & ita de cæteris. Consimili ratione liquorum mensuras cum antiquas, tum recentiores omnium perè regionum persequitur uti & pondera.

IV. In eodem opusculo aquarum effluentium rationem examinat. Illud præmittit experientiæ comprobatum, corpus in aqua stagnante natans primum à pondere velocitate æquabili tractum ut 1, deinde trahi velocitate ut 2, seu dimidio tempore à pondere prioris quadruplo, ita ut velocitates sint ut ponderum radices quadratæ. Tum quæ sit necessaria aquæ

fluentis declivitas, simul & mensuram aquæ effluentis ex variis experimentis colligit. Opusculum est paucis paginis comprehensum, sed quod multa scitu digna complectitur.



SECTIO SEPTIMA.

De Actis anno 1690.

QUæ ad Botanicam spectant, descriptiones nimirum plantarum quæ ex variis regionibus & ultimis orbis terrarum oris D. Marchant cura sunt allatæ, ab eodem in horto Regio exculæ, à D. Dodart descriptæ, ac demum à D. Chastillon delineatæ & æri incisæ silentio præter-eunda arbitramur: nam hoc operis Deo dante suo loco & tempore in lucem prodibit.

CAPUT PRIMUM.

De rebus Physicis & Historia animalium.

I. **Q**Uæ ad Physicam spectant, vel meræ sunt speculationis, vel ad *Physi-* usum vitæ aut corporis sanitatem referuntur, quæ ut tulit occasio, *ca.* collegimus, si forè nonnihil utilitatis asserere possint.

Inter Physicas observationes primo loco reponamus Irim quæ Andegavi anno superiori die 4 Julii fuit observata; hujus descriptio à D. De la Hire missa est. Sol in horizonte positus, in occasu rubeus apparebat, Iris itidem tum visa omni ex parte rubeo colore tincta.

II. Die 11 Martii D. Varignon systema suum de gravitate corporum exposuit, quod postea publici juris factum est.

III. Cum die 15 Aprilis de fontium origine sermo haberetur, D. De la Chapelle illud à se observatum ait, aquam pluvialem ubi pinguem offendit terram, in eam velut in craterem aut lacum coïre, quæ paulatim intumescit, & sæpe ad extimam usque superficiem attollitur. Unde & alveoli in formam pedis anserini ducuntur aquis colligendis, sed multis in locis, ut in Belsia aquæ colligi nequeunt, quod terra sit levior & poris pervia: ita ut nulla aquarum congeries, nullus crater efficiatur: ubi est aliqua declivitas, eò sæpe aqua confluit.

IV. Eodem confessus die idem vir clariss. quasdam à D. le Brun præstantissimo nostræ ætatis pictore, lineares humani vultus adumbrationes factas coram exhibuit quibus omnes animi affectus & perturbationes pulchrè exprimuntur. Magnum quoque succini frustum protulit quo muscæ quoddam genus concluditur.

V. Hoc in vegetatione plantarum animadvertit D. Gallois, radices in

ANN. phiala aqua plena ante diffundi quam caulis crescat, ac ramos ea ex par-
1690. te esse crassiores, qua radices sunt vegetiores.

VI. D. De la Hire dissertationem de plantarum, nutritione legit simul & quædam experimenta à se facta circa æreas bullulas quæ in phialis aqua plenis emergunt, cum iis plantæ ad vegetandum fuerunt impositæ. Lagenam vitream & amplam aqua impleverat per complures dies Soli expositam: sed cum id temporis cælum nubilum foret, nullæ in imo vasis bullulæ visæ sunt: ubi sereno aëre lagena calore Solis incaluit, magna bullarum multitudo quæ in fundo lagenæ formabantur, circa horam diei undecimam emerfere. Cum autem præ solo aquæ calore tot bullulas sursum efferri non facile sibi persuaderet, ac suspicaretur subjecti lapidis calore eas commoveri, lagenam loco movit, & ligno adhuc calidiori imposuit, tum vero bullæ fere ut in lebetæ cum aqua mediocriter ebullit, turmatim eruperunt. Deinde lagenæ fundum sic intra vas aqua frigida plenum aptavit, ut non amplius quam unius digiti latitudine mergeretur, sed nullæ fere bullæ tum prodierunt, tamen si lagena Soli esset exposita, & aqua multum caloris contraxisset. Et quidem ubi primum lagena extra aquam posita est, tum bullæ æreæ quæ prius parti infimæ vasis adhærebant sursum elatæ sunt.

VII. Hoc experimentum alteri occasionem præbuit, quo muscum superficiæ aquæ innatantem in fundo aquæ formari comperit: nam parum limi in fundo hujus lagenæ visum subsidere, quod forte aquæ pluvix cum fontana admixtæ tribuendum; atque id advertit plantulas instar musci è fundo lagenæ sursum niti, quæ ab æris bullulis una coeuntibus ferebantur. Hæ bullulæ filamenta in fundo retinuerant, sed cum aliis, quæ circa eas plantulas prodibant conjunctæ, satis validæ fuerunt, quæ radices musci disrumperent, & secum ad superficiem usque abriperent. Unde aqua incallescens & partibus ejus vehementer commotis, æris particulæ in cæcis illius meatibus antea conclusæ una coiere & auctæ sunt. Cum autem pars vasis infima satis incaluit ut bullæ dilatentur, tum eæ sursum emergunt & mole sunt majores, quàm ut prementi aquæ resistent: itaque super aquam efferuntur.

VIII. Cum D. Le Brun inter pictores nostræ ætatis percelebris mense Februario obiisset, D. Du Verney aperto ejus cadavere cysticum canalem lapidibus plenum & vasa multum dilatata reperit: tumque D. Dodart illud advertit eos qui ex Ictero moriuntur, majori ex parte profluvio sanguinis extingui, quod præ bile effusa sanguis fiat ultra quam par sit fluidus. Ego ipse tum narravi quod nuper videram, Nulliaci tertia ab urbe leuca, hominem hydropæ vehementer laborantem, quem multum levavit Zona lintea sale bene exsiccatæ & contusa repleta, circa lumbos apposita: Is per biennium adhuc vitam prottraxit, cum antea ex tumore abdominis pene moriturus videretur.

IX. Illud quoque mihi narratum fuit duos homines rusticos & ætate protractos ex hydropæ convaluisse, postquam se se in clibanum post panem extractum immisissent.

Ne id quidem prætereundum existimo à D. Du Verney testum
aquam

âquam stipticam quam vir peruditus D. L  meri in suo Chymico opere *Physi-*
describit, vulneribus optimum esse remedium, atque eandem esse cum aqua *ca.*
stiptica qu   Argentorati cum felici successu usurpatur.

His subjecit D. Sedileau gemmas rosarum aqu   ardenti vini cum saccharo & cinamomo infusas, Soli per tres hebdomadas expositas, vulneribus, incisionibus & contusionibus mederi; alii balsamum Perusinum in eundem usum commendant. Illud in universum fuit judicatum utile esse vulneribus remedium, quod vi leniter astringente donatur, ut sanguinem sistat, & satis est volatile ut extravasatum sanguinem resolvat ac diffuset, quod demum quodam vernice, ut loquuntur, seu liquore splendido & tenaci sic linat vulnus, ut a  ri ocludat aditum.

Cum ea   state cimices solito essent molestiores, idem D. Sedileau hos parietariam herbarum qu  rere, eique adh  rere monuit. Sublimari solutionem huic insectorum generi infestam esse uti & pediculis comprobavit. Ista quidem omittere nolui quod usui esse possint: tamen non ignoro ejusmodi remedia    multis contineri.

IX. In id potissimum incubuit Academia, ut qu   jam publicat   olim fuerant animalium descriptiones, ubi se se dabat occasio & eorum copia aderant, accurato examini subjicerentur, ac si qu   fort   deessent, supplerentur.

D. Mery Cystim felleam Leonis exsiccatam subjecit oculis, in qua 7 velut sepimenta quasi rotidem tabul   erant, suo qu  que foramine pervia, superiores vesicul   se se in interiores per illa foramina exonerant.

X. Die 17 Maii D. Teroude Chirurgus cujus jam fecimus mentionem, molem informem extra uterum puell   18 annos nat   repertam attulit, in qua erant capitis rudimenta qu  dam; nam du   velut palpebr   pilis & glandulis instruct   apparebant, frontis quoddam specimen linea nigra qu   supercillii loco erat distinctum; plures capilli satis longi in funiculum contorti supra frontem exstabant, qui funiculus cum fasciculo capillorum erat implexus. Sub majori angulo oculi, duo dentes duri & candidi instar molarium cum gingivis, 3 lineis longi eminebant, tertius, isque major sub prioribus nasci videbatur. Duo alii dentes velut maxill   inserti videbantur sub quodam foramine eo fere loco ubi aures collocantur, h  c moles informis membran   duobus in locis adh  rebat, hoc monstrum    D. De la Hire fuit delineatum.

XI. Locustarum qu   magnas Poloni   & Lituani   regiones vastaverunt, formam & historiam typis excusam legit D. Galloys. Paucis post diebus vir clariss. D. S. Ussan ejusmodi insecta ad se    Polonia missa coram exhibuit. Vulgaribus locustis non admodum esse dissimiles existimabat D. Sedileau; senis alis municbantur, ternis ex unoquoque latere.

CAPUT II.

De iis quæ ad Mathesim spectant.

I. **D**ie 28 Januarii D. D. Desbillettes, & Hebert in supremo Senatu patronus pontis Versatilis, *Pont tournant*, quem in Sequana constructum curaverant, simul & machinæ exhaustiendis aquis destinatæ typos attulerunt. Pons ille à D. Hebert, machina hydraulica à D. Desbillettes fuit excogitata. Utraque machina ingeniosa & utilis visa est.

II. Quasdam Heronis Alexandrini propositiones ex libro de spiritalibus decerptas, proposuit D. De la Hire, quæ minùs veræ ab eo sunt judicatæ, easque cortexit. Hujus libri examen in aliquot congressibus continuavit. Inter ea quæ annotavit plurima, machinam quæ ab Herone gutta vocatur, explanavit, quod aquam guttatim per Syphonem emittat, ubi calore Solis vitrea ampulla incaluit. Atque hujus machinæ occasione qua vi, quave ratione succus per fibras plantarum sursum eluctetur, explicare ingressus est. Quod argumentum postea uberius pertractavit.

III. Die 5 Martii D. Commiers horologii portatilis figuram linearem dedit, cujus Auctorem ait esse D. Harquin in eo genere opificii valde industrius: structura simplicior & à vulgaribus diversâ visa est.

IV. Ut à Mechanicis ad Astronomica veniamus, D. Cassini theoriâ satellitum Jovis perpolivit, & in variis congressibus legit. Systema suum circa inæquales satellitum motus exposuit, novas observationes circa Jovem, illius maculas & satellites, atque eorum umbras protulit.

Nova in Jove macula se videndam præbuit, cujus revolutio sex minutis tardior quàm primæ jampridem cognitæ inventa est. Multa circa hujus maculæ situm, & motum necnon circa recentes Jovis Zonas observata ab eo fuere.

V. Cum die 2. Augusti Rex magnæ Britanniæ Illustriss. Augustodunensi Episcopo insinuasset, se Regium Observatorium invisere velle, id ipsum à D. De Louvois D. De la Chapelle nuntiatum est, ut Academici omnes die constituto, nempe 23 Augusti eò convenirent circa horam decimam. Principibus Angliæ viris comitatus Rex advenit. Turris Orientalis partem inferiorem primum invisit, ubi quæ nocte proxima factæ fuerant observationes circa Saturnum & illius satellites, est contemplatus. Illud imprimis obiter notatum è quinque Saturni satellitibus quatuor in hoc Observatorio fuisse repertos, præter eum qui multis ante annis à D. Hugen Academiæ socio unâ cum annulo ejusdem Planetæ deprehensus fuerat, adeo ut nunc quinque illius Planetæ comites in conspectum veniant, qui astra Ludovica appellantur, iique cum Jovis quatuor comitibus, & septem errantibus stellis ab omni ævo cognitis juncti summam 16 Planetarum efficiunt.

VI. Placuit M. B. Regi horum systema & magnam motuum varietatem in-

tento animo contemplati : qui postremo detectus est & Saturno proximus *Astro-*
 intra diem unum & 21 horas periodum suam absolvit , quam quintus , *nomica*
 quique à D. Cassino primo fuit deprehensus , intra dies 80 conficit. In
 quo illud est singulare quod in unaquaque sua revolutione cum partem suā
 orbitæ Orientalem peragrat , per mensem & ampliùs sui copiam non fa-
 ciat. Vix aliam hujus Phænomeni causam afferri posse præter extimæ su-
 ficiet in hoc Planeta dispositionem , ita ut pars illius lumen Solis quo-
 quo versus regerat , ex altera non item. Illud quoque est animadversum hoc
 Phænomenon nulli ex Planetis convenire ; sed hoc illi esse commune cum
 stella fixa quæ sita est in collo Ceti , quæque per 7 menses conspectum fu-
 git , & per 4 menses oculis subjici potest ; ita ut 11 mensibus exactis con-
 simili splendore recurrat,

Nocte præcedenti secundi satellitis Jovis eclipsis observata fuerat , quæ
 causam sermoni dedit de utilitate harum observationum cum ad Geogra-
 phiam , tum ad Navigationem. Hunc satellitem Jovis usum , ubi primùm
 à Galilæo sunt detecti , prospectum fuisse monuit D. Cassinus , sed ante con-
 stitutam Academiam illum exequi non datum , priusquam Ephemerides &
 tabulæ motuum magno studio essent elaboratæ. In id potissimum incubuisse
 Academiam , ac Regem Christianissimum , quantæ id foret utilitatis gna-
 rum misisse Academicos in varias orbis terrarum plagas , qui satellitem im-
 mersiones & emersiones explorarent , & suas observationes cum iis quæ
 iisdem temporibus hoc in loco sunt , conferrent. Nam inter se collatas in-
 veniendis longitudinibus seu meridianorum differentiis magno usui futuras
 noverat.

VII. Rex magnæ Britanniæ se jampridem ea de re cettiozem fa-
 ctum ait , observationes ab Academia factas quæ navigationi sunt peruti-
 les , cum D. Flamsted (cui Observatorii Anglicani cura est demandata ,) &
 cum quibusdam aliis Regiæ Societatis viris fuisse communicatas , D. Hal-
 leum per integrum annum in Insula S. Helenæ commoratum , id competif-
 se , chartas maritimas magnis erroribus esse vitiatas , locorum situs & di-
 stantias non mediocriter à veris aberrare.

Id verò à D. Cassino confirmatum fuit ex differentiis longitudinum quæ
 in tabulis Geographicis sunt designatæ , quæque ab iis quas satellitem ecli-
 pses tum in hoc Observatorio , tum in Siamensi & in Sinerfi regno ob-
 servarunt Patres Societatis Jesu à Rege Christianissimo eò missi ut Ma-
 thematici Regii , mirum quantum dissident. Cui Rex M. Britannia vche-
 menter assensus adjecit , in id quoque Angliæ Astronomos studium suum
 contulisse , ut tabulæ Geographicae ex differentiis meridianorum per satelli-
 tum eclipses emendarentur.

VIII. Id operis in hoc Observatorio susceptum fuisse innuit D. Cas-
 sini , atque instar cujusdam speciminis planisq; hærium terrestris in pavimen-
 to turtis Occidentalis fuisse delineatum quoad fieri potuit accuratissimè. Pla-
 cuit Regi illud intueri , cumque ex una in aliam turrim se conferret , D.
 Cassinus quæ ratione vitra optica sic aptari possint , ut res objectæ cum in
 cælo , tum in terra circa tubos conspiciantur , exposuit. Quæ quidem me-
 thodo usus fuit in detegendis novis Saturni satellitibus. Vitium objectivum

ANN. 100 fere pedum, fenestæ quæ ad Septentrionem dirigitur à D. Harfou-
 1690. ker Batavo elaboratum, sic positum fuerat, ut per oculare vitrum in
 Australi porra erectum res objecta eminus sita in urbe ipsa cerneretur.
 Negavit illud esse necessarium, ut radius visualis ab uno ad alterum
 vitrum productus objectivo perpendicularis insisteret; sed multis cum
 gradibus inclinari posse, nec quicquam de perspicuitate rei objectæ, aut
 distincta ejus visione propterea decedere: adeo ut in ea quam dixi-
 mus vitrorum distantia, oculare per totam porticûs Observatorii lati-
 tudinem moveri loco possit, quò diversæ res objectæ dextrorsum & sini-
 strorsum positæ objectivo vitro penitus immoto cernantur.

IX. Illud etiam Regiæ Majestati insinuaturn, quantæ sit utilitatis hæc
 vitra disponendi ratio in ipsis siderum observationibus. In hunc usum tur-
 ris lignea alta 120 pedibus Regis Christianissimi jussu Marliaco translata est,
 ubi attollendis aquis inservierat. In ipsis turris angulis tigilla sunt disposi-
 ta per quæ machina ducitur, qua vitrum objectivum ad Astri locum diri-
 gatur, dum oculare manu tenetur pedi suo insistens, in quo liberè move-
 tur penes foci ab objectivo distantiam.

X. Planisphærium terrestre à D. D. Sedileau & Chazelles primum de-
 lineatum juxta ejus emendationem ab Academia factam Rex contempla-
 tus, simul & loca, cum ab Academicis in diversas orbis partes Regis Chri-
 stianissimi jussu missis restituta, nimirum à D. D. Picard, De la Hire,
 Richer; Item à D. Varin, Du Glos, & Deshayes qui in Daniam, &
 in extremas Galliar oras, in Promontorium Viride, Antillas; tum à Patri-
 bus Societatis qui in Bonæ spei Promontorio, in Siamensi regno, & Orien-
 talibus plagis veras longitudinum differentias multò minores esse quàm quæ
 in tabulis sunt delineatæ, compererunt.

XI. Hæc ita se habere Rex ex eo ipso comprobavit, quod cum in An-
 glia exploratum esset, quantum spatii gradus unus circumferentiæ maximè
 in terra circuli occuparet, multò id majus quàm ante creditum fuerat,
 inventum sit. Nam 72 Angliæ milliaria uni gradui respondere comper-
 tum est, cum antea ad 60 tantum milliaria patere vulgo persuasum esset.
 Quæ hac in re sunt usurpata milliaria quæ 5000 pedes Londinenses continent,
 Ad hæc à nonnullis qui tum aderant, responsum fuit, jam ab exordio pe-
 ne nascentis Academiæ anno 1669 id negotii ab ea susceptum, ut quàm
 accuratissima unius gradus terræ mensura haberetur. Quod per magna trian-
 gula sibi mutuò connexa factum fuit, atque ea ratione conclusum, unum
 maximè terræ gradum circuli 57060 hexapedas Parisienses continere.

XII. Cum autem Rex illud postulasset ut hæc mensura cum ea quæ in
 Anglia reperta fuit, conferretur, id se facturum recepit D. Cassini. Illud quo-
 que subjecit hoc Academiæ fuisse propositum, quo certior & magis explo-
 rata haberetur terræ dimensio, quantum pateat Galliæ regnum à Borea in
 Austrum dimetiri; jamque lineam Meridianam Observatorii Dunkercam
 usque ex una parte, & in Borbonium tractum ex altera productam, &
 per triangula sibi mutuò juncta quàm diligentissimè dimensam. Quæ qui-
 dem ratione octo circumferentiæ gradus explorati habebuntur, neque in ea
 dimensione major invenietur error quàm in uno gradu. Id verò permagni

esse momenti ad Geographiam & navigandi artem, ut certa & fixa habeatur *Astro-*
 mensura, quantum fieri potest, accurata, qua gradus in leucas & milliaria, *nom.*
 ac vicissim leucæ in gradus reducuntur. Id quoque Rex M. B. subjecit iussu
 suo distantiam inter montem trium rupium prope Dublinum & montem
 dictum Promontorium Sanctum in Anglia per triangulum, cujus basis nota
 erat & anguli ad tres usque rupes, distantiam præbuerunt 46 milliarium
 cum semisse. Tum verò subjecit D. Cassini distantiam Caleum inter &
 Dubridis arcem à D. De la Hire indagatam quoque fuisse, eamque in-
 ventam esse 21360 hexap. tametsi majorem tabulæ exhibeant distantiam.

XIII. Rex M. B. in Planisphærio loca designavit quibus navium gu-
 bernatores Angli iter in Indias tentant inter Boream & occasum Solis;
 nihil magis obfuisse quam nebulas quæ in iis regionibus de die cælum &
 terram subducunt oculis; ita ut nocte tantummodo ad stellas fixas naves
 dirigi possint. Id visum esse D. Vossio hibernum tempus navigationi opor-
 tunius fore discussa caligine. Anglorum itinera per fretum Magellanicum
 commemoravit, & alias vias in mari pacifico tentatas, ubi in æquali ab
 Æquinoctiali distantia longe acrius frigus experti sunt. Sic hiemem magis
 sævire in Canadensi regione quàm in Gallia sub iisdem parallelis animad-
 versum: adeò ut aëris temperies ex sola climatis positione non sit repe-
 tenda.

XIV. Tum forte quadam de Insula Taprobana veteribus non inco-
 gnita sermo incidit. Hanc à nonnullis Geographis recentioribus in Insula
 Ceilan, ab aliis in Sumatra reponi. Situm illius qualis à Ptolemæo descri-
 bitur, cum Maldivis insulis magis convenire existimabat D. Cassinus: hæ
 sunt insularum congeries de quibus nulla apud veteres sit mentio. Tapro-
 banam insulam juxta Promontorium Cori Ptolemæus collocat, quod in
 mare longius provectum inter Indum & Gangem vix aliud esse potest
 quam Promontorium quod Commorinum nuncupatur in eodem situ posi-
 tum. Idem Taprobanam sub Æquinoctiali constituit ab eo in duas partes
 inæquales sic divisam, ut pars major ad Boream, minor ad Austrum de-
 flectat. Atque hæ insulæ ab Austro ad Septentriones eo fere modo porri-
 guntur, quo Ptolemæi Taprobana. Illæ referente Picardo vehementi maris
 profluenti sunt expositæ, qui in rupes illius interdum quasdam secum abripit,
 eæque per angustos canales à se mutuo sunt disjunctæ. Sic auctore Linscotio,
 Malabaricæ insulæ olim continenti cohærentes, vi currentium, ut vocant,
 sejunctæ fuerunt, ac forte ex iis potuit Taprobana insula coalescere.

XV. Planisphærium deinde ex argento conflatum Rex M. B. inspexit
 quod D. Cassini olim jusserat faciendum industrio artificii D. Butterfield Anglo,
 quo Astronomici calculi & operationes majori compendio & facilitate fie-
 rent. Machina triplici systemati Ptolemæi, Copernici, & Tychoonis ex-
 plicando in parte posteriori sic aptatur, ut iisdem phænomenis exponendis
 omnino inter se conveniant. Rex primum hæc considerans ad planetarum
 circulos advertit animum, qui in vero situ & in justa proportionem positi lon-
 gitudines à Sole & terra visas, distantias quoque à terra indicant, idque
 ope regulæ in plures partes divisæ, cujus usum simul & trium systema-
 tum concentum approbavit. Cum annulum vidisset Astronomicum cujus

ANN. diameter est unius pedis, quique horarum minuta simul & magnetis declinationem exhibet, huic consimilem à se visum ait, Rex M. B. neque aliud esse instrumentum indagandis horarum momentis in ipso itinere magis idoneum.

XVI. Ex occasione Magneticæ declinationis quæ per annulos tam facile innotescit, cum de iis quæ Lutetiæ & aliis in locis factæ sunt observationibus circa illius variationem sermo haberetur, quasdam in Angliæ regulas circa illas deviationes inventas esse Rex M. B. admonuit, atque Ephemerides hujus variationis ad decennium usque fuisse descriptas, quæ cum observationibus satis apte consentiebant. Has utique observationes in magno hemisphærio excavato, quod in palatio Regio v. *Vvithal*, est collocatum, factas fuisse, in quo hemisphærio regnante Jacobo. I. Linea Meridiana summa cura fuit delineata. Illud quoque subjecit, ex hoc hemisphærio cum pendulis comparato nonnihil discriminis inter horas matutinas & vespertinas animadversum fuisse, quod refractionibus quæ mane paulo majores sint quam vespere, tribui posse suspicatus est D. Cassinus, qui illud judicabat difficillimum certas variationum quæ in acu Magnetica contingunt, regulas statui posse: cum permagna inæqualitas Parisiis observata fuerit, ac longissimo temporis spatio opus sit, quo variationum legeres comprobentur: hanc tamen tentare viam laudandum arbitrari.

Cum multus ea de re sermo haberetur, tum Rex D. Neuton & aliorum, qui terræ figuram non omni ex parte rotundam ex variis circa Versorium experimentis esse judicabant, opinionem retulit. Hanc utique D. Cassini ex quibusdam observationibus circa Jovem factis ortam esse existimabat. Nam Jovis discus non undique rotundus interdum apparuit: sed tamen umbræ telluris pars illa quæ in eclipsibus Lunam obducit, cum sit circularis, id fere persuadet terræ figuram à Sphærica non multum abesse. De telluris figura non perfectè Sphærica conjecturam ex observationibus quas viri eruditi ab Academia missi in Antillas, & in Viride promontorium fecerunt confirmari utrumque posse: nam pendula quæ secundis quibusque minutis vibrationes suas efficiunt, contrahere iis in locis oportuit. Sed fors est ut discrimen illud in aëris temperiem sit rejiciendum, cum eadem in regione aliquantum discriminis hiemis & æstatis temporibus observetur. Illud vero quidquid est discriminis, constituendum foret, ut pendula essent certiores temporis mensuræ.

XVII. Hæc pendula permagni usus esse posse in navigatione excepit Rex M. B. Anglum nomine Holms navis gubernatorem duobus pendulis inter se collatis usum esse, atque id bene processisse. Hujus rei in Gallia factum esse experimentum, à nonnullis qui tunc aderant, insinuat. Hoc enim D. Hagens faciendum proposuerat: etsi multæ incurrunt difficultates, id tamen fatendum est, ex multis pendulis inter se collatis quiddam utile longitudinibus locorum in medio Oceano inveniendis exculpi posse.

XVIII. His utrimque circa pendulorum usum dictis, Rex in eum locum ubi machinæ reponuntur descendit, ac præter ceteras illa quæ à D. Romer excogitata fuit & à perito artifice D. Thureto fabricata, Regis

oculos in se convertit. Eclipses omnes qua futuras qua præteritis nullo negotio in Noviluniis & Pleniluniis demonstrat. Alteram quoque Planetarum motibus explicandis juxta systema Copernicanum ab eodem auctore inventam non sine admiratione quadam est contemplatus : nam planetæ unius & ejusdem motus vi circa Solem circuitus suos absolvunt. *Ma- ibem.*

XIX. Hinc varios earum machinarum typos oculis lustravit, Rex M. B. quibus graviora tolluntur pondera. Ex iis aliquot in navibus sunt usitatæ & ad uniliorum formam redactæ, cujusmodi est illa machina vulgo Cabestan dicta, quæ ad Axem in peritrochio revocari potest : qua ratione illæ machinæ classibus quibus præfuerat, aptatæ essent, quave arte fuissent fabricatæ exposuit, simul & docuit non raro id accidisse ut ejusmodi machinæ male constructæ homines interficerent.

XX. Hydraulicas quoque machinas aquis sursum tollendis Rex M. B. conspiciatus, de iis quæ ab Equite Morland fuerunt excogitatæ, ac de aliis quæ ab Anglo nomine Gourdon inventæ fuerunt, quasque cæteris anteponebat, disseruit.

XXI. Hinc varia machinarum genera subvehendis ponderibus accommodata contemplatus, & illam maxime à D. Perrault repertam, qua pondera libramine quodam sursum tolluntur ; deinde illam quoque intento animo conspexit quæ tum temporis ab Architectis adhibebatur in construendo illius ædis concamerato fastigio, quæ Regis Christianissimi solita munificencia in usum militum qui in bello membrorum capri regii sumptibus aluntur, est exædificata, idque singulari studio Marchionis de Louvois cui publicæ hujus domus cura fuit à Rege demandata. Hæc machina est ejusmodi ut vis morrix longissime à pondere subvehendo applicetur.

Pontis quoque portatilis à D. Couplet excogitati formam Rex M. B. expendit : hujus pontis supra mentionem fecimus. Illius partem aut lignum miles defert & in momento temporis figit, dum in fluvii ripa firmum sit solum aut saxum.

XXII. Rex M. B. occasione data cum de machinis ab Equite D. Morland sermo haberetur, duas protulit argenteas laminas, fere ut duo numismata, quæ per multas ætates & quolibet anni die propositio, hebdomadæ diem indicant, una juxta Julianum, altera juxta Gregorianum Calendarium. Sed ipsemet advertit posteriorem usui esse non posse, elapso hoc præsentis sæculo, quod illius diei qui exeunte sæculo subducendus est, habita ratio non fuerit. Idque D. Cassino præbuit occasionem de tabula ab eo constructa disserendi, quam in usum perpetuum Calendarii Gregoriani pertexuit, hanc postea Regiæ Majestati obtulit.


XXIII. Cum Meridiana instaret hora ad Turrin Occidentalem secundæ partis ædium itum est, in qua erat speculum ustorium ab industrio artifice D. Villette fabricatum, argentum in foco speculi in momento pene fusum est.

XXIV. Instrumenta à D. Sedileau præparata Rex M. B. invisit tumque altitudine Solis Meridiana explorata, ad eam portatilia sua horologia exegit ; unum ex iis quiddam singulare habet quo horæ & quadrantes horarum citra strepitum iterantur, ubi certo in loco digito premitur.

ANN. XXV. Libella qua D. Picard usus fuit in librandis Verſaliæ locis
1690. conſiderata, Rex in planam faſtigii ſuperficiem conſcendit, ubi erant
vaſa quædam quadrata, quibus D. Sedileau ex mandato D. De Louvois jam
ab aliquot annis pluviæ decidentis, & illius quæ in vapores diſſatur
quantitatem dimenſus fuerat. Iſque pluviæ quæ abhinc biennio majore co-
pia intra 24 horas decidit, 14 linearum altitudinem non ſuperafſe oſten-
dit; vertente anno ad 17 aut 18 pollices ſublata, ac maximam quæ
24 horarum ſpatio exhalationem contigerit, ultra 2 aut 3 lineas non
excurriſſe.

In his colloquiis tantam Rex M. B. eruditionem & peritiam in magna
rerum varietate oſtendit, ut nos omnes qui tum adfuimus, admiratione
ſimul & veneratione ob ſingularem ejus humanitatem & comitatem im-
pleverit.

XXVI. Menſe Decembri nova in Jove macula viſa eſt, quæ per ali-
quot dies à D. Caſſini fuit obſervata, ut & novæ faſciæ quæ in hoc pla-
neta viſæ ſunt; poſtea obſervationes ſuas cum aliis ante 24 annos factis,
cum Jupiter in Perihelio verſaretur, contulit, ac phaſes fatiſ conſimiles ap-
paruerunt: Verum ea de re redibit ſermo. Die 10 Novembris Mercurius à
P. le Comte viſus eſt in Sole inſtar nigræ maculæ, intra tres horas cum
ſemelle diſcum Solis peragravit.



SECTIO OCTAVA.

De iis quæ geſta ſunt, anno 1691.

AB iis ordiamur obſervationibus Phyſicis, quas miſerunt patres So-
cietatis: nam ex ſunt ſi quæ alia, ſpeculatione digna.

CAPUT PRIMUM.

De Phyſicis obſervationibus.

I. **P**atres Societatis ex Indiis Orientalibus ſuas obſervationes cum Phy-
ſicas, tum Aſtronomicas miſerunt quæ anno 1692 cum annotationi-
bus P. Gouie in lucem prodire & earum ſummarium in Acta Academiæ
die 31 Junii ejusdem anni collatum. De his quæ ad Phyſicam ſpectant hoc
loco dicendum.

Primum illud fuit obſervatum à P. Beze non omni ex parte verum eſſe;
quod vulgo creditum eſt, calorem acriorem eſſe in locis quæ lineæ Æqui-
noctiali ſunt viciniora; 2 liquorem in vulgaribus Thermometris cujuſmodi
à D. Hubin elaborantur, non ultra 78 gradum Siami aſcendere, &
ad 52 uſque gradum Hiberno tempore interdum deprimi. 3. Menſibus
Martio,

Martio , Aprili , Maio , Octobri , Novembri & Decembri acrior est *Physi-*
æstus. Nam mensibus Junio , Julio , Augusto , & Septembri ær in *ca.*
imbrem soluitur. Aquilo tum fere dominatur , Augusto imprimis &
Septembri qui assueta præsertim huic cælo corpora majori frigore as-
ficit.

II. Malaca quæ duobus gradibus à linea distat , satis temperato frui-
tur cælo : idem pene calor & moderatus semper viget , adeo ut per 7
menses spiritus vini in Thermometro inter 60 & 70 gradus pene semper
consistere visus fuerit. Illa tempesties hinc oritur , quod unaquaque heb-
domada semel aut bis largior imber decadat. Huic finitima Sumatra hanc
vaporum copiam suppeditat : nam & imbres & procellæ ibi crebræ sunt.
Unde & tempestates inter Tropicos frequentes quæ non diu sæviunt , sed
cum ventis acrioribus conjunctæ sunt : Circumjectæ Malacæ regiones
amœnitate sua ac soli ubertate commendantur ; omne genus fructuum
proferunt qui bis in unoquoque anno renascuntur.

III. Bataviæ calor acrior est ; isque circa Promontorium *Coromandel*
& in finitimis regionibus arenosis urit fortius , præsertim Junio & Julio
mensibus. Januario autem mense cum remissior est calor , qui Thermome-
tro continetur liquor , ad 60 usque gradus ascendit , cum mense Junio ad
84 usque gradum elatus esset. Solum plane sterile foret , nisi anniversarii
imbres qui per 4 menses decidunt , terris fertilitatem afferrent. Incolæ in-
gentia aquarum receptacula aut lacus effodiunt , ex quibus rivi ducuntur in
subjectas terras , ubi præ siccitate quæ sex aut 7 mensibus durat , valde immi-
nuuntur. Unum ex iis receptaculis observarunt pares Societatis , cujus am-
bitus tria passuum millia patebat ; per sex horas referatis ostiis aqua singulis
diebus vicinas terras alluebat.

IV. Illud in universum statui potest , calorem in Indiis non supra mo-
dum molestum esse : præterquam enim assueti homines hunc facilius fe-
runt , ventus lenis continenter flat ab Aquilone , vel ab Austro. In iis regio-
nibus qui ab Æquinoctiali liæa ad Boream deflectunt , Aquilo ab Octobri
mense ad Martii extremos usque dies spirat. Tum ab Aprili ad Septem-
brem usque flat Austro ; hæc Motiones v. *Les Moussons* , satis regulares
recurrunt. Unde pluviarum statuta sunt tempora , nec tamen in diversis re-
gionibus , iisdem plane temporibus decidunt. In Siamensi regno à mense
Junio ad Octobrem continuantur ; Bataviæ à Novembri ad Martium usque ;
extra hæc tempora raræ sunt pluvie , nisi in Malaca.

V. Malacæ sereno cælo & liquore in Thermometro ad 69 gradus
sublato , hydrargyus ad 26 pollicum & 6 linearum altitudinem in Ba-
rometro suspensus erat. Atque illud universum ab iis observatum fuit
in majore æstu hydrargytum nonnihil deprimi , etiamsi eadem sit æris se-
rentas. Multa alia circa vim elasticam æris in Barometro facta sunt ex-
perimenta , quæ in publicum sunt emissæ cura & studio Doctissimi viri P.
Gouic , Matheseos in Collegio Ludovici Magni Professoris.

VI. Mitto varias observationes Physicas quarum mentio facta est in Actis
Academæ , aut Miscellaneis quæ Gallico sermone anno insequenti edita
sunt ab Abbate D. Galloys. Nam ea diligentia & perspicuitate sunt ex-

ANN.
1691.

pressæ ut operam nostram minime desiderent. Hujus generis ex sunt quæ D. Sedileau circa pluviam quæ uno quoque anno decidit quantitatem observavit. Eam Lutetiæ singulis prope annis ad 19 pollicum altitudinem efferri comperit. Intra 24 horarum spatium non ultra 12 aut 13 lineas visa est ascendere.

Vertente anno ad 32 usque digitorum altitudinem in vapores diffusi solet ; major fit ejus resolutio in angustioribus vasis quam in amplioribus cum omnia sunt utrobique paria ; maxima fuit exhalatio intra unius diei spatium 3 linearum cum semisse , cum mense Junio calor esset acerrimus. Sereno & gelido cælo sesqui-linea fuit imminuta intra 24 horas : ad id ut tandem pene omnis aut calore terræ & insensibili exhalatione diffletur.

VII. Hinc multa oriuntur circa fontium originem & fluminum lapsus ; circa vaporum qui è mari efferuntur & in pluviam concresecunt , copiam , quæ in memoratis actis & in iis maxime quæ die 31 Maii anni 1693 data sunt , copiosè explicantur. Qua Methodo , quave ratione usus fuerit D. Sedileau in iis omnibus explorandis , acta mensis Februarii anni 1692 dilucide exponunt.

VIII. Cum aliquot ferreæ rubiginis frusta Carnuti in cujusdam turris ruina reperta essent in Magnetem conversâ , quæ ad D. De la Hire sunt missa : circa vim magneticam ab ea rubigine contractam conjecturas suas proposuit , quæ in lucem tum prodire. Multa quoque à P. P. Fontenay & Richaud circa declinationem Magnetis & ejus varietatem sunt observata. Ex quibus suspicari licet hanc ab universali causâ oriri , quæ cum analogia quadam ubique vim suam exereret , nisi causæ particulares intercederent : nam ab anno 1686 ad annum 1688 Lutetiæ & Siam aut potius in oppido *Louvo* eadem pene ratione est imminuta. D. Varignon suas de duritie conjecturas proposuit quæ in Actis anni 1692 continentur die 14 Februarii : D. Dodart gemmas , quales tum temporis sunt in arboribus , suis obductas involucris palam exhibuit , fructus quoque attulit , qui ex una parte mala medea , ex altera erant mala aurea.

D. De la Hire quorundam fructuum qui florum expertes vulgo habentur , delineatas ostendit figuras , in quibus flores omnibus suis partibus instructi conspiciuntur.

CAPUT II.

De iis quæ ad Anatomiam & historiam Animalium spectant.

I. **C**irca historiam Animalium & Anatomem complura in Academia à D. D. Du Verney & Mery sunt animadversa , eaque speculatione digna. Hic partes generationi destinatas in histrice fœmina , fibras cutanei musculi & aculeorum morrices novo examini subjecit.

Sic D. Du Verney in struthione eadem discussit organa quæ procreationi servantur , eaque delineavit D. De la Hire , structuram oculi , trochlear & funiculi quæ velo subducendo ante corneam inserviunt , artificium osten-

dit, quæ ratione glandula lachrymalis inferior liquorem suppediet ex- *Phy-*
 tims oculi partibus abluendis. Illud quoque ab eo fuit observatum pisces *sica.*
 ova sua non projicere nisi postquam facta est sexuum conjunctio, quæ in
 momento temporis efficitur. Ac simul id admonuit, glutinosum humorem
 quo rariarum ova inter se devinciuntur, in oviductu antea contentum
 fuisse, ac perpatum hujus liquoris in aqua diffundi instar gummi Traga-
 canthi quo ova inter se agglutinentur.

II. Multa à D. Mery circa tres cordis ventriculos in testudine marina,
 & communicationem dextri cum sinistro sinu per foramen ovale animad-
 vertit, unde pleraque deduxit circa usum ovalis foraminis in fœtu quæ in
 Miscellanea Academiæ anni 1692 mense Martio collata sunt. Hinc quo-
 que varias misit conjecturas circa fœtus & testudinis respirationem, quæ
 inter peritissimos Anatomicos nonnullis disceptationibus iisque eruditis lo-
 cum dedit, unde lux aliqua huic scientiæ asserri potest.

III. Die 1 Decembris D. D. Tournesort & Homberg ab Illustriss.
 D. De Pontchartrain selecti sunt, qui inter Academicos cooptarentur, iique
 ab Illustriss. Abbate D. Bignon sunt in confessum admissi.

IV. Sub finem anni 1690 insecta quæ mali aurei ramis & foliis adhæ-
 rent D. D. De la Hire & Sedileau observare cœperunt, quæque postea
 sunt diligentius profecuti. Primum maculæ nigre visæ sunt, microscopio
 subjectæ viva animalcula pedibus & antennis instructa apparere: sub
 finem Decembris jam quædam ex iis ad unius pene lineæ longitudinem ex-
 creverant. Ineunte vere multum aucta sunt & arbori per exilia quædam
 stamina sic agglutinata, ut vix avelli possent: squamosa erant, nec facile
 dignosci potuit qua parte alimenta sumerent, subtrubrum quoddam punctum
 inter anteriores pedes, idque depressum videbatur. Quod oris loco esse sus-
 picatus est Dominus De la Hire: trium & amplius linearum longitu-
 dinem asscuta ineunte Junio ova excludere cœperunt quæ inter se
 erant connexa. Intra unius horæ spatium 12 fere ova emitebant. Post-
 quam magnam ovorum multitudinem excluderunt hæc animalcula quæ v.
Cimices appellant, paulatim tabescunt: squama durior facta hæc ova tegit,
 & ab injuriis aëris tuctur. Quo tempore cœrent, vix exploratum haberi
 potest. Nam ab initio veris arbori per filamenta adhærescunt, adeo ut par-
 va admodum cœre necesse sit. Horum diversos status & figuras in actis
 Academiæ mensis Januarii anni 1692 invenies.

CAPUT III.

De rebus Mathematicis.

I. **H**ic annus novis observationibus Astronomicis insignis fuit. Anno
 1690 mense Decembri D. Cassini novas in Jove maculas & fascias
 conspexerat, quas brevi post tempore publico scripto descripsit. Unde hæc
 fasciæ & maculæ in Jove prodeant, quidve hæc phenomena cum iis
 quæ in terra cernimus habeant commune, quantum sunt subjecta materia

ANN. adeo abstusa, exposuit. Quod si, inquit, è cælo telluris orbem con-
 1691. tueri liceret, Oceanus terræ circumfusus fere ut major illa australis fascia
 quæ globum Jovis integrum cingit; mare Mediterraneum, uti aliæ Jovis fasciæ
 intercissæ, reliqua maria ut majores quædam maculæ, sed obscuræ viderentur.
 Insulæ speciem macularum, sed splendidiorem præ se ferrent, omnes eadem
 semper apparent. Nives quibus maximæ terræ partes interdum teguntur,
 splendidius quidem lumen, sed instabile regerent; æstus maris recipro-
 cus & crebræ exundationes alias subinde maculas interim exhiberent, in-
 terim oculis subducerent: postremò nubes & vapores atmosphæræ nostræ
 fascias illas Jovis ac maculas fugaces & incertæ figuræ variis agitas mo-
 tibus utcumque adumbrarent.

Ac fortè omnes illæ mutationes quæ in Jovis globo cernuntur, singulis
 Jovis circa Solem revolutionibus, hoc est 12 annorum spatio, aut saltem
 certis temporibus periodi 8; annorum, quæ Jupiter eundem cum Sole si-
 tum & iisdem in Zodiaci punctis obtinet, eadem quoque mutationes re-
 currerent. Quemadmodum quæ in terra mutationes contingunt, certas
 habent revolutiones, quique à cælo terram conspiceret, easdem statis
 temporibus reduces contueretur. Quæ forsitan conjecturæ temporum lapsu
 his phænomenis nonnihil lucis afferent.

II. Variæ ejus generis mutationes hujus anni decursu in Jove conti-
 gerunt quas summo studio observavit D. Cassini. E tribus fasciis quæ pro-
 prior est centro ad Boream deflectens semper sui copiam fecit, non sine
 aliqua sui mutatione. Dux in illâ maculæ à D. Cassino observata mense
 Octobri, eæque splendidiore: sub finem ejus mensis dux alia sibi mu-
 tuo oppositæ visæ sunt, quæ 9 horarum spatio & 51 minutis suas absol-
 vebant periodos. hæc fascia paulatim contracta est, cum dux hinc inde
 positæ fuerint ampliores, quasi media fascia in alias se se effunderet &
 exundaret. Sub finem ejusdem mensis 7 aut 8 versus Austrum obscuræ &
 sibi proximæ fasciæ sub conspectum venerunt.

III. Quibus ex causis eæ fasciæ prodire potuerint, simul & alia in
 Jove phænomena, novas itidem maculas & earum revolutiones conjectu-
 ris est persecutus, quæ pulchrè exponuntur in Actis mensis Januarii anni
 1692, ubi earum figuræ apte sunt delineatæ: satis nobis fuerit ista leviter
 attigisse.

IV. Illud unum subijciam eo loco annotatum, ante annum 1690
 novas in Jove visas non esse maculas. Tum vero Jupiter erat Perihelius,
 seu Soli vicinus, & tamen oppositioni cum Sole proximus. In aliis hujus
 planætæ periheliis D. Cassini quasdam mutationes in fasciis deprehendit:
 sed eæ non erant tam variæ & multiplices quam quæ anno 1690 visæ sunt:
 forte id contingit quod Jove longius à Sole distito quæ in ejus globo acci-
 derunt, ea conspiceret non liceret, quemadmodum anno prædicto cum Ju-
 piter esset Soli pene oppositus & simul perihelius. Expectanda est consimilis
 Jovis oppositio, si forte eadem macularum multitudo se prodar.

V. Majores in maculis quam in fasciis mutationes acciderunt. Quæ
 enim macula die 5 Decembris anni 1690 inter mediam & Australem f. f.
 ciam apparuit, die 23 ejusdem mensis in tres divisa est. Quæ medio erat

loco, periodum suam intra novem horas & 51 min. absolvēbat; eadē *Astro-*
 maculā & in eodē sitū mensibus Januario & Februatio se videndas præ- *nomica*
 buere. In hemisphærio altero nova adhuc macula inter duas fascias centro
 viciniores & obscuras prodiit, cujus revolutiones eodē temporis spatio
 9 hor. & 51 min. peractæ. Eodē mense aliæ duæ prodire iis consi-
 miles quæ die 13 Decembris, & iisdem in locis positæ, adeo ut easdem
 fuisse persuasum habuerit D. Cassini. Quatuor maculas initio rotundas, tum
 sensim in longum porrectas mense Februario conspexit anno 1692. Aliæ
 centro Jovis propiores visæ quarum motus erat celerior. Nam intra no-
 vem horas & 50 minuta revolutiones suas absolvēbant; atque hæ postero-
 res maculæ in Æquinoctiali Jovis sitæ erant, cum antiqua macula quæ-
 que anno 1690, & initio anni 1691 visa est, in parte illius Australi, ubi
 hiems sex annorum viget, cernerentur.

VI. Observationes Astronomicæ à P. P. Societatis in Orientalibus pla-
 gis magna diligentia factæ, & ad Academiam missæ, postea publici juris fa-
 ctæ sunt, quæ multa complectuntur ad Geographiæ institutionem, & na-
 vigationis scientiam perutilia. Quantum Chartæ Geographicæ etiam accu-
 rationes à vero aberrant, liquet ex observationibus factis à P. P. Richaud,
 Noël, Camille, Beze. Nam tabulæ vulgares Indias & Sinenſe regnum
 quingentis leucis longius quàm par sit, ad Orientem promovent; Regnum
d'Ava quod Gallia altero - tanto majus est, in tabulis adeo est deforma-
 rum, ut vix agnosci possit. Unde & peculiarem illius Chartam rudem ad-
 huc & nondum absolutam P. Du Chatz delineavit, sed multò accuratio-
 rem, quàm quæ vulgo habentur: urbem *Syriam* Metropolim regni *Pegou*
 ad latitudinem 16 gr. collocat. Ava regni ejus nominis caput 300 leucis ab
 urbe *Syriam* distat, latit. 2 gr. in medio inter utramque urbem itinere est
 civitas *Prom* ejusdem magnitudinis cum *Syriam*; propius Ava est *Bakan*,
 ubi aqua fluminis Ava per decem leucarum spatium vi lapidifica donatur,
 reliqua videri possunt in observationibus editis anno inſequenti.

VII. Quæ à P. Martini anno 1654 & à P. Couplet ante sex annos
 sunt publicatæ Sinenſis imperii tabulæ, longè omnium quæ hæcenus pro-
 dierant, sunt accuratissimæ: & tamen partem Orientalem hujus regni plus
 æquo 150 nimirum leucis proferunt, ut ex satellitum Jovis eclipsibus in
 civitate Hoaingam à P. Noël factis colligitur.

Permultæ observationes hoc libro continentur, ex quibus locorum lati-
 tudines & longitudines sic eruuntur, ut Sinenſis Regio non mediocriter
 cognita & explorata videatur.

VIII. Ex occasione hatum longitudinum D. Cassini in suis notis ad
 observationes P. Noël, quò usque ab Incarnatione Salvatoris progressa fue-
 rit Geographia, paucis exponit. Nam Strabo qui imperante Tiberio Geo-
 graphiam scripsit, Indos Hispanis Antichthonas ponit. Maximus Tirus Ne-
 rone imperante Sinenſi regno 225 gradus longitudinis tribuit: Ptolemæus
 ex iis 45 gradus detraxit; recentiores adhuc 45 gradus è tabulis Ptolemæi
 subduxere.

IX. Multas quoque in hoc opere circa motus satellitum Jovis difficul-
 tates propositas, & à D. Cassini solutas, multa circa Siamensium æram,

ANN. 1691. Calendarium, & Astronomiam ab eodem enodata invenies. Duo Comete ibi sunt observati; priori anno 1686 in mense Aug. in Siamensi regno ab Austro in Boream progressus Æquatorem secans in 11 gradu Ascensionis rectæ, motu proprio ad Solem accedens tandem illius radiis immerfus, conspectum fugit. Alter Malacæ & Pequini mense Decembri anni 1689 observatus motu priori contrario versus Austrum incedens, ineunte Januario videri desit. Dux itidem ingentes maculæ circa Polum Antarticum, præter duas albas velut nubes jampridem deprehensas. Nonnulla quoque circa lumen illud quod post Solis occasum, & ante illius ortum à D. Cassini observatum fuit, quodque Siami interdum tertia post Solis occasum hora sub oculos venit, ac pleraque alia scitu digna in eo libro continentur.

X. Neque illud prætereundum quod ad Astronomiæ illustrationem maximè pertinet, & à D. De la Hire mense Novembri hujus anni fuit diligenter observatum circa Veneris cum Sole conjunctionem, dum minimam haberet latitudinem. Id enim perraro contingit, & tamen vix certa Veneris cum Sole positio haberi satis accurata potest citra hujus generis observationes. Superiorum quidem Planetarum situs cum Soli opponuntur, facile consequimur; sed inferiorum conjunctiones cum Sole vix haberi possunt. Anno 1531 Gassendus Mercurium in Sole conspexit, uti Keplerus anno 1621 ante monuerat; Veneris conjunctionem quam eodem anno futuram promiserat, frustra expectavit. Horoccus Anglus die 24 Novembris anno 1639 paulo ante Solis occasum ex tabulis Rodolphinis Venerem in Sole conspexit. Cum autem Sol ad occasum vergeret, vix per semihoram observari potuit, neque adeo Veneris latitudinem & nodi locum accurate hinc potuit deducere.

XI. Cum spes nulla esset Veneris in Sole ipso conspiciendæ, D. De la Hire tempus captavit, quo idem Planeta supra Solem positus cum eo conjunctus foret. Quod a huc tentatum non fuerat, neque id assequi potuisset nisi loco pinnularum Dioptræ quadrantis circuli, tubum opticum, uti jam ab ipsa Academiæ origine usurpatum fuit, aprasset. Hac enim ratione stellæ etiam de die observantur, D. De la Hire fixas jam ab anno 1681 etiam in ipsa Meridie conspexit.

Ea quidem methodo conjunctio Veneris cum Sole ex illius altitudine Meridiana sæpe ab eo fuit observata; sed cum major esset illius latitudo, non omnis erroris aberat suspicio. Mense demum Novembri cum minima esset ejus latitudo, & prope esset ut Soli jungeretur, magno studio verum conjunctionis tempus & veram latitudinem tandem est assecutus. Observationes ab eo factæ in Actis mensis Februarii anni 1692 sunt consignatæ. Ex quibus veram conjunctionem Veneris & Solis die 15 Novembris colligit, ac nodus illius seu intersectio orbitæ Veneris cum Ecliptica tum fuit in 13 gradu 19 min. Sagittarii, minus 52 min. quàm in tabulis Rodolphinis assignatur.

XII. Die 9 Junii D. Cassini hæc in Jove post conjunctionem cum Sole observavit, ellipticæ figuræ vitus fuit: ita ut major ejus diameter ab Oriente in Occidentem porrecta alteram superaret parte circiter decima quinta. 2. Quod maculæ prope centrum positæ citius revolutiones suas

absolvere visæ sint, quod Jupiter prope Perigæum citius uno minuto quàm *Astro-*
prope Apogæum revolutionem circa centrum conficeret, cum antea diffe-
rentia aliquot tantum minut. sec. apparuisset: alia nonnulla animadver-
tit circa Lunam & stellas fixas. Medium Lunæ motum à Veteribus defi-
nitum cum suis observationibus, uti & latitudinem Spicæ Virginis & qua-
rundam aliarum apprimè convenire.

Paulò longiores fuimus in his quæ ad Astronemiam spectant, breviores
in aliis futuri.

XIII. Problemata quædam Mechanica & nova D. Varignon propo-
suit. Die 14 Martii structuram machinæ cujusdam exposuit, in qua æqui-
librium inter duo pondera quaecumque inter se habeant rationem, fieri
nequit. Ex hujus machinæ constructione & demonstratione aliud deducit pa-
radoxum, duo pondera quæ in se se mutuo agunt, sic disponi posse, ut
unum ascendat altero non descendente. Machinæ delineatio cum demon-
stratione conjuncta in Commentariis Academiæ asservatur: uti & aliud pro-
blema Geometricum & Opticum quod est ejusmodi: Oculo dato & ædis
alicujus fronte, seu directione quavis data, in ea fronte locum invenire in
quo quævis magnitudo æqualis apparebit cuivis alteri magnitudini minori
in eadem fronte aut directione ad libitum sumpta.

Sub idem tempus D. D'Alème excogitatam à se machinam aquis attol-
lendis & magnis ponderibus subvehendis proposuit.

XIV. Quædam alia tum Geometrica, tum Mechanica demonstrant
D. D. De la Hire & Varignon, atque ille quasdam hydraulicas Heronis
machinas fusè admodum à Commandino delineatas restituit. Novam ex-
trahendæ radicis quadratæ in majoribus numeris & faciliorem methodum
exposuit; multa demum observavit circa aquæ ascensum in tubulis vitreis
quibus charta bibula imponitur, eo, ut videtur, consilio, ut succi nutritii
in arboribus ascensum explicaret.

XV. Die 30 Junii demonstrationem suam circa liquorum æquilibrium
exponere incæpit D. Varignon, quam postea est persecutus. Hæc adeo visæ
est digna quæ Actis Academiæ mensis Januarii anno 1692 editis inse-
reretur. Theorema jam à multis annis propositum & variis experimentis
comprobatum est ejusmodi. Si duo sint tubi æqualis altitudinis & ejusdem
basis, quorum alter cylindricæ, alter conicæ pene sit figuræ, in basi nem-
pe latior quàm in summo, iique aqua repleantur, ac tubus cylindricus ex.
gr. 200 aquæ libras, conicus 20 tantum capiat: hic tantum ponderis,
quantum est in priori sustinebit, quandiu aqua manet liquida. Nam ubi
in glaciem concreverit, tum quæ majore tubo continetur, longè majus su-
stinebit pondus.

De re ipsa constat, sed de hujus effectus ratione non inter omnes con-
venit. Sunt qui eam causam afferant, quòd aqua in utroque tubo fundum
vasis ex æquo premat; alii tubi in apicem desinentis latera partem ponde-
ris ferre opinantur. Horum sententiæ accedit D. Varignon, & nova qua-
dam via hoc theorema demonstrat.

Post ejus anni irducias D. Cassini quam mente conceperat conti-
nuandæ linæ Meridianæ rationem proposuit, simul & in variis regio-

ANN. 1691. nibus observatas longitudes quæ Geographiæ & navigandi arti promo-
venda admodum utiles judicantur, exposuit. Animadversiones quoque suas
in tabulas Geographicas emendatas legit, simul qua ratione ad praxim vel
usum hæ redigantur, ostendit.

D. De la Hire Tractatum legit Emanuelis Moschopuli quem è Græco
in Latinum vertit: de quadratis magicis inscribitur. Die 24 Novemb. D. Va-
rignon ostendit qua ratione fiat ut qui in orbem currunt, corpus intror-
sum inclinent, & cò magis quò leviùs aguntur: ex quo firma obequi-
tandi ratio cruitur.





R E G I Æ
SCIENTIARUM ACADEMIÆ
HISTORIA.
LIBER QUARTUS.

A Nno superiore, mense Aug. Franciscus Michaël Le Tellier Marchio De Louvois Regi ab intimis consiliis & secretioribus mandatis, atque ejus in rebus bellicis fidissimus Administer, morte non immatura modò & præcipiti, sed & Gallæ luctuosa abreptus gravi nos & acerbò dolore percussit. Is cùm meritum suorum magnitudine, tum Regis æquissimi judicio collocatus in altissimo dignitatis gradu fuerat. Cum autem fortissimi animi vir erat, maximi laboris, & judicii acerrimi, si quid in re bellica deliberandum erat, in ejus consiliis multum, si quid perficiendum, in ejus vigilantia plurimum Rex Sapientissimus ponebat. Huic multiplici nomine obstricta est Academia, quam auctoritate sua & præsidio semper tutatus est, etiam sæviente bello, quo nullum à condita Monarchia majus commemorari potest, nec majori virtute gestum.

Tanti viri desiderium paucis post mensibus non mediocriter leniit nuntius ad nos ex publico rumore perlatus, virum illustrissimum Ludovicum Pheypeaux D. De Pontchartrain Regi item ab intimis consiliis & secretioribus mandatis, ac generalem ærarii moderatorem in suam clientelam accepisse Academiam. Hinc enim certa spes fuit, fore ut non deesset honestis artibus summi vici patrocinium. Et certè difficillimis temporibus, cùm omnes pene Europæ Principes conjuratione factâ extrema quæque Gallæ minarentur, quantâ valet apud Regem gratiâ juvare Academicos non destitit. In quo quidem Academia benevolum in se animum perillustis Abbatis Bignonii, atque egregiam in litteras & litteratos voluntatem, quasi hæreditario jure à majoribus acceptam non semel experta est. Jam enim anno superiore ab Illustrissimo avunculo designatus, qui huic Eruditorum cœni præfesset, eorum unumquemque comitate sua sic sibi devinxit, & benignitate sic accendit, ut sub ejus oculis Academia multò majores, quàm antea progressus fecerit, Id sane singulari studio & auctoritate apud avuncu-

ANN. lum est consecutus, ut in tanto bellorum tumultu nemo ex Academicis
1692. expertus id fuerit, quodd queritur Tullius litteratum studiosis usuvenerit :
*Omnia, inquit, nobis studia de manibus excutuntur, simul atque aliquis mo-
tus novus bellicum canere cœpit.* Sed ne in beneficentissimi viri laudes excur-
ram, neve ingenii lumen, vim prudentiæ, doctrinam, eloquentiam, cœ-
teraque animi ornamenta commemorem, modestia ejus facit, & stylo qua-
si manum injicit. E semita igitur in viam redeamus.



SECTIO PRIMÆ.

De Actis anno 1692.

QUæ ad historiam animalium & anatomen spectant, simul & Botani-
ca, Chymica, Physicæ demum generalis varia theorematata non mi-
nori studio quàm annis superioribus profecuta est Academia, idque maxi-
mè postquam in locum eorum qui ex hac vita decesserant Illustriss. D. De
Pontchartrain novos Academicos in his disciplinis admodum exercitatos suf-
fecit. Cum autem illud optaret, ut unoquoque mense, quæ forte quadam
occurrunt, aut recens sunt inventa, vel ex usu publico excogitata promul-
garentur: hanc Provinciam clariss. Abbas D. Galloys suscepit, qui omnium
primus in Gallia Eruditorum Ephemerides delectu, brevitate & elegantia
omnibus nota per complures annos confecerat.

Cum igitur præter usitatos Academiæ labores, tum in Physicis, tum
in Mathematicis disciplinis, quæ majoris sunt momenti, & Eruditorum
animos magis ad se convertunt, in acta publica relata fuerint, nihil est
causæ cur in iis referendis tempus teramus, summa tantùm rerum capita
decurremus. Hoc itaque faciendum.

CAPUT PRIMUM.

De Rebus Anatomicis.

I. Superiore anno die 29 Decembris D. Du Verney de bilis & succi
pancreatici ductibus scriptum legit, quod mensis Februarii anni 1692
Actis publicis insertum fuit: hujus fere ea est summa. Quinque hystrices à
se dissectos in Academia fuisse, in his omnibus observasse ductum biliarium
non in duodenum intestinum, sed in ventriculum ipsum desinere, uti in
uno & in altero struthione. Istuc verò omnibus struthionibus commu-
ne est, ut cysti fellea careant, & duplici ductu hepatico donentur. Ma-
jor ex iis juxta pylorum intestino sic inseritur, ut extremum illius versus
pylorum dirigatur. Ex quo illud videtur consequens bilem non merum cœ-

se excrementum, sed eam digestionem plerumque inservire. Illud etiam ex iis observationibus suspicari licet, ventriculi fermentum non esse succum omni ex parte acidum, sed illud sæpe ex acri & amaro esse temperatum. Nam amara quæque coctionem ventriculi juvant: unde in his animalibus quæ facilius cibos digerunt, bilis in ventriculum effusa in alimenta ventriculo contenta vim suam exacuit.

II. In hystrice quoque id animadvertit, Pancreatis ductum in jejunum intestinum desinere sesqui-pedis & amplius à pyloro intervallo; longius in structione à pyloro reinovetur; adeo ut vix duo illi liquores simul permisceri possint, neque adeo id necesse sit, ut unà conjuncti in chylum vites suas exerant, tamen in homine & in plerisque animantibus conjunguntur.

Tum temporis D. Mery brevem dissertationem de circuitu sanguinis in fœtu legit, cujus facta est mentio in Actis 31 Martii.

III. Idem die 6 Februarii Pelicani pellem coram exhibuit cellulis ubique respersam, quæque anno 1686 j. m. ab eo fuerant animadversa, comprobavit. Illud imprimis, aëra per tracheam immissum omnes cutis implere cellulas; structuram pellis & membranæ in qua plumulae in hexagona dispositæ radices habent, accuratè descripsit, & alia bene multa quæ in commentarios collata sunt, & anno 1693 actis publicis inserta.

Avis illa est Onocrotalos Plinii, sic acta, quod alinum rudentem voce sua imitetur; ab aliis Pelicanus appellatur, quod rostro fodere aut secare vulgo creditum sit. Huic Onocrotali notæ omnes à Plinio assignatæ conveniunt, saccus imprimis amplius sub gutture, quod piscibus vescatur. Insignis quoque illius est moles, quinque pedum longitudo, volatus ipse seu distantia inter extrema alarum expansarum ad undecim usque pedes patebat.

Rostri structura præter cæteras partes corporis erat spectabilis: pars ejus superior à radice sua ad extremum usque plana erat & æquabiliter lara, inferioris rostri limbus uterque acutus & secans. Sed rostri & subjecti sacci conformatio ex ipsa descriptione petenda est. Ista enim ut reliqui pene omnia, figuræ ipsæ & series rerum oculis & animo subjiciunt. Illud peculiare in Pelicano, quod etiam pullis in sacco asservatam præbeat, non ut aliæ aves, quæ ex præda vivunt, quæque pullis suis alimoniam vel rostro, vel unguibus allatam subministrant.

Structura pellis, cellularum dispositio, & commeatus aëris in cellulas, in Actis Academiæ mensis Decembris anni 1693 accuratè sunt descripta. In his copiosè & distinctè exponuntur quæ à D. Mery sunt observata anno 1692 circa plurimum radices, & fibras earum motrices in formam hexagonam sic dispositas, ut in centro tubus ipse aut calami basis collocetur, ac fibræ ipsæ in membranam sub pelle positam desinant, arque omnes cellulae hexagonæ per foraminula in membranis conspicua inter se communicent; adeo ut hi parvi muscoli seu fibræ in varias partes pellem ipsam inflectant. Cum autem molles plumulae in ea membrana quæ inter pellem & eos musculos est interjecta, seu in ipsa pelle suas habeant fibrillas motrices, ab iis quoque pellem moveri satis est verisimile.

ANN. Jam anno 1686 D. Mery pellis cellulas aëre oppletas repererat inter 1692. dissecandum, fere ut caro bubula vento inflari solet, sed quo iungere aër in eas cellulas se se insinuet, nondum adverterat.

Id verò anno 1692 hac arte detexit. Primum asperâ arteriâ vento inflatâ sacculos membranofos pectoris & abdominis, tum pellis cellulas implevit aër: ita ut à pulmonibus in saccos, hinc in cellulas commearer. Subducto majori musculo pectoris membranulam foraminulis pertusam prope axillas deprehendit, cui aptatus est calamus, & aër perflatus: tum verò sacculi pectoris & abdominis impleti sunt. Fieri potest ut aër aliis quoque viis in eas cellulas commigret, idque fieri in expiratione ipsa verissimum putat D. Mery. Nam in ipsa inspiratione dilatato pectore tantum subit aëris, quantum pectus capere potest, nec tum temporis in vesiculas pellis commeat, sed expiratione pars aëris in sacculos abdominis, pars altera per vesicularum membranam sub axillâ positam, spongiosam subit membranam quæ corporis musculos involvit, atque inde in pellis cellulas per foraminula membranæ, in quam fibræ plumarum desinunt, quæque inter pellem & spongiosam membranam est interposita; ac demum ex una cellula hexagona in aliam commeat; cum cellularum membranulæ liberum aëri præbeant aditum: ingressu aëris Pelicani volumen sic ampliatur, ut teste Culmanno apud Gesnerum cò usq; in sublime feratur, ut instar hirundinis appareat.

IV. D. Charas in Medicina & Chymia clarus, atque ex operibus editis, ex Pharmacopœa imprimis notissimus, inter Academicos coopertus ab Illustriss. viro D. De Pontchartrain. Paucis post diebus nempe 26 Aprilis novam corticis Peruviani parandi rationem proposuit, quæ & usu faciliior, & tutior curandis febribus intermittentibus à plerisque judicatur. Cumque mense Augusto ejusdem anni Tertianâ laboraret, hujus periculum feci, & bene processit. Hoc remedium mense Maio in Acta Academiæ relatum publici juris factum est. Cum hæc relegerem, anno 1698, Vir de Arte Medica optime meritus ad plures abiit.

V. Meritis Julio & Augusto circa viperarum anatomen D. D. Du Verney, Mery & Charas laborarunt. Quamplures dissecuerunt, ovaria, oviductus, partes nutritioni & generationi destinatas, structuram dentium & glandularum, musculum quoque qui succum flavum advchit, intento animo indagarunt. Succum in promptuario quodam asservari, per inferiorem dentis partem & apicem propelli, foramen inferius operculo quodam ocludi, ilius vi quasi Syphone aut Syringe protrudi per dentem, qui à natura pertusus est, existimant.

VI. Ex duabus columbis unam vipera momordit, altera sub ala scalpellulo vulnerata est, tum succo flavo inuncta: utraque intra 2 horarum spatium extincta est.

D. Mery capitis & ossium structuram, succi flavi promptuarium è scripto legit, simul musculorum, qui ad reptationem & progressivum motum sunt comparati, fabricam demonstravit.

Pici vulgo *un Pivert* linguam & admirabilem illius structuram D. Du Verney subjecit oculis: in Mechanicam linguæ structuram D. D. De la Hire & Mery intenderunt animum, de qua postea.

D. Du Verney ductus salivalis insertionem in viperæ dentem, oculi quoque structuram coram exhibuit. Tum varia facta sunt experimenta circa viperarum morsus, si fortè ex iis liquere posset in quo positum sit ejus venenum. 1. Duæ viperæ ab aliis irritatis sunt vulneratæ: Sed hæ posttridie bellè se habuerunt. Rana viperæ morsu vulnerata nocte insequenti mortua est. Felis post biduum extinctus, non item canis in ventre à vipera læsus; sed canis alter, cujus linguæ vipera dentes impresserat, posttridie mortuus est. Succus flavus vulneri canis in femore inflicto affusus post semi-horam cum necavit. Vulnus 4 aut 5 lineis patebat, idque admodum lividum apparuit, ac livor ille in carnes ad duos usque pollices porrectus videbatur. Sanguis in corde & in vasīs ex parte fluidus erat, & ex parte concretus.

VII. Die 3 Septembris idem experimentum iteratum fuit in duobus canibus, in fele & duabus columbis. Hæ quidem eodem die mortuæ sunt; posttridie unus è canibus adhuc spirabat, qui vulnus lingua lambebat, alter mortuus est: Felis postero die extinctus fuit.

CAPUT II.

De Physicis Observationibus.

I. Neunte hoc anno D. Homberg varia circa Phosphorum experimenta fecit. Illius præparationem exposuit, quam ab Inventore ipso Kunxelio acceperat, quæque in Acta Academiæ mensis Aprilis relata est & dilucidè explicata. Phænomena hujus ignis, & singulares effectus in Actis mense Junio publicatis breviter exponuntur.

Summa est, hujus ignis longè diversam à vulgari esse naturam: nam ea consumit, quæ alia corpora inflammata non invadunt, arque iis parcit, quæ ab aliis incenduntur. Quæ alios ignes extinguunt, hunc accendunt, & vicissim; fortius adurit quàm ligni flamma, subtilior quàm spiritus vini accensus.

Caro Phosphoro combusta flavescit, & excavata indurefcit instar cornu ex candentis ferri contactu adusti: sæpe ampullæ non attolluntur. Quod si loco ambusto unguentum adhibeatur, crusta intra bidui spatium inducitur. Ex iis Phosphori flammam ignis vulgaris flamma acriorem esse colligi potest.

II. Hujus flammæ motus, ubi Phosphorum absument, adeo est concitatus, ut per sæpe materiam concipiendi igni admodum idoneam non accendat. Sic granum phosphori charta conclusi attritum incenditur charta illæsa, cui tantummodo coloris attri vestigium inurit. Quod si frustulum chartæ aut linteï spiritui vini, aut aquæ vini ardenti immerferis, & extremo alteri phosphorum impositum conteras, tum spiritus vini accendetur, tamen si phosphorum non tangit, & charta ipsa flammam concipit. Non idem eveniet, si chartæ aut linteï extremum oleo terebynthinæ immergatur. At si intia linteum spiritu vini imbutum phosphorus obteratur,

ANN. is flammam non concipiet, quandiu aliquid spiritus vini superfuerit; cum
1692. is penitus exhalaverit, tum ægrè incendetur, ac citiùs multo in linteo
aqua madido quàm si vini spiritu imbuatur; adeo ut illi cum vini spiri-
tu minùs conveniat, cum in aqua communi diu conservetur, neque ea
obstet, quominus vinum suum exerat.

III. Illud quoque est observatione dignum, phosphoro unà cum aqua
per duas aut tres hebdomadas permixto, & postea in phialam vitream
transfuso, ubi phiala concussa fuerit, aquam scintillas luminis vibrare.
Idem continget, ubi per duas aut tres horas phosphorus unà cum aqua
in digestionem positus fuerit: non ita eveniet, si cum spiritu vini permixtus
fuerit. Et tamen si in eum vini spiritum aliquot aquæ guttæ conjiciantur,
illæ lumen instar fulguris & momentaneum emittent.

IV. Die 9 Februarii perillustis Abbas D. De Louvois truncum unà
cum radice palmæ ex Africa allatum, & in lapidem conversum afferri jus-
sit. Neque id dubium esse potest, quin ea sit vera & genuina conversio;
uti D. De la Hire scripto in Acta publica postea relato demonstravit. Nam
duo sunt ejusdem trunci frusta quæ cum aliis iidem duobus hujus arboris
collata consimilem partium & fibrarum structuram oculis ipsis subjiciunt.
Nec minor est horum silicium durities quàm marmoris; sono ipso & gra-
vitate (nam decies graviores sunt eadem mole ligni) lapideam naturam
produunt. Alterum ex his fragmentis duos pedes longum & quinque digi-
tos latum portio erat trunci suo cortice nudati. Fibræ omnes in longum
productæ, intus cavæ, parenchyma ipsum, seu pars carnea inter eas fi-
bras interjecta instar glutinis firmissimè induruit. Quod autem fibræ tan-
quam tubuli sint excavati, eam rationem attulit D. De la Hire, quòd
corpora oblonga, mollia & densa, ubi exsiccantur, in extimis partibus
paulatim instar fornicis concretescant indurata, dum interiores & mollio-
res partes iidem exsiccatæ exterioribus adhærescunt, atque à centro ad cir-
cumferentiam promotæ spatium intus vacuum relinquunt. Sic caules & cau-
dices stirpium, quæ medullam intus recondunt, & majores quarundam ar-
borum fuculi instar tuborum excavantur. Itaque verisimillimum est fibras
ex quibus truncus ille coalescebat cum arbor erat, ubi lapidescere incæ-
pit, intus exinanitas fuisse.

Alterum hujus lapidis fragmentum omnino est consimile parti inferiori
trunci, qui ligni naturam conservat, fibrarum capillarum eadem est in
radice structura. Ex quibus id efficitur hanc genuinam esse ligni in lapi-
dem conversionem, quæ cum ex multis aliis, tum ex eo quod à P. Du
Chatz observatum fuit in libro eo ipso anno edito à P. Govie observa-
tionum Physicarum & Mathematicarum, confirmari potest. Is enim tes-
tatur fluvium qui urbem Bajan in regno Avæ præterfluit, per 10
leucarum spatium eam vim habere ut ligna in saxa convertat, & mag-
nas ab eo visas arbores ad summum usque aquæ lapidescentes, cum par-
tes quæ exstabant, & exsiccatæ fuerant, ligni naturam retinerent.

Ac ne illud quidem silentio transeundum quod vir Religiosus & doctus
Ordinis S. Benedicti P. Quesnet, & Prior Monasterii S. Georgii prope
Rothomagum scripsit ad D. De la Hire de Echo singulari, simul hujus

phænomeni demonstrationem attulit, Res adeo visa est digna quæ in Acta publica Academiæ p. 158 referretur. Hujus rei occasione D. De la Hire *Chymica.* qui in ædificiis S. Nicaſii Remis observatur : cum altera è campanis quæ sunt in summa turris parte, commovetur, hic motus in anteridem v. *Archiboutant*, quæ parte sui summa cum turri non cohæret, se diffundit : adeo ut ejus vibrationes sensu ipso percipiantur. Circa vim Elasticam aëris multa fecit experimenta D. Homberg quæ in Actis Academiæ sunt publicata.

CAPUT III.

De Chymicis laboribus.

I. **P**lantarum analyses D. Bourdelin uti superioribus annis est persecutus. Novas suppeditavit D. D. Marchant & Tournesfort. Nonnulla quoque opera Chymica D. Homberg protulit, cujusmodi est famosa illa Dianæ arbor à Chymicis adeo jactata quam brevi temporis spatio confecit. Hujus parandæ ratio in Actis Academiæ p. 146. perscripta est.

II. D. Homberg quædam annotavit circa plantarum analyses hæcenus factas, quas & stirpium numero & summa in iis resolvendis diligentia spectabiles judicavit. Habita quidem materiæ ipsius ratione pleræque stirpium differentiarum ex varia principiorum temperatione & mistura duci videntur. Ex omnibus enim fere hæc eliciuntur, phlegma, spiritus acidus, vel acer, sal volatilis, oleum, sal fixus, qui interdum tartari, interdum communem salem refert, caput mortuum modò in majori, modò in minori quantitate. Quin etiam in nonnullis quarum vires & effectus sunt admodum dissimiles, videntur analyses pene consimiles ; adeo ut hinc concludi possit, ex sola analysi plantarum vires perspectas haberi vix posse, tamen nonnihil lucis Botanicæ affert & controversiæ complures de natura & diversitate salium in plantis hinc dijudicari possunt.

III. Illud etiam ex usu futurum existimabat, si materiæ ipsæ è plantis eductæ separatim excuterentur, & variis experimentis probarentur. Placuit ab oleis fœtidis quæ sub finem cujusque resolutionis se produunt, initium sumere, & experiri an forte ad usum adhiberi possent. Ac primum tertio odore exuenda sunt. Olei tartari semilibram cum duabus libris calcis vivæ permistam leni igne per retortam distillavit, multum phlegmatis primum, tum oleum prodiit, quod à phlegmate secretum cum calce iterum mistum nonnihil phlegmatis dedit, hoc oleum excepit, idque sexies fuit repetitum, quinque phlegmatis admodum fœtidi & duæ olei uncie cum semisse prodierunt. Oleum è nigro & denso pellucidum & instar vini Hispanici, odoris non terri apparuit.

IV. Ex quo id manifestum est olei fœtorem ex Empyrcumate sive quadam ignis impressione duci : nam ubi olea stillare occipiunt, necdum fœtorem contraxere, suum quæque odorem plantæ genuinum spirant. Sed

ANN. 1692. aucto igne olea penè omnia eundem præ se ferunt odorem ; partes adustæ & crassæ sublata nigredinem & densitatem præbent. Calx viva instar filtri particulas nigras & adustas retinet dum oleum putius stillat. Hoc oleo admodum penetranti usus est D. Homberg in doloribus paralyticis & in Rheumatismis : oleum tartari odore fastido exutum coram exhibuit.

CAPUT IV.

De Astronomicis observationibus.

I. **H**OC vertente anno tot sunt in cælo observata aut nunquam , aut per raro visa phænomena , ut operosum laborem in iis referendis & accurate describendis susciperem , nisi in Acta publica hujus anni jam essent collata. Hujus generis sunt diversæ Jovis periodi ab initio mensis Januarii anni 1691 ad initium usque anni 1692 à D. Cassini observatæ , quarum supra meminimus , quæque in Actis mensis Januarii prædicti anni 1692 diligenter sunt descriptæ. Summa est , anno 1665 insignem in Jove maculam à D. Cassino primum esse conspectam , quæ anno insequenti videri desiit : nulla ab eo tempore tandiu persistere & tam sæpe redite visa est macula ; ejusdem semper figuræ & in eodem situ sub oculos venit. Periodum ejus 9 hor. & 55 aut 56 minut. absolvi comperit. Sed ex postremis suis observationibus uno minuto breviorē invenit , cum Jupiter est Soli propior.

II. Ab anno 1665 ad annum usque 1690 rato visæ sunt aliæ maculæ , quæque adeo confusæ erant & fugaces , ut earum revolutiones vix definiti possent. Sed exeunte anno 1690 tanta in Jovis figura & in ejus fasciis accidit mutatio & novarum macularum incredibilis multitudo , ut scripto publico Astronomos ea de re admonendos judicaret. Quis usus ex his phænomenis decerpi posset edocuit , simul & conjecturas suas circa fasciarum & macularum ortum & naturam ex analogia & similitudine eorum quæ in hoc sublunari mundo contingunt exposuit.

III. Exeunte mense Januario 4 satellitum periodis cum Jovis revolutione collatis calculum iniit temporis quod impendunt , ut ad eundem Jovis Meridianum revertantur. Hæ periodi analogiam quandam videntur habere cum motu Lunæ , ubi cum diurna telluris vertigine , in Copernici hypothesi comparatur. Interjectis aliquot diebus unius è satellitibus Saturni conjunctionem cum stella fixa à se observatam protulit , quæ cum singularis fuerit , Actis Academiis mensis Aprilis fuit consignata. Quam raro ejusmodi planetarum cum fixis conjunctiones contingant , hinc licet conjicere , quod vix quatuor aut quinque ab exordio Astronomiæ ad hujus usque sæculi initium memorentur. Utrum satis præcisæ & definite erant fuerint , nonnullus est dubitandi locus. Nam rariorum quasi circumfusa comæ stellarum magnitudinem mirum in modum auget : adeo ut fieri potuerit ut inter planetam & stellam interjectum fuerit aliquod spatium , dum

dum nudis oculis hæc astra juncta videbantur. Quæ utilitas ex ejusmodi conjunctionibus colligi possit, eo in loco explicatur. Hæc observatio facta fuit die 19 mensis Junii circa mediam noctem, cum motus Saturni diurnus tum temporis esset trium minutorum. Trium horarum spatio, quo ista duravit observatio, ab hora nimirum decima ad primam usque postmediam noctem, Saturnus ad stellam fixam sui annuli semidiametro, quantum oculis judicari potuit, visus est accedere; adeo ut semidiameter annuli esset 22 sec. cum semisse & integra diameter 45 sec. Quæ ratio dimetiendi planetarum diametros certior omni alia videtur & tutior: Vix enim occurrunt aliæ planetarum diametros mensurandi viæ.

IV. Die 12 Martii anni 1692 D. De la Hire transitum Lunæ per aliquot Pleiadum stellas observavit. Permagni sunt usus ejusmodi fixarum eclipses planetarum interjectu factæ, ut planetarum motus & situs perspecti habeantur. Stellulæ quibus hæc constellatio constat, sunt quam plurimæ; earum situs & distantias pulchrè delineatas in Actis hujus mensis reperies, quæ cum designatis à P. Riccioli minus conveniunt: tametsi magna cura earum longitudes & latitudes expresserit. Nam earum intervalla longe majora sunt apud P. Ricciolum. Ac subinde fieri potest ut stellæ istæ eandem inter se positionem non servant: quod ex aliis observationibus suspicari licet. Quin etiam Pleiadum stellæ ante 20 annos à D. De la Hire delineatæ cum postrema hac observatione, quantum ad earum situm spectat, minus conveniunt.

Eodem rémpore Lunæ transitus per eam constellationem fuit à Domino Sedilcau observatus, ex illa observatione quæ in iisdem Actis Academiæ est consignata, apparentem Lunæ longitudinem & parallaxim tenuit.

V. Cum Massiliæ latitudinem ante duo annorum millia Pitheas Gnomonis ope indagasset, hanc Erastorhenes primum, tum Hipparchus qui Bisantium eadem methodo invenit in eodem parallelo, ac demum Ptolemæus Pitheæ observationem in suis tabulis Geographicis securus est. Quare illud operæ pretium se facturum judicavit Petrus Gassendus, si accuratam Poli altitudinem Massiliæ inveniret, ut hinc liquere posset utrum recentiores observationes cum vetustissima consentirent. Illud auctore Peireschio aggressus est anno 1636. Sed cum Gassendus non sibi metipsi satisfecisset, D. Cassini ex propriis observationibus ea de re certior esse voluit, ac die 21 Novembris 1672 ex altitudine Meridiana stellæ Polaris altitudinem Poli invenit, 43 gr. 17 min. 33 sec. quam Ptolemæus ponit 43 gr. 6 eamque ex Erastorhene & Hipparcho mutuatus est, qui à Pitheæ eam acceperant, & ratio Gnomonis ad umbram eadem pene fuit quæ à Pitheæ inventa est, nempe ut 120 ad 42 minus $\frac{1}{2}$.

VI. Atque hæc de latitudine Massiliensi. Longitudinem ejus ex eclipsi primi satellitis Jovis die 21 Novembris 1691 indagavit. Emerisio satellitis ex umbra Jovis ab eo visa est hora 8. 55 min. 34 sec. eadem Massiliæ à Domino Chazelles observata est hora 9. 7. min. 50. sec. neglectis minutis secundis, utriusque observationis differentia est 12 min. unius horæ quæ 3 gradus efficiunt: adeo ut Massilia tribus gradibus ad Orientem ma-

ANN. 1692. *gis* deflectat quam Luteria Parisiorum. Verum ista fufius in Actis Academiæ explicata reperies, uti & Veneris eclipsim quæ 19 Maii hora post meridiem tertia & 20 min. ex interposito Lunæ à D. Cassino fuit observata, quæque antea nunquam Sole illucescente visâ fuerat: sed tubi optici beneficio sub aspectum venit: cum è limbo corporis Lunaris exiret, multo lucidior erat Lunâ ipsâ, postquam sui copiam fecit. Lunæ Phasis & Venus ejus margini coharens in Actis mensis Junii fuit delineata. In Actis mensis Maii conjunctio Martis & Lunæ quæ contigit die 22 Aprilis, commemoratur, eaque satis similis erat conjunctiōni ab Aristoteli l. 2 de cælo c. 12 relatæ, quam Keplerus accidisse anno 357 ante Christum natum opinatur.

VII. Sic transitum Martis per nebulosam Cancri die 22 & 23 D. D. Cassini & de la Hire magna cura observarunt: tamen si diversas inierunt vias. D. Cassini duas lucidiores ejus constellationis selegerat, quas inter Mars transiturus erat die 23 Maii, ut prædixerat D. Le Fevre. D. De la Hire hujus constellationis (nam stella quæque nebulosa est stellarum congeries) figuram longe antea delineatam consuluit, & Martis iter per singulas stellulas in figura sua delineavit: quod Martis positioni cognoscendæ magno est auxilio. Atque hujusmodi planetarum conjunctiōnes cum stellis fixis & cum nebulosis maximè non mediocri est in Astronomia utilitatis. De his fusè in Actis mensis Junii.

VIII. Cum die 28 Julii Eclipsis Lunæ eaque horizontalis futura esset, variis in Galliæ locis Astronomi omnia paravere instrumenta quibus accurate observari posset, sed ubique fete per cælum nubibus obductum eam videre non licuit. Lutetiæ interdum per nubila visâ est Luna, sed statim oculis se subduxit. Lugduni tamen à D. Cussèr, prope Massiliam à D. Chazelles complures maculæ umbra telluris obductæ fuerunt observatæ, sed non eadem utrobique visæ sunt. Cum autem id sæpè eveniat, ut quædam Lunæ maculæ quodam in loco umbra terræ opacatæ, aliæ alibi cernantur, methodum paratam & facilem proposuit D. Cassini qua in eo casu differentiæ longitudinum exploratæ habeantur, quam in Actis p. 133 dilucide explicatam offendes.

IX. Veneris cum Sole conjunctiōnem in longitudine ritè observare permaigni est momenti, quo ejus revolutionis tempus definiatur. Hæc juxta tabulas Rodolphinas die 3 Septembris hora quinta cum 40 min. post meridiem Luteriæ contingere, ex tabulis Danicis Longomontani die 2 hora 7 & 20 min. fieri debuit. Sed die 4 hora 7 matutina & 7 min. à D. Cassino, aut aliquot post minutis à D. Sedileau fuit observata. Meridianum circulum per 4 min. temporis pertransiit, cum ejus cornua horizonti essent parallela: adeo ut diameter Veneris minutum unum in suo circulo parallelo, aut quod idem pene fuit, in Æquinoctiali occuparet: maxima ejus latitudo tum fuit 8 gr. 48: vide Acta p. 167.

X. Sic D. De la Hire motum Veneris cum tabulis Rodolphinis minus convenire ex variis observationibus Veneris in suo nodo comperit. Horocius, ut dictum fuit, anno 1639 die 4 Decembris stylo novo, Veneris conjunctiōnem cum Sole observavit: nodus ascendens Veneris tum fuit in 13

gradit, 22 min. 45 sec. Geminorum. Quocirca nodus descendens tum extra-
bat in gr. 13 Sagittarii, 22 min. 45 sec. Ex observatione D. De la Hire
post 52 annos, nempe anno 1691 mense Novembri, idem nodus descen-
dens erat in gr. 13, 19 min. 40 sec. Sagittarii. Quod si nodus ille fixus
non esset, sed mobilis, spatio 52 annorum retrogradus fuisset 3 min. 41
sec. cum juxta Kepleri tabulas promotus esse debuisset juxta signorum or-
dinem 40 min. 40 sec. atque illius locus in tabulis assignatur in grad. 14,
11 min. 53 sec. Sagittarii: adeo ut verisimile sit eum nodum esse immo-
bilem: nam quantum idest discriminis inter observationes D. De la Hire
& Horocii, ex aliis duci potest causis.

CAPUT IV.

De Geometria & Mechanica.

I. **N**ON minori studio excolta sunt hæ puriores Mathematicæ disci-
plinæ Algebra & Geometria: quæque excogitata sunt præcipua
utriusque theoremata & problemata Actis publicis sunt inserta. Hujus ge-
neris sunt novæ regulæ usu & intellectu faciliores, quas D. Rolle propo-
suit, ut radices cuborum irrationalium à veris minus unitate absint. Hæ
luminatim perstrictæ in Actis mensis Januarii p. 16 continentur.

Altera ab eo paulo uberius fuit exposita regulæ, qua cujuscunque gradus
æquationes in primum gradum resolvuntur. Ac prius eam methodum tradi-
dit qua æquationes omnium graduum qui communibus vocibus sunt expressi,
resolvuntur Act. 15 Martii p. 53.

II. Die 19 Januarii D. Varignon demonstravit in quovis parallelogra-
mo, si latera dividantur in partes quocunque proportionales, rationum
ut volueris diversarum, parallelis ad latera ductis per singula puncta divi-
sionum, cellulas ejusdem cujuscunque ordinis etiam fore proportionales.

III. Novam methodum demonstrandi rationem Sphæræ superficiei ad
superficiem maximi circuli & ad superficiem Cylindri, cujus basis est idem
circulus, altitudo Sphæræ diameter, cum quadratura unguis Cylindrici &
sinuum figura exposuit D. De la Hire in Actis mensis Maii p. 91.

IV. D. Varignon motuum regulas, quæ à Galilæo & aliis magni no-
minis Mathematicis fusè sunt explicatæ, nova methodo eaque universalissima
demonstravit, quæ in Acta 2 Decembris p. 110 collatæ sunt, & magna
brevitate comprehensæ.


Eodem loco insigne Geometriæ practicæ problema à D. Pothenot
demonstratur, quo positio loci qui sub aspectum non venit, ex iis punctis in
quibus fit observatio, designatur: aliam altitudinis inaccessæ dimetiendæ ra-
tionem exposuit.

V. Multa præterea quæ suo quæque tempore prodibunt: cujuscumque
est ea parabolarum omnis generis quadratura à D. Varignon proposita &
demonstrata die 19 Februarii.

Sub idem tempus D. d'Alembert clarerem exhibuit quem tormentum

ANN. bellicum in suo recessu intendit, quique dum restituitur, tormentum an-
1692. trorsum promovet.

V. Illud pene exciderat, quod tamen minime tacendum fuit, quod circa descensum gravium acceleratum à D. Varignon est propositum die 19 Januarii. Hoc quidem Galilæus principii loco posuit, corporum ex alto decidentium velocitatis gradus augeri in ratione temporum: idque ab eo conclusum fuit, corpora gravia motum suum in descensu accelerare in ratione temporum duplicata, & spatia decursa eam inter se habere rationem quam temporum quadrata. Verum hoc inductione tantum & experientia demonstravit Galilæus, quodque juxta ejus principia ita demonstra-
ri potuit.



AB tempus quodlibet designet, quod grave corpus in suo descensu impendit: Cum ex hypothesi Galilæi velocitates corporis decidentis sint ut tempora, palam est si DE velocitatem acquisitam in parte temporis AD exprimat, illius parallelam FG velocitatem in temporis AF extremo acquisitam designare. Quæ enim est ratio DE ad FG, eadem est AD ad AF; atque ita de singulis temporum partibus statuendum, donec ad BC ventum fuerit.

Quod si igitur ex singulis punctis lineæ AB parallelæ BC ductæ concipiantur, eæ velocitates acquisitas in fine cujusque temporis designati in lineæ AB exhibebunt. Ergo summa omnium rectarum quæ sunt parallelæ, summam quoque velocitatum repræsentant quolibet instanti temporis acquisitarum. Sic summa linearum quæ BC parallelæ trianguli ABC continentur, summam velocitatum quas omnibus temporis momentis AB corpus acquisivit, ut summa earum quæ triangulo AMN sunt comprehensæ, summam velocitatum quas corpus nactum est in tempore AM, designat; atque ita de reliquis statuendum.

Cum autem hæ lineæ sint sibi invicem proximæ & ad se mutuo indefinite accedant, manifestum est earum summam esse ut superficiæ ABC & AMN. Quamobrem summa velocitatum quas corpus inter descendendum in tempore AB acquisivit, eam rationem habet ad summam velocitatum quæ tempore AM sunt comparatæ, ut triangulum ABC ad


triangulum AMN , cumque triangula sint similia, eadem est ratio quæ quæ *Geometr.*
 drati AB ad quadratum AM . Ergo velocitates quas unoquoque instan-
 ti temporis corpus in descensu consequitur, in unam summam coactæ sunt
 inter se ut quadrata temporum quæ inrer descendendum insumuntur. Cum
 autem effectus sint suis causis proportionati, palam est spatia à corpori-
 bus in descensu peragrata esse ut has summas velocitatum: ergo eadem
 spatia sunt itidem ut quadrata temporum. Quod demonstratum oportuit.

Idem die 29 Martii demonstravit novam quadraturæ cujusvis parabolæ
 rationem.

VII. Incunte hoc anno D. Amontons vir doctus, & in Mechanicis
 præsertim solers admodum & exercitatus, clepsydram proposuit à se ex-
 cogitatam dimetiendis temporibus accommodatam. Hanc excunte anno 1694
 publici juris fecit multis observationibus Physicis auctam; librum suum
 Gallicè scriptum Academiæ dicavit, in quo multa extant circa hoc genus
 clepsydarum, Barometri novi, & Thermometri fabricam experimenta,
 quæ magni usus esse possunt, quæque in secunda potissimum parte hujus
 opusculi continentur. Jam alia protulerat à se inventa circa res Mechanicas
 quæ Academiæ probata fuerant.

VIII. Februario mense D. Varignon de machinarum usu in quibus
 nullus est pattium affricus, quales excogitavit D. Perrault dissertationem
 legit, quæ postea ab eo aucta fuit, & Actis anni 1693 inserta. Idem de
 vi funium & vinculorum quibus virgultorum fascies constringuntur, & cur
 ægre disrumpantur disseruit.

Tum etiam motuum acceleratorum leges, juxta omnes quæ excogitari
 possunt accelerationis ordinatas rationes, exposuit, quæ in Actis mensis
 Maii pag. 93. continentur. Jam antea principium generale tradiderat, quod
 ad omnes motus pertinet, quodque in Acta mensis Decembris anni 1692
 relatum est. Quantum hujus enuntiati pateret fecunditas, ex tractatu Gali-
 læi de motu æquabili demonstravit: cui principium suum sic aptavit
 D. Varignon, ut regulam generalem omni generi motus æquabilis hinc
 deduxerit. Hæc regulæ rationes omnes & habitudines quæ excogitari pos-
 sunt inter potentias motrices, corporum motorum moles seu pondera, de-
 cursa spatia, impensa tempora, & velocitates complectitur.



SECTIO SECUNDA.

De Actis Academicis anni 1693.

QUæ gesta sunt in Academia anno 1693 hæc magna ex parte collata
 sunt in Acta eodem anno publicata; adeo ut nobis satis fuerit illa
 indicare & strictim decurrere.

CAPUT PRIMUM.

De Physicis observationibus.

I. **N**on aliunde melius quæ sunt Physicæ contemplationis ordini possumus quàm à Parheliis quæ à D. Cassini die 18 Januarii sub ortum Solis fuerunt observata. Cælo ex ea parte nubibus obducto, horizontis limbum ubi Sol exorturus erat, hora septima & 38 min. lumen splendidum, cuius diameter apparens diametro Solis æqualis videbatur, mox imago Solis inter nebulam luce perfusam in conspectum venit, radii in horizontem ad normam erectis, & ad altitudinem usque 10 graduum in apicem desinentibus. Hoc Phænomenon primum D. Cassinus pro vero Sole acceperat, sed statim ipse prodiiit ut sereno cælo fulgens & in eodem verticali. Brevi post tempore Sol se condidit in nubes, ac subito tertius, ejusdem magnitudinis & in eadem linea sui copiam fecit, lucis suæ tramitem infra demittens. Interim qui priùs apparuerat Sol spurcius adhuc cernebatur, ac tandem hora septima 58 min. uterque sol ille spurcius evanuit.

II. Confimile quiddam viderat in Provincia D. Chazelles Regius Hydrographiæ Professor, nunc Academiæ Socius anno 1686 die 13 Septembris. Tranquillo mari discus Solis fulgens, sed extremo margine terminato emergere inter rubeos vapores visus est. Mox interjecto horæ minuto quasi Sol sub horizonte remaneret, dimidiatus ejus discus rubeo iridem colore infectus, sed æquabilis & exquisitè terminatus apparuit, quem splendor nitidus luminis est subsecutus, quique in conum versus horizontem desit.

Itaque prima illa Solis species parhelium erat, ejusdem cum priori naturæ, sed non adeo perfectum. In hoc enim à D. Cassini observato Sol verus inter duos spurios interjectus erat: & illi duo radios in oppositas Soli partes, unus sursum, alter deorsum vibrabant.

Pertinè hujus generis Phænomena contingunt, quæ Soli sint adeo vicina: nam centra eorum à centro Solis 34 tantummodo minutis distabant: cum in vulgaribus Parheliis 22 gradibus cum semisse interdum 45 gr. à centro vel Solis removeantur.

III. Qua ratione ea formari possint, exposuit D. Cassini, idque ut probabilius existimat, hujus generis Parhelia, non ut pervulgata ex reflexione, & refractione radiorum, sed ex sola reflexione prodire. Non enim in iis erat ulla colorum varietas; pallidiora tantummodo apparebant. Quare querenda sunt in aëre frigido, qualis tum erat, corpora quæ ejusmodi reflexionem radiorum possint efficere: cuius generis esse possunt lamellæ glaciæ tenues, & sibi parallelæ tanquam foliola glaciæ, è quibus sæpe stellulæ nivis coalescunt. Ex iis enim certa quadam ratione dispositis ejusmodi radiorum Solis ad oculos spectatoris reflexionem fieri posse probat D. Cassini. Qui ea ratione celebrem illam Batavorum observationem ut-

cumque explicari posse existimat, cum in nova Zembla Solem citius 14 *Physi-*
diebus quàm juxta Astronomiæ principia fieri oportuit, viderunt supra ho- *ca.*
rizontem emergere. Verum ista fusiùs loco citato explicata consuli pos-
sunt.

IV. Cum D. De la Hire in naturam & causas Parheliorum inquire-
ret, utrum glacies majorem efficiat refractionem quàm aqua, indagare
voluit. Sed cum bullulæ aëris quæ in glacie sunt dispersæ, obstant quo-
minus res objectæ conspiciantur, aliam inire hujus rei rationem coactus
est. Mense Januario aquam quæ per ebullitionem inclusum aëra foras pro-
truserat, acerrimo frigori de nocte exposuit: sed manè tot aëreis bullis ad-
huc referta erat, ut transitum lumini non præberet: illud tamen advertit
aquam illam Soli expositam plures ejusmodi bullas ejicere, adeo ut fri-
gus meliùs aquam purgaret, quam ignis. Unde eandem aquam gelido aëri
iterum expositam parte sui summa satis pellucere, & proposito suo idoneam
reperit: eo artificio usus quod in Actis mensis Februarii fusiùs explicatur,
invenit majorem esse aquæ quàm glaciæ refractionem.

V. Quæsitum est cur solam aquam inter liquores frigus dilatat potius
quàm contrahat. D. Homberg quædam in machina Pneumatica fecit expe-
rimenta, quæ lucem aliquam huic difficultati enodandæ afferre possunt. Id
enim advertit aquam quæ in glaciem concrevit, multas aëris bullas emit-
tere, unde ope machinæ aquam expurgatam aëri gelido cum exposuisset,
glacies diaphana facta est. Quousque aqua in cylindro vitreo ascendisset,
ante notatum fuerat, nec congelatæ aucta est moles, imo nonnihil est
imminuta. Quod igitur aquæ congelatæ majorem levitatem & molem
affert, aër ipse videtur esse intra aquæ meatus conclusus. Quate, ut ipse con-
jicit, particulæ aquæ congelatæ ab ætherea substantia minùs agitata aëris
inclusas particulas suo pondere sursum emittunt. Sed ubi summa aquæ su-
perficie in gelu concreta est, bullæ aëreæ sistuntur, ac mole sua auctæ,
partes glaciæ elaterio suo disjiciunt, & interdum vas ipsum, cum fragi-
lius est, nec obstat figura ipsa, confringunt.

Hæc fusiùs exponuntur in Actis mensis Februarii, ubi illud quoque ad-
vertit D. Homberg citiùs aquam congelatam solvi in vacuo, quàm in aë-
re libero, eam fortè ob rationem, quod ætherea substantia, quæ aquæ par-
ticulis motum & fluiditatem impertit, uberior sit in machina, quàm in
aëre: unde nix in vacuo subito liquatur.

VI. Quàm difficile sit aquam omni aëre expurgare, cum ex aliis mul-
tis, tum ex iis quæ in Actis mensis Martii commemorantur experimentis
licet conjicere. Nam D. Homberg vas cylindricum & vitreum cum apta-
to tubo, ut in priori experimento aqua ad certam usque altitudinem im-
plevit, vas machinæ cum suo epistomio admovit; inclusus aër exanflatus
cum solita ebullitione erupit. Ubi nullus ampliùs exivit, vas è machina
subductum est, & ritè oclusum; eo deinde succusso partes aquæ à se in-
vicem divulsæ, tum in se redeuntēs sonum ut in duris corporibus collisis
ediderunt, pars summa in spumam conversa est, reliqua lacteo colore per-
fusa, idque maximè in imo vasis; sed candor ille brevi post tempore
in spumam degeneravit.

ANN.
1693.

Vas deinde machinæ adnotum tamdiu est exinanitum, dum aqua identidem succussa nullam amplius spumam emitteret. In eo statu diutissimè vas persistit; sed guttula aëris summam tubi partem semper obtrinebat, eaque detracta, alia subinde in illius subibat locum: tamen nullæ bullulæ ex aqua erumpentes prodire visæ sint: adeo erant minutæ & insensibiles, eaque minùs ab aqua preminuntur quo sunt minutiores. Eodem die D. Homberg globum vitreum cujus diameter est 20 pollicum, bilanci appendit. Hunc 3 unciiis, 3 drachmis $\frac{1}{4}$ graviorem invenit, quàm ubi est aëre vacuus. Globus seu recipiens continet duos pedes cubicos aquæ & $\frac{1}{12}$: adeo ut pes cubicus aëris uni uncix & 48 granis æquiponderet. Verum id postea animadvertit inclusum globo aëra pene altero tanto graviorem esse hieme cum frigus est acerrimum, quàm æstate in magno æstu: cum hieme gelu solvitur, & ædium parietes exsudent, tum aër longè gravior est in globo ante exhausto.

VII. Quantum aquæ pluvix singulis mensibus è cælo decideret D. De la Hire jam ab aliquot annis observaverat. Pelvis quadrata cujus superficies in 4 pedes patet, in summa turris Observatorii parte ita est collocata, ut pluviam & nivem exciperet, & in vas subjectum brevi post tempore decideret. Tabulam pertextuit, in qua pluvix deciduæ toto quadriennio quantitas indicatur, eaque in Actis mensis Februarii descripta est.

VIII. Anno 1689 aqua pene ad 19 pollicum altitudinem pervenerat. Anno 1690 ad $23\frac{1}{4}$, anno 1691 ad $14\frac{1}{6}$, anno 1692 ad $22\frac{1}{2}$ usque pollices minutis fractionibus neglectis perducta est. Nusquam major copia decidit quàm mense Julio anni 1689. Nam ultra 51 lineas ascendit. Illud quoque inveniunt apparere annis pluviis, cujusmodi fuerit anni 1690 & 92 vindemias nec uberes, nec maturas exstitisse: contra evenit anno 1691 qui sicciior fuit.

In eodem argumento versatum esse D. Sedileau jam supra innuimus, qui quidem ex iis observationibus eum fructum percipere volebat, ut si fieri posset, fluviorum origini nonnihil afferrent lucis. Quod in Actis mensis Maii copiosè & accuratè explicatum habemus, quæ consulere operæ pretium fuerit. Verùm hoc anno & mense Maio, si bene memini, mors immatura virum eximium in ipso ætatis flore sustulit: erat acutissimo ingenio, non Mathematicis modo disciplinis, sed & cæteris artibus & humanioribus imprimis litteris eruditus. Astronomicis quidem observationibus intentus, & illius scientiæ studio incensus reliquas Matheseos partis etiam abditas magis & reconditas sic coluit, ut in iis fere omnibus ex æquo excelleret: febri maligna extinctus est.

Illud in universum, ut veri proximum statui potest aquas pluvias fontibus & fluviiis aquam suppeditare. Ex quo efficitur tantum aquæ exhalare, quantum in mare illabitur. Nam si minus aquæ in vapores abiret, mare indefinenter augetetur, ac tandem terram inundaret; si plus aquæ in vapores abiret, mare paulatim detumesceret, & tandem exsiccaretur. Sic continua & perenni circulatione eadem aquæ quantitas quæ è mari in vapores sublata in pluviam abit, in mare itidem revolvitur: aut immediatè, cum in mare ipsum relabitur, aut mediatè per flumina eò infertur. Atque

in superficie terræ certa aquæ quantitas semper manet, quæ partim in va- *Physi-*
pores tollitur, partim terras irrigat, aut est in aëre penilis: eaque per *ca.*
fluviorum alveos dilabitur: ut nihil dicam de locis subterraneis & antiis
occultioribus, in quibus aqua stagnans mare non subit: sed & alii fortè
sunt occulti canales per quos aqua maris delapsa foras erumpit.

X. Cum autem ex observationibus illud constet, plus aquæ intra unius
anni spatium exhalare, quàm è cælo decidat: (nam ad duorum usque pe-
dum & novem digitorum altitudinem aquam exhalare compertum fuit,) *ca.*
si terræ superficies esset ubique æquabilis non montibus & vallibus aspe-
ra & aqua in eo maneret loco in quem decidit, magna anni parte terræ
superficies his in locis arida esset. Sed cum inæqualis sit & mollis terræ
superficies, pars aquæ pluviae terram subit, ubi diutius manet, pars alte-
ra in loca depressiora labitur, ubi altior cum sit, & superficiem habeat
pro mole sua angustior, illa exhalationi sufficit & fontium atque flu-
minum perennitati.

Mense Junio D. Cassini, qua ratione in agro Ferrariensi aquæ sint dis-
positæ, & quibus modis earum divisio fieri possit, ita ut circumjæctis ter-
ris non obint, coram exposuit. Illius ea de re sententiam summus Pontifex
Innoc. XII. ab eo postulaverat, quam postea Romam misit.

C A P U T II.

De Botanicis & Chymicis.

I. S Entio me paulò longiorem fuisse in iis quæ ad Physicam spectant,
S enariandis. Et tamen multa ex iis omisi quæ in Actis unoquoque
mense ejus anni publicatis majori ex parte continentur, uti & ea quæ cir-
ca plantarum vegetationem præter communes naturæ leges sunt observa-
ra.

In eum censum referri possunt plantæ cujusdam, cui Fraxinellæ nomen,
portentosa mutatio in floribus, foliis, stylo, & siliquis quæ in folia de-
generarunt: quæ quidem à D. Matchant anno superiori observata, &
figuris delineata in Actis mensis Martii cum animadversionibus pererudi-
tis continentur. Annus ille pluvius fuit & frigidior, ex quo factum est,
ut complures plantæ effæta grana non extulerint, ac ne florerint qui-
dem, succo alimentitio præ caloris inopia non satis bene subacto & parato:
unde hæc planta quæ per decennium flores rubeos semper præbuerat, hoc
anno partim rubeos, partim virides exhibuit. Nam calore Solis succus be-
ne digestus colorem splendidiorem in floribus efficit. Sic Laureola, &
quædam ellebori species mense Decembri flores virides emittunt. Contra
qui mensibus Augusto & Septembri se effundunt flores, post debitam suc-
ci alimentitii coctionem & fermentationem, colorem vegetiorem præ se fe-
runt.

II. Eandem ob causam siliquæ in folia degenerarunt. Accessit illud quo-
P p

ANN. 1693. que prava styli conformatio, qui ab ortu suo in plures fuit divisus partes. Quod enim in animantibus est uteri tuba, hoc fere est stylus in plantis: in siliquarum membranas, quæ velut chorion, & Amnios habentur, æra vegetationi granorum necessarium defert; granum Placentæ per umbilicalem funiculum adhærescit. Unde & stylus tot è basi sua tubulos emittit, quot sunt siliquæ. Stylus itaque in ortu suo male conformatus, & citius quàm par esset, exsiccatus, quantum satis erat aëris, siliquis suppediare non potuit. Hæ quidem copiosum exigunt: nam in iis conclusus aër adeo coarctatur, ut exsiccata cum magno strepitu dissiliant, & grana interdum ultra octo pedes explodant. Deficiente itaque aëre grana formari non potuerunt, ac succus recens qui semper accessit, eorum procreationi non impensus, siliquas in formam foliorum produxit, isque per eas continenter ascendens nova & minora folia procreavit.

III. D. De la Hire in causam ascensus succi nutritii in præcellas arbores olim inquirens, hanc ex Mechanicis legibus deduxerat, ac per tubulos plantarum eum eluctari succum persuasum habebat: cum autem plerique Philosophi in ea sint opinione, ut putent cum succi ascensum carnosæ & spongiosæ substantiæ quæ fibras involvit, acceptum referri oportere, quædam in eam rem fecit experimenta, è quibus liqueret utra sententia esset veri propior.

1. Chartæ bibulæ frustulum latum sex lineis suspendit parte illius infima in aquam demersa, aqua ultra sex digitorum altitudinem mox ascendit.

2. In tubo vitreo tres lineas lato, & spongiæ siccæ frustulis non admodum compressis impleto, aqua ultra unius digiti altitudinem sublata non fuit.

3. In Charta bibula quæ in eodem tubo conclusa est & contorta, sic tamen ut pars rubi pene dimidia vacua esset, aqua ad 153 linearum altitudinem tridui spatii sic evecta est, ut intra 12 horas primi diei 100 lineas decurrerit.

4. Ubi in eodem tubo Charta non convoluta, sed pressior, adeo ut nihil pene inanis relinqueret, posita fuit; intra 12 horarum spatium, aqua ad 112 usque lineas, tum per aliquot dies paulatim facta sublimior tandem ad 225 usque linearum altitudinem est eluctata. Id vero ab eo fuit animadversum, aquæ sursum sublatae partem tubi interiorem guttis satis crassis perfundi, quæ ascensum aquæ promovere potuerunt. Nam hæ guttæ vitri parietibus adhærescentes chartam sibi proximam madidam efficiabant. Unde ubi pars tubi inanis fuit, ita ut charta tubum minus oppleret, aqua non ad tantam altitudinem provecta fuit.

Ex quibus id colligitur, vix illam de ascensu aquæ per partes spongiosas in proceris arboribus cum legibus quæ in libratis liquoribus observantur, conciliari posse, etsi fortè in plantis mediocris stature locum obtineant.

Ista quidem experimenta in actus exposita sunt ejusmodi, ut à nobis præteriri non potuerint. Ex iis enim multa speculatione digna erui possunt, quæ ad Philosophiæ naturalis generalem notitiam spectant.

I V. Hujus generis sunt ea quæ ad vegetationem seu germinationem stir-

pium pertinent. Illud imprimis excutendum fuit, utrum aër huic vegetationi omnino sit necessarius, quæ communis est & recepta omnium pene sententia: atque illa vegetatio nihil aliud videtur esse, quam partium, quæ in ipso germine jam insunt delineatæ, ampliatio & intumescencia. Et quidem spongia aqua madida non minùs in vacuo intumescit quàm in libero aëre. Quin & grana terræ mandata non minùs in vacuo videntur, quàm in aëre intumescere & germinare posse.

V. Id verò ipsum experiri voluit D. Homberg, ut in Actis mensis Junii dilucidè explicatum habemus. Terræ capsulâ ligncâ conclusæ varia commisit semina certis locis distincta, portulacæ, nasturtii, lactucæ, chærefolii & Apii sativi machinæ pneumaticæ imposuit: è capsula exhausta aëra, tertio quoque die terra irrigata, tum intra recipiens reposita. Aliam consimilem capsulam cum iisdem seminibus libero aëri exposuit, quæ germinant intra paucos dies, in machina longè tardiùs, & perpauca ex iis semina vegetare visa. Nec duo prima folia lactucæ ad debitam magnitudinem excreverant, ut in nasturtio & portulaca. Vix uno die in vacuo perstitit portulaca; nasturtium per sex dies, lactucæ germen diutiùs sterit; sed admissa aëte cæpit tabescere, ut & alia semina. Terra sexto post die cum irrigata fuisset, & recipiens aëre exinanitum, intumuit fere ut farinæ massa cum fermentescit, aëte ut pars ejus è capsula in recipiens deciderit, eaque manibus contrectata subpinguis & mollis visa est, cum antea esset instar arenæ aspera, quod fortè quædam molecule sibi agglutinatæ ab humore disjunctæ fuerint. Nam humor facilius in vacuo has moleculas penetravit & diluit, quàm in aëre libero, simul & vacua spatiola in particulis crassioribus excavata implevit, hinc major mollietis. Quin & aër in aqua recens affusus dispersus præ illa subpingui & limosa terra liberum non habuit exitum, atque ex illo aëris nisu illa prodit intumescencia, & velut ebullitio quædam.

VI. Ex iis D. Homberg duo colligebat, præcipuam germinationis causam non in pondus, vel elaterium aëris referri oportere, cum semina in vacuo germinaverint. 2. Ab aëre tamen ut à causa adjuvante, ut vocant, vegetationem seminum promoveri, cum perpauca se se in vacuo extulerint. Nam aër in unoquoque grano inclusus vi sua elastica magis se dilatat in vacuo, quàm ubi à circumfuso undique premitur, ubi illæse manent præcipuæ seminis partes, nec subita rarefactione disrumpuntur, ut accidit in vacuo, ubi nihil fibras seminis adversus inclusam aëra munit & firmat, atque ab eo nimium dilatatae faciliè lacerantur.

Illud experiri placuit an plantæ quæ in vacuo germinaverant, in libero aëre adolescerent: verum omnes tabescere visæ sunt, quædam citiùs, ut lactuca, aliæ rardius.

VII. Ac ne id quidem tacendum est, plantulis quæ in vacuo germinant, aquæ guttulas semper insidere visas quæ summitates earum attingebant, mox in terram subjectam relabentes. Atque ex guttæ non ex ipsis plantulis, sed è terra, irrigata prodeunt, neque aëris pondere aut elaterio, sed materiæ forsan æthereæ vi in sublime aguntur. Etsi enim pondus aëris vaporibus attollendis & librandis multum confert, tamen à terra quæ in

ANN. 1693. recipiente posita est, plus aquæ sursum sublata est in machinā, quam ex alia consimili aëri exposita, cum æqualis humor, & calor itidem æqualis esset. Nam globus vitreus exhausto aëre intus aquæ guttis obductus apparuit, atque intra 12 horas aqua fere tota, qua terra in capsula lignea contenta perfusa fuerat, ad inum recipientis decidit: cum in aëre libero campana superposita paucis guttulis aquæ obduceretur: magno quidem argumento particulas aquæ, seu vapores non sola aëris circumfusi, sed æthereæ quoque materiæ vi in sublime vibratas fuisse in machina pneumatica. Quamvis id verisimillimum sit ad eandem altitudinem vapores non efferri in vacuo posse, atque in ipso aëre: nam illud admodum est probabile eò usque ascendere vapores, dum sint in æquilibrio cum aëre ipso.

VIII. Hæc quidem de Plantarum vegetatione in universum. Interim D. Tournefort Tractatum suum de Plantis ad certa genera revocandis legere incæpit, qui anno 1694 in lucem prodit. Physicas quoque circa fibrarum in quibusdam plantis contractionem observationes, nec non dissertationem de Plantarum Mechanica variis in consensibus ex scripto legit.

IX. D. Dodart complures stirpium descriptiones à D. D. Marchani & Tournefort propositas cum figuris jam ære incisis contulit.

Analyses quoque stirpium à D. Bourdelin sunt continuatæ. Si quæ fortè occurrerent medendi arti utiles, ab hujus rei peritis interdum hoc ipsum fuit annotatum. Ex. gr. cum cochleariæ, quæ ubique ut scorbutio salutaris habetur, liquores per analysim Chymicam resoluti exponerentur, multos ab eo morbo cochleariæ & nasturtii frequenti usu sanatos esse; actium usum huic morbo optimum esse remedium viri experti testati sunt. Alii aëris mutationem, aut remedia quæ efferratos humores temperant, prætulere.

X. Cum etiam ex occasione analyseos Aconiti de venenorum natura & remediis sermo haberetur, D. Charas id monuit, in acula cujusdam mulieris notissimæ, quæ ultimo supplicio scelerum suorum poenas luit, inventam esse aquam omnino inspidam & limpidam, quæ propinata animantibus eas enecavit, atque illius mulieris fratrem succo citri diu vitam produxisse testatus est. Addebat uberiotem aquæ potum adversus venena corrosiva non inutile esse præsidium.

Die 26 Augusti vir pietate & doctrina insignis P. l'Amy à Congregatione S. Mauri misit ad me rotulam trunci ex ulmo excisa, quæ utrimque figuram Crucis, qualem gerunt equites Melitenses graphicè delineatam exhibebat. Quocumque in loco hic truncus dissecaretur, eam crucem exprimebat.

XI. Cum D. Dodart die 2 Decembris plantæ illius pervulgatæ, cui Tanacetii nomen, legeret descriptionem, occasione nata nos docuit eam herbam esse basim & fundamentum illius aquæ quam vir Illustriss. Dux Montausierius adversus rheumaticos parabat. Folia & summities hujus plantæ aquæ ardenti vini infundebat. Post frictionem hanc aquam adhibere jubebat parti affectæ, ac sæpe id remedii bene procedebat. Cum hujus rei occasione de variis remediis sermo haberetur, D. Tournefort

allium colicis doloribus optimum esse remedium testatus est.

XII. Tractatum suum de tinctura Antimonii variis in congressibus *Ana- tomica* legit D. Homberg, hanc per varia acetorum genera & spiritum vini elicit. In dissenteritiis se feliciter adhibuisse hanc tincturam spiritu vini extractam affirmabat.

Die 23 Decembris D. Morin Doctor Medicus in cœtum Academico- rum ab Illustriss. D. De Pontchartrain adlectus nonnulla de fossilibus, disseruit ac præcipuè de ferri vena, ex qua ferrum malleo ductile extraxit. Hujus rei occasione D. Homberg visum à se hominem dixit, qui rundendo ferrum illud candens, & adurens efficiebat D. De la Hire se expertum ait virgulam ferri sæpius inflexam & reductam mirum in modum incalescere D. Homberg adjecit se in Succia vidisse fusores, qui conjectum in fusum metallum lignum manibus retraherent. Quin & D. Galloys vidit apud Cænomaos opifices, qui fusum ferrum manibus huc illuc in minutas pilulas spargerent. Paucis post diebus formam & ideam eorum quæ circa mineralia animo concepit, è scripto recitavit D. Morin.

CAPUT III.

De rebus Anatomicis.

I. **I**Neunte hoc anno viperarum anatome, muscutorum, dentium, & viscerum structura diligenter fuit examinata. Quid superiori anno D. Charas acciderit, ut semel & iterum viperæ dentes venenosos digitis infixerint, quodve remedium attulerit, ipsemet scripto exposuit, quod in Actis publicis mensis Januarii habemus explicatum. Ubi inter alia illud commemorat, Ambrosium Paræum Caroli IX. & Henrici III. Chirur- gum Montispeffulani à vipera iidem in digito vulneratum fuisse, eum- que strictiori ligatura supra vulnus adhibita ab omni periculo liberatum, ut ipsemet l. 21 testatur. D. Charas præter ligaturam 24 grana salis viperini in priori casu hauserat, ut sudorem excitaret: sed solam ligaturam posteriori vulnere adhibuit. Paræus præter ligaturam gossypium aqua vini ardente, in qua theriacam dissolverat, imbutum, vulnere imposuerat. Alio utuntur remedio Pictones, quod eo loco refertur: uti & illud cujus men- tionem facit D. Boyle in libro de utilitate Philosophiæ experimentalis. Ferrum candens vulnere quam fieri potest citissimè & proxime vulnere ad- movetur, ut venenum foras educatur. Idque bene processit in homine quem vipera momorderat: nam cultri candentis vim per 10 aut 12 horæ minuta calorem quam poterat maximum ferens, manus ejus detinuit: cujus rei sæpius factum est periculum.

II. Cum de venenis olim sermo haberetur in Academia, D. Blondel ait sæpe id contingere in America, ut venatores morsu animalium percussi vitæ discrimen adeant, neque aliud huic malo esse remedium aut certius, aut facilius quam pulverem pyrium vulnere impositum accendere. Et qui- dem vidi in Normania rusticos parato uti remedio adversus canum rabi-

ANN. dorum morsus : exsugunt sanguinem & salem vulneri imponunt cum li-
1693. gatura.

III. In quo positum sit virus viperæ, an in succo flavo intra denticum cava contento, ut videtur D. Redi, an in spiritibus viperæ irritatis, diu agitatum fuit. D. Charas posteriori accedebat sententiæ, quam in libri sui de vipera postrema editione, ex iis quæ sibi acciderunt uberius confirmat.

Hæc quæstio multum & diu ventilata fuit, atque ex variis experimentis illius solutio quærita : qua de re superius egimus.

IV. Nec minori animorum contentione de respiratione in fœtu & in testudine, ac de usu ovalis foraminis, quod patet à ventriculi dextri cordis auricula ad venam pulmonum, de canali qui ab arteriæ pulmonum trunco in Aortam descendentem definit, inter petitiſſimos Anatomicos disceptatum fuit. Utrum ii ductus circulationi sanguinis ita sint destinati, ut fœtus & testudo diu vivant pulmonibus omnino cessantibus, quod sanguini per hos ductus liber pateat aditus à vena cava ad venam pulmonum, & ab arteria pulmonum in Aortam ? an forte alium habeant usum ? Illud quidem circa usum respirationis D. Mery in Actis mensis Martii p. 34 contendit fœtum in utero matris conclusum per matris pulmones respirare, neque ad circuitum sanguinis minus necessariam esse respirationem in fœtu, quam in matre ipsa ; siquidem ille per placentam uteri materni fundo adhærescentem una cum matris corpore ita connectitur, ut per funiculum umbilicalem, ejus extremum unum in placentam, alterum in umbilicum definit, sanguinem excipiat per venam umbilicalem, ejus radices in placenta sunt diffusæ, ac vicissim sanguinem per duplicem arteriam in eandem effundat placentam. Vena sanguinem ab arteriis uteri excipit, atque ab utraque arteria umbilicali sanguis fœtus in placentam, hinc in venas uteri remeat.

V. Id vero sæpe fuit à D. Mery observatum, in parte funiculi ita compressa, ut non possit sanguis ab utero matris in fœtum commeare, statim infantem extinguï, si caput intra uterum vel illius canalem conclusum teneatur. At si foras exierit caput, non propterea moritur infans, quæcumvis funiculus prematur à reliquo corpore in ipso transitu arctatus. Atque hujus effectus vix alia asserti causa potest, quam respirationis in fœtu ut in matre necessitas, adeo ut aër una cum sanguine materno permixtus circuitum sanguinis in fœtu promoveat, dum pulmones omnino cessant.

Cum autem in partu cor infantis satis habet roboris ut sanguinis circuitum efficiat, ac capite foras prolato spiritus animales hujus motus opifices vim suam exerunt, sanguinis circulatio non amplius à materno pendet sanguine.

VI. Itaque is negabat in fœtu hunc esse usum ovalis foraminis & canalis inter arteriam pulmonum & aortam, ut respirationis defectum suppleant : siquidem unà cum matre respirat & unum velut corpus cum illa efficit. Nam ubi aëris commercium in funiculi pressione intercipitur, statim is moritur. Quin etiam infantis capite foras prodeunte, & funiculo ab omni pressione libero, siquid obster quominus ore ducat aëra, statim is vivere definit, tamen si & foramen ovale & canalis diu patent postquam natus est infans.

VII. Quædam tamen in testudine experimenta fecerat, quæ contrariæ & *Anatomica.*
 vulgo receptæ opinioni videntur suffragari. Testudo enim sublata pectorali
 li testa, quæ sterni loco est, adhuc per septem dies vitam produxit,
 cum canis sterno detracto statim extinctus fuerit: quod in testudine san-
 guis per apertos in corde ductus circuitum suum diu continuaret, non
 item in cane, cui oclusi sunt hi ductus: magno quidem indicio nec fœ-
 rum aëre indigere, ut sanguinis circuitus fiat, quod in corde fœtus sanguis
 ab uno ventriculo in alium rectâ commeet, nec respiratione illi opus sit.
 Sic utraque maxilla arcte constricta in testudinibus, atque ore & naribus
 cera obsignatoria rite oclusis, illæ nihilominus citra respirationis usum per
 30 & amplius dies vitam protraxere.

VIII. His utique respondet D. Meri in Actis mensis Augusti, aliam
 ob rationem testudines diutius vivere citra respirationem, quod in iis alia
 sit cordis structura quam in homine. Nam cor testudinis triplici ventriculo
 donatur, dextro, sinistro, & medio quodam inter utrumque interjecto.
 Dextrum à sinistro septum quoddam separat spongiosum, versus basim
 cordis amplum est foramen pene ut in humano fœtu, sed in medio aliud
 est foramen per quod ambo hi ventriculi dexter & medius inter se com-
 municant. Medius ventriculus utroque multo est angustior, nec aliud quid-
 dam videtur esse quam dextri continuatio, adeo ut tres his sinus pro uno
 & eodem habendi sint, neque unus seorsum aut separatim ab aliis agere
 possit: quod utique ex vasorum dispositione liquet.

Nam in sinu sinistro nulla est arteria quæ sanguinem à vena pulmonum
 excipere referat, sed necesse est ut sanguis qui à vena pulmonum in si-
 nistrum sinum delabitur, in dextrum ventriculum transmittatur: sinus
 intermedius arteriæ pulmonum præbet originem, ac nullam excipit venam.
 E sinu dextro ortum ducit Aorta, uti & arteria inter pulmonum arteriam
 & Aortam descendente interjecta, quæ in testudine cum Aorta descen-
 dente non conjungitur nisi juxta ventriculum, non ut in fœtu prope Aortæ
 originem: sinus is dexter truncum quoque venæ cavæ excipit.

IX. Quare medius ventriculus partem duntaxat sanguinis in pulmones
 deferit, quem sinister in dextrum sinum revehit, ex quo in arterias pro-
 pellitur. Sic ventriculi omnes junctis viribus sanguinem è ventriculo dextro
 protrudunt, ac sanguis in duas partes dividitur. Pars ejus præcipua in
 Aortam & in arteriam illam quæ est velut canalis communicationis; pars
 altera & minor pulmonum vegetationi & nutritioni destinata è dextro in
 medium ventriculum hinc in pulmones deducitur, eorum venam subit &
 in sinistrum sinum effunditur, ubi nullam offendit arteriam. Quare per
 apertos meatus in dextrum sinum remeare compellitur. Non ita est in ho-
 mine: nam septum quod duos ventriculos separat, nullis pervium est fo-
 raminiibus, & inter ventriculos nullum est commercium; unicuique sua
 vena, sua itidem est arteria; ambo separatim agunt, & sanguis non idem
 insistit iter. In testudine tres ventriculi in eandem simul actionem conspi-
 rant, ut sanguinem ex uno & eodem ventriculo expellant.

X. Deinde longe major est in homine habita ratione corporis copia
 sanguinis quàm in testudine, uti ex vasorum multitudine & magnitudine

304
 ANN. 1693. colligitur, quæ in testudine & parva extant & numero perpauca. Pulmo-
 nes quidem in testudine mole sua vincunt pulmones cæterorum animalium :
 unde & vasis donantur longioribus, sed pauciores ramos & minores ha-
 bent anfractus, unde & minus ii ponderant : cum ex amplis consent ve-
 siculis quæ vacuæ sunt, quæque venis & arteriis pene destituuntur, quod
 minorem sanguinis quantitatem excipiant: In testudine enim pulmones quar-
 tam implent corporis partem, in homine vix decimam.

XI. Cum ergo in decima corporis humani parte longe major sit copias
 sanguinis, quam in quarta testudinis parte, reliquum humani corporis longe
 majori sanguinis quantitate perfundi necesse est, quàm testudinis corpus.
 Quin & ambo ventriculi cordis in homine longe ampliores sunt, quàm
 tres ventriculi testudinis, nec tantum itineris conficit sanguis in testudine,
 atque in homine. In illa enim pars magna sanguinis in Aortam è ventri-
 culo dextro commeat, nec pulmones trajicit & in unoquoque circuitu se-
 mel tantum per cor transmittitur, cum in homine bis cor pertransseat :
 nam uterque venæ cavæ truncus in ventriculum dextrum effusus longo iti-
 nere per pulmones in sinistram cordis sinum transmittitur.

Postremo ex cordis & arteriarum pulsu id liquet, sanguinis motum
 multo tardiores esse in testudine. Atque ex iis omnibus efficitur, motum
 sanguinis circularem in testudine non adèd egere respiratione, quod cor
 illius satis validum sit, ut sanguinem parciores breviori tramite, junctis
 viribus & tardiori motu propellat : cum in homine major sit sanguinis
 moles, longius spatium percurrendum, & celeriori motu opus sit : unde
 externo aëris subsidio omnino indiget, neque eo carere potest.

XII. Qua autem ratione aër sanguinis circuitum promoveat, paulo
 uberius explicat D. Mery loco citato qui consuli potest. Illud primum sta-
 tuit, dilatato pectore aëra per os & nares subire, asperæ arteriæ ramos,
 atque ad vesiculas usque pulmonum penetrare. Constricto thorace partem
 aëris pulmonibus conclusi & pressi è vesiculis in venas cum impetu pro-
 trudi putat, sanguinem à tergo versus cor impellere, motum illius acce-
 lerare, qui alioqui torperet in pulmonibus. Inclusum in venis pulmonum
 aëra cum sanguine misceri : siquidem in singulas vesiculas ramuli asperæ
 arteriæ, & venæ desinunt, ac sanguis unà cum aëre exquisitè mixtus in si-
 nistram cordis sinum & in arterias deducitur, quem aër leviores & ad
 motum magis idoneum efficit ; innumeras in sanguine bullulas creat, quæ
 sanguinis molem augment, cor & arterias sic inflant, ut vel minima pres-
 sione sanguis cum impetu erumpat. Tum spirituum animalium accellu cor
 contrahitur, sanguis sinistro sinu & arteriis contentus in extremas corporis
 partes protrusus per venas in dextrum cordis sinum remeare compellitur.
 Nam valvula venarum eò versus sanguinis motum inflectunt & determi-
 nant. Spiritus animales systolen, seu contractionem cordis efficiunt : cum
 enim fibras distendunt, simul ventriculos cordis arctant. Sed ut videtur
 D. Mery, aër ipse diastolen procreat, dum suo claterio ventriculos & ar-
 terias distendit, statim atque cessat pressio ab intumescencia fibrarum orta :
 verum aëris continenter hausti claterium plus æquo auctum circulationem
 ipsam tandem inhiberet, nisi insensibili perspiratione dissilaretur. Nam spi-
 ritus

ritus ipsi animales ab elatere aëris victi cederent, nec cor ipsum possent contrahere. *Anatomica.*

XIII. Neque illud abhorret à verisimili hanc insensibilem perspirationem quæ tardius fit in testudine, quam in aliis animantibus, ex parte causam esse cur ea tamdiu vivat citra respirationem. Nam aër diutius in testudine conclusus vasa distendit. & sanguinem efficit leviolem. In homine autem impedita respiratione sanguis fit crassior & gravior, cumque vasa sint eo oppleta, majori vi opus est, & pressione ut expellatur.

XIV. Accedit illud quoque in testudine pulmones amplos esse, & vesiculas longe majores quam in homine: adeo ut sint quædam velut promptuaria aëris. Unde viperæ & ranæ, in quibus ea est cordis & pulmonum structura, ut diu vivere possint citra respirationem, in Machina Pneumatica vix tandem moriuntur, ut expertus est D. Homberg.

XV. Cum autem in fœtu, cordis ventriculi eodem sint modo dispositi, atque in adultis, existimat D. Mery cum iidem aëris respiratione, eo quo diximus modo indigere: tametsi foramen ovale & canalis pateant in fœtu. Verùm is negat ob respirationem id esse à natura provisum, sed ob alios usus de quibus suo loco.

XVI. Mense Maio D. Du Verney pedem Leonis incidit; musculorum structuram & usum exposuit; manum hominis cum pede anteriori Leonis contulit, & utriusque conformationem; pedis quoque Leonis & Ursi musculos oculis subiecit D. Meri.

XVII. Die 4 Augusti corpus adolescentis à fulmine icti aperuit D. Du Verney, atque illius historiam scripto tradidit. Sequanam trajiciebat una cum Principe Emanuele à Lotharingia & ejus Præceptore Doctore Theologo D. Chartier, qui in proa sedebant. Scaphæ partem anteriorem fulmen leviter attingit, hinc reflexum in adolescentis occiput sibi obvium sic incurrit, ut in eo duplex confusio & utraque levis appareret. Adolescens sedens immotus iis qui aderam dormire visus est. Aperto post duas horas corpore, sine erant viscera exceptis pulmonibus qui omnino contabuerant, & multo magis concidisse videbantur, quam in ullo alio mortis genere. Apertis pulmonibus tracheæ rami ab igne illæsi, sed vasa sanguinea erant exinanita; cor omnino sanum, & ejus ventriculi admodum distenti ex copia sanguinis liquidi, non concreti. Cranium ex ictu fulminis illatum fuit, uti & partes omnes cerebri, nisi forte quod in parte summa cerebri lymphæ erat congelata intra piæ matris plicas coacta.

Postea D. Du Verney structuram capitis in serpentibus, quidve habeat cum viperæ capite commune, ostendit.

XVIII. Ne illud quidem tacendum putem quod D. Mery die 18 Novembris nobis retulit se in pueri aperto cadavere invenisse crassiora intestina inflammata, & gangrænæ proxima, cum tenuiora intestina sana omnino essent. Crebra Enemata cum corticis Peruviani pulvere parata huic injcta fuerant. Quæ, ut ipsi visum est, cauta fuit, non mortis forsitan, nam ardenti febri is laboraverat, sed illius inflammationis in crassioribus intestinis visa.

XIX. Cum ex occasione quadam de colicis doloribus sermo haberet.

ANN. tur, D. Tournefort allium his intestinorum torminibus optimum ait
1693. esse remedium. Ego quidem interdum vidi ventris tormina sedari hausto
pulvere glandis una cum vino generoso. Pars interior glandis & quasi nu-
cleus in pulverem comminuitur. Nec clam me est è diversis causis hunc
oriri morbum, nec eodem sanari medicamine.

CAPUT IV.

De rebus Mathematicis.

I. **D**ie 22 Januarii Eclipsis Lunæ totalis Luteriæ observari non potuit, quod cælum nubibus esset obductum. Hanc Massiliæ observavit D. Chazelles : ex illustrium macularum immersione in telluris umbram, & ex earum emersione quæ tum esset Lunæ latitudo, subductis calculis à D. Cassino conclusum fuit, Eclipticam quæ centum umbræ pertransit à centro Lunæ quarta parte diametri lunaris tum remotam fuisse. Cum autem differentia meridianorum Luteriam inter & Massiliam sit 12 horæ minut. ut superius demonstratum fuit, observationes circa initium Eclipsæ, immersionem integram, emersionis initium & finem omni fere ex parte cum calculo à D. Le Fevre ante initio consentire visæ sunt.

II. Cum circa septimum diem Decembris anni 1692, Jupiter in oppositione sua cum Sole reperiretur, D. D. De la Hire & Sedileau tempus illius oppositionis magno studio & cura observarunt. Hinc enim medii superiorum planetarum motus, excentricitates & Aphelia eruuntur, cum in iisdem Eclipticæ locis videantur, in quibus ex Sole ipso viderentur. In conjunctione sui copiam non faciunt, extra conjunctionem & oppositionem cum Sole, apparenti inæqualitati ex annuo motu ortæ sunt obnoxii. Unde ejusmodi observationes in oppositionibus accurate fieri solent in Regio Observatorio. Quæ à D. Sedileau diebus 6, 7 & 8 Decembris factæ fuerunt observationes, in Actis mensis Februarii dilucidè exponuntur.

III. Die 13 Decembris D. De la Hire Jovis & Saturni oppositiones jam à multis annis factas cum tabulis Rudolphinis collatas exhibuit, Kepleri Epocham circa Jovis & Saturni oppositiones correxit.

IV. Is ipse die 12 Martii Lunæ per Pleiadas transitum diligenter observavit, uti videre est in Actis mensis Martii, ubi stellarum è quibus hæc constellatio coalescit, figura delineata cum numerosis stellulis quæ majoribus tantum telescopiis deteguntur, pulchrè exprimitur. Atque hæc stellulæ quæ idemtidem cum Luna conjunctæ eclipsim patiuntur, magno sunt usus, ut Lunæ motus accuratè definiatur.

V. Eodem quoque tempore D. Sedileau Lunæ transitum per Pleiadas & Eclipses aliquot stellarum observavit, atque hinc longitudinem, latitudinem & parallaxim Lunæ eruit.

VI. Inter observationes Astronomicas quæ factæ sunt à P. P. Societatis in Sinenfi regno, & quas P. Gouie hoc anno publici juris fecit, illa insignis est, Mercurii in Sole visi, à P. Fontenay die 10 Novembris anni

1690 circa meridiem. Hæc Mercurii cum Sole conjunctio Lutetiæ videtur non *hæ-*
 potuit : sed Norimbergæ à D. D. Vvultzelbaur & Eimart hora 8 matuti- *thema*
 na cum quadrante visus est in Sole Mercurius à Solis limbo semidigito *tua.*
 remotus.

VI. Ex utraque illa observatione multa collegit D. Cassini speculacione digna circa locorum longitudines, orbitæ Mercurii ab ecliptica distantiam, seu latitudinem, nodorum situm & motum, de quibus consuli possunt Acta Academiæ 15 die mensis Maii.

Atque ut ex iis perpauca delibemus, quæ factæ sunt Norimbergæ observationes, indicant Mercurium hora 8, 27 min. 33 sec. è Sole omnino exiisse, cum Cantonii in Sinenſi regno hora 3 post meridiem, 18 min. 3 sec. prodierit. Unde longitudinum differentia inter utramque urbem est hor. 6 50 min. 30 sec. Ex eclipsis Lunaris anno 1685 die 11 Decembris ab iisdem viris Doctissimis Norimbergæ factis observationibus, cum iis quæ Lutetiæ sunt itidem factæ collatis, Meridianorum differentia Lutetiam inter & Norimbergam inventa est 32 min. seu dimidia horæ vel circiter. Quam differentiam longitudinum si addideris differentiæ jam reperiæ inter Cantonium & Norimbergam, habebis merid. differentiam Cantonium inter & Lutetiam hor. 7, 22. Qualis ex observatione eclipsion primi satellitis Jovis fuit explorata.

2. D. Cassinus nodum Mercurii, illius motum, & latitudinem ex his observationibus collegit; quod iterum accuratius præstitit, postquam ejus observationis correctius exemplar post biennium nactus est.

3. Eadem Meridianorum differentia inter Cantonium & Norimbergam, quæ ex Mercurii emersione è Solis limbo eruitur, quæque per eclipses Lunæ & primi satellitis Jovis est reperiata, persuadet parallaxim Mercurii vix esse sensibilem.

VII. Die 13 Julii stella illustris quæ cor Scorpionis, & Antares v. nominatur, à D. Cassini fuit observata, nec Lunæ corpus eam obduxit propter Lunæ parallaxim, cum Massiliæ eclipsim passa fuerit: quod parallaxeos differentia unius minuti & 50 sec. effecit. Hæc per semihoram corpori Lunari affixa visa est. Quæ ex hac Lunæ cum ea stella conjunctione collegit D. Cassini circa parallaxim Lunæ, Ascensionem ejus rectam, & distantiam à terra, die 14 Novembris in primo post inducias congressu legit.


Eodem die D. De la Hire observationem suam circa Martis & Jovis conjunctionem quæ mense Octobri contigit, è scripto recitavit.

Die 21 Novembris P. le Comte qui recens è Sinenſi regno advenerat, una cum P. Floriot in Academiam venit. Ac primum observationes à P. P. Societatis tum in eo regno, tum in ea regione quæ *Pontichery* appellatur, factas exhibuit, 2 Chartam Tartariæ, cujus exemplum delineandum curavit D. Cassinus, 3. Stirpes raras & in Gallia plane incognitas accuratissime delineatas, cum multorum piscium iconibus, 4 varia P. P. Societatis itineraria, Imperii Sinenſis statum politicum, religionem, mores, naturalem historiam, quæque ad situm regionum spectant, duobus voluminibus eleganti stylo & candido complexus est. In iis libris, admirabiles Christianæ Religionis progressus, propensus Imperatoris in Catho-

ANN. 1693. licos animus, bonarum artium studium, & alia bene multa continentur: ex quibus facile est intelligere Academiam non tantum scientiis & artibus, sed etiam promovendæ religioni non inutilem fuisse. Paucis post diebus D. Cassini Tartariæ Chartam protulit, in qua animadvertit Pequini longitudinem decem gradibus majorem quam revera sit, in ea tabula delinari. Longitudines & latitudines multarum urbium ex recentioribus observationibus quam P. P. Jesuitæ miserant, postea emendavit. Ambo D. Cassinus & D. De la Hire existimant Sinenſe Imperium multo esse angustius quam vulgo creditum est.

IX. D. Varignon diebus 30 Maii & 6 Junii 1693, generatim cunei vires juxta quamlibet hypothesim tum figuræ cunei, tum etiam directionis mallei in cuneum impacti, demonstravit. Relatis enim quatuor hac de re Mechanistarum sententiis, quorum alii statuunt vim qua percutitur cuneus, semper esse ad resistantiam seu ad corporis findendi tenacitatem, ut dimidium basis cunei isoscelis ad ejus altitudinem; alii ut est basis tota ad hanc altitudinem; alii, ut dimidia basis ad latus; alii denique, ut maxima fissuræ latitudo ad ejus profunditatem, quam ultra cunei aciem ponunt. His, inquam, relatis de cuneo sententiis, suam protulit D. Varignon, generatimque demonstravit, *Equipollentibus cuneo & corpore findendo, vim qua cuneus, ut libet, percutitur, semper esse ad resistantiam seu tenacitatem findendi corporis, ut productum ex sinu totali per sinum anguli quem findentia latera cunei, seu circumscripti cuneo perpendiculariter ad fissuræ planum trianguli cujuscvis rectilinei comprehendunt, ad productum ex sinu incidentiæ mallei in cuneum per summam sinuum angulorum ad cunei vel trianguli hunc exhibentis basim: positurum; vel (si mavis) ut productum ex sinu totali per hujus trianguli basim, ad productum ex sinu anguli incidentiæ per summam cæterorum ejusdem trianguli laterum.* Arque hinc eruitur quid verum, falsumve sit in superioribus Mechanistarum sententiis.

Idem die prima Augusti 1693 plures Galilæi propositiones de gravium per inclinata plana descensu, planis contiguïs accommodatas & universaliiores fecit.



SECTIO TERTIA.

De rebus Mathematicis anno 1694 pertractatis.

Astronomica, Geomettrica & Mechanica hoc vertente anno ut superioribus proposita fuerunt & discussa: ab Astronomicis ducemus exordium.

CAPUT PRIMUM.

De Rebus Astronomicis.

I. Dominus Cassini dissertationem de stellæ Polaris ab ipso mundi Polo varia distantia in uno aut altero congressu legit: in qua observationum Astronomicarum antiquitatem ex 1200 annis ante Hipparchum deduxit.

II. Cum vetus Jovis macula circa 13 diem Januarii rediisset, observationes circa hanc maculam à se factas itidem legit mense Martio, atque insignem maculam in tertio Jovis satellite à se deprehensam admonuit. Quin etiam quantum variare possint eclipsion satellitum phases, propter eas quibus inficiuntur maculas, peculiari scripto exposuit.

Die 13 Martii observationes suas circa concursum unius è Jovis maculis cum umbra primi satellitis è scripto legit.

III. Cum D. Chazelles Hydrographiæ Professor Regius, nunc Academiæ Socius Mediterraneum mare Regis jussu lustraret, atque immersiones primi satellitis Jovis accuratè observaret, easdem Lutetiæ & iisdem temporibus D. Cassino observante, differentia longitudinis Lutetiam inter & Melitam Insulam inventa est 12 gr. 8 min. 45 sec. collatis immersionibus ejus satellitis Lutetiæ, & Melitæ simul perspectis. Latitudo Insulæ Melitenensis inventa est 35 gr. 53 min. 30 sec.

IV. Consimili ratione Mediterraneum mare ad Ægyptum usque percurrrens, multò id majus, quàm revera sit, in chartis delineatum comperit. Altitudinem Poli 13 min. majorem invenit Alexandriæ quàm à Ptolemæo notata fuerit: longitudinum differentiam Lutetiam inter & Alexandriam invenit unius horæ 51, 13, inter Lutetiam & Magnum Cæirum unius horæ 58, 20, sed de his infra fusiùs.

V. Die 12 Junii filius D. Cassini, annuente Illustriss. viro D. De Pontchartrain, & perillustri Abbate Bignon, in Academiam astitit tabulas exhibuit à se computatas, quibus ad quamlibet stellæ Polaris altitudinem quacumque hora diei, & quovis die ubique terrarum ejus deviatio horizontalis ad ortum, vel occasum dignoscitur, ut explorata habeatur acus magneticæ declinatio, & Poli altitudo.

VI. Die 22 Junii eclipsis Solis à D. D. Cassini & De la Hire, quantum per cælum nubibus obductum fieri potuit, observata fuit. Lugduni à D. Cusset, Avenione à P. Bonfa Societatis Jesu accuratiùs ea fuit observata.

Lugduni incæpit hora quarta 48, 16; desinit horâ sextâ, 12, 33. Avenione Sol incæpit deficere horâ quartâ, 51 min. 21 sec. Maxima obscuritas fuit 2 digit. $\frac{2}{3}$ horâ quintâ 34 min. 23 sec. Finis horâ sextâ 19 min. 24 sec.

Lunæ eclipsis die 7 Julii circa horam primam à media nocte à D. D. Cas-

310
 ANN. 1693. *sino* & De la Hire itidem fuit observata. Hic verò advenit anno 1673 ; seu 19 anre annis Lunæ eclipsim eodem die contigisse.

VII. Suas in postremam Lunæ eclipsim animadversiones D. Cassini è scripto legit , ac filius ejus rationem proposuit inveniendi diametrorum Solis & Lunæ per obliquum transitum Lunæ. Exeunte hoc mense idem D. Cassini filius Chartam Geographicam exhibuit , in qua longitudes & latitudes juxta recentiores observationes erant delineata.

VIII. D. De la Hire quæ sit ratio diametri Lunæ ad terræ diametrum peculiari scripto expendit , illam esse 275 partium millesimarum diametri terræ comperit nempe $\frac{275}{1000}$.

IX. Filius ejus mense Junio in Academiam cooptratus fuit, ut patrem in perficiendis observationibus adjuvaret. Paucis post diebus D. Maraldi, D. Cassini è sorore nepos itidem selectus fuit à D. De Pontchartrain , qui Academiae interesset , & avunculum juvaret in observationibus , uti & filius ejusdem paulo antea eidem muneri præfectus fuerat. Quo quidem omnes egregiè functi sunt ; non multò post tempore D. Bouleduc in Academiam adlectus fuit à D. De Pontchartrain , qui unà cum D. Homberg Chymicos labores promoveret.

D. Cassini collectiones omnium conjunctionum Mercurii cum Sole, quarum Astronomi cum veteres , tum recentiores mentionem fecerunt , è scripto recitavit cum suis annotationibus , die 19 Decembris.

CAPUT II.

De Rebus Geometricis.

I. Inter alia quæ sunt purioris Geometriæ & Arithmeticæ theoremata D. Varignon illustrium quorundam Geometrarum nostræ ætatis opinionem circa longitudinem spiralis Archimedis refellens, ostendit eam esse longiorem dimidia parte circumferentiæ circuli circumscripti. Idem generalem Methodum, qua tangentes, longitudes, & quadraturæ spiraliū omnis generis parabolici, ac proinde etiam hyperbolici & quarumlibet revolutionum inveniantur, palam exposuit.

II. Aliquot post diebus soliditatem, & gravitatis centrum omnium, ut vocant, ungarum parabolicarum in infinitum usque demonstravit. Is quoque incunte hoc anno Arithmeticam infinitorum explanavit. Hæc à D. Vvallis insigni Geometra per inductionem tantummodo fuerat demonstrata.

III. D. De la Hire generalem demonstrationem loci angulorum æqualium, quos tangentes sectionum conicarum efficiunt, novam quoque describendi sectiones conicas methodum tradidit.

IV. D. Rolle quandam Diophanti quæstionem solvit , & circuli quadraturam impossibilem esse peculiari scripto ostendit.

Nec prætermittenda est pars illa Geometriæ, quæ cum Physica conjuncta est.

V. D. Varignon generalem tradidit methodum qua mediæ altitudines

cujusque receptaculi aquarum, aut centra media cujusque orificii inveniuntur, generalem quoque regulam demonstravit, qua innotesceat motus superficie aquæ vase, aut receptaculo quovis contentæ, quandiu exinanitur.

Idem postea rem ipsam longiùs persecutus regulam proposuit, quæ effluxus aquarum, tubuli ipsi per quos è variis receptaculis aut tubis erumpunt, juxta specificam earum vel cujusque liquoris gravitatem, quæcunque ponatur, & ad quamlibet altitudinem, ad calculum revocantur. Sic calculum iniiit ejus qui in machina pneumatica residuus manet aëris, postquam majori ex parte est exantlatus.

Idque demonstratum ab eo fuit decimam-octavam partem aëris superesse post tricenæ exantlationes, cum receptaculum decies majus est ipsius antliæ tubo; atque universum rationem aëris naturalis ad aëra rarefactum in machina pneumatica juxta proportionem recipientis, tubi, antliæ & embolli indagavit.

VI. Idem rationem inveniendæ altitudinum differentiæ in hydrargyro & aëre qui eum premit in tubi inflexi parte ima, per calculum tradidit. D. Mariotte in Tractatu suo *De Motu aquarum*, ut experientia comprobatum docuerat, summam ponderis atmosphæræ, & Mercurii supra horizontem extantis penes altitudinem sumpti, ad solum pondus atmosphæræ eam habere rationem, quam extensio aëris naturalis in tubo habet ad extensionem aëris quem comprimit Mercurius in imo tubi. D. Varignon generalem formulam præscribit, qua per litteras id ipsum quod quaeritur, statim invenitur. Idem citra calculum per Geometriam simplicem est consecutus.

Quinetiam modum proposuit inveniendi rationes inter aëra diversis temporibus eodem in loco circumfusum, aut diversis in locis eodem tempore spectatum.

VII. Sub initium anni D. Moutons Lugdunensis eximius Mathematicus misit ad D. Cassinum Tabulas à se compositas, quas Academia oblatas voluit. Has ita inscripsit *Trigonometria artificialis, sive magni Canonis Logarithmici supplementum exhibens Logarithmos sinuum & tangentium singulis secundis debitos, tum in primis quatuor gradibus quadrantis, tum in earum complementis*. De usu tabularum in Astronomia brevem dissertationem contexuit D. Cassinus, atque ut eas diligenter asservaret, censuit Academia.

VIII. D. De la Hire libellam non minùs accuratam quàm usu facilem coram exhibuit.

XI. D. Amontons cujus supra mentionem fecimus, Pontonis structuram à se excogitam & delineatam protulit, quam omnibus aliis è cupro paratis usu expeditiorem existimat, quòd altero tanto solidior sit, & dimidia parte latior, citiùs in aquam immitti possit, & multò minori sumptu conficiatur.

E duplici asserum ordine constat, qui in formam crucis dispositi, & clavis ritè sunt compacti; qua parte se tangunt abietini illi asseres, oleo illiti exteriùs pice & colophoniâ, tum foliis tenuissimis cupri obducuntur, asseribus per clavos infixis. Qui inter se committuntur ferruminis stannei interjecto ultra 20000 pondo serunt.

IX. Ad Physico-Mechanica referri potest experimentum à D. Cassino

factum circa folia chartæ è duplici filo suspensa. Illa enim ultra perpendiculum excurrunt juxta quadratorum numerorum rationem : ita ut novem folia ter longius excurrant, quàm tria : qua de re jam alio loco diximus.

X I. Die 23 Junii Filius D. Couplet typum n.olettinæ ad venti impetum versatilis, sed horizontalis exhibuit, quæ usui esse potest.

ANN.

1694.

SECTIO QUARTA.

De Physicis, Chymicis & Anatomicis.

Eodem anno quæ sunt Physicæ contemplationis, & ea imprimis quæ ad corporum affectiones, ad Chymicam analysim, anatomen & rem herbariam spectant, non minori studio quàm Mathematica sunt indagata.

CAPUT PRIMUM.

De Physicis & Chymicis experimentis.

I. **P**rimùm quidem ineunte hoc anno D. De la Hire quantum aquæ anno superiori è cælo deciderit, scripto tradidit, simul & varia experimenta circa fontium originem peculiari dissertatione exposuit, ubi Librum D. Pelot Angli ea de re conscriptum expendit, ac postea ex occasione Tractatus hydrostatici à Bernardino Ramazini Professore Mutinensi editi *De fontium aqua Mutinensis origine*, idem argumentum fusiùs ab eo discussum fuit. Quæ dissertatio fortè aliquando publici juris fiet.

II. Aliam quoque dissertationem de sono legit, quæ hoc ipso anno publici juris facta est. De lumine quod in Barometro D. Picard micare jam aliàs diximus, id animadvertit die 15 Maii multis retro annis hoc lumen non apparuisse, sed ante mensem sui copiam fecisse. In Barometro D. Cassini idem effectus se prodit, sed in Barometro D. Picard lux vegenior est, & totum tubi spatium aëre vacuum implet.

III. Die 14 Aprilis D. Homberg novum phosphori genus subjecit oculis. Is paratur ex una parte salis armoniaci, duobus calcis extinctæ in aëre : utrique materiæ contusæ, & crucibulo impositæ frustula ferri immerguntur, ubi materia quasi fusa apparet. Hæc ferri frustula cultri dorso percussa in obscuriori loco lumen vibrant. Lapidem Bonoriensem calcinatum exhibuit qui instar prunæ accensæ fulgebat, huic quælibet figura aptari potest. Novum quoque phosphori genus subjecit oculis, Smaragdinum vocat, sunt lapides quidam vitides, qui contusi & prunis ardentibus impositi rutilant.

IV. Die 5. Aprilis ingens Vesuvii incendium erupit, quod ad *pljs*
18 usque diem duravit: hujus historia ad D. Cassinum missa est. Illud *ca.*
singulare visum, quòd mons novus emerferit prope alium veterem; bitu-
minis lacus è terræ sinu prodierit, qui vallem implevit subjectam.

V. D. Homberg quadam in machina pneumatica fecit experimenta,
quæ ab eo postulata fuerant. Felis parvuli in machina extincti pellis ad-
modum intumuit, & pene à musculis divulsa est. Aperti corporis vasa &
pulmones non disrupta apparuerunt, uti in alio juniore evenerat, quem
D. D. Mery & Homberg in machina expirare siverant. Hujus thorace
aperto sanguis è ventriculo cordis dextro exiliit, & cor aliquandiu motum
suum continuavit; mortuus is fuit post quartam emboli depressionem. Duo
catelli recipienti sunt impositi: qui minor erat, post 13 aut 14 emboli
ictus interiit, is tres tantum aut quatuor dies natus erat; major 7 aut 8
dierum, septimo ictu extinctus est, integris vasis & pulmonibus, qui plus solito
rubere visi sunt: adeo ut minuscula animalia magis resistere videantur.

VI. Idem 4 die Septembris pyxidem ex ossibus bovinis factam exhi-
buit variis distinctam coloribus. Ossa aquæ forti debilitatæ, in qua argen-
tum exsolumum fuerat, ante immersa, tum Soli exposita, atro colore in-
fecta & tornata, instar marmoris erant variegata.

VII. Animadversiones quoque suas in scintillis luminis, & colores qui
in vacuo se produnt, legit è scripto. Paucis ante diebus Syphonem recep-
taculo aptaverat experiundi gratia, an exhausto aëre aqua continenter è cru-
re longiore efflueret. Ita quidem evenit, sed è bullis ex aqua emergenti-
bus motus fuit interruptus.

VIII. Sub initium hujus anni de testa Sinensi, quam porcellanam vo-
cant, quamque forte veteres concham Veneris dixere; dissertationem legit
D. Motin, ubi genuinos illius testæ characteres describit. Candida est; pel-
lucida, pigmento albo ad splendorem illita, vulgo *d'un verni blanc*, tum cœ-
ruleo colore encausta. Vasa hæc testacea è terra cum sale arctissimè per-
mixta constare existimat; uberior terra obstat quominus in vitram abeat,
unde opacitatem quandam inducit. Vitri genus quoddam non esse porcel-
lanam vel ex eo liquet, quòd gravior sit, & fracta inæqualis & aspera:
cum facilius sit polita, æqualis & levis. Qua ratione & nativa, & fac-
ticia parcentur, fusè eo loco explicat: è factitiis eam esse optimam putat,
quæ apud Lutetiam in vico, cui nomen *Chalot*, conficitur.

IX. Idem aliud scriptum legit de cinetibus cœruleis, qui pirantur è
lapide (ut ipsi videtur,) Armeno: eum ipsum esse opinatur quem in mon-
te quodam Armeniæ (Ussonium vocant,) invenit. Cum anno 1638 terram
eo in loco ad 22 usque hexapedas effodi jussisset, 200 pene libras lapillo-
rum cœrulei coloris in arena cum argillosa terra permixtas collegit. Hi
lapilli rotundi sunt, avellanarum magnitudine, graves adeo ut metallici
videantur, ac forte halitu quodam è cupri fodina exhalante inficiuntur.
Nam in radice montis sunt venæ calaminaris lapidis: cum lapillos con-
tritos, vasi aquæ pleno impositos diu ferrea spatula agitasset, spatula qua
parte materiam tangebatur, dealbata fuit, quasi mercurio esset illita, quæ
pars aquæ erat immersa, cuprea visa est.

ANN. Cœruleum verò artificiale parari solet cum una parte vitrioli, duabus sulphureis & tribus mercurii. Sed hic color vim ignis non sustinet ob impura sulphura, quæ materiam metallicam unâ secum abripiunt.

1694. Idem postea costam in lapidicina gypsea inventam in monte Martyrum exhibuit. D. Mery existimabat fuisse costam testudinis.

X. Circa calorem & frigus D. Homberg exeunte mense Aprili, & calidiore cœlo aquam falsam, quæ hyemis tempore in glaciem concreverat, nondum solutam invenit; duos quoque penes se liquores esse ait, cosque calidos, qui unâ permisti liquorem admodum frigidum efficiunt.

XI. Quæstio fuit agitata, an liquor aliquis solo motu incalcescat citra fermentationem, aliis affirmantibus, quod sanguis sola motione magis incalcescat, negantibus aliis: atque illa opinio nonnullis visa est probabilior liquorem simplicem, ut aquam, solâ motione non incalcescere, cum alia sit ratio liquoris mixti, cujusmodi est sanguis, idque imprimis cum sulphureis abundat partibus.

XII. Die 13 Novembris in primo post inducias congressu D. De la Hire, quæ tum esset acûs magnetica declinatio, nempe sex graduum 35 min. admonuit. Id quoque advertit tum temporis magnam in Barometro mutationem accidisse: nam intra unius diei spatium ad 16 lineas descendit hydrargyrus, cum venti flarent ætius. Iisdem fere temporibus phialam exhibuit aqua limpida plenam, in qua erant complura animalcula forma cancris non dissimilis. Hæc arborum folia sic exedunt, ut artificio quodam incisa videantur.

De natura & origine illius pigmenti quod cochenillam vocant, cum ageretur, quædam illius grana protulit D. Homberg, eaque rotunda, quasi toridem aurelias, rubeo liquore plena.

XIII. D. Charas granum Kermes coram exhibuit & pulverem, qui inficiendis lanis est optimus; is plenus videtur ovis, quæ in papiliones abeunt. Observationes suas in ejusmodi grana, seu in coccum baphicum legit.

XIV. D. Homberg liquorem ostendit quo vitrum dissolvitur, neque aliud quiddam est præter aquam fortem quæ in vitrum prius candens & liquato plumbo immersum vim suam exerit.

XV. Hoc incunte anno D. Charas in Thermarum calorem diligentius inquirens, suspicabatur cum ex acido sulphutis in locis vicinis copiosi, atque ex parte ejus inflammabili proficisci. De aceto sulphuris & antimonii ita fere opinatur, sulphur commune cum suo acido ipsi antimonio actu inesse, idque ex eo colligit, quod in præparatione butyri antimonii sub finem cinnabaris attollatur. Unde sales fixi, dum acidum absorbent, quo Mercurius velut ligatus tenebatur, mercurium ipsum liberum dimittunt, qui proprio pondere decedit. Quin etiam ubi igne moderato stibium calcitur, flamma cærulea ut in sulphure se prodit.

XVI. Quo autem modo antimonii acetum citra alieni corporis additionem extrahatur, subinde tradit. Postremò de tinctura antimonii, cujus usum præstantiorem esse putat, quàm acetii ex eodem minerali præparati, disseruit.

Exeunte hoc anno scriptum aliud legit de præparatione cuiusdam remedi-
dii, quod panaceam vocat, quod in malignis febribus utilem se expertum
ait. Hæc panacea è Mercurio, sale marino & vitriolo conficitur.
Illud admonet hydrargyrum, cum in ipsis moratur intestinis, non va-
care periculo, nisi unâ cum purgante aliquo medicamine conjungatur.
Solut enim cum pravis humoribus societatem init, & corrosivus evadit:
alii aliter opinantur, iique viri expertissimi,

CAPUT II.

De rebus Anatomicis.

I. QUæ ad historiam animalium & anatomen spectant, ita sunt in hu-
jus anni decursu continuata, ut complura jam ante animadversa
magis ac magis fuerint confirmata, & pleraque inventa. Sic D. Du Ver-
ney mense Januario, quæ Actis Academiæ circa biliares ductus & pancrea-
tis canalem struthionis inserta fuerant, quæque de interiore membrana quæ
villosa manica similis est, uti alia quædam de ejus ventriculo confirma-
vit, simul id ostendit, ductum hepaticum in stomachum desinere cum bi-
le viridi. Non enim cupreos denarios hic struthio deglucierat, neque adeo
viridis color ex æruginè cupri prodire potuit. Hæc bilis exsiccata admo-
dum viridis est, & granum illius magnam aquæ copiam eo colore tingit.
Glandulæ interioris membranæ cum succum viridem non præbent, cum
exprimuntur. Unde illud putat admodum verisimile in trituratione ipsa mus-
culorum ventriculi hunc colorem in omnes diffundi partes.

II. D. Mery musculos rostri, ossis Hyoidis, linguæ & laryngis in pſit-
taco exhibuit, eorum structuram & motus omnes exposuit. Interjectis ali-
quot diebus musculos pedum evoluit.

III. Descriptiones quorundam animalium lectæ fuerunt: quales D.
Perrault exaratas reliquit: à tigre cœptum est, tum elephantis historiam
anatomicam legere occœpit D. Du Verney: quæ ad structuram spectant,
accuratiùs sunt discussa. Atque ex occasione nata D. Mery in pelle quæ
struthionis pedum plantam tegit, papillas, corpus reticulare, epiderma
subjecit oculis sic disposita, uti à Malpighio describuntur.

IV. Filius D. De la Hire coram exhibuit passeris ossa carnibus nuda-
ta instar sceleti artificiosè parati: & animalcula cancris non dissimilia, quo-
rum supra meminimus, carnem & cerebrum intra unius noctis spatium exce-
derant.

V. D. Du Verney fœtum protulit duplicem in pectore conjunctum, in-
terioris ventris partes omnes geminæ, pars anterior pectoris erat unica.

D. Mery fœtum exhibuit, cujus exterior forma bufonis non erat ab-
similis. Cranium avellanæ magnitudine, partes interiores confusæ admodum
erant.

VI. Cum hoc anno febres malignæ Lutetiæ, ac pene in tota Gallia
sævirent, de remediis idemtidem actum fuit: vesicatoria his febribus utili-

ANN. ter adhiberi admonuit D. Du Verney. Et quidem ea vidimus in famulo
1694. quodam nostro feliciter usurpata. Adversus cephalalgiam camphoram in positionibus cardiacis utile esse præsidium, & à se interdum præscribi vir expertissimus admonuit. Vino camphorato rheumatismos sæpe curari, uti & pedum aut manuum ustionem præ frigore, vulgo *Engelure*, quo quidem remedio hæmorrhoides leniuntur, uti & unguento quod è fimo equino cum axungia frivo in sartagine paratur, cujus succus postea exprimitur.

VII. Cum de opii usu sermo haberetur, D. Charas in teneſmo quo laborabat, non ita pridem illud feliciter usurpasse testatus est. Optimum quoque illud esse odontalgia remedium, si grani dimidium per bidduum aut triduum sumatur, D. Dodart admonuit. D. Charas spiritu salis ammoniaci perfuso gossipio & dentis foramini inserto hos dolores persæpe leniri expertum se ait. Ista quidem & alia hujus generis obiter dicta multis fortè non inutilia videbuntur. Verùm ad ea quæ sunt magis instituti nostri transeundum.

CAPUT III.

De variis visis affectionibus.

I. **H**Oc vertente anno D. De la Hire Physico-Mathematicam dissertationem de varia oculorum structura, ac de iis quæ visioni solent accidere, multis in congressibus legir, atque unà cum aliis opusculis Mathematicis & Physicis eodem anno publici juris fecit.

Hanc dissertationem in duas secat partes, in priori ea pene omnia quæ ad visionem pertinent, juxta variam oculorum conformationem expendit; in posteriori quibusdam vulgo receptis opinionibus circa modum, quo visio perficitur rejectis, certas præscribit regulas, quibus oculorum dispositio, & vires in variis eorum mutationibus cognosci faciliè possint, seu ipsi secum in diversis temporibus, seu cum aliis conferantur.

Pars Optices melior nova ratione explicata hoc Tractatu continetur: atque operæ pretium nos facturos arbitramur, si præcipua illius capita latè reddita attingamus.

1. Primum quidem triplici visionis genere allato brevis & fortis quæ Myopibus, longæ & debilis, quæ Presbytis convenit, & inter utramque interjectæ, quæ perfecta dici potest, quod in mediocri distantia res objectæ satis distinctè appareant, quæ singulis conveniunt aut mutationes, aut defectus Auctor diligenter prosequitur, Hæc ad tria potissimum refert capita, nempe ad organi vitium, seu organo ipsi, seu humoribus oculi illud infideat, 2 ad nimiam pupillæ dilationem, 3 ad nimiam ejus contractionem. Quamvis in priori casu nonnihil accessu luminis contrahatur, in posteriori aliquantulum ampliatur in locis obscurioribus: nam licet pupilla angustior fiat in lumine, & amplior in obscuriori loco, non id tamen eadem facilitate fit in pueris, & in iis qui proveciori sunt ætate. In illis muscoli & tendines cum molles sint, atque organum ipsum nempe


retina, aut choroides tenerum sit & exquisiti sensûs, pupillæ musculus facile ampliatur, & constringitur: siquidem delicatioris organi textura, ne forte præ nimio lumine offendatur, contractionis motum exigit. Contra evenit in adultis, quibus musculus ille pupillæ motor jam rigidior est, & in senibus ferè eadem manet pupillæ apertura in locis illustratis & obscuris. 2. Quibus de causis alii sint Myopes, alii presbyta paucis explicat; ac multa circa distinctam magnitudinis rei objectæ, & distantia perceptionem, circa obscuram vel claram colorum speciem, circa utriusque oculi directionem speculatione digna & intellectu facilia subjicit.

II. Judicium de rerum distantia ex quintuplici causa pendere docet.

1. Ex apparenti earum magnitudine. 2. Ex colorum impressione, quæ duo à pictoribus solent usurpari, ut rerum objectarum distantias exhibeant, atque in iis tantummodo oculos fallunt. 3. Ex directione oculorum, nam uterque oculi axis aliter in remotæ, aliter in proximæ rei nobis objectæ idem punctum dirigitur. 4. Ex parallaxi rerum objectarum, cum oculus situm mutat. Nam si duo corpora in certa unius oculi positione sibi conjuncta videantur, oculo dextrorsum moto corpus illud, quod ab altero sibi ante conjuncto versus dextram removeri apparet, idem quoque remotius est, & corpus quod ad lævam manet, propius judicatur. 5. Ex distincta vel confusa minutarum partium perceptione de corporis distantia judicamus.

III. Id quoque advertit quemdam esse locum in visus organo, nempe in retinâ, ut ipsi quidem videtur, qui exquisitioris est sensus, adeo ut res objectæ acutius videantur, cum penicillorum ut vocant, apices in eum locum definunt. Unde habitu quodam acquisito oculi globum ita convertimus, ut imago rei quam distinctè cernere volumus, in eo retinæ loco depingatur. Illud retinæ punctum idipsum esse solet, quod directè objectæ rei exponitur, nisi ex defectu organi, aut ex habitu punctum illud medium minùs exquisiti sit sensus: adeo ut globum oculi ex obliquo converti necesse sit, quò pictura loco exquisitioris sensus imprimatur: quod luscis evenire solet. Tamen si id vitii alia quoque ex causa oriri potest, ubi crystallinus suspenditur non è regione pupillæ, & magis in unam partem, quàm in alteram inclinatur. Nam apices penicillorum qui directè in oculum incurunt, quique ad axem dirigi deberent, in eam partem deflectunt, ubi crystallinus magis attollitur. Sic radii AB, non ad axem EP & punctum P, sed versus D diriguntur. At si punctum P retinæ sit sensus exquisitioris, ut fieri solet, tum radii EB, FB oblique incidentes, in puncto quidem P coibunt, & objectum unde ii prodire radij, distinctius apparebit: oculus adeo in id objectum intentus erit, ad quod tamen non dirigitur, unde & luscus apparebit.

IV. His universim explicatis ad singula visûs genera descendit, ac primum quidem myopum varia explicat phenomena, quæ magna ex parte omitimus, quod ab auctore dilucide & brevi verborum complexu sint explicata. Illud imprimis advertit, myopes ubi humores oculi puri sunt, non turbidi, res objectas propius admotas distinctè admodum contueri, quod amplæ rerum imagines in retinâ depingantur, minutas adèò earum



partes possint discernere. Quod si humores turbidi sint, ut in plerisque evenit, confusæ erunt imagines, nisi uberiori luce objecta corpora perfundantur. Ubi humores limpidi quidem sunt, sed quodam infecti colore, eodem res colore tinctas exhibent, ut cum per vitrum tinctum inuemuſ. Sed hoc ipsum non advertimus, nisi repente id vitii incurrat: tum enim recens est memoria colorum quos ante vidimus.

V. Ac nihil forte est cui magis assuescat oculus quàm colorum mutationi. Quod variis probatur exemplis: nam si per vitrum viridi aut rubeo colore paululum tinctum sic rem intueamur, ut alia corpora circumposita obducantur, intra breve temporis spatium colorem ipsum viridem aut rubeum in te visa non advertimus: vix illud nobis persuademus colores alios in Solis, & in accensæ candelæ lumine videri: & tamen certum est cœruleum colorem in candelæ accensæ lumine viridem nobis apparere.

VI. Illud prætermittere non possum quod subinde annotat, myopem non attente eum respicere, quocum loquitur, quod motus oculorum in eo qui loquitur intueri non possit, hinc tamen vis verborum plurimum pender, & in mentem ipsam loquentis ex motu oculorum non mediocriter penetramus: quare myops totus in verborum sensum intentus oculos nulli rei defixos tenet.

VII. Myopes vix distinctè percipiunt res objectas, cum pupilla est apertior quam par sit: non enim in illa humorum conformatione radii ab eodem objecti corporis puncto prodeuntes, post triplicem refractionem in idem organi punctum coire possunt.

Illud pulchrè explicat quæ causa sit cur myopes, qui tamen res objectas mediocriter remoras distinguunt, easdem plerumque geminatas cerant, ut horologii lineas in fundo albo delineatas, atque ex præstantissimis Geometricis Cartesio, Robervallio & Hugenio ut certum statuit lentes utrimque convexâ superficie eaque Sphærica donatas non esse satis idoneas, quæ radios ex eodem puncto prodeuntes in idem punctum post duplicem refractionem colligant. Sed aptæ huic rei futuræ sunt, si unam ex

is Sphæricam ponamus, alteram in medio magis extantem, quæ tamen, *Opticæ*



versus extrema in situs oppositos inflectatur, aut certe pars ejus media crassior sit quàm extrema.

Itaque in hac Crystallini conformatione duplex focus futurus est, cum res eminus videbitur: nam radii medium crystallinum penetrantes citius coibunt, quàm qui extremos illius margines pervadunt, sique velut annulum quemdam depingunt, quòd non tam cito coëant, ac priores radii: idque maximè si pupilla sit apertior & corpus paulò remotius spectetur. Unde objectum nigrum in fundo albo positum in foco crystallini punctum nigrum depinget. At si radii crystallini limbum penetrantes in retina ipsa coëant, qui per medium transcunt crystallinum, non incuriunt in retinam nisi post concursum jam factum, & in eâ basim seu picturam omnino perturbatam delineant.

VIII. Quod si pars media crystallini minus convexa sit quàm extrema, ut sit in presbytiis, tum res geminata videbitur, sed contrariam ob rationem. Nam citius coibunt radii qui margines ipsos pervadent.

Atque ex irregulari figura corneæ tunicæ aut crystallini ratio ducitur, cur coronæ circa faces accensas spectentur: nam superficies minus æquabiles & regulares in certis distantiiis duplicem efficiunt focum, ac circuli luminosi, circa puncta in quibus plures radii colliguntur & distincta sit visio, descripti has coronas nobis exhibent, quæ ubi constantes sunt & semper apparent, vitium esse in crystallino indicant. Sed ubi certis tantum temporibus eæ videntur, irregularitas corneæ id plerumque efficit, ut accidit, cum diutius oculo manus innixa est: ac subinde colores varii apparebunt, si magna sit refraction, ob superficies admodum irregulares. Rem ita esse hinc comperies, si subnigrum corpus pupillæ admoveatur: cum enim illud partem pupillæ obduxerit, circulus lucidus ex dimidia parte factus apparebit.

IX. Myopes quibus pupilla est angustior, & sana sunt organa, ii minima quæque objecta discernunt majori luci exposita: nam coni lucidi angustiores, cum acutiores habeant apices, distinctam magis picturam efficiunt, quàm si coni essent obtusiores: sed objecta etiam proxima non vident, nisi eadem valde collustrata: nam imago anipla in fundo oculi depingitur, & lumen multum spargitur.

X. Quo brevior est visus, hoc res objecta major apparet, ubi cum specie illius per vitrum cavum transmissa comparatur: tamen si per vitrum concavum longè distinctior conspicitur. Ubi retina minus sana est, vitra cava nullius sunt usus: nam penicillorum apices propius admodum angustiores formant imagines quàm ut organum afficiant, & distinctam præbeant visionem. Sed duo vitra quorum unum convexum, & alterum est cavum,

ANN. 1694. faris amplam efficiunt imaginem, & radios ita disponunt, ut plerique fubeant, & in retina coëant.

XI. Illud quoque solemne est myopibus ut minutiores exarent characteres. Idem enim iis evenit quod presbytis, dum litteras digitales propius admotas legunt: continuus capitis motus iis molestus est, & ipsam mentis attentionem multum infringit.

XII. Interdum evenit ut adolescentes usque ad vigesimum aut vigesimum quintum annum visu donentur temperato, tum ii inter myopes habeantur: cujus rei causam D. De la Hire in vitreum humorem certa ratione productum refert, quod musculi paulatim crassiores facti oculi globum fortius premant, ac proinde retina longius à crystallino removeatur: sive adeps in iis uberior in causa sit cur ab utroque latere oculus arctetur, seu è contra imminuto adipe sclerotica à musculis fortius compressa globum itidem oculi arctius premat. Vix enim cornea tunica, quæ dura est & firma, aut crystallinus humor, cujus natura est homogenea, & liquoribus undique cinctus, hujus effectus causa esse potest.

XIII. Myopes quorum pupilla est apertior, lux magna minus offendit quam presbytas, aut eos qui perfecto sunt visu. Nam in illis radii ab objecto collustrato prodeuntes ampliorem in retina basim efficiunt, minus adeo lædunt retinam quam in presbytis ubi arctior basis fortius afficit visus organum. Cum angustior est pupilla in myope, tum objecta propius admota intuetur, & minutiores illius partes satis distinctè percipit, quod radiorum penicilli, quorum basis est pupilla ipsa, admodum tenues distinctam in retina depingant imaginem, tametsi omnes eorum apices in retinam exactè non cadunt.

XIV. Hactenus de myopibus, de presbytis breviori stylo dicendum. Nam ex iis quæ diximus, præcipue visus in presbytis affectiones facile intelliguntur. Ac primum ii quibus pupilla est angustior, vix distinctè res objectas percipiunt, nisi in magna luce positas. Nam pauciores radii minus prodeuntes subeunt pupillam quàm ut retinam afficiant: nisi lux uberior angustiam pupillæ compenset: sed cum lux ipsa coarctet pupillam, quod de dit lucrum, id pene omne detrahit.


2. Presbyta quibus retina est sensus exquisitioris, res minutiores ab oculis removeant, ut distinctius eas contueri possint. Nam radii minus prodeuntes quasi paralleli subeunt oculi pupillam & in retina coëunt, dummodo luce paulo uberiore collustrentur. Sed ætatis progressu oculus magis & magis complanatus res objectas distinctè intueri nequit, nisi radii oculum subeuntes convergant, quod utique non fit ex sola objecti positione: nam si propius admoveatur, radii oculum intrabunt divergentes: si sit remotius, paralleli fere ingredientur.

XV. Hoc commodi afferunt vitra convexa & usitata perspicilla, quod magnam radiorum copiam inducant in oculum, eosque sic inflectant, ut in retina distinctam rei depingant imaginem: nam ubi vitrum penetrant, jam minus spatium quàm antea occupant; cum ita sint dispositi ut in unum coëant punctum. Cum etiam in presbytis arctior plerumque sit pupilla, illud quoque afferunt commodi ut pictura non minus afficiat

retinam

retinam, quàm si per pupillam apertiotem subiissent. Itaque ope vitri *Opticæ*
convexi & distincta & viva, ut ita dicam, fit rei objectæ pictura.

Atque hoc magis ea est sensibilis, quo vitrum longius ab oculo remo-
vetur: tum enim plures excipit ab objecto radios. Sed idem vitrum ei-
dem oculo ad quamvis rei objectæ distantiam aptari non potest: nam radii
citius coibunt, cum vitrum longius ab oculo distabit: ubi res objectæ
multum à nobis distat, tum vitrum ab oculo duobus aut tribus ad sum-
mum pedibus removetur, ut res ipsa distinctè cerni queat, ac multò ea
major videbitur quam nudo oculo, ita ut presbytis vitrum unum convexum
idem prope commodi afferat quod tubus opticus.



Quod in appositâ figurâ sic demonstratur. Si oculus G H C D, cujus
S C

ANN. centrum K vitrum convexum E R, cujus focus absolutus sit in F I, hoc
 1694. est, radios quasi parallelos excipiens sic inflectat, ut concurrant in F I:
 atque ita oculus sit conformatus ut radios quasi parallelos non colligat nisi
 in eandem tendant lineam F I. Sit porro objectum T V, ac radii T E,
 & T S ab eodem puncto T quasi paralleli exire, uti & V R, & V S à
 puncto V prodire concipiantur. Qui postquam vitrum pertransierunt in
 punctis I & F concurrent, per radios præcipuos T S I, & V S F, qui per
 centrum vitri S transiunt. Atque hi duo radii T S, & V S efficiunt an-
 gulum T S V, sub quo videtur objectum T V, non habitâ ratione dis-
 tantiae vitri ab oculo quæ nullius est momenti ubi cum distantia objecti
 eminens visi comparatur.

Cum igitur hi radii paralleli, postquam vitrum pertransiere jam sint con-
 vergentes, & ad puncta I & F tendant, in oculum incurrentes adhuc in-
 curvantur, ut coeant in G H, & omnes coeunt cum radio qui per cen-
 trum oculi K transit, quique ut præcipuus centeri debet, habitâ ratione
 oculi, nempe in I K & F K, qui ad fundum oculi in H & G perveniunt,
 ubi pictura rei objectæ T V imprimitur. Atqui angulus H K G, seu I K F,
 sub quo videtur objectum, major est I S F seu T S V, sub quo videretur
 nudo oculo citra vitrum: cum sit interior, & super eadem basi F I. Ac
 T S V paulò major est T K V, sub quo videretur objectum nudo oculo
 citra vitrum: nam præcipui radii à punctis T & V profecti per centrum
 oculi K transiunt.


XVI. Qui bene conformato donantur oculo, res objectas ad unius pe-
 dis distantiam, aut minorem æque perfectè vident, ac magis remotas:
 adeo ut visus ille perfectus magnam habeat latitudinem, quæ hinc potissi-
 mum oritur, quod pupilla facile ampliari ac contrahi possit. Quibus reti-
 na est exquisiti sensûs, uberiorem lucem ii ferre non possunt. Unde solent
 pupillam contrahere, ubi objectum paulo illustrius se offert, ita assuefacti
 arctam habent pupillam, nec minuta quæque objecta vident nisi uberiore
 luce perfusa, licet presbyta non sint, ii tamen convexis utuntur lentibus,
 quo plures radii oculum subeant. Sed ne vitra radios nimium infringant,
 neve ii citius quam par sit coeant, oculum propius rei objectæ admovere
 coguntur.

CAPUT IV.

Quædam visûs phænomena proponuntur.

I. **P**ostquam D. De la Hire triplex visionis genus sigillatim exposuit,
 quædam visûs phænomena à viris eruditissimis proposita accuratius ex-
 pendit. Hujus generis sunt radii quidam luminosi circa faces accensas huc
 illuc sparsi, quos Cartesius è rugis in superficie humorum oculi exaratis,
 quæque in axe ipso se intersecant oriri putat. Robustius aliam affert hujus
 phænomeni causam, nimirum reflexionem radiorum ex utriusque palpebræ

terfo margine, cum pene conniventes propius sibi mutuo admoventur. Aliam *Optica* huic effectui causam tribuit D. De la Hire, quam fusè & dilucide explicaram longum esset hoc loco exscribere. Quæ etiam de multiplici specie subjicit, cum de nocte candela accensa per oblongam in charta tenui factam fissuram conspicitur, prætermittimus: hujus phænomeni rationem ex utriusque crystallini superficie irregulari quæ radios in diversas retinæ partes dētorquet, apte deducit.



II. Sed illud minimè tacendum videtur quod de pupillæ in felibus tam celeri & expedita contractione & dilatatione subjicit. Iridis apertura instar fissuræ nobis apparet, in longum producta juxta lineam A B. Musculi utrimque versus E & F eam diducunt; ocluditur vero vel ab elaterio suo, vel ab aliis fibris C D musculosis. Hujus generis animalia quæ noctu victum quærunt eam Iridis structuram exigunt: nam ampliata admodum pupilla distinctè res objectas percipiunt, cum tenui luce perfunduntur. Non ea est Iridis structura in hominibus: nam qui ad Lunæ lumen, aut stellarum legunt, insensè dilatata admodum sunt pupilla, quæ uberius lumen ferre nequit. Qui vero in obscuriori loco diu vixerunt, ubi pupilla multùm ampliatur, si repente ad magnam lucem convertant oculos, eorum retina majore luce percussa læditur, ac sæpe visus ipse periclitatur. Simili quidem ratione qui per nives iter fecerunt, res objectas quasi velo capillati & candido oblectas cernunt, quod retinæ fibrillæ fortius concussæ fuerint. Id vitii aliquando oculos invadit, quo pupilla admodum dilatata totam pene Ium occupat: seu musculus hanc membranam contrahentes elaterio suo destituantur, seu alter musculus relaxatus contra antagonistam suum niti amplius non possit. Utcumque res se habeat, qui hoc oculi morbo laborant, si lucem ferre nequeunt.

III. Illa pupillæ de nocte dilatatio in causa est cur candela accensa eminus videatur. Quod si forte in Solem oculorum aciem convertimus, tunc partes retinæ vehementius concussæ varios exhibent colores, & quasi impressi manet Solis imago, quæ obstat quominus alia contueamur objecta: sed & illa fibrillarum modione imminuta Solis impressam vestigium, & colores mutantur, qui varii sunt, ubi cum circumjectis corporibus variè coloratis miscentur. Sic illud sæpe evenit ut characteres rubei appareant, postquam in luce Solari diutius continuata est lectio, quod ex retina paulo fortiori

ANN. agitatione evenit ob radios Solis è candida charta reflexos. Atque hæc lit-
1694. teræ ob eandem rationem rubeo colore tinctæ videntur, quâ Mars in
cælo colore iridem rubeo tinctus apparet, quod artis maculis obducatur.
Atque experientia ipsa ubique confirmat nigra corpora, si aliquantulum sint
diaphana, rubere, cum uberiori luci exponuntur, etsi corpora candida in
area nigra videntur cærulea. Quæ ratio vulgo affertur cur cælum cæruleum
videatur, cur Sol & Luna prope horizontem rubescant.

IV. Hæc utique obiter attingimus, ut ad posteriorem hujus tractatus
partem veniamus, in qua vir acutissimus multis demonstrat rationibus non
eas in oculo fieri mutationes quas omnes furè qui hoc tractant argumen-
tum, excogitarunt, ut modum quo visio perficitur, explicarent. Oculi
artificialis, aut tubi optici exemplo usi in ea fuerunt opinione retinam pro-
pius adduci ad crystallinum, cum res procul distitas contuemur, abduci vero,
cum res oculo propiores cernimus, uti fit in oculo artificiali. Sed cum reti-
na admoventi crystallino aut vitreo humori, aut ab eo removeri non possit,
in longiori prospectu globum contrahi putant. Contra in rerum vicinatum
obutu eum produci fixerunt, aut certe crystallini humoris figuram mu-
tari credidere, ita ut magis complanatus fiat, cum res cominus cernimus,
idque fieri processuum ciliarium ope, quos musculos esse volunt. His con-
tractis & inflatis crystallinum utrimque trahi & complanari, ut laxatis glo-
bosorem fieri arbitrantur.

V. At peritiores Anatomici nihil musculosum in hoc ligamine ciliari
animadvertunt, atque humor ipse satis firmus ex multis pelliculis quasi
lamellis confectus non ejus videtur esse naturæ, ut figuram mutet, nisi su-
perficies ejus rugosæ fiant, rerum adeo imagines in fundo oculi perversan-
t.

Verum non ex structura modo oculi, sed etiam ex hoc vulgari experimen-
to probari potest nullam in oculi figura fieri mutationem, seu cominus,
seu cminus res objectas intueamur. Illud ab omnibus penè Opticis traditum
est, factis in charta luforia aliquot foraminulis & ita dispositis, ut non
amplius inter se distent, quam pateat pupillæ foramen, rem objectam, ut
candelam accensam penes foraminum numerum multiplicatam cerni, dum-
modo posita sit extra locum, ubi distinctè nudo oculo videretur. Quod si
v. gr. res objecta distinctè videri nequeat nisi ultra sex pedes distet, multi-
plex apparebit, cum propius sistetur: sed una & simplex videbitur, cum
in ea constitueretur distantia, in qua res distinctè cernimus. Tum enim radii
qui à singulis rei objectæ punctis per foraminula ad oculi fundum perve-
niunt, in retina singuli depingentur: parvi quippè cori radiosi quorum
apices sunt in singulis objecti punctis, & bases in chartæ foraminibus op-
positos apices in singulis retinæ punctis constitutos habebunt, simplex adeo
visio tum futura est. At si non ea sit oculi conformatio, qua possit radios
in retina colligere, com intra oculum tardius aut citius quam pars sit, coi-
bunt, eosque retina ante, aut post cõrionem secabit. Unde singula objecti
puncta retinam afficient in diversis locis, ac multiplex illud apparebit juxta
numerum foraminum. Tum etiam singulæ objecti imagines distinctiores cer-
nentur, quàm si objectum sine chartæ interposito videretur; quod coni

radiatorum angustiores habeant bases : nam ubi objectum simplici oculo videtur, conii radiosi basis est pupillæ amplitudo : major adeo fit in retina sectio, & major picturæ confusio. Sed lux multò debilior est, cum objectum per foraminula multiplex conspicitur, pauciores enim subeunt radii.

VI. In oculo artificiali idipsum licet experiri, si charta pertusa multis foraminibus vitro anteriori, quod tunicam corneam exhibet, sic admoveatur, ut charta candida quæ retinæ munus obit, in varia distantia à vitro quod crystallini loco ponitur, modò in ipso radiorum concursu, modò propiùs admoveatur, aut longiùs ab eo removetur.

VII. Ex iis & aliis quæ vir doctissimus subjicit experimentis, ut cujusque visus noscantur vires ac mutationes quæ in oculis fiunt, & utrum concursus radiorum ultra, an citra retinam fiat (nam si altero ex duobus foraminibus chartæ obducto, species rei objectæ ex eadem parte obliteretur, concursus radiorum fit citra retinam : contra, si ex parte altera imago rei deleatur, concursus fiet ultra retinam :) Ex iis, inquam, omnino conficitur diversam non esse oculi conformationem, seu propiora, seu remiora intueatur objecta.

Quod si enim oculus ita sit conformatus, ut distinctè cernat objectum sesqui-pede remotum, mutanda erit ejus figura, ut idem objectum sex pedibus distans conspiciat juxta eorum sententiam, qui has oculi mutationes propugnant. Jam ubi per chartam duplici foramine pertusam idem objectum aspicit, juxta eorum hypotheseim unum & simplex videt objectum, cum aptam huic rei videndæ figuram induit, & tamen duplex apparet. Non igitur oculus novam figuram aut conformationem cepit, ut objectum sex pedibus remotum cerneret, atque eadem est cujusque distantie ratio : nam ultra spatium sex pedum radii velut paralleli subeunt pupillam.


VIII. Neque id dici potest ex interposito chartæ fieri aliquam mutationem in oculo. Nam eodem modo de ipsa distantia judicamus, seu nudo oculo, seu per chartæ foramina res intueamur objectas.

Et quidem cum nudis oculis bene conformatis utimur, ut objectum sesqui-pede remotum, & alterum sex pedibus distans intueamur, non ea est inter utrumque spatium differentia, ut in concursu radiorum confusio nem inducat : & tamen per duo chartæ foramina objectum longiùs remotum videbitur duplex, quæ differentia simplici visione non percipitur : nam ex utraque distantia æquè distinctè videri objecta arbitramur.

Quod autem non sine aliqua difficultate & molestia oculus ante in objectum propiùs intentus, in objectum longiùs remotum distinctè intue dum convertatur : hoc, inquam, non hinc oritur, quod opus sit aliquo temporis spatio, ut oculus aprè se disponat ad remotioris objecti prospectum : sed quia uterque axis oculi in idem punctum non sine aliqua molestia est convertendus. Quod etiam accidit, cum uno intuemur oculo : quòd affuerit simul oculorum axes in eum locum convertere, cujus distantia utcumque percipitur : cum per tubum opticum objecta variè distita intuemur, eodem oculo, nullam propterea experimur difficultatem.

IX. Nec sola utriusque axis directio hanc difficultatem parit, sed &

pupillæ dilatatio, cum remotius est objectum, & constrictio, cum est propius, nonnihil momenti affert. Nam Iris tunica ex omnium pene consensu musculus quidam est, qui pupillam arctat, cum rem plus satis collustratam intuemur, ne radii confertiores lædant organum. Quod experiri facile est in pueris, quorum pupilla citissimè dilatur & constringitur; admoto objecto angustior, remoto fit amplior. Quin & objectis variè distans intuentis hæc pupillæ dilatatio & contractio admodum utilis est: ita ut nihil necesse sit ad variam oculorum conformationem recurrere. Nam radorum coni aut penicilli acutiores picturam efficiunt magis distinctam & accuratam. Quod si igitur ita sit dispositus oculus, ut rem objectam ex septem pedum distantia distinctè percipiat, quò eandem ex unius pedis distantia intueatur, pupillam contrahat necesse est, ut pauciores radios admittat, qui conos acutiores efficiant, ne perturbata sit rei objectæ figura: adeo ut latitudo quæ in diversis oculis occurrit, non ex diversa oculi vel crystallini conformatione quæ subinde mutetur, sed potius ex varia pupillæ apertura sit repetenda.



SECTIO QUINTA.

ANN.

1694.

De Botanica.

Superiori & hoc ipso vertente anno D. Tournefort *Elementa Botanica* in Academia legit, quæ Typis Regiis excusa fuerunt. Ac nescio an quicquam in hoc genere magis elaboratum, aut melius dispositum, & elegantius conscriptum prodierit in lucem. Quod enim imprimis sibi proposuit, ut pulcherrimæ hujus scientiæ principia exponeret, ac facilem traderet methodum, quâ plantæ in varietate prope infinita ad certa quædam genera, ac velut capita revocarentur, id omnium Eruditorum consensu sic perfecit, ut vix quicquam desiderari possit maj. arte & diligentia compositum.

CAPUT PRIMUM.

De veris Botanice principiis generatim.

I. **N**on integras stirpium figuras, id enim alterius est operis, quod magna ex parte confecit Academia, & aliquando Deo Duce prodibit in publicum; non vires quæ iis tribui solent, quod aliquando traditum se recepit D. Tournefort, & perfecit eo ipso tempore quo hæc prælo mandantur: sed principia quibus plantæ ad sua genera redactæ facilius dignoscantur & cujusque generis characteres sic icemibus designavit, ut confundi non possint, si modo ad eas partes, in quibus cujusque generis essentialis, ut ita dicam, nota est, intendatur animus.

II. Postquam Botanicæ ortum, & progressum paucis exposuit, opus *Botanica* suum in tres dividit partes; in prima quidem, qua ratione plantarum species in sua quæque genera redigantur, inquit; in secunda quædam ille præscribit regulas, quibus stirpium genera in certas tribuantur classes; in tertia & genera & classes singillatim enumerat; atque hæc primo volumine continentur: nam in secundo & tertio icones partium, in quibus insignes notæ generum omnium elucescunt, ad vivum expressæ sunt, & æri incisæ.

III. Eodem genere censentur plantæ, in quibus similis est partium structura, & earum maximè, quæ insigni nota, & communi quodam characterè ab aliis secernuntur. Specie verò sunt diversæ, in quibus aliquid est singulare, quod ab aliis ejusdem generis eas discriminat. Characteres generici in una quaque specie, quoad fieri potest, sibi similes esse debent, & sensibiles, adeo ut adverti faciliè possint. Atque hæc genera certis signari debent nominibus, quæ è structura partium potius quàm ex etimologia petenda sunt. Siquidem notationes nominum magnam sæpe in generum cognitione pariunt confusionem. Atque ex occasione quadam, aut è quibusdam notis, quæ in una aut altera occurrunt specie, indita sunt plantis vocabula: cum ramen ratio habenda sit characteris cujusdam esse tralis, qui omnibus æque speciebus conveniat, & cui nomen ipsum, si fieri potest, sit illigatum. Sic *Leucoium*, si ad nominis originem referatur, violam albam tantummodò, non genus ipsum designabit: idque confusionem generis ideam dabit.

IV. Verùm hoc in ea re caput est, ut characterem ipsum genuinum, non spurium & ementitum statuamus, quò species quæque ad suum genus referatur, isque in stirpe ipsa, non foris quaerendus est.

V. In planta verò sunt radix & semen seu fructus, unde & caulis in herbis, truncus in arboribus, folia & flores nascuntur.

Singulæ cujusque stirpis partes duplici genere tubulorum constant, è vasis nempe & tracheis, vasa succum nutritivum ad vegetationem plantæ deferunt, Tracheas instar pulmonum esse, & aëre impleri censet Malpighius: hæc duo tubulorum genera in radicibus & ramis sparsa in truncò & caule colliguntur, non sibi mutuo proximè coherent, sed interjectu utriculorum, & quasi vesicularum connexa. Vesiculæ autem illæ succo velur sanguine implentur, uti ex Malpighio alio loco dictum à nobis fuit.

VI. Tracheas stirpium aptissimè delincatas habes in tabula 451 hujus operis, hæc vasa in spiræ modum contorta, ac pleraque instar tenuis laminæ diducta & convoluta partibus squamatim positis coagmentata cernuntur: eaque faciliè deteges, si ramulum rosæ aut vitis, aut alterius stirpis tenerum distrumpas. Illud advertit D. Tournefort eas tracheas, cum franguntur, motu elastico donari: seu lamellæ spirales productæ pristinam formam sibi restituant, & conclusum aëra excutiant, ac vicissim aër ille eas succutiat, & post aliquot itus & reditus pristinum situm recipiant; sive exteriori cedant aëri: nam plus satis productæ elaterio amisso rabeſcunt. Non enim abhorret à vero hæc vasa esse excipiendo aëri aptata, qui suc-

ANN. ci motum adjuvat & promover. Atque hæ tracheæ plus minusve dilatan-
 1694. tur, ut elaterium aëris fortius est, aut debilius de die aut nocte, præ ca-
 lore aut frigore juxta varias anni tempestates. Aër quippe plus solito disten-
 tus tracheas quoque distendit, quæ circumjecta vasa sic premunt, ut suc-
 cum iis contentum in eam partem compellant, ubi minor est resisten-
 tia.

VII. Verùm interiores stirpium partes hoc loco non persequimur, sed
 exteriores tantùm, ac quarimus unde character præcipuus cujusque gene-
 ris sit repetendus, an ex radice, vel è caudice, aut è foliis aut fructi-
 bus, aut è floribus, an demum ex pluribus unà conjunctis.

Radices quidem præ cæteris plantæ organis videntur magis ad ejus na-
 turam pertinere: nulla enim sine radice vivit, ne tubera quidem, aut cus-
 cutæ. Nam in illis tenues velut capilli è rugis prodeuntes, uti & filamen-
 ta è cuscutâ prodeunt.

Reliquæ stirpium partes non in omnibus inveniuntur: tubera & pleri-
 que fungi scapo, seu caule, & foliis destituuntur, ac nescio an semina
 omnibus omnino stirpibus insint, ut in fungis atque iis omnibus quæ in
 fundo matis nascuntur plantis: tamen si admodum probabile est ut anima-
 lia, sic stirpes omnes è seminibus oriri.

VIII. Stirpium partes omnes non sibi solis, sed & aliis formata viden-
 tur: radices succum è terra sumunt, atque in iis primum elaboratur, quem
 scapus aut truncus excipit, & foliis parat, quæ gemmis nutriendis eundem
 expurgatum tradunt.

Flores verò tanquam quædam viscera succo excoquendo in seminis aut
 fructûs usum videntur comparati. Semina verò velut ova, ut Aristoteles
 ex Empedocle docuit, censenda sunt: nihil enim tam simile est ovo quàm
 semen plantæ: in utroque germen ipsum partes omnes velut involutas con-
 tinet.

Succus plantarum est mistura quædam ex terræ humore, seminis lacte &
 farina constata, quæ in partes sensibiles paulatim explicatur. Plantarum
 vita in succi nutritii, quo utriculi aut sacculi distenduntur, omnino posi-
 ta videtur: accretio fit, cùm illæ vesiculæ aut sacculi producantur; un-
 de stirpium magnitudo à natura est definita: nam sacculi ipsi disrumpen-
 tur, si ultra præscriptos terminos distenti intumescant.

IX. His præmissis jam D. Tournefort diligentius examinar, an ge-
 nera plantarum constitui oporteat ex mutua quinque illarum partium stru-
 ctura quadam, an ex una tantùm, eaque præcipua & insigni magis; utrum ex
 pluribus inter se conjunctis. Ac primum non omnes illæ partes, ac ne quatuor
 quidem ad constituenda genera conspirant: cùm ne duæ quidem plantarum
 species in omnium partium consensu, vel in quatuor, aut tribus simul sum-
 ptis conveniant. Nam tot fere genera, quot species ponenda erunt, si tan-
 ta partium cognatio ad generis alicujus constitutionem requiratur. Sic qua-
 dam ranunculorum species radices habent tuberosas, aliæ fibrosas, aliæ
 grumosas. Quod si partes quatuor ad definiendum generis characterem ut
 florem, fructum, caudicem & radicem exigas, plantæ speciem, non ge-
 nus designabunt.

X. Radicum & truncorum differentia pauciores sunt quam ut generum *Tota* varietatem inducant. Folia plerisque ad hanc rem magis idonea videntur: *nica*. sed ubi flores & fructus se produnt, tanta plerumque in iis apparet diversitas ut plantæ, quæ ob similem foliorum structuram sunt consimiles, eodem genere censei non possint citra magnam hujus scientiæ confusio- nem. Eadem est ratio florum quæ huic rei non sufficit. Nam in plerisque plantis diversi generis consimiles sunt flores, uti in leguminibus, convolvulis, campanulis.

Quare rationibus omnibus subductis duarum, aut ad summum trium par- tium cognatio in stirpibus requiritur ad earum genera definienda. Radicum cum foliis comparatio est inutilis: sic enim quæ eodem genere v. gr. ranunculorum continentur, ad plura genera essent referenda. Idem eveniet si flores cum radicibus, aut folia cum feminibus comparentur.

CAPUT II.

De Plantarum in genera divisione.

I. **R**estat igitur ut flores cum fructibus conjuncti cum aliis floribus & feminibus conferantur: insignes illæ sunt cognationes, cæque ani- mo fortius imprimuntur, ut in ranunculis & rosis videre est, uti & in campanulis, convolvulis, cariophyllis. Quinetiam stirpium species, quæ hætenus sunt constitutæ, maxima ex parte in flore & fructu hanc habent similitudinem.

Superioris sæculi Scriptores in eam sententiam citât D. Tournefort, Ges- nerum imprimis, qui Epist. 103 hæc habet. *Ex his enim potius quam è foliis, stirpium natura & cognationes apparent. His notis à fructu, semine & flore staphisagriam & consolidam regalem vulgo dictam, Aconito congenerem fa- cile deprehendi. Idem fere in Epist. ad Occo celebrem Medicum Augustarum scribit; id ipsum Casalpini L. 1. de fructu aut semine docuit. Et merito, inquit, ex fructificandi modo multa emerferunt genera plantarum. In nullis aliis partibus tantam organorum multitudinem & distinctionem natura molita est, quanta in fructibus condendis spectatur.* Sed omnium clarissimè Fabius Columna in parte altera Libri, cujus titulus Phytobasanos, id ipsum de- clarat. *Foliorum, inquit, effigiem in conferendis generibus parvi facimus. Non enim ex foliis, sed ex flore seminisque conceptaculo, & ipso potius semine plan- tarum affinitatem judicamus, respondente præsertim sapore in reliqua planta parte.* Optandum illud esset, ut viri præstantes ingenio & doctrina non solum ipsa genera constituendi rationem indicassent, sed etiam ipsi ad ea recensenda singillatim descendissent, quod nostra ætate viri in hac scien- tia peritissimi Morisonius & Raius præstiterunt. Cum autem sola fructus & floris contemplatio plerumque non sufficiat eorum generibus aptè distin- guendis: (sic enim frumentum, secale, avena, hordenum & gramina pe- ne omnia eodem genere censerentur, cum in iis eadem pene sit fructuum

ANN. & florum conformatio) longa nominum serie opus eſſet, ut ſpecies ipſæ
1694. designari poſſent.

II. Quocirca ut huic incommodo occurrat Auctor noſter, genera ipſa plantarum in duplici ordine conſtituit: in priori ea collocat, de quibus dictum eſt, quæque ex ſola floris & fructus ſtructura pendent. Hi quidem duo ſunt eſſentiales generum characteres in plantis quæ fructus & flores proferunt: ſed in multis aliis non ſufficiunt: unde alter ordo ſtaſtuendus videtur, in quo præter duas illas partes omnino neceſſarias, tertia quædam in ſubſidium vocatur, quæcunque illa ſit, interdum radix ipſa: ſic liſiorum genus erit ſecundi ordinis, atque à tulipa & corona imperiali propter radicem ſquamofam genere ipſo diſtabit.

III. Sic foliorum numerus diſtinguendis generibus interdum utilis eſt. Quo quidem modo pentaphylla, fraga, pinus, abies, larix penes foliorum diſpoſitionem genere inter ſe diſſerunt. In abiete folia ſeparata in ramis diſponuntur; in pinu gemina tubulis inclufa prodeunt; in larice quaſi in ſerta quædam glomerata cernuntur: penes corticem ilex & iubæ diſtinguntur; penes florum calices ſcortonera & tragopogon vulgò *Barbe de bouc*, genere diſſident: in hoc ſimplex eſt, in illa ſquamofus.

Interdum vel coloris habenda eſt ratio ut in Chryſanthemo & leucanthemo, vulgò *Marguerite*; vel ſaporis, ut in cruce & ſinapi; vel cujuſdam quaſi habitus & externæ faciei plantæ, vulgò *le Port de la Plante*, ut in abſinthio, abrotano & artemiſia. Sic acacia & glycyrrhiza in hoc tantum diſcrepant, quod hæc herba ſit, illa arbor.

IV. Atque hæc de plantarum generibus tum primi, tum ſecundi ordinis: in quibus illud intuendum, ut in iis conſtituendis remotæ cujuſdam cognationis, quæque multiplici generi communis ſit, ratio non habeatur, neve eodem vocabulo plura quædam exprimantur genera, & è contra; cavendum quoque eſt ne ejusdem generis cognationes nimium ſcrupuloſè expendantur; ſed iis contenti ſimus quæ vulgò hominum ita videntur. Sic trifolium pratense purpureum trifoliorum genere cenſendum eſt, licet ejus flos acriùs intuentibus ſit unius folii, in aliis multiplici folio conſtet. Quinetiam variant aliquando partes plantæ eſſentiales: ſed de his quæ ut plurimum eveniunt, & juxta conſuetum naturæ ordinem apparent, omnino eſt judicandum.

V. Species vero eodem ſtirpium genere contentæ ita ſunt tribuendæ, ut ejus quod magis eſt ſingulare in aliquarum partium ſtructura, aut in modo, ſeu in figura, magnitudine, ſitu, ſapore, odore, vel in cognatione, cum notiori aliqua planta habeatur ratio: ita ut communi nomine genus exprimatur, quæque addendæ ſunt generis diſſerentiæ quàm poterit brevi verborum complexu, accuratè tamen diſtinguantur; nimia vocum congeries vitetur, & genera ipſa multiplicentur potiùs quàm accendant. Nam majori verborum compendio ſpecies ipſæ deſcribentur, ſi texcenta plantarum genera ſtatuamus, quàm ſi multò pauciora numerentur, & complures plantas diverſi characteris, ut degeneres aut irregulares ad certa genera referamus.

CAPUT III.

De generum in certas classes divisione.

I. **I**N hac stirpium contemplatione vitari vix potest confusio, nisi stirpes ipsæ quasi milites exercitus in certos ordines disponantur. Unde non id satis visum est D. Tournefort plantas ad sua genera, ex naturæ ipsius præscripto, non ex alicujus arbitrio, ut plerumque fit, revocare: sed ipsa quæque genera quasi in classes atque in ordines varios, quò dignosci facilius possint, omnino tribuenda esse existimavit: adeo ut genus sit instar cohortis vel ordinis militaris, classis instar legionis. Classem aliquam aut ordinem plantarum assignare non aliud quiddam est, quàm aliquid invenire in quo aliquot genera conveniant, atque ab aliis sejungantur; neque illud quidquid est, quod certum plantarum ordinem vel classem constituit, ex nostro pendet arbitrio, sed ex naturali quadam generum cognatione, quæ ex floribus aut fructibus ducenda est, non ex utrisque simul junctis: scilicet non classes, sed genera ipsa forant.

II. Jam utrum ex seminibus, seu è fructibus, an è floribus classes illarum plantarum sint distinguendæ, dubitari merito potest. Verum flores ipsi colorum & partium varietate magis sunt sensibiles, & oculos in se magis convertunt. Sæpius cum ipsis fructibus coherant, atque illis succum nutritium præparant, cum adhuc sunt teneri & formari incipiunt. Quanquam in nonnullis plantis, huic velut embryoni, aut ovo plantæ flos non adhærescit, nisi ex parte, ut in cucumere, melone, cucurbita: in aliis ex eodem pediculo flores & fructus oriuntur, sed separati, ut in buxo, & in arboribus, quæ flores amentaceos ferunt, seu nucamenta vulgò *Chatons*, ut nux ipsa, corylus. Sunt in quibus pediculi quidam flores tantum, alii fructus efferunt, ut salix, populus, lupulus: nisi fortè floris nomine donentur filamenta quædam colorata, quæ ex tenero grano vel embryone erumpunt. Quod si damus, multi flores sunt sine fructibus, sed fructus omnes quidam flores comitantur.

III. Quis autem sit florum usus, jam innuimus: sunt quædam velut viscera, quibus succus nutritius fructui, dum adhuc tener est, destinatur. Dum enim succus intra folia floris circulatur, & percolatur in ipsis tubulis & sacculis, quod subtilius est & ovo nutriendo præparatum, ab aliis partibus minùs ad hanc rem idoneis & crassioribus secernitur, quæ per stamina tanquam per vasa exteriora, & totidem glandulas in staminum apices expelluntur, & exsiccata in minutum abeunt pulverem.

IV. Grana autem seu ova in suis tantum primordiis succo adeo exquisito, & in florum foliis percolato egent, ut fibrillæ quibus constant, & partes plantæ jam in ipso germine delineatæ paulatim intumescant, ac jugem succi ferant appulsum, quem utique sustinere vix possent, si partes crassiores illius succi unà cum subtilioribus & ritè præparatis affluerent. Sed ubi flores jam sunt explicati, & prima fructus aut ovi intumescencia

ANN. facta est, tum illæso fructu flores refecantur, non item si fructus in gem-
1694. ma delitescat: tum enim floribus nudatus perit.

V. Cur autem flores brevi tempore tabescant; triplex hujus rei causa afferri potest: 1. vasorum tenuitas, quæ flores pediculo affigunt, ut in ranunculis, & anemone videre est. Hæc enim adeo sunt subtilia, ut flores cum pediculis coherere videantur: ubi pediculi vasa in flores pene integra sparguntur, ut in variis ellebori nigri speciebus, tum flores diu persistent. 2. Ovi ipsius in omnes partes accretio vasa in floris basi posita sensim arctant, ac flos ipse alimentitio succo fraudatus perit. 3. Vasa in embryone flaccida & complicata paulatim eriguntur & tenduntur: unde & succus facilis per ea motum suum continuat, & folia, quæ hinc inde ad latera pefixa sunt, deserit. Tum vero succus in solo calice, in parenchymate & pelle fructus jam aetollescentis præparatus in grana ipsa deferitur, quorum gratia cæteræ partes videntur ab Auctore naturæ fabricatæ. Quod nutritioni minus est idoneum, per cæcos meatus aut tennes velut holoserici pilos exhalat, aut instar floris subtilioris qualem in prunis recentibus cernimus, paulatim excernitur.

VI. Qui autem flores à teneris fructibus divisi sunt, aut ramulis adnascuntur fructuum expertibus, ut sanguinis in animantibus, ita succi massam à superfluo humore fere ut renes expurgant. Atque ubi flores ultra fœtum ipsum aut ovum diffunduntur, ut in rosa, succus à pediculo in tenerioris fructus pellem, & ejus vasa commeat, tum ad flores usque conscendit; in iis diffusus & perpuratus per vasa quæ deferentia dici possunt, in pellem remeat, inde ad partes interiores fructus transmittitur.

VII. Atque hic est foliorum in floribus præcipuus usus, tametsi in omnibus floribus non reperitur. Sed in eorum locum stamina, aut filamenta producuntur, ut in avena, pede leonis, & in aliis innumeris; ac plerumque singula stamina suis donantur apicibus.

VIII. In his floribus qui foliis constant, plerumque è fundo assurgunt stamina, ut in liliis, tulipis, quæ in apices desinunt. Atque illa stamina ut vasa excretoria haberi possunt, quæ succum superfluum vel in apices exonerant, cum adsunt; vel per cæcos meatus quasi per transpirationem insensibilem exhalant: interdum pili in extremis staminum pulvere quodam, aut humore viscoso oblitri cernuntur. In plerisque apices in duo loculamenta, & cavitates sponte utrimque à latere dehiscunt, ac velut quædam sunt receptacula, in quibus colligitur succus nutritioni minus idoneus, ac credibile est grana pulveris, dum intumescunt, eas cellulas referare.

IX. Pars floris quæ centrum occupat, & plerumque parte sui infima crassior est, unde & nomen pistilli nata est, tenerum fructum sæpe continet, ut in lilio; interim ex ipsius ovi extremo producit, ut in umbellatis, aliquando huic tanquam pediculo instar floris innititur; plerumque instar panni serici villosi pilis in parte extrema tegitur, aut vesiculis asperatur. Quæ in apicibus pistillorum sunt rimulæ, fortè aëri præbent aditum; & viscosus succus ex Malpighio insecta arceat, ne obfuit.

X. Quæ pars exteriora floris aut involvit, ut in ranunculis, aut fulcti

instar sustentat, ut in umbellatis, aut utrumque obit munus, ut in rosa, in *Botalo* & pyro; sive foliis instruat, sive iis careat, calix appellatur. Qui *nica*, aliquando multiplici constat folio, nec diutius durat, quod ejus folia pediculo adhæreant penes pauciora vasa, eaque facile distrumpuntur. Interim unius est folii, quod è pediculi fibris producitur: unde & firmior est. Quæ florum sunt folia, nunquam seminibus involuendis serviunt: hoc enim proprium est calicis, qui post foliorum casum plerumque semina instar capsulæ recondit.

Ex varia florum structurâ D. Tournefort plantas in viginti duas classes distribuit, quarum singulæ varia genera complectuntur. In floribus majus quoddam naturæ artificium, quam in aliis plantarum partibus se prodit, atque in earum structurâ minor mutationi patet locus.

XI. Itaque in duo vel summa genera primum dividi possunt flores; in eos qui foliis seu petalis vestiuntur; & eos qui in stamina diducuntur. Hi ferè omnes calice muniuntur: eorum plerique tenero fructui adhærescunt, atque horum pistillus ipse est fœtus, ut in gramine videre est. Quæ nucamenta ferunt plantæ, ex flores habent in stamina quandoque brevissima diductos. Atque hujusmodi flores non insignes præbent plantarum differentias, quemadmodum flores suis instructi foliis, quorum magna est & incredibilis varietas.

XII. Ac primum flores illi vel sunt simplices, vel compositi. Simplices unicum habent florem uno calice contentum, neque ex iis partibus, quas flosculos vulgò *Fleurons*, aut *Semiflosculos* vocant, sunt compacti. Ii simplices sunt flores qui unico folio, sive id regulari figura incidatur, sive irregulari; horum flores alii campanulam, alii infundibulum alii, quiddam aliud referunt.

Ex iis qui pluribus foliis vestiuntur, quidam quatuor in formam crucis dispositis constant, alii rosam, aut cariophyllum, nonnulli lilium imitantur.

XIII. Compositi flores è flosculis, aut semiflosculis in magnâ quoque sunt varietate: flosculi omnes ut toridem tubi uno & eodem calice involuti idem velut sertum efficiunt, singuli flosculi embrione seu grano sunt innixi, è cujus fundo aliud filamentum prodit tubulo tanquam vagina conclusum. Hujus generis sunt flores absynthii, carduorum &c. Qui è semiflosculis velut ferta quædam, hi pluribus constant partibus, quæ postea in folia complanantur. Hos flores cernere licet in Soncho vulgò *Laitron*: lactuca, & aliis. Flores radiosi ex utrisque flosculis & semiflosculis ita sunt compositi, ut flosculi medium velut locum occupent, qui discus aut pelvis appellatur: semiflosculi instar coronæ circa pelvim disponuntur.

XIV. Atque ut summam faciamus eorum quæ diximus, flores omnes qui petalis seu foliis sunt muniti, vel unico folio continentur, iique ad novem species referuntur juxta diversas eorum formas. Qui multiplici folio donantur, in quinque species sunt divisi, quarum ultima est irregularis, qualis in leguminibus cernitur. Horum flores papilionares dici solent, quod papilionis volantis formam utcumque referant: quod superius extat folium vexilli, nomen obtinuit, ut inferius idque duplex carinæ nomine

ANN. donatur ; interjecta verò alas vocant. Calix instar poculi aut corniculi ,
1694. quo resseris ludere solent , paulatim dilatatur , ex illius fundo pistillus as-
urgit vagina simbriata conclusus , qui in fructum abit , & siliqua vocita-
ur : in pisil & fabis flores ita sunt conformati.

CAPUT IV.

Idem argumentum continuatur.

I. **I**N tertiâ parte sui operis D. Tournefort singulas plantarum species in sua genera , & hæc in classes ea methodo distribuit , ut discentibus prorum sternat iter ad hujus scientiæ adyta. Vocabularium in eorum usum sub finem primi voluminis attexuit , in quo non solum voces in Botanica usitatas , sed illas etiam , quas ex aliis artibus mutuatus est , sic exponit , ut multa scitu digna circa structuram plantarum doceat , quæ Physicæ non mediocrem asserunt lucem.

In eo quippe partes omnes stirpium , earum naturam & usum velut in transitu , sed accuratè tamen & perspicue explicat. Atque ut è multis pauca decerpamus , stirpes omnes lignosas in tria partitur genera satis nota. 1. In arbores , quæ cum sint insignis magnitudinis , uno caudice aut trunco in ramos diviso , in altum se tollunt. 2. In arbusculas aut frutices arboribus minores , quæque ex eadem sæpe radice fruticantur , ut ligustrum , *Trœne* , filaria &c. 3. In virgulta. Arborea & frutices seu arbuta Autumno gemmas sub axillis foliorum tanquam ova proferunt ; non item virgulta , aut dumi , seu minores plantæ quæ subarbuta ab eo nominantur : ejus generis sunt Rosmarinus , Thymus &c. quæ ejusmodi gemmas fructibus factas non proferunt. Herbæ propriè dicuntur , quarum caules aut scapi maturis seminibus pereunt. Harum radices vel multis perstant annis : vel eodem anno emoriuntur , ut triticum ; cum radices eadem manent , postquam fructus extulerunt , eæ vivaces appellantur.

II. Radix in unaquaque planta succum è terrâ excipit , & in alias partes transmittit : hæc terræ , aut terrestri alicui corpori adhærescit. In radicibus partium contextus , structura & figura spectantur. Textura ipsa vel carnea est , ut in lilio , vel fibris constat intertextis ; seu molles sint , ut in fœniculo , seu duræ & lignæ ut in pyro , quercu &c.

Ratione structuræ radices vel è fibris , vel ex aliis radicibus , vel squamis , vel è tunicis componuntur. Harum omnium Icones sub finem tertii Voluminis expressas habes. Sunt quæ è fibris tenuissimis instar capillamenti , seu asciticiæ comæ constant , ut in tritico ; in aliis crassiores sunt fibræ , ut in viola.

Quæ ex aliis glomeratis coalescunt , in varias species diducuntur : squamosæ sunt in lilio , bulbosæ & è pluribus tunicis confectæ , ut in cepa , eæque varias induunt figuras.

III. Radicula dicitur pars illa germinis quæ primum se se explicat ; & veram radicem in se continet ; ut pars superior germinis , in qua cæteræ

partes continentur, pluma vocatur. Seminis germen inter duos lobos conclusum his duabus constat partibus. Botanica.

Pars summa radice quâ trunco connectitur collum aut collare, vulgò *Le Collet* nominatur.

IV. E radice truncus in arboribus, caulis vel scapus in herbis, culmus in tritico ascendit. Partes interiores jam à nobis perstrictæ sunt & alius in locis fusiùs exposiæ, medullæ nimirum, ligni & corticis. Perpaucæ videntur nobis de Alburno quod inter lignum & corticem in arboribus interjaceret, ex autore nostro addenda. Id alburnum est & tenerum, quod nondum ligni propriè dicti duritiem adeptum sit, atque ligni naturam intra unum aut plures annos in arboribus paulatim acquirit: nam fibræ ligno propiores paulatim indurantur, cum cortici vicinæ intumescences alburnum novum gignunt: adeo ut lignum arboris sit vetus alburnum, & novum alburnum sit ejusdem arboris recens lignum. Hinc tot circuli concentrici, qui in secto transversim trunco conspiciuntur. Nam diversa alburni velut strata, cum lignosa facta sunt, atque alia aliis inducta colorem variarunt, sive ob texturæ varietatem, seu nutritius succus singulis annis non æquabiliter eorum poros impleverit, aut alia quædam occultior causa è Sole vel è subtiliori materiâ quærenda sit.

V. Foliorum incredibilis est varietas: undè ex iis potissimum genera plantarum secundi ordinis distinguuntur, ubi characteres essentialis è floribus & fructibus ducti dignoscendæ simplici naturæ, aut nominibus imponendis non sufficiunt: nec tamen ex solo foliorum aspectu character generis ritè deducitur: cum enim flores & fructus erumpent, tum sæpè mutanda erit generis idea. Ac pauci sunt, si qui sunt, qui è solâ foliorum texturâ & figurâ certum de plantæ characterè judicium ferre possint: nisi forè iidem sint usu ipso & longâ exercitatione triti. Sed antequam flores ipsos & fructus viderint, dubitanter de his pronuntient necesse est.

Folia, ut de floribus dictum est, aut simplicia sunt, cum ex eadem velut caudâ nascuntur, aut caudici, vel ramo proximè adnascuntur, vel in alia dividuntur folia, ut in pyro; vel sunt composita, seu in eadem caudâ aut costa disponantur, seu in plura folia diducantur, ut in rosâ, Apio &c.

Sic folia aut planam habent superficiem, aut cavam, aut convexam, lævem aut asperam & pilis hirsutam, seu rotunda sit, seu in cuspidis formam conformata, seu stricta & oblonga. Interdum instar fistulæ folium est excavatum; tenue & subtile in multis plantis, ut in hyperico; densum in aliis ut in portulaca, carnosum in quibusdam, ut in sedo.

Sic folia varie laciniata aut incisa, aut dentata in variis plantarum generibus cernuntur. Mitto foliorum varietatem ex situ & dispositione deprempam: adeo ut bina, aut terna, aut quina eidem caudâ cohaereant. Infinita in his omnibus est diversitas, atque eadem discrimina in tertio volumine à tabula 423. ad tab. 441. graphice expressa reperies.

VI. De gemmis, seu oculis aut foliorum, tum fructuum diximus: hinc pendet vis omnis inferendi in scuti gentilini formam, quam emplastrationem vocant, *Griffer en Ecusson*.

Gemma arboris inseritur recentis rami ligno alterius arboris. Gemma

ANN. 1694. integra cum parte illius lignosa qua ligno arboris adhærebat, detrahitur; & cortici arboris in formam T fissio, dum succo tumet, applicatur: cortice ita fissio gemma seu scutum obducitur, & cannabe depexa alligatur. Succus rami per geminam scuti delatus ovum in gemma conclusum fovet & excludit, dum ejus folia complicata evolvit.

Sic ramo leniter fissio furculus inseritur, vulgo *Greffer en fenê*. Trunco aut majori ramo arboris ad libellam, seu horizontaliter secto furculus alterius arboris in hanc fissuram inseritur, in cunei formam paululum incisus, & aliquot gemmis fœtus.

Ita furculus inseritur, ut cortex ejus cortici trunci respondeat. Truncus enim fissus elatere suo furculum insitum premit, & succus arboris vasa furculi subit, gemmas ejus explicat. Idem succus in poros furculi effusus fibras unâ conjungit & inter se mutuo sic agglutinat, ut è trunco & furculo unum & idem corpus coalescat.

VII. Tempus aptum est insitioni, cum furculi gemmæ nondum sunt explicatæ: Sic enim nova ejus folia alimento fraudata facile tabescerent: nam succus arboris in vasa furculi facile non subit primis insitionis diebus, atque hoc temporis sic folia possunt marcescere. Sed ramen interdum evenit ut succus agitatus majorem sui copiam suppeditet, & insitio paulò tardius facta benè procedat: unde cum gemmæ se se evolvere incipiunt, & trunci iridem succus in motu est positus, tum opportunum videtur insitionis tempus. Truncum sectum pice leviter obducendum censet D. Tournefort, & pars furculi, quæ fissuram subit, tegenda: non probat cataplasmata quæ ex argilla & musco parari solent, cum aqua illa penetraret & insectorum patiantur injuriis.

Postremo refecandi sunt germinantes in trunco furculi: nam succi in eorum vasa proclivior est motus, ac deflectere cogitur, ut in novi furculi vasa comminet, fere ut in animalium vulneribus, idque cicatrices efficit, cum secta vasa non facile conjungantur, neque eorum extrema sibi mutuo respondeant.

Eadem est ratio insitionis inter corticem & lignum, aut illius quæ insinatio appellatur, cum detracto arboris cortici in fistulæ modum, novus cortex cum oculo suo ejusdem cum priori figuræ & magnitudinis applicatur.

CAPUT V.

De stirpium natura & usu.

I. **H**Aftenus de elementis Botanicis quæ D. Tournefort anno 1694 tribus voluminibus complexus est. Paucis ab hinc diebus prodiit in lucem aliud volumen non mole, sed eruditione, & utilitate magnum de Historia Plantarum, quæ in agro Parisiensi & circumjacentibus in locis occurrunt. In quo quidem non solum catalogum plantarum accuratum, & criticam eruditione plenam, sed & plurimarum usum certo judicio, delectu, ratione

ratione analysi & experientia cognitos sic tradidit ut summam eruditionem Botanicam magna utilitate conjunxerit.

Quæ ad historiam pertinent, non sunt nostri instituti, perpaucæ dumtaxat de stirpium natura, & viribus ex docta præfatione quam suo operi præfixit, hoc loco decerpam.

Ac primum id prudenter observat exquisitas plantarum præparationes abjiciendas non esse, sed vulgatas magis & simplices negligi non oportere: cujusque mixti principia, & eorum dosim natura ipsa sic constituit, ut remedia quæque simpliciora exquisitis, & summa cura elaboratis persæpe sint anteponenda. Quæ enim sunt expurgata, seu pura sulphura, seu alcali, aut acida nominentur, morbis sanandis minus persæpe sunt idonea, quam quæ cum aliis principiis sunt conjuncta. Sic sal absynthii summa cura reverberatus ventriculi morbis minus utilis est, quam idem sal succo limonum factus.

II. Nihil magis obest medendi arti, quam anticipatæ caloris, frigoris, fermentationis notiones, quæ sæpe obstant ne opportuna adhibeantur remedia: quasi humores in statum naturalem restitui possint citra aliquem motum qui partium texturam mutet, & noxiam materiem separet.

III. Non existimandum est, illud ipsum quod magis est actuosum in plantis, per solas qualitates, quæ primæ appellantur, aut per configurationem partium, quæ nobis persæpe est incognita, aut demum per Alkali tantummodo, & acidum explicari posse, cum major sit in plantis compositio quam ut per ea principia vires earum innotescant. Sed terræ, quoque, aquæ & sulphuris habenda est ratio, atque sales qui in plantis vigent, quique sunt magis compositi, ex collatione cum salibus nobis notis, cum sale communi, sale Ammoniaco, alumine, vitriolo & aliis, quæ certa sulphuris terræ & aquæ portione sunt involuta, melius innotescent. Illud enim palam est in plantis inesse salem, sulphur, aquam & terram, quæ innumeris permixta modis alia pene infinita formant corpora.

IV. De analysi plantarum, & principiorum, ex quibus constant separatione disserit, quave ratione sales Alkali, acidi, nitrosi, vitriolici, Ammoniaci dignoscantur, dilucide exponit. Heliotropii solutio, aut chazita heliotropio tineta & aqua communi persusa sales acidos prodit; spiritus nitri, aut salis, aut sulphuris sales Alkali, cum quibus fermentescunt acidi liquores, omnino demonstrant: sic salem Ammoniacum, oleum tartari vel calcis solutio detegit; sal nitrosus ex detonatione, vitriolicus ex infusione gallæ, sulphur ex facili inflammatione deprehenditur. Alias omisso probationes in Academia usitatas. Mitto quæ & D. Tournefort circa nitri, salis marini, vitrioli, Aluminis, salis Ammoniaci, tartari principia & naturam affert probationes. Ex quibus colligit in nitro nullam esse acidi notam, sed salem Alkali in eo contineri, tamen ex eo spiritus admodum acidus educitur; salem marinum ex acido & Alkali coalescere; in vitriolo multa esse aciditatis indicia, uti & in alumine; salem Ammoniacum acrem esse & salum; tartarum salem esse essentialem vini.

V. Itaque post varia circa hos sales experimenta eos qui è plantis extrahuntur cum notis & vulgatis conferre non dubitavit. Cum ex. gr. sal

Ann. effentialis plantæ alicujus cum oleo tartari, vel calcis solutione permistus
1694. odorem afflat urinosum, aut ubi sal volatilis & concretus per analysim
educitur est stirpe, in ea salem Ammoniaco analogum vigere indicium est.
Nam sal ille volatilis non aliud quiddam videtur esse præter partem salis
Ammoniaci urinosam, quam sal acidus dimittit liberam, ut ipse sali fixo
tartari, aut calcis societur. Oleum fœtidum uti & spiritus urinosus eo sale
abundat. Unde ejusmodi plantæ inter aperientes, detergentes, febrifugas,
& vulnerarias habentur, quæ dotes in salem Ammoniacum cadunt.

Consimili ratione quæ sunt stipticæ & adstringentes, quæque multum
acidi cum terra conjuncti per analysim præbent, hæ stirpes salem alumini
analogum continent. Quæ autem præter acidum & terram salem alcali
plurimum suppeditant, hæ sale non absimili tartato vitriolato imprægnantur,
eumque varia terræ & phlegmatis admistio variè modificat.

VI. Cum eadem plantæ diversos procreent effectus in humano corpo-
re, ut varie est dispositum, hinc D. Tournefort sumit occasionem pauca,
sed utilia de vi medicaminum disserendi, quæ in prædicta præfatione om-
nino legenda sunt: nam rei admodum abstrusæ, & si quæ sit alia generi
humano perutili, non mediocrem lucem asferre possunt. Primum quidem
hanc à veteribus acceptam laudat medicaminum divisionem, in ea scilicet,
quæ sensibili quodam modo evacuant, & in ea quæ humorum texturam
mutando eos in naturalem statum reducunt, quæque alterantia dici solent.
Primi generis medicamina vel superne, seu vomitu, seu sputo, aut saliva,
aut sternutatione noxios humores eliminant, vel infernè deiciunt, seu ea
sint purgantia, seu diuretica, quibus addi possunt sudorifica, quæ per cutis
occultos meatus serosum humorem expellunt.

Quæ vomitum cient, & dicuntur emetica, per violentos diaphragmatis,
& musculorum abdominis motus potius quàm per fibrarum ventriculi con-
tractionem vim suam exercere arbitrat percelebris Montis Pessulani Pro-
fessor D. Chirac, cui assentitur D. Tournefort. Nam fibræ ventriculi quasi
rotidem elateria materiem ventriculo contentam deorsum trudunt per in-
testina, quæque illarum actionem, & nisum intendunt, ut emetica, vim
illam magis augere deberent, non vomitum excitare: nam fibræ irritatæ
deorsum pellunt quæ intus continet ventriculus.

Vomitum quippe uno tantum è tribus modo provocari potest. 1. Cum fi-
brarum motus, qui natura sua deorsum tendit, præ inflammatione, aut
strangulatu invertitur. 2. Cum propter obicem ex duri corporis oppositu
exitus humoris occluditur. 3. Cum diaphragmatis, & musculorum abdomi-
nis motus vehementior ventriculum exagitat, aut premit arctius.

In vomitu autem qui fit ex hausto medicamine, nulla oritur inflamma-
tio, nullus strangulatus, nulla demum obstructio ex materia quadam indu-
rata & compacta. Quamobrem id reliquum est ut violenti diaphragmatis
& musculorum motus vomitum aut nauseam excitent, dum instar torcula-
ris ventriculum & intestina sic premunt & succutiant, ut humores ven-
triculo contenti per œsophagum remeare cogantur. Hos quidem abdominis
& diaphragmatis motus in vomitu experimur, ac plerumque de ingenti
pectoris dolore, & quasi ejus disruptione conquerimur.

Id vero in canibus & felibus cernimus, ventrem manifesto complanari, & diaphragma inter vomendum pelli deorsum. Quin & D. Chirac in cane, cui sublimatum cortosivum præbuerat, idipsum pene demonstravit. Nam ventre ex umbilici regione leviter scisso, cum ventriculū manu tractaret, nullam in eo convulsionem sentiebat aut motum violentum, sed diaphragma una cum musculis abdominis magna vi & celeritate contractum premebat manum qua ventriculū tenebat. Sic enim est à natura comparatum, ut vicinæ partes in alterius quæ vim patitur, subsidium veniant, eique opulentur. Sic in sternutatione respirationis organa una conspirant, ut gravem capitis humorem aut molestas narium irritationes sublevent.

Crebræ diaphragmatis, & musculorum ventris succussiones noxios protrudunt humores per glandularum quæ reticulo ventriculi copiosæ insunt vasa excretoria, fere ut cernimus in linteis sordidis, quæ dum lavantur, repetitis palmulæ ictibus tunduntur. Cum itaque primæ alimentorum viæ sordida & seculenta materia scatent, aut humores ferocientes tumultuantur, (orgasimum vocant) ac nullus est in visceribus abscessus, aut schirrus, tum vomitus est pæsepe salutaris, quod graviorum morborum materia, quæ stomacho inest, & in eo stagnat, per œsophagum via magis compendiosa & tuta ejiciatur, quam per longos intestinorum anfractus. Addit vir doctus morbis qui paucis abhinc annis, multis in Gallia Provinciis magnam ediderunt stragem, emetica statim exhibita plurimis salutem fuisse. Humor enim ille acidus instar limonis succi, & viscidus vix excoquitur, nec aciditatem suam longiore mora exuit. Quin imò massam sanguinis magis ac magis inficit, dum funditur, ac frustra expectatur illius coctio, aut ab aliis humoribus secretio, sed pæsepe opportuna medendi occasio elabitur, dum moras necitimus.

VII. Quæ purgantia, aut catarctica dicuntur, in fibras ventriculi vim suam exercent, eas plus solito succutiunt, & ad contractionem provocant, tumque crassiores fordes primum excutiuntur, fibræ plus satis contractæ glandulas reticuli premunt arctius, ex iis serum quo turgent, exprimitur: atque ea ratione via sternitur seroso latice, qui è sanguine in glandulas continenter allabatur. Tum enim huic facilior est aditus in eas glandulas, & per earum cribra filtratur, & percolatur. Qui quidem serosi latices una secum devehunt fordes quibus inficitur sanguinis massa. Quo utique modo sanguis vi medicaminis commotus, & quodammodo ebulliens expurgatur.

VIII. Non dissimilis est aliorum medicaminum ratio cum noxios expellunt humores, aut naturalem iis statum restitunt: seu ipsa fusione serosi humoris copiam, suppeditent qua feces in visceribus stagnantes proluantur, materiam seu humores ipsos à peregrina materia solutos sic componunt, ut per cribra sibi aptata commodè & liberè transeant. Cui enim majori copia in partes malè affectas illabuntur, si quæ sint, obstructions expediunt. Et quidem si obstruantur vasa biliaria, illam non auferet obstructionem sanguis uberior cujusdam medicaminis particulis aperientibus imprægnatus, cum sanguis hos ductus non pervadat: sed bilis ipsa per ea vasa sibi munit adiutum, si sit uberior, aut fluidior. Unde quæ dicuntur hepatica remedia, eadem vel bilem augent, dum sulphureas sanguinis partes liquant, ac bi-

ANN. 1694. Item magis fluidam reddunt, quo facilius percolari & filtrari queat. Sic diuretica sale acri fecta majorem urinæ copiam procreant, dum fundunt sanguinem, aut ab eo serum separant. Cum urina est uberior, cribra sua proluit, & ductus per quos meat, melius abstergit, quàm quivis alius humor. Quæ autem inter diuretica sunt acida, dum sanguinem aliquantulum incalescant, serum ab eo separant, idque uberius in renes delabatur. Absorbentia verò eundem procreant effectum, dum imbibunt materiam quæ serum velut implicatum tenebatur.

Eadem plane videtur ratio eorum quæ sudorifica dicuntur: nam sudorum materiem vel augent, vel ab ea sanguinem expediunt. Nec sudorum materia ab urina valde discrepat, eaque in renum glandulas vim suam plerumque exerunt. Hæ quippe in jugi actione versantur, non item cutis glandulæ quæ sunt inertes & otiosæ, nisi forte cum præ labore & exercitatione sudor per eas exprimitur: unde rara sunt admodum vera sudorifica.

Sic alia prosequitur medicaminum genera quæ apud Autorem Doctum & diligentem legi possunt: sunt enim non curiosa modò, sed imprimis utilia.



SECTIO SEXTA.

De Actis anno 1695.

CUM hoc operis in majorem creverit molem quàm cogitatione præceperam, hîc gradum sistere mihi certum erat: sed vim graves & docti mihi auctores fuerunt, ut hunc laborem ad tricesimum usque annum ab ipso Academix ortu producerem, præsertim cum duobus postremis annis luculentæ dissertationes & crebræ observationes amplam nobis supponebant materiem. Primum igitur quæ ad Physicam generalem spectant quam brevissime fieri poterit, erunt perstringenda, tum ad singulares observationes veniemus.

CAPUT PRIMUM.

De Physicis quibusdam observationibus.

I. SUB initium hujus anni D. De la Hire pluviam quæ superiore anno vertente deciderat, intra 11 pollicem, & 9 linearum altitudinem stetisse comperit: adeo ut summa illius longè minor fuerit, quam annis 1613, 1612 & aliis superioribus. Tamen animadvertit, fontes ipsos non minùs ubertim manasse, quod forte ancepsitem, nec ad dijudicandum facilem asserre potest de fontium origine quæstionem, an non alix quoque subint corum causæ occultiores,

II. Mensibus Januario & Februario experti sumus frigus acerrimum, *Bota-*
quod utique ad nova circa glaciem experimenta facienda convertit animos. *nica.*
D. Homberg acetum congelatum exhibuit, idque in tres divisum partes infimo
loco subsidit pars tartarea coloris subnigri; medium locum tenebat pars insi-
pida quæ phlegma dicitur; pars oleosa, & rubei coloris summum occu-
pavit locum.

D. Bouleduc oleum vitrioli rectificatum, ut aiunt, ita congelatum invenit,
ut vas ipsum fregerit: nec tamen spiritus sulphuris congelari potuit.

Cum D. Homberg solutionem silicis præparasset, hanc instar gelatinæ in
gelu concretionem invenit.

III. Die 26 Martii D. De la Hire Epistolam legit Castellione ad Se-
quanam datam, in qua mentio habebatur magnæ tempestatis, quæ die 10
mensis circa horam à Meridie septimam orta est. Procellæ hujus capite insi-
flammaro, aër ignitus apparuit: undique ignis corpuscula, tanquam scin-
tillæ decidebant, adeo ut vicum urbi vicinum mox conflagaturum crede-
rent. Hæ scintillæ his erant consimiles, quæ fabris ferrum candens in in-
cude tudentibus desiliunt: in terram vibratæ interdum volvebantur colo-
re catulæ, mox extinguendæ: per horæ quadrantem in magno terræ tra-
ctu hæc procella sæviit; in cauda nivis flocci, & densiores cadebant. Eo-
dem die circa horam quintam cum semisse magna nivis copia cum ty-
phone quodam delapsa est. Die 17 ejusdem mensis liquor subruber, visci-
dus, fetidus, & quasi sanguineus variis in locis urbis decedit. Guttae ma-
jores eidem muro ex utraque parte visæ sunt, adeo ut vi procellæ aut tur-
binis eo perlata videantur.

IV. Tum verò quædam de elaterio aëris proposita quæstio, utrum id
temporis lapsu debilitetur. D. Galloys eandem quæstionem anno 1669 agi-
tatam fuisse testatus est, tumque D. Roberval experimentum à se tentatum
ait, cum adhuc juvenis esset. Sclopetum pneumaticum aëre, ut moris est,
vi adactò impleverat, cujus vim elasticam post 16 annos æquè vegetam
invenit, atque in ipso initio cum aër intrusus fuit.

V. Cum Aptili mense de quodam homine, qui in Suburbio S. Jaco-
bi ex venenato canis rabidi morfu interierat, sermo haberetur, illud fortè
ex usu futurum ait D. De la Hire, si remedium in America usitatum ad-
versus venenatos ingentis serpentis morsus usitatum adhiberetur, accenso
nimirum pulvere pyrio in ipso vulnere, parte circumjecta priùs scarificata.
Quod experiri licet in animalibus, quibus viperæ infligunt vulnera. D. Du
Clos alia quondam, nec multum dissimili ratione morsus venenatos sana-
ri aiebat, cum tubus è churta bibula formatus aqua vini ardente imbuta, &
vulneri admota accenditur: tumenim virtus omne ignis vi cessari asserebat.

VI. De attramini Sinenfis præparatione tunc temporis actum fuit. Id
verò confici solet ex pinguiori fumo picæ, vulgo *du noir de fumée*, cui
parum fellis bovini, & ictiocolle admiscetur. Cum etiam de liquore in
Sinenfi regno usitato, quo splendorem corporibus inducunt, vulgo *du ver-
ny de la Chine*, sermo haberetur, D. Homberg ait oleo lavendulæ cum pa-
rari apud nos, eoque laccam dissolvi; fractæ porcellanæ aut Achat lapidi
conglutinando utiliter adhiberi.

ANN. 1695. VII. Paucis post diebus cùm de peste sermo misceretur, D. Tournefort illud advenit hoc morbo grassante Anthraces eos invadere, qui exprimendo oleo navant operam. Atque hujus rei occasione D. Gallovs admonuit à celebri Anatomico Diemmerbroëch observatum eos qui Neomagi nigrum saponem vendebant, pesti grassanti obnoxios fuisse, sed loca in quibus tabaci fumus naribus excipi solebat, raro, aut nunquam peste infecta esse.

VIII. Qua ratione aurum in liquore frigido & insipido dissolvi queat, D. Homberg paucis aperuit. Illud porro non aliud quiddam est, quàm aqua pluvialis & pura. Auri quippe limatura prius in mortariolo vitreo, pilo itidem vitreo vel ligneo trituratur; liquor per filtrum trajicitur, isque in vapore distillat, dum color auri plenior appareat.

IX. Quoddam attramenti genus exhibuit D. Homberg ex æruginè & ligno Indico, quod vulgo *Campege* appellatur: quin etiam ex his duobus panni nigro colore tinguntur citra ullum ignem. In aqua aluminosa & fervida prius lana ebulliat, ut omnis abscedat pinguedo, tum ligni prædicti in frustula concisi libra una 8 libris aquæ fluvialis & calidæ per 24 horas vasi fictili imponatur, semi-libra æruginis leviter concisæ duabus acetii libris affunditur, ita ut infusio calida per 24 horas perstet; inclinato vasæ acetum effunditur in vas subjectum. Aquâ ante præparata ter aut quater pannum perfunde, sic tamen ut singulis vicibus eum exsiccati sinas, post ultimam abluionem bene exsiccatum pannum aceto æruginè imprægnato semel. & iterum perfundes, tumque nigro inficietur colore.

X. Hæc artificum industria nos alterius admonet, cujus processus longè est facilior: eò tendit, ut rerum vestigia, & effigies numismatum gypso statim impræstantur, & impressa maneanr. Hanc D. De la Hire paucis exposuit, & coram exhibuit. Cere Hispanicæ candenti ferri ope sensim & citra ullam ebullitionem liquefactæ figura quilibet imprimitur: huic olei guttulis perfuse gypsum aqua dilutum, in tenuem pulverem antea comminutum, & per cribrum tractum cere superponitur, quod formam typi subjecti excipit.

Alias quoque impressiones in cornu emollito duplicis ferri candentis ope exhibuit D. Homberg: hæc figuræ in torculari seu prælo exprimuntur. Idem alias protulit foliis stanneis insculptas: folium numismati applicatur, frustuli lignei apice propius admoto, & digiti ope pressio: sic enim figura numismatis, & characteres folio metallico impressa manent.

XI. Illud minimè tacendum est quod D. De la Hire, cum opus suum de mechanicis legeret, ac de fornicum structura sermonem haberet, in transitu admonuit, arenarium, seu mortarium citius indurari, cum parum salis ammoniaci aquæ admiscetur, postquam intritum est mortarium.

XII. De magnete cum ageretur, difficultates aliquot adversus Cartesii systema proposuit D. Varignon, idque occasione epistolæ, quæ ad D. Homberg missa est, in qua fit mentio ejusdem proprietatis in acu magnetica recens invenit, quam Auctor permagni usus navigationi futuram existimat: sed de facto ipso constare omnino oportere visum est, antequam in novam illius affectionis causam inquiratur.

CAPUT II:

De Plantarum Analyfi.

I. **V**arias plantarum descriptiones D. Dodard legit annis superioribus; analyses earum itidem factæ, de quibus nihil necesse est plura hoc loco differere. Plantas ipsas suppeditarunt D. D. Marchant & Tournefort. Id unum silentio prætermitti non debet, quod D. Homberg mense Junio circa partium, quibus olea plantarum constant diversitatem peculiari dissertatione exposuit: summa fere hæc est. Plantas per analysim in liquores aqueos, olea, sales, & caput mortuum resolvi: ex quibus caput mortuum omni sale exutum, & ignis vi ritè expurgatum, in plantis omnibus est fere uniusmodi: secus de aliis principiis sentiendum: nam in iis magna est saporum, odorum, & consistentiæ differentia, & aquei liquores, olea, sales multum inter se diversos procreant effectus.

II. Hæc velut generalis quædam regula statui potest, plantarum grana nondum matura parum olei, majorem phlegmatis, aut aquei liquoris, ac salis fixi præbere copiam, quàm eadem grana ubi ad maturitatis statum pervenere. Quæ enim vasa in gravis crudis insunt, succo adhuc aquoso, & admodum fluido, nec dum bene digestourgent: sed particula ejus salinæ, terrestres & aqueæ, progressu temporis accuratius permixtæ, crassiores fiunt, quodoleum paulatim non simul formetur. Neque enim hæc velut pinguedo plantam subit jam facta: sed paulatim & temporis lapsu concrefcit. Si quidem è granis per aliquot menses servatis plus olei extrahitur. Sic è seminibus & fructibus, ut è nucibus & olivis per tres aut quatuor menses in locis siccioribus asservatis major olei copia elicatur, idque crassius est, quàm cum è fructibus recentibus exprimitur. 2. In oleis destillaris ignis unà conjungit eas corporis partes, quæ nondum bene inter se devinctæ erant, nec olei consistentiam adeptæ: postquam enim oleum quantafieri potuit vi maxima expressum fuit, ex fecibus adhuc multum per distillationem elicatur. Unde fructus & grana solent igni admoventi, priusquam ex iis succus exprimatur: nam calor opportunè adhibitus naturales actiones non parum promovet.

3. Ex iis observationibus id videtur colligi posse, oleum non aliud quiddam esse præter aquosas, salinas, & terrenas particulas corporis densatas; idque confirmatur ex olei crassi, & spissi, quod sub finem distillationis violentæ è plantis extrahi solet.

Cum D. Homberg olei illius fœtidi libram cum calce in aëre extincta, & ad ignem ritè exsiccata ejusdem ponderis miscuisset, distillatione facta in retorta, ut moris est, igne per gradus aucto, & sub finem admodum vehementi, primum quinque phlegmatis, tum decem cum semisse olei uncia prodierunt: cujus octo priores fluidæ, rubeo colore splendidæ, ac minus erant fœtentes, quàm postremæ duæ uncia cum semisse, quæ spissæ erant, & admodum fœtebant. Liquore aquoso seorsum posito, 10 uncia olei

ANN. cum semisse unā cum novæ calcis libra iterum permixtæ 3 phlegmatis, & 7 olē
1695. uncias per retortam, ut ante præbuerunt, Postrema olei uncia nigra erat,
& admodum fœtida, sex priores liquidæ, nec tam graviter olebant, atque
in prima analysi: destillatione sexies reperita phlegma tandem instar aquæ
puræ pellucidum & inspidum stillavit; oleum ad unciam usque cum semi-
drachma est imminutum colore succini: sicque per sex illas destillationes
olei, libra in 15 uncias cum semisse phlegmatis, & unam olei unciam re-
ducta fuit.

4. Id quoque ab eo fuit animadvertum, grana nondum matura liquore
aquofo, & sale fixo abundare, cum in iis parvum sit olei: ubi matu-
raverunt, parum in iis est phlegmatis, & salis fixi, sed multum olei. Cum
per iteratas destillationes certa olei quantitas in phlegma pene tota abeat,
ita ut parum olei supersit, hinc conjici potest in granis crudioribus phlegma
unā cum sale, & aliqua terrestriis materiæ portione cum tractu temporis ef-
ficere olei copiam, quæ in maturis granis conspicitur, ac mixtum ipsum
atque resolvi posse in eadem principia, ex quibus coaluerat. Id vero est ad-
modum probabile saltem fixum & terram majori ex parte à calce esse re-
tentum: partem salis aliquam in spiritus acidus abiisse, qui in calce fuerunt
superstites; unde & calcis color candidus in cinerem mutatus est, eaque
terrestres aliquot olei partes tetinuit.

5. Opinionem ille suam ex fructus Indici, quem cacao vocant, analysi
confirmavit. Partem illius pinguiorem & oleosam triplici modo ab aliis
separavit. Primum destillatione ex una libra tres uncias cum quadrante, seu
partem fere quintam prolexit. 2. Fructum cacao more solito antea calefa-
ctum, & contulum prælo subjiciens ex una ejus libra duas uncias expres-
sit; è fecce postquam una cum aqua ebullit, semi-uncia olei adhuc expres-
sa fuit. Sed ex eadem fecce cum aqua communi permixta duas adhuc uncias
cum semisse obtinuit: adeo ut summa fuerit quinque unciarum $\frac{1}{2}$. Postre-
mo fructum cacao calente lapide obterens, ut fieri solet, cum ex eo pa-
ratur succus dictus *Chocolat*, ex ea velut subacta massa 13 uncias sumens,
octo ebullientis aquæ libris diluit: refrigerata nullam pinguedinis speciem
in superficie præbuit. Sed postquam materia aquæ imposita ebullit, & in-
star pulvis spissioris densata est, tum pinguedo supernatare visa, eaque pau-
latim collecta, donec nulla amplius exstaret, nec materia cochleari am-
plius tractari posset præ densitate, & tenacitate nimia, tum verò instar
sebi pinguedo illa induruit, quæ odorem cacao non exiit. Sex illius pin-
guedinis, & paulo amplius uncia prodierunt, è fecce adhuc uncia extra-
cta est: adeo ut è 13 unciis septem cum quadrante tum olei, tum pingue-
dinis eductæ fuerint.

III. Rationem hujus discriminis eam esse conjiciebat D. Homberg,
quod fructus ille cacao ex India asportatus, vehementer exsiccatus, ac diu
servatus, multum de nativo illo humore amiserit, ex quo pars pinguedi-
nis emanat: unde exsuccus retortæ impositus parum olei simplici distillatio-
ne præbet in prima analysi: sed pinguedine per expressionem separata in
secunda operatione, tum secibus aqua calida imbutis pinguis materia in
fecibus superstes, & plus satis exsiccata partem humoris deperditi recupe-
ravit,

kavit, ac tantum olei per distillationem exit, quantum expressione prodie- *Plant.*
rat. In tertio processu, postquam multum aquæ cacao in subactam velut *analys.*
massam redacto affusum est, postquam leni igne per 5 aut 6 horas simul
ebullierunt, pinguedinis particulæ per id tempus humore satis imbutæ unâ
coalerunt; sicque olei hac ratione extractum fuit quintuplum ejus, quod
in prima distillatione eductum fuerat.

In his puilo longiores fuimus: sed nonnihil lucis plantarum analysi vi-
dentur inferre posse. Ex iis quoque id confirmatur, quod ante aliquot an-
nos à D. Bourdelin circa olei in sua principia analysim tentatum suo lo-
co exposuimus.

IV. Verum satis multa de analysi, nunc perpauca de quibusdam aliis
quæ usui esse possunt, subjiciam. Illud imprimis, quod mense Februa-
rio à D. De la Hire fuit observatum in duabus malis aureis, quarum fo-
lia acerrimo hyemis frigore obriguerant, sed remittente frigore eadem fo-
lia demissa, & pene exsiccata se se erexere, pristino virore restituta. Ra-
tionem hanc auulit: stirpium folia præ humore extrario & congelati vi-
deri quasi siderata, quod eorum fibræ disumpantur; cum autem eo in lo-
co bene clauso nullus esset pene humor extrarius, arbores ipsæ cum fo-
liis incolumes steterunt.

V. Mense Novembri D. Charas filiam suam Simiæ acriori morsu vul-
neratam petroselino seu Apio hortensi contuso, & vulneri admotò statim
curatam fuisse testatus est. Cum autem de vulnere curatione sermo inci-
disset, D. Mery se multis experimentis edoctum esse ait, vulnera plera-
que sanari, cum quatuor aquæ partibus unâ aquæ ardentis è vino elicite
admiscetur, ac linteam, ut moris est, seu penicillum hac aqua imbutum
vulneri apponitur singulis diebus bis renovatum, Vulnus in cranio cum di-
stillatione humoris in oculos deflui, intra quadriduum ea methodo curavit.

D. Homberg inter alia artis insectoriæ arcana illud proposuit de co-
lore illo florido & coccineo, quem carminum vocant iuducendo. Re-
cipe 5 drachmas cochenillæ, semi-drachmam granorum illius plantæ, quam
Chan, vocant, 18 grana corticis illius radice vulgo *Autour* dictæ, totidem
aluminis rupei; quinque aquæ libræ in vase stanneo, aut fictili & plum-
bato ebulliant, in quam primum grana chorani injicies, quæ post tres
aut quatuor undas extrahuntur; per linteam aqua trajicitur: eadem aqua
in eodem vase iterum bulliat, in quam cochenillam injicies, quæ tantum-
dem temporis maneat movendo indefinenter, tum vas ab igne statim re-
move: per linteam aquam trajice in vas vitreum, ubi per octo dies liquor
permaneat, aqua inclinato vase effusa, qui in fundo vasis subsidit limus,
ipsum est carmini pigmentum, quod in umbra paulatim exsiccat, char-
ta obductum, ne pulvere inficiatur. Pulvis ille rubeus spatuli lignæ,
aut eburnea collectus in loco sicco asservetur. Quæ subalba videtur co-
chenilla, ea est optima ubi grana sunt crassiora, grana chorani integra,
& subviridi colore tincta aliis præponuntur; quod *Autour* dicunt, candi-
dum sit, idque melius est, quod candidius. Cavendum illud imprimis ut
præscripto tempore bulliant pigmenta, eaque in subtilem pulverem prius
terantur, ac nitida sint lintea; unicuique percolationi suum detur linteam
purum & nitidum.

CAPUT III.

De Spiritu acido.

I. **Q**Uæ de stirpium analysi, de oleorum natura & origine dicta sunt, ad Chymicos labores videri possunt aliquo modo pertinere : nam latius patet hæc scientia, & in omnes pene partes Physicæ se diffundit. Utcumque ea res sit, quæ mox dicturi sumus, Chymia propriè dicta sibi vendicat ; atque eo genere censetur, quæ D. Homberg circa spiritus mixtorum corporum acidus fecit experimenta. De eorum natura & origine è scripto recitavit dissertationem, cujus hoc est velut summarium.

II. Primum illud statuit, spiritus acidus in fossilibus & plantis non aliud quiddam esse præter sales volatiles in liquoris aquei parte exsolutos : neque adeo hos spiritus in peculiarem velut classem ab aliis mixti corporis principiis distinctam reduci oportere, uti à plerisque Auctoribus factum est. Hanc sententiam ex eo confirmat, quod omnes hi spiritus unà cum liquore aquoso per distillationem exeant, atque ubi ab eo se se expediunt, salium concretorum, aut crystallorum forma se prodant, quæ prunis ardentibus imposita in fumum abeunt, nullis relictis fecibus.

2. Cum sales concreti permagni usûs non habeantur, non multum operæ positum fuit in iis penitus exsiccandis : nam hic pene unus eorum est usus, ut magna phlegmatis parte, quæ unà cum iis salibus ascendit, secreta, corporibus terrenis & metallicis dissolvendis adhibeantur. Nec rarò aquâ communi diluendi sunt hi spiritus acidi, ut certa quædam exsolvant corpora. Sic aqua fortis cum purior est, & acrior quàm vulgaris esse solet, argentum nequit dissolvere : sed ex ea fit aqua regalis optima, quam ad certum usque gradum aqua communè diluere necesse est ut dissolvat & penetret argentum. Tum vero adhuc acrior est, quàm ut cuprum, ferrum, plumbum faciliè exsolvat, nisi duæ aut tres communis aquæ partes addantur, ut cuprum, aut ferrum, quinque aut sex partes, ut plumbum solvat : secus in calcem hæc metalla redigit.

3. Hoc itidem in aqua regali, quâ aurum solvitur, accidit : eam quippe diluere necesse est, ut stannum exsolvat : quatuor scilicet aut quinque partes aquæ addendæ sunt, alioqui calcem tantum dabit.

4. Quamobrem, qui ab acidis spiritibus expectari solet effectus, dissolutio videlicet corporum, ex mixtura ejus quod propriè acidum est, & in salern concretum abire potest, cum certa & idonea phlegmatis portione, quod fluidos sales efficit, omnino proficiscitur. Atque hi sales longe diversos effectus, imo & quandoque iis ipsis, qui à salibus stirpium & animalium prodeunt, omnino oppositos procreant : nam sales pene omnes animalium & vegetabilium volatiles, iidem sunt urinosi, si ostreorum & cancrorum sales volatiles exceperis, qui nec acidi sunt, nec urinosi.

5. Spiritus acidi nonnisi multo labore solent concrefcere, ac pristinam suam fluiditatem citò recuperant ex aquosi alicujus liquoris vicinia. Hinc

nonnulli hujus ætatis scriptores id suspicari sunt, sales illos nihil esse præter certam aquæ modificationem, quæ longa digestionem, & multiplici, *Cl 7- mica.* ut vocant, cohobatione, seu iterata distillatione cum terrestri, aut metallico corpore exsoluto, hanc contraxit aciditatem: adeo ut hi sales insipidi ut antea, fieri possint.

6. Quædam hanc in rem fecit experimenta D. Homberg, quibus hæc opinio confirmari utcumque posset: duas aquæ partes cum una salis communis miscuit, post cohobationes sexagies repetitas, aqua tandem facta est pene insipida, nec falsa, nec acida. Cum postea aquam variis imposuisset vasculis bene sigillatis, eamque per triennium in digestionem sæpe interrupta reliquisset, pars aquæ refrigeratæ in crystallos abiit, quæ nitri fere saporem præ se ferebant. Aqua nimirum sæpius distillata perparum salis secum extulerat: ac digestio ipsa tantum mutationis attulit. Hinc justa est suspicio spiritus acidus longa digestionem magnas mutationes subire posse.

III. Alteram de salium natura dissertationem legit D. Charas, in qua id primum advertit, saleem esse velut mixti corporis animam per omnes ejus partes aquæ interjectu fusam.

2. Tria distinguit salium genera: sunt enim volatiles, iiq; urinosis; sunt acidi minus volatiles; sunt fixi denique. Animalia urinosis abundant salibus; in his acidi sales sunt minus uberes, iiq; in pinguedine sunt magna ex parte reconditi: sales fixi in his sunt perpauci. In plantis saleem volatilem inesse, eumque acidum, qui & spiritus vocatur, quod fluidus sit, & salium spiritus quodammodo referat: tamen non aliud quiddam est quàm sal liquore aquoso exsolutus, quique sali fixo & volatili facillè sociatur. Sales acidi in quibusdam plantis, ut in acetosa non ægè separantur. In aliis non ita facillè deprehenduntur, iis tamen sal inest, & præsertim in lignosis, quæ ut solidiores sint, aqueis tamen partibus abundant. Sal volatilis & sulphureus in parte oleosa, quæ ex utroque sale constat, potissimum delirescit.

3. Ea est interdum in plantis salium copia, ut acres sint, & corrosivæ, ut in allio, flammula, aconito cernimus. In fossilibus spiritus acidi à phlegmate expediti vim suam fortius exerunt, ut liquor vitrioli extremus, quem oleum appellant.

4. In fuligine per naturalem quandam distillationem partes ligni incensæ præcipuè unâ conjunguntur. Ea siquidem oleosis, salinis, acidis & urinosis partibus constat, idque magno est argumento in plantis sales volatiles vigere, quos forsitan figunt sales acidi in vulgari analysi. Etsi enim sales acidi aëri expositi facillè solvuntur in liquorem, hi tamen firmi sunt & solidi, ubi idoneam offendunt substantiam, cui pertinaciter adherescunt. Id videre est in acido sale aceti, qui arctè cum plumbo, corallio, margaritis conjungitur, & saporem dulcem contrahit. In illius rectificatione, seu leni illius distillatione repetita, sal remanet in fundo eucurbitæ colore purpureo, dum solutæ materiæ partes pristinam formam recipiunt. In cremore tartari sal est acidus cum volatili ita conjunctus, ut aqua frigida dissolvi nequeat, nisi cum sale tartari fixo ita miscetur, ut salis tartari pars una, cremoris sex aut septem partibus adjiciatur. Tum enim fit sal in aqua frigida solubilis: ex quo paratur sal ille vegetabilis, qui nostra hæc ætate adeo celebratur.

ANN. 5. Cum vegetabilium, aut animalium sales acidi debiliores sunt; quam
1695. ut proposito fini serviant, interdum cum salibus acidis fossilium conjunguntur. Sic parum sulphuris plantis incensis, ut sal ex iis eliciatur, admistum obstat quominus sal plantæ volatilis dissipetur, quin & salem extractum tueretur ab æeris humiditate.

6. Nonnulla præstent exempla salium acidorum, quæ à fossilibus extracti concresecunt, ubi in aliam incurrunt substantiam sibi aptatam: unum enim & idem corpus cum iis efficiunt. Id cernere est in Luna, seu argenti crystallis, in eo lapide quem infernalem ob vini ejus causticam appellant, quique cum nitri spiritu paratur; in sublimati corrosivi præparatione, ubi acidi spiritus à sale marino, & vitriolo secteti hydragyro adhærescunt. Sic in oleo glaciali, seu in butyro antimonii, postquam sublimati vi regulus antimonii solutus leni ignis calore unâ cum sublimato sursum elatus est: tum enim ex utroque candidum quid & compactum efficitur. Sic in cinnabari fecit spiritus sulphuris acidus à pinguiori illius portione secretus unâ cum hydragyro arctè conjungitur.

Neque hoc prætereundum, quod cum ista legerentur, D. Beuleduc obiter admonuit, morbis pectoris à Medico sibi noto sibi cinnabarim utiliter abhiberi: dosim esse 15 granorum: sed reliqua persequamur.

7. De variis salium generibus in ea dissertatione agitur, de atramento seu vitriolo, de alumine, de sale calcis vivæ. Calchanthum seu vitriolum nihil esse existimabat D. Charas, præter spiritum sulphuris acidum, qui cum ferri aut cupri particulis, quas exedit, arctè conjungitur. Quod si enim cupri, aut ferri limaturam in spiritu sulphuris dissolveris, humore superfluo exhalato, crystalli optimum dabunt vitriolum. Sic alumen non aliud quiddam videtur esse præter lapides, aut terrestria quædam corpora à spiritu sulphuris exesa. Quod si enim cretam sulphuri spiritu solveris, spiritum paulatim instillando, & quantum ea capere potest, misturam aquæ dilueris, ubi in frigidiori loco crystallos concresecere siveris, tum verum alumen prodibit.

Salem verò calci inesse vix negari potest, cum effectus omnes procreet, qui à sale fixo oriuntur. Quod si spiritum acidum alicujus fossilis solutioni calcis recentis iustilles, exhalato sensim humore, sal quidem in fundo subsidit è sale calcis & acido mineralis sale compositus, adeo ut sal acidus in fixum abeat.

C A P U T IV.

De quibusdam aliis Experimentis Chymicis.

I. Nonnulla circa sulphur antimonii fecit experimenta D. Homberg, eaque non aspernanda. Oleum per deliquium, ut vocant Chymici, è scorpiis reguli antimonii simplicis extractum, & phiala conclusum exhibuit. Id verò nihil esse existimat præter sulphur inflammabile antimonii, quod sales fixi tartari & nitri exsolverunt. Altera phiala tincturam an-

timonii è vitro antimonii extractam acetii communis ope, inclusum habebat. *Chymica.* Priori oleo tabula abietina est illita, sed nullo colore tincta; exsiccata tabula antimonii tinctura itidem est perfusa, tum vtro nigro admodum colore infecta apparuit. Priori oleo alteri tabulæ inducto acetum superfundit, quod gravem odorem afflavit, & lignum flavo colore tinxit. Hujus discriminis hanc attulit rationem: sulphur ipsum antimonii communi sulphuri non dissimile præcipitatum ab aceto fuisse, & nativum colorem suum servasse cum gravi odore, qualis solet in præcipitationibus sulphuris nares ferire. Sed in priori experimento cum tinctura vitri antimonii fixum suum sulphur, quod non inflammatur, sulphuri inflammabili dixerit, corpus inde prodit à communi sulphure omninò diversum, omnis odoris expertus, & coloris admodum nigri. Idem aliud insigne experimentum de mercurio qui è stanno ductus fuit, protulit: processus ipse in tabularia est relatus.

II. Cum anno superiori Chymicus quidam peregrinus in arte suâ peritus, aurum quoddam potabile ventitaret, idque malignis febribus, quæ rum temporis grassabantur ut remedium utile prædicaret, quæ illud paritur arte D. Homberg paucis exposuit. Pars una auri in 20, aut 30 partibus spiritus salis dissolvitur; solutioni tantumdem olei cujusvis essentialis ut rosis marini, aut alterius plantæ aromaticæ affunditur; succusso vase oleum flavo colore tinctum apparet; hoc per infundibulum, aut inclinato vase à spiritu salis separatur; huic oleo quod auro dicitur, triplum vini spiritus affunditur, qui oxalidis, aut acetosæ alterius plantæ spiritu animatur: ac fortè color ille rubrus non tam ab auro, quàm à spiritu acido proficisci videtur.

III. Mense Decembri è scripto legit artem salis cujusdam parandi; qui ferrum penetrat citra fusionem ullam. Jam ante aliquot annos coram exhibuerat stibium sic præparatum, ut instar ceræ fusile esset, & friabile: id erat coloris atri. Cum hujus materiæ particulam pisi magnitudine tenui argenti laminæ ad lenem ignem admotæ imposuisset, hoc stibii frustulum liquatum est, ac lamellam sic pervasit, ut aqua solet chartam bibulam, nullo inducto foramine: utrimque tantummodo maculam nigram argento impressam reliquit. Quin etiam id totam argenti substantiam, qua penetraverat, colore atro infecit: nec minus ductile in ea parte fuit argentum quàm in aliis locis, quæ colorem nigrum non induerant. Jam ut ad propositum veniamus.

Intra varia tentamina, quibus in veram Boracis compositionem inquirebat, materiam offendit quæ in ferro idem pene præstat, quod prædicta stibii præparatio in argento effecerat. Hujus autem materiæ præparatio cum sit paulo prolixior, hanc omittimus, eaque tabulariis est tradita.

IV. Idem æris vulgaris consiciendi artem citra zincum, aut calaminarem lapidem edocuit. Soler enim conflare aurichalcum ex 4 aut 5 partibus cupri rubri, & ex una parte zinki, vel ex fusione cupri & lapidis calaminaris, qui est velut zinki vena. In quibusdam regionibus calaminari admiscetur cobaltum, seu arsenici mina, quod facile cupro societur: sed opera ex ea mistione facta inaurati nequeunt, quod arsenicum sit admodum volatile, & levi calore ab aurichalco statim discedat: cum autem metalli

ANN. 1695. inauratio citra calorem fieri non possit, incalcescente aurichalco arsenicum specie fumi albi crumpens inter ipsum aurichalcum, & aurum se insinuat, idque obstat quominus unum alteri proxime adhærescat. Quod autem sit aurichalcum Aquis-grani, immune est ab arsenico: verum hydrargyrum non facile huic adhæret. Unde artifices coguntur amalgama suum aquæ forti immergere, antequam operi illud adhibeant: zinko citius dissoluto mercurius cupro quidem una cum auro inhæret. Quo quidem modo opera paulo rudiora inaurantur, sed in tenuibus & exquisitis operibus, cujusmodi sunt horologia portatilia, id evenit ut aqua fortis ea exedat, & dentes rotarum inæquales efficiat.

Quare D. Homberg non ita pridem cuprum rubeum sic parandum docuit, ut eo tutius uti liceat in iis operibus delicatulis inaurandis. Cupri rubri partem unam cum tribus mercurii ex arte miscet; hoc Amalgama per duas horas cum aqua fluviali ebullire sinit; per distillationem educit mercurium, qui semel cohobatur; cuprum quod in retorta superest, fundit, idque aureum & pulchrum exhibet colorem, quod magis est ductile, quàm aurichalcum vulgare.

V. Cuprum quidem cum zinko confusum colorem suum exuit: nam zinkum pallidius est, & nativum cupri colorem diluit: sed mirari subit mercurium adeo volatilem cupro colorem magis dilutum largiri, & nativæ suæ albedinis vestigium illi imprimere. Quod vix concipi potest, nisi amalgama cum cupro mistum quasdam sui partes in cupro implicitas relinquat. Nam parte sui octava minuitur mercurius post iteratam distillationem, quod quædam mercurii corpuscula cum cupro sint confecta & colligata. Unde post multiplicem fusionem cuprum pristinae rubedini restituitur, postquam mercurius omnis exhalavit: tamen cuprum sic inauratum non augetur pondere, sed potius minuitur, quod ipsa fusione & combustionem quædam ejus partes discedant.

D. Morin cuprum inargentatum exhibuit, idque non minus specie ipsa pulchrum, quàm si argentum foret. Aliud quoque protulit metallum pulcherrimum partim è cupro, partim ex argento conflatum.

CAPUT V.

De rebus ad Anatomem, & Historiam Animalium pertinentibus.

I. **D**IE 12 Februarii D. Varignon conjecturas suas de usu aëris in digestionem alimentorum proposuit. Hæc porro ejus animum subiit cogitatio, an forte qui alimentis continetur aër, caloris naturalis vi sic dilatatur, ut qui majoribus inest poris, cujusmodi sunt sensibiles in pane meatus, facilem habeat exitum, ac meatus illos citra parietum disruptionem distendat: sed qui intra minimas panis, aut cibi cujusque moleculas est interclusus, distendi non potest, quin vim suam exerat in partes cellularum, aut vesiculatum, quæ in farina v. gr. mola attritum eludunt. Has itaque cellulas disrumpit aër nisu suo, & in minutiores particulas frangit: quæ tandem

ita comminuuntur, ut tenuem velut pulvem cum liquore ipso, quo diluuntur, efficiant: cujus pars fluida chyli nomen obtrinet. *Hist. Ania.*

Contra opposuit D. Homberg, quòd si aër rarefcens sic alimenta, quibus inest, dissolvit, cur ignis aëra intra carniū poros conclusum vehementius exagrans, carnes in chyli formam non redigit. Cui D. Varignon respondit coctionem carniū, seu elixatione, seu affatione fiat, in partium sensibiliū separatione esse positam: nam carnes excoquuntur, cum ignis particulæ subeunt carnis cellulas, cæque ab aëre dilataro subito rarefcente disrumpuntur solura fibrarum textura. Cum autem ignis corpuscula, quæ è ligno accenso prodeunt, multo sint crassiora, quam spiritus animales, qui nativum efficiunt calorem, ea quidem non satis sunt subtilia, quæ angustiores corporum meatus subeant, & in tenues adeo partes redigant, ut cum aqua, cui carnes incoquuntur, genus quoddam pultis chylo non absimilis efficiant. Ac nescio an illud addi possit, carnes in vase riè occluso, cujusmodi est machina ossibus emolliendis à D. Papin excogitata, in consimilem chylo pulvem, imo & ossa in gelatinam brevi temporis spatio facessere: seu aëris, seu ignis particulæ fortius exagitatæ ossium moleculas disrumpant, atque ex iis gelatinam chylo non absimilem exprimant. Verum ista velut in transitu, nunc ad certiora veniamus, nempe ad ea, quæ magis facti, ut ita loquar, quàm juris.

II. Inter ea quæ præter naturæ ordinem eveniunt, illa imprimis explicatu sunt ardua, quæ extra locum generationis formantur.

Die Martii 16 D. Meri coram exhibuit os maxillæ superioris dentibus aliquor munitum, iisque duris, & perfectis, adeo ut verissimillimum sit eos ante decem annos formatos fuisse extra uterum. Cum filia ejusdem mulieris, quæ vix duos nata erat annos, obiisset, corpore ejus dissecto quasi ova 5 aut 6 linearum in eadem corporis parte reperta sunt, quæ hydaridas esse existimabat in abscessus sine pure tamen conversas.

III. De structura linguæ pici, vulgo, *un Piver*, actum fuit, cujus artificium mechanicum non eodem modo exposuerunt D. Perault, & Alphonfus Borellus, ille in mechanica animalium, hic in opere suo de motu animalium. Id vero D. Mery recepit fore ut structuram musculorum, qui producunt, & retrahunt pici linguam, acriori animo expendere, ubi primum hujus avis copia facta fuisset: quod postea à eo effectum est.

Die 16 Novembris D. Mery observationes suas circa varios linguæ pici motus legit è scripto, naturæ artificium, structuram organorum, è quibus hi motus pendent, intento animo contemplatus id primum advertit hujus avis linguam non amplius quàm tres aut quatuor lineas in longum patere. Nam truncus & rami ossis hyoidis ad linguam non pertinent, neque eorum longitudo huic tribuenda est, ut viris pereruditioris Alphonso Borello, & D. Perrault visum fuit, qui in hoc argumento versati sunt.

Lingua C, pici ex ossiculo admodum brevi, & corniculo squamoso constat; ea est figuræ pyramidalis, basis ejus cum extremo ossis hyoidis D. per articulationem committitur.

IV. Os illud hyoidis stylum parvum referens, duos pollices longum est, nec amplius, quam lineæ semisse crassum; parte sui extremâ & poste-

ANN. 1695. riore cum duobus ramulis ossis E, F, minùs crassius, quàm sit ossis ipsius corpus nectitur. Singuli rami duobus quasi filis ossis inæqualis longitudinis constant, hæc unà junguntur.

Anterius quidem filum uniuscujusque rami sesquipollice tantummodo longum est; posterius, & Alphonso Borello omnino incognitum ad quinque aut sex digitos protenditur, cum tenui cartilagine id junctum est, in quam definit: adeo ut hic ramulus osse hyoïde, & lingua simul junctis triplo sit longior. Hi ramuli qui ad os hyoïdes pertinent, instar arcus sic inflectuntur, ut pars media colli latera occupet, & extrema eorum anteriora sub rostro inferiori delata in os hyoïdes desinant, extrema autem posteriora quæ summam capitis partem decurrunt, nares à parte dextra subeant, citra tamen ullam cum iis articulationem, quod utique linguæ productionem non parum adjuvat, uti mox dicitur.


V. Os hyoïdes, & anterius ramulorum filamentum vagina quadam conduntur: quæ vagina ex illa formatur membrana, quæ rostri inferioris partem anteriorem vestit; extremum hujus vaginæ cum orificio corniculi squamosi linguæ conjungitur, eaque producitur, cum lingua extra rostrum profertur, ut contrahitur linguâ intra rostrum redeunte: squamosus ille corniculus, qui ossiculum linguæ tîgit, supernè convexus est, inferne complanatus & intus cavus: utrimque armatur sextuplici cuspidè admodum tenui, inflexili, & diaphana: extrema cuspidum paululum inflectuntur versus guttur. Idque non abhorret à verisimili corniculum his spiculis munitum ipsum esse organum quo picus prædam suam ad se rapit, hoc quidem facilius, quod illud organum viscosâ quadam materia imbuatur, quæ in extremum rostri inferioris se exonerat per duos tubulos excretorios, qui è duplici prodeunt glandula pyramidalì in utroque latere interiori hujus partis posita.

Quo picus hoc uteretur organo, multis à natura est instructus musculis, quorum nonnulli ad ramulos ossis hyoïdis spectant; iique linguam foras exerunt, alii ad vaginam, quæ os hyoïdes cum filamentis ramulorum interiorum includit, iique linguam intra rostrum retrahunt B, B: sunt denique sui musculi linguæ proprii, qui eam sursum, deorsum, & utrimque flectunt ad latera.

VI. Unicuique ramulo ossis hyoïdis unus tribuitur musculus, A, A, A, A, qui sua longitudine linguam, os hyoïdes cum suis ramis æquat. Hi duo musculi originem suam ducunt à parte anteriori laterali, & inferiore rostri inferioris, iique versus posteriores partes progressi filamenta ossis hyoïdis posteriora involvunt, & summum caput decurrentes ad extrema filamentorum perveniunt, iisque inseruntur. Hinc duo prodeunt ligamenta elaterio prædita I, I, quæ simul juncta tertium L, procreant, quo membranis narium nectuntur. Hæc ligamenta admodum sunt brevita, sed facile producuntur. Origo musculorum A, A, infra naturalem situm designatur, ut oculis subjiciatur.

VII. Cum igitur musculorum contractio nullo negotio vincat ligamentorum resistantiam, id intellectu facile est, quomodo ii contracti secum trahant extra nares ramulorum ossis hyoïdis extremas & posteriores partes, casque

• easque ad locum suæ originis adducant ; ac simul corpus ipsum ossis , *Hist.*
 fila ramulorum , ac linguam ipsam extra rostrum protrudant. Quod eadem *Anim.*



facilitate præstare non possent, quantumvis sint flexibilia filamenta, si muscoli ramulo affixi forent , & articulatim connexi cum narium ossibus. Etsi enim quos describunt arcus , ii distendi in rectum queant , hi ramuli quantum satis esset linguæ foras ad quatuor usque pollices extra rostrum proferendæ nullatenus produci potuissent. Quod eo facilius præstant , quòd libere moveantur in his musculis quibus includuntur , tanquam in tubis , nec articulatione cum ossibus narium sint conjuncti.

VIII. Lingæ autem intra rostrum reducendæ duo sunt à naturâ concessi muscoli vaginæ , qua os hyoïdes & anteriora ramulorum filamenta conduuntur B , B. Cum enim eorum productionem & contractionem antagonistarum productioni , & contractioni æquales esse oporteat , ac lingua idem iter conficiat , dum regreditur , quod percurrerat foras eundo , quòd illi commode in tam arcto spacio , quæ inter laryngis partem infimam , & extremum rostri interfacer , collocentur , id fuit à natura provisum , ut uterque musculus circa asperæ arteriæ partem supremam , unde ortum suum capit , circumvolvatur , una item , & altera revolutione , aut circuitu facto in partes contrarias. Tum illi in postica laryngis parte decussatim interiorem vaginam vestiunt , cui connectuntur. Cum autem vaginæ ipsi extremum corniculi squamosi linguæ junctum sit , hinc evenit ut his musculis contractis , vagina in se ipsam redeat , & linguam in rostrum reducat , ac deum posteriores ramulorum ossis hyoïdis extremitates repellant in nares , cui usui quoque sunt tria ligamenta elastica , quorum fecimus mentionem. Postquam enim producta sunt ab iis musculis , qui linguam foras propel-

ANN. lunt, relaxatis his musculis statim illa contrahuntur, & in nates revehunt
1695. ramulos ossis hyoïdis, quibus sunt illigata.

In summâ cranii parte quædam est velut stria, quæ una cum pelle canaliculum efficit, quo posterior pars ramulorum ossis hyoïdis cum suis musculis concluditur: in quo quidem canali liberè moventur partes illæ. Hic vero canalis obstat quominus rami ossis hyoïdis dextrorsum, aut sinistrorsum à seipsis destituant, cum antorsum propelluntur, & situm suum facile recuperent, ubi retrorsum reducuntur.

IX. H's intento animo consideratis, quæ nimirum sit linguæ ipsius, ossis hyoïdis, & ramulorum, cum unâ sumuntur, longitudo, quæ sit origo, & insertio musculorum determinata, quorum ope lingua exeritur, & intus se recipit, judicatu facile est Alphonsum Borellum nonnullo errore lapsus esse, cum iis musculis quatuor tantum pollices in longum tribuit. Nam lingua extra rostrum ad quatuor pollices exiens eandem remittitur viam ubi regreditur; unde musculi, qui eam producant, & reducunt, quatuor itidem pollices produci & contrahi debent, utque adeo longiores 4 digitis eos esse necesse est: non enim tota & integra sui longitudine contrahuntur.

Quamobrem ex quatuor primis musculis, quos Borellus linguæ tribuit, ut motus suos perficiat, cum duo ab extremo rostri inferioris, ceteri (ut ipsi viderunt) ab anteriore parte cranii oriuntur, & quatuor illi ossis hyoïdis medio inserantur, quod 8 digitos, longum est, id planum sit effectum illum ab iis musculis proficisci nullatenus posse, si ut Borello videtur, singuli ultra quatuor pollices in longum non pateant.

X. Neque hanc induisset opinionem Borellus, si advertisset duos illos musculos à rostro oriundos totum os hyoïdes & ejus ramos percurrere. In hoc deceptus videtur, quod unumquemque ex his musculis in duos dividerit, ac sola agnoverit filamenta anteriora ramulorum ossis hyoïdis, in quorum extremis quatuor primorum musculorum, quos descripsit, insertiones collocat: sed tamen eorum, qui circa asperam arteriam revolvuntur, genuinum usum agnovit. Horum quidem non ineminit D. Perrault, quorum actione lingua in rostrum retrahitur. Deinde quatuor Borelli primos linguæ musculos è larynge deducit, quorum duos mittit ad extrema & posteriora ramulorum ossis hyoïdis, duos reliquos ad anteriores illorum extremitates, ut linguam exerant, & reducant; quo quidem modo in Borelli incommodum incurrit, eo quidem magis, quod nullus musculus è larynge prodeat, qui in ramulos ossis hyoïdis desinat. Nullam quoque musculorum, quibus lingua huc illuc movetur, mentionem faciunt, sed eorum tantummodo, qui linguam foras exerunt, & intus retrahunt.

Hi vero linguæ proprii musculi suam ducunt originem à parte anteriori ramulorum ossis hyoïdis: è singulis duo prodeunt, qui omnes in longum & tenuem tendinem: quatuor illi tendines corpus ossis hyoïdis amplexi ad basim ossiculi linguæ inseruntur. Quando omnes hi musculi conjunctim agunt, linguam in recto situ positam sistunt.

Cum superiores musculi contrahuntur, simul linguam sursum movent, ut inferiores deorsum: sed ubi duo musculi ex eodem latere sui vires suas

quasi ex consensu exerunt, alternatim illam in partem dextram, aut si *Hist.*
 nistram trahunt. Cum autem ex omnibus musculis, qui diversos linguæ mo- *Anim.*
 tus efficiunt, quatuor duntaxat postremi suas habeant insertiones, palam est
 musculos, qui eam producant, aut reducant, ad eam, si propriè loqui
 volumus, non pertinere, sed ad vaginam, & ramulos ossis hyoïdis, ubi hi
 musculi inseruntur: adeo ut motus linguæ intra vel extra rostrum sine ha-
 rum partium proprii, non linguæ, cum in utroque motu lingua perstare
 possit immobilis.

Quo hæc facilius intelligi possint, eam figuram subiecit D. Mery A A
 A A musculus est, qui linguam extra rostrum profert.

B B musculus qui linguam intra rostrum retrahit.

C Lingua.

D Os hyoïdes.

E Osseum filamentum, seu ramulus anterior ossis hyoïdis.

F Osseum filamentum, seu ramulus posterior ossis hyoïdis, quem duæ
 lineæ albæ designant.

G Unus è quatuor musculis linguæ propriis, quem nigra linea in lin-
 guam definens signat.

XI. De variis quoque morborum remediis, cum identidem, ut fit,
 sermo incurreret, D. Homberg hypochondriaco morbo hominem sanatum
 à se dixit, calcis vivæ beneficio in aëre extinctæ: duæ illius partes cum
 una salis ammoniaci permiscuntur, dosi 20 granorum; calx per deliquium
 soluta inter aperientia medicamina non postremum tenet locum.

D. Bouleduc hemorrhoidas sanari dixit hyosciami, & linariæ ope, cum
 anguillæ pinguedine ad ignem assatæ, cujus remedii in seipso periculum
 fecit.

D. Tournefort anginam ait curari per gargarismos cum muria oliva-
 rum quam pinsolinam vocant in Provincia.

Affecto hoc anno D. Dodart Epistolam ad se scriptam Vesuntione à
 viro Clarissimo, in hac Provinciæ præside legit, de puero quodam 10
 annis nato non procul à Monte-Juta, vulgò *S. Claude*, qui sexto ætatis
 mense solus incedebat: vix annum integrum assecutus quocumque vellet
 progrediebatur, nec fascias, quibus infantes involuuntur ferre poterat; anno
 septimo virili erat habitu, & barbatulus.

CAPUT VI.

De rebus Anatomicis.

I. **D**E usu ovalis foraminis in fœtu inter D. Mery, & D. Varignon
 questio initio hujus anni est agitata. Negabat ille in ovali fora-
 mine ullam valvulam, aut eam quæ eo nomine censetur, ita esse collo-
 catam, ut foramen ipsum possit occludere: cum aqua syphunculo in aor-
 tam, aut pulmonis venam injecta per illud foramen in auriculam cordis
 dextram, atque inde in venam cavam libere transmittatur: quod semel &

ANN. iterum in duplici fœtu palam ostendit. Experimentum illud opposuit D.
1695. Varignon : cum extremo styli apice hanc valvulam , quæ post mortem complicari solet , tam exactè foramini admovisset , ut D. Du Verney tubulo venam pulmonarem perficeret , & D. Varignon filum ceratum & accensum ex parte altera versùs dextram cordis auriculam manu teneret , nihil mora est flamma , & valvulam accuratè foramini applicitam ambo viderunt : sed è venæ cavæ partibus perfatus aër ultro per valvulam dehiscentem subijt.

II. Negabat D. Mery membranam illam omni ex parte foramen obduxisse, quod prædicto confirmavit experimento. Nam aqua siphone injectorio per aortam , & venam pulmonum immissa in dextram cordis auriculam trajicitur.

Hoc argumentum circa usum ovalis foraminis & Botalli ut vocant , canalis in fœtu & in restudine paulo uberius est persecutus D. Mery in peculiari dissertatione. Ac primum quidem non assentitur communi illi & receptæ Anatomicorum recentiorum sententiæ , quâ valvulam in trunco venæ pulmonum sic aptatam putant , ut majori sanguinis parti liberum præbeat aditum à vena cava ad pulmonum venam , ejulque reditum in cavam prohibeat , cum ea valvula foramen ovale obducatur , eique impulsu sanguinis è vena pulmonum prodeuntis adhærescat.

III. Rem non ita se habere multis rationibus contendit. Ac primum quidem apud omnes in confesso est arteriarum tubos cum sanguinis per eos decurrentis mole certam habere rationem , adeo ut per ampliorem canalem major sanguinis copia deferatur. In homine sanguis omnis à vena cava in dextrum cordis sinum effunditur , qui per arteriam pulmonum , tum per venas pulmonum in sinum sinistram cordis commeat , ac demum per aortam in totum corpus dimanat : unde utriusque arteriæ diametri in basi cordis æquantur ; dummodo vas utrumque liquore aut aëre impletum naturali sua quantitate donetur. Sed eadem arteriæ in fœtu sunt plane inæquales , ac longè major est arteriæ pulmonum , quam aortæ diameter : & tamen contrarium planè ex communi recentiorum opinione deducitur. Quod si enim pars magna sanguinis venæ cavæ per ovale foramen in truncum venæ pulmonum deferatur , neque in dextrum cordis sinum refluit , sed una cum sanguine qui venis pulmonum continetur , in sinistram cordis sinum effunditur , & per aortam in totum corpus pellitur , id plane consequens est , sanguinem , qui eadem velocitate per arteriam pulmonum & aortam fluit , longè ampliorem aortæ tubum exigere , quam arteriæ pulmonariæ , & eo majorem esse oportere aortam , quo major est sanguinis quantitas per foramen ovale transeuntis nec dextrum cordis sinum subeuntis. Nam ex ea portione sanguinis quæ è dextro cordis ventriculo manat , detrachenda tantummodo erit pars ejus fere tertia , quæ per canalem communicationis ab arteria pulmonum in aortæ truncum inferiorem commeat , neque pulmones aut sinistram cordis sinum pertransit. Id tamen ipsa refellit autopsia : nam pulmonaris arteriæ truncus in fœtu multo major est ac fere dupla aortæ trunci , quodd sanguis omnis venæ cavæ in dextrum cordis sinum effusus per arteriam pulmonum transmittatur , atque ea sanguinis portione subleve-

tur aorta, quæ per interjectum canalem in truncum inferiorem ejusdem aortæ trajicitur; nec non ea parte sanguinis in venis pulmonum contenti, qui ab auricula cordis sinistra per ovale foramen in ventriculum dextrum cordis remeat, neque in sinistrum cordis ventriculum delabitur.

IV. Quod quidem ex vasorum structura sic demonstrat: pulmonum arteria in fœtu tres in ramos pene æquales dividitur: primus qui & canalis communicationis dictus est, in aortam descendentem definit, reliqui duo in pulmones contendunt. Quamobrem sanguinis massa, quæ è ventriculo cordis dextro egreditur, & arteriam pulmonum subit, in tres partes distribuitur, quarum una per canalem prædictum effluit in aortam descendentem, reliquæ duæ per pulmones trajectæ in sinistram cordis auriculam, & in aortam contendunt; sed aortæ truncus, cum adhuc sit multò minor, quàm duo rami simul juncti arteriæ pulmonaris, palam est totum sanguinem, qui pulmones pertransiit, aorta excipi non posse. Quodd igitur superest ex auricula sinistra cordis per foramen ovale in ventriculum cordis dextrum remeare necesse est, nec subit sinistrum ventriculum, neque adeo sanguis venæ cavæ per foramen ovale venam pulmonum subit, uti vulgò creditum est: sed pars sanguinis è venis pulmonum hoc foramen penetrat, ut in dextrum cordis sinum contendant. Quemadmodum de testudine dictum fuit, in qua sanguis per venas pulmonum in sinistrum cordis sinum rediens non aliam inire viam potest, ut ad dextrum ventriculum appellat.

V. Ex quibus illud colligit vir peritissimus ad foramen ovale fœtus nullam apponi valvulam, in quam sanguis per truncum venæ pulmonum continenter fluens directè incurreret, eamque potius occluderet quàm aperiret: nam recto itinere & quasi ad perpendicularum in valvulam impingens majore nisu foramini ovali eam applicaret, quàm sanguis à vena cava ex obliquo valvulam perstringens contra eam partem obniti posset; neque adeo per ovale foramen sanguis è vena cava in truncum venæ pulmonum trajicitur.

VI. Idque ex structura foraminis ovalis confirmatur, nullam eo loco esse valvulam: cum illud inter duos semi circulos sit positum & ab iis formatum, quorum unus interiori lateri auriculæ dextræ, & sinistræ auriculæ applicato incisus est, alter verò est parva limbi portio ejus quæ vulgò dicitur valvula, quodque reliquum est ejus valvulæ ambitus, partem sinistræ auriculæ efficit: ex quo illud manifestum est ab ea valvula foramen ovale occludi non posse, cum à suo loco dimoveri nequeat, nec foramini occludendo applicari.

VII. Hoc etiam ipsa confirmat experientia: nam aqua per aortam aut per venas pulmonis injecta ultro ab auricula sinistra per foramen ovale in dextrum cordis ventriculum delabitur. Postremò si aëre per aortam inducto cor ipsum quantum fieri potest, distendatur, atque in eo statu paulatim exsiccare sinas, tum eo dissecto foramen ovale patens apparebit, & ea quæ vulgò habetur valvula, ejusdem prorsus magnitudinis ac nullo modo imminuta.

VIII. His explicatis quis sit usus tum ovalis foraminis, tum canalis, quo ambæ arteriæ, pulmonum nempe & aorta inter se communicant, ma-

ANN. 1695. nifestum fiet. Cum enim cor fœtus vi propria motum circularem sanguinis efficere non possit ob rationes superius allatas, quandiu in utero continetur, matris respiratione eget, quò perennis ille motus continetur. Et tamen tantum in fœtu sanguinis est, quantum in adulto hinc mine habet corporis ratione. Quapropter si mater fœtui per venam umbilicalem multo minus aëris suppeditet, quàm respiratio cordi humano præbere solet, palam est tantulum aëris quem mater fœtui impertit, non sufficere circulationi sanguinis efficiendæ, nisi natura majori sanguinis parti viam compendiosiore præbeat eâ ipsâ quam in homine insistit.

Eam ob causam foramen ovale & canalem prædictum aptavit naturæ opifex: si quidem ex universi sanguinis massa, quæ à dextro cordis sinu egreditur, pars una è pulmonum arteria per canalem interjectum in aortam inferiorem delabatur, neque ea per pulmones aut sinistram cordis ventriculam circulat. Ex duabus aliis quæ pulmones pertranscunt, atque in auriculam cordis unistram affluunt; pars una per foramen ovale in dextrum ventriculum redit, nec per sinistram cordis sinum, aut per alias corporis partes circuitum suum agit: pars altera in sinistram ventriculam delapsa iter suum per aortam conficit.

IX. Quamobrem illud palam est hunc esse ovalis foraminis & canalis usum, ut pars major sanguinis in fœtu multò breviorē insistat viam, quàm in homine, atque ut sanguinis in fœtu non minor sit copia, servatâ corporis proportionē, quàm in ipso homine adulto, circulationi tamen in fœtu efficiendæ multò minus aëris requiritur, quàm in homine.

Hinc etiam ratio afferri potest, cur in machina pneumatica exhausto pene aëre per repetitos antliæ ictus, quod tamen superest aëris circulationem sanguinis diutius conservat in se, cujus foramen ovale & canalis adhuc patent, quàm in eo, cujus meatus illi oclusi sunt: cum ille extrinsecus machinam tam cito moriatur, quàm felis qui obductos habet prædictos a litus, si utriusque intercludatur spiritus: neque adeo mirum est, si fœtus humanus citius exstinguatur in utero, ubi præ funiculi umbilicalis pressione privatur aëre, quem mater ei suppeditat, quàm felis recens natus in machina pneumatica.

X. Verùm illud intellectu difficilior videtur, cur ovale foramen & canalis in testudine, & in fœtu ad eundem usum comparata, nempe ut sanguinis iter brevius fiat, cor tamen fœtus non possit sanguinis circulationem tamdiu continuare, ac cor ipsius testudinis intercepta respiratione.

Sed hoc est discriminis inter testudinem & fœtum, quod in testudine sanguinis pars major è dextro cordis ventriculo in aortam, & in eum canalem, cujus sæpe mentionem fecimus, delabatur, ac per venam cavam in eundem sinum redeat, ubi suum circuitum absolvit, nec pulmones aut sinistram cordis sinum subit; pars altera quæ pulmones pervadit à sinistro cordis sinu per foramen ovale in dextrum ventriculum comitat; neque per alias corporis partes defertur. Unde universa sanguinis massa uno circuitu per cor ipsum semel tantummodo transit. In fœtu vero, uti diximus, sanguis universus ab utroque venæ cavæ trunco in dextrum ventriculum effusus in tres partes diducitur in trunco arteriæ pulmonaris; prima

per canalem in ramum inferiorem aortæ ingreſſus in venam cavam redit, *Ana-* neque per pulmones trajicitur, duæ alteræ pulmones pertranſeunt, & in *tomica.* auriculam cordis ſiniſtram decidunt, ubi in duas partes dividuntur, una ex iis per foramen ovale in dextrum cordis ventriculum remeat, nec ad ſiniſtrum cordis ſinum, aut ad reliquas corporis partes appellit: quæ quidem pars ſecunda ſanguinis, ut prima, tantum uno quoque circuitu cor ipſum fœtus adit, uti univerſa ſanguinis maſſa in teſtudine: ſed pars ſanguinis tertia quæ per aortam excurrit, tantum itineris in fœtu conſciſcit, quantum univerſus ſanguis in homine, qui in unaquaque circulatione ad cor bis revolvitur: primum cum vena cava ſanguinem in dextrum ventriculum exonerat, deinde cum venæ pulmonum eam ſanguinis portionem in ſinum cordis ſiniſtrum deferunt. Hinc cor fœtus debilius eſt quàm ut circularem ſanguinis motum tamdiu citra reſpirationem continuet, quamdiu teſtudo ipſa: etſi foramen ovale & canalis in utriſque iter ſanguinis brevius & facilius efficiant, quàm in aſulto homine. Præterea eadem moles ſanguinis in fœtu à corde pellitur, quæ in nato homine, corporis proportionem ſervata eandem celeritatem huic impertiri debet, vires inter duos cordis ventriculos diviſæ ſunt, ut in hominis corde; neque adeo fœtus eodem temporis ſpatio poteſt reſpiratione privari, ac teſtudo ipſa, cujus cor minus ſanguinis protrudit, & minori celeritate, cujus demum vires in unum magis collectæ ſunt quàm in fœtu,

Hæc ſane ſi minus vera, qua de re meam ſententiam non interpono, certè vero proxima videntur.

Quemadmodum & idipſum quod in calce ſuæ diſſertationis ſubjicit, nimirum ob eaſdem rationes in fœtus jecinore canalem communicationis inter venæ cavæ truncum inferiorem, & truncum venæ portæ à naturæ opifice aptatum fuiſſe, quò ſanguis faciliori & breviori via trajiciatur, qui alioqui non ſatis virium haberet, qui ex vena umbilicali per ramos venæ portæ hepatis glandulas, & diſperſos in eo viſcere ramulos ad cor perveniret.

Interjectis aliquot diebus aliud à ſe factum experimentum ſubjecit D. Mery, ligata nimirum venâ cavâ, & aorta aſperam arteriam perflavit, tum quæ aër ſubiit auriculas cordis.

De variis actum eſt remediis: inter alia D. Dodart, qua ratione urinae ſuppreſſio à D. Joubert curata fuerit, nos edocuit: nempe veſica ſupra os pubis pertuſa fuit. Idem quoque admonuit arthriticos dolores à non-nemine ſedari, partem affectam urticis verberando. Idem in morſibus canum rabidorum ait ſanguinem exprimi oportere è vulnere, aqua ſalſa perſundi ſæpius, nec vulnus ligandum. aut obducendum: aqua verò ſalæ, quantum capere poteſt, imbuatur.

Adverſus viperarum & venenatorum animalium morſus ſalem communem utiliter adhiberi poſſe ex eo colligebat D. De la Hire, quod in ſuis de vipera experimentis aſſerit D. Charas, multos olim ſalem communem ſub ſpecie ſalis viperæ vendidiſſe: niſi enim aliquos juvaſſet, id remedii genus brevi infamatum fuiſſet: illud quoque non inutile futurum judicabat, ſi ſuctio ſtatim adhiberetur, quò venenum foras prodiret, nec in-

ANN. tus penetraret : id enim sæpius fuit experimento comprobatum vipera ve-
1695. nenum exsuctum nihil nocere, contra atque evenit in morsu serpentum in
Antillis : sed venatores præmissa scarificatione pulverem pyrium in isto vul-
nere accendunt, uti ex D. Blondel accepimus, & supra jam inuimus.

CAPUT VII.

De rebus Geometricis, Mechanicis, & Hydrostaticis.

I. **H**Æc utique summam attingimus, quæ partim in Tabulariis Aca-
demie sunt descripta, suis quæque temporibus vulganda, partim jam
sunt edita, illa imprimis quæ vir nobilissimus D. Marchio de l'Hôpital de
analysi quantitatum quæ indefinitè sunt parvæ, publici juris fecit, quæque
ab exercitatis in hac scientia sunt admodum approbata : persuasum id
habent ex hac demonstrandi ratione Geometriam mirum in modum auc-
tum iri.

Junio mense idem D. Marchio de l'Hôpital novum theorema demon-
stravit circa quadraturam Cycloïdum, quarum bases sunt arcus circuli, si-
ve punctum describens extra, siue intra circumferentiam circuli mobilis po-
situm sit.

Mense Martio D. Rolle methodum exposuit qua fractionum exponen-
tes in Algebra evanescent.

I I. Die 13 mensis Aprilis P. Nicolaus Societatis Jesu Tractatum Geome-
tricum ad Academiam misit, ubi duo theoremata reliquit inquirenda : pau-
cis post diebus illa demonstravit D. Varignon. Ante aliquot hebdomadas
quadraturam curvæ sinuosæ demonstraverat, cujus ordinata ad diametrum
sunt obliquæ. Hujus figuræ descriptio ab ellipseos formatione pendet : de-
monstratio tamen à quadratura ellipseos non pendet. Idem demonstravit re-
ctificationem, seu integræ, seu partium, quibus constat linea, quam Cy-
cloïdis vulgaris sociam vocant. Brevi post inducias tempore generalem me-
thodum protulit, qua centrales vires omnes habeantur, quibus genus om-
ne curvarum continetur, quas D. Hugen centrifugas, & D. Neuton cen-
tripetas appellarunt. Quod fundamentum est præcipuum Philosophiæ na-
turalis ab iis expositæ.

I I I. Interjectis aliquot diebus demonstrata ab eo fuit rectificatio ;
ut loquuntur, seu longitudo & quadratura evolux Cycloïdis : eo mo-
do descriptæ, quem D. Hugen tradidit, item rectificatio, & quadratu-
ra indefinita omnium Cycloïdum, quarum bases sunt circulares, quæcun-
que ponatur inter punctum eas describens, & centrum circuli mobilis dis-
tantia.

Nec multo post tempore evolutiones omnium spiritalium cujusque gene-
ris demonstravit, idque ostendit omnes evolvi in parabolas uno tantum
gradu sublimiores. Paulò ante proposuerat novam methodum omnibus re-
ctificationibus, & quadraturis indefinitis accommodatam.

I V. D. De la Hire propositionem generalem de sectionibus solidorum
Pyramidalium demonstravit. Sed

Sed in Opere suo de Mechanicis hoc vertente anno is potissimum ver- *Geom.*
fatus est. Theoremata & problemata, quæ ad hanc Matheseos partem non
ignobilem & usu præcipuam spectant, singillatim exposuit, & demonstra-
vit. Et quidem ad annum 1675 illud à nobis annotatum fuit, Domino Col-
bert id cordi imprimis fuisse, ut in hoc opus generi humano, si quid aliud
utile, Academici incumberent. Idque à multis tentatum & incœptum fuit,
quorum tentamina suo loco non omisimus. Hoc ipsum videtur præstitisse
D. De la Hire in hoc opere, quod eodem hoc anno publici juris fecit;
pates quippe omnes Mechanices, cùm ad artes, tum ad Physicas disci-
plinas magis necessarias sic complectitur, ut nihil pene speculatione dig-
num, aut utilitate ipsa præcipuum videatur omisum.


V. Exeunte Mense Januario D. d'Alme, cujus identidem mentionem
fecimus, typum exhibuit pontis versatilis, qui scilicet attollitur, & depri-
mitur: ingeniosè excogitatus, neque iisdem vitis obnoxius visus est, qui-
bus alii hujus generis pontes. Formam hujus pontis delineavit D. de la Hire.

VI. Mense Februario cùm D. Galloys à D. Varignon id postulasset,
ut plani inclinati pressionem, cùm directio est plano parallela, demonstra-
ret, id in omnibus, quæ excogitati possunt directionibus ab eo fuit de-
monstratum, simul ostensum quod ea in re peccasset Cartesius.

VII. Mense Martio incunite idem demonstravit, qua proportionè ra-
dius Sphæræ per suum gravitatis centrum dividatur, juxta hypothesim vul-
go receptam, qua ponderum directiones in terræ centrum concurrere sta-
tuitur. Idem mense Aprili velocitatem aquarum in sublime salientium esse
ut radices altitudinum demonstravit. Hoc utique est quasi primum hujus
scientiæ, quæ circa motum aquarum versatur, principium, quod nusquam
demonstratum fuisse existimat, sed experientia tantum modo comprobatum:
adeo ut inter principia ab omnibus constituantur. Nec tamen illius ra-
tio admodum est recondita, sed similitudo ipsa hujus velocitatis cum
ea quæ accelerato lapsui aquæ, ab ipsa fontis superficie ad tubi ori-
ficium usque inest, ab inquisitione hujus rationis omnes deterruit: quod
eam ut effectum hujus accelerationis in oculis habuerint, atque hac una
viâ rationem hujus proportionis quaesierint, quæ ut naturæ sit consentanea,
fortè tamen non est genuina; nec trita ipsius naturæ via. Itaque id acriori
animo advertit, quis sit aquæ motus è tubo exeuntis; cumque aqua in om-
ni sua longitudine continuitatem suam tueatur, quæ summo loco est, ei-
dem celeritate descendit, atque ea quæ in imo in loco est posita, nullam
adeo esse in tubo ipso accelerationem. Quocirca aquæ non è tubo solum,
sed ex omni alio vase æquabili motu exit in ipso sui lapsûs initio, atque
in medio, quandiu in eadem manet altitudine.

Perpectâ hac motus æqualitate, principii de quo agitur, rationem ex
motuum æquabilitate deduxit, eamque demonstratam invenit in Cor.
21. regulæ generalis, quam in Actis 31 Decembris anni 1692 vulgavit;
quæ etiam ex Coroll 29 nullo negotio erui potest. Sed nihil necesse est ge-
neralem illam adire regulam: id enim satis notum est causas suis effectis
esse accommodatas, atque adeo motuum quantitates morticibus viribus in
eadem prorsus ratione respondere.

ANN. 1695. Sint igitur duæ columnæ aquæ A F, C F; exitus aquæ sit in G, vi-
res motrices sunt columnarum pondera, aut pressiones: quantitates mo-
runt, quos pressiones efficiunt, sunt in ratione quantitatis aquæ in tem-
poribus æqualibus effluentis, multiplicatæ per suam cujusque velocitatem,
seu in ratione composita ex unaquaque mole aquæ & celeritatis. Quamob-



rem columnarum A F, & C F pondera, seu columnæ ipsæ sunt in ra-
tione composita quantitatis aquarum, quæ æqualibus exeunt temporibus per
foramen G, & velocitatis earundem aquæ quantitatum: cum autem ra-
tiones componentes sint æquales, siquidem quantitates aquæ sunt inter se,
ut velocitates, quibus è tubo A F effluunt, palam est rationem compositam
fore ut utriusque quadratum; ergo columnæ aquæ A F, & C F,
aut quod eodem recidit, altitudines A E, & C E, erunt inter se ut qua-
drata aut molis, aut celeritatis: ac propterea, vel moles aquæ, vel ve-
locitates, aut potius utræque eam inter se habebunt rationem, quàm radi-
ces A E, & C E superficiiei aquæ supra foramen, per quod aqua effluit.

VIII. Mense Julio lineam curvam ostendit, quam describit corpus gra-
ve descendens motu æquali ratione habita horizontis, ad quem æquis tem-
poribus æqualiter accedit.

CAPUT VIII.

De Rebus Astronomicis.

I. **E**Xeunte anno superiori D. Maraldi scriptum legit de fixarum appa-
renti magnitudine, quæ diversis temporibus mutari visa est: hujus
dissertationis hæc est summa.

Præter eas quæ à recentioribus Astronomis sunt observatæ insignes stella-
rum mutationes, quibus ita augentur, aut minuuntur, ut visûs aciem pe-
nitius fugiant, (cujus generis sunt stella in collo Ceti, & duæ in Cygno,)

complures ab eo sunt observatæ, quarum apparens magnitudo non medio *Astro-*
criter aucta est, vel imminuta. Quæ sita est in Sagittarii tibia sinistra, & *nomia*
præcedit, à Bayero tertix magnitudinis est designata: anno 1671 inter stel-
las sextæ magnitudinis visa est; anno 1676 major apparuit, ut in tertio
ordine à D. Hallay notata fuit; anno 1692 vix eam potuit conspicerè D.
Maraldi; annis 1693 & 94 ea quartæ magnitudinis apparuit.

II. Complures alias in eadem constellatione designat, quarum apparen-
tes magnitudines multùm ab iis quæ in tabulis & chartis sunt notatæ,
dissident. Hujus generis est illa, quæ in dextro Sagittarii brachio lucet,
quam D. Hallay in tertio ponit ordine, quæque multùm est imminuta.
Quæ erat in femore, nunc visum planè fugit.

Eadem est ratio extremæ stellæ in serpentis cauda, quam Tycho & Baye-
rus in tertia classe posuerunt: hanc D. Montanari ad quintam revocavit
classẽ: sed aucta est annis consequentibus.

III. Quasdam in Serpentario notarunt stellas, quarum mutata est mag-
nitus, imò quæ iam evanuerunt, ut quæ in præcedenti pede videbatur,
à Montanarii temporibus ad hunc usque annum sui copiam non facit. In Leo-
nis constellatione quæ est undecima, anno 1667 à Montanario visa est,
cum ante penitus extincta videretur. D. Maraldi abhinc triennio eam con-
spexit, sed minutam admodum. Duodecima à Tychone & Bayero in quar-
ta classe reponitur: vix sub oculos cadebat anno 1693. Quæ sextæ mag-
nitudinis notata est, non amplius est visibilis, sed octo huic finitimæ cer-
nuntur, quæ deſunt catalogo & chartis.

IV. Illud à D. Kirchio fuit observatum anno 1686 vigesimam quar-
tam Cygni, quæ à Bayero ut quintæ magnitudinis designatur, augeri &
minui instar ejus, quæ est in collo Ceti: nullam in ea mutationem po-
tuit animadvertere D. Maraldi anno 1692: sed mense Julio anni 1694,
nullum ejus stellæ vestigium extabat, usque ad decimum quintum hujus
mensis diem, cum illam primùm vidit.

V. Quæ vertente hoc anno circa illam stellam Cygni à D. Maraldi fue-
runt observata, & Mense Novembri in Academia lecta, ea sunt specu-
latione digna, neque à nobis silentio prætermittenda. Primùm illud præfa-
tur in sua dissertatione vix ullam in cælo esse constellationem, cui aliqua
mutatio ab ineunte hoc sæculo ad hunc usque annum non acciderit. In so-
la Cygni constellatione tres, earque insignes visæ sunt: nam præter duas il-
las pectoris, & capitis stellas adeo celebratas, quæ sæpius sui copiam fe-
cere, & idemtidem evanuerunt, adeo ut reditus sui periodus certa ratio-
ne definiti non potuerit, tertia quædam est in collo ejusdem Asterismi
à D. Kirchio paucis abhinc annis deprehensa, quæ unoquoque anno per
aliquot menses in conspectum venit, tum fugit oculorum aciem. Anno su-
periori mense Julio eam vidit D. Maraldi ea fere magnitudine, quæ in
tabulis Bayeti & Royeri designatur, ac die 15 Julii altitudinem ejus me-
ridianam 73 gr. 21, 30 invenit, quod quidem hoc anno novis observa-
tionibus confirmavit. Cum eam stellam exeunte Augusto anni 1694 qua-
sisset, deprehendere illam nullo modo potuit, adeo ut illa se oculis subdu-
xerit eo temporis intervallo, quo inter Julii 15 diem, & Augusti fi-

ANN. nemi interjacet : neque in conspectum venit, nisi die 30 Julii hujus anni 1695; tum verò ita mole imminuta visa est, ut vix nudis oculis aspici posset : sed brevi post tempore lumine aucta est : nam die 12 Augusti ut stella sextæ magnitudinis; die 10 jam stellas vicinas quinti ordinis splendore suo æquabat, eaque ad tricesimum usque diem paulatim aucta est : die 9 Septembris nonnihil imminuta, ac sensim deinceps decrescere visa est : ita ut circa 16 Octobris aspectui se omnino subduxerit.

Itaque ex variis observationibus id liquet, die ultimo Augusti ad apicem suæ claritatis venisse. Quod si illæ observationes cum iis quæ à Kirchio factæ sunt, conferantur, periodus variationum erit ferme 13 mensium, cum periodus stellæ Ceti sit 11 mensium, & paulò amplius : ita ut phasis maxima stellæ Cygni singulis annis tantumdem retardetur, quantum stella Ceti solet in unaquaque periodo per 4 menses in conspectum venire : cum stella Cygni hoc anno spatio duorum mensium cum semisse visibilis fuerit. Utraque stella citius augetur, quàm minuitur : nam intra 13 dies à 30 Julii ad 12 usque Augusti tantumdem aucta est, quantum per 26 dies fuit imminuta ; nempe totidem numerantur dies à 19 Septembris, quo stellas quintæ magnitudinis æquabat, usque ad 15 Octobris, quo videri desinit.

V I. Quæ in stella Cygni variationes contigerunt, minùs erant sensibiles, quàm quæ in stella Ceti cernuntur : hæc enim stellas tertii ordinis plerumque assequitur, cum stella Cygni vix æquet stellas quinti ordinis. Complures interdum anni labuntur, quibus stella Ceti in conspectum non venit : cum enim phasis illius maxima mensibus Aprilis & Junio & Julio contingit, tum radiis solaribus obruitur : sed stella Cygni etiam in sua cum Sole conjunctione quatuor horis ab occasu Solis persistat super horizontem. Unde quotannis conspici poterit, & faciliùs judicari, utrum apparens illius magnitudo, tempus quo in conspectum nostrum venit, ac periodus ipsa easdem subeant variationes, quæ in stella Ceti se produnt. Quæ, ut videtur D. Maraldi, vix explicari quæunt per revolutionem corporis spherici partim lucidi, partim obscuri circa proprium axem : nisi superfluis eorum corporum magnas & Physicas subeant mutationes.

V I I. Id quoque testatur D. Montanati stellam lucidiorem Medusæ diversis annis variæ esse magnitudinis : nullam pene in ea mutationem potuit advertere D. Maraldi annis 1692 & 93. Sed anno 1694 aucta est & imminuta insigniter, modò quarti, modò tertii, modò secundi ordinis stella apparuit.

Quæ auriculæ dextræ majoris Canis affixa est stella, à Tychone & Bayero tertie magnitudinis statuitur : ex observationibus Montanarii anno 1670 non erat amplius visibilis ; annis 1692 & 93 ut stella quarti ordinis videbatur. In eadem constellatione quatuor sunt novæ à Montanario repertæ, quæ in catalogo Bayeri desiderantur. Idem Montanarius anno 1690 stellas 31 & 32 magnæ Navis evanuisse compertit, neque eas videre potuit D. Maraldi.

In constellatione Andromedæ, quæ littera, A, à Bayero signatur, &

evanuerat, ex observationibus D. Cassini sui copiam fecit, atque ibi recensentes visuntur. Idem anno 1671 quinque novas in Cassiopea conspexit, quarum duæ adhuc extant, tribus reliquis extinctis: sed tres novæ sexti ordinis ibi visuntur. *Astro-nomica*

VIII. Complures alias D. Maraldi, easque recentes in aliis Asterismis observavit, quas in hoc scripto designat. Ac pleræque ejus generis mutationes in viâ lacteâ contigerunt, quas accurate designat: duæ navis extinctæ. Quæ sita est in Canis auticula, Medusæ iidem stellæ sunt mutationibus obnoxia; nova Cassiopeæ à Tychone observata, tres Cygni stellæ, quæ sæpius sub conspectum venerunt, & è conspectu nostro evolarunt, ac demum memoratæ stellæ in Serpente & Serpentario, nova à Keplero in tibiâ Serpentarii visa, hæ, inquam, omnes viâ lactea continentur.

IX. D. Maraldi die 12 Februarii Epistolam legit D. Cassini datam Bononiæ 26 Januarii. In ea quidem Epistola lineæ Meridianæ, quam in Ecclesia S. Petronii olim delineaverat, positionem à se exploratam commemorat. Id enim placuit experiri an forte per 40 annos aliquid mutationis accidisset. Ex Solis altitudine ante & post meridiem sumpta punctum ipsum mediæ diei eo ipso momento, quo Solis centrum hanc lineam attingit meridianam, invenit. Id ipsi per jucundum fuit, quod manifestè hinc liqueret 40 annorum spatium nullam variationem accidisse. Non eadem occurrit evidentia in examine lineæ meridianæ à Tychone olim Vraniburgi designatæ, quam D. Picard multum diversam à vera invenit: adeo ut dubitaverit an potius discrimen illud Tychonis observationibus, quam ulli quæ acciderit variationi esset tribuenda.

X. Quod ad situm ejus lineæ meridianæ horizontalis spectat, id comperit D. Cassini, duo ejus lineæ extrema, & loca in quibus Æquinoctia, & solstitia sunt designata, ad eandem libellam citra ullam mutationem esse posita: sed in iis locis, quæ columnis fornicem sustentibus sunt finitima, id deprehendit meridianam tribus lineis infra libellam esse depressam, quasi pavimentum ab ipsis columnis, quæ tamen sunt vetustissimæ, pressum fuisset. Nam murus, qui ex uno latere fornicem tangit, nunc à fornice multo amplius divellitur, quam sit lineæ meridianæ depressio. Ex quibus illud efficitur, non penitus credendum ædificiorum, firmitati, ubi de Astronomicis observationibus agitur, sed certis temporibus eas renovari oportere.

XI. Cum de reformanda orbis terreni chartâ universali mensis Februarii die 9 ageretur, D. De la Hire id sibi persuasum aiebat Lutetiam à primo meridiano non amplius, quàm gradibus 20 3 min. distare. Siquidem ex observationibus in Gorriâ factis id compertum fuit Lutetiam ab ea 19 tantum gradibus ad ortum removeri. Cumque hæc insula respectu insulæ *Di ferro* ubi primus meridianus constituitur, à Septentrione in Austrum penè dirigatur, non amplius quam unus gradus cum 30 min. longitudinis inter utramque insulam intercipitur.

XII. Die 17 Decembris D. Maraldi legit observationes factas à D. Cassini Bononiæ, & à D. Chazelles Massiliæ postremæ eclipses, quæ

ANN. 20 Novembris contigit : ex quibus conclusiones suas eruit. Hujus eclipsis
1695. initium ex tabulis D. Le Fevre fuit Lutetiæ hora sexta 8 , 4 ; medium 7
hora , 21 , 46 ; finis 8 hora , 35 , 28 ; duratio 2 hora , 27 , 24 ; magni-
tudo digitorum 5. 12.

CAPUT IX.

De Dioptrica & Architectura.

I. **N**on aliud magis siderum scientiam nostra ætate promovit , quàm
telescopia ex 2 vitris convexis composita , de quorum origine &
usu dissertationem è scripto legit D. De la Hire , simul & quâ ratione ad
observationes Astronomicas faciliùs adhibeantur , exposuit.

Illud imprimis advertit P. Antonium Mariam Schirlerum de Rheita
Ordinis Capucinatorum primum omnium parallæ telescopium cum oculari
convexo, Libellum ea de re edidit , cui hic titulus præfixus est , *Oculus
Enoch & Elie*. Majora quidem telescopia vix ullius essent usûs in siderum
observationibus , nisi hoc illis accessisset præfixum. Cum enim oculare ca-
vum aptatur tubo vel sex pedes longo , pars rei objectæ adeo parva dete-
giatur , ut planeta vix à stella secerni queat ; ocularia vero convexa am-
plius spatium retegunt : adeo ut longè facilius sit objecta quæque con-
tueri.

II. Cum autem vitra objectiva ea ratione augeri possint , quâ ocularia
focum habent longiùs productum , & spatium conspectum ocularis magni-
tudini respondeat , idem spatium per longiores tubos liceret intueri , quod
per minores , si materia præstò esset majoribus oculis parandis idonea.
Sed res non ita se habet , cum ocularia cava adhibentur : nam spatii detecti
amplitudo ab objectivi vitri apertura pendet , quæ hoc magis imminuit spa-
tium deprehensum , quo longius ab oculari distat vitrum objectivum. Ne-
que hoc dispendium pensari potest vel à majori vitri objectivi apertura , vel
à minori vitri ocularis cavitare , ita ut effectus ipse longius in tubi res-
pondeat.

2. Ut casu quodam fortuito in prima tubi optici inventionem convexum
vitrum cavo adjunctum fuit , sic admodum verisimile est duo vitra convexa
à P. Rheita tubo aptata casu quodam non ex certo consilio : nam ipse per-
parum commodi hinc cepit : cum tubi 30 aut 40 pedum ex ea quam præ-
scribit regula , rei objectæ non magis augeant imaginem , quam tubi usitati
4 pedum.

3. Quamobrem in tubis majoribus uberioris tantum lucis lucrum fecit ,
quæ in sideribus contuendis non est adeo necessaria. Is tamen rei per ma-
jores tubos conspectæ majorem quoque speciem esse persuasum habebat , quàm
ubi per minorem tubum eam cernebat , quod luce perfusa esset majore.
Neque enim ex Dioptrices regulis perpenderat , quas focus ocularium præferi-
bit mensuras , ubi cum focus objectivorum comparantur , rerum objectarum
species in majoribus tubis non augeri magis quàm in minoribus tubis.

Tabulam pertexuit illius proportionis, quam statuit inter utriusque vitri *Dioptrica* focos, quæ semper eadem est a 2 partibus ad 40 usque. Pedem in 100 partes tribuit, telescopio 40 pedum ocularis foco unum assignat pedem: cum objectivi focus à vitro distat 20 pedes, ocularis foco tribuit pedis semissem, & ita deinceps.

4. Nondum ei perspecta erat hæc Dioptrices regula, imaginis augmentum datis utriusque vitri focus haberi facile posse, cum foci objectivi distantia à vitro, per ocularis foci à suo vitro distantiam dividitur: quotiens enim exhibet quantum res objecta major appareat, quàm naturalis, quæ scilicet nudis oculis conspicitur.

5 Quod si objectiva vitra, quibus P. Rheita utebatur, ocularia convexiora, aut fortiora, ut vocant, non admittunt, quam ea ipsa, quæ in ejus tabulis describuntur, hæc certè erant nostris longè inferiora. Nam objectivum ejus focus est sex pedum, oculare admittit trium pollicum, quod imaginem 57 majorem efficit. Quod si focus ocularis esset sex pollicum, imago esset tantum 45 majus naturali, & parum excederet proportionem à P. Rheita ubique constitutam, qua res objecta major quadrages cernitur. Sed quæ nunc adhibentur vitra objectiva 25 pedum cum ocularis foco 3 digitorum faciliè conjunguntur, & rerum imagines centies majores efficiunt.

III. Id tamen est incommodi in vitris convexis, ut sidera non faciliè eorum opeprehendi possint, si Solem & Lunam exceperis. Qui enim radii imaginem rei objectæ & in foco depingunt, in argutiori spatio contractam ex oculari vitro exeunt fere paralleli, iique pupillam oculi subire debent, ut objecti speciem in fundo oculi delineent. Sola autem utriusque vitri dispositio in locum ipsum radii nos ducit, & quo in loco oculus sit ponendus indicat. Ac sæpè is locus quæritur, nec facile invenitur ob angustam pupillæ aperturam. Accedit illud quoque in tubis longioribus, quæ in foco est rei objectæ imago, brevi temporis spatio magnum iter conficit, & priorum locum, ubi eam positam fuisse judicatum fuerat, cito deserit, sicque visûs aciem eludit. Cum duo vitra in eundem includuntur tubum, hic oculus ipsum dirigit, ut eo in loco sistatur, in quam radiosissima objecti species incurrit.

IV. At vero cum focus longius à vitro distat, quàm ut tubus adhiberi queat, ac de nocte sunt faciendæ observationes, tum res est majoris operæ. Id enim cavendum est ut astrum ipsum una cum vitro objectivo, & oculari, quod manu regendum est, in eadem recta collocentur. Id quidem difficile admodum est, quod vitrum objectivum ægriè percipitur. Optima autem inveniendi sideris ea est ratio, ut charta candida in loco foci collocetur, atque ibi lucida sideris imago quærat: hæc vero satis clara noctu apparebit. Tum id statim efficiendum, ut imago ipsa in medium ocularis vitri incidat, quo oculus illam percipiat. Quod utique vix fieri potest, nisi adsit aliquis, qui oculare vitrum in loco imaginis collocaet, dum observator per vitrum eam intuetur.

Non possum hoc loco silentio prætermittere præclarum, & si quid aliud est in Dioptrica utile inventum, quod D. Homberg incurre anno

ANN. 1692 cum Academia communicavit: quod quidem vir doctus & industrius
 1695. atque inter eruditos notissimus, ut proprium tum temporis sibi vindicabat. Sed illud accidit, quod in limine hujus Operis sæpe evenire diximus, & præsertim hac ætate, cum viri eruditi in perficiendis artibus summo studio elaborant, ut eadem plures excogitent, ac plerique ea sint mentis celeritate, & ingenii solertia ut leviter admoniti artificium omne alicujus machinæ, aut quodvis aliud inventum statim percipiant. Quin etiam illam, de qua mox dicturi sumus, longiora Telescopia perficiendi rationem Clariss. Viris D. D. Hugenio, Campani, & Borello Academiæ Socio, & in Chymicis versatissimo, quique ante aliquot annos è vita discesserat, non incognitam fuisse justa est suspicio. Nam D. Borellus magna facilitate vitra objectiva cujuscumque magnitudinis elaborabat arcani sui tenax: verum ad rem ipsam veniamus.

Hoc factum difficillimum semper visum fuit vitra objectiva, quæ focos longius proferunt, expolire, propterea quod typi, seu lances, aut disci, aut quocumque alio donentur vocabulo, vasa illa paululum devexa, in quibus vitra elaborantur, & poliuntur, è metallo conflata majoribus vitris expoliendis apta vix effici possint. Quare illud in mentem venit D. Homberg an satius foret typum vitreum sic adhibere, ut objectivum typo suo vulgo *Bassin*, idoneam præberet figuram eo ipso tempore, quo à typo suo formatur: ac res bene processit.

Vitrum idque purum à bullulis seu lacrymis & venis seligendum ejus magnitudinis & densitatis, quæ fini proposito respondeat, rotundari id debet, priusquam poliatur, breviori ligni trunco agglutinatum oportet. Tum aliud vitri frustum sumendum est, unius aut circiter digiti crassitudine, quatuor aut quinque latius prius, idque itidem rotundatum.

Vitrum ligni trunco affixum expolitur & deteritur ab eo quod majus est, & mobile, quodque priori superpositum in orbem circumagitur. Quam in rem Smiridis, v. *Emeril*, pulvere utendum, non arena quantumvis dura.

Neque necesse est huic posteriori vitro velut manubrium quoddam adhibere, cum manu sola, eaque aliquantulum madente tractari facile possit.

Quo quidem modo vitrum mobile alteri impositum, & diu circumactum excavatur, dum vitrum alterum fixum sit convexum, & eo magis, quod diutius vitrum mobile agitur. Cum operatum adeptum fuerit convexitatem, quæque ex usu potius quàm ex certis regulis innotescit, tum è trunco cui affixum erat, avellitur, vitro concavo in illius locum substituto. In eo postea convexum vitrum expolitur & perficitur more usitato: nam vitrum concavum deinceps typus erit, seu discus.

Jam ut vitri recens elaborati focus dignosci queat, id alteri vitro cujus focus notus est, ex. gr. 50 pedum erit illigandum, ut radios Solares simul excipiant. Quod si utrumque vitrum focum projiciat, v. gr. 40 pedum, focus vitri cogniti 50 pedum dividatur per utriusque foci differentiam, nimirum per 10, tumque prodibunt quinque, hæc multiplicata per 40, efficiunt 200. Itaque focus vitri recens expoliti 200 pedum futurus est.

V. Sed ut redeamus, unde egressi sumus, qua ratione observator solus id exequi possit, ut oculare vitrum in loco imaginis collocat, D. De la Hire

Hire, quod ne longiores simus, nunc prætermittimus: præterquam *Diop-*
 res digna nobis videtur, quæ ab Autore ipso publici juris fiat, tamenli *trica.*
 citra machinam vitrum minus operosè dirigi & susti posse idem existimat,
 & modum, quo id perfici queat paucis exponit.

VI. Sub finem hujus anni D. De la Hire problema Architectura im-
 primis utile proposuit, qua arte possint majores columnæ è variis lapidibus
 constari, ubi commissuræ non appareant, nec minùs firmæ sint, & ad diu-
 turnitatem stabiles, quàm si essent ex uno eodemque lapide formatae. Id
 quippe in magnis ædificiis difficillimum semper visum est, columnas ex
 eadem materia struere: quæ autem sunt ex variis, ut loquuntur, tym-
 panis, v. *Tambours*, sic coagmentatae, ut alia aliis superposita per axem
 ferreum, qui mediam pertransit columnam, inter se devinciantur, id præter
 cætera habent incommodi, quod ferrum rubiginem contrahat, hinc lapides
 quantumvis crassi dissiliunt, & ædificia complura non alia ex causa sæpius
 fatiscunt, quàm ex ferro, quod ipsis ædificiis adhiberi solet. Accedit illud
 quoque pluviam per juncturas lapidum subire, herbas & arbusa in iis ra-
 dices agere, quæ crassiores factæ nisi continuo satis habent viriam, ut lapi-
 dum commissuras disrumpant, eosque suis locis dimoveant.

Illud quidem negari non potest, quin in plerisque lapidicinis occurrant
 lapides satis magni, ut ex iis columnæ fiant: sed ejusmodi lapides gelu
 ipsum non ferunt, & in folia diducuntur, cum extra nativum solum esse-
 runt, ac demum id rarè evenit ut satis densitatis habeant crassioribus co-
 lumnis efficiendis.

Nonnulli Architecti in Gallia, quò iis mederentur incommodis, com-
 ples lapides sic unà compegerunt in columnarum formam, ut juncturæ
 incisuras subeuntes iis in locis ponerentur, quæ aspectui minùs essent ex-
 positæ. Sed experimento compertum fuit columnas ex tot frustis, iisque
 tenuioribus compositas non satis esse solidas, quæ ædificiorum structuræ
 sine periculo adhibeantur, nisi fortè iis in locis, ubi nihil oneris est susti-
 nendum. Rationibus omnibus subductis existimavit D. De la Hire ad tym-
 para omnino redeundum esse, quæ ita sibi mutuò jungi oporteat, ut ea-
 dem sit eorum soliditas, ac si unus & idem esset lapis, nec eorum junctu-
 ræ appareant.

VII. Quod ad commissuras attinet, sunt quædam in Gallia ædificia,
 eaque sp. etata, in quibus lapides proximè sibi citra arenatum adhæres-
 cunt. Ac licet ea sint perantiqua, in iis tamen juncturæ vix percipiun-
 tur. His exemplis adductus D. Perrault, qui in Architectura, ut in
 aliis artibus & disciplinis promovendis magnâ cum laude versatus est.
 At cum triumphalem jussu Regis Invictissimi prope S. Antonii subur-
 bium extruere cæperat, lapides per instrumenta, ut moris est, aliis ex-
 cipiendis parati, & dolati saxeo pulvere aqua permisto consperguntur;
 superpositi lapides huc illuc moti, & identidem aqua perfusi, dum am-
 bo lapides sibi mutuò aptati, perparum aquæ relinquunt inter lapides
 interj. etæ, quâ paulatim exhalata, arctiùs sibi mutuò sic cohererent, ut
 divelli facilè non possint. Hac quidem ratione lapides sibi mutuò aptan-
 dos censet D. De la Hire: sed alium quoque excogitavit modum, quo

ANN. 1696. facilius esset attritus lapidum, nimirum si cuiusque lapidis superioris pars extrema in cori formam assurgeret, ita ut apex conii supra basim quinta aut sexta tantum parte basis ipsius extaret & conum superpositi lapidis exciperet pars subiecti lapidis excavata.

Ea quidem ratione singula tympana sibi mutuò sic aptarentur, ut circa axem quæque suum verticerentur, nec opus esset ferro, aut alio metallo instat ferruminis, ac demum non alio motu agerentur lapides, quàm motu in orbem. Sic tympana solius figuræ ope sibi invicem arctè cohærent. Aqua cum pulvere saxeo, vulgò, *Du Graïs*, in ipso attritu parvos circulos, quasi totidem canaliculos formaret, quorum alii alios exciperent, & compagem efficerent firmiorem. Licebit etiam postquam bene erunt compositi, aquam solam infundere, quæ pulverem saxum abducit, priusquam tympana in suo situ sistantur. Accedit illud quoque commodum, quod in locis pluvix expositis aqua per commissuras subire vix poterit, quòd illæ sursum tendant. Id demum est observandum, extremam tympanis manum imponi non oportere, nec quæ ad ornatum, & speciem exteriorem spectant, induci, priusquam columna integra absoluta fuerit: tum enim figura idonea, & decor huic apponetur, quasi ex una & eadem constaret materia; quæ ratio vel ex eo est præferenda, quòd tympana è lapidibus minùs idoneis formata rejici facile possint; non item evenit in columnis ex eodem lapide factis; cum enim sint rari admodum, sæpe iis, qualescunque sint, uti coguntur Architecti; & si quid iis acciderit cum eriguntur, & in locis suis collocantur, non ita faciliè abjiciuntur ut tympana, quæ cum leviora sint, parvo labore exiguntur.

Idem mense Julio admonuerat mortarium, seu atenatum citò indurescere, cum aqua diluitur, cui parum salis Armoniaci fuit admixtum: sed de his, quæ penè sunt ab instituto aliena, satis multa.



SECTIO SEPTIMA.

De Artibus Physicis anno 1696.

INjunctus nobis labor opinione nostrâ longius est productus. Nam Academicæ historiam jam ineunte anno 1692 mandare litteris jussi ad hunc usque annum proferre coacti sumus. Ante omnia quæ sunt Physicæ contemplationis, quæque hanc scientiam non mediocriter nostra ætate promoverunt, ea videlicet quæ ad pondus & claritum aëris spectant, exequamur, tum de rebus Anatomicis, & Botanicis dicemus.

CAPUT PRIMUM.

De Pondere aëris.

I. **E**Xeunte mense Januario D. De la Hire dissertationem de pondere aëris è scripto recitare incœpit : nam ad plures congressus ob argumenti magnitudinem producta est. Ac primùm quidem in ea dissertatione id observat nonnullis è veteribus Philosophis id persuasum fuisse gravem esse aëra, sed quæ esset ratio ponderis aëris ad aquæ pondus ante Galilæum in mentem venisse nemini, ut experimentis hoc ipsū comprobaret. Omisissis in hanc rem variis tentaminibus Galilæi, Merfenni Riccioli, Alphonſi Borelli, & aliorum quæ minus ipsa secum, & cum ratione conveniunt, experimenta à D. Homberg anno 1683 coram nonnullis Academicis facta proponit, è quibus major huic quæſtioni lux afferri potest.

Globum vitreum & cavum, vulgò, *un Balon*, cujus circumferentia erat 43 pollicum, bilanci appendit; tum exhausto aëre in machina pneumaticâ, leviozem cum invenit 10 drachmis, adeo ut pondus aëris ad aquæ pondus esset ut 1, ad 692. Fracto illo globo, iteratum fuit experimentum in globo altero, tumque aër levior visus est, ac ratio ejus ad aquam esse ut 1, ad 832. Quod si media quædam inter utrumque ratio sit ineunda, hæc erit ferè ut 1, ad 765.

II. Anno 1693 omnibus Academicis coram idem experimentum factum est in vase vitreo, cujus capacitas erat 2 pedum $\frac{1}{12}$, quod exantlato aëre levius 2 uncis & 4 granis visum est; atque hinc ratio aëris ad aquam, ut 1, ad 1087 conclusa fuit.

Quæ experimenta magnâ cautione facta id videntur evincere, eant inveniendi ponderis aëris methodum, licet omnium accuratissimam minus tamen esse tutam, & certam.

In Biblioth. ca universali anni 1686 p. 479, ex dissertatione D. Halley in diario eruditorum Anglicano gravitatem aëris cum aquæ gravitate collatam esse ut 1 ad 800 ex variis experimentis in Anglia factis colligitur: ac si bene memini, paulo majorem olim cum essem Londini, D. Boyle reperit, ope longioris vasis, cujus aër in machina pneumatica exhaustus fuerat. Ex altitudine mercurii in tubo Toricelli, quæ sit ratio ponderis inter hydrargyrum, & aëra exploratum haberi posse docet eo loco D. De la Hire: qui observatione à se factâ Telone in Provincia hanc in rem utitur.

III. Ad maris litus hydrargyrum in tubo invenit altum 28 pollices & 2 lineas: ante tres horas invenerat in vertice montis cui nomen Clarus, altum 26 pollices 4 lineas $\frac{1}{2}$: mons supra mare assurgit 257 hexapedas: ita ut 257 hexapedæ differentiam 21 lin. $\frac{1}{2}$ efficiant in tubo, qualis tum erat aëri in maris litore, & in montis illius cacumine, atque adeo inter utramque aëris nempe & hydrargyri altitudinem ratio futura est ut 1 ad 10327 quæ erit reciproca ratio ponderum in eodem volumine aëris & mercurii. Ponamus autem Mercurii ad aquæ gravitatem in eodem volumine esse ut

ANN. 71 $\frac{1}{2}$ ad 5 $\frac{1}{2}$, hoc est ut 10327 ad 770. Ex iis efficitur aëris ad aquam ratio-
1696. nem esse ut 1, ad 770: cum utrimque æquales sunt moles aut volumina.

Quod si aëra aliquantulo plus gravitate ponamus prope maris littora, quàm in summo hujus montis vertice 257 hexap. dimidium hujus altitudinis sumi potest, nimirum 130 hexap. vel circiter, ubi sic premitur, ut ponderet $\frac{1}{770}$ partis aquæ communis, qualis esse solet in Barometro, cum mercurius ad 27 pollices & $\frac{1}{4}$ sublatus est. Postremo ratio utriusque gravitatis, qualem esse diximus ad montis altitudinem 50 hexap. supra maris horizonem determinari potest, ubi mercurius ad 27 pollices $\frac{1}{2}$ attollitur, quæ media est & vulgaris ejus altitudo. Circa medium montis cliyum in tubo invenit 27 pollices $\frac{1}{4}$, cum frigidior esset aër eo in loco & serenus, temperatus in parte montis infima.

IV. Celebre illud experimentum, quod in monte Arvernix factum est, pondus aëris cum aquæ pondere collatum præbet in ratione 1 ad 845, sed eam proportionem minui oportere satis verisimile est: nam D. Pertier, qui hoc fecit experimentum, montis altitudinem non adeo sibi perspectam esse fateetur, vulgo eam æstimari ait 500 hexapedarum: ac forte ultra quadringentas hexapedas vix excurrit. Nam præclsi loci altitudo plus æquo æstimari solet, ob varios itineris anfractus. Unde montis illius prope Telonem positi altitudinem saltem 400 hexapedarum esse opinabatur D. De la Hire, antequam eam esset dimensus.

V. Quæ à D. Cassini facta est observatio in monte, cui nomen nostra Domina à custodia, *Nostre Dame de la Garde*, cujus altitudo supra mare est 178 hexapedas, eam præbet proportionem aëris inter & aquam quæ est 1, ad 669: sed aër non erat eodem modo dispositus. Addit illud etiam D. De la Hire ex observationibus quæ fiunt in locis parum altis, ut 30 aut 40 hexap. non adeo exactas elici posse rationes inter aëris & aquæ pondera. Quæ tamen à D. De la Hire facta est Meudonii prope Lutetiam coram perillustri Abbate de Louvois adeo fuit accurata, ut illius ratio quodammodo habenda videatur.

VI. Idem argumentum mense Martio cum esset agitatum, D. Homberg observationes legit suas circa ejusdem aëris diversa pondera, ut magis aut minus dilatatur aut comprimitur, penes diversos caloris gradus. Hujus scripti hoc est velut summarium, duas esse præcipuas aëris affectiones, quæ nunc temporis sunt extra omnem controversiam positæ, gravitatem nempe illius, & elaterium: pondus quidem ex ipso Barometro, elaterium cum ex aliis multis, tum ex sclopeto pneumatico demonstratur. Nec semper opus est syringe, aut embolo in comprimendo aëre: sed varii caloris aut frigoris gradus id ipsum plerumque præstant: adeo ut aër nobis circumfusum magis prematur hieme, quàm æstate, ac plus aëris certum quoddam spatium, cujusmodi est Sphæra vitrea, sævientem hieme quàm æstatis temporis occupet, ac globus ipse hiemis tempore gravior sit quàm in æstu fervido, cum aër magis dilatatur.

VII. Hoc utique variis comprobatum fuit experimentis à D. Homberg factis. Globum vitreum cujus diameter erat 20 pollicum, vel circiter in machina pneumatica exinanivit æstatis tempore post 130 emboli itus & machinæ tum bilanci appensus est: mox epistomio aperto, ut subiret aër, reditus ad eandem lancem est appensus; tum vero duabus unciiis cum se-

missæ gravior inventus est, quàm paulò antea cum aëre esset destitutus. *Physi-*
Hiemis tempore idem globus totidem exantlationibus fuit exinanitus & ca.
in balance positus, tumque duas uncias & sex drachmis ponderabat, le-
vior inventus, quàm paulo antea.

Huic experimento aptè convenit cum altero olim citra machinam pneu-
maticam factò: globum vitreum, cujus diameter erat 17 pollicum in
vaporario, vulgo *un Poësse*, servavit per hiemem acerrimam; locus
erat calidior, ibi globum appendit bilanci, tum occluso epistomio, & in
cubiculum, ubi frigus acre sæviebat, translatum globum paululum levio-
rem invenit, quod in densiore aëre minùs gravitaret: sed discrimen om-
ne vix unius erat semidrachmæ: cum per duas horas eo in loco sterisset,
aperto verticillo aër cum impetu subiit globum, quasi in machina exina-
nitus fuisset: tum lanci impellens duas drachmas cum semisse lanci alteri
adjecit, ut fieret æquipondium: adeo ut aër trium circiter drachmarum
pondere subierit: nam semidrachmâ minùs in loco frigidiore ponderabat.
Noluit in vaporario globum lanci appendere, ne forte nimium dilatatus aër
præ calore vas ipsum confringeret.

VIII. Cum Aprilis mense de iis, qui in aquâ submersi post aliquot
dies emergunt, sermo haberetur, & causa hujus emersionis quæreretur,
hanc attulit D. Varignon, inclusum in corporibus aëra premi arctius,
& disruptis fibris evolui. Id confirmatur ex eo, quòd cadavera post ali-
quod prælium aëri exposita intumescant, dum aër antea pressus se se ex-
plicat.

CAPUT II.

De elaterio aëris.


I. **A**Tque hæc de aëris pondere: de ejusdem elaterio iisdem tempo-
ribus actum fuit, ubi de Atmosphæræ altitudine quæsitum est,
quod argumentum à D. De la Hire, & D. Varignon non Physicè modo,
sed & mechanicè tractatum fuit: perpauca è multis seligam, ne ultra
quàm par sit longior sim.

Primum itaque id principii loco ponit D. De la Hire aëris particulas
magno elaterio esse præditas, easque graves esse, tum quæ ex duplici illâ
affectione sequantur corollaria, ad leges mechanicas examinat.

Atque ut id omne clarum fiat & apertum, ponamus lineam A B multis
elateriis constare, quæ longitudinem hexapedæ unâ conficiant, cum libe-
ram habent extensionem, & ab omni pressione sunt libera. Sed ubi alia
aliis incumbunt, & inferiora premuntur à superioribus singula elateria
flectuntur, & contrahuntur in spatii, quæ sunt in ratione reciproca oneris
superpositi; idque est velut quoddam experientie principium.

Unde si elateria, quorum alia aliis sunt superposita, suis donentur
ponderibus, iisque æqualibus, cum æqualia ponantur elateria: tum elater e d c,

ANN. in puncto d curvabitur & proprio, & incumbentium pondere: eadem
1696.



ratione elater c b a, & propria & duorum incumbentium gravitate flectetur in b, elater a z y in puncto z, & suo & incumbente onere premetur; sed supremum elaterium suo tantum pondere inflectetur. Quamobrem secundi distantia a z y dimidia pars V y futura est: sic tertii apertura erit tertia pars primi & ita deinceps $\frac{1}{2}, \frac{1}{4}, \frac{1}{8}$ & usque in infinitum. Ac subinde regulam proponit D. De la Hire, quā ad calculum revocari possit altitudo cujusque lineæ ē variis elateriis constata.

II. Quam regulam dimetiendæ altitudini atmosphææ subtili quadam ratione applicat. Ponuntur enim particulae, quæque aëris ut elateria sua gravitate prædita, eaque ut inter se æqualia spectari possunt. Idem accidet, si sint inæqualia, & partes ponderibus certa proportionē respondeant. Jam verò ex barometro nota est ratio cujuslibet altitudinis, seu columnæ aëris ad Mercurium tubo inclusum, & proportio atmosphææ ad eam altitudinem, si altitudo integra mercurii in tubo suspensi per differentiam altitudinis mercurii quæ inventa est in certa aëris altitudine, dividatur. Sic enim innotescet quoties ejusmodi aëris altitudo observata contineatur in tota altitudine atmosphææ, ac subinde altitudo atmosphææ innotescet in variis gradibus pressionis: quin & parvæ altitudines aëris, si sint accuratæ mensuram dabunt accuratiorem, quàm si majores observentur, quod positio mediæ pressionis cujusque spatii propius ad veram accedat: idque exemplo fieri apertius.

III. Die 11 Februarii anni 1696 altitudinem Mercurii in ima specu Observatorii 27 digit. 8 lin. & 3 punctorum, seu semisses lineæ comperit D. De la Hire. Cum statim Barometrum ad summam turtis lignei partem translatum fuisset, mercurius in tubo sublimis tantummodo erat ad 27 digit. altitudinem 5 lin. 2 punct. Quamobrem altitudo 37 hexap. $\frac{1}{2}$ seu 225 pedes altitudinis aëris sic pressi, ut inter specum subterraneam, & turtis cacumen premitur, dant tres lineas mercurii, punctum unum, seu 19 puncta: nam linea in sex puncta dividitur. Sed tota altitudo mercurii erat 27 digit. 6 lin. 3 punct. seu 2043 punctorum. Quod si igitur

ANN. 1696. fant aëra, qua premunt minora, quæque à nobis principii loco posita est proportio, intra certos limites erit contrahenda. 2. Pars inferior atmosphæræ vaporibus, cum sit permixta, dubitari merito potest an de proportionem constituta hi vapores nihil detrahant, quin & juncti non nihil mutationis hac in re afferunt, cumque ad certam usque aëris altitudinem venti tollantur, quæri potest quid discriminis in diversis aëris ponderibus hinc afferri possit. Verum ista sunt hujusmodi ut ad exquisitam & Mathematicam subtilitatem non sint exigenda; nec quousque pateat atmosphæra, tam scrupulosè inquiri necesse est. Quæ nostra hac ætate circa illius pondus & vim elasticam aëris sunt observata, mirum quantum lucis Physicæ intulerint.

VIII. Illud pene mihi exciderat, quod ad Physicam maximè pertinet, quantum pluvix in Observatorio deciderit anno superiore: summa fuit ex diligenti observatione D. De la Hire 19 dig. 7, lin. $\frac{1}{4}$. Id vero hoc anno præter solitum accidit, ut mensibus Januario, Februario, & Martio major imbris copia, quàm Junio, Julio, & Augusto ceciderit: cum tres hi menses tantum pluvix plerumque suppedirent, quantum novem menses reliqui? Corus, Favonius, & Noio-zephyrus, qui hac ætate regnarunt, calorem adeo debilitarunt, ut fructus debitam non consecuti sint maturitatem.

CAPUT III.

De quibusdam flammæ Phenomenis, & aliquot observationibus Chymicis.

I. Neunte mense Aprili D. Varignon conjecturas suas de natura flammæ, & specie quàm oculis præbet, ex occasione experimenti cujusdam à viris pereruditis D. D. Bernovilli factis proposuit. Experimentum illud est hujusmodi: tubo vitreo inflexo, cujusmodi est thermometrum Sanctorii, nisi quod phiala est undique oclusa, quatuor grana nitrati pulveris per orificium tubi imposuit: tubus vasi vitreo aqua pleno sic immersus est, ut aqua tubi ad eandem libellam cum aqua vasis esset composita, speculi ustorii ope accensa sunt grana pulveris pyrii, quibus aqua tubi infra libellam aque vase contentæ protulsa est, ac refrigerato tubo aër spatium faris amplum infra eam libellam occupavit; adeo ut aër pulvere nitroso contentus spatium ducenties majus granis ipsis impleverit.

Hinc D. Varignon conjiciebat aëra in corporibus, quæ ignem concipiunt densatum continuo nisi fugam moliri: sed carceres quibus tenetur, vix potest infringere, nisi ignis spicula in ejus veniant subsidium. Hæc tanquam totidem cuncoli subeunt cæcos molecularum meatus, eaque una cum aëre his moleculis incluso, & cum impetu erumpente crassiores & terrestres particulas discutiunt, quæ vicissim in spicula ignita mutantur, & moleculas dissipant adjuvante aëris in his moleculis inclusi elastici. Sic novæ ignis particule prodeunt, & continuatur ignis eo vehementior,

mentior, quò aër in accensa materia densatur magis, & crustæ aut muti, quibus captivus includitur, sunt solidiores: hinc tanta vis in bombis & *Physi- ca.* cuniculis inest.

II. Quod flammam attinet, palam est crassiores particulas, quibus detinebatur aër, ab eo quoquo-versus vibrari, & circumjecta corpora disjici: adeo ut subtilis materia in eorum succedat locum. Ac fortè nihil necesse ad subtilis illius materiæ confluxum recurrere: nam flamma non aliud quiddam est præter multitudinem cuspidum aut scintillarum, quæ dissolutæ cum impetu sic avolant, ut sui vestigia relinquunt, pene ut in accensa de nocte exhalatione sulphurea, vel in titione celerius circumactò speciem suam oculo imprimunt, quasi unius & ejusdem continuati corporis. Nam ignitæ illæ & volitantes scintillæ alias atque alias retinæ partes comoveant tanta celeritate, ut motus à primis scintillis excitatus adhuc perseveret, cum postremæ erumpunt: quod vestigium filo ignito non dissimile oculo imprimit, ac multitudine sua id ipsum efficiunt quod flammam dicimus, quæ è superficie accensi corporis integra prorumpit. Unde ardor flammæ longè minor est, quàm in accenso titione, ubi ignis particulae sunt confertæ magis, ac collectæ. Quamobrem ut flammæ species appareat, ea materiæ accensæ spicula non solum ignita esse debent, sed & citissimè avolare necesse est, eaque tam numerosa esse oportet, ut inflammata ejusmodi fila quæ post se relinquunt, continua & minimè interrupta videantur.

III. Die 14 Aprilis cum D. Cassini ex Italia redux mentionem faceret levis terræ motus, qui tum accidit, cum Bononiæ versaretur, id unum observatione dignum fuit, aquas pridie terræ motus turbidas visas esse. Jam ad Chymicas observationes veniendum.

I V. Illud primo loco ponamus, pleraque corpora in igne examinata nativos suos prodere colores: atque ut de aliis taccam corporibus, metalla ipsa in igne suas habent notas, quibus ab aliis secernantur; in cupro flamma est viridis; argentum dilutum quodammodo cæruleum præbet colorem, stanni & plumbi extimæ superficies flavo, rubeo & purpureo colore tinguntur, & utrumque catillos facilè penetrat; è ferro velut stirix scintillantes erumpunt: In auto ejusmodi notæ insignes desunt.

Circa viridem flammæ colorem id observatum fuit, cuprum recens fustum, aut vix è ignium hanc viridem flammam non exhibere, sed postquam ex humidiorè aëre nonnihil ærginis contraxit, ac diu est ex quo igni vehementiori admotum fuit. Itaque leviores illas cupri particulas ignis calor sursum tollit, quas flamma in minutiora corpuscula dissolvit, quæ in quocumque liquore solvantur, viridem colorem præ se ferunt. Verum quidem est cupri partes vi solius flammæ solvi non posse, quod guttæ crassiores simul confertæ sursum efferti nequeant. Quare necesse est ut cupri superficies prius à salino corpore, quodcumque illud sit, exesa fuerit: tum enim adeo minimè per flammam spargitur, ut eam colore suo tingat, donec penitus in sublime elata fuerit: sed partem cupri illasam ab humidiorè sale integram & sanam relinquit. Unde & igne modico materia illa viridis separatur, quod minus arctè cupro adhærescat, ac sæpe vi-

ANN. 1696. *ridis color se prodit, cum cuprum non adeo incaluit. Nec verò ille è sulphure, ut loquuntur, cupri proficiscitur, alioqui in diuturna fusione totum illud sulphur, cum sit volatile, fugam capesseret, cupro penitus destructo, ac fieret illud quod cuprumustum vocant, quod utique cum experientia non convenit.*

V. *Aurum, ut dictum est, nullum sui indicium in igne præbet: sed duæ sunt illius dotes præcipuæ, & ipsi peculiæres, quod nimirum nihil minuatur in catillo cinereo, seu in cupella, ubi cum plumbo miscetur, nec in probatione aut cupella antimonii: alia quidem metalla cum plumbo miscentur in catillo, & calcinantur, ut plumbum, quod facîle in vitrum abit, eorum fusionem acceleret, eaque in vitrum itidem convertat. Cum autem vitri plumbei pars catilli spongiosi meatus subeat, unà subeunt vitra aliorum metallorum, saltem ex parte sui aliqua: quod superest plumbi, in densiorem abit fumum, & secum vehit quod reliquum erat ex aliis metallis jam vitrefactis, & plumbo levioribus. Aurum verò cû ignis vi in vitrum non facessit, nec à plumbo intra catillum, nec in fumum effertur, uti nec argentum in cupella vitrescit, aut in fumum distillat ob easdem rationes.*

VI. *In cupella antimonii cuncta metalla, ne argento quidem excepto, imminuuntur: magna quippe copia acidi liquoris, quæ antimonii sulphuri inest, metalla solvit, & minuius concidit: unde crassior sulphuris fumus & reguli antimonii ea facilius in sublime tollit. Sed cum liquor ille acidus vim tantummodo habeat aquæ fortis, non item aquæ regalis, quæ sola aurum dissolvit, aurum illasum relinquit, quod etiam gravius est quam ut à fumo antimonii sursum rapiatur. Argenti verò soluti ab acido antimonii partes aliquæ sic in fumum abeunt unà cum reguli antimonii particulis non solutis, ut in ignem & circumjecta loca decidant, nec pereant. Dos altera auri, eique propria hæc est, quod certa ratione præparatum, cum arena, aut silicibus calcinatis permixtum, & unà cum visum pulchro & rubeo colore ea tingat. Auri sic parandi ratio ad attem vitrariam pertinet, quam dilucidè in sua dissertatione exposuit D. Homburg.*

VII. *Idem occasione data de gemmis factitiis copiosè disseruit, quæ à vitrariis tam aptè ctingi solent, ut solo aspectu à genuinis discerni vix possint, adeo nativam harum perspicuitatem, & coloris splendorem æmulantur; durities tantummodo gemmarum factitiis deest. Ex iis aliæ sunt teneriores vitro comuni, aliæ vitri duritiem æquant, aliæ denique silicum duritiem assequuntur, imo & Smaragdis sunt firmiores, carbunculis vix inferiores. Cæteris tamen gemmis nativis in duritie cedunt omnes factitiæ. Ipsa compositio ex partium componentium, quæ scilicet vitri corpus suppeditant, aut fundunt, aut opratum colorem præbent, apta præparatione pendet.*

Arena alba hac in operatione minimè utendum est, tamen crystalli laminis vitreis utiliter adhibetur; qui enim est color in granis quibusdam arenæ metallicis, has laminas aut specula non inficit, dummodo vitrum sit pellucidum, nec color plus satis emineat, quin & color ille deleri potest, aut imminui adhibito solito medicamine, aut mag-

gnescit, quæ viriditatem nimiam suo colore subrufo temperat, au saphiræ, Chy-
 cujus cæruleus color nimiam flavedinem diluit. Nam hi duo colores fla-
 vus scilicet & viridis sunt præcipua vitri vitia. Flavus plerumque oritur ex
 particulis venæ ferreæ, quæ in arena occurrit: viridis è cupri venâ, aut
 ex nimia cinerum copia, qui in sale, seu in parte materiæ fundente sunt
 superfluites.

Optima igitur gemmis effingendis materies sunt silices, è quibus ignis
 elicitur: candidi sunt huic rei aptiores. In igne ad rubedinem usque tor-
 rentur, tum in aquam frigidam coniecti in frustula facillime: qui in igne
 aliquem induerunt colorem, sunt abjiciendi, reliqui exsiccantur: iterum
 exsiccati & tostati in catillo frigida immerguntur, quod quinquies, aut
 sexies iterandum, dum ipsis digitis teri possint. Cum postremo fuerint ca-
 tillo impositi, non amplius extinguuntur in aqua, sed in mortatiolo ligneo,
 & pilo itidem ligneo triti per cribrum subtile, aut textum cilicinum tra-
 jecti lavantur, aqua turbida in vas aliud transfusa ibi quiescit aliquamdiu,
 ac tandem aqua clara inclinato vase effunditur; qui limus in imo vasis sub-
 sidit, exsiccat; hæc est materia vitri futuri, & quasi corpus ipsum, ex
 quo gumma constabunt. In pulverem adeo subtilem, hanc materiem redac-
 tam oportuit, ut color per minimas ejus partes diffundi posset; secus ma-
 culæ in vitro forent coloris expertes.

Materia fundens est minium, quod alia non eger præparatione, nisi
 sola cribratione, ut cum calcinato silice accuratè misceatur. Fundit qui-
 dem minium, seu calx plumbi, sed & in vitrum quoque abit, & sili-
 cum fusionem promovet. Tingens materia sunt metalla, aut res metallica.
 Aurum rubrum promoveret, ferrum aureum colorem, crystalli
 aruginis viridem, magnesia calcinata colorem violaceum & dilutiorem;
 Azuli cæruleum; calx stanni opali colorem præbet.

VIII. Qua methodo hæc præparentur suè explicat D. Homberg, sed
 longum esset ire per singula, ac dosim cujusque gemmæ propriam definire.
 Res esset speculatione digna, nec inutilis: sed ipsa tabularia excutere, aut
 latinitate donare non suscepimus.

Cum gemmæ durescunt sunt faciendæ, plumbum, seu minium silicibus
 non admisceatur. Soda vice plumbi adhibetur, eaque aquâ calente bene
 purgata, & filtrata priusquam colores cum silicibus præparatis mis-
 ceantur.

IX. Ac ne à proposito longius abeamus, exemplum illustre nobis pro-
 posuit D. Homberg die 28 Martii de inauratione ferri, quam difficilli-
 mam experiuntur, qui inaurandis artis operibus incumbunt. Non enim
 aurum ferro applicari potest: rationem hujus antipathia repetit vir
 laudatus ex uberiore ferri sulphure. Cum enim aut folia ferro applicantur,
 quod sine ignis calore non fit, tum fumi subtilis & sulphurei è superficie
 ferri erumpentes inter ferrum, & auri folium interjecti obstant quominus
 auri folium illud proximè tangat: & tamen auri folia cupro vel argento
 inducta non alia ratione huic adhærescunt, quam quod immediatè tangant
 subiectum sibi metallum, ut fit in duobus marmoribus, quæ ob mutuam
 & proximum contactum sibi tenaciter coherent ex sola aëris gravitate.

ANN. 1696. Huic incommodo artifices ea ratione mederi coguntur : ferri superficiem gladio ad hanc rem idoneo variis in locis incidunt ; ac frequentes incisuræ & subtiles esse debent ; tum in calidioribus cineribus ferrum sic reponunt , ut levi rubedine linteam possit afficere ; scopis abigunt sordes. Primum auri folium , idque crassiusculum instrumento politoribus usitato , vulgò *Brunissoir* , sic applicant , ut intra incisuras subeat , horum cuspides extantes folium auri variis in locis pertundunt , quæ eodem instrumento depressæ , quasi totidem hamuli folium auri stringunt. Antequam auri folium ferro applicetur , hoc incallescere necesse est , tum ut expellat aëra intra incisuras inclusum ; secûs enim aurum subire non posset : tum etiam ut paululum dilatentur incisuræ , in quibus remittente calore aurum premittitur arc-
tius , & retinetur firmus.

Huic folia alia tenuiora deinceps apponuntur , ac sibi mutuò agglutinantur , quòd proximus sit & immediatus contactus. Quidam artifices ut labori parcant , & tempori , ferrum lima tantummodo præparant ; sed cum non satis altæ sint incisuræ ac pauciores sint velut *Barbulæ* , quæ folium auri stringunt , inauratio illa diutius non perstat.

CAPUT IV.

De Chymicis aliis laboribus.

I. **Q**Uæ diximus magna ex parte ad Chymicas operationes revocari possunt : nam Physica & Chymia tum natura , tum utilitate , & tractatione sunt conjunctæ maxime : cum tamen in plerisque vix ullus sit aut furnulis , aut distillationi , aut analysi locus , sed quædam tantummodo corporum affectiones in iis spectentur , ad naturalem scientiam videntur omnino pertinere : nunc quæ propria sunt arti Spagyricæ , quæque intra hujus anni decursum sunt agitata , breviter exequamur.

Hoc anno vertente stirpium analysis à D. Bourdelin eodem studio , quo antea , & eadem diligentia fuit continuata , de qua nihil necesse est sigillatim differere , cum in magno Academiæ opere de plantis præcipuæ analyses certa ratione ac methodo à D. Dodart digestæ contineantur. Ineunte hoc anno olea quædam plantarum per iteratas distillationes expurgavit , atque , ut loquuntur , rectificavit : 5 uncias olei 15 unciis cretæ albæ permiscuit , post cæto distillationes 5 unciæ olei ad duas cum una drachma redactæ sunt ; sales simul sumpti ad duas drachmas , & 45 grana. Aquæ omnes rectificatæ ad unciam cum semisse sunt redactæ , quæ cum spiritu salis effectibuerunt. In unaquaque distillatione oleum extractum eidem cretæ effuscatæ sociavit : Aqua in unaquaque distillatione educta sale volatili erat imprægnata.

Fuliginis quoque analysim semel & iterum perfecit. Quinque ejus libræ in tenuem pulverem comminutæ uncias liquoris undecim sale volatili factas , acidi tamen non expertes præbuerunt ; olei 12 uncias cum semisse , salis drachmas quinque.

II. D. Bouleduc de juniperi essentia sermonem habuit, ac subinde monuit cam parari cum granis juniperi confusis, & unâ cum floribus cerevisiæ fermentatis.

III. De vino & tartaro, ac potissimum de natura vini Hispanici mense Novembri dissertationem legit D. Charas, in qua primum illud notat uvarum succum vini naturam & affectiones ante fermentationem non adipisci. Fermentatione ipsa partes illius in magno posita motu liquidum corpus, nempe vinum procreant, idque à crassioribus seceritur, quæ interiorem vasis superficiem incrustant, & tartari nomen sibi vindicant. Et tamen utrumque illud corpus suis constat partibus tum activis, & volatilibus, sulphureis imprimis & acidis, tum aliis, quæ magis inertes cum sint, suos tamen habent usus: nam actuosas temperant, ac vino idoneam præbent formam. Ex justa partium inter se proportionem, ex cæli & soli natura præcipuæ vini dotes ducuntur.

Tartarum vini solidum, quod à vino secevit fermentatio, duplici constat sale, acido nempe, & volatili, quem acidus uberior fixum effecit. Hæc enim duo in tartaro dominantur; nonnihil phlegmatis, quod distillatione seceritur, perparum quoque inest olei, quod exit una cum phlegmate; terra demum non deest, quæ solutionibus, & filtrationibus ab aliis partibus separatur. Hæc duplicis corporis secretio, quæ fermentatione solâ perficitur, est Chymicæ operatio quædam naturalis: nec aliam postulat præparationem, quam succi expressionem, qui unâ cum scapis & pelliculis in cella vinaria suis vasis conditus fermentescit, & crassiorem materiam in lateribus vasis deponit: hujus materia & basis sunt feces, sic tamen ut partes magni usus in se contineant. Quæ vino accidunt mutationes, & corruptiones, ex partium minus apta proportionem, interdum ex uberiori salis acidici copia, sæpius ex aqua uberiore dimanant, nunquam fere ex parte spirituosâ, sulphureâ, & volatili, quæ cum sit incorrupta, reliquas partes à corruptione vindicat.

IV. Cum in Andalusia, seu Bætica prope fretum Gaditanum versaretur, anno 1683 circa mensem Decembrem, illud præter cætera observavit, vinum non in doliis, sed in magnis urnis asservari, quæ dolium seu modicum Parisinum continent: harum orificium ligneâ tabula negligenter operiunt, nec timent ne vapescat vinum. Quin & urnæ partes interiores nullo tartaro obducuntur: id enim in Hispania deest, atque à Gallia asportatur, quod uvæ Solis calore sunt magis digestæ & excoctæ, quam in aliis regionibus, quodque in iis est acidum, sic exaltetur, ut in spiritum sulphureum abeat majori aquæ parte exhalata. Quin & terrestrium partium minus inest, quod Solis æstus cuncta efficiat puriora, acidum omne à volatili separet, & partes omnes tam acutè cohæreant, ut aëri omnis intercludatur aditus. Unde & purior est in his vinis spiritus, quàm in iis quæ abundant tartaro.

Accedit illud etiam tetram in iis regionibus nitro abundare. Quod ipse Madritum iter faciens observavit: nam per vallem latè fuscâ transiens mense Maio hanc albam & quasi pruina opertam offendit, quam sapore, candore, perspicuitate verum esse nitrum comperit: vapores quippe ni-

ANN. trofi è terrâ sublatis, & noctu in aëre densari recidunt. Id vero est suspi-
1696. catus nitrū licet acidum, suis tamen spiculis retundere tartari feces, eas-
que volatiles efficere, antequam uvæ maturecant: unde in ardenti sui uno
hujus vini cyatho hausto cerebrum turbari sentit.

Ex occasione addit vina Hispanica, qua in Gallia, Anglia, & in vici-
nis regionibus vāneunt, ex insulis Canariis asportari, ubi succus uvarum
statim atque expressus est, excoquitur usque ad quartæ partis imminutio-
nem; vinum Malacense v. *De Malaga*, magis excoctum flavescere; vina
Hispanica extra regnum rarò asportari, quod vix incolis sufficiant.

C A P U T V.

De sale Ammoniaco.

I. **P**aucis post diebus D. Charas dissertationem de sale Ammoniaco re-
citavit ex scripto. Existimabat salem Ammoniacum qualem his in
locis habemus, componi ex una parte salis marini, dimidia parte fuliginis
in quinque urinæ partibus exsolutis, & filtratis. Humore exhalato massam
superstitem coctam in moles rotundas redigunt, quales Venetiis, vel An-
tuertpia asportari solent: utrum res ita se habeat valde ambigo: nam si bene
memini, D. Borel hanc salis Ammoniaci confectionem nequicquam tentavit:
utcumque ea res sit, fuliginem admiscet, in quâ præter salem volatilem
quædam inest salis fixi & acerrimi portio.

II. Id commune est salibus fixis ut acidus ad se rapiant, qui volati-
lium sunt quasi æquipondia. Quæ autem acida sunt potentiora, ea non
continuo sunt magis idonea, vix enim ab iis divelli possunt. Unde & sal
marinus ad salis Ammoniaci confectionem commode selectus est: nam
quod in eo est acidum, & reliquæ ejus substantiæ implicatur, cum novam
offendit materiam, cujus meatus suis aculeis sunt magis accommodati, ul-
tro in eos incurrit, & cito deserit volatile, cui erat sociatum.

III. Id vero palam est, salis fixi, ut tartari, aut nitri, aut similium
accessu volatiles sales ab acidis statim deferri, ut fixis locientur, ac sal
qui calci inest, tamen is facile dissipatur, ubi solus est, aut aquæ soli
admiscetur, cum tamen ille partem acidam salis marini offendit, quæ sa-
lem urinæ volatilem implicatum tenebat, tum salis fixi munus obit, & sa-
lem marinum sine suo excipit, idque efficit ut sal communis volatilem urinæ
salem dimittat, & in pristinam libertatem asserat.

Accedit illud quoque aquam, quæ sales fixos, & acidus diluit, am-
borum mutuam in se se actionem, & reactionem plurimum adjuvare,
eorum nexum arctius stringere, & libertatem salis volatilis procurare. Ac
demum iusta salis Ammoniaci compositio, solutio, & variæ ejus præpara-
tiones pendent ex salum fixorum, acidorum & volatiliū apta proportio-
ne, ut simul coeant & separantur.

IV. Uis constitutis cum sal Ammoniacus utroque sale constet, volatili
& acido simul conjunctis, & fixatis, ubi alterutro opus est, ii divelli

nequeunt, nisi utriusque communi nexu disrupto. Quod acidum est, & *Chy-* volatile velut captivum tenebat, statim illud dimittit, ut cum sale fixo, *mica.* aut cum substantia aliqua minerali societatem ineat; in iis quippe poros idoneos offendit, quibus suos aculeos infigat, unde ad fixa illa corpora confugiendum est, cum sal urinosus & volatilis, seu in forma florum, aut concreti salis, seu in forma liquoris est separandus. Nam sal acidus inita societate cum salibus fixis, aut cum minerali aliqua substantia dimittit saltem volatilem suis solum vinctulis.

V. Id utique probant variae tum florum, tum spiritus urinosi præparationes, quæ omnes ex hoc ducuntur principio, salis marini spicula in fixis salibus sic desigi, ut saltem volatilem deferant, & pars illius non minima in fundo vasis distillatione, aut sublimatione facta remaneret, nisi novus sal fixus, aut alia quædam substantia, quæ salis cuspidem excipiat, de novo adderetur, ut quod reliquum est salis volatilis, odore quidem minus urinoso, sed copioso tamen, & valdè penetranti ascendant.

VI. Quod si è salis tartari, & Ammoniaci æquis partibus simul permixtis spiritus aut flores urinosos prolicias distillatione facta quæ remanent in aqua dissolvantur, filtrentur, coagulentur, saltem illum dabunt, quo utebatur olim ut Febrisfugo Sylvius Del Boë. Quin etiam bene exsiccat & sublimatus in cucurbita terrea dabit flores candidos admodum penetrantes, & grati saporis, quem à parte acidâ salis marini mutuatur, & ab aliquâ parte acidi quod inest tartaro, quodque sal urinosus volatile fecit. In præparatione salis Ammoniaci, cum cautiones debite adhibentur, salis fixi aut calcis, aut hæmatitis, aut limaturæ vel scoræ ferri admixtio salis marini aculeos non destruit, imò ferri permixtio eos magis penetrantes efficit.

VII. Odor ille croci, qui in floribus salis Ammoniaci se prodit, ubi sublimantur cum lapide hæmatite (unde aromatis Philosophorum cognomen traxerunt) ex ferro aut lapide duci posset, si unius coloris haberetur ratio, sed cum sal Ammoniacus solutus in aqua, tum filtratus, & in vase terreo ac plumbato distillatus, sale in fundo superstito candido, cum ipsum odorem vasi ita impertiat, ut cum pluribus aliis decoctionibus vas idem interfvisset, & omnes eundem servarent odorem: hinc conjectari licet eum croci odorem à lapide hæmatite non proficisci, sed ab uno sale Ammoniacico.

Illud demum observare dignum videtur, quod accidit, ubi spiritus volatilis cum acido spiritu salis Ammoniaci permiscetur. Nam si lentè unum alteri affundas, licet ambo effervescent, phlegma tamen insipidum tantummodo attollitur, atque ambo spiritus simul conjuncti suo odore & sapore mulcantur, ille acido & pungente sapore, hic odore urinoso. Ubi humor ignis calore exhalavit, in fundo vasis sal marinus subsidit.

VIII. His quædam addere possumus ex præfatione laudata D. Tournefort decerpta, quæ ad plantarum analysim spectant. 1. Id observat saltem Ammoniacum in plantis ex sale volatili & urinoso deprehendi, idque maxime cum solutio calcis, aut oleum tartari admiscetur. Cum autem in plantis sal urinosus cum sale acido semper sit conjunctus, id existimat plan-

ANN. 1696. *ta* alicujus vim salī Ammoniaco, vel huic finitimo potius tribuendam, quàm spiritui volatili & puro: cum stirpes quæ salem volatilem & concrementum præbent, chartam cæruleam, seu heliotropii succo tinctam rubeo colore inficiant, quemadmodum sal ipse Ammoniacus.

2. Hunc salem in gypseis rudibus, & in terra è fornice cellæ vinariæ crassa post aquæ infusionem diversis rudibus lapidibus repetitam extrahi docet. Hæc enim aqua una cum oleo tartari, vel calcis solutione permixta odorem sulphureum emittit. Quin & calcis solutionem albam efficit, ubi sublimati corrosivi solutio addita est, uti fieri solet à sale Ammoniaco: Sale ramen alcali acido, & nitroso imprægnata est hæc infusio. Terra agri, aut horti aquam similimodo affusam iisdem salibus imprægnatam præbere, ex quibus id colligit naturalem quemdam terræ inesse salem, qui de nitroso, & marino, & Ammoniaco participat, vix ulla acidi præbet indicia.

3. In his terræ infusionibus plus inesse salis Ammoniaci arbitratur, quàm prima specie videatur, idque colligit ex odore illo urinoso qui se prodit, & ex colore candido quem solutioni calcis & sublimati impertit. In foliis uberior sæpe est sal ille Ammoniacus; radices & fructus acidum nitro ad se trahunt, oleum in seminibus uberius, phlegma per universam plantam diffunditur.

IX. Ac de salis Ammoniaci compositione, analysi, & usu satis multa: nunc de aliis operationibus Chymicis pressiori stylo agendum. Prima occurrit rudum veterum analysi à D. Bouleduc facta. Id quidem in mentem ejus venit, an forte spiritus nitri è vetustis rudibus extrahi posset. Cum enim in eo spiritu extrahendo opus sit aliquo intermedio, illud à naturâ ipsa conjunctum videtur: veteres itaque lapides gypseos inter rudera elegit: libræ 16 in pulverem contusæ leni igne exsiccatæ ad 12 libras redactæ, testacæ retortæ bene lutatæ, ut loquuntur, sunt impositæ; in reverberii furno conclusæ: levi ignis calore 12 uncie phlegmatis prorsus insipidi stillant; ubi vapores apparere, detracto phlegmate vas vitreum & Sphæricum aptavit, igne per gradus subjecto, ut in spiritu nitri eliciendo fieri solet, quamdiu vapores visi: vasis refrigeratis & apertis 7. ferè uncie spiritûs, à vulgari nullo modo discrepantis inventæ sunt.

Caput mortuum cum falsum videretur, pars ejus lixivio, filtratione, & exhalatione præmissis materiam falsam præbuit.

Ex hoc experimento non aliud quiddam colligitur, nisi id unum, quod ex vetustis rudibus salpetræ educi possit, cisi nullo pene fructu.

CAPUT VI.

De quibusdam aliis experimentis.

I. **D**ominus Homberg de quorundam vitrorum solutione in aquis liquoribus egit. Ac primum id observatum ab eo, nullum nobis præsto esse liquorem, qui vitrum commune dissolvat: & tamen sæpe accidere

cidere ut in phialis vitreis interiores parietes à liquore in iis contento in- *Chy-*
 numeris rimis incisi appareant, adeo ut amissa perspicuitate vel digitorum *mica.*
 levi pressione evadant friabiles: quin & liquor contentus interdum est aqua
 simplex, sapius est spiritus acidus, & causticus.

Duo tantum vitrorum genera huic destructioni sunt obnoxia; quæ sci-
 licet uberiore quàm par sit sale, aut metallo abundant. Vitro autem com-
 muni non plus salis admiscetur, quàm necesse sit ad illius fusionem; & sa-
 tis diu in igne fornacis permanet, ut sales ex æquo per totam vitri massam
 diffundantur: unde huic incommodo non subiacet, uti nec vitra colorata,
 in quibus perparum inest metallicæ materiæ.

Id quidem notum est, quo diutius vitri materia in catillo, aut olla de-
 tintur fusa, hoc vitrum esse magis pellucidum, dummodo non obstat vi-
 tro materia ob nativum colorem.

II. Id quoque est exploratum, arenam in igne non liquati nisi sa-
 lium fundentium ope, & quorundam salium copiâ vitri colorem, si quis
 sit, deleri: adeo ut crystallum rupeam interdum candore & specie super-
 ret: hinc fit ut artifices saepe tantam salium copiam apponant, ut parti-
 cula silicium, & arenarum pauciores sint, quàm ut sales omnes complecti
 possint, & regere; unde particula salis paulatim solvantur ex liquoris
 aq̃ui contactu, atque humore imbutæ intumescunt majorem quàm antea
 locum occupant, & vitri cellulas, quibus continentur, tandem dirumpunt.
 Sic aditum pirant humori extraneo, ita ut salina corpuscula retro & circum
 posita tangat; quousque ad calcinationem integram ventum sit; idque à
 liquore etiam insipido, imo ab humido aëre interdum proficiscitur.

III. Quæ vitra metallicâ materiâ abundant, ab acidis tantummodo li-
 quoribus, qui metallum exedunt, calcinantur: nam corpuscula metallica
 toto vitri corpore dispersa ex contactu dissolventium immediato soluta in-
 tumescunt eo quo diximus modo.

IV. Mense Aprili observationes aliquot circa vitrum antimonii non
 spernendas proposuit. Primum illud animadvertit vitrum antimonii more
 solito paratum inter emetica præcipuo loco censeretur. Quæ quidem vis emeti-
 ca non ex ipso stibio est repetenda: nam illud vomitum non ciet, sed ex
 ipsa oritur vitri præparatione, qua quibusdam partibus destructis, quæ reli-
 quæ sunt male coherentes, à succo ventriculi ita dissolvuntur ut membra-
 na interior ventriculi, his aculeis irritata ad eas convulsiones incitetur, quæ
 vomitum efficiunt.

Quandiu enim partes antimonii integræ perstant, arctius inter se colli-
 ganur, quàm ut divelli facile possint: sed quibusdam ejus partibus des-
 tructis, quæ reliquæ sunt, non eo quo prius ordine conjunctæ aditus præ-
 bent dissolventi liquori per eorum interstitia subcunt. Pars autem illa quæ
 ignis vi destruitur, est sulphuris acida portio, ita ut pars altera sulphuris
 pinguis & terrena cum sale fixo remaneat. Succus ventriculi saltem illum
 fixum solvit, ac menstruum fit, seu dissolvens partis illius sulphureæ &
 mutilatæ, quam pinguem esse diximus, imo & aliarum partium sulphuris:
 hinc convulsiones & vomitus oriuntur. Et quidem pars illa pinguis & salina
 potest à vitro separari, adeo ut vim omnem emeticam exuat.

ANN. 1696. Quò id præstaret, ita processit D. Homberg: spiritus acidi è quercu elicitu libram unà cum duabus unciiis vitri antimonii in pulverem comminuti posuit per 8 dies in digestionem; spiritus rubeum colorem induit, tum à vitro fuit separatus; vitrum exsiccatum iterum fudit, postquam id in pulverem redexit, novum affudit spiritum quercinum, una digerendum, idque repetitum est quinquies, dum spiritus quercinus nullum colorem amplius exhiberet. Vitrum adhuc fusum & vino infusum vi omni emetica erat destitutum; spiritus illi omnes tincti rubedine omnem aciditatem posuerant, priores vero dulces erant & adstringentes.

V. Illud admodum est verisimile rubedinem illam ex parte pinguiori sulphuris inflammabilis prodissè; salsum saporem è lixiviali sale & fixo hujus sulphuris oriri, qui cum acido sale spiritus quercini mistus tertium genus salis effecit, ut fieri solet, cum acidi sales fixis & lixivialibus admiscantur; dulcedo autem illa adstringens non aliud quiddam videtur esse quàm solutio partis metallicæ antimonii à spiritu acido profecta: quod in aliis videtur est metallis, quæ hic spiritus potest exsolvere.

Antimonii communi vitro vinum infusum vim acquirit emeticam, quod vinum stibii sulphur inflammabile ex parte dirutum effundat, & alias ejus solvat moleculas, quæ solutæ vomitum creant, ut diximus. Sed ubi partes illius sulphuris avolarunt à vitro, tum vinum his destitutum alias stibii partes non valet dissolvere, atque in postrema digestionem vinum idem manet quod antea omni vi emetica destitutum.

CAPUT VII.

De Botanicis & Anatomicis.

I. **P**roximum est ut de re herbaria perpauca dicamus: plantas complures D. D. Marchant, & Tournefort, cum earum descriptionibus ut annis superioribus protulerunt; quarum analysim D. Bourdelin exhibuit; ac tandem earum historiam certo ordine digestam, & varia eruditione ac critica illustratam in unoquoque congressu legit D. Dodart. Si quando stirpium usus idonea auctoritate munitus occurrit, is minimè fuit prætermisus. Eo quippe spectare naturæ debet inquisitio, ut ad hominum utilitatem referatur.

Exemplo sit opium ipsum è papavere expressum, de cujus usu tam variæ & multiplices fuerunt Medicorum sententiæ, non solum ob ætatis, sexus, temperamenti varietatem, sed etiam propter morborum causas tam multiplices, ut vix certum quid & exploratum constitui potuerit, sed incertis conjecturis subnixi vel præstantissimi Medici ejus usu ut periculoso inrerdixerint. Quid vero de hujus succi natura & usu sentiendum esset D. Charas non ex aliorum testimoniis, sed ex seipso & propriis experimentis edoceri voluit: cum esset bene constituto & sano corpore usque ad 6 & 12 grana opii sumere ausus est. Qua de re in sua pharmacopœa pluribus disseruit.

II. Ac nuperrimè cum diuturno morbo paucis ante obitum annis la-

boraret, cumque debilitatis viribus, & exhaustis spiritibus multum sudaret, ac pruritu importuno vexaretur, nulla corporis parte affecta, granum unum opii sumere singulis diebus statuit, quo quidem vires suas sustentari sensit, cum magna animi tranquillitate citra ullum affectum soporiferum. Atque ut continui sudores somnum fortè prohibuerint, postquam convalescit, eadem opii dosi uti non desit nullo inducto sopore. Illud vero imprimis animadvertit perinde esse quacumque hora opiumsumeret, eosdem semper esse ejus effectus; imo adstricta alvus non fuit, nec dejectus vini aut cibi appetitus, omnis febris expers. Ex prurigne quæ sudores excipiebat, conjectatus humores acres & corrosivos id morbi procreasse, quos natura per sudores excernebat, hunc naturæ motum sequi oportere judicavit.

III. Vix tamen uni opii grano tantam inesse vim censebat, ut noxios humores foras extruderet: tamen si diaphoreticum esse hoc opii sulphur crederet: sed postquam recuperata sanitate, & non interrupto opii usui sudores cessare advertit, non ab eo sudores excitari persuasum habuit. In ea quidem non erat sententia eosdem opii effectus in aliis quibusque hominibus productum iri, sed quid natura valeat in plerisque motibus efficiendis, qui videntur irregulares, & ab omni specie veri alieni, diligentius advertere non otiosum erit, aut inutile, nec opii usus adeo suspectus esse debet, ut plerique sibi persuadent.

IV. D. Tournesfort in præfatione laudata existimat ab opio aut produci, aut secerni in sanguine liquorem illum qui somnum conciliat: cumque dosis præbetur idonea, sic fundit sanguinem, ut rori illi benigno quo ligantur spiritus, procreando sufficiat. Quod si ultra quàm par sit, augeatur dosis, ferofus humor spirituum motum perturbat ac sæpe hinc soporosis prodeunt affectus.

Die 4. Julii D. Tournesfort cariophylla vino albo infusa exhibuit. Horum flores in formam rosarum sunt dispositi, fœtus formatur in calice, qui radioso tegumine unde prodeunt ramuli, induitur.

V. Cum de malignis febribus, quæ Aprili mense sæviebant, sermo haberetur, D. Bouleduc ait Rutam Saccharo conditam unum esse inter optima, quæ hos morbos avertunt, præsidia.

Ne illud quidem tacendum quod D. Marchant admonuit, cum analysi herbarum cujusdam quæ à G. Bauhino ornithopodium radice tuberosa appellatur, coram exhiberetur, Dalecampium testari se experientia edoctum hanc stirpem adversus calculum, aut renum sabulum optimum esse remedium.

VI. Cum etiam de gangliis, aut tuberculis, vulgo, *Loupes*, sermo haberetur, D. Galloys mulieri pauperi non ita pridem tuberculum in genu sanatum ait, mane & sero urinâ applicatâ, quæ diu cum sale communis ebullierat ad consistentiam mellis, atque intra sex hebdomadam spatium curationem esse factam. Cum etiam ageretur de distillatione in thoracem, D. Galloys se à Domino Regis accepisse ait, sanatum eum fuisse juseulorum è canceris usu, idque ex Malpighii consilio.

VII. Mense Febuario de perspiratione insensibili actum fuit à D. D. dart, ac de experimentis à Sanctorio per 30 annos hanc in rem factis: quæ cum Sanctorius sic proferat, quod si ætatis diversitas nihil asserat differ-

ANN. 1696. minis, hæc sibi aliquantulum suspecta, nec satis firma ad fidem faciendam videtur. Nam à 33 annis eadem experimenta usutrans id comperit, perspirationes senescente corpore minus copiosas esse, easque esse parciore, ubi cum iis, quæ per vias naturales excernimus, conferuntur. Qui enim eadem cibi quantitate vescitur, multo minus perspirat in senectute, quam in juventute, sed multo plus per excretiones sensibiles, & vias naturales emitit: quod utique de seipso expertus est in utroque statu. Idque rationi videtur consonum: nam ingravescente ætate pori densiores fiunt, & magis contrahuntur: tum verò calor natus in dies debilitatus non amplius suppeditat particulas adeo subtiles, quæ cæcos illos meatus penetrant. Hinc parciore est occulta transpiratio, atque uberior materia per vias naturales seceratur.

VIII. Paucis post diebus D. Mery duos musculos in avibus exhibuit, qui palpebram anteriorem ad majorem oculi angulum retrahunt: ex his unus à posteriori globi oculi parte suam ducens originem, interiori palpebræ inseritur ad partem inferiorem majoris anguli; alter musculus à parte posteriori orbitæ ortus, & per globum oculi ascendens inseritur interiori palpebræ supra majorem angulum.

Mense Januario in musculo quodam fibras carnosas & tendineas à se mutuo separatas ebullitione prævia ostendit, non secus atque epiderma seu cuticula à pelle divellitur. Id quoque in conspectum dedit è fibris tendineis quasdam formati vaginas, quæ separatim involvunt fasciculos carnearum fibrarum, ac subinde fibras cujusque vaginæ transversim secare, fibras carnosas.

IX. Hac occasione data suum de structura & motu muscutorum systema proposuit. De structurâ jam diximus, musculus nimirum esse partem corporis organicam, quæ ex multis fibrarum carnearum fasciculis constat, è quibus venter musculi constat: ab origine sua quæ caput appellatur, obliquè feruntur ad locum suæ insertionis, quæ cauda dici solet: eæ quidem sunt contractionis capaces, non ex seipsis, sed ex spirituum affluxu, quibus penetratæ inflantur.

Omnes illos fasciculos involvunt fibrillæ quædam elaterio præditæ, & transversim positæ, eæque quasi vaginulas efficiunt membranofas, quibus singuli fasciculi obvoluti ab aliis separantur. Eæ quidem fibrillæ elasticæ per se contrahi possunt, ex accidente tantummodo distenduntur, eæque indivulsè cum tendinum fibris per musculum sparsis coherent.


Tendines è fibrarum congerie coalescunt, quæ fibræ per totum musculi corpus in longum protensæ in utroque extremo colliguntur. Eæ quidem nec elaterio, nec contractione donatæ, ac ne extensionis quidem sunt capaces, nisi vis magna adhibeatur. A fibris carnis coctione ipsa divelluntur; magno quidem argumento cum iis non esse continuatas, ut vulgo creditur.

Postremo musculus suis donatur nervulis, per quos spiritus animales deferuntur, suis item arteriis, quæ sanguinem in venas transmittunt: partes illæ omnes membranis muniuntur, quibus alii ab aliis secerantur musculi.

X. Perspectâ musculi structurâ motus illius utcumque concipi, & ex *Ana-*
plicari potest. Ubi animal se ad partem aliquam movendam determinat, *tonica,*
spiritus in fibras carneas musculi mittit, quibus inflatâ statim contrahuntur,
& fibras tendineas caudâ adducunt, unâ cum parte corporis mobili
cui tendo est illigatus. Cum autem hæ fibræ intumescunt minus fiant obli-
quæ quàm antea, cum laxiores erant, spatiola inter eas interjecta non-
nihil augentur; neque ea replere possunt fibræ illæ carneæ etiam inflatæ
à spiritibus, ac proinde laxiores essent musculi, nisi fibræ carneæ à se in-
vicem divulsæ sanguinem ab arteriolis exciperent, qui vacua spatiola re-
pleret. Sanguis enim uberior ex arteriolis compressis exiens interjecta inter
fibras imp'et spatia, eo majore nisu, quò aër unâ cum sanguine permistus
majorem affectat dilatationem, ubi ex angustiori loco in ampliorem migrat.
Quare motus musculorum non tantum à spiritibus pendet, sed etiam à san-
guine & aëre, quibus illi intumescunt.

XI. Quòd si igitur spiritus animales in eos ferantur musculos, quibus
brachium flectitur, tum ii contracti flectunt brachium, & secum trahunt
eos musculos quibus brachium extenditur. Idque fit duplicem ob rationem,
primum enim fibræ transversæ & elasticæ, quæque corpus musculi flecten-
tis pervadunt, obistere non possunt tensioni quam spiritus, aër & sanguis
efficiunt in fibris carneis, illæ adeo producuntur, & sunt obliquiores
quàm antea, dum erant laxiores. Deinde pauciores spiritus in musculos
extensores illabuntur, quantum sufficit eorum vitæ: neque adeo satis ha-
bent virium, ut motui flectentium musculorum resistent. Sed ubi cessant
spiritus in musculos flexores brachii illabi, atque in extensores feruntur,
tum his contractis alij laxantur. Horum enim fibræ elasticæ vim spirituum,
quæ carneas fibras inflabant, non amplius sentiunt, & contractiores factæ
spiritus animales poris fibrarum carnearum inclusos expellunt. Dum car-
neas ante divulsas propius adducunt, sanguinem adeo & aëra ex spatiis
interjectis in venas remeare cogunt, atque ita musculos in naturalem statum
restituunt: secus ab antagonistis contractis produci, aut distendi non
possent.

XII. Ex quibus palam est triplicem motum in musculis distingui oportere.
Primus est voluntarius, qui contractionis dicitur, quique ex spirituum
affluxu proficiscitur, & ex animæ nutu pendet. Secundus est naturalis,
cum fibræ carneæ relaxantur, idque earum fibrarum ope, quæ sunt clate-
rio donatæ, quæque fibras carneas constingunt citra violentiam ullam.
Tertius musculi motus est quodammodo violentus, cum ab antagonista
suo distenditur: nam musculus omnis ab antagonista contracto extenditur.
Ista quidem magnam præ se ferunt probabilitatem; neque aliud quæri de-
bet in re admodum obscura, qualis est motus musculorum: structura vero
eorum magis est explorata.



SECTIO OCTAVA.

De rebus Mathematicis.

A Physica ad mathesim commodus erit transitus per Astronomiam, quæ ex utraque videtur constare, quæque hoc anno imprimis ex-culta fuit; ab iis quæ magis sunt ex usu, ducamus exordium.

CAPUT PRIMUM.

De Astronomicis.

I. **D** Ominus Cassinus redux ex Italia quas in itinere fecit observatio-
1:17
nes, & eas imprimis quæ ad præcipuarum nubium, per quas iter fecit, longitudines spectant, coram exposuit. Ac præter cætera animadver-siones suas in canonem Paschalem Hyppoliti Portuensis Episcopi sub finem Aprilis è scripto recitavit.

Inter monumenta quibus Bibliotheca Vaticana exornatur, illud insigne est, marmorea statua S. Hyppoliti Martyris in cathedra sedentis, prope cathedram ejus operum catalogus & Canon Paschalis Græcis litteris exa-rati leguntur. Nulla ejus Canonis extabat ante memoria, nisi in quibusdam autoribus, cum è ruderibus cujusdam oratorii hæc S. Hyppolyti statua eruta fuit, & in Bibliotheca Vaticana collocata studio Cardinalis Corvini, qui postea summus fuit Pontifex Marcelli II. nomine. Hujus Canonis epocham & illius cum aliis magis celebratis, necnon cum tabulis Astrono-micis collationem, ac methodo nunc usurpata post Gregorii XIII. cor-rectionem D. Cassinus intento animo est contemplatus.

II. Hic Canon in duas est divisus partes: quæ ad dextram Cathedræ posita est, Lunas decimas quartas & Paschales Cycli 16 annorum conti-net, cum diebus mensium Martii & Aprilis quibus eæ contingunt: ferias quoque indicant & dies hebdomadæ, quibus in diversis Cyclis inciderunt. Variatio omnis intra 66 annos absolvitur: etsi tabula ad 112 annos con-tinuat. Altera tabula quæ ad sinistram est collocata, dies Paschatis cu-jusque anni complectitur. Priori tabulæ hic est titulus, ut à Patre Bucherio Latine translatæ fuit.

1:18
Anno primo Imperii Alexandri Imperatoris facta est decima quarta paschalis idibus Aprilis, Sabbato, cum mensis Embolismus fuisset: sequentibus annis continget, sicut in tabula subiectum est, in præteritis autem evenit, sicut in-dicatum est.

III. Ex iis colligitur eam tabulam eodem anno qui primus fuit Ale-xandri post 14 Lunam Paschalem fuisse conditam: eaque quam posuit

accurate, ut ferebant ea tempora, fuit definita. Unde inter omnes pene *Astro-*
Chronologos jam constat annum primum Alexandri Severi incidere in an- *nomica*
num 222 à nativitate Christi, etsi plerique Chronologistæ ad annum Christi
224 eum annum produxerint. Nam Idus Aprilis, seu dies 13 hujus mensis
tunc die Sabbati non inciderunt nisi annis 216, 222, & 231. Atque hoc
ipso anno 222 media Lunæ cum Sole conjunctio die 30 Martii, nempe 14
diebus ante diem 13 Aprilis contigit. Quamobrem dies ille merito pro die
14 Lunæ sumi potuit, quæ juxta Canonem S. Hyppoliti non potuit alia
die Sabbati, & die 13 Aprilis occurrere, nisi 56 annis vel ante, vel post hunc
annum. Itaque annus Christi 222 idem fuit primus Alexandri Imperatoris, &
primus Cycli S. Hyppoliti.

IV. Neque Epocham tum aptior Calendario Romano seligi potuit: Nam
primus dies anni 222 idem fuit primus Lunæ, seu primus post mediam
conjunctionem Lunæ cum Sole, quæ pridie contigerat. Atque hinc nu-
merando menses Lunares alternatim plenos 30, & cavi 29 dierum, con-
junctiones sequentes occurrunt, 30 Januarii, 28 Februarii, & 30 Martii.
Sic primus dies Martii, idem quoque fuit primus Lunæ, quod Epochæ
calculus præberet percommodum, ut sequentes lunationes facile determina-
ri possint ex tabulis Astronomicis. Die 28 Februarii una hora ante meri-
diem & 7 minutis Romæ contigit. Quæ Epochæ non minus apta est Ca-
lendario Romano, quàm ea quæ à Julio Cæsare selecta est anno 44 ante Epo-
cham Christi. Quando annum Romanum, qui erat Luni-Solaris, ad Sola-
rem simplicem redegit, eumque diebus 365 $\frac{1}{4}$ constituit. Primum annum à
solstitio Hyemali numerate potuisset, unde sequentes anni incæpissent: sed
maluit Cæsar primum annum ducere à media Lunæ cum Sole conjunctio-
ne, ut ex hac Epochæ dies Lunæ, quibus consequentes anni inciperent,
faciliter haberentur. Inter Epocham Julii Cæsaris anno 44 ante Christum
& Epocham S. Hyppoliti, quæ 222 post Christum accidit, intercedunt
266 anni, quorum primus fuit Bissextilis, postremus à Bissextili secun-
dus. Ex tabulis Astronomicis liquebit novi-Lunia anni 227 post Christum
prævertere novi-Lunia anni 44 ante Christum, qui vulgo habetur 45,
octo horis, & 21 minutis.

V. Est igitur magna quædam periodus inter Epocham Julii Cæsaris &
Epocham S. Hyppoliti, eaque est 266 annorum. Hæc constat 14 periodis
19 annorum, seu tribus periodis Calippi, quarum singulæ sunt 76 anno-
rum, eæque 19 annos bissextiles continent. Periodus quidem 19 annorum,
quæ novilunia ad eisdem dies anni Soloris revocat, quæque Methoni
Atheniensi tribui solet, longe ante ea tempora rota fuit, neque adeo erat
sancto præfati incognita, etsi ea est multo accuratior: unde illius tantum-
modo meminit. Quod enim ait in ipso titulo quarti Paschatis: *In præteritis
autem evenit, sicut indicatum est*, magno id est argumento eum Cyclum jam
ante in usu fuisse: id enim evenire non potuit, nisi hoc Cyclo, vel alio
eiusdem rationis usurpato.

Reliqua omittimus ubi priorem tabulam S. Hyppoliti ad calculum re-
vocat, & inito calculo ostendit methodum Gregorianam cum veterum me-
thodo in hoc convenire, quod in utraque primus dies Lunæ censeatur non

ANN conjunctionis mediæ, sed diei proxime sequentis, idque ex usu veterum, qui 1696. à prima Lunæ phasi dies mensis Lunarum numerant.

In posteriori tabula festa Paschatis designantur, ac semper Pascha die Dominica celebratur, qui vetustissimus est Ecclesiæ ritus a Pio I. & Victore acriter propugnatus, ut à decessoribus suis constanti observatus in memoriam Resurrectionis Dominicæ.

Cum dies 14 Lunæ incidit in Sabbatum, Pascha non die insequenti, qui est 15 Lunæ, sed in alteram diem Dominicam diserebatur, quod nolent eo die Pascha celebrare, quo crucifixus est Dominus: id vero nunc temporis non obtinet. Alexandrini Episcopi Paschatis diem post Nicænum Concilium determinare soliti, quoddam Astronomiæ studium Alexandria florere, Cyclos Paschales condiderunt.

VI. Post S. Hyppolium alter Cyclus 84 annorum priori 16 annorum fuit substitutus. Hujus Cycli veram Epocham ad annum Christi 298 refert Eminentiss. Cardinalis Noris ex vetusto exemplari, quod publici juris fecit. Ab Epochâ S. Hyppoliti distat 76 annis, quæ est Calippi periodus; ab Epochâ Julii Cæsaris distat 18 cyclorum decem-novalium numero: adeo ut inter cyclum Julii Cæsaris, S. Hyppoliti, & periodi 84 annorum sit quædam connexio. In hac postrema Epochâ novi-Luniam non anticipant habita ratione Epochæ S. Hyppoliti nisi 5 hor. 50 min. quibus dies non variatur, adeo ut 13 Aprilis sit idem 14 Lunæ, ut in tabula Cardinalis Noris videre est, ubi 17 Aprilis dies Paschatis est 18 Lunæ.

VII. Triplici huic Epochæ quatuor addi posse existimat D. Cassinus, quæ est anni 32 Epochæ Christi, seu primi ab ejus Resurrectione. Hoc enim anno media Lunæ conjunctio incidit in primum diem Januarii, in meridie Romæ habita ratione. Ab Epochâ Julii Cæsaris distat intervallo periodi Calippicæ, atque hæc Epochâ uti solet D. Cassinus in Computis Chronologicis.

VIII. Hoc argumentum prosecutus est die 21 Julii, ubi annotavit errorem Scaligeri in Commentario quem edidit anno 1595 in Canonem Paschalem, & correxit in editione alterius anni 1598. Ex eo error Scaligeri ortus fuerat, quod non advertisset Ecclesiam Latinam olim non celebrasse Pascha die 15 Lunæ, cum incidebat in diem Dominicum. Eandem adhibet correctionem, quoties in tabula S. Hyppoliti Pascha occurrit die 22 Aprilis loco 15 quando fuit dies Dominicus. Sed in altera editione anni 1698 suum ipse agnovit errorem, ac verba Victorini subinde refert, qui hæc habet. *Sin autem die Sabbati plenilunium esse contingeret, & consequenti Dominico Luna Decima quinta reperiri, eadem hebdomada transmissa in alterum diem Dominicum, idest, Lunam vicesimam secundam transferri debere Pascha dixerunt.* His allatis Victorini verbis ita concludit Scaliger: *ergo cognitionem hujus vetustæ rei Hyppolito nostro uni acceptam referimus.* Deinde correctis erroribus, quos ipse in priori editione in tabulam S. Hyppoliti induxerat, hæc addit: *pulcherrimum igitur est hoc sancta vetustatis pignus, in quo operam non lusimus, cum ex illa didicerimus, quæ alimur non poteramus.* Tum Gregorii Turonensis locum profert, ex quo manifestè colligitur hanc consuetudinem transferendi Pascha à die Dominico 15 Lunæ

ad diem 22 Lunæ adhuc anno 588 in Ecclesia Latina viguisse. Quæ translatio Paschatis in Cyclo 84 annorum se prodit, ubi undecies intra illud annorum spatium festum Paschatis transfertur : sed de his jam satis, plura fortasse in suo Calendario olim dabit D. Cassinus. *Astro-romica*

Die 11 Augusti Calendarium in lamina argentea utrimque insculptum exhibuit, quo dies cujusque hebdomadæ, die proposito cujusque anni Juliani & Gregoriani invenitur. Quod Calendarium faciendum jussit rogatus à quibusdam nobilibus Anglis.

CAPUT II.

De solstitio Hiemali.

I. **D**Uæ hoc anno contigerunt Lunæ eclipses, prior die 16 Maii, secunda die 9 Novembris. D. Cassini filius die 16 Junii varias è diversis locis missas observationes ejusdem eclipsidis protulit, & inter alias P. Fontanæ Theatini ab Eminent. Cardinali Jansonio missas, & eo coram factas.

Die 9. Novembris altera contigit Lunæ eclipsidis, quæ Lutetiæ videri non potuit, quod cælum esset nubibus obductum, sed observationes factæ Avenione & Rupellæ lectæ sunt à D. D. Cassino & De la Hire, quæ collatæ cum calculo D. Le Fèvre cum eo ita consentiunt, ut medium eclipsidis Rupellæ observatæ uno tantum horæ minuto à prædicto calculo dissideat.

II. Die 22 Decembris observationes suas circa Hiemale solstitium peractas recitavit D. Cassinus. Sol quidem tum temporis maxima planetarum parte erat comitatus : nam omnes fere planetæ signa Tropico proximi post Solem tenuerunt, non simul, sed alii aliis succedentes. Jam ante biennium Saturnus signum Capricorni occupabat, ex quo exeunte Januario anni consequentis egressurus erat post suam cum Sole conjunctionem. Venus die 28 Novembris idem signum ingressa, ibi cum Marte conjuncta est in longitudine die 9 Decembris, cum Saturno die 19 ejusdem mensis, atque hoc ipso die 22 Decembris hinc egressa.

Mercurius eodem mense Decembri Solem comitatus est in signo Sagittarii, quod ingressus die 11, cum Luna conjungendus die 23, die 1 Januarii hoc signum deserturus.

Luna post illam cum Mercurio conjunctionem Soli die 24 socianda, cum Saturno, Marte, & Venere die 26 copulanda, sed ob latitudinem borealem hos planetas non teget : Solus Jupiter ab iis syzygiis remotus manet in signo Libræ ; planetæ reliqui omnes in hac Luna solstitiali minus quam unius signi spatio remouentur.

Annales Sinenfes à P. Martini relati concursus 5 planetarum in eodem signo meminerunt : sed D. Cassini in dissertatione peculiari, quam vir Nobiliss. & Doctiss. D. De la Loubere publici juris fecit in relatione sua de regno Siamensi, demonstravit id accidere non potuisse, nisi quingentis annis post tempus quod huic observationi tribuitur juxta eam methodum, qua ad nostram refertur epocham.

ANN.
1696.

III. Omnem diligentiam ac studium adhibuit D. Cassinus, ut quam fieri posset, plurima ex his phænomenis tempore minus commodo observaret: nam cælum ante mensem persæpe nubibus obductum obstabat. In id potissimum incubuit, ut planetarum conjunctiones in eodem parallelo deprehenderet, quæ observationes sunt certiores & clariore, quod planetarum temporis quotidiana sua revolutione per aperturam tubi optici ad primam stellam illac transeuntem directi, & in eodem situ immobilis in conspectum veniant.

Singulas observationes commemorat D. Cassinus, primam Martis & Veneris die 25 Novembris. Atque hinc differentiam inter Ascensiones rectas utriusque planetæ eruit 7 grad. 25: sed Mars versus Austrum magis declinabat, quam Venus: unde conclusum ab eo fuit fore ut per Veneris parallelum transiret matutino tempore, die proximo sequenti: sed eo die cælum omnino nubilum fuit, ac Barometrum simplex, quod tempore observationis ad 27 dig. & 8 lin. altitudinem ascenderat, eo die tanta celeritate descendit, ut digiti latitudinem intra sesqui-diem percurreret, idque tantummodo altum foret 26 dig. & 8 lin. Quæ in loco observatorii est minima fere hydrargyri altitudo: nec tamen ulla in aëre facta est mutatio sensibilis.

IV. Nocte incunte per sudum tempus utrumque planetam licuit observare, atque ita per complures dies eorum situs & loca explorans, & comparatione facta inter observationes dierum 7 & 12 Decembris comperit Veneris Ascensionem rectam intra 5 dierum spatium antevertere Ascensionem Martis 10 min. 24 sec. ita ut unoquoque die 2 min. 4 sec. variaret Ascensio, atque omnibus rationibus ritè subductis invenit die 9 Decembris hor. 18 $\frac{1}{4}$ conjunctionem Martis & Veneris contigissè.

V. Sic die 21 Decembris postridie solstitii, cum mane serenum esset cælum, visus est Mercurius major solito, & plane rotundus, tamen fal-catus apparere debuisset, cum inferiorem sui circuli partem occuparet, idque vaporibus circa horizontem fufis tribuendum existimat D. Cassinus. Tubo optico 5 pedum suis filis instructo differentia Ascensionis rectæ Solis & Mercurii sumpta, tubo in eodem situ relicto, dum sol per eundem circulum horatium transiret, quæ differentia inventa est unius horæ 13 min. 52 sec. paulo major quam tabulæ Ephemeridum Argoli exhibeant, & propior calculo Ephemeridum Merjavachy, quæ hac in re multo sunt accuratiores.

VI. Incunte hoc anno D. Maraldi dissertationem è scripto recitavit de variis mutationibus, quæ circa magnitudinem stellarum apparentem acciderunt juxta veterum Astronomorum observationes.

D. Cassinus die 23 Junii observationes suas legit circa transitum Martis per Jovis parallelum. Idem die 1 Septembris scriptum legit de duabus fasciis, iisque non antea visis, quas in Saturni globo detexit.

VII. D. Chazelles observationes à se factas annis 1693 & 94 in variis matis Mediterranci locis, quod jussu Regis Christianissimi observando peragravit, cum Academia, cui jam antea ascriptus fuerat, communicavit, ex quibus urbium aliquot longitudes & latitudes eruit primum

Melitam se contulit, de cujus longitudine & latitudine jam supra diximus. *Astro-*
Ex Insula Melitensi in Cyprum profectus Larnæ die 29 Decembris la- *nomica*
titudinem invenit 34 gr. 54 min. 54 sec.

Alexandriam deinde Syriæ, vulgo *Alexandrette* petiit, ubi Solis & Lunæ, ac stellarum quasdam Meridianas cepit altitudines à die 8 Januarii 1694 ad diem 28. Primi satellitis immersiones & emersiones aliquot designavit, nec non pyxidis nauticæ variationem 14, 30 in eandem mundi partes. Die 8 & 9 Martii latitudinem Damietæ reperit 31, 21; variationem pyxidis 12, 30 inter Boream & Zephyrum, ut alias omnes.

VIII. Cæiri à 19 Martii ad 8 Aprilis usque complures fecit observationes circa Solis, Lunæ, stellarum altitudines Meridianas, emersiones primi satellitis, conjunctionem secundi & quarti, & eorum à Jove distantiam. Ex emersione die 1 Aprilis Cæiri visâ & ad calculum redactâ differentia longitudinum inter Cæirum & Lutetiam 1 h. 58, 9. Ex emersione Cæiri die 8 observata est itidem 1 hor. 58, 10.

Collatis altitudinibus Meridianis stellæ Polaris, & extremæ caudæ magnæ Ursæ, cum aliis spicæ virginis, & Syrii, altitudo Poli inventa est Cæiri 30 grad. 2 min. 20 sec.

IX. Circa longitudinem penduli hæc quoque sunt comperta ex observationibus altitudinum Solis inter se collatis. Horologium retardari solium 3 min. & 4 secundis, singulis diebus, cum 19 tantummodo secundis tardius recurrere deberet, hinc sequitur illud 2 min. 45 tardius quam medius Solis motus exigat, incedere. Itaque globulum cupreum diametri unius digiti suspendit filamento arundineo, eique exsiccato, nec contorto, quique adeo globi pondere non produceretur, expertus est filum vel unius capilli latitudine auctum, aut imminutum in vibrationibus penduli simplicissimi intra 8 aut 10 minuta temporis unius secundi minuti differentiam inducere.

Cum igitur pendulum simplex ita esset compositum, ut intra 24 horas præverteret horologium 2 min. 46 secun. & cum medio motu Solis conveniret, inter punctum suspensionis, & supremam partem globi cuprei distantiam dimetiens invenit quarta lineæ parte breviorē quam Lutetiæ.

X. Acus Magneticæ variatio inventa est 12 gr. 15 m. Pyramides ipsas invisit, & omnium maximæ verticem conscendit: prope hanc est alia paulò minor, & aliquantò longius sunt alia tres in eadem linea constitutæ ab ortu in occasum dispositæ; latera cujusque Pyramidis à Borea in Austrum directæ, quod utique lineam Meridianam prorsus esse immotam evincit. Nam Pyramides multis sæculis ante pyxidis nauticæ inventionem erectæ, sic disponi aliter non potuerunt, quam per observationes Astronomicas ab iis erroribus immunes, quas acus magnetica inducit.

Unum è lateribus basis funiculo dimetiens invenit 650 pedum; à summo vertice ad angulum basis 640: sed altitudini defunt 4 aut quinque hexapede, & latus subjectæ basis in solo inæquali, & in medio se attollente fuit dimensum; altitudo ad 600 pedes exigi potest: basis quatuor fuit facies, seu 4 triangula æquilatera.

Itaque superficies basis erit 12100 hexaped. & solidum Pyramidis 313550 hexap. cubicarum,

ANN. 1596. X I. Alexandria à 17 Aprilis usque ad 3 Junii omne genus observationum fecit. Ex variis emersionibus primi satellitis cum Parisiensi calculo collatis, constanter invenit differentiam longitudinum 1. hor. 51 m. & aliquot secund.

Dardanellis latitudo, 40, 10.

Constantinopoli à sexto die Septembris ad finem usque Octobris in Francia Palatio observationes omnis generis fecit, differentiam longitudinum inter Constantinopolim & Lutetiam ex immersione primi satellitis die 24 hor. 2, 19, invenit h. 1 46, 14, die 21 altitudo Solis inventa 49, 48, 35, acus magneticæ variatio 12 grad.

CAPUT III.

De Geometricis.

I. **Q**Uæ Matheseos sunt puræ, cujusmodi sunt Geometrica, Arithmetica, & Algebraica, quæque sunt Matheseos cum Physica permixta, Mechanica nimirum, Hydrostatica, Optica hoc vertente anno agitata, & pertractata diligenter exscribere si liberet, iusto volumine opus esset. Itaque satis nobis fuerit summa eorum capita decurrere, quæ in scriniis Academicæ asservantur.

Ineunte hoc anno nempe die 26 Januarii D. De la Hire quadraturam conchoïdis circuli tum integram, tum etiam per partes delineatam & demonstratam exhibuit, uti & cochleæ, seu limacis figuram, quam D. Paschal olim proposuerat, cujus tangentes Dominus De Roberval methodo sua usitata per motus compositos tradidit p. 88. collectionum Mathematicarum, quas D. De la Hire edidit. In hujus, inquam, figuræ descriptione, quæ species quædam est spiralis, D. De Roberval ait eam, quæ huic figuræ descriptibundæ adhibetur regulam aut mensuram, minorem esse oportere diametro circuli generantis, quæque illi ut basis substernitur.

Hæc erat conditio huic figuræ necessaria, quæ si desit, ubique per omnia circuli generantis puncta non aliud quàm dimidiata revolutio formabitur, quòd cum cochleæ aut limacis nomine à D. Paschal huic figuræ indito, & ejus usu, cui erat destinata, non conveniret. Sed neque id obijci potest, D. De Roberval limacis tantummodo quadraturam demonstrasse, neque aliud quiddam præter Conchoïdem circuli, cujus regula aut mensura minor sit diametro circuli generantis, ab eo spectatum fuisse: quandoquidem ejus methodus non solum ad omne genus conchoïdis circuli, sed etiam ad reliqua omnia æquè pertinet.

Is quippe in Tractatu *De Indivisibilibus*, qui in iisdem Collectionibus fuit vulgatus p. 198 methodum tradit, qua spatia omnium conchoïdum quadrantur, atque ibi circuli conchoïdes exponuntur, nulla quidem limacis facta mentione, sed nullam adhibet restrictionem. Nam quæ ab eo usurpatur methodus quadrandi, omni generi conchoïdum circuli convenit.

Quadraturam verò spatii hujus lineæ, cujusunque sit naturæ, invenit D. De la Hire eo ipso tempore quo hæ Collectiones typis mandabantur. Hanc utique non solum ad omnes ejus generis conchoïdas integras, sed etiam ad omnia earum segmenta, & ad innumeras alias lineas ejusdem speciei pertinere faciliè intelligitur.

I I. Longo post tempore, nempe mense Augusto, novum quoddam genus spiralis lineæ certis conditionibus adjunctis proposuit D. Sauveur, cujus descriptionem, quadraturam, tangentes D. Varignon paulo post demonstravit.

III. Die 14 Julii D. De Lagny novam Hyperboles quadraturam proposuit, & die 21 ejusdem mensis animadversiones suas in quadraturam Hyperboles à D. Mercatore traditam legit, quam paucis post diebus propugnavit D. De la Hire. Idem D. De Lagny 11 Novembris Tractatum *De Angulo solido* legit.

IV. D. De Varignon Cartesii ovales figurâs ex ipsius methodo demonstravit, tum per analysim, tum citra analysim. Idem ineunte Februarii illius curvæ, quam cymba per canalem tracta describit, naturam exposuit cum superficie & soliditate corporis hanc lineam describentis, cum circum suam Asymptoton vertitur.

V. Eodem die animadversiones in signa radicalia proposuit D. Rolle, quorû dimensiones ad summum habere debeant æquationes à signis suis liberatæ.

Die decimo Martii observationes quoque suas in æquationes quarti gradus proposuit, ubi ostendit æquationem propositam esse solidam, ubi reducta nulla est radix rationalis, atque hac de re regulas datas esse mutilas & imperfectas.

VI. Cum analysi quantitatû, quæ in infinitum parvæ concipiuntur, ab Illustri Marchione nuper editæ Geometrarum ingenia plurimum exerceret, D. Sauveur die 23 Junii demonstrationem linearum proposuit calculi, quem differentialem vocant, in multiplicatione & divisione quantitatû.

VII. Die 7 Aprilis D. Rolle demonstrationes suas Geometricas exposuit, quibus methodum à D. Slusio traditam minùs sufficere invenientis locis vel simplicioribus existimat.

VIII. Die 12 Maii Illustriss. Abbas D. Bignon misit ad Academiam novam methodum. D. De Lagny, qui tum Lugduni versabatur, quæ problemata indeterminata resolvuntur in numeros integros in simplicibus, duplicibus, triplicibus &c. æquationibus primi, secundi, tertii &c. gradûs.

In eo quidem scripto illud advertit veteres noluisse in problematibus numericis analyses irrationales admittere, quod numeros irrationales ut veros numeros non agnovissent. Nullam eorum mentionem facit Euclides I. 7, 8 & 9 Elementorum: decimo quidem Libro lineæ tantum rectorum & quadratorum irrationales, non numeri continentur. Existimavit ille quidem hanc unam esse naturalem & accuratam incommensurabiles rationes considerandi viam, in qua quidem eum errasse putat D. De Lagny, cum lineæ oculis tantummodo exponantur, atque ut earum propor-

ANN. 1696. tiones perspectæ habeantur, ad numeros omnino sit confugiendum, qui intelligibili modo omnium quantitatum inter se rationes exprimunt, cum sunt rationales aut commensurabiles: cum autem sunt irrationales, nec communem habent mensuram, numeri irrationales, & Logarithmetici easdem rationes, & habitudines exprimunt inodo, quantum fieri potest intelligibili; cui tamen inest quædam indefinita obscuritas: etsi hæc in infinitum minuitur, dum integri numeri substituuntur, qui magis ac magis accedunt ad numerorum irrationalem summam, seu excessu, seu defectu nonnihil aberrent, neque eos unquam æquare possint.

Quin etiam Euclides ipse fractiones rationales pro veris numeris non habuit, quæque ab eo Libro septimo affertur numeri definitio, his non magis convenit, quam irrationabilibus: nec sane abstracta fractio primo intuitu considerari potest, cum unitas intelligibilis eadem sit indivisa.

Diophantus qui solutiones omnes irrationales rejicit, integris & fractionibus ubique utitur, quæque proponit problemata, eadem sunt primi gradus, eaque aut indefinita, aut certis conditionibus adstricta, quibus rationalia penitus afficiuntur. Una superest difficultas in iis, quæ cum sint indeterminata, ad irrationalia naturaliter recidunt: atque in hoc omnis industria posita est, ut inæqualitas ita formetur, ut inter infinitas solutiones tum rationales, tum irrationales illæ necessarîo reperiantur. Nisi hæc adhibeatur restrictio, problemata soluta difficillima erunt adeo facilia, ut quæ proponantur, indigna prorsus videri possint.

Nec immerito numeri rationales aliis præferuntur: nam quæ perfectè & accuratè percipit animus, eum majori oblectatione complent, quam quæ imperfectè tantummodo & obscurè percipi possunt.

Diophantus & alii Veteres negativas solutiones non agnoverunt, eaque videntur penitus abjiciendæ, cum earum ope positivæ inveniri nequeunt. Tum vero problema est solutu impossibile, quæque afferuntur solutiones negativæ, eadem sunt positivæ alterius problematis consimilis signa permutando. Varios perfectionis gradus in solutione problematis numerici & indefiniti ad quatuor revocat. Primus est ut numeris rationalibus contineatur. 2. Ut numeri sint positivi. 3. ut sint integri. 4. denique ut sint universales, ita ut numeros omnes, qui proposito problemati satisfaciunt, comprehendant.

Hæc utique variis illustrat exemplis, quæ omittimus. Jam decimo die Martii Lugduno miserat duplicem quadraturam analyticam circuli integri, ut cuiusque sectoris & segmenti dati.

IX. D. Sauveur die Junii 30 regulam circa potentias generalem demonstravit, seu illæ sint perfectæ, seu imperfectæ, eaque ad calculum differentialem pertinet.

X. D. Varignon die 14 Aprilis Methodum legit & demonstravit, quæ potentiarum summa seu valor invenitur, quarum exponentia sunt ignota: ita ut exponentia illa explorata habeantur cum potentiis, quæ exponendis sunt affecta.

XI. D. Sauveur Die 5 Maii lineæ Logarithmicæ demonstrationem attulit, quam regulis fœneratiis applicat.

Idem 7 Julii regulam aliam proposuit inveniendæ summæ potentiarum *Geom.* in progressionē Arithmetica, in qua numerus est infinitus. Hæc summam decurrimus, inventa ipsa, aut excogitata referre contenti non omisiss dicbus & mensibus, quibus sunt proposita: nam demonstrationes in Tabulariis Academiæ asservantur, ex quibus cum opus fuerit, deproinentur.

XII. D. Couplet die 24 Martii artem exposuit, qua tubus telescopii 100 pedum rectus permaneat, idque faciliè & citò ad quamvis rem objectam dirigatur, ac si longitudini ejus nonnulli insint defectus, statim afferatur remedium. Scriptum illud legit, ac figuras omnes delineavit, quæ Academiæ probatæ sunt.

XIII. Paucis post diebus D. Sauveur Molettrinae cujusdam formam delineavit, quæ vim & celeritatem venti dimeriatur.

XIV. D. De Lagny, qui à die 11 Mensis Decembris anni 1695 jam in Academiā ascitus fuerat, cum Lutetiam venisset, scriptum de accelerato corporum motu perlegit die 16 Junii. Cumque adversus hypothesim ab eo constitutam objectæ ei fuissent D. Mariotte tum hypothesis, tum observationes, die 18 Augusti animadversiones suas in utrasque proposuit, quas hoc loco summam attingam.

Primum quidem id hypothesis loco ponit D. Mariotte globum plumbeum, cujus diametri est 6 linearum 15 pedes intra minutum secundum descendendo percurrere in vacuo, 14 vero in aëre: adeo ut hæc aëris resistentia eo primo temporis spatio unum pedem detrahat.

Ex hac hypothesis quam merè arbitriam existimat D. De Lagny, methodum tradit D. Mariotte, qua spatium decurrendum ab eo globulo quolibet numero secundorum dato inveniat. Quam methodum D. De Lagny ad breviorē & faciliorem calculum revocat. Sit ex. gr. numerus datus secundorum 2, hujus quadratum numerum per $14\frac{1}{2}$ multiplica, prodibunt 58, tum cubi numeri 2, qui est 8, dimidio, nempe 4, subducto ab eo numero 58 restabunt 54, qui numerus est pedum, quos intra duo minuta secunda in descensu suo decurrit globulus plumbeus.

Sic dato numero 10, ejus quadratum 100 multiplica per $14\frac{1}{2}$: summa erit 1450; ex his substrahe 500, quæ est pars dimidia cubi numeri dati 10, restabit numerus 950; tot scilicet pedes intra 10 secunda peragrabit globus plumbeus. Quæ cum tabula D. Mariotte optimè conveniunt. Hanc vero methodum multiplici ratione reprehendit D. De Lagny, & ea præcipuè quod globus ille post 19 sec. & $\frac{1}{3}$, postquam 1806 $\frac{6}{17}$ pedes in descensu peragrat, moti deorsum omnino sit destituendus: cum tamen & montes & fodinæ multo altiores occurrant, atque ex iis gravia quæque corpora decidant. Id vero consequens futurum sic probat: Quod si 20 sec. sumantur, quadratum hujus numeri erit 400; quod ductum per $14\frac{1}{2}$ efficit 5800: ex quo si detrahas 4000, dimidiam partem cubi numeri dati 20, quod restabit, illud erit 1800: adeo ut hic numerus pedum minor sit 1806 $\frac{6}{17}$ quos intra 19 sec. & $\frac{1}{3}$ pila plumbea peragraverat. Sic calculo inito post 29 sec. pila eo confcender, unde incæperat descendere, atque ita motum suum continuaret sursum.

ANN. 1696. Quæ quidem absurda in corporibus levioribus, ut in cera, & subere erunt manifestiora. Nam ex illius tabulis globus subereus 6 lineæ descensu suo cessabit, antequam 38 pedes confecerit. Hæc utique omissa non oportuit, ut accuratiori examini subiciantur, neve errores, si qui obrepserint, inemendati relinquantur.

X V. Eandem ob rationem D. De la Hire die 14 Julii quasdam propositiones hydrostaticas à D. Mariotte ad incudem revocavit. Illud enim fatendum est, quod in ea dissertatione præfatur, difficillimum esse liquidorum vires, cum in seipsa, aut in dura agunt corpora, accuratè definire. Unde multas in Hætonis pneumaticis propositiones ostendit D. De la Hire, quæ defendi nullatenus possunt, ut aliquæ sunt machinæ, quæ si executioni mandarentur, proposito sine fraudarentur. Sic in Opusculo D. Mariotte de aquis nonnulla ejus generis correctione egent. Hujus generis est secunda regula, quam in parte secunda sui operis proponit, ubi nifum & vim aquæ salientis exponit in subjectum receptaculi foramen, simul & æris impulsus.

In quarta regula alteram proponit machinam D. Mariotte, qua salientis aquæ jectus, & ejus vim dimetiri liceat. In utraque propositione universim enuntiari probat D. De la Hire, quod in certo tantummodo casu singulari verum est, Cum etiam ær & aqua duo sint corpora liquida naturæ diversæ, quorum unum comprimi faciliè possit, alterum non item, eorum effectus explicatu sunt difficiliore.

X V I. Neque id mirum si in rebus obscuris partim Physicis, partim Geometricis acerrimo viri ingenio interdum nonnullo errore labantur; cum propositiones, quæ omnium gentium & atatum consensum meruerunt, in dubium veniant, & ex certis, ut videbantur, incertæ admodum fiant. Hujus generis est terræ figura Sphærica, de qua ante nostram ætatem nulla pene fuit dubitatio. Nunc tamen de ea re magna est contentio, quamvis è exposuit D. Varignon die 19 Aug. Cum plerique eam esse Sphæroidis figuræ existiment, ut D. D. Neuton & Hugen, sic tamen ut axis terræ sit brevior diameter, idque ex vi centrifuga, qua gravia quæque corpora à centro motus recedere conantur, D. Hugen colligit. Ac majorem esse nifum illum sub Æquatore, ex pendulorum minori longitudine concludit. Nam diurnus telluris motus, inquit, cum sit major sub Æquatore, quàm versus Polos, de corporum gravitate aliquid detrahit, atque methodo Geometrica quæ sit ratio hujus nifus ad gravitatem absolutam inquirat.

Alii contra axem terræ esse majorem illius diametrum opinantur: adeo ut singuli Meridiani sint ellipticæ figuræ, idque ex variis terræ mensuris à diversis Autoribus allatis colligi posse putant.

Mitto alia complura hujus anni decursu agitata, tum in Musica, cujus novum systema exposuit D. Sauveur, tum in Optica.

X V I I. De accelerato motu gravium dissertationem è scripto recitavit D. De Lagny Mense Junio.

Demonstratio indefinita de centris gravitatis arcus cujuslibet Elliptici, & superficierum, quas isti arcus describunt, cum circa quamvis diametrum

trum vertuntur, propofita fuit à D. Varignon Mense Decembri.

XVIII. Silentio prætermittere non possum examen Libri, cujus titulus est *De Radiis visis & lucis in vitris perspectivis, & de Iride Tractatus Marci Antonii de Dominis*. Id quidem apertiffimè demonstrat D. De la Hite hunc Autorem ea in re prorsus cæcutire, neque adeo id verum esse, quod nonnullis visum fuit Cartesium ex eo Libro suum de Iride systema esse mutuatum. Inscitiæ suæ argumentum præbet in Cap. 3. & 5. ubi contendit visionem fieri in anteriore superficie crystallini humoris; negat ullam fieri refractionem intra oculum; colores prismatis vitrei diversæ ipsius vitri crassitie refert acceptos. Cap. 6. de usu vitrorum tum convexorum, tum cavorum sic disserit, ut se rudem prorsus Dioptricæ, & omnis Matheseos ignarum præbeat. Longior sum, si reliqua velim persequi: & quidem memini legisse in Libro *De Meteoris Liberti Fromondi* hunc Autorem meliorem fuisse Philosophum quàm Theologum, sed veriùs scripisset nec Theologum fuisse, nec Philosophum.

Atque hîc finem imponimus Labori nostro, ex quo non ingenii, non eruditionis, ac ne industriæ quidem, sed obsequii laudem captamus. Deo uni & Trino laus omnis, & gloria ut par est, tribuatur. *Quis est enim, inquit, Aug. Tractatu v i i i. in Joannem, qui considerat Opera Dei, quibus regitur & administratur hic mundus, & non obstupefcit, obruiturque miraculis. . . . Et videmus hæc, & si est in nobis Spiritus illius, sic nobis placent ut Artifex laudetur, non ut ad opera conversi ab Artifice avertamur, & faciem quodammodo ponentes ad ea quæ fecit, dorsum ad Artificem quiescit.*

FINIS.



INDEX RERUM.

A

- A**cademiæ Scientiarum prima Institutio, & quibus de causis à Rege Christianiss. fuerit constituta, *pag.* 2, 3, 4. E quibus Academicis ab initio conflata fuerit, tum Mathematicis, tum Physicis, 4, 5. Quæ prima illius fuerint exordia, *ibid.* 6 & 8.
- Academicorum Opera ante annum 1681 publicata, 197
- Accipiteris, v. *un éturgeon*, descriptio, 66, 77
- Acerosæ analysis maceratione præmissa, 225
- Acidum & Alkali, 15 & 115, eorum pugna, 252, & *alibi passim*, ut 115
- Æquinoctium utrumque Cavennæ observatum, 109, & *alibi saepe* de æquinoctii veri & medii differentia, 181
- Æstus maris variis in locis exploratus, 201 & 202. Illius phænomena, 180, qualis sit Cayennæ, 156
- Æris pondus, 371, 372
- Æris elaterium, 372 & *seq.*
- Alees, v. *Elam*, descriptio, 121
- Alexandriæ latitudo & longitudo explorata, 309
- Algebrae novæ regulæ, 291, & *alibi passim*, ut 233. Opus Algebraicum, 262
- Alimentorum distributio, 138, & *seq.*
- Allii usus, 301
- Alopecias seu vulpes marina, 121
- Alumen, 348
- Anginæ curatio, 355
- Analyses Chymicæ variis modis perficiuntur, 60, 61, ubi de analysi plantarum universim, item 166 & 114.
- Analysis purgantium, & diureticorum, 211
- Antimonii tinctura, 301
- Apogæa & excentricitates Planetarum, 55 & 56
- Apoplexia, 253
- Apii hortensis usus in vulneribus, 345
- Aquarum tenuitas & densitas quomodo explorentur, 90 & 91, 210, 211
- Aquarum mineralium examen & analysis, 14, 24, 25, & *sequentibus*, item *pag.* 90
- Aquæ mineralis per æolipilam erumpentis usus, 177
- Aquæ marinæ salugo quomodo tolli possit, 59, 195, 224. Illius coagulatio, 196
- De aquæ profluentis motu & pressione, 44, & *seq.* De vi motrice aquæ & æris, 47, & *seq.* 262
- Aquæ salicentes qua ratione è purcis profundis educantur in agro Bononiensi, & in Austria, 98
- Aquæ salientis motus juxta fontis altitudinem, & tubulorum latitudinem ad calculum revocatur, 173 & 174, item 262
- Aquæ Stipticæ præparatio 155, item 265
- Aquæ fontium, quæ Versalias

deducuntur, examinata, 210 &

211

Aqua fortis, 346

Aquilatum varia genera & descriptio
128

Astronomiæ utilitas, 34

Arenatum ut facile indurescat, 370

Atmosphæræ altitudo, 374 & 375

Auditus organum, quale sit in pis-
cibus, 169Avis picta, v. *pintade*, 253Avis Africanæ, seu Galli Indici de-
scriptio, 128Avis tardæ, v. *oustarde*, descriptio,
128

Avis regiæ descriptio, 248

Avis Paradisi, 213

Avium volatus, 131

Avium respiratio, 260

In avibus plumarum structura, 131

Auri cujusdam potabilis præparatio,
349

Aurum fulminans, 155

Auri duæ proprietates, 378

Aurichalcum citra lapidem calami-
narem factum, & illius usus, 349
& 350

B

B Arometri diversæ altitudines in
Zona torrida, de die minores,
noctu majores, 206 & 273Barometra hydrargyri & aquæ sunt
inter se collata, 215

In Barometro lumen, 312

Bilis natura & usus, 282 & 283

Botanicæ exercitationes, quales esse
debent, 10 & 11Botanicæ principia, seu elementa,
326 & seq.In Bulbis tulippæ folia & flores con-
tinentur, 155Bulbi lilii cruenti quomodo revo-
ventur, 166

C

C Acao analysi, 247, illius sili-
qua, 236, oleum ex eo edu-
ctum, 345

Calci præparatio, 29 & seq.

Calci saltem inesse fixum, 348

Caloris effectus quidam, 178

Calor in Indis qualis sit, 273. Fer-
rum tundendo incalescit, 301, de ca-
lore, 255

Cameli descriptio, 120, 253

Camphoræ usus, 316

Canalis communicationis in fœtu,
356 & seq.

Cannabi analysi, 155

Canis rabidi morsus, 359

Caphæi analysi, 243

Capillorum structura & vegetatio,
158Capra Lybica, v. *Gazelle*, 121

Carmini color, 345

Casuelis seu avis Indicæ descriptio,
132

Castor seu fiber, 121

Castoreum, *ibid*

Cærulei cineres, 313

Cæruleum artificiale, 314

Cementi durissimi præparatio, 174
& 179

Cercopithecii descriptio, 124

Cervi Canadensis, & cervæ Sardi-
niæ descriptio; 125Cervini cornu natura & origo, *ibid*Chalybis aquæ fervidæ impositi ca-
lor, 255Chalybis, limaturæ aqua perfusæ &
distillatæ analysi, 211 & 212Chameleontis dissectio, cur intumes-
cat & detumescat ad librum, 118
& 119Capillorum structura & vegetatio,
158Charta Geographica juxta recentio-
rum observationes, 310

Crystallini humoris varia conformatio, 319, & *alibi passim.*

Ciconiæ descriptio, 212

Cichoræi silvestris analysi, 253

Coagulationes liquorum variorum, 74

& *seq.* Lactis, albuminis ovi, sanguinis, fellis bubuli, 142, 143

Coagulationis causæ, 78

Alii circa coagulationem experientia, 225

Cochleariæ analysi, 246, 247 & 300

Cocci Baphici, seu Kermes pulvis, 314.

Cocheniillæ grana, *ibid.*

Colocyntidis tinctura, 176. Analysi 166

Columnæ à tympanis coagmentatæ, 369

De coloribus tractatus D. Mariotte, 179. Colores Iridis, *ibid.* & 195

Cometa anni 1677, & illius phenomena, 159

Cometa anni 1680, & illius motus, 197 & *seq.*

Cometa anni 1682, 205

Conchyliæ, & majores conchæ à terra effodiuntur, 235

Congelatio, quædam circa illam facta experimenta, 226

Congelationis causæ, 92 & *seq.*

Cornea tunica, 248

Corvi marini, v. *Cormorant*, descriptio, 126

Criteria, quibus stirpium principia dignoscuntur, 114

Crocodilus, 157 : illius descriptio, 192, & *seq.*

Cunei vires, 308

Cupri inauratio, 35 : viridis color in flamma, 377

Curvarum tangentes, 52

Cycli Solares & Lunares, 185 & *seq.* 245

D

S Erenissimus Franciæ Delphinus anno 1677 Academiam & Observatorium invisit, & eo coram quædam facta sunt experimenta, 154, 158, 162, 169

Dentes elephantis, 192

Dentium formatio, 260

Dentes formati extra uterum, 351

Descensus gravium, 163 & *seq.* item 399

Diametri planetarum qua ratione exploratæ habeantur, 36 & 38. diametri Solis & lunæ, 37, 146

Digestio alimentorum, 350 & 351

Directio projectionum, 162

Dissertatio de Lunæ defectione, 204 & 238

Dissertatio de Solis eclipsi, 231 & 232

Dissertatio de rationibus compositis ex iisdem rationibus, 209

Dissertatio de producenda linea Meridiana ab Oceano ad mare Mediterraneum, 220 & *seq.*

Dissertatio de Saturni satellitibus, 244 ubi de Jovis satellitibus.

Dissertatio de rebus Astronomicis, de sole anni paschatis die, 257, de ponderibus & mensuris, 262

Dissertatio de plantarum vegetatione, 264

E

E Chini, v. *Herisson*, descriptio, 124

Eclipsis Lunæ anno 1668 observata in Monte Martyrum, 41 & 42

Eclipsis Lunæ in Apogæo, 238

Eclipsis Horizontalis, 37. Eclipsi Solis Lutetiæ & Cayennæ observata anno 1672, 108. Aliæ passim Eclipses suis quæque tempo-

ribus designantur ut atno 1693 309,
 anno 1666 , 37
 Eclipsis Jovis & satellitum ejus in-
 terjectu corporis Lunaris , 244
 Eclipses primi satellitis Jovis variis
 in locis observatæ , è quibus lon-
 gitudinum differentiæ sunt erutæ ,
 passim , ut *pag.* 108 Luteriam in-
 ter & Cayennam.
 Effervescencia liquorum , 142
 Elaterii vis , 97
 Elephantis descriptio , 190 : illius
 proboscidis structura & usus , 191
 & 192
 Epochæ aliquot veteres & novæ , 186
 Epochæ Sinenfium , 262
 Ephemerides motûs primi satellitis
 Jovis correctæ , 182
 Erinacci dissectio , 66 & 219
 Eruocarum variæ species , 67 , 68 &
alibi.
 Experimenta quomodo faciendâ , 12
 13
 Experimenta hydrostatica , 209 & 210

F

Febres malignæ , & earum cura-
 tio , 315 , & 387
 Felis odoratæ , v. *Civette* , dissectio ,
 227 & 228 *t*
 Fellis suilli analysi , 247
 Ferrum gelu contractum , 263 & *alibi.*
 Ferri inauratio , 379
 Flammæ phænomena quædam , 376
 & *seq.*
 Fontium origo , 263 & 296
 Fontes quidam singulares , 255
 Fraxinellæ quædam mirabilis muta-
 tio , & illius causæ , 297
 Frigoris varia phænomena , 12 , 92
 cur solam aquam dilatat , 295
 Frontini Liber Gallicè redditus ab
 Academicis , 239
 Fructus quidam Indici grati saporis ,
 250
 Fuliginis natura & principia , 347

illius analysi , 405
 Fulminis ictu adolescentis occisi ca-
 daver apertum , 380
 Fundamenta Observatorii jacta , an-
 no 1667 , 305
 38

G

GAllinæ Africanæ , v. *Pintade* ;
 descriptio , 127
 Galliæ tabula reformata , 207 . 220
 & 233
 Geographiæ progressus , 277
 Geometriæ varia theorematum & pro-
 blemata , 290 , 291 , 187 , 310
 Geometriæ Tractatus , 202 , 208 &
 360
 Gemmæ factitiæ , 378 & *seq.*
 Glacies quomodo concrefcant , 92 &
 93 ; varia circa glaciem experimen-
 ta , 93 & 94
 Glaciei velut officina quædam natu-
 ralis in Comitatu Burgundiæ , 241
 De Gnomonica Tractatus , 209
 Gorreæ latitudo & longitudo , 205
 & 206
 Gravium descensus , 80 & *seq.* 292
 & 293 . Motus acceleratus gravium
 post certum spatium decursum
 cessat , 86 & 87
 Grus seu Geranos , 39
 Gruis Africanæ dissectio , 243
 Gryphi descriptio , 253 & 254
 Gummi gutta ex arbore , 157
 Cyprinus piscis , 254

H

HEronis Alexandrini de spirita-
 libus Liber examinatur , 266
 Hæmorroidarum sanatio , 355
 Heilbronæ anno 1689 novum phæno-
 menon visum , 259
 Historia animalium anatomica gene-
 ratim , 115 & 116
 Historiæ plantarum prodromus , 111
 Horologium oscillatorium Hugenii ,
 100

- Horologium portatile *passim*, cum pendulo, 189. Aliud novum, 240
 Hydrargyri usus, 315
 Non induratur plumbi fumo, 141.
 Illius in Barometro suspensio, pro varia altitudine loci, 106
 Hydropis curatio, 259 & 264
 Hydrostatica experimenta, 209, & *alibi passim* theorema hydrostaticum cum sua demonstratione, 361
 Hydrocephali dissectio, 170
 Hypochondriaci morbi curatio, 355
 Hyena, v. *Civette*, 122, 161
 S. Hyppoliti Canon Paschalis, 350 & *seq.*
 Hystricis, v. *Porc-épic*, forma corporis exterior, lingua, pellis, aculeorum figura & origo, 124
 227, pancreatis ductus, 283

I

- I** Actuum in aquis salientibus differentie quomodo dignoscantur, 174, 202
 Ibis descriptio, 212
 Icterus, 264
 Intestinorum motus peristalticus, 138
 eorum conformatio, 139
 Insula S. Thomæ, 205
 Insecta quæ malis aureis insident, 275
 Jovis satellites *passim* novæ in Jove maculæ & fasciæ, 160, 171, 266
 275, variaz earum mutationes, 276 & 277. Insignis macula in tertio Jovis satellite, 171 & 209
 Jovis revolutio circa suum axem, 171, & *alibi passim*.
 Jovis Eclipsis, 181
 Jovis satellitum eclipses, & earum usus, 181, 182, 183, & *alibi*.
 Iris ex omni parte rubea, 263. Angulus Iridis, 189. De Iride Tractatus editus, 176
 De Isoperimetris figuris demonstrationes, 262
 Juniperi essentia, 381
 Jupiter ellipticæ figuræ visus, 278
 L
 Actis analysis, 212
 Lacerti Indici exuviaz, 213
 Lacus Huronum actu reciproco agitur, 184
 Lacerti viridis cauda resecta renasci visa est, 243
 Lacertus Siamensis dictus *Toquete*, 255
 Lactucæ silvestris analysis, 217
 Lappæ folia adversus venena, 177
 Lapidum concretio, 18
 Lapidum concrectiones in aqua ductibus, 247
 Lapis Indicus qui vulnera sanare perhibetur, 215
 Lapidis Bononiensis calcinatio, 247
 Leonis & Leæne anatomie, 116, 117, & *alibi*.
 Leonis partes interiores felium visceribus non absumiles, 116. Illius cystis fellea, 265
 Ad Libellam exacta magna terrarum spatia inter Ligerim & Versalias interjecta, 146, 165
 Libellandi ars, 99
 Libellæ structura, 100, & *alibi*, ejus usus, 146
 Librationis motus in Luna, 147
 Libræ quoddam genus singulare, 147
 Linea Meridiana in Ecclesia S. Petronii Bononiæ nihil mutata, 365
 Liquoris ex hydropicoeducti analysis
 Experimenta quædam circa liquorum effervescentiam & coagulationem, 142
 Liquorum æquilibrium, 279
 Locustæ Poloniæ, 265
 Longitudinum arcanum propositum & discussum, 42, 43, 144, & *alibi*.

- Longitudinum differentia** qua ratione haberi possint à viatoribus per Eclipses primi satellicis Jovis, etiamsi observatio alio in loco facta non fuerit, & varia ejus rei exempla, 219 & 220
Longitudines & latitudines aliquot urbium Armoricæ & Normanicæ, 201, 202
Longitudines & latitudines quarundam urbium Provinciæ, & circa utriusque maris littora, 207
Aliquot Insularum in America longitudes, 206
Ludovicus M. Academiam invisit anno 1681, 196, & 197, & Observatorium, 205
Lutetia à primo Meridiano distat 20 gr. cum semisse, 365
Lumen recens detectum secundum Zodiacum porrectum, 218
Lumen in frusto carnis agnina, 156
Lupus cervarius, 244
Lutræ dissectio & descriptio, 121 & 122
- M**
- Machina pneumatica, & varia in ea facta experimenta,** 57, 58, 250, 295, 313
Machina emolliendis ossibus destinata, 195
Machina Planetaria D. Roemer; altera Lunæ motibus dimerendis; tertia D. De la Hire ad Eclipses invenendas, 187
Machina qua rudentes navium sistuntur, 240
Machinarum typi, 39
Machinatricis opus jussu Regis Christianiss. susceptum, 147 & seq. Operis forma designata, 148. Variæ machinæ propositæ, 152
Macrocephali infantis descriptio, 214
Maculæ Solis, 170, 171, 230, 237.
- earum revolutio;** 407
Magnetis Theoria ab Hugenio expofita, 235
Magnetis variæ declinationes, 179
238, 239, 249, & 257
Magneticæ rupes, 255
Magnes è ferri rubigine procreatus, 274
Malaca, 273, illius temperies.
Marcastia vitriolicæ & cupræ, 17
18, 242
Martis maculæ, 96, 184
Martis diameter, illius parallaxis, 105, cum atmosphærâ cingi justa suspicio, 106
Massilæ longitudo & latitudo, 289
De Mechanica animalium tractatus, 184
De Mechanicis Tractatus, 361
Mercurius in Sole visus, 159, 160 postea Cantonii in regno Sinensi, & Norimbergæ: unde longitudinum differentia, 307
Meliæ Insulæ longitudo & latitudo, 309
Mellis origo, 167
Melo carduus, 154
Metalla in igne colores suos produunt, 377
Meridianæ linæ ab Oceano ad Mediterraneum mare producendæ ratio, 220, 221, & seq. 233
Micrometri origo & usus, 36
Microscopii novi varia phænomena, 176, 177
Muris odorati dissectio, 227
Musculorum motus, 388, & seq.
Myopum variæ affectiones, 317, 318
- N**
- Narium structura,** 169
Navium fabrica quædam singularis, 169 & 202
Naves à diffractione tutiores, 174
De arte navig. Liber examinatus, 46

Circa nivem quædam observationes,

258

Nitri vapores, 382

Noctæ analysis, 166

Numerorum certa progressio & insignes ejus proprietates, 188

Nutritio plantarum, & succi nutritii ascensus, 298 & 299

O

Observatorium Regium, 101

Observatorium à Rege M. B. inauguratum anno 1690, qui instrumentorum & machinarum apparatus illustravit, p. 266 usque ad p. 172

Observationes in Indicis regionibus factæ, 272, & alibi passim, ut 277. In Sinensi regno factæ, 307 308

Observationes Astronomicæ in plagis Orientalibus factæ, 277

Observationes in Dania factæ, 102 Cayennæ, 107

Observationes factæ anno 1696 circa Planetarum conjunctiones, 344

Observationes factæ in mari Mediterraneo, 394, & 399

Oculus Struthionis, 248, 274

Oculus felis in aquam demersus, 228

Olei è plantis extracti foetidi analysis per iteratas distillationes facta, 140, 287, 380

Opii usus, 177, 316, 386, 387

Opices præcipua theoremata, 316, 317, & seq.

Organorum inversio in militis cadavere, 261

Otus, seu Numidiæ puella, & ejus dissectio, 129

Ovalis foraminis in særu usus & structura, 302, & seq.

Ovales figuræ Cartesii demonstratæ per analysim, & citra analysim, 397

P

Palanga, v. *Rondeau*, 245

Palmarum truncus cum radice in lapidem conversus, 286

Palpebræ interioris in avibus structura, 133, 134, 248, 388

Palpebræ superioris tres musculi, 248

Paludosa loca in quibusdam Germaniæ locis attolluntur, 214

Parallaxis Martis & Solis, 230

Parabolarum amplitudines in projectionibus exploratæ, 162, 163

Parheliæ nova phaenomena, 294

Parietariæ herbæ adhaerent cimices, 265

Pantheræ descriptio, 180

Pellicani pellis respersa cellulis, illius avis descriptio, plumarum radices & fibræ earum motus, 283, 284

Penduli longitudo Cayennæ brevior quam Lutetiæ, 110, 156, idque in Zona torrida ubique observatum, ut in Antillis, 206

Cairi in Ægypto, 395

De percussione vi Tractatus, 97

Phosphori effectus quidam singularis, 202, illius varius effectus, 204, 285, 286

Phœnicopteri, v. *Flamand*, descriptio & dissectio, 213

Phocas, seu vitulus marinus, 125

Pici, v. *un Piver*, lingua, & ejus artificium, 351, & seq.

Pisciculus, qui est instar Barometri, 244

Concursus Planetarum, 393

Planisphaerii D. Cassini descriptio, 172, 186

Planisphaerium terrestre in Observatorio, 220, illius usus, 208

Plantarum vires, 113, 114, analysis, *ibid.* & 287, principia, 29, earum vegetatio, 263, 264, 298 299, utrum germinet in vacuo, 299, 300

Plantarum

- Plantarum in sua genera divisio ; 329
 & *seq.* Natura & usus , 336 ,
 113 , 114
 Plateæ , v. *Palette* , dissectio , 180
 Pleiadum constellatio , 289 , & 306
 Plumarum textura & usus , 131
 Pluviarum in Indiis stara tempora , 273
 Pluviæ quotannis quantitas , 274
 296 , 376 , earum exhalatio , 297
 De ponderibus & mensuris , 262
 Pondus æris , 570 & *seq.*
 Pontis fluvio impositi & portatilis
 constructio , 257
 Pontonis structura , 311
 Porphyrio , seu Gallina Sultana ,
 213
 Porcellanæ genuinæ characteres &
 notæ , 313
 Presbyterum affectiones , 320
 Problemata quædam Mechanica , 173
 279 . Alia Geometrica , 39 , 147
 & Algebraica , 291 , Problema
 Architecturæ utile , 369
 Problemata indeterminata nova me-
 thodo resolvuntur in numeros , 397
 Projectionum doctrina , 162 , 163
 Experimentum circa projectionum
 directionem in Observatorio coram
 sereniss. Franc. Delphino factum , 163
 Pyramidum Ægypti situs & mensu-
 ra , 395

Q

- Q**uadratura Conchoïdis , 396
 Quadratura Cochleæ seu Li-
 cis , *ibid*
 Quadratura novi generis spitalis , &
 illius tangentes , 397 , & novæ
 hyperboles quadratura , 166

R

- R**anæ pellis structura , 228
 Regula cuprea dimetiendis aquæ
 salientis jactibus , 234

- Refractiones , 107
 Refractionum aquæ & glaciei disse-
 rentia , 295
 Refractionis causæ , 160 , & 161 . De
 refractionibus dissertatio ab Hugenio
 composita & edita , 175
 Refractiones Siderum diligentius ob-
 servatæ , 107
 De regimine sanorum & ægrotorum
 Tractatus , 177
 Respiratio in homine quomodo per-
 ficiatur , 307
 Respiratio in fœtu , 302
 Respirationis organa in avibus , 132
 133 , in testudine , 135 , 136 , 303 ,
 304 , 305 .
 Rheumatismi curatio , 300 , 316
 Rosarum gemmæ incisionibus & con-
 tusionibus medentur , 265
 Rotæ majores in vesturis an sint mi-
 noribus anteponendæ ? 39
 Roquencurtii & aliorum fontium a-
 quæ Versalies deductæ , 146 , 242
 E rudetibus spiritus nitri extrahi-
 tur , 384

S

- S**acchari quoddam genus ex Ace-
 re , v. *Erable* , extractum , 235
 Salis communis analysi , 16 , 17 ,
 155
 Salis communis in salem-petræ con-
 versio , 155
 Sal anomalus Boylei , 15
 Salium acidorum natura , 346 , & 347
 Sal vegetalis , *ibid*
 Salis volatilil cum spiritu salis mix-
 tio , 203
 Sal quidam ferrum penetrans citra fu-
 sionem , 340
 Salis Ammoniaci compositio , & pro-
 prietates , 382 , & *seq.* Hic sal
 plantis , & terræ inest , 384
 Salivæ natura , 249 , & 252
 Sanguinis transfusio , 19 , & *seq.*
 Fff

- Sanguinis in fœtu circulatio, 356 & *seq.*
 Sanguinis humani analysis, 226
 Sanguinis variæ coagulationes ex liquorum injectu, 88
 Sapores, 114
 Saturnum circa suum axem verti verisimile, 217
 Saturni quædam phænomena, 216, 217 & 218
 Saturni & Jovis conjunctio, *ibid*
 Saturni cum stella fixa conjunctio, 288
 Saturni eclipsis ex Lunæ interjectu, 170
 Nova in Saturno fascia, 217
 Saturni duo satellites minutiores detecti anno 1684, eorum periodi, 229, quinque satellitum Saturni systema, *ibid.* Illud in machina expressum, 172
 Satelles Saturni inventione secundus, sed quintus ordine fuit observatus anno 1671, Saturni annulus, 183
 Satellitum Jovis variæ configurationes, 145. Primi satellitis immersionum summa longior summâ immersionum: hinc quæstio orta de luminis propagatione, *ibid.* Primi satellitis motus, 183
 Eorum satellitum systema & maculæ, 171
 Scirus Mexicanus, *écureuil*, 235
 Scorbuti curatio, 300, 196
 De Sectionibus conicis tractatus elucubratus, 202, & *alibi.*
 Simiarum genera & dissectiones, 124, 125
 Solis insignis macula, 184, illius motus in figura delineatus, 171
 Sol in utroque Æquinoctio Cayennæ observatus, 109
 Solstitium utrumque Cayennæ observatum, 107
 Solstitium hyemale anni 1696, 393
 Soni propagatio, 242. Illius quædam affectiones, 196. De sono Tractatus editus, 167
 Spadi piscis ensis, 254
 Speculum cavum & vitreum comburens, 249
 Speculum planum Telescopio aptatum, 172
 Speculi ustorii varii effectus, 141, 178, & *alibi.*
 Spiritus acidi nihil sunt præter sales volatiles phlegmate dilutos, 346, & *seq.*
 Sputi sanguinis curatio, 177
 Stella prima Arietis duplex, 172
 Stellæ quædam qualibet hora dici vise, 218, 219
 Stellarum refractiones eadem sunt de die & de nocte, *ibid*
 Variæ in Stellis fixis mutationes, 363 & *seq.*
 Stellæ Polaris à Polo mundi varia distantia, 309
 Stellarum situs explorati, 35
 Stellæ quæ cor Scorpionis dicitur cum Luna conjunctio, 307. Stibii Cinnabaris, & illius usus. Stranguria, 228
 Strumarum curatio, 177
 Struthionis, v. *Auruche*, quædam singularia, 282, illius descriptio, 130, 131
 Stibii, seu antimonii vitrum vi emetica exurum, 385, & 386
 Succus plantarum an circuletur? 62 & *seq.*
 Succu nutritii in plantis ascensus, & illius causæ, 298
 Suis quoddam genus singulare in Cayenna, 157
 Sycomori succus, 258

T

- T** Abulæ Geographicæ ex variis observationibus correctæ, 182
 Sinenfis regni Tabulæ, 277
 Tartari natura & analysis, 381
 Telescopium duobus vitris convexis instructum, quando inventum, 366

R E R U M

| | | | |
|-------------------------------------------|-------------------------------|--------------------------------------|-------------------|
| & 367. Nova ratio expoliendi vi- | Vegetatio plantarum in lagena | 411 | |
| tra majora, <i>ibid.</i> Tractatus de Te- | occlusa, | 142 | |
| lescopia, | 189 | Vegetatio seminum in machina pneu- | |
| Terebynthinæ analysis, | 252 | matica, | 299 |
| Terræ dimensio incæpta anno 1669, | | Venæ lactæ defunt in avibus, ac | |
| 98 & <i>seq.</i> | | chylus per venas Masaraïcas ad he- | |
| Terræ tremor anno 1682, | 215. | par deducitur, | 169 |
| rri ejus effectus. | | De venenatis morsibus, | 301 |
| Terræ motus qui Smyrnæ accidit an- | | Veneris & Solis conjunctio, 278, 290 | |
| no 1688, | 256 | Venus cum Sole in eodem parallelo, | |
| Terrarum analysis, | 141 | 199 | |
| Testudinis terrestris descriptio, | 135 | Veneris eclipsis à corpore Lunati, | 290 |
| Testudo marina, | 236 | illius nodi, | 291 |
| Circulatio sanguinis in testudine, | 358 | De ventis, | 157, 243, 273 |
| Testudinis respiratio, pulmonum & | | Ventriculi animalium structura, | 139 |
| cordis structura. 303, 304, & 305 | | ejus fermentum, | 283 |
| Thermarum calor, | 21, 314 | Ventricis tormina, | 306 |
| Tigris, | 180 | Verrucarum curatio, | 235 |
| Tormenti bellici recessus, 215, cur ali- | | Vesicæ structura, | 160, 261 |
| quando pars pulveris pyrii non in- | | Venti in Antillis, | 157 |
| flammata erumpat, | 235 | Vesuvii incendium anno 1694, | 313 |
| Transpiratio, | 387 | Vini analysis, | 381 |
| Trigonometriæ supplementum, | 311 | Viperæ anatome & venenum, | 284, |
| Tritici tubulus die 23 Martii visus mi- | | 301, 302, & <i>seq.</i> | |
| croscopii ope, in eo nodi, culmi | | Visûs organum retina, an Choroï- | |
| & spica erant inchoata, | 167 | des? | 69, & <i>seq.</i> |
| Tropicorum distantia, | 108 | Visûs variæ affectiones, | 317 |
| Tubo Optico speculum planum ad- | | Vitri præcipua vitia, 379, 34, 384, | |
| ditum, & quis sit ejus usus, | 172 | 385 | |
| Tractatus de tubo Optico, | 189 | Vitrum quoddam singulare, | 249 |
| Tubi Telescopii nova fabrica, | 399 | Solutiones vitri, | 384 & <i>seq.</i> |
| Tuborum per quos aqua delabitur, | | Vitriconvexi quædam phenomeua, | 198 |
| quæ sit resistentia, | 209 | Vitulus marinus, | 123 |
| Tuberculi, v. <i>loupe</i> , curatio, | 38 | Volatus avium, | 131 |
| Tulippæ bulbus die 17 Novembris | | Vranoburgi latitudo, 103. Observa- | |
| in suo germine folia, flores & sta- | | tiones ibi factæ, | 104 |
| mina includere visa, | 155 | Urinæ analysis, 252, ex acido & al- | |
| | | cali constar, | <i>ibid.</i> |
| | | Urinæ arenulæ, | 259 |
| | | Urû Historiâ Anatomica, | 120 |
| | | Vulnerum curatio, | 265 |

V

V Alvulæ in venis, cui sint usui,
139

V

Alvulæ in venis, cui sint usui,
139

Dulam
12.52





